




XII  
E  
42









DE JURE DIVINO  
ET NATURALI  
CIRCA USURAM  
LIBRI SEX

In quibus adversus Hæreticos usurarum patronos,  
cum recentes, tum antiquiores, catholicum  
præsertim dogma fuisse defenditur.

*Premittitur præfatio cum historia de origine, auctoribus,  
& varietate hæresis impugnanda, unde contra  
istam magnum vel ex novitate  
præjudicium exsurget.*

TOMUS PRIMUS.



BONONIÆ MDCCXLVII.

---

Apud Thomam Colli ex Typographia S. Thomæ Aquinatis.  
*Superiorum permisso.*



# Typographus Lectori.



*I forte miraris , Amice Lector , Opus hoc a praestantissimo Viro Petro Ballarino Veronensi Presbytero jam usque cœptum anno 1743. , perfectumque proximo inente 1744. , tam sero editum ; summamque optimorum hominum expectationem , quibus liber iste avidissime expetebatur , diutius , quam par erat , dilatam ; Scito , id minime de industria factum , sed casu , & fato nescio quo , accidisse ut tardam lucem aspexerit . Cum enim Opus suum misisset Auctor ad Eminentissimum Cardinalem Lucinum , Romana Inquisitionis tunc temporis Generalem Commissarium , a quo etiam atque etiam ut illud omnino ageretur hortatus fuerat , & saepe item incitatus , ut , ceteris quoque sepositis curis , quam citissime perficeret : cumque ipsius Praesulis jussu liber adhuc esset sub censura Theologorum , ut denique typis mandaretur ; accidit forte sub initium anni 1745 , quod egregius Cardinalis vita cessit , ejusque morte consilia cuncta de edendo in Urbe libro dissoluta sunt . Nonnulli vero de litteraria Republica optime meriti , quibus tam utiles Auctoris labores latere iniquum videbatur , ab Heredibus Cardinalis Lucini li-*

brum impetrarunt ; dederuntque operam ut Bononiam ad me transmitteretur meis typis edendus , impensarum onus ipsi mecum subituri . Ego vero antequam animum inducerem , consilium postulavi abs humanissimo , doctissimoque viro F. Vincentio Thoma Covio Ordinis Prædicatorum , in Bononiensi Archigymnasio Sacra Theologia Professore publico , num ex re esset negotium capeffere . At ipse curis distentus plurimis cum excurrere librum non posset , ex me autem editio subita exquireretur , placuit eorum investigare iudicium , qui Roma perlustraverant : ex quibus plane cum per litteras compertum fuerit , quas modo subijcimus , optimum esse librum , utilemque , & prælo dignum , editionem statim aggredimur . Cudebatur itaque Opus , & jam ad exitum properabat ; cum insperato Auctor ipse per epistolam poscit , non intermitti solum editionem libri , sed prorsus aboleri ; id rogat , id efflagitat : nempe hoc unum deerat fati , ut ita dicam , hujusce libri , ut parentem ipse suum adversarium haberet . Sed fortunate , quod importune tam grave obortum est impedimentum . Sic igitur , Amice Lector , post varios casus , post tot discrimina rerum , tibi denique advenit expectatum Opus , sero quidem , non inficio ; sed moræ tadium voluptas , ut spero , præstantissimi Operis compensabit . Vale .

V

*Præstantissimis Viris Admodum Reverendis Patribus*

FR. ANTONINO BREMONDO

Ordinis Prædicatorum, Casanatensi Theologo, & Reverendissimi P. Generalis  
Galliarum Profocio,

NEC NON

FR. PIO THOMÆ SCHIARA

Ejusd. Ord., Casanatensi Bibliothecario,

FR. VINCENTIUS THOMAS COVI

Ejusd. Ord., in Bononiensi Universitate Lector Publicus  
S. D.

**D**E vestra Adm. R.R. P.P. benignitate securus, prætermisissis quæ plane debueram verborum officiis, ne plusquam negotium fert molestus sim, ad rem statim venio. Thomas Colli Bononiensis Typographiæ nostræ S. Thomæ Aquinatis Typographus ingens quoddam autographum mihi attulit; ipsi, ut quamprimum suis typis ederet, a Viro, ut aiebat, maximæ authoritatis isthinc missum. Frons Libri: *De jure divino, & naturali circa Usuram, Libri sex, in quibus adversus Hæreticos usurarum patronos, cum recentes, tum antiquiores, catholicum præsertim dogma fuisse defenditur &c.* Ad aggrediendam editionem consilium, & opem postulabat meam; quam ut impensius alliceret, pro certo suadebat universum Opus, commissione habita ab Eminentissimo Lucino fel. mem. Card. amplissimo (cui, ni invida morte sublatu fuisset, cordi erat impensis suis publici juris facere) a Vobis præclarissimis Viris visum, probatum, ac magnopere laudatum. Cui ego tum ejus petitioni me illico adhæsurum statui, & pro viribus meam navaturum operam, cum per Vosmetipsos certior fierem idipsum esse constans vestrum de prælaudato Opere judicium. En qua de causa Vobis Eruditissimis Viris scripserim, & unius exempli litteras uni, & alteri dederim. Quid porro ab ingenuitate, humanitate, & sapientia vestra innixe rogem, & vehementius expectem, quin plura subdam, facile intelligitis. Quid vero deliberaturus sim, ex optatissimis Responsis vestris firmissime & ego intelligam. Valet Viri litterariæ Reipublicæ optime meriti. Valet.

Bononiæ pridie Nonas Januarii MDCCXLVI.

R.A.

FR. ANTONINUS BREMOND EJUSDEM ORDINIS S. P. D.

**D**Eliberas mecum, fit, necne, prælo-committendum Opus Bononiam. Roma delatum, cui titulus: *De Jure Divino, & Naturali circa Usuram*? Enimvero cogitans quam sit magnum typis aliquid evulgare, quod & semper, & cuique cordato placere possit, qua es prudentia, rem cum multis tractandam censes, quæ omnium commodo cedere debeat. Hinc quid ipse sentiam rogas. Obsequor. Quæ mea sit, paucis accipe. Expertus usu didici, quod faciendi aliquid, vel non faciendi, vera plerumque ratio, cum hominum ipsorum, tum rerum etiam, ac temporum conditione initur. Id si Tibi probetur, habe ante oculos quæ sit hujus ævi nostri, quæ Operis, quæ hominum ipsorum conditio. Quod tempus spectat, vix, ac ne vix quidem reperire erit opportunum magis, ac idoneum. Scilicet, sapius repressæ, miras per artes rursus oriri non ita pridem tentarunt Usurariæ fraudes. Ad hæc impius grex Janfenistarum cum Calviniano jam conspiravit ad Catholicorum perniciem. Crescit in dies fœditas. Latius serpit erroneæ pravitatis lues. Incautos tentat, opprimit, perdit. Efficax præ manibus habes, ac singulare remedium. Quidni adhiberes? Et quidem scis, opinor, quod Opus, cujus hic mentio, egregium est, nec modo temporibus nostris, sed ipsis Theologicis disciplinis ornamento futurum. Quam præclare scriptum! Quam diligenter! Quam perite! Quantum ibi Divini Juris & Naturalis! Quantum rerum! Quantum antiquitatis tenet! Vera profert. Disputat subtiliter. Urget. Ipsosmet repugnantes ducit, impellit, ad extremas incitas adigit, vincit. Vides quam avidis oculis illud olim perlegerim, quod impræsentiarum memoria repetere dulce sit, ac jucundum. Jusserrat Cardinalis amplissimus Lucinius noster. Opus illud diligenter expenderam. Typis ederetur ita peroptabat, ut si vita comes fuisset, jam publici juris esset. Hinc tuis obversetur oculis decus illud, & ornamentum gentis nostræ. Audias Lucinium, quo Cardinale nihil firmitus, nihil verius. Admonet ipse, rogat; facias quod ipse fecisset. Lucinio probe notus erat Operis Auctor, qui, cum nihil ad ostentationem, sed ad conscientiam referat omnia, nomen siluit, & cognomen. Ipse, si nescis, vir est clarissimus, ac pro veritate firmissimus, D. Petrus Ballarini, Sacerdos Veronensis, qui jussu Lucinii scripserat, ut ab eodem Cardinale sapius audiui. Locupletissimus ea de re testis eruditus noster Pius Thomas Schiara, Bibliothecæ Casanatensi Præfectus, quem probitas ornat. Alter ipse, quem Lucinius Operis censorem habere voluit. Audisti quid ipse sentiam, quid conditio temporis, quid Operis præstantia, quid Lucinii Cardinalis auctoritas deponat. Scio quem animum, quod horret ingenium. Superest quod opus sit factò videas ipse. Vale. Romæ Kalendis Februarii MDCCXLVI.

FR.

## FR. VINCENTIO THOMÆ COVIO

Ord. Prædic., Sacræ Theologiæ Publico Bononiæ Professori,

## FR. PIUS THOMAS SCHIARA

Ejusd. Ord., Casanatensi Biblioth. in Urbe Præf. S. P. D.

**G**RATA mihi admodum, jucundæque litteræ, quas a te proxime accepi. Lætatus enim sum magnopere, adversus scænebre malum, brevi, ut significas, proditurum in lucem egregie conscriptum Opus, de quo fa-teor tibi jam pene desperaram. Nempe ex te intelligo illud ipsum esse, quod a me perlectum, Lucinii nostri claræ memoriæ Cardinalis iussu, cum illi probassem maxime, ac pro merito extulissem multis laudibus; accepisset autem meo consentiens esse iudicium gravissimum Bremondi nostri; impensis ipse suis mox edendum constituerat. Sed maximo interim malo nostro, nec parvo sane Reipublicæ, erepto nobis amplissimo Cardinali, ea deinceps evenerunt, ut perpetuo velut additum carceri, oblivioni traditum illud, sepultumque putarem. Nunc vero cum, favente Deo, ad manus devenisse tuas, atque Eminentissimi Viri de eo consilium recepisse te, nuncias; ut mirum in modum gaudeo, ita & tibi quam maxime gratulor. Sumpstisti quippe tibi rem præclaram, magnæque, uti spero, in Ecclesiam, atque Rempublicam utilitatis. Nosti enim Calvini, Molinæi, Salmasii, aliorumque id genus, & novissime Nicolai Broederseii commenta ita e mentibus hominum, etiam integerrimorum, oblitterasse notionem morbi, perversamque naturam, ut Usurarum lues, quasi non innocens modo, sed & utile, piumque publicæ remedium necessitati foret, pervaserit Europam prope omnem, atque imprudentes etiamnum plerisque fallat, ac polluat. Bene autem memini quam tuto in loco ponat doctissimus Ballarinius, quantaque in luce, constantem Patrum, & Theologorum, atque adeo Ecclesiæ hac in causa sententiam; doceatque perspicue, ut graviter, nervoseque confirmet, prava omnino in hæresi, damnataque veritari novos istos homines, qui Usuram quantumcunque, atque ut ajunt moderatam, aut negotiatorum, injustitiæ omnis, vitiique expertem esse contendunt. Hanc tu porro doctrinam qui vulgare studes, cum tibi tuam, gravissimoque Auctori magnam laudem, tum vires fument in dies malo medicinam paras longe saluberrimam. Itaque mactæ animo, & rem matura; curaque ut qua fieri potest elegantia, & nitore e prælo Opus prodeat, cum optimis quibusque, ut ego quidem censeo, comparandum; cupiditati certe, projectæque hoc etiam in negotio nostrorum temporum licentiæ coercendæ maxime accommodatum. Vale. Ursum, Pazzaliam, Fratremque meum ut salutes velim, meis verbis. Etiam Vale. Romæ Idibus Februarii MDCCCXVI.

Vidit

Vidit D. Aurelius Castanea Clericus Regularis Sancti Pauli , in Ecclesia  
Metropolitana Bononiæ Pœnitentiarius, pro SS. D. N. Benedicto XIV.  
Archiepiscopo Bononiæ.

Die 2. Novembris 1746.

Excellentissimus D. Hercules Maria Zanotti Sac. Theologiæ Doctor Col-  
legiatus, & Canonicus Perinsignis Colleg. Basilicæ S. Petronii Civitatis  
Bononiæ videat pro Sancto Officio, & referat.

Fr. Thomas Maria de Angelis S. Officii Bononiæ Generalis  
Inquisitor.

Die 29. Decembris 1746.

Ut muneri, quod mihi mandatum fuit a Reverendissimo Patre Inquisi-  
tore, cujus plurimum apud me valet, & apud omnes valere debet au-  
thoritas, satisfacerem, Librum hunc summo studio, ac ingenio elabo-  
ratum, cui titulus: *De jure divino, & naturali circa Usuram, Libri  
sex, in quibus adversus Hæreticos usurarum patronos, cum recentes, tum  
antiquiores, catholicum præsertim dogma fuisse defenditur &c.* perlegi, &  
quo diligentius ad hanc gratissimam, & perutilem lectionem me contu-  
li, eo magis reveritissimi, & in theologicis scientiis peritissimi Authoris  
doctrina juxta catholicæ fidei dogmata, & certissimam morum regulam  
me in hujus Operis approbationem traduxit; propterea hunc Librum in  
lucem edi, & typis mandari posse probavi, si ita ad quos pertinet  
visum fuerit.

Ita Ego Hercules Maria Zanotti Doctor Theologus Collegiatus,  
& Perinsignis Basilicæ S. Petronii Canonicus.

Die 30. Decembris 1746.

Attenta supra posita attestatione.

IMPRIMATUR.

Fr. Thomas Maria de Angelis Inquisitor Generalis S. Officii Bononiæ.

IN-



# INDEX MATERIARUM,

Quæ in sex Libris de Jure divino, ac naturali  
circa usuram continentur.



## LIBER PRIMUS.

*De mutuo, unde usura nascitur.*

- |   |         |
|---|---------|
| Cap. I. Mutui natura exponitur.   | pag. 1. |
| Cap. II. Errores circa propositam mutui naturam.  | 5.      |
| §. I. Error popularis refellitur.   | ibid.   |
| §. II. Error quorundam patronorum usuræ, nec non Theologi recentioris.  | 6.      |
| §. III. Argumenta pro eodem errore allata refelluntur.  | 7.      |
| §. IV. Alius error circa mutui naturam rejectus.  | 11.     |
| Cap. III. De proprietatibus mutui.  | 12.     |
| §. I. De domini translatione in mutuo.  | ibid.   |
| §. II. Num in mutuo fiat alienatio. Salmasii sententia alienationem negans, translationem domini confirmat.   | 14.     |
| §. III. Quid sentiendum sit de sententia alienationem negante. Magis magisque confirmatur translatio domini, & vera alienatio corporum in mutuo. De distinctione inter corpora, & quantitatem, cui Salmasius innititur. | 15.     |
| §. IV. Aliæ proprietates mutui.   | 19.     |

## LIBER SECUNDUS.

*De usura, quoad jus divinum in genere.*

- |  |     |
|--|-----|
| Cap. I. Ratio tractandi de divino jure, ac de separandis quæ ad jus divinum, & dogma non pertinent.                            | 21. |
| Cap. II. De perpetua, atque constanti usuræ notione in Scriptura, ac traditione, unde jus divinum circa usuram statuendum est. | 23. |
| §. I. Ea notio, quæ omne lucrum ex mutuo, sive magnum, sive minimum, usuræ nomine complectitur, quam necessario statuen-       | da  |



- da, ut non minus hæreticorum error solum lucri excessum damnantium, quam vulgare quorundam præjudicium revincatur. 22.
- §. II. Ea usuræ notio ex veteri, & novo Testamento ostenditur. 23.
- §. III. Eadem notio ex traditione statuitur. 25.
- §. IV. De Theologis, & Canonistis. Posteriorum Pontificum Romanorum decreta. Horum vindiciæ. Concluditur de catholico dogmate circa notionem usuræ, quæ non in solo excessu, sed in omni accessione supra sortem collocanda est. 27.
- Cap. III. De usuræ prohibitionem ex veteri Testamento. 29.
- §. I. Proponuntur testimonia ex Pentateuco. ibid.
- §. II. Quid vox alieni in Deuteronomio significet. Si omnes alienos comprehendit, non approbativa illa est, sed permissiva. ibid.
- §. III. Verius solos Chananæos voce alieni indicatos ex peculiari-  
bus Mosaycæ ætatis circumstantiis monstratur. 30.
- §. IV. Ea Deuteronomii lex usuram cum alienis permittens tandiu  
valuit, quandiu Chananæi hostes fuerunt Hebræorum. Hinc in  
sacris posterioribus libris nulla inter alienum, ac fratrem dis-  
tinctio; Usura universim vetita. 33.
- §. V. Origo, & ratio Rabbinica interpretandæ vocis alieni de om-  
nibus alienigenis exponitur. Confirmatur exinde nostra in-  
terpretatio, nec non aliorum Rabbiorum testimonio. 37.
- §. VI. Quamcunque alieni interpretationem adversarii sequantur,  
propositum nostrum nihil lædit, sublata per Evangelium omni  
distinctione inter alienos, & fratres. 38.
- Cap. IV. De confirmata per Christum usuræ prohibitionem in illo  
Evangelico: Mutuum date, nihil inde sperantes. 39.
- §. I. Conatus adversariorum in eripiendo, ac distrahendo hoc Evan-  
gelico testimonio. ibid.
- §. II. Interpretationes Evangelici textus duæ proponuntur maxime  
literales. 40.
- §. III. Utraque interpretatio veterem usuræ prohibitionem a Christo  
confirmatam evidenter profert. 43.
- §. IV. Cur opus non fuerit expressiore usuræ prohibitionem. Evan-  
gelica perfectio antiquæ prohibitioni addita, etsi sapius consilii  
sit, usuræ tamen prohibitionem ad consilium non redegit. 45.
- Cap. V. Confirmatur superior Evangelici textus interpretatio ex  
confessione ipsius Claudii Salmasii. Responsiones ejusdem ina-  
nissimæ refelluntur. 47.
- §. I.

- §. I. Testimonia, & confessio Salmasii. 47.
- §. II. Evidens confirmatio, quæ clara ex Evangelio traditur, ea sola de causa perperam cluditur a Salmasio, quia homines ab usuris abstinere nolunt. 50.
- §. III. Distinguendum inter mutui præceptum, & prohibitionem usuræ. Quid præcepti, quid consilii sit. Salmasius insigni errore ad consilium transfert, quæ in Evangelio præcepti vim habent. Usuræ vitatio omni casu præcepta est. 52.
- §. IV. Resolvitur paritas ducta a duobus aliis antiquæ legis præceptis, de anno remissionis, & Jubilæo. Cur hæc confirmata non fuerint a Christo, uti prohibitio usuræ confirmata fuit. De anni Jubilæi, atque Sabbatici ratione. 53.
- Cap. VI. Tria alia objecta ex novo Testamento dissolvuntur. 54.
- §. I. Primum ex parabola servi reprehensi, propterea quod pecuniam nummulariis non dedit cum usuris exigendam. ibid.
- §. II. Alterum ex Luca c. 12. versu 58., quem versum Salmasius de solutione usurarum interpretatur. 57.
- §. III. Tertium ex Jerosolymitano Apostolorum Concilio, ubi inter necessaria veteris legis præcepta in Evangelio servanda, usuræ prohibitio non recensetur. 58.
- §. IV. Concluditur de confirmata prohibitione usuræ in testimonio Lucæ, in quo vox nihil, quatenus & ad sortem, & ad usuram referri queat, explicatur. 60.
- Cap. VII. Traditione idipsum divinum jus probatur. 61.
- §. I. Testimonia ex Patribus Antenicenis. 62.
- §. II. Testimonia ex Conciliis Nicæno generali, & Carthaginensi I. plenario. 63.
- §. III. Ex SS. Athanasio, Hilario, Basilio, Gregorio Nysseno, Ambrosio, & Hieronymo. 66.
- §. IV. Ex SS. Augustino, Paulino, & Joanne Chrysostomo; ex Autore operis imperfecti in Matthæum, ex S. Leone, ac Theodoro. Canon Concilii Turonensis. 68.
- §. V. Cassiodorii, Martini Episcopi Bracarensis, Justiniani Imperatoris, Antiochi Palestini, S. Joannis Damasceni, Pirmini Abbatis, Orationis Ecclesiasticæ, Concilii Chalcutensis, & duorum Capitularium testimonia. 70.
- §. VI. Hayto, Synodus Parisiensis, Benedicti Levitæ Capitulari, Concilium Ticinense, Ulfadus, Rodulphus Bituricensis, & duo

- Imperatores Græci, Basilii Macedo appellatus, & Leo sapiens; idem divinum jus testantur.* 72.
- §. VII. Theophylactus, S. Bruno Carthusianus, Zonaras, & Balsamon. S. Bruno Astensis, duo Concilia Lateranensia, Alexander III., Urbanus III., & Innocentius III. 74.
- §. VIII. Monumenta XIII. & XIV. seculi. 76.
- §. IX. De Scholasticis, & Canonistis, ac de posterioris Ecclesiæ fide. Non novitas his postremis temporibus a Catholicis, sed ab adversariis usurarum patronis inuenta circa dogma de usura. 77.
- Cap. VIII. Argumentum e superioribus concluditur. De nota hæreseos post definitionem Concilii Viennensis a Theologis & Canonistis impasta sententiæ, quæ aliquam usuram defendit. Hæc adstruit certum apud omnes Catholicos divinum jus, quo omnis usura vetatur. Huic divino juri quantum deferendum sit, etiam rationes naturalem usuræ malitiam probantes non omnino persuaderent. 80.
- Cap. IX. Corollarium ex dictis infertur, quod omnis vel minima usura divino jure vetita intelligenda est, non autem solus excessus. Nonnullæ objectiones ex auctoritate præoccupantur, & diluuntur. 87.
- Cap. X. Corollarium alterum. De usura vetita non solum Clericis, sed etiam laicis, quas æque jus divinum comprehendit. Nonnullæ objectiones rejectæ. 94.
- Cap. XI. Objectiones reliquæ solvuntur. 99.
- §. I. Ex aliquot Epistolis S. Basilii. 100.
- §. II. Ex Sidonio Apollinari. ibid.
- §. III. Ex S. Gregorio Turonensi: ubi de accipientibus mutuum sub sanore. 101.
- §. IV. De Montibus Pietatis. 103.

## LIBER TERTIUS.

### De usuræ injustitia divino jure declarata.

- Cap. I. Probatur ex Scripturis. 106.
- Cap. II. Eadem usuræ injustitia ex Traditione ostenditur. 110.
- §. I. S. Clementis Alexandrini, Lactantii Firmiani, SS Hilarii, Basilii, Gregorii Nysseni, Ambrosii, & Zenonis Episcopi Veronensis testimonia ex seculo quarto. 111.
- §. II. 111.

- §. II. *Testimonia ex SS. Hieronymo, Augustino, Joanne Chrysostomo, Autore operis imperfecti in Matthæum, ac S. Leone, Patribus seculi V.* 113.
- §. III. *Egberti Eboracensis, Halitgarii, Concilii Ticinensis, Hildeberti, S. Anselmi, Petri Blefensis, & Auctoris sermonum inter S. Bernardi opera.* 115.
- §. IV. *Concilia etiam Generalia, & Pontifices de usura injustitia. statuentes proferuntur ex seculo XII.* 117.
- §. V. *Testimonia seculi XIII.* 120.
- §. VI. *De Scholasticis. Argumentum ex traditione concluditur.* 123.
- Cap. III. *Tres objectiones reselluntur.* 124.
- Cap. IV. *Obiectio ducta a vi humanarum legum, quæ in publicum bonum transferre dominia possunt, & justum facere, quod alias esset injustum. Nihil tale posse fieri in usura ostenditur.* 128.
- §. I. *Novum systema, quod objectionis loco est, exponitur.* ibid.
- §. II. *Hoc systema innititur falsæ hypotthesi.* ibid.
- §. III. *Confutatur ratione.* 130.
- §. IV. *Confutatur auctoritate sacra.* 133.
- §. V. *Confutatur auctoritate ipsorum Principum, nec non testimonio insignium patronorum usura.* 136.
- Cap. V. *Exponitur, & rejicitur quædam obiectio, quæ usura, si humanis legibus approbetur, etsi adhuc concedatur illicita, a restitutionis tamen onere solvitur.* 138.

## LIBER QUARTUS.

*De usura jure Divino vetita, etiam si a divitibus,  
aut negotiatoribus exacta.*

- Cap. I. *Quid hoc libro in questionem veniat, adversariorumque, qui confutandi erunt, systema exponitur.* 141.
- Cap. II. *Argumenta ex veteri Testamento, quibus usuram ab omnibus, etiam divitibus, exactam omnino probiberi monstratur.* 143.
- §. I. *Adversariorum argumentatio ex veteri Testamento proponitur.* ibid.
- §. II. *Exodi, & Levitici testimonia cum pauperes memorant, divites non excludunt. David, & Ezechiel omnes comprehendunt.* pag. 144.
- §. III. *Deuteronomii testimonium omnes, etiam divites, ac negotiatores,*

tores, complectitur. Evidens hinc argumentum contra adversarios intorquetur. 147.

§. IV. Refellitur obiectio. De æconomia legum Pentateuchi circa prohibitionem usuræ. Valet & de Hebræis extra Palestinam habitantibus, etiam divitibus, ac negotiatoribus. 149.

Cap. III. Observationes ex novo Testamento, in quo æque ac in Testamento veteri usura, etiam a divitibus, & mercatoribus exacta, probatur interdicta. Invidium argumentum ductum ab usuræ injustitia, quæ non ad solos pauperes, sed ad divites etiam pertinet. 152.

Cap. IV. Argumenta ex Patrum traditione. Considerantur textus generales, complectentes, & interdicentes etiam usuram, quæ a divitibus, vel mercatoribus exigitur. 157.

§. I. Præcluditur obiectio ex Patribus. ibid.

§. II. De Patrum mente, omnem omnino usuram, a quocunque, etiam divite, aut mercatore exigatur, palam damnantium. Duplex argumentum ductum ex eorundem Patrum traditione, nimirum de confirmato per Christum veteris legis præcepto adversus usuram, & de usuræ injustitia. ibid.

§. III. Tertium argumentum ex testimoniis Patrum generatim expressis. 158.

§. IV. Argumentum quartum e canonibus, qui usuram æque in Clericis, ac Laicis damnant; cum tamen Clericis certo vetitum sit, ne a ditioribus quidem usuram percipiant. 160.

§. V. Quintum argumentum ab iis testimoniis Patrum, ubi in aliis legibus, quæ exceptionem ferunt, exceptiones non omiserunt, nunquam autem in usura exceperunt. ibid.

§. VI. Sextum argumentum ex auditorum querelis adversus Patres contra usuram perorantes, quibus nemo ausus fuisset obmurmurare, si solam pauperum oppressionem iidem reprehendissent. Ad hos tumultus sedandos non monere de licito cum mercatoribus, ac divitibus fenore, sed omnem omnino usuram damnarunt. Citius alias vias honesti lucri innuerunt pro usura sufficiens, nunquam autem usuram cum ditioribus. 162.

§. VII. Septimum argumentum ex definitione usuræ a Patribus tradita, quæ cuicunque usuræ, etiam a divitibus exactæ, congruit. Expungitur novitia adversariorum distinctio inter usuram, & usuræ vitium. 165.

§. VIII.

- §. VIII. *Argumentum octavum ex ratione a Patribus adversus usuram allegata, quæ æque usuram omnem a quocunque perceptam damnat.* 166.
- §. IX. *Peculiaria testimonia Patrum, quæ neminem excipiendum, & omnes comprehendendos denuntiant.* 167.
- §. X. *Quædam alia argumenta exponuntur.* 169.
- §. XI. *Ultimum demonstrativum argumentum petitur a distinctione apud Patres frequenti inter usuram divinam, seu a Deo, & humanam, seu ab hominibus quæsitam. Dum Patres illam solam divinam licere profitentur, omnem autem humanam damnant; nullam, neque ex divitibus saltē quæsitam, licitam judicarunt.* 171.
- §. XII. *Corollarium ex constitutis elicitur pro confirmanda condemnatione omnis vel minimæ usuræ, adversus eos, qui solam immoderatam interdixit putant.* 172.
- Cap. V. *Testimonia Patrum de divitibus, & mercatoribus pecuniaria considerantur. Vindicatur Patrum traditio, atque doctrina circa Usuram a nonnullis excessibus, quos eisdem quispiam opposuit.* 173.
- Cap. VI. *Argumentum ex Scholasticis, & præsentis Ecclesiæ fide.* pag. 182.
- §. I. *Scholasticorum consensus in usura quavis, etiam a divitibus, ac mercatoribus exacta, condemnanda quantæ auctoritatis sit. Eos nihil innovasse demonstratur. Non ratione, sed traditione in eam sententiam descenderunt.* ibid.
- §. II. *Tota Ecclesia idem cum Scholasticis docuit, ac docet in doctrina de usuris. Usura, etiam a negotiatoribus, ac divitibus exacta, damnatur.* 185.
- §. III. *Epilogus.* 189.

## LIBER QUINTUS.

### *De jure naturali circa usuram.*

- Cap. I. *Qua cautione agendum sit de naturali jure circa usuram:* pag. 191.
- §. I. *Systema eorum, qui usuræ quæstionem a ratione decidendam contendunt, ita ut inde divinum jus adstruatur, vel negetur.* ibid.
- §. II. *Impugnatur, tum quia divina lex præcipere, aut vetare potuit,*

tuit, quæ naturali jure præcepta, ac vetita non sunt; tum quia in iis ipsis, quæ naturali jure continentur, divina revelatio rationi præferenda est, non autem contra. Error cujusdam adversarii impugnandus proponitur. 191.

- §. III. Quanti facienda sit auctoritas sacra, & revelatio, in decidendis ipsis morum controversiis, præ ratione naturali: & quam necessaria. 192.

- §. IV. Hactenus constituta ad quæstionem de usura applicantur, indeque cautio adhibenda statuitur. 194.

- Cap. II. Duplici via de naturali jure circa usuram agi potest, ab auctoritate sacra, & a ratione. Quid sacra auctoritas doceat, in primis statuitur. 195.

- Cap. III. Jus naturale de usuræ inbonestate, atque injustitiæ ex nonnullis Gentilium indiciis, ac placitis colligitur. 199.

- §. I. De usuræ inbonestate Gentilibus etiam vulgo cognita. ibid.

- §. II. Sapientum Ethnicorum testimonia contra usuram. 201.

- §. III. Ex ipsa praxi, & æconomia legum Romanarum usuræ pravitatis colligitur. De legibus, quæ usuram vetuere. Cautiones, & conditiones legum, quæ usuram permisissent, earumque ferendarum consilium. Historico-Chronologica earundem legum Synopsis. 202.

- Cap. IV. Quatenus usura contraria sit charitati. Mutui officium ex charitate debet esse gratuitum, & eatenus usura charitati repugnat. 210.

- §. I. Duo charitatis mandata, alterum de bono proximorum curando, alterum de malo non inferendo. ibid.

- §. II. Ex charitate gratis proximo præstanda sunt omnia bona, & officia, quibus eget, quæque eidem præstare nostra nihil interest. Ubi autem intersit aliquid, nihil supra id, quod nostra interest, exigendum est, nihilque ex eo, quod proximi intererit, exigere licet. Id valet, sive ex præcepto, sive ex consilio, bonum, & officium proximo præstemus. 211.

- §. III. Ita in mutui officio exigere licet quantum creditoris interest, idest restitutionem capitalis, lucrum cessans, & damnum emergens, quorum vere creditoris interest: nisi peculiaris necessitas debitorum hoc quoque remittendum exigat. Ubi autem præter restitutionem capitalis nihil intersit creditoris, ex eo solum, quod debitoris interest mutuo uti, nihil supra capitalis æstimationem licet



licet exigere. Hinc mutui officium ex charitate gratuitum est, & usura charitati adversatur. Grotii, Molinai, & Salmasii testimonia in confirmationem asseruntur. 213.

§. IV. De malo proximis per usuram illato, quod a charitatis altero præcepto vetatur. 216.

Cap. V. De usuræ injustitia, ex naturali jure. ibid.

§. I. Injustitiæ argumentum ex disputatis superiori capite colligitur. Adversariorum fundamentum pro asserenda usuræ justitia proponitur. ibid.

§. II. Usus pretium, & locatio in mutuo quam injusta sint. 217.

§. III. Evertitur adversariorum effugium, quo corpus pecuniæ mutuo traditæ a quantitate ejusdem restituenda distinguentes, solum dominium corporis in debitorem traductum professi, quantitatem in mutuantis dominio adstruunt, justamque hujus locationem comminiscuntur. 221.

§. IV. Non minus injusta ostenditur merces usus pecuniæ, quæ in lucrum mutua accipitur. Pecuniæ sterilitas demonstratur. Tituli lucrandi in negotiatione: industria ex parte eorum, qui operantur, ex parte autem capitalis solum periculum, ita ut cuius sit periculum negotiationis, ejus sit totum jus in lucrum ex parte capitalis. Id statuitur Romanis legibus. 224.

§. V. Concluditur ratione, & exemplo evidenti, cui ipsi adversarii suffragari coguntur. Tota de usuræ injustitia controversia hac ratione, & exemplo definiri omni ex parte potest. 229.

Cap. VI. Etiam si usura universim non esset mala jure naturæ, ex ipsis tamen naturalis juris principiis potuit, ac debuit universim prohiberi. 232.

§. I. Ex sola honestate usura vetari a Deo potuit, sicut & alia non necessario mala eadem de causa interdicta fuerunt. 233.

§. II. Ea in politico regimine prohiberi solent, ac debent, quæ eisdem per se mala universim non sunt, plerumque tamen in abusum, scandalum, aut damnum publicum vergunt, si universim non prohibeantur. ibid.

§. III. Quot perniciose mala nascerentur ex usura, si universim prohibita non esset. Primo de scandalo in Christianam Religionem. 234.

§. IV. Secundo de oppressione pauperum contra legem naturalem. 235.

§. V. Tertio de malis in ipsam civilem rempublicam. 239.

## LIBER SEXTUS.

*Objectiones contra naturale jus refelluntur.*

- Cap. I. *Objeſtio ex neceſſitate privata, ac publica, & de remediis ſuccurrendi neceſſitati citra uſuram.* 244.
- §. I. *Diluitur objeſtio inviſta ratione, cui ipſi adverſarii ſuffragantur. Agitur præſertim de neceſſitatibus pauperum.* ibid.
- §. II. *De neceſſitatibus hominum diſtiorum. Quatenus iſſdem ſine uſura vel aliis juſtis contrahibus ſuccurri poſſit.* 246.
- §. III. *De commercii, ac mercatorum neceſſitatibus, earumque remediis. Objeſtio de monopoliiſ exploſa.* 249.
- §. IV. *Conſirmantur prædicta ex ipſiſ civilibus legibus uſuram vetantibus.* 253.
- §. V. *De neceſſitate nonnullorum, qui ſine ſænore ſe lucrari, & vitam alere non poſſe diſtitant.* 259.
- Cap. II. *De æſtimatione ejus, quod intereſt in contrahitu mutui.* 260.
- §. I. *Quam late ad omne mutuum adverſarii id, quod intereſt, extendant, eoque nomine uſuram univerſim licitam probare, contentur.* ibid.
- §. II. *Quod vere intereſt, eſt lucrum ceſſans, & damnum emergens; ejusque pretium juſta æſtimatione deſinitum reſtauratio damni eſt, non autem uſura, niſi improprie. Patres hunc verum titulum non taxarunt uſuræ.* 262.
- §. III. *Lucrum, & damnum poſſibile non cenſetur proprie nomine ejus, quod intereſt, ejusque æſtimatio nulla eſt: unde perperam ab adverſariis obtenditur, ut juſta defendatur uſura, quæ in omni mutuo percipitur.* 266.
- Cap. III. *De periculis titulo.* 269.
- §. I. *Quatenus ab adverſariis obtrudatur. Quod periculum æſtimabile pretio ſit. Cujus ſit periculum in mutuo, & cur creditoris periculum non eſt æſtimabile.* ibid.
- §. II. *Evidens ratio aſſertur, quæ paritate periculi in pecunia furto ſubrepta conſirmatur, & demonſtratur.* 272.
- §. III. *Idem explicatur, & conſirmatur ex Salmaſio, ac ex lege Scevola de periculi pretio: item ex lege Rhodia.* 274.
- §. IV. *Appendix de periculo probabili, & extraordinario, nec non de periculo difficilis exactionis, & expenſarum in reſtitutionem procurandam.* 277.

Corol-

- Corollarium: *Lucri titulus ductus a majori æstimatione pecuniæ præsentis, quam futuræ, expungitur.* 286.
- Cap. IV. *De obligatione non repetendi certo tempore capitalis in mutuo, & de moræ titulo.* 288.
- §. I. *De obligatione non repetendi, ac cessione juris in mutuo.* ibid.
- §. II. *De mora debitoris.* 290.
- Cap. V. *De gratitudinis titulo, quo usura pro mutui beneficio referenda creditur. De mutuatariorum consensu in usuræ solutione; ac tandem de ratione doni, quod usuræ tribuitur.* 291.
- §. I. *De titulo gratitudinis ex beneficio mutui.* ibid.
- §. II. *De debitorum usuras solventium consensu, ac de principio illo: Scienti, & consentienti non fit injuria.* 293.
- §. III. *Veræ donationis titulus ab usura quantum absit.* 295.
- Cap. VI. *Objeclio omnium efficacissima expenditur de commodo, vel lucro, quod ex pecunia mutuatarii percipiunt.* 297.
- §. I. *Proponitur objeclio.* ibid.
- §. II. *Æquivocatio objeclionis detegitur.* ibid.
- §. III. *Commodum, & lucrum mutuatariorum, nec ad pensionem annuam, nec ad augendam pecuniæ æstimationem, quidquam confert.* 299.
- §. IV. *De commodo utentium pecunia ad necessitatis subsidium.* 300.
- §. V. *De lucro mutuatariorum. Cur ejus partem exigere nequeant creditores, qui pecuniam dedere, sine qua lucrum perceptum non fuisset.* 301.
- §. VI. *Fortius solvitur objeclio, qua contractus sænebris utrique contrahenti utilis, ac eo nomine licitus dicitur.* 304.
- Cap. VII. *Refellitur adversariorum criminatio de usura aliquot contractuum specie a Catholicis indirecte suscepta, atque defensa.* 307.
- §. I. *Criminatio adversariorum exponitur.* ibid.
- §. II. *Annui redditus, seu realis census ab Ecclesia approbati vindiciæ. Quantum distet ab usura. Salmassi hallucinatio aliis vere usurarii redditus notionem proferentis. Hunc redditum a vero censu diversum semper usuræ notavit Ecclesia.* ibid.
- §. III. *De aliis contractibus usuram pallio tegentibus. Hos cum Catholici quidam defendunt, adversariis non favent.* 310.
- §. IV. *De Ecclesiæ silentio, quod approbationi tribuitur. Ea satis locuta, contractus ejusmodi reprobasse, aut certe non approbasse ostenditur.* 311.
- Conclusio. 313.

- Gregori XIII. Rescriptum cum Decreto in materie usurarum ad  
Guillelmum Bavariæ Ducem ex Mss. S. Caroli in Ambrosia-  
na Mediolanensi servatis editum, & cum Vaticano ejusdem  
Pontificis Regesto collatum, & emendatum: additis observa-  
tionibus pro controversiis præsentibus circa usuram.** 315.
- Gregorii XIII. Literæ ad Guillelmum Ducem Bavariæ.** 321.
- Forma contractus in Germania passim celebrati, de quo ultima  
resolutio petitur.** 322.
- Observationes in superius Documentum pro controversiis præsen-  
tibus circa usuram.** 323.



nullis, qui usuram ipsam nulla exceptione damnatam ex catholico dogmate, paucis exceptionibus a crimine vindicare conantur. Hoc autem controversiæ genus eo majoris periculi, ac perniciosi est, quod non aliquem singularem casum defendat, sed ipsa certissima principia adoriatur, unde quæstiones, & casus omnes de usuris decidendi sunt. Ubi autem in principiis non convenitur, quæ litium, & quæstionum componendarum spes, quis finis esse potest? Ita libere, ac tute divagabitur opinio omnis, & usura, in Scripturis, ac Patribus tantopere condemnata, sublato hoc dogmate, impune grassabitur.

2. In Prælectione quidem secunda, quam secunda S. Antonini parti præfiximus, ne inaniter cederet omnis de usuris disputatio, adversus ejusmodi errores nonnulla differuimus, quæ persuadendis catholicis factis essent. At adversus multos, eisdemque præcipui ingenii, & eruditionis hæreticos, qui contra ipsum dogma aliquot libros summo studio, & eruditione, lucubratos ediderunt, plura desiderantur. Id autem, ut facerem citius, quàm cogitarem, illud in causa fuit, quod excitata nuperrime de usuris controversia, cum aliquot hæreticorum libri lecti essent a nonnullis catholicis, gravia visa sunt, quæ illi attulerunt, ut pro vulgari, & scholastico præjudicio traducerent, quod pro catholico dogmate universim haberetur. & creditur. Quædam etiam in ipsum vulgum irrepsisse inventa sunt erroris semina, ex quibus periculum est, ne, si diutius plenior confutatio differatur, ipsi hæreticorum errores sensim, & incaute in ipsius Ecclesiæ sinum per ignorantiam excipiantur a quibusdam catholicis, quod maximum ipsi dogmati apud hæreticos usurarum patronos præjudicium pareret. Hoc itaque in opere, sepositis omnibus scholasticis quæstionibus, id mihi unum agendum est, ut contra Sectarios usurarum patronos ipsum catholicum de usuris dogma proponam, ac vindicem.

*Historia errorum circa dogma de usuris, quam utilis futura sit. Errores vulgares ex ignorantia a dogmaticis discernendi.*

3. Quod ut æquius ex sententia præstem, historiam errorum, qui contra idem dogma exorti sunt, præmittere juverit: sic enim non solum quid impugnandum sit palam fiet; verum etiam nova, & sera eorum origine, atque auctoribus detectis, dogma ipsum magis magisque elucescet. Enimvero cum in rebus dogmaticis ad veritatem pertineat antiquitas, ad errorem autem novitas, ita ut id sit *Dominicum, & verum, quod sit prius traditum; id autem extraneum, & falsum, quod sit posterius immixtum*, ut Tertullianus loquitur, & similiter alii Patres, qui proinde ex novitate invictissimum præscriptionis argumentum adversus hæreses suaserunt: si ex accurata historica præfatione, certa, & posteriora errorum, qui refellendi sunt, initia, atque auctores producentur; hæc ipsa præfatio maximum pro catholico dogmate contra ipsos errores præjudicium erit, unde iis, quæ disputaturi sumus, facilius aditus, ac fides parabitur. Id autem eo facilius in hac controversia accidet, quod errorum hujusmodi origo multo sera patebit, quæ inter multas hæreses antiquis temporibus excitatas locum reperire non potuit: auctores autem fere invisæ, & mali nominis, quorum postremi turpi etiam occasione, & causa in hanc sententiam declinarunt.

4. Fuere quidem omni ævo sceleratores, qui in ipsa Ecclesia usuras exercuerunt: at qui usuras licere docuerint, per tredecim circiter secula nulli inventi sunt. Neque vero negarium extitisse aliquando nonnullos, qui cum usuras & Romanis legibus permissas, & in praxi frequentes viderent, eas sensim putarent licitas. At is vulgaris, non dogmaticus error fuit, quem,

nullo docente, solus vulgus aliis quoque in rebus facile suscipit, cum consuetudo, civilibus præsertim legibus munita, id obtinere soleat, ut (quod Augullinus in Enchirid. c. 80. notavit) *Peccata, quamvis magna & horrenda, cum in consuetudinem venerint, aut parva, aut nulla esse credantur*. Ejusmodi autem errores, qui ex ignorantia, non autem ex pertinacia originem ducunt, catholico dogmati nequaquam opponuntur, nec inter hæreses recensendi sunt. Sic hæreticos nemo Patrum habuit illos, qui concubinatum nec peccatum esse credebant, ut ex S.S. Zenone, Ambrosio, Augustino, Cæsario, & aliis, qui consuetudini, & immunitati legum id referunt, late probavimus in S. Zenonis editione adnot. 33. & 34. tract. 4. l. 1. Si totam scrutemur antiquitatem, non alios circa usuram, nisi practicos vulgares id genus errores invenire licebit; quibus tamen, ne cum animarum, vel fidei periculo serperent, Ecclesiæ Patres naviter resisterunt. Quicunque antiqui textus adversus usuram suppetunt, ex quibus perpetua hujusce dogmatis traditio colligitur, non aliam fere occasionem habuere. Notum enim est non omnia, nec de omnibus traditione susceptis scripsisse Patres, nisi cum scribendi occasio incidisset.

### §. III.

*Error nullus dogmaticus circa usuram fuit per duodecimum secula, sed aliquis vulgaris tantum ex ignorantia.*

5. Primo Ecclesiæ seculo, & fortassis etiam secundo, cum Christiani sollicitius evangelicam vitam excolerent, nulli dedisse videntur pecuniam fœnori, non solum clerici, sed ne laici quidem, ut observavit ipse Salmasius, qui inter adversarios præcipuum caput est. *Dispensatores arca Ecclesiæ presbyteri*, inquit, *alim nec pecuniam suam, nec Ecclesiæ dabant fœnori, quia nec privati prunis illis temporibus hoc faciebant. Ideo nec*



*nec nominatim necesse fuit Apostolo fœnore interdiceret.* Hinc nec a Patribus seculi secundi reprehensum invenitur hoc vitium inter Catholicos, sed Genribus potius in Christianorum defensionem allegatum legitur a Justino præceptum Christi de mutuo dando sine fœnore, cui præcepto satisfecisse videntur Christiani, ne hæc Justini vindictio, tanquam inanis, & vacua, factis ipsis Christianorum refelli posset. Solum Montano hæretico fœnerationis vitium objecit Apollonius, ut apud Eusebium legitur. Tertio seculo, cum persecutio jamdiu Christianos non exerceret, nec sollicitos redderet, aliis cum vitiis usura etiam invaluit in Ecclesiam, ac plures vel ex ipso Clero, atque Episcopos occupavit. Hinc prima adversus usurarios apud Cyprianum reprehensio, qui usuram inter ea gravissima mala commemorat, quæ justissimam Dei iram provocarunt, quibusque corrigendis Decii persecutionem a Deo permissam testatur. Restituta autem Ecclesiæ pace præsertim sub Constantino, usurarum vitium, hoc Imperatore, intra angustiores limites coercitum adeo late patuit, ut plures ex ipsis clericis in unam civilem legem intenti, *obliti essent divinam*, quæ omne fœnus prohibet, ut Nicæni Patres affirmarunt. Hic tamen oblivionis error neminem pro usura dogmatizantem subindicat. Immo cum Patres ejus celeberrimæ Synodi divinæ legis memoriam renovarint, etsi pœnis peculiaribus in officio continendos non duxerint nisi solos clericos; satis tamen officii sui monuerunt & laicos; quos præterea in concionibus, & catechesibus ab hoc vitio coercendos, & *sæpius in relictâ sententia firmandos putarunt*, ut S. Gregorius Nyssenus testatur. Hinc homiliæ aliquot contra usurarios hoc quarto seculo habitæ supersunt; & insignis liber S. Ambrosii de Tobia, qui ex pluribus sermonibus compactus videtur, hoc unum argumentum ex proposito tractat, ac versat, ut ne tamen ullus contrarium docens uspiam indicetur. Nonnullæ quidem

Apo.  
log. 1.

Lib. 6.  
c. 17.

Lib. de  
lapsis.

Vide  
lib. 2. c. 6.  
ex orat. S.  
Greg. Nyss.  
in usurar.  
sub finem.

In cap.  
18. Eze-  
chiel.

dem objectiones refelluntur aliquando, quales vel hodie nonnulli obtrudunt; quæ tamen solam praxim ratione aliqua vulgari excusare student, dogma autem catholicum intactum relinquunt. Solum sub quinti seculi initium, quo S. Hieronymus commentarium in Ezechielem edidit, *quidam* fuere, *qui putant*, inquit, *usuram tantum esse in pecunia*, non autem in segetibus, quæ in rationem mutuo traditæ, naturalem fructum pariunt. At hic error popularis item fuit, quem inconsideratione, & vulgaribus præjudiciis partum idem S. Doctor ex ipsa Scriptura facile disiecit. Frequentior usuræ ad legum normam exactæ defensio ex ipsis humanis legibus petebatur a populo, quem tamen divinæ commemoratione legis ad officium revocare facile fuit: & si quando necessitas publica, vel privata allegabatur, eodem divinæ legis gladio, cui catholici cederent, omnia solvebantur, ut nemo de hac lege divina dubitationem injecerit. Vide inter ceteros S. Joannem Chrysostomum hom. 56. al. 57. in Matthæum, & S. Augustinum in Ps. 54., & epist. 153. ad Macedonium n. 25. Locum difficilem ex epistola Cosmæ Syri ad S. Simeonem Stilitam, quæ nuperime edita est tom. 1. Bibliothecæ Orientalis a V. Cl. Josepho Assemano, ne adversariis credatur favere, explicabimus lib. 2. cap. 9., nihilque unquam quod communi omnium & Patrum, & Conciliorum Ecclesiæ tum Latinæ, tum Græcæ dogmati ex aliquo opponi possit, invenire licebit usque ad seculum XIII.; adeo hoc in dogmate explorata, & constans fuit Scripturarum, & traditionis doctrina, cui per tot secula nemo ex tam multis nequissimarum etiam hæreseon auctoribus contraire ausus est. Qui vero seculo XIII. hunc errorem primi induxerunt, non ex catholicis, sed ex hæreticis jamdiu ab Ecclesia separatis exitere.

*Græci Schismatici vindicantur ab errore dogmatico circa usuram, qui ipsis impingitur. De consensione Græcorum etiam Schismaticorum cum Latinis in dogmate de usuris.*

6. Erunt qui existiment me hoc loco Græcos schismaticos appellare, quos usuræ fuisse post seculum XII., ut in collationibus Pariliensibus traditur, auctor Tractatus brevis affirmat. Idem sane de iisdem Græcis prodidit Guido Carmelita in summa de Hæresibus, & ex eo Alphonsus de Castro, aliqui nonnulli. Verum cum nullus auctor Græcus a quopiam allegetur, multique potius schismatici, qui de usura scripserunt, idem cum catholicis dogma diserte statuant; satis verisimile est, hunc Græcorum errorem ex eis esse, quos viri docti Græcis facilius impactus conqueruntur. Hujus criminationis occasionem dedit fortassis Theodorus Balsamon Patriarcha Antiochenus, qui sub finem XII. seculi, ac sub initium XIII. floruit. Is enim interrogatus a Marco Patriarcha Alexandrino de usura, tum quoad Laicos, tum quoad Clericos, respondit: *Mosaica quidem lex, non sœnerabitis, inquit, argentum tuum fratri tuo: civilis autem agnoscit usuras centesimas, & trientes. Desunt enim, ut Senatores accipiant usuras trientes, nimirum in singulas libras nummos quatuor; negotiatores autem vulgares, & ceteros dimidia centesimæ, nimirum in singulas libras nummos sex; eos vero, qui maritimum sœnus contrahunt, pro singulis libris nummos duodecim. Quonam autem modo centesimæ vocentur usuræ, cum libræ quantitas non perveniat ad solidos centum, sed ad septuaginta duos; non est dicendi tempus, ne opus fiat præter opus. Et hæc quidem de Laicis. Sacratissimæ vero sœneratione prorsus interdictum est. Ex quibus argumentatur Salmatius de Ecœnor. trapez. l. 1. pag. 70. Balsamon Patriarcha in ref-*

Tom.  
5. de usu-  
ra p. 24.  
p. 102.  
102. 128.

Vide Le  
Quen Pa-  
nopl. Præf.  
n. 15. & 20.  
Renaudot  
perpet. t.  
4. lib. 9. c.  
7. Du Pin  
secul. xiv.  
pag. 100.  
edit. in 4.

responsionibus ad quæstia variorum canonicis, diserte tradit usuras laicis permissas esse, clericis solis vetitas &c. Citat deinde Canones Apostolorum, & Conciliorum, qui solis Clericis usuras interdixere. Sed ex humano tantum jure Balsamonem quæstioni respondisse patet, ut nihil de divino jure negarit, quod initio generatim omnibus datum confessus est. Hoc sane divinum jus per Moysen Hebræis editum, in lege Evangelica æque ligare non Clericos tantum, sed etiam Laicos, alius testimonio satis exploratis asserit. In scholiis ad epistolam canonicam S. Gregorii Nysseni ad Letojum Melitenes Episcopum, sine ulla laicorum exceptione, ait: *In divina Scriptura & fœnus, & usura, & per potentiam alicujus aliena suæ unire possessioni, prohibita sunt. Fœnus ergo est, quod græce pleonasmus dicitur, ut quando quis dat vinum, vel frumentum, vel oleum, vel aliud aliud, ut in eodem genere plus quam dederit accipiat, ut si quis dederit vini metretas quinquaginta, & septuaginta, vel plures accipiat: usura autem dicitur in nummis.* Confer etiam ejus scholia in Canonem Concilii Carthaginensis ann. 419. de usura, quæ in laicis reprehenditur; & in Can. 14. canonicæ epistolæ S. Basilii ad Amphilochem, in quo usurarii laici a sacris arcentur, ni uturas deferant, perceptasque restituant: quod eo canone cautum monet, quia lex civilis non punit fœneratores. Quod si de Clericis ex canonibus multa asserit, de divina lege autem, & de laicis pauca; memento hunc in hisce scholiis excerptis ex opere inscripto *Expositio sacrorum divinatorum Canonum* commentatorem canonum agere in institutionem Clericorum, non autem tractatorem dogmaticum, aut laicorum catechistam, ad quem ea expressior, ac fusior disputatio pertinuisset.

7. Ut autem Græcorum hoc in dogmate cum Latinis consensio magis magisque pateat, omnisque ab iisdem diluatur erroris suspicio, aliorum hujus, & posterioris etiam ætatis testimonia proferam. *Zonaras*

XII. seculi scriptor in can. 17. Concilii Nicæni: *Fœnus, inquit, veteri quoque lege vetitum universis fuit: dicit enim, pecuniam fratri tuo non fœneraberis. Quod si illa minus perfecta lex sanxit, multo magis nostra, quæ perfectior, & spiritalior est. Ecce enim aliquid templo amplius est hic. Omnibus quidem igitur fœneratio lucro interdicitur, sed ab eorum instituto, qui sacro ordini mancipati, exemplo laicis, atque invitamentò ad virtutem esse debent, alienissima ea ratio est. Similiter in canonem 41. Apostolorum de usuræ prohibitionem: Si veteri lege vetitum fuit hoc dicente: Fœnori non dabis argentum fratri tuo, multo magis vetatur illis usuras capere, qui secundum Evangelium vivere jubentur. Et in canonem Concilii Carthaginensis ann. 419. non solos canones usuram vetare ait, sed ipsum divinum præceptum, Quale illud est: Non dabis fratri tuo pecuniam ad usuram, & illud: Pecuniam suam non dedit ad usuram, & quæcumque alia ejusmodi reperiuntur. Hinc rationem quoque, cur sacratis hominibus fœnerari indecorum, ac turpe sit, explicant Concilii Carthaginensis Patres. Quod enim laicis, inquit, ansam reprehensionis præbet, hoc est, vituperationi, criminationique obnoxium est, multo magis in clericis fuerit condemnandum. Ad hæc Synodus neminem adversus Prophetas, neminem adversus Evangelia sine periculo secisse pronunciavit. Ubi etiam laicos hac divina prohibitionem teneri luculenter tradit. In quem canonem similiter Aristenus Balsamoni coævus, schismaticus & ipse, ait: Si enim hoc etiam a laicis factum culpandum est, & lucri turpis studii, & avaritiæ infamiam us infert, & nec ad Sacerdotium admittuntur, nisi injustum lucrum pauperibus impendant, & promittant se non amplius in istud avaritiæ vitium incidere, secundum XIV. magni Basilii canonem, multo magis in clericis condemnandum est. Quæ omnia a tribus ejusdem ævi insignioribus Græcis similiter tradita, iidemque divinæ Scripturæ locis probata, non aliam hoc in dogmate fuisse Græcorum omnium fidem re-*

Inter  
monumē-  
ta a Mo-  
rino su-  
bjecta o-  
peri de  
Pœnitē-  
tia.

stantur, quam quod usura omnibus laicis æque ac clericis a Deo prohibita sit. Hinc in duplici pœnitentiali Græcorum posterioris ætatis, apud Morinum, usura inter peccata omnibus etiam laicis communia recensetur: in primo quidem ex Barberinæ bibliothecæ codicibus edito per interrogationem: *Fœneratus es sapius?* in altero autem ex Euchologio Allatiano: *Si fœnore molestavit.* Similiter & Gabriel Metropolita Philadelphię Schismaticus in libello de Sacramento pœnitentiæ c. II. peccatis avaritiæ usuram accenset. Nicolaus Cabasilas Theſſalonica Archiepiſcopus circa medium seculum XIV., tametsi Latinis infensissimus, non aliam doctrinam docuit in oratione contra usurarios, quæ tom. 26. Biblioth. PP. inserta legitur. Fuisse quidem nonnullos sui temporis memorat, qui male docti, & nescio quibus rationibus nisi, autument, legem, qua fœneratio interdicitur, servare nullo modo necessarium esse; verum servantes eam mereri laudem, transgredientes reprehensionem non mereri. Sed hunc solum vulgarem errorem fuisse, cui nullus scriptor, aut doctor patrocinaretur, quemque oratione ad populum habita satis corrigeret, totus contextus, & præsertim finis prodit: unde & rationes omnes vulgares sunt, quas vel hodie a nonnullis catholicis minus doctis aliquando audimus, quod usura communi bono, & civitatibus necessaria sit; quod mutuum accipientibus est utilis, dantibus autem sæpe etiam necessaria, cum aliunde victum sibi, vel familiæ parare non possint; quod legibus Imperatoriis probetur; quod a volentibus, & gratias agentibus, vel etiam ab iis, qui inde lucrantur, libentissime, & sine damno solvitur. His tamen singillatim Cabasilas tota oratione luculentissime respondens, certissimum dogma ubique prodit, de quo nemo Græcorum possit ambigere. Ille certe popularis quorundam error inter dogmaticos Græcorum errores recenteri nequit, æque ac similis nonnullorum error apud vulgum Latinæ Ecclesiæ dogmati-

tico Latinorum errori tribui non potest. Solum aliquanto post Maximus Margunius, qui sub finem seculi XVI. floruit, hunc errorem, quem ipse quondam palam damnaverat, & ex hæreticorum fortassis operibus deinceps hausit, in Photianos primus inducere studuit, ut Nicolaus Comnenus Papadopolus Cretenfis Græcus Catholicus, & Græcarum rerum peritissimus notavit in prænotionibus Mytagogicis Resp. 1. sect. 7. n. 3., ubi catholicam doctrinam propugnans contra Margunium, *cujus impiis assertionibus effectum est, inquit, ut jampridem fas esse putent Photiani publice sancrari. Neque enim aliunde banc corruptelam in mores Græciæ fluxisse constanter autumo, nisi ex ipsis notis Margunii, quem not. 2. ad Gangrensem Synodum non puduit asserere, nullo jure usuram (quam scribens Hoeschelio palam damnaverat, quamque in missis ad Hoeschelium orationibus Cabasilla palam damnari a Photianis ipsis sciebat) prohiberi: suaderi potius & probari, tum jure naturali, tum divino, quando & juris naturalis est ex re propria quemque commodum quærere, & in sacris paginis sæpe sœnus & laudatur, & insinuatur.* Hanc novitiam doctrinam, & argumenta Margunii dein confutat Papadopolus, & Græcorum famæ consulens, hoc a Græcis constanter reprobatum præfert, laudatque non tam ex antiquis pro catholico dogmate testimonium afferentibus Prodromum, & Palamam, quam ex recentioribus Leonem Xanthopolum in explicatione canonis Nicæni de usuris, Christophorum Canonarcham de Synodis c. 31., Diplovatacium in Synopli juris Græci tit. de usuris, & Joannem Lascarem Rhindacenum epist. critic. de Moria Erasmi, nec non in defensione rituum Græcorum c. 8. Memorat etiam Theodorum Metochitem περί κανονείας vulnere 8., sive de avaritia, Manuelem Malaxum in Nomocanonem tit. de usuris, & alios a Diplovatacio allegatos inculcat; ac tandem ipsam Photianam sectam ab ejulmodi errore, qui a Margunio ad paucos impios ab eodem deceptos pervenit, purgans, Non-

*enim verum est, inquit n. 8., non est verum, quod, Marguni, mentiris, probari a Græcia delirante, & Photiana sanus. Illud vel ea parte, qua Photiana est, detestatur. Neque hoc dubium, si ii proferantur in medium, qui hæcenus de jure sacro scripsere. Ero Margunius, si sanus ab uno Photianorum, alterove probetur, cum contra omnes, quos producis, Joannes Lascares Rhyndacenus illud palam ut impium, & jure divino damnatum publice detestentur. Nihil luculentius ad Græcorum etiam schismaticorum hac in parte vindicias, & ad audacem unius Margunii nisum repellendum afferri potest. Ipsi quidem Moscovitæ Græci schismatici, licet usuræ illudiosissimi, in doctrina tamen de usura recte sentiunt, uti tradit Sigismundus Liber Baro in rerum Moscovitarum Commentariis: Usura communis est, quam licet magnum peccatum esse dicant, ab ea tamen nemo fere abstinet.*

Script.  
Rer. Mos-  
cov. p. 44.

#### §. V.

*Primi auctores hæresis circa usuram fuerunt Patareni:  
Eorum sectæ tres in eundem errorem conspirantes.  
Hæc in Viennensi damnata a Clemente V.*

8. Græcis itaque ab imposito errore circa usuram purgatis, Patareni vel Cathari primi fuerunt, qui sub seculum XIII. novum & inauditum de usuris dogma invexere. Duos hujus ætatis testes allegemus. Fr. Renerius Ordinis Prædicatorum, qui ejusdem sectæ antea fuerat, in summa adversus Catharos scripta an. 1250., quam tom. 5. Thesauri Anecdotorum PP. Martene, & Durand emendatiorem e duobus codicibus ediderunt, hæc de Catharis scribit. Nulli hominum restitunt usuram, furtum, aut rapinam: immo reservant eam sibi, vel potius relinquunt filiæ (al. filiis) vel nepotibus suis in seculum permanentibus. Ipsi tamen dicunt usuram nullum esse peccatum. Idipsum pluribus exponit Vener. Moneta Cremonensis ejusdem Ordinis in MS, ope-



opere adversus Catharos, & Valdenses, quem auctorem ejusdem seculi celebrem egregiis animadversionibus, dissertationibusque illustratum ex MSS. nuper edidit P. Augustinus Thomas Richinius singulari doctrina & eruditione notissimus, qui & paragraphum huc pertinentem mihi communicaverat. Moneræ autem verba ex lib. 5. cap. 14. §. 2. hæc sunt. *Secundo videndum est, utrum dare ad usuram sit peccatum; dicunt enim quod non est peccatum mutuare ad usuram pecuniam. Hoc autem dicunt multiplices de causa. Prima & principalis causa est hæresis sua, quia credunt visibilia ista a Diabolo fabricata (quæ Manichæorum hæresis fuit) hoc autem per Dei gratiam superius est ostensum esse hæreticum. Secunda causa est scripturæ sacræ ignorantia, licet enim simplicibus scioli videantur, eo quod litteram habeant in promptu; ipsam tamen litteram non intelligunt; quibus dici potest quod ait Dominus Judæis Matth. 22. v. 29. Erratis, nescientes Scripturas. Tertia causa est, quia licet locare domum suam, aut vineam alicui, intuitu alicujus rei temporalis, quare & mutuare. Quarta causa est, quod dicunt usuram esse voluntariam, idest voluntarie datam. Quinta causa est, quia non inveniunt, quod Matthæo præceperit restituere aliena, quando eum vocavit. Errorem autem de negata restitutionis obligatione alia sectione fusius subjicit. Vides doctrinam non vulgari errore susceptam, sed ex turpissimæ hæreseos principiiseductam, aliisque subinde argumentis firmatam, ac ex proposito traditam, ita ut hæc sit gloriosa admodum novi dogmatis origo, hi veri, ac eximii auctores, hæretici & Manichæorum progenie, tot erroribus, superstitionibus, atque peccatis etiam impliciti, quos suæ sententiæ antesignanos allegare sectariis usurarum patronis maximo pudori sit.*

9. Albanensibus, Bagnolensibus, & Concordiensibus hunc eundem errorem S. Antoninus tribuit par. 4. Summæ Theologicæ tit. 11. cap. 7. §. 6. Item quod *usura non est prohibita, & quod non tenetur quis restituere*

*ere ablata*: quæ cum relatis a Renerio, & Moneta concordant. Hi autem omnes Cathari erant: nam *secta Catharorum*, inquit laudatus Renerius, *divisa est in tres partes, sive sectas principales: quarum prima vocatur Albanenses, secunda Concorrenses (de Concorezzo vocat paullo post, unde Antonini locus Concordienses corrigendus videtur) tertia Bajolenses (de Bagnolo appellantur in monumento mox allegando, unde apud Antoninum Bagnolenses) & hi omnes in Lombardia.* Inter communes autem omnium errores illam de usura refert. Veronæ quidem, ubi omnium Catharorum sedes præcipua videtur fuisse (heic enim illi Ecclesias, & Episcopos habebant, ut ex aliquot monumentis liquet; cumque Albanensibus ipsam Veronensem urbem tanquam præcipuam sedem Frater Renerius explore, vindicat, tum dubium esse potest, num loca *de Bagnolo, & de Concorezzo*, unde *Bagnolenses, & Concorrenses* dicti sunt, sint ea, quæ hisce nominibus in agro Veronensi appellantur) Veronæ, inquam, errorem de usura illi sparserunt. In processu quidem Veronæ habito An. 1305., qui authenticus est in schedis Bartholomæi Campagnolæ Archipresbyteri S. Cæcilie, ubi Catharorum, seu Patarenorum Episcoporum, & Ecclesiarum Veronensium fit mentio, unus ex hujus sectæ hæreticis, Johannes de Matro appellatur, *pluries, & pluribus in locis dixisse traditur, quod dare ad usuram non erat peccatum.*

10. Hanc novam hæresim anathemate præcidit Viennense Concilium, seu Clemens V. sacro approbante Concilio an. 1311. illis verbis: *Si quis in illum errorem inciderit, ut pertinaciter affirmare præsumat, exercere usuras non esse peccatum, eum velut hæreticum puniendum.* Cum heic de pertinaci errore agatur, non illi Christiani fuerunt perstricti, qui per ignorantiam, vel inconsiderationem usuras peccatum non esse putarunt. Cum his satis habitum est, si canonibus monerentur, & coercerentur. Ita in Concilio Lateranensi an. 1179. can.

Hæresis  
in Viennensi  
damnata.

can. 25. *Quia in omnibus fere locis crimen usurarum ita inolevit, ut multi, aliis negotiis prætermisiss, quasi licite usuras exerceant, & qualiter utriusque testamenti pagina condemnentur, nequaquam attendant, ideo constituimus, ut usurarii manifesti, &c.* Similia leguntur in Concilio Avenionensi seculi sequentis XIII. can. 3., necnon in Saltzburgerensi seculi XIV. can. 13., in Avenionensi an. 1457. can. 26., in Burdigalensi an. 1583. c. 31., & aliis, ubi usuram usu invalescentem veluti licitam, artem a plerisque exerceri traditur, quibus solum coercitionis remedium adhibendum Patres judicarunt; eam enim fere illi putant sibi ex hoc licere, quod Prælati, vel alii Ecclesiarum Rectores, in animarum suarum periculum, negligunt id corrigere, ut Saltzburgerensis Concilii Patres laudato canone testantur. Eiusdem generis fuit error sub finem seculi XII. fere communis in Belgio, ubi, ut ait Hugo Florentiensis in vita Beatae Ivetæ c. 9. n. 26., *usuræ peccatum tunc temporis aut omnino veniale æstimabatur, aut nullum; at modo quam grave & grande sit, evidenter apparet.* Quæ scripta post initium seculi XIII. cum simplicem Lateranensis decreti promulgationem, & executionem respiciunt, tum Christianorum etiam docile ingenium, atque a pertinacia alienum præstant, cui Viennensi anathemate, prospiciendum non fuerit. Neque publici quidam fœneratores, *Coursini* appellati, hoc canone percussi tuerunt, qui etsi exercebant usuras, non tamen eas peccatum esse pertinaciter negabant; sed potius usuræ peccatum detestati, lucrum suum titulis variis, atque artibus tegebant, ut alibi ostendam. Unde contra hos illud Viennensis Concilii decretum probabiliter editum fuit, quod adversus usurarios fœnus occultantes huic anathemati immediate præmittitur. Itaque solam Catharorum, seu Patarenorum hæresim Viennenses Patres eo anathemate spectasse videntur. Licet enim illi jamdiu separati ab Ecclesia, nullam forte ejusdem curam mererentur; prospiciendum tamen catholicis fuit, in-

ter

Bollandus  
Acta SS. t.  
1. Januarii  
die 13.

Vide lib.  
2. c. 8. n. 34

ter quos illi variis in locis disseminati, atque non satis noti, ne errorem sentim inspergerent, periculum asserabant. Quod si illi per hoc Viennensis Concilii tempus fere omnino credantur deleti; poterant adhuc ex his quidam inter Christianos errorem imbibisse. Sed forte ex Hebræis in Christianos nonnullos hunc errorem irrepsisse quispiam putabit. Henricus Gandavensis, qui paullo ante Viennense obiit, quodlibet 1. q. 39. hunc errorem *quibusdam, & maxime Judæis* tribuit. *Ut credunt quidam*, inquit, *maxime Judæi*. Num illi *quidam* a Judæis distincti, Patareni fuerint, an Christiani, ex Patarenorum, vel Judæorum consortio depravati, dubitari potest. Cum tamen idem Henricus quodlib. 6. q. 26. de nonnullis legistis scribat: *Multum errant quidam legistæ, qui ignorantes naturam peccati usuræ, quia inveniunt usuras in legibus suis permissas, & non prohibitas nisi indirecte, dicunt, quod usuræ non sunt illicitæ, nisi quia canone, vel ab Ecclesia sunt prohibitæ*; hos forte legistas quorundam appellatione indicatos credibile est. De his etiam Bartolus, qui post Henricum floruit, L. 1. Cod. de Summa Trinit. *Alii dicunt, quod sacræ leges* (idest sacra Scriptura, & divinum jus) *non dicunt, quod usuræ sint prohibitæ*. Sed quominus hos legales credam in Viennensi damnatos, illud in causa est, quod hi usuras Ecclesiastico saltem jure vetitas asserentes, solum negabant divinum jus. Si ergo hi damnati fuissent a Concilio; damnari debuissent, qui pertinaciter assererent, exercere usuras non esse peccatum jure divino. Itaque alii ab his legistis perculsi videntur in Viennensi, sive Patareni, sive Christiani, a Patarenis, vel forte etiam a Judæis infecti. Patarenos, vel a Patarenis infectos præligo, quod in hos Inquisitores ob hunc errorem egisse notum est ex *Interrogatorio*, quod in novissimæ editione Venerabilis Monetæ edidit P. Richinius; in Christianos autem, qui a Judæis contaminati sunt, seculo sequenti Inquisitio præscripta legatur, ut mox dicemus.

§. VI.

*Errorēs populares post damnationem Viennensem. Error  
Christiano-Judaicus in Gallia.*

11. Hæc quidem Concilii diligentia tantum apud Catholicos obtinuit, ut omnes hunc errorem uno consensu hæreseos notarint. Non defuere tamen nonnulli vulgo, qui (ut in aliis etiam multis evenit) in errore vulgari, ac per ignorantiam definitorum aliter fenserint. Huc referendi textus, qui de simili Catholicorum quorundam errore testantur. Ejusmodi procul dubio sunt illi, quos sub initium decimiquinti seculi impugnavit S. Bernardinus Senensis serm. in serm. 4. post quartam Dominicam Quadragesimæ a. 3. tom. 2. pag. 231. Populares enim rationes afferit, & argumenta, quæ ad excusandas excusationes in peccatis pro defensione sua usurarii (non autem Doctores aliqui) assumere solent, se ipsos miro modo decipientes, & malitias suas, & cupiditates palliantes: sunt autem argumenta quindecim, eadem fere, ac quæ vulgo ad usurarium lucrum purgandum nunc quoque afferuntur. Eodem spectant & illi, quorum meminit Baptista Mantuanus Carmelita in consilio pro Monte Mantuæ ad Petrum Senensem Minorem de Observantia scripto die 20. Septembris an. 1485. *Sunt plerique, inquit, qui contra Clementinam Ex gravi, de usuris, putant usuram non esse peccatum.* Ex contextu autem patet loqui illum de populari errore, cui omnes doctores & scriptores contrairent. Hoc consilium reperi in collectione consiliorum in defensionem Montium Pietatis a B. Bernardino Feltrensi relicta, quæ in Conventus Feltrensis bibliotheca servatur.

12. Expressius, & contumacius quiddam ad hæresim accedens indicatur ab Alexandro V. in litteris datis 3. Kal. Sept. an. 1409. ad Pontium Feugeyronis Ordinis Minorum Inquisitorem Avenionensem, cui plu-

c

res

Apud  
Wadin-  
gum Ann.  
Min. t. 5.  
ad annum  
1409. n.  
11. pag.  
61.

S. Ber-  
nard. Ep.  
363. n. 7.

res Galliarum provincias committit. Ibi autem se nuper audiisse ait, in memoratis locis plerosque, qui adhuc post Pisanum Concilium schismati adhærebant, contraria fidei docere, & nonnullos Christianos una cum perfidis Judæis novas sectas, & prohibitos ritus eidem fidei repugnantes invexisse, quos saltem in occulto dogmatizant; additisque paucis de libro Talmud, qui ab Hebræis ingerebatur, adeo ut Catholici quidam in Judaicam perfidiam abducerentur, hic unus error expressus tandem subjicitur: *Demum etiam quidam Christiani, & perfidi Judæi earundem partium, non verentur asserere, quod usura non sit peccatum, aut recipere decem pro centum mutuo datis, seu quidquam aliud ultra sortem.* Hæc Christianorum ejusmodi cum Hebræis conjunctio indicare videtur, errorem hunc ex Hebræis, qui usuram cum alienigenis licitam defendunt, in hosce Christianos manasse, ita ut Christiani ejusmodi a Judæis decepti, verius Judæi, quam Christiani fuerint, aut certe Judaizantes Christiani, quos *baptizatos Judæos* S. Bernardus vocaret. Id autem curæ maximæ eidem Inquisitori dat Alexander V., ut huic errori cum ceteris evellendo sedulo invigilet; idemque rursus eidem commendavit Martinus V. in litteris an. 1418., ac tandem in Constitutione diei 6. Nov. an. 1419., quæ pag. 367. tom. 2. Bullarii Dominicani edita est a doctissimo & eruditissimo viro P. Antonino Bremont. Adeo hic error, præsertim post Concilium Viennense, inter hæreses ab Apostolica Sede accersitus fuit, ut omnibus Catholicis Viennensem definitionem scientibus exploratum erat. Hinc Doctores omnes omnem usuram peccatum esse certum ex catholica fide per hæc tempora tradiderunt, & nemo unus, qui contrarium affirmare, aut docere auferit, ante Calvinum, & Molinæum hæreticos, inventus est.

## §. VII:

*Novatores, qui damnatam in Viennensi hæresim postea  
excitarunt. De Calvino, Molinaeo, Claudio Salmasio,  
& aliis usuram patronis ab Ecclesia separatis.  
Horum systema, novitas, & inter ipsos  
Heterodoxos contraditio.*

13. Ii autem, cum ab Ecclesia recedentes, omnem Ecclesiasticam auctoritatem abjecerint, nihil mirum, si ingenio indulgentes, novam doctrinam de usura excitarint; quam tamen non ita late, ut Cathari, seu Patareni, nec universim defenderunt, sed certis conditionibus, certoque systemate circumscriptam, quod a Patarenorum mente, ac principiis discrepans, minus attentis probabile videretur. Fatentur itaque usuram omnem Judæis universim inter fratres in veteri testamento fuisse prohibitam; at ea cum alienigenis, ut ipsi putant, concessa Deut. 23. v. 19. Ejusmodi prohibitionem ad politica præcepta referunt, quibus in novo testamento sublati, usura nec omnis, nec omnibus, nec in omni casu illicita sit. Calvinus in octavum Decalogi præceptum: *Clare patet, inquit, veterem populum ab usuris fuisse prohibitum; sed hanc fuisse partem ordinis politici fateri necesse est, unde sequitur, usuras hodie non esse illicitas.* Similia reperit Prælect. 54. in Ezechielem c. 18. n. 8. Hac autem in Prælectione tres circumstantias excipiens, usuras vitio dat, si vel excedatur in lucrandi modo, vel hanc lucrandi viam ex proposito, ac professione quadam quispiam arripiat, vel tandem a pauperibus id lucri genus exquiratur. *Hic autem, inquit, valere debet sententia illa neque passim, neque semper, neque omnino...* Non omnia igitur accipere convenit, quia si modum excedat quasi (quia id pugnat cum charitate) etiam reprehendendus est. *Diximus quoque morem & usum continuum vitio non carere.*

De Calvi-  
no.

*Nam neque passim, quia sœnerator* (intelligit eum, qui ex professione sœnus exercet, ut ex antecedentibus liquet) *locum habere non debet, nec ferri in Ecclesia Dei. Deinde non ab omnibus, quia a paupere semper sœnus accipere nefas erit.* Similia leguntur in expositione octavi Præcepti.

De Caro-  
lo Moli-  
næo.

Num. 81.

Num. 85.

14. Carolus Molinæus, qui Calvino quondam adhæsit, duo de usuris volumina edidit, alterum Gallice scriptum, Latine alterum; & in utroque eadem fere sententia usuram, quæ ad legum civilium normam exigatur, non esse amplius vitatam tradit, nisi quatenus charitati adversetur. Ut autem discernat, quænam usura adversetur charitati, tria hominum mutuo petentium genera distinguit: pauperes, qui angustissimi in rebus mutuum reddere non poterunt; indigentes, qui aliqua accidenti de causa egent, cui in præsentiarum, sine gravi saltem suarum rerum damno, succurrere nequeunt, at post aliquod tempus poterunt reddere; ac tandem negotiatores, aut alios, qui in negotiationem, seu in prædiorum emptionem mutuum petunt, quod sibi lucro cessurum est. Primis, inquit, donum, aut certe mutuum debetur, de quo Christus apud Lucam præcepit, ne quid inde speretur, id est ne quam restituendi obligationem iis imponamus. Secundis verum mutuum cum restitutionis onere, at sine lucro, credendum est. Cum tertiis autem licere ait pacisci de moderato lucro, quod legum, aut consuetudinum limites non excedat. Hisce principiis solas usuras damnat, quæ vel aggravant pauperes, aut indigentes; vel exactæ a non indigentibus, sed potius lucrantibus, immoderatæ sunt.

(\*) Comment.  
in  
Lucam 6.  
v. 35.

15. Sed hæc paucis cum a Calvino, tum a Molinæo indicata potius, quam probata, vix ullum antiquum etiam Calvinistam sectatorem simul, ac defensores habuerunt. Unde Theodorus (\*) Beza, magnus licet Calvini discipulus (ut de aliis sileam) hoc probare non potuit, cujus testimonium in sanam doctrinam



nam una cum aliis aliorum Heterodoxorum recitat P. Remigius Ceillier in Apologia II. Patrum contra Joannem Barbeyræ pag. 187.

16. Primus, qui separato fusiori opere propugnavit Calvini sententiam, majoremque excitavit inter Heterodoxos motum, pluresque in partes deduxit, est Claudius Salmasius Calvinista, cujus eruditio, ac fama, pluribus operibus parta, magnam illi auctoritatem creaverat. Operis autem occasio hæc fuit. Cum ex maritima navigatione ad Joannem Cloppenburgium Brielenfium Calvinistarum ministrum divertisset, is tractatum de usuris abs se Belgice scriptum, & jam editum significans, eundemque Latine etiam factum, ac paratum ad prælum ostendens, quid de tota illa questione sentiret, Salmasium rogavit. Calvinianam iste sententiam, cui etiam Cloppenburgius favebat, cito protulit, affirmans, *se semper in ea fuisse sententia, usuras non esse juri naturali contrarias, nec jure divino positivo debere illicitas videri*. Cumque in eam rem plura attulisset in medium, epistolam hac de materie rogatus, quæ simul cum Cloppenburgii tractatu ederetur, librum *De usuris* confecit, quem, utpote fusioris molis, eidem inscriptum, Lugduni Batavorum separatim edidit an. 1638. Profitetur autem in præfatione *se omnibus seculis odiosæ negotiationis defensionem suscepisse*, quod ne hominum animos, ut metuebat, offenderet, pluribus contendit; sed frustra. Cum primum enim liber in lucem prodiit, statim Theologorum, & Jurisconsultorum offensionem incurrit, ut idem ipse fatetur in præfatione ad librum alterum *De modo usurarum*, quod Lugduni Batavorum edidit anno sequenti 1639. Neque vero Theologos, aut Jurisconsultos catholicos hic appellavit, quibus (inquit alio in opere) *hactenus persuasum fuit, veritas esse usuras, tam lege Moysis, quam Christi præcepto. . . . Cum illis nullam unquam mihi pacem, aut nulla fœdera intelligo futura*. De Calvinistis ipsis Theologis intelligit, qui etsi, Calvino duce, catholicam do-

ctri-

De Clau-  
dio Sal-  
masio.

Rumor  
inter Cal-  
vinistas a  
Salmasio  
excitatus,  
præsertim  
a Theolo-  
gis Calvi-  
nians.

De sœno-  
re trapez.  
pag. 1.  
pag. 4.

In Præf.  
de modo  
usurarū.

Præf. de  
scenor.  
trapezit.

De scenor.  
trapez.  
lib. 3. pag.  
493.

(1) Ibi  
pag. 595.  
597.

(2) Ibi  
pag. 732.

In præ-  
fat. de  
modo u-  
sur.

Nova  
sententia  
a Salma-  
sio inve-  
sta contra  
juriscon-  
sultos.

Pag. 58.

Strinam ejicientes, aliquam usuram aliquando crederent licitam; tamen his ipsis displicuit, inquit, quod *usuras præsertim trapeziticæ defenderem, accusatusque sum quasi patronus improborum hominum, & ætus prorsus illiciti, & injusti defensor*. Apud ipsos nimirum Belgas fœderatos, ac reformatos, trapezitæ, etsi publica auctoritate constituti, non solum maxima infamia laborabant in vulgus, sed etiam a pastoribus indigni reputabantur, qui admitterentur ad Sacra Synaxis communionem, utpote ii, qui (1) sævus ex professione exercerent, usurasque sub pignore communibus (2) majores etiam a pauperibus exigenter. Hinc commoti non modicum Reformati Theologi ministri, & inter hos (quod mirum dictu videbitur) ille ipse Joannes Cloppenburgius, cui Salmasius librum nuncupaverat, statim queritabundus epistolam ad Salmasium dedit, eamque mox adversus ejus sententiam trapezitas vindicantem edidit una cum *Theologica institutione de usuris*. Adversus hoc opus Salmasius lucubravimus, & typis edidit *Dissertationem de scenore trapezitico* in tres libros divisam, Lugduni Batavorum an. 1640., ubi multa pro novitio dogmate, non tam contra Catholicos, quam contra Reformatos ipsos congestit. Ad hæc non contuit Cloppenburgius, duobusque opusculis pro ipso editis, alia duo Salmasius reddidit, quorum hic titulus: *Responsio ad Epistolam Joannis Cloppenburgii Lugduni Batavorum an. 1640., & Brevis confutatio notarum larvati Theologi in excerpta dissertatione de Trapezitis*. Ibidem & eodem anno. Hæc de Theologis.

17. Porro *Jurisconsultis nonnullis multa in jure paradoxæ*, inquit, *visus sum asseruisse, quibus juris, ut ipsi ajebant, fundamenta everterentur*. Id autem respicit novam ejus sententiam de negata mutui alienatione, quam contra omnes jurisconsultos ausus fuit asserere, ut in ipsius vita epistolis ejus præfixa traditur. Ut enim usuram naturali jure licitam in libro *de Usuris* probaret, alienationem non fieri in mutuo posue-  
rat;

rat; sic enim pecuniam ex. gr. in mutuo locari posse intelligitur, ut veræ, ac justæ locationis nomine usura tanquam pensio jure proveniat. Adversus reprehensores vindicavit hanc sententiam primo in præfatione libri *De modo usurarum*, cumque in hoc plures adversarios nactus esset, plura opuscula alio sæpe nomine edidit, quæ tamen omnia eidem in ejus vita tribuuntur. En ipsorum Catalogum. *Diatriba de mutui alienatione contra Cyprianum sub nomine Alexii a Mesfalia Lugdun. Batav. 1640. Elercebus Enkersow de mutuo Joannis Osbonis Tabor. Ibidem an. 1644. Disquisitio de mutuo, qua probatur non esse alienationem. Ibid. an. 1645. Confutatio Diatribæ Joannis Vissembachii de mutuo. Ibid. eodem anno. Responsio ad epistolam Caroli Frabotti de mutuo. Ibidem & eodem anno. Tantæ molis erat hanc sententiam tueri, quæ si rueret, totum syltema, ut ipse agnovit, ex ipso naturali jure, subverteretur. Hæc omnia celeberrimi adversarii opera diligentius commemoranda fuerunt; quippe sicut præ omnibus majorem auctoritatis, ac rationationis vim habent, ita enucleatius cognoscenda, & sæpius alleganda, & confutanda nobis erunt.*

18. Ex hoc certe tempore plures erupere usurarum patroni, quorum sane libri hac fere ætate polteriores sunt, & usura latius inter hæreticos etiam Lutheranos propagari, atque palam defendi. At non solum, Salmasio adhuc vivente, catholica doctrina apud quosdam etiam Calvinistas accepta fuit (usura enim, ut ipse ait, *omni modo illicita placet Canonistis, & quibusdam Nostrorum*) sed post ejus etiam mortem in Belgio hac de questione acriter inter ipsos ministros Reformatos disputatum est, quorum aliqui eo contra Salmasii sententiam progressi sunt, ut ipsos Montes Pietatis simul impugnarent, quemadmodum liquet ex Mandato Ordinum Hollandiæ 30. Maij 1658., quod Auctor Traætatus Brevis protulit.

In Præfat. de modo usurarum.

L. 3. de Fœnor. trapezit. pag. 395.

pag. 80.

*Idem usura defensores eamdem jure naturali vetitam  
faciunt, si vel a pauperibus exigatur, vel supra  
legitimum modum petatur aliquid: illud contra  
charitatem, hoc contra justitiam concedunt.  
Salmasius, qui in primo capite videtur  
contrarius, eamdem consentit.*

Pauperes  
ab ipsis u-  
surarum  
patronis  
excepti.

Salmasius de  
fornore  
trapez.  
pag. 607.  
pag. 617.

In cap. 6.  
Lucæ v.  
35.

19. Illud certe, quod Salmasius supra, seu po-  
tius contra ipsam Calvinii doctrinam adjecit, licere  
etiam usuras, quæ a pauperibus exiguntur, nullum  
vel inter heterodoxos propugnatorem invenit, om-  
nesque, qui usurarum defensionem susceperunt, hunc  
fere casum pauperum nominatim excepere. Ea nimi-  
rum omnium vel Reformatorum usuras defendentium  
sententia fuit, quam Theologi, & Pastores Batavi se-  
quebantur, dum excommunicantes trapezitas, quod  
usuras promiscue ab omnibus etiam pauperibus exi-  
gerent, postulabant, ut mutuans ( mutuans pro acci-  
piente mutuum heic sumitur ) non sit pauper inops, aut  
tenuis conditionis, hoc est nihil, aut parum habens ad fa-  
miliam sustentandam, sed ditior. Nam pauperi, inquit  
bant, gratuita dari debet pecunia, qua sublevetur, &  
nulla ab eo exigenda usura. Sic Guilelmus Amesius  
lib. 5. de Conscientia c. 44. ita usuram defendit li-  
citam, ut excipiat illam, quæ exigitur ab egeno, qui  
ob instantem necessitatem, & sustentationem suam, ali-  
quid mutuo petit, ut scribit n. 12. Et n. 19. Cavendum  
in primis, ne quid ultra sortem exigatur ab eis qui sunt  
egeni. Similiter Hugo Grotius in commentario in Lu-  
cam, ubi ipsis Salmasii operibus motus, a priori sen-  
tentia recedens, pro usuris scripsit, etsi probavit cete-  
ra, hoc tamen de pauperibus probare non potuit;  
eosdemque excipiendos notavit his verbis: *Deinde etiam  
intra hanc æqualitatis mensuram non exercendum fœnus in  
egentes, aut eos, quos credibile sit, fœnore in egestatem  
pro-*

prolapsos. Nam talibus aut pecunia neganda est, si ea opus non habent, aut donanda, si id possumus: certe id cavendum, ne aliorum aut miseria, aut imprudentia in quæstum abutamur. Pufendorfius lib. 5. de jure naturali & Gentium cap. 7. §. 9. eandem pauperum ex necessitate mutuum postulantium exceptionem statuit in ipsa propositione, qua usuras licitas diffinit. Barbeyrachius etiam not. 4. in eandem paragraphum laudat Le Placette tractatum de l'interet, ubi licet usuram ex proposito defendat, tamen pag. 86. in ipsa Dei, ut putat, probatione usuræ ab alienigenis exigendæ, haud approbatam ait omnem usuram ab omnibus alienigenis etiam pauperibus. Hos sane Joannes Cloppenburgius in Theologica institutione de usuris c. 8. jure ipso naturali exceptos affirmavit: *Non est ergo de extraneo paupere sermo in verbis illis Deut. 23. 20. Extraneo dabis ad usuram. Oportet igitur juxta legis divini intelligere extraneum, cui non debetur ob paupertatem elemosyna, aut gratuitum mutuum, sed cum quo vel foris intercedebant commercia trajectitia, vel qui ἑμπορος venebat in Judæam propter commercia.* Rursus autem le Placette a Barbeyrachio memoratus not. 7. in §. 9. Pufendorffii naper laudati, inter lucrativæ, uri appellat, usuræ, quam licitam probare nititur, conditiones, hanc tertiam figit, quod debitor ex mutuo probabiliter lucraturus credatur, nam secus *necessitas eorum*, inquit, qui mutuum petant, ejusmodi esse solet, quæ exigit, ut vel mutuum sine usuris detur, vel ad summum solæ compensativæ (id est ex lucro cessante, ac damno emergenti) petantur. Budæus quoque inter heterodoxos Theologos celebris, Instit. Theolog. Moral. part. 2. c. 3. sect. 5. §. 28. *Neque obstant leges divinæ, quæ usuras prohibere videntur. Prohibitio enim restringitur ad pauperes, a quibus usuras accipere omnino charitati repugnat. Eadem apud alios legere est.*

20. Sed quid plures usurarum patronos commemo-  
 ro? Ipsum Salmasium Salmatio opponam, ut sic,  
 d  
 nec

Lib. 7. c. 3  
 §. 9.

Etiā a  
 Salmatio.

nec Salmasio quidem adversante, indubia & communis hæc pauperum exceptio noscatur. Is enim in libro de Usuris expresse docuit c. 20. pag. 610. *Iniquum esse non desiteor, ab eo accessionem aliquam exigere usuræ nomine, qui sortem ipsam vix potest reddere. Cui stipem dare debeas non repetiturus, recipere ab eo velle, plus quam acceperit, humanitati, & charitati inimicum esse.* Et cap. 21. pag. 672. ita tres mutuatariorum classes distinguit, ut in Molinæi sententiam concedens, affirmet, *ex charitatis regula, quæ proximo a Christianis debeatur, sine usura non tam subveniendum esse egenis prorsus, quam iis, qui temporali inopia premuntur; & solum usuram habere locum in divite, sed non satis nummato, & lucrum ex eo mutuo captante, qui scilicet, ( ut explicavit paullo ante ) pecuniam ad præsentem non habet, & querit unde agros emat, aut ædes, aut pecora, vel alias merces, ex quibus multum lucri faciat.* Cum vero nonnulla hoc in opere dixisset pro trapezitis, impugnatus exinde a Cloppenburgio, propterea quod trapezitæ a pauperibus usuras exigent, ob vindicandam trapezitarum, quos semel approbaverat, causam, eo deductus fuit, ut scenus etiam a pauperibus exactum niteretur defendere, ea potissimum ratione, quod (1) si usura non liceat, pauperes mutuuum non invenient. Infirmissima sane ratio, quæ, vel ipsius Salmasii iudicio, assertum abs se alias charitatis debitum in pauperes nihil imminuit; unde (2) eodem in opere, fatetur opus non fore usuræ adminiculo, *adjuvandæ miseria hominum, si omnes charitatem, quam debent, proximo suo præstarent.* Stet igitur communem omnium adversariorum usuris patrocinantium sententiam, huc revocari, ut eam solam usuram probent, quæ a di-

Lib. 1. de  
fenor. tra-  
pez. pag.  
23.

(1) Vide quæ de hac Salmasii ratione fusius dicentur l. 2. c. 5. §. 2.

(2) Notanda etiam hæc ipsius verba ex lib. 1. de Fenor. trapez. pag. 476., quibus aliud quoque scenus et pauperibus alienigenis exactum, quo illi opprimantur, in antiquis Hebræis damnat ex lege Exodi 22. v. 25. *Vetat quippe lex, inquit, opprimi egenum, sed eidem funerari permittit, dum scilicet non opprimatur.* Vide dicenda lib. 2. c. 5.

diuitibus exigitur, siue qui ex mutuo lucrum percipiant, siue qui saltem usura nequaquam opprimantur.

21. Alia etiam usuræ conditio maxime observanda ab iisdem flagitatur, ne usura, quæ sine oppressione pauperum exigitur, modum excedat. Quæ enim supra modum est, eam ipsi quoque condemnant, nunc immisericordiæ, nunc iniustitiæ. Si nullus a legibus, vel consuetudinibus fixus sit usuræ modus, libereque permixta usurarum conventio; usuras ex necessitate petentium augere, etsi iniustum stricte nolint, quod contra leges non sit, immisericors tamen, & contra charitatem fatentur. Audiatur pro omnibus Salmasius, qui omnium laxissimus est: *Ubi nullus modus usuris determinatus est, nisi ex contrahentium voluntate, illa simpliciter & absolute permixta debent intelligi eodem prorsus modo, quo mercatori licet pretium, quod velit, suæ merci ponere. Siquis tamen illud impensæ magnum flagitet, charitatem offendit, ut & ille fenerator, qui abutitur necessitate proximi in amplioribus usuris exigendis, ubi quantalibet exigere licet. Ceterum quod uterque facit, non vindicatur legibus. Et alio loco: Cum enim hoc liberum leges cuique permittant rei suæ quantum maximum velit pretium constituere; si quis ea libertate in immensum abutatur, certum est illum contra charitatem christianam, immo vel humanam peccare. Alii tamen in hoc excessu iniustitiam aliquam vident, quibus idem Salmasius aliquatenus accedens scripsit: Non tamen hoc probat charitas, & pars est iniustitiæ, quamvis ea lege permittatur.*

22. Si vero lex, vel consuetudo, quæ legis vim habet, certos usuræ limites fixerit; amplius aliquid vel minimum exigere iniustitiæ palam accusant: id enim est iniustum, quidquid ultra legitimum pretium excedit, ut omnibus notum est. In Præfatione de Fœnore trapezitico Salmasius: *Si quando, inquit, lex, aut mos civitatis usuris jure naturali liberis modum po-*

Ab iisdem dam-  
natur usu-  
ra etiam,  
quæ mo-  
dum ex-  
cedit.

L. 1. de  
Fœnore  
trapez. p.  
106.

Lib. 1. p.  
380.

L. 1. p.  
235.

Iniustitiæ  
notata.

nat, ut pretio certarum mercium; eo casu usura, quæ modum illum excedunt a lege, vel more statutus, illicitæ habendæ sunt, atque improbæ. Injustitiam porro strictè dictam in hoc excessu, quem vel civiles leges pœna multarent, multis in locis adstruit, ac præsertim lib. 1. de Fœnor. trapez. pag. 106., ubi peccata ad furtum pertinentia recensens, fatetur in eandem speciem cadere usuras justo, & legitimo modo ampliores: & subdit: *Usura lege permessa furtum non est, lege vetita pro (1) furto haberi debet.* Duabus igitur conditionibus in adversariorum syllemate probatur usura, si nec modum excedat, quod semper culpabile est; nec intra ipsum modum extorqueatur a pauperibus, quod charitati adversum accusant. Hæc A catholici in Calvini sententiam.

## §. I X.

*De catholicis aliquot laxioribus, qui usura defensionem suscepisse videri possunt, at illam nihilominus ex catholico dogmate vere damnant.*

23. Mirum cuiquam fuerit, si hoc seculo decimo septimo, cum tanta opinandi licentia in disciplinam morum irrepsit penes quamplures catholicos, inter multa novarum sententiarum monstra nihil simile de usuris obrepserit. Nonnulla quidem excogitata a nonnullis, ut usuram ubique tere excusarent, sive titulis, quos justos prætulerunt in mutuo, sive contractibus, quos a mutuo diversos mutui loco ineundos opinati sunt. At nemo, qui usuram ipsam probavit, inventus est: adeo certa inter catholicos omnes sententia

(1) Hinc etiam Romano jure civili in sortem computandæ, quæ ante restitutam sortem solutæ fuissent supra legitimum modum; quæ autem cum ipsa sorte, vel postea solverentur, restituendæ erant, sicuti & restituenda erat sortis portio, quæ solutis usuris in sortem computatis indebite exigetur. Vide Gerardum Noodt l. 2. de fœnor. & usuris c. 13.



tia fuit, ut idcirco quidem eos varios usuræ declinandæ modos excogitarint, quod citra læsæ fidei crimen usuram per se vindicare non possent. Reprehendendi sane, qui rectam de usura fidem profitentes, nimia facilitate, ac indulgentia ducti, inanibus titulis, vel contractibus nisi sint usuram tegere, quam recto dogmate condemnabant: at ex malis opinionibus, quæ partim ab Ecclesia sublatæ sunt, partim vero a doctioribus, atque sapientioribus, non tam auctoribus, quam Episcopis fuerunt notatæ, ac in dubium saltem vocantur, nihil præjudicii creari potest adversus doctrinam catholicam, in quam omnes uno consensu conspirarunt semper, atque conspirant.

24. Specialis tamen mentio omittenda non est de nonnullis catholicis, qui in peculiaris erroris suspicionem vocati, a postremæ ætatis hæreticis pro sua sententia allegantur. Cum nimirum hæreticorum usuris patrocinantium opinio eo jam redacta sit, ut solam usuram ab iis exactam defendant, qui pecuniam non in necessitatis subsidium, sed in negotiationem, ac lucrum mutuum fuisse; auctores quidam catholici hoc lucri genus ab usura purgantes, ejusdem sententiæ videri possunt. Tres autem appellatos inveni, P. Maignanum, Patrem de Colonia e Minimorum familia, ac le Coreur Presbyterum, qui separatos libellos in eam rem edidit. Laxiora quidem illi tradiderunt; at usuram nemo vindicavit. P. Emmanuel Maignanus sub an. 1679. dissertationem Theologicam edidit, primum Gallice, deinde Latine inscriptam *De usu licito pecuniæ*, in qua lucrum ex eo solum pecuniæ usu defendere nititur, quo pecunia negotiatoribus in negotiationis usum traditur. Hic tamen, licet alium a mutuo contractum, quem *commissionis* appellat, ineundum præcipit; ita lucrum inde perceptum *innocens* esse contendit, atque *immune ab omni labe usura*, quam omnino, inquit in præfatione, *semper, & ubique vitandam censeo, damnante prorsus eam non solum scriptura*

Pecunia:  
res libelli  
catholico-  
rum de  
pecunia  
negotia-  
toribus  
credita,  
in quibus  
tamen u-  
sura dam-  
natur.

P. Mai-  
gnani.

ra Sacra, sed etiam toto jure, tum Canonico, tum Civili, ut nulli non compertum est. Quod autem vindicaturus eum commissionis contractum, qui vere redit in mutuum, laxius, & licentius scripsit, non modo virorum doctrina, & pietate, ut ipse fatetur, insignium offendit animos, verum quinque Episcoporum censuras, ac Romanam etiam promeruit: at in usura, quam indubie damnatam tam diserte professus est, nihil erravit.

P. Andreae  
de Colonia.

25. P. Andreas de Colonia Lugdunensibus mercatoribus, ac negotiationi potissimum prospecturus, an. 1676. libellum Lugduni divulgavit cum titulo: *Eclaircissement sur le legitime commerce des interest*, quem mercatorum Præposito, & Scabinis ejusdem urbis nuncupavit. Multum ibidem auctor laborat, ut illud novum lucri genus purget, quod ex pecunia mercatoribus, aut camporum emptoribus in lucrum tradita percipitur. Usuram tamen perpetuo & universim detestatur, divinam legem veritus, quam sine ulla exceptione, ac restrictione suscipiendam identidem proficitur: eaque solum de causa lucrum memoratum ab usura excusat, quod contractum id genus subtrahit a mutuo, & cum mercatoribus quidem contractum, trium contractuum, cum emptoribus autem agrorum realem censum, vel alium contractum implicite iniri contendit: quæ cum in mutui, ac usuræ pallium inducta visa fuerint, celeberrimus Gratianopolitanus Episcopus Stephanus le Camus, in Cardinalium collegium postea cooptatus, eum librum statim censura 17. Febr. 1676. suppressendum, & interdicendum judicavit.

Vide Eccl.  
laix. p. 50.  
66. 140.  
pag. 64.  
71. 98.  
184.  
pag. 74.  
99. 117.  
148. 170.  
&c.  
pag. 71.  
79.  
pag. 84.  
87.

Le Coreur.

26. Expressius aliquid pro usuræ patronis attulisse videtur le Coreur Presbyter in parœcia S. Germani Antissiodorensis Lutetiæ serviens, auctor libelli sine nomine editi an. 1682., cui est titulus: *Traité de la pratique des Billees entre les negociens*, uti colligitur ex epistola Illustrissimi Bossueti Meldensis Episcopi ad Joannem Episcopum Castoriensem. Is cum mercatoribus necessitudinem quamdam adeptus, in eorum gratiam hunc

hunc librum (1) scripsisse traditur. Cum idem liber Episcopo Castoriensi apud Batavos Vicario Apostolico probatus, ejusque opera excuslus, ab eodem auctore fortassis in suam defensionem præferretur, ut laudatus Bossuetus testatur; ementitiis (2) catholicarum urbium typis, idest ex Hollandia eum vere prodiisse suspicamur. Illum tamen Castoriensi Episcopo probari potuisse Bossuetus sibi persuadere non potuit. *Hoc enim libro, inquit, de usura ea docentur, quæ sacris Conciliis, & omnium seculorum perpetuæ, & perspicuæ traditioni repugnant.* Hinc scribendi ad Castoriensem occasio, ut factum liqueret. Quid Castoriensis responderit, patet ex epistola ad Bossuetum scripta die 24. Augusti an. 1684., qua mendacium detegitur: *Non mea opera, inquit Episcopus Castoriensis, quia nequidem mea cum notitia editus fuit libellus, cui nomen Traité des Billets. Nunquam forte ego scivissem istiusmodi libellum editum fuisse, nisi ejus auctor me de illo impresso fecisset certior, postulans meum de illo iudicium.* Addit porro se solum post acceptam Bossueti epistolam emisit librum, quem tamen nondum legere potuerat. Tandem concludit: *Si traditioni contraria docet, me approbato-rem non habebit; quod enim ab ea dissonum, refugere soleo.* Librum certe hunc uti a nemine approbatum, ita nec approbandum Steyartius prodidit. Unum lucrum ex pecunia negotiatoribus credita propugnandum auctor suscipiens, nihil a Scriptura, nihil a traditione, nihil

Apud  
Broeder-  
sen de u-  
suris pag.  
1261. n.  
25.

In propo-  
sit. damn.  
conc. 39.

ab

(1) Baillet *Jugement des Savans* tom. 1. c. 6. p. 2. postremæ editionis; C'est ainsi qu'un Ecrivain moderne apres avoir vecu long-tems dans l'au-  
version du Casuistisme, & avoir souffert l'éloignement de son pays & de son  
Eglise, s'est trouve engagé d'écrire en faveur de l'usure & des billets par  
les habitudes agréables, qu'on dit avoir contractées avec des Marchands &  
d'autres personnes d'un commerce seculier.

(2) In adnotationibus appositis laudato Bailleti loco hæc leguntur: L'écrit  
ici dessigné n'est autre chose, que le Traité de la Pratique des Billets  
entre les négocians en 12. par un docteur en Théologie nommé le Coeur.  
J'en ai vu la 2. édition revue augmentée prétendue imprimée à Monsbeu.  
Gaspard Migeot a l'insigne de trois Vertus 1684. avec approbation, sans  
pourtant qu'il en paroisse aucune au commencement du livre, ni à la fin.

ab auctoritate sacra, sed ratiocinationes tantum inanissimas ex humano ingenio afferre potuit. In omnibus tamen catholicum de usuris dogma sartum rectum relinquens, nullibi usuram aliquam licere innuit. Immo eam se damnare uti divinæ legi contrariam palam fatetur; & eatenus solum commercii litteras vindicandas putat, quia id lucri genus ab usura proprie dicta alienum contendit. Cum enim usuram nunquam esse sine mutuo proprie dicto asserit; tum vero mutuum duplex distinguens, alterum quo res aliqua cuiuspiam datur in consumptionem, seu uti ab eodem consumenda; alterum vero, quo eadem res in negotiationem datur ad lucrum quærendum; mutuum proprie dictum primum illud tantum esse affirmat, non vero hoc alterum, quem contractum commercii nominat; ita ut lucrum hinc perceptum, ex mutuo proprie dicto non sit, & ab usura proinde ablit quam longissime. Novum hocce commentum, re quidem multum cum usurarum defensoribus convenit, eorumque præsertim systemati, quod in Belgio novissime excitatum paullo post explicabimus, in multis præcinit: at ipsa expressa hæresis, qua usura aliqua licere defendatur, procul dubio non est. Hunc tractatum refutavit expresse Jacobus Gaitte in *Tractatu de usuris, & fenore* Parisiis 1688., nec non D. Carrel Theologiæ Doctor Parisiensis in libro, cui titulum posuit: *De la pratique des Billets*, edito primum an. 1690., & iterum 1699. Jacobus Gaitte pag. 122. & 124. viros politicos appellat, & impugnât. Hoc nomine le Coreur potissimum intelligit, nec non id genus alios, qui cum eodem, sive scriptis, sive voce, politice consentiebant.

Tres alii  
auctores.

27. Tres nimirum alii Auctores in eandem circiter sententiam lucrum præsertim e pecunia mercatoribus tradita, editis libellis, per hæc tempora purgare nisi sunt: scilicet Theologus (P. Chaduc nonnulli vocant) auctor *Epistolæ de usuris* vulgatæ circa annum 1665., quam refellit P. du Tertre (hunc esse volunt

P.

P. Jacobum Thorentier ) in libello Gallice inscripto:  
*L' usure expliquée, & condamnée* edito an. 1673. & 1678.,  
 Pater Mariolles in Gallico tractatu *De la nature de l' usure* contra P. du Tertre scripto, & Avenione impres-  
 so an. 1675., ac Bezian Arroy auctor Gallici tractatus  
 de Usuris, Mercatorum Consulibus nuncupati, Lug-  
 duni an. 1674. Alios porro in eandem transiisse sen-  
 tentiam, eidemque patrociniū præstitisse, colligitur  
 ex præfatione P. du Tertre pag. 2., ubi *plusieurs per-  
 sonnes assez considerables* memorat: & similiter in præ-  
 fatione tractatus P. Thomassini *Du negoce, & de l' usure*,  
 editi post illius mortem an. 1697., quo ca-  
 tholicum dogma vindicatur, ejusdem sententiæ indi-  
 cantur nonnulli ex ipso Clero, qui alias severiorem,  
 morum doctrinam prædicabant. Hinc porro nihil mi-  
 rum, si hic error in populum disseminatus est, ita ut  
 popularis dici potuerit in ipsa inscriptione operis ad-  
 versus usuram editi a Ludovico Bulteau cum hoc ti-  
 tulo: *Le faux de pot, ou Refutation de quelques erreurs  
 populaires sur l' usure* an. 1674. Auctor præstationis ad  
 Thomassini librum testatur, quosdam desiderasse Eccle-  
 siasticam hac in re definitionem, quæ animos dissiden-  
 tes conciliaret. Rem a pluribus canonibus, & decretali-  
 bus, ipsaque apertissima traditione definitam non dubi-  
 rat. Cum autem Ecclesia a se ipsa dissimilis, & discrepans  
 in doctrina morum, ac definitionibus esse non possit;  
 non aliam futuram recipit sententiam, nisi quam Ec-  
 clesiæ Præsules, quandocumque ipsis placuerit, pronun-  
 ciabunt. Spes quidem non fefellit auctorem hunc: nam  
 triennio post, idest an. 1700., Gallicanus Clerus, ob com-  
 pescendos hosce tumultus, damnavit propositionem 59.  
 his verbis expressam: *Usura etsi esset prohibita Judæis, non-  
 tamen Christianis, lege veteri in judicialibus præceptis abolita  
 per Christum*: quæ per hæc tempora totius erroris caput, &  
 origo erat. Censura autem propositionis hæc fuit: *Hæc  
 propositio verbo Dei contraria est, novæ legis perfectionem, &  
 gentium omnium in Christo adunatarum fraternitatem tollit.*

*De quibusdam aliis Anonymorum auctorum libris pro  
usura.*

28. Nova paullo post erroris semina in Lotharinga disseminata, Henrico de Bissy Episcopo Tullenſi, poſtea autem Meldenſi, ac Cardinali celeberrimo, an. 1703. cauſſam dederunt promulgandi ediſti, cui hæc inſcriptio eſt. *Ordonnance de M. l' Illuſtriſſ. & Reverendiſſ. Evêque Comte de Toul; pourtant condamnation d' un libelle intitulé: Faſtum ou propoſitions ſuccinctement recueillies des queſtions, qui ſe forment aujourd'hui ſur la matiere de l' uſure &c.* Jacobus de Fieux, qui Henrico de Bissy in Tullenſi ſede præceſſerat, cum uſuram in tota diœceſi late pervagatam deprehendiſſet, timens de plurium animarum periculo, officii ſui eſſe putavit omnes commonere, & in id die 25. Aprilis an. 1679. typis dedit Epistolam paſtorales inſcriptam: *Lettre paſtorale de M. l' Evêque & Comte de Toul ſur le prêt uſuraire de l' argent par obligation.* Huic Epistolæ Inſtructionem addidit, in qua totam de uſura doctrinam tribus ac decem capitulis luculenter expoſuit, præcepitque in Epistola, ut huic Inſtructioni omnes, non tam laici, quam Confeſſarii & Prædicatores ſe accommodent. Inſtructioni hic titulus eſt: *De l' uſure ou de prêt uſuraire de l' argent par obligation.* Contra hanc Epistolam & Inſtructionem inſurrexit anonymus neſcio quis, qui ementitis, aut ſimulatis typis memoratum opusculum edidit: *Faſtum ou propoſitions ſuccinctement recueillies &c.*, quod in Indice librorum prohibitorum hac notatione prænotatur *Jouxté la copie imprimée à Ville ſur- Ilon en. 1680.* Plura hæc capita cum hæreticis uſurarum patroniſconcincentia leguntur. Doctrinam de uſura nondum ab Eccleſia definitam, novoque judicio indigere auctor contendit: laicoſque, Jurifconſultos præſertim, & a conſiliis Principum hac  
in

in materia iudices cum Episcopis esse oportere affirmans, hos inducit eadem fere docentes, ac quæ a Calvinillis fœnoris defensoribus de usura traduntur, inter quæ illud potissimum ingeritur, magnam in hoc Principum potestatem esse, ut quod lucrum ex pecunia præfinitum, legitimum, & licitum sit. Hic autem liber, qui una cum Epistola, & Instructione Jacobi de Fieux Episcopi Tullensis catholicum de usuris dogma impugnabat, cum recusatus fuisset an. 1703., cum Henricus de Bissy Jacobi successor prætermittendum non duxit; ac propterea die 23. Septembris an. 1703. laudatum Edictum, quo ejus libri errores damnantur, & refelluntur, evulgavit. Anno autem sequenti 1704. die 11. Martii hic idem liber a suprema Romana Inquisitione proscriptus fuit, una cum duobus aliis similem doctrinam continentibus, quorum alter inscribitur: *Usura explicata, seu de conscientia pacata in concessione pecunie ad incrementum annuum, auctore Philopones, translata de idiomate Anglico in Latinum*: Londini 1695.; alter vero anonymus, cui titulus: *Consuetudines Anglicæ de concedenda ad usum pecunia*: Londini 1699. Vide Indicem librorum prohibitorum.

29. Neque defuisse videtur aliqua erroris occasio in opere de *Usuris*, auctore Bigozier Decano Senatus Britannicæ, quod editum sub initium præsentis seculi, Nanetenfes quidam Doctores an. 1713. impugnarunt: Licet enim pecuniæ pupillaris collocationes per census utrinque redimibiles ab usura defendere propositum ejus sit; cum tamen hæc collocatio antiquis usuræ pupillaris appellata fuerit, & Romanis probata legibus; has leges, & hoc proinde usuræ genus e divitibus, vel mercatoribus exactum vindicare, eaque occasione plura scribere dicitur *generatim in defensionem ejusmodi pecuniæ collocationum, quæ in aliis, quam pupillorum pecuniis, cum divitibus, aut non indigentibus frequentantur*. Ita de illo Nicolaus Broederfen *De usuris* pag. 1636. n. 1. ex variis autem ejusdem testimoniis,

quæ alibi recitat, Bigozier non usuram proprie dictam defendere, sed illam potius uti, & mutuum, in his pecuniæ collocacionibus negare videtur. Quidquid sit de hoc opere, quod etiam Theologi Parisienses confutarunt; non multo post, idest an. 1717., novitio de usuris errori se objiciens Facultas Theologiæ Parisiensis, inter doctrinæ articulos ad usurarum materiem pertinentes, hunc 91. recensuit: *Sive a pauperibus (quibus non solum mutuo dare, sed etiam erogare sæpe præceptum est) sive a divitibus aliquid ultra sortem exigere, vel intendere, vi mutui ad certum, incertumve tempus dati, usuræ crimen est, naturalis, divino, & humano jure prohibitum.*

### §. X I.

*De controversia circa usuram in Belgio Fœderato excitata a nonnullis Schismatico - Jansenistis. Turpis ejus causa, & contraditio inter ipsos; ac de libris hinc atque hinc editis. Systema eorum exponitur. Novi operis necessitas in catholicæ doctrinæ defensionem.*

30. Nunc ad novissimam controversiam in Belgio Fœderato inter Schismatico - Jansenistas acrius excitatam, & adhuc fervescentem, venio. Hæc autem controversiæ occasio & origo proditur in Gallico opusculo, cui titulus: *Memoire sur l'état présent des Réfugiez François en Hollande au sujet de la Religion.* Paris 1728. Varlettus Babylonis Episcopus, cum ab Apostolica Sede suspensus in Belgium Fœderatum secessisset, ut Jansenistis faveret, suppressum jamdiu ob hæresim Ultrajectinum Archiepiscopatum propria auctoritate restitutus, die 15. Octobris an. 1724. Steenhoven Archiepiscopum consecravit, eique mortuo anno sequenti Barchmannum statim in Archiepiscopatu suffecit.

Tum



Tum Schismatico - Jansenistæ, ut suam Ecclesiam in Belgio magis magisque stabilirent, suffraganeos creari cupientes, duos Episcopos consecrandos Barchmanno proposuerunt. Sed magna quæstio de usuris, quæ in hæresim tandem erupit, factum impedit. Usurati erant in Belgio contractus pecuniæ in annum lucrum collocatæ, quos etli reddituum utrinque redimibilia nomine detentos, cum Barchmannus Pseudo Archiepiscopus usurarios crederet, his magnopere resistendum ratus, nullos abs se ordinatum iri Episcopos professus fuit, nisi se quoque iisdem contractibus objecturos jurarent. Ad hæc autem Jansenistæ nonnulli, cum de offensione Reipublicæ, cui ii contractus, & usura probabatur, vehementer timerent, primo quidem redditus utrinque redimibiles vindicare: at cum objecta iisdem usura vix posset abstergi, alique contractus in ea Republica vigerent, qui ad redditus reduci non possunt; sensim in usuræ defensionem dilapsi sunt, illud aperte pronunciantes, usuram intra consuetos, vel decretos limites coercitam non esse peccatum, nisi quoad pauperes, qui necessitate victus, & impotentia opprimuntur. Ita Calvinianæ Reipublicæ metus Schismatico - Jansenistas a Catholica in hanc Calvinianam plane sententiam induxit. Hæc fusius describuntur in laudata *Memoire*, quæ publica auctoritate edita fuit. Id ipsum confirmant, & indicant etiam Petrus Franciscus Lafiteau Episcopus Sistaricensis in Historia Constitutionis *Unigenitus* lib. 5. ad an. 1728., nec non Georgius Lazarus Berger Montispefulanus Episcopus in pastoralis epistola Gallico sermone edita die 24. Septembris an. 1740. *au sujet d'un Ecrit rouvé dans son diocese*. Ubi D. Thierry de Viaixnes testimonium allegatur.

31. Nunc de scriptis hac super controversia utrinque editis. Pro usuræ defensione hi subinde prodierunt. *Epistola D. Thierry de Viaixnes*, quarum sulior mentio, ac veluti summa, in laudata *Memoire* invenitur.

Una

Vide infra Vindiciarum c.  
1.

Una ex his ad Barchmannum data an. 1728. impressa est ann. 1738. post *Traité des prêts de Commerce*. In hac memoratur quoddam opusculum eadem super re, atque in eandem sententiam, a Launojo scriptum, cujus editionem DD. Sorbonici nunquam voluerunt permittere. Hoc opusculum esse arbitror epistolam Launojo tributam, quæ in novissima editione Genevensi operum ejusdem tom. 2. p. 2. pag. 563. inserta est cum hoc titulo: *Lettre d'un Theologien a son ami sur le sujet de l'usure non encore imprimée*. Notatur autem in calce: *Hujus opusculi exemplar prostabat in Bibliotheca D. de la Boissiere ad calcem tractatus MSS. de usura, auctore doctissimo Dirosio, quem amici tantum nomine hic designat Launojus*. At in titulo non proditur Launoii nomen; cur autem ejus præsumatur, nullibi dicitur. Aliis etiam in operibus defensorum Catholici dogmatis uti *Launojo* attributa semper allegatur. Ceterum Launojanam opinandi licentiam, rebus multis exploratam, & ab omnibus doctis reprehensam, nemo ignorat.

*Consilium Causidici Bruxellensis Cl. D. H.*, quod ad usurariorum contractuum impugnatores, qui an. 1728. *Casus positionem* ediderant, missum, ab iisdem eodem anno, cum refutatione, quæ *Iterata discussio* inscribitur, publicatum fuit.

*Tractatus brevis de redditibus utrinque redimibilibus* an. 1729. Auctor in fronte non memoratur, sicut & plerisque id genus operibus accidit. At scriptum a Nicolao Broederlen Pastore Delphensi liquet ex novissimo ipsius opere *de usuris*, ex quo sequentium opusculorum Auctores cognovimus.

*Discussio responsionis ad difficultates quasdam propositas in materia de usuris* an. 1720. Auctore Godefrido Valkemburg. pseudocapituli Ultrajeclini Canonico.

*Examen pacificum scripti, cui titulus: Casus positio circa redditus, per Theologum Brabantinum*, eodem anno 1730. Verus Auctor hoc nomine teclius est Antonius Cinch

V. Præfat.  
n. 12. &  
pag. 915.  
c. 48.

Broeder-  
len de U-  
suris Præ-  
fat. n. 14.  
& p. 916.  
c. 99.

Cinch præses collegii Lovanienſis Craëndonck vocati, ad quem Delphis tum commorantem quidam nescio quis Lovanio ſcripſiſſe traditur, Dominum Daelman de hac controverſia interrogatum reſponſiſſe, *quod ad tollendas omnes difficultates conveniret, quod Status Generales ederent ediſtum, ſeu legem, qua redditus illos declararent licitos*: id tamen nemini probatum fuit.

*Deſenſe des contrâts des rentes rachetables de deux coſtes communement uſitës en Hollande*, eodem anno, auctore Franciſco Meganek Ultrajectini pſeudocapituli Canonico.

*Suite de la deſenſe des contrâts des rentes rachetables de deux coſtes* anno 1731., eodem auctore.

*Obſervationes paciſicæ in epistolam N. N. Doſtoris Sorbonici* an. 1731., auctore memorato Antonio Cinch. Scriptæ ſunt contra epistolam primam Petit-pied, cujus inferius fiet mentio, cum de libellis pro ſana doctrina editis fermo erit.

*Traité des prêts de Commerce, ou l'on compare la Doctrine des Scholaſtiques ſur ces prêts avec celle de l'Ecriture, & des Saints Peres*. 1738. Auctore eſſe dicitur quidam Doſtor Facultatis Theologicæ Pariſienſis; at ſimul ejus impreſſionem a Schiſmatico Janſenitæ pſeudocapituli Ultrajectini non modo verbis, & ſuaſione, ſed & aliis argumentis promotam, certiffimum affirmatur. Licet editus præferatur in Inſulis apud Petrum Mathon; vere tamen Amſtelodami impreſſus traditur in opere inſcripto *Lettres Theologiques contre le Traité des prêts &c.* pag. 78. n. 8. Omnes enim id genus libri, eminentis typis, in Batavia editi ſunt, ut per litteras teſtatus eſt ſummæ Eccleſiaſticæ dignitatis vir, qui jamdiu in Belgio verſatus, controverſiæ præſentis teſtis exiſtit. Huic porro tractatui *Conſultatio* in eamdem ſententiam præmiſſa legitur, ſignata an. 1735., quam in originalibus MSS. plurium Doſtorum ſubſcriptionibus notatam ferunt. Videntur tamen hi caſus præctici poſitionem approbaſſe, non uſuram, cum illum, uti propoſitus

Præfat.  
ibi. & p.  
916. cap.  
100. pag.  
919. cap.  
104.

Broederſen, pag.  
1736. n. 8.

Idem in.  
præfat. n.  
23.

situs fuerat, ab usura defenderint; ipsum scilicet opus hæcenus habere non potui. Cum vero ejus compendium magnificis laudibus protulissent Calvinistæ *Bibliotheca Gallicæ* auctores tom. 27. P. 1. art. 5. male, autem de eodem tractatu relatum fuisset in Gallia; in vindicationem, & confirmationem ejusdem sententiæ an. 1739. editum fuit longius opusculum, inscriptum: *Lettre aux Auteurs de la Bibliothèque Française*, quod tom. 28. memoratæ Bibliothecæ P. 2. art. 10. insertum legitur.

*Epistola* aliquot Gallice scriptæ, *Negotiatoris*, uti inscribitur, *Amstelodamensis* an. 1739. quibus prædictus tractatus de mutuo commercii iterum vindicatur.

Tandem *de usuris licitis, & illicitis*, vulgo nunc *compensatoris, & lucratoris libri XII.* auctore Nicolao Broederse an. 1743.

32. In his opusculis, licet de redditibus utrinque redimibilibus nonnulla, pleraque tamen afferuntur pro vindicanda usura, quæ ad legum, vel consuetudinum limites a divitibus, præsertim mercatoribus, exigitur. Id autem etsi in Calvinistarum sententiam re ipsa concurrat, ab eadem tamen nonnihil discrepat. Calvinus enim, Salmasius, ac ceteri plerique ejusdem sectæ homines, omnem usuram inter Hebræos, etiam divites, vetitam agnoscentes, idcirco nos eadem lege non teneri docuerunt, quod hæc lex, quatenus usuram a divitibus perceptam complectitur, inter politicas præceptiones recensent, quæ a Christo sublatae fuerunt: neque enim traditioni, & auctoritati Ecclesiæ, quæ ejus legis confirmationem luculentius statuit, ex hæreticis præjudiciis, quicquam deferunt. At Schismatico-Jansenistæ, cum non in tantam impietatem, atque hæresim adhuc prolapsi sint, ut omnem traditionem, atque Ecclesiasticam auctoritatem abjicerint; intelligentes exinde, vetus de usura vitanda, præceptum in novo testamento confirmatum negari non posse, aliam usuræ a divitibus, ac præsertim mercator-

catoribus exactæ defensionem excogitarunt; nimirum usuram in veteri, ac novo Testamento damnatam, solum pauperum, non autem divitum usuram spectare. In hunc sensum & Scripturam, & Patres interpretari conantur, & ita errorem eundem, quem Calvinistæ, sed alia via, propugnant. Usuram itaque, quæ pauperes gravat, atque opprimit, omnes damnant; quæ autem a divitibus, præsertim ex mutuo accepto lucrantibus, juxta legem, vel consuetudinum modum percipitur, una defenditur. Juxta legem, vel consuetudinum modum, inquit, quia immoderatam, quæ præstitutos excedit limites, injustitiæ etiam in divitibus damnant.

33. Adversus hunc errorem, pro catholico dogmate asserendo, varii libri typis dati sunt, magno studio, & eruditione lucubrat, inter quos hi præcipue memorantur.

*Appendix ad casus positionem circa redditus an. 1728.*, ubi Epistola D. Thierry refellitur toto articulo primo. Id affirmatur diserte Epist. 15. inter Theologicas scriptas *contre les prêts de Commerce* num. 17. pag. 119.

*Refutation d'un Ecrit ou l'on tâchoit de justifier l'usure* anno eodem, quæ tamen refutatio in præmissa monitione ante triginta, & amplius annos scripta dicitur ad quandam librum MS. refellendum.

*Courtes observations sur une lettre attribuée à feu Mr. de Launoy au sujet de l'usure* eodem anno.

*Dogma Ecclesiæ circa usuram expositum & indicatum an. 1730.* adversus *Tractatum brevem, Discussionem responsionis, & Examen pacificum*, libellos antea memoratos.

*Lettres touchant la matiere de l'usure* anno 1731.

*Lettres Theologiques contre le Traité des prêts de Commerce* (confutatur etiam longius opusculum, seu epistola ad Bibliothecæ Gallicæ auctores). Illis epistolis adjunctum *Supplement, & suite du supplement aux Lettres Theologiques &c.* adversus Negotiatoris Amstelodamensis Epistolas an. 1739. & 1740.

Auctores istorum librorum, qui pro Catholico dogmate adversus Schismatico-Jansenistas usurarum patronos lucubratī sunt (excipe *Refutation d'un Ecrit &c.*) omnes Schismatico-Jansenistæ & ipsi fuisse videntur, nimirum pseudo-Archiepiscopus Barchmannus, Petit-pied, Maupas, & id genus alii satis noti. In prima Epistola Theologica adversus tractatum *des Prêts de Commerce* num. 1. *Dogma Ecclesiæ* Barchmanno tribuitur. In supplemento autem Epist. 6. n. 9., & Epist. 11. difficultate 13. n. 1., Petit-pied, tanquam auctori, diserte vindicatur. Alias ex Epist. 2. num. 2. idem videtur Epistolarum, & Dogmatis auctor; etenim ejus Epistolæ auctor adversario responsurus scribit: *Ce Docteur a lui sans doute le Dogma, & il a payé voir des la seconde page, que nous ne regardons point &c.* Auctor autem Epistolarum Theologicarum, ac supplementi, est Maupas Barchmanno Archiepiscopo intimus, & in hac controverſia addictissimus, ut in *Memoire*, quam n. 30. allegavimus, traditur. Vide Epist. 2. D. Blondel supplemento insertam pag. 7., & Epist. 5. ejusdem supplementi pag. 14. Hæc conciliabis, si non unum, sed plures in hoc opere laborasse scias; unde idem Maupas Epist. 11. supplementi pag. 42. de Dogmate loquens ait: *Ceux, qui ont travaillé a cet ouvrage, y ont refusé &c.* Et similiter Episcopus Montispeſulanus in Epistola diei 7. Febr. 1732. ad D. Van Erchel Decanum Ultrajectinum supplemento adjecta plurali item numero scripsit pag. 49. *Les raisons que les auteurs du dogma ont employées &c.* Ibidem fuerunt fere auctores operum ceterorum. Petit-pied Epistolæ allegantur a Maupas auctore Epistolarum Theologicarum in supplemento Epist. 5. n. 11. pag. 42., unde auctor fortassis est operis inscripti *Lettres touchant la matiere de l'usure*, & traditur aperte a Broederſen pag. 1690. c. 13. Petit-pied, & Maupas præcipui vindices Catholici dogmatis citantur in Epist. 3. Supplemento inserta p. 8. Ex his ergo inter Schismatico-Jansenistas hinc & hinc

hinc hæc pugna fuit, ut palam proditur ab auctore Litterarum Theologicarum contre le *Traité des Prêts de Commerce* Supplementi n. 8. pag. 13., ubi de Schismatica Ultrajectina Jansenistarum Ecclesia loquens, ait: *Vous vous plaignez d' une legion dechainée contre. Je ne connois personne, qui ne lui veuille dubien; & on lui en feroit certainement un tres grand, si on en bannissoit l'usure. Ce sont ceux qui l' autorisent, qui travaillent a rendre cette Eglise odieuse a l' Eglise catholique.* Hinc etiam nota, eos qui in Belgio Fœderato usuræ patrocinebantur, idcirco tradi Catholicæ Ecclesiæ odiosam reddere Ultrajectinam Ecclesiam, quod ii, qui adversus catholicum dogma a Catholica Ecclesia custoditum, pugnarent, ex Ultrajectinæ Ecclesiæ gremio essent, cui Jansenianæ quidem, & Schismaticæ Ecclesiæ soli Schismatico-Jansenistæ bonum velle, & adprecari poterant. Si utriusque autem partis auctores Schismatico-Jansenistæ existerent, nihil mirum accidet, si alii alios, etsi catholico de usuris dogmati adversarios, catholicos vocent.

Vide præfat. dogmatism. 3. & 4.

34. Hinc porro malum eorum quoque Auctorum, qui Catholicum dogma propugnarunt, nomen, ipsa eorum opera apud Catholicos in suspicionem vocat; nec desunt; qui dubitant, utrum illi in Catholico dogmate propugnando rigidius egerint, an etiam fortassis venditarint pro dogmate, quod dogma non est: indeque ea in nonnullos de ipso dogmate dubitatio irrepsit, cujus initio meminimus. Itaque Catholicæ doctrinæ studiosi opus esse crediderunt, ut Catholicus Catholicum hoc dogma proponeret, statueret, vindicaret. Adde quod non soli Jansenistarum libri refellendi sunt, qui adversus dogma postremis hisce temporibus nova quadam ratione editi fuerunt, sed Calvinus, Molinæus, Salmasius, Noodt, le Placette, & alii etiam, sive antiqui, sive novi hæretici, qui suis quandoque voluminibus vehementia sæpe argumenta, aliis intacta, nec fatis ex proposito a Catholicis hactenus rejecta obtrudere. Accedunt etiam alia a

Novi operis necessitas.

nonnullis hoc tempore excogitata, vel vulgo objecta, quæ sine idonea confutatione dimittenda non sunt. In hoc ergo opus, cum materiem mihi jamdiu paratam notum esset, excitatus fui ab iis, qui jubere potuissent: occasioneque præsentis temporis, quæ hanc controversiam inter ipsos Catholicos excitarunt, vehementes addiderunt stimulos, ut citius, quam volebam, operi manus apponerem.

Duo systemata  
confutanda  
proponuntur.

35. Interim ex descripta historia, cum novitas, & fera, ac turpis etiam patet origo doctrinæ, quæ usuram defendere nititur; tum vero ex duobus systematibus, quæ in plerisque concinentia modicum discrepant, hæc fere sunt errorum capita. Primo convenit inter ipsos nullam usuram per se jure naturali illicitam, nisi duobus in casibus, si vel exprimatur a pauperibus etiam modica, vel a ditioribus, supra legum, vel consuetudinum præscriptionem, ac limites, exigatur. Dein quoad divinum jus alii omnem usuram Hebræis inter se in veteri Testamento divino jure prohibitam non dubitant; at idem jus in novo Testamento confirmatum inficientes, moderatam usuram cum iis, qui pauperes non sunt, nunc contrahi posse contendunt. Alii vero cum videant negari non posse confirmatum in novo Testamento idem omnino jus, quod in Testamento veteri Hebræis prælitutum fuit; eandem moderatam usuram, quæ a non pauperibus exigatur, nec in veteri, nec in novo Testamento unquam interdictam volunt; quæ duplex sententia præcipuum inter adversarios discrimen constituens, ea duo quæ appellavi systemata distinguit. Porro usuram plerique contra justitiam esse negant, nisi quatenus legitimum modum excedat: quæ autem juxta modum a pauperibus extorquetur, soli charitati adversam contendunt. Errores etiam circa mutuum non detunt; quidam enim mutuum, ex quo usura nascitur, a vero mutuo conantur excludere, ut lucrum inde perceptum ab usuræ vitio diluant.



*Operis præsentis scopus, & divisio.*

36. Nos autem demonstraturi Catholicum dogma, hæc singula ad examen revocabimus. Sex libris omnia complectemur. Primo libro agemus de mutuo, ubi errores circa mutuum refellentur. Cumque in rebus dogmaticis plurimum interlit, ut quod dogmatis est, dogmatice statuatur ex revelatione, & auctoritate divina; ne si forte immisceantur, quæ ad dogma non pertinent, nec satis demonstrari ex ratione possint, hæc dubium aliquod afferentia, dubitationem in ipsum dogma traducant; de solo & universo divino jure, quod ex Catholica Ecclesiæ doctrina, ac divina auctoritate omnino demonstrare me posse video, tribus sequentibus libris disputabo, quibus universi circa usuram errores certissime disjicientur. Nam secundo libro ex ipsa traditione, atque Scriptura præmittam primo notionem, & definitionem usuræ, ne dubium esse possit, quid usuræ nomine damnatum divino iure fuerit. Hinc autem postquam palam factum erit, non immodicum tantummodo, sed omne omnino lucrum mutui esse usuram divino jure appellatam, adversus primum systema, quod hanc in veteri quidem, non autem in novo Testamento vetitam universim ponit; eandem divino jure, non minus in Testamento novo, quam in veteri, prohibitam, eodem secundo libro statuam: & prohibitam quidem uti contrariam non soli charitati, sed etiam justitiæ, uti ex Scriptura item atque traditione ostendam libro tertio: ac tandem libro quarto usuram, non ex pauperibus, sed ex divitibus etiam exactam, eodem divino jure utroque in Testamento interdictam demonstrabo: quod alterum, & præcipuum adversariorum systema subvertet. Sic totum Catholicum de usuris dogma distincte propositum, & ex principis dogmaticis constitutum patebit.

Tum

Tum de usura ex naturali jure, atque ratione conclusam duobus postremis libris, quorum primus, ordine quintus, usuram jure naturali illicitam, atque charitati, & justitiæ inferentem ex ratione suadebit; postremus vero objectionibus a ratione ductis satisfaciet, ita tamen ut si quis de hoc naturali jure ex rationibus non plane acquiescat, haud propterea inficiari, vel dubitare possit de divino jure, quod ex certissimo dogmate, ac exploratissimis tum Scripturæ, tum traditionis testimoniis, atque ipsius Ecclesiæ definitionibus, tribus libris antecedentibus demonstratum inveniet. Videnda quæ in hanc rem sub finem lib. 4. & 6 fusiùs dicuntur. Solum observandum est postremum Nicolai Broederfen volumen *de Usuris* novissime editum, in meas manus venisse, postquam sex libros indicatos lucubraveram. Itaque illud distincto opusculo, quod *Vindicias juris Divini, & naturalis circa usuram* inscripsimus, & sex libris memoratis subjiciemus, consutatum invenies.







# DE JURE DIVINO, AC NATURALI CIRCA USURAM

LIBRI SEX.

## LIBER PRIMUS.

*De mutuo, unde usura nascitur.*



**U**T disputationi de usura, quam ex proposito tractandam hoc in opere suscepimus, disputationem praemitteremus de mutuo, duplex causa permovit. Prima, quod sine intellectu mutui intelligi non facile possit natura usurae, quae ex mutuo nascitur: altera, quod in ipsa mutui materia errores nonnulli, partim vulgo obrinentes, partim a patronis usurarum excitati, convellendi sunt, qui si intacti relinquerentur, quaecunque deinceps disputaturi sumus, nihil proficerent.

### C A P. I.

*Mutui natura exponitur.*

**D**UX apud Romanos vulgatiore mutui, ut in praesentiarum accipitur, definitiones, seu descriptiones inveniuntur, quae tamen imperfectae valde sunt, nec satis accurate. Si datur, quod redatur, mutuum est, inquit Varro

Definitiones  
mutui non  
accuratae,

Tom. I.

de Lingua Latina lib. 4. At non mutuo solum, sed commodato etiam, atque deposito id convenit. Tritum est pariter illud, quo mutuum in iis rebus consistere dicitur, quae pondere, numero, mensura constant &c. uti scribitur Leg. 2. D. de rebus creditis, & lib. 3. Institutionum tit. 25. At nonne pondere, numero, vel etiam mensura, constant, quae non consumuntur usu, & in mutuum cadere nequeunt? Accuratius itaque mutuum, definiri potest: Traditio rei usu Vera deficiat consumptibilis, in consumptionis usum, ea conditione, ut post aliquod tempus tantundem restituatur. Explicemus singula.

2. Primo res, in quas mutuum cadit, usu consumptibiles esse debent. Nam etsi mutui, sicut & commodati, vetus appellatio ab antiquis promiscue usurpata invenitur de traditione rerum eorum, quae ipso usu consumuntur, rerum eorum, quae non consumuntur, dum ita tradantur, ut post aliquod tempus restituenda sint; proprie tamen commodati nomine illis rebus

A

bus

bus relicto, quæ non consumuntur usu, sed eadem numero reddenda sunt, uti est equus, pascium &c., *mutuum*, de quo nunc agimus, & ex quo tantum usura nascitur, de iis tantum rebus accipitur, quarum usus est ipsa consumptio, & in consumptionis quidem usum cuiuspiam traduntur, ut iis proprio iure consumtis, non eadem numero, sed alia ejusdem generis restituatur. *Res autem consumptibiles* a nobis dicuntur, quas alii *fungibiles* vocant, seu quæ ( ut ait Paulus Leg. 2. D. de rebus creditis ) in genere suo *functionem recipiunt*. Duplex autem rerum consumptio, alia naturalis, qua scilicet res ipsa usu consumitur, & perit, uti vinum, frumentum &c. si quis hæc ad victum accipiat: alia civilis, qua res alienatur, & ita priori domino perit, ut pecuniæ accidit, quæ tunc consumitur dicitur, cum in alium dominium transferatur.

3. Neque tamen ad rationem mutui sufficit, ut res usu consumptibiles dentur, sed ut præterea in consumptionis usum, seu ( ut alii vocant ) in (1) *abulum* dentur, necesse est. Si quæ enim res consumptibilis, non in consumptionem, sed in alium usum tradatur, verbi gratia ostentationis gratia, ita ut eadem numero restituenda sit; ea traditio non mutui, sed commodati rationem habet. Hinc Ulpianus Leg. 3. D. Commodati, vel contra §. 6. scripsit: *Non potest commodari id, quod usu consumitur, nisi forte ad pompam, vel ostentationem quis accipiat*. Confer L. 4. ejusdem tit., & L. 13. D. de rebus creditis. Rursus quod in custodiam, non autem in consumptionem datur, etiam si consumptibile sit, non mutuum, sed depositum dicitur. Ratio itaque, ac na-

tura mutui, quod a commodato, ac deposito discrepat, exigit, non tam ut consumptibiles res dentur, quam ut in consumptionis usum dentur.

4. Cum porro mutuum non sit, nec esse possit, nisi quod datur, & mutuo reddatur; unde *mutuum amorem* definivit Cicero l. 5. ad fam. epist. 2. *cum par voluntas accipitur, & redditur*; restitutionis debitum in mutuo imponatur, oportet; & carenus tantum, quod ita datur, ut reddatur, *mutuum esse* iure Varro dixit. Hinc ἐπαινον, quo apud Græcos amicis pecunia dabatur, ut illam redderent, cum ad pinguiorem fortunam venissent, ex hoc restitutionis onere species erat mutui; at simul erat elemosynæ species ex ea parte, qua amici, si ad eam fortunam non ascendissent, omni restitutionis debito solvebantur. Cum vero res, quæ in consumptionem mutui traduntur, eadem numero tradi nequeant; res aliæ ejusdem speciei ex mutui contractu restituendæ sunt, ut monet Paulus antiquus Jurisconsultus L. 2. D. De rebus creditis. *Mutuum damus, recepturi non eandem speciem, quam dedimus, alioquin commodatum erit, aut depositum, sed idem genus: ubi speciem eandem dixit pro eadem numero* (species enim fere apud jurisconsultos individuum constituantur, ac certum corpus) *genus autem, idem vocavit rem ejusdem generis*, seu ut Philosophi appellant, *speciei*; uti vinum pro vino: pecuniam pro pecunia &c. Id autem est *par pro pari*, ac propterea verum mutuum reddere, ut probe notavit Aristoteles. l. 7. de moribus c. 15. Similiter Lucas c. 6. v. 54. *mutuum dari* dixit, ut recipiantur *ta* 102. aqua-

(1) Boetius in Topic. Cic. *Utuntur iis, quæ nobis utentibus permanent, iis autem abutuntur, quæ nobis perunt; unde abusus idem, atque consumptio est.*

*aqualia, æqualem scilicet, vel mensuram, vel numerum, vel pondus. Hinc L. 2. D. de rebus creditis Paulus scripsit, mutui dationem consistere in his rebus, qua pondere, mensura constant . . . qua in genere suo functionem recipiunt per solutionem aquam, specie aquam, vel aqua pro aquam ( quod vulgo legitur, nec satis intelligitur ) Jacobus Gothofredus in operibus minoribus correxit: eaque idcirco functionem recipere dicuntur, quia iis consumptis, in restitutione aliarum deinde res ejusdem generis per solutionem aquam, idest aequalam, vel aqua specie, rerum acceptarum officio funguntur. Æqua igitur species aqualia illa significat, quæ mutuo reddenda sunt; unde eam mutui conditionem, seu obligationem posuimus, ut tantundem restituatur: quæ particula non idem numero corpus, sed eandem quantitatem, ac æstimationem efflagitat. Sic Papinianus L. 24. D. Depositi, vel contra, tantundem, non idem reddi observavit in mutuo.*

3. Notanda tandem illa *post aliquod tempus*; nam rei mutuo traditæ restitutio non statim exigenda est ex contractu mutui, alioquin inutiliter daretur; ac proinde obligationem illam etiam mutuator contrahit, ne statim post mutuum tantundem repetat. Hinc Domatius in Terentii Andriam act. 5. sc. 5. v. 3. *Mutuum est, quod habemus ad tempus.* Tempus vero mutui repetendi certum, & determinatum esse potest, & tum antea præstitutam diem mutuum repeti nequit. Si vero indeterminatum, relinquatur, potest repeti quando-cunque libet; unde Cicero Tusc. 7. *Natura dedit usuram, idest usum, vitam, tanquam pecunia, nulla præstituta die. Quid est igitur, quod querere, si repeti cum vult? ea enim conditione acceptas.* Idem ergo in mutuo pecuniæ fieri potest, dum non statim, sed post aliquod tem-

pus repetatur. Infra decem dies ad minus mutuum apud Romanos repeti non poterat, ex L. Promissor 21. §. 21. D. de pecun. constit., & apud Hebræos ante diem trigessimam non potuisse repeti observant viri docti ad codicem Machoth. c. 1. §. 2. Reddere quidem mutuum licebat ante statutam diem, reperere autem non licebat. Hinc ergo mutuum jure accersendum est inter perfectos contractus, ex quibus utrinque oritur obligatio, non una ex mutuatarii parte tantum; sed ex utraque, mutuatarii, & mutuantis, parte duplex.

6. Adversus definitionem, quam hæcenus proposuimus, & explicavimus, magnam criminationem, nonnulli adversariorum nobis movebunt, quippe qui de usura dogmatice acturi, *mutuum*, unde illa nascitur, non ex Scriptura, & Patribus, sed ex Jurisconsultorum Romanorum placitis definiverimus. Varias autem utriusque Testamenti voces ingerunt, ex Hebræico, & Græco textu, ex Latinis item interpretationibus, varias, ipsumque *mutui* nomen, nunc de rebus usu consumptibilibus, nunc de equis, aut aliis rebus, quæ usu non consumuntur, promiscue acceptum inculcant. Inanis objectio, & ad tenebras pusillis effundendas idonea; quæ tamen peritos nihil movere potest. Cum Scriptura, & Patres non fuerint solliciti de definiendis rebus, quæ variis licet vocibus appellata, ipsa tamen vulgi notione erant perspectæ, & cognitæ; præcisæ definitione iisdem opus non fuit. Ex sola scholasticorum methodo, ne quid confusionis ex variis nominibus incidat, voces propriæ cuique rei significatæ adsignantur; & definitio, quæ rem significatam explicet, atque a ceteris distinguat, subjicitur. Ita cum *mutuum* appellavimus, & definivimus, unde usura nascitur; non vocem *mutui*, quæ alio atque alio sensu accipi potest, sed contra-

sum, unde usura nascitur, definitivimus; cumque contractum latina voce *mutui* in vulgatam Romani juris locutionem a ceteris distinxi-  
mus. Sed quidquid de hac voce sit, non alius certe contractus usuram parit, nisi is, quem explicavimus *traditionem rei consumptibilis, ad consumptionis usum, ea conditione, ut post aliquod tempus tantumdem restitatur*. Nemo in hoc dissensit unquam, ipsaque Scriptura, & Patres cum damnarunt usuram, licet alia atque alia voce, sive Hebraica, sive Græca, sive Latina usi sint, hunc & non alium contractum, in quem illa caderet, palam insinuant. Semper enim usuram perstringunt in lucro percepto ex pecunia, frumento &c., quæ res consumptibiles sunt, & ad consumptionis usum traditæ fuerunt cum onere restituendi tantumdem, uti contractus a nobis definitus præfert: nunquam vero usuræ damnant lucrum perceptum ex equo, aut aliis ejusdem generis, quæ cum eadem numero restituenda sint, etsi mutuo data late dici possint, contractum tamen mutui, ut hic accipitur, nequaquam recipiunt.

7. Verum ex Scriptura nonnulli obtrudunt illud Deuteronomii c. 23. v. 19. *Non fenerabis fratri tuo usum usuram pecuniam, nec fruges, nec quamlibet aliam rem: sed alicui. Fratri autem tuo absque usura, id quo indiget, commodabis*. Insistunt autem verbis quamlibet aliam rem, nec non illis id quo indiget, commodabis, quæ omnem rem, etiam non consumptibi-

lem, qua pauper (\*) indigeat, comprehendunt. Audirem libenter num hoc loco veritum dicerent pensionem accipere domus, vel jumentum, quo pauper egeat. Si quis hoc dixerit, quot usuræ damnandi erunt? Refelletur autem iis Scripturæ testimoniis, quibus jumentorum merces inter fratres permittitur, uti Exodi 22. v. 24. & 25., cum nullibi permittatur rerum consumptibilium usura. Sed planior solutio colligitur ex Hebraico textui, qui sic ad litteram redditur: *Non dabis ad usuram fratri tuo, usuram pecunie, usuram cibi, usuram ullius rei, qua in usuram datur, aut dari solet*. Ita reddit Buxtorfius postrema verba, quæ totam difficultatem peperere. In eodem Hebræo item desunt voces id quo indiget, quæ cum in vulgata sint antecedentium paraphrasis, non in alio sensu intelligi queunt. Cujusmodi autem sunt res, quæ in usuram dantur, aut dari solent, nisi quæ usu consumuntur? Itaque vulgati interpretis verba quamlibet aliam rem explicanda patet de qualibet alia re consumptibili, in quam usura cadit. Id quidem manifestum sit ex ceteris omnibus ejusdem Scripturæ testimoniis, quæ cum subiectum usuræ memorant, semper res contumtibilis memorant. Exodi c. 22. v. 25. *Si pecuniam mutuum dederis populo meo pauperi, qui habitat tecum, non urgebis eum quasi exactor, nec usuris opprimes*. In Levitico c. 25. v. 37. *Pecuniam tuam non dabis ei ad usuram, & frugum superabundantiam*.

(\*) Quod si qui hæc idcirco urgeant, quia solam usuram a pauperibus exactam divina lege interdictam rati, mutuum, in quo usuram Scriptura condemnat, ad solos casus pauperum, & ad res quæ illis ceduntur, restringendum putant: ii quæso caveant, ne in definitione mutui veluti certum ponant, quod in præcipuum questionem cadit, de qua lib. 4. exit ex proposito disputandum. Nos hic cum late definivimus mutuum, ex quo usura nascitur, non idcirco definivimus, num omnis usura, quæ ex quolibet mutuo percipitur, illicita sit. Hoc decidere in sequentes libros reservamus; ac propterea propria, quam, attulimus, mutui definitio notari nullo vitio potest.



tiam non exigit. In Psalmo 14. v. 5. *Qui pecuniam suam non dedit ad usuram.* Esdræ lib. 2. c. 5. ubi usura reprehenditur v. 7. non est sermo nisi de pecunia, & frumento accepto, pro quibus agri, vel personæ obligatæ fuerant, ut liquet ex v. 2. 3. & 4. *Accipiamus frumentum infame: mutuo sumamus pecuniam.* Tandem Matthæi c. 23. v. 21., & Lucæ c. 19. v. 23., de sola pecunia nummulariis credita sub usuris sermo est. Si ergo omnia Scripturarum loca, dum usura subjectum memorant, solas res usu consumptibiles recentent; quis in aliam significationem traducere auserit unicum Deuteronomii testimonium, quod cum in vulgata *quamlibet aliam rem* appellat, de re qualibet, quæ in usuram datur, ac dari solet, sermonem esse Hebraicus textus declarat. Neque solum nullus Scripturæ textus huic novæ interpretationi favet. Resistit pariter traditio Sanctorum Patrum, & perpetua atque constans ipsius Ecclesiæ doctrina, quæ non in aliis rebus usuram deprehendit. Ubi autem traditio, & Ecclesiæ Scripturarum interpretes est, alia quævis minime congruens interpretatio, commentitia, & falsa, cognoscitur. Stet igitur *mutui* notionem, quam dedimus, (si spectetur non vox ipsa, sed contractus, in quem usura cadit) reipsa congruere cum iis, quæ & Scriptura, & Patres, & Ecclesiæ docuit.

8. Mirum maxime fuerit, si quis nihilominus dubium asserat, num hæc exploratum sit, quid ex Scripturis, & Patribus, vel ex Ecclesiæ *mutui* nomine intelligi debeat. Sacra pagina per ejusmodi homines obscura sunt, Sancti Patres non exacte fuerunt loquuti, Ecclesiæ item nihil apertum definiuit, Scholasticis vitio tribuitur, quod nimium sophisticè egerint, & ad jurisprædentiæ potius, quam ad sacra auctoritatis normam mutuum definiuerint. Ita dicendum es-

set, hæc ignota fuisse in Ecclesiæ rem non speculativam, sed maxime practicam, atque Christianæ vitæ regendæ necessariam. Pudeat hæc a viris Catholicis indicari. Si non de *mutui* voce, in qua nihil mali, vel boni situm est, sed de contractu ipso, ex quo usura nascitur, in præsentiarum quaeritur; quid Scriptura, quid Patres, quid Ecclesiæ tradiderit, satis exploratum est, adeo ut nihil plane a constitutis hæc discerepet. Quando ergo in contractu, ac re definita convenimus cum Scriptura, cum Patribus, & cum Ecclesiæ doctrina; quid importuna, & impertinens vocis questio, & criminatio obtruditur? Tam imbecillis adversarius conatus ut infringatur, longiori consutatione non eget.

## CAP. 11.

*Errores circa propositum mutui naturam.*

## §. I.

*Error popularis refellitur.*

1. **C**ommunem, & veram mundi propriè dicti notionem, quam superiori capite explicavimus, omnes & Romani, & Græci, & antiqui, & recentiores, præferunt; neque cum appellant usuram, quæ redit ex mutuo, aliud mutui genus commenti sunt. Solum nonnulli vulgo, audientes usuram nasci ex mutuo, ut usuram se vitare sibi suadeant, mutui nomen resiliunt, ac propterea quidem usuram se vitare existimant, quod mutuum nequaquam appellant. Nos, inquit, cum pecuniam alicui credimus, restituendam cum lucro, mutuum non damus, nec dare volumus, sed lucrari. Si mutuum, ex quo usura nascitur, meri nominis officium esset, non autem realis contractus, iusta videri posset istorum hominum

RUIN

num excusatio. At sicut usura rei, non nominis vitium est, quod non ex mero mutui nomine, sed ex reali mutuo originem ducit: ita reale mutuum tum contrahi (quocumque tandem nomine appelletur) cum pecunia, vel aliquid aliud usu consumptibile cuiuspiam traditur, ut tantumdem restituat post aliquod tempus, ex omnium doctrina superiori capite ostendimus, adeo ut quicumque pecuniam reapse ita credat, reale mutuum ineat, nihilque omnino proficiat, si re immutata solum mutui nomine mutetur. Gregorio XIII. a Serenissimo Bavarie Duce propositus fuit contractus, in quo nulla mutui sit mentio; sed idem contractus, ut vocant, lucrativus exprimitur, quo pecunia ad moderatum lucrum pariendum tradebatur. Ille autem in Apostolicis (1) litteris eidem Duci redditus die 27. Maji an. 1581. propositæ questionis respondens, usurarium esse contractum hac ratione definivit, quia non solum est ibidem mutuum, sed ad nullum etiam alium contractum, præter mutuum, ille contractus reduci potest: *Contractus modo, & forma prædictis celebratus, usurarius est: neque enim ad aliam speciem, quam mutui, cum conventionione lucris ex eodem mutuo accepti, reduci potest: ut ex mutui notione superius explicata, & apud omnes, etiam Græcos ac Romanos, communi exploratum est. Nihil ergo interest, utrum quis mutuum inire velit, nec ne, dum re ipsa (quacunque utatur appellatione) eum contractum ineat, qui alius a mutuo non est, nec esse potest. Fac quis venditionis appellationem refugiens, dicat, se omnino nolle vendere; at asseruerit se rei suæ dominium, accepto pretio, in alium perpetuo transferre; cum satis ex hoc ea omnia præstet, quæ venditionem reipsa constituent; nome rejecto venditionis nomine cum contractum reipsa efficiet, qui venditio appellari so-*

let? Idem in casu evenit; nam re id sit, quod est vere mutuum, & solum mutui nomen vulgo respuitur. Deo tamen, qui vitia, non vitiorum nomina vetuit, nemo lucum faciet. Hinc sicut S. Gregorius Nyssenus, & S. Ambrosius eos reprehenderunt usuræ, qui solum usuræ nomen olim mutabant; ita peræque reprehendendi, qui solum mutui nomen nostris temporibus mutant.

S. Greg.  
Nyss. Orat.  
in alut.  
S. Ambros.  
de Tobia c.  
24. & 25.

## §. II.

*Error quorundam patronorum usura, nec non Theologi recentioris.*

2. **A** Tqui non solum mutui nomen, sed ipsum realem contractum se mutare nonnulli opinantur, quoties pecuniam cum lucro restituendam tradunt; propterea quod aliud reipsa sit pecuniam in lucrum tradere, aliud verò dare gratuito: mutuum autem in eo situm existimant, si gratuitum pecunia tradatur; non autem in eo, si tradatur ad lucrum. Hoc idem principium in Belgio nuperrime eduxit magnus usurarum patronus auctor opusculi inscripti: *Examen pacificum* pag. 36., ubi hosce homines sic loquentes inducit: *Mutuum, inquit nonnulli, gratuitum est. Ergo nos, qui pecuniam ad lucrum damus, mutuum non damus, adeoque neque usuram committimus, quæ est lucrum ex mutuo. Eodem omnino principio sub idem circiter tempus usus est etiam Theologus quidam, ceteroqui catholicus, in MS. primum dictato in scholis, dein vero proximis hisce temporibus disseminato, in quo contractus quosdam apud vulgum usitatos, quibus lucrum ex pecunia quaeritur, hac ratione ab usura universim purgare se posse credidit, quod essenziale mutui sit esse gratuitum. Ab hoc enim gratuito cum longe absint iidem contractus, quibus pecunia ad lucrum traditur; si essenziale mutui sit es-*

Apud Am-  
stem Do-  
gmatas Ec-  
clesiæ de u-  
suris in pri-  
mo no. 22.  
pag. 217.

(1) Hoc in-  
dictum ha-  
bitus mo-  
numentum  
dabitur in-  
tegrum in  
fine operis.

se gratuitum, ab iisdem contractibus mutuum quoque abesse manifestum est, ac proinde lucrum exinde intentum, non est lucrum ex mutuo, nec usura esse potest.

3. Quod principium si semel admittitur, usura a toto orbe penitus tollitur, immo inter crimina plane impossibilia relegatur, adeo ut usura nusquam sit, aut fuerit unquam, nec esse possit. Quicumque enim in tradenda ex. gr. pecunia, restituenda post aliquod tempus, usuram voluerunt, aut velint; si pecuniam non gratuito, sed ad lucrum dedere, ac dare intendant necesse est: quod tamen ex hisce auctoribus mutuum, & una cum mutuo usuram etiam excluderet. Ita sacra Scriptura, Concilia, Pontifices omnes adversus usuram, & usurarios clamantes, inanis laboris, immo & erroris, seu falsæ hypothesis arguendi essent. *Dare enim ad usuram*, quod illi tantopere reprehenderunt, ac prohibuere, aliter fieri non potest, quam si *mutuum datur ad lucrum*; (alterutro enim deficiente, usura non erit) quæ tamen duo in ea sententia essentialiter contradictionem involvunt; nam vel *mutuum datur*, & gratuita intentio essentialis mutuo lucri intentionem excludit; vel *datur ad lucrum*, & lucri intentio gratuitum excludens, quod essentialiter mutuo est, ipsum mutuum excludit.

4. Neque quispiam reponat, usuræ locum esse, ubi quis post datam gratuito ex. gr. pecuniam, lucrum deinde exigeret; quod contra gratuitam mutui traditionem exactum, satis inhonestum ab omnibus agnoscitur. Primo enim hac in sententia usura solum damnatur, si quis post mutuum gratuito traditum contra pactionem lucrum exigat, quod rarum prorsus, & non nisi apud inhonestissimos homines reperitur; usura autem non agnoscitur lucrum initio contractus statutum, vel intentum, quod & frequenter accidit, & a Scriptura, Patribus,

Conciliis, infinitis in locis damnatur, atque reprehenditur, cum *dare ad usuram* damnant, & reprobant. Dein neque in eo casu, quo post gratuitum mutuum lucrum exigere, usura locum habere hoc in systemate. Esto enim quod mutuum ab initio contractum fuerit, cum pecunia ex. gr. gratuito tradita fuit, lucrum tamen posterius adjectum, cum a primo contractu subducatur gratuitum, quod in eo systemate essentialiter mutuo est, mutuum pariter destruit, & contractum immutat; ut proinde lucrum illud, etsi possit esse alias injustum, ex mutuo vere non sit, nec damnari possit usura, quæ sine mutuo stare non potest. Ita usura hoc in systemate plane est impossibilis, & ita impossibilis, ut ne in quovis immoderato lucro reperiri queat, quod etsi injustum, & inhumanum esse possit, destructo tamen mutuo, usura esse non potest. Immo cum tanto minus sit usura periculum, quanto magis a mutuo receditur; quanto majus quis exigit lucrum, tanto magis recedens a gratuito, quod per hocce auctores essentialiter mutui est, eo magis a mutuo, & proinde ab usura, & usura etiam periculo, magis recedit. Id præter mentem istorum auctorum esse nequaquam inficior, qui in eo principio statuendo solum moderatum lucrum ab usura vindicandum sibi sumserunt: at ex eodem principio hæc legitime fiunt; quæ si tenenda non sint, ipsum principium, unde tot absurda sequuntur, deferendum est.

### §. III.

*Argumenta pro eodem errore aliam refelluntur.*

5. **M**inabitur ad hæc quisquis sanæ mentis vir, nec satis intelliget, quibus rationibus hoc absurdissimum systema venire in mentem, atque suaderi potuerit. Totâ isto-

Hallucina-  
tionis caus-  
a.

istorum hominum hallucinatio ex eo  
dinanatur, quod peculiarem mutui  
modum, pro ipsa mutui natura, atque  
essentia, acceperint. Mutuum esse o-  
pus misericordiae, & miserationis au-  
dierunt ex Scriptura, & Patribus;  
miserationis autem, & misericordiae  
genus cum non sit, nisi quod ex mi-  
sericordia gratuito traditur, gratui-  
tati rationem essentialem mutui esse  
stauerunt. Id autem multo magis  
illi inculcant, qui lucrum a paupe-  
ribus exigendum prohibentes, solum  
lucrum ex pecunia divitibus, vel mer-  
catoribus in negotiationem, aut lu-  
crum tradita exactum ab usura vin-  
dicant. Cum enim de pauperibus  
agitur, misericordiae opus erga eos-  
dem gratuito exercendum (uti & ipsi  
contendunt) veri mutui rationem  
habere: cum vero agitur de diviti-  
bus, in negotiationem, vel lucrum  
pecuniam flagitantibus, sicut ipsis  
in id assentiri non est misericordiae  
opus, quod caritas praecipiat, ita  
nec gratuitum, nec mutuum esse,  
quod iisdem datur, visum est, ut  
lucrum inde exactum nec ex mutuo  
sit, nec usurarium.

Mutui natu-  
ra, & modi  
distinguedi.

6. Hac in rationatione mutui  
fines, & modi, a natura mutui non  
distinguantur, sed permiscuntur, &  
confunduntur mirum in modum: quod  
nemo haecenus fecit in mutuo, sicut  
nec aliis in contractibus faciendum  
est. Sua cuique est natura, & notio  
distincta, quae a fine, & modis ex-  
trinsèque advenientibus nequaquam  
pendet. Sic emptio, venditio, depo-  
situm, locatio, commodatum, &  
contractus reliqui propriam naturam  
habent, ex cujus notione alter ab  
altero distinguitur, ut ne ex modis,  
& finibus eadem petatur. Quidni  
eadem ratione de mutuo iudicetur?  
Cum quid consumptibile datur, ut  
tantumdem reddatur, mutuum est,  
ut capite I. explicavimus. Gratis  
autem, aut ad lucrum dare, duo  
tantum sunt mutationis modi, qui  
mutuum praesumunt, non destruant.  
Neque sola gratuita datio mutuum

est, sed foenebris etiam. *Usuram enim,*  
inquit Salmastius, *in mutuo, ut ac-*  
*cident in substantia, inbare, nec est*  
*pars ejus usurae* (essentialis) *sed*  
*accessoria, tollique, atque addi potest,*  
*sine intermissione subjeti.* Id etiam  
omnes gentiles, & barbarae gentes  
noverunt. Hinc non tam mutuum,  
gratuum, quam foenebre mutuum a  
Romanis appellatum legitur; & non  
solum mutuum dixere, quo quis gra-  
tuitam pecuniam amicis crederet;  
verum etiam cum quis eam ad usu-  
ram daret. Hinc l. 13. C. *Sicertum*  
*petatur*, legitur: *Mutuum pecu-*  
*niam... fauori dante;* & l. 16.  
*Pecuniam fauebrem mutuae pro*  
*mutuum dare cum fauore,* vel ad fauorem  
percipiendum; & similiter Svetonius  
in Augusti vita: *Pecuniam leui-*  
*oribus usuris mutuati.* Et ut miram  
alia sexcenta, ipsa Romanorum Chi-  
rographa, quibus debitores pecuniam  
sibi a creditoribus lucro traditam  
testabantur, *mutuum* contractum pro-  
dunt, ut nihil de gratuiti mutui es-  
sentia suspicarentur. Id apparet ex  
exemplo Chirographi, quod exstat  
l. 41. D. *de Usuris*, ubi haec habentur:  
Ille scripsit me accepisse, & ac-  
cepi ab illo mutuos & numeratos de-  
cem, quos ei reddam calendis illis  
proximis, cum suis usuris placitis  
inter nos. Graeci pariter *δάνειον*,  
quo mutuum significatur, promiscue  
dixerunt de omnibus, qui pecu-  
niam, siue gratuitam, siue foenebrem  
traderent, ut Salmastius pluribus pro-  
bavit: ac *δάνειον ἑυτοκον*, mutuum  
usurarium, vel *δάνειον ἐν τῷ τόκῳ*  
mutuum dare ad usuram scribere;  
immo, & quandoque eodem sensu  
*δάνειον* tantum dixerunt; cum enim  
plerumque mutuum contraheretur  
sub faenore, si quis *δάνειον* mutuum  
diceret, statim usurarium mutuum  
intelligebatur. Neque aliter Arabes  
ipsi accessionem, seu lucrum in con-  
tractu conventum, mutuo nihil de-  
trahere, in ipsa usura definitione  
pro-

Adversarij  
a Salmasto  
usuratum  
paronomim-  
pugant.

Lib. 1. de  
faenore, Ita-  
p. 162.

Test monia  
gentilium  
eodem re-  
fellaunt.

De Usuris  
cap. pag. 11.  
ib. cap. 1.  
p. 16.

prodant, quam ex juris Mahumedani regulis, sibi a Golio communicatis, ex ipso Arabico textu edidit Salmasius c. 5. de Usuris pag. 95. Sic enim illi usuram definiunt: *Est excessus, vel accessus præter mutuum, quæ pacto constituitur uni ex contrahentibus in mutui conventionione.* Mitto alia plura ex aliis, quibus non alia mutui notio fuit. Contra communem ergo omnium gentium mentem illi moluntur, qui essentia mutui tribuentes rationem gratuiti, lucri intentionem eidem essentia repugnantem comminiscuntur, sicque ut usuram excusent, seu verius impossibilem efficiant, ad mutui essentiam perperam referunt duos mutui modos, qui ad solam mutui honestatem, vel malitiam æstimandam pertinent; quemadmodum etiam ipse Molinæus usurarum patronus observavit in Tract. de usuris n. 656. Postquam enim scripsit mutui officium proprie gratuitum esse debere, & usuras excludere, quibus sicut officii gratuiti ratio, ita & mutuum quodammodo destruitur; dein ad præoccupandam objectionem, quam hoc loco impugnamus; *Nec cavilleris*, inquit, *quod non erit usura, si (ex lucro) desinat esse mutuum; quia non desinit esse mutuum materialiter, & impure; usura enim non est forma, & puritas, sed laes, & inquinatio mutui; quæ malitiæ, & inhonestati deputanda, etsi honestatem mutui tollant, mutuum tamen ipsum non tollunt, uti etiam Salmasius paulo ante affirmavit.*

7. Quod vero illi monuerunt distinguendum esse inter pauperes, & indigentes, qui dum ad necessitatem sublevandam pecunia egent, misericordix opus merentur; & inter divites, vel negotiatores, qui dum pecuniam quærunt ad lucrum, eandem misericordiam non requirunt; hoc etsi nonnullis satis grave videri possit, ad usuram, vel lucrum in secundo casu vindicandum (de

quo plura agemus lib. V.) ad mutui tamen rationem in ratione gratuiti statuendam nihil confert. Si enim essentiale mutui sit esse gratuitum, sive divitibus, sive pauperibus gratuito credatur pecunia, mutuum semper erit hac in sententia; contra verò non tam si divitibus, quam si pauperibus credatur ad lucrum, non erit mutuum, nec proinde lucrum erit usura, ita ut hoc systema contra ipsam auditorum mentem usuram etiam ex pauperibus exactam purget. In hæc angustias male sanum, & falsum principium conjicit. Hæc de Belgis Jansenistis.

8. Theologus vero, ceteroqui catholicissimus, non pertinacia, vel voluntate prava, idem principium invenit; sed pietate quadam (ita enim appellari solet) inotus, ac studio defendendi usurarium contractum, qui apud vulgum late obtnet, & eradicandi desperationem, in rivatos inducit. Hinc sane in MS. libro, quem multis auditoribus in scholis dictavit, hunc eundem contractum ad Scripturæ, Patrum, Theologorum principia exactum, mutuum, & usuram continere indubie pronunciaverat; & siquidem praxis hunc contractum non suscepisset, nihil novi excogitasset, ut illum vindicaret. At quando praxim tam radicis ei contractui adhærentem invenit, studium salvandi tot homines, quos ab ea consuetudine removere difficile sensit, ad defensionem aliquam quærendam, eundem excitavit, in quam nonnulli memoratum absurdissimum principium reperire potuit, quod tamen satis timide productum hac præcipua ratione statuit, quod gratuiti ratio, vel favor, seu charitas proximo exhibita per pecuniam data in commodum mutuatarii ad tale tempus, videtur distinctivum mutui ab aliis contrahitibus; nam translatio dominii, & debitum reddendi tantumdem etiam intersunt in venditionibus conditionatis,

Theologi systema unde oritur.

Ipsæ Molinæus adversarios refellit.

Mutui natura live cum pauperibus, live cum divitiis ut eadem est.

mat, commutationibus, & aliis contractibus innominatis.

Refellitur.

9. Hic autem aperiatur equivocatio in voce *tantumdem*, & imperfecta, seu mutila potius mutui notio, fucum fecit. Primo enim in permutationibus, & venditionibus conditionatis, aliisque contractibus, qui mutuum non sunt, vel non equivalent mutuo, non *tantumdem* ejusdem speciei, vel generis, ut in mutuo accidit, sed *idem* omnino quod traditum fuit, ex altera saltem parte, reddendum est, eadem domus, praedium &c. Dein non sola dominii translatio, atque obligatio restitutionis integram mutui notionem exprimit, ut argumentatio praesumit, sed *traditio rei consumptibilis, ad consumptionis usum, cum obligatione restituendi tantumdem*, ubi & traditio ex unius tantum parte fit, & obligatio restituendi absoluta, non conditionata est; quae omnia praeter mutuum nullo alio contractui convenire invenientur. Illud porro hac occasione addendum videtur, quod in ceteris contractibus, in quibus virtuale mutuum continetur,

Mutuum virtuale.

non gratuiti ratio mutuum constituit, ut idem Theologus paullo post videtur innuere (hac enim in sententia nullum virtuale mutuum lucris gratia initum usurarium haberi posse) sed quod virtualement rei consumptibilis traditionem, aequivalentis restitutione imposita, continet. Sic L. 11. *De rebus creditis*, mutuum pecuniam sanctam putavit Ulpianus, si quis lancem vendendam accepisset, ut nummis uteretur: perinde enim id habendum creditur, ac si mutuanus lancis pretium ab emptore acceptum mutuum dedisset. Similiter anticipata venditio, quae pretii solutionem expellat, idcirco virtuale mutuum praefert, quod perinde habeatur, ac si (1) pretium statim ex

ipsa venditione solvendum, ementi traditum, vel relidum sit, ut illud post praestitutum tempus restituatur. Anticipata autem pretii solutio in emptione anticipata, quae traditionem rei emtae, tanquam aequivalentis restitutionem requirit, virtuale mutuum est: anticipata autem solutio debiti, pro virtuali mutuo medii temporis habetur, quod idem in anticipata vedigalium solutione Caesar de Bel. Civil. l. 3. c. 32. *promutuum* vocavit. Nihil ergo nisi paralogismos Theologus allegavit, nec pro absurdissimo principio, quod communi circa mutuum notioni, totique & humanae, & sacrae auctoritati opponitur, nisi paralogismi, & equivocationes allegari queunt.

Alia objecta

10. Verisimilius forte videri potest, si quis eam apud Latinos veteres inter *mutuum*, & *funus* distinctionem allegaret, quod *funus* cum usura sit, *mutuum* autem sine usura, ac proinde gratuitum. Ita Nonnius: *Mutuum a funore hoc diffinit, quod mutuum sine usuris, funus cum usuris sumitur*, & citat Plauti locum ex *Afinasia*, ubi mutuum pariter pro gratuito habetur: *Nam si mutuo non potero, certum est, sumam funore*.

11. Id autem ex prima, ac propria *mutui* significatione dimanare contendit Salmastius de *Usuris* c. 2. pag. 17, propterea quod *mutuum* illud proprie dicitur, quo paria paribus rependuntur, uti *mutuus amor*, cum amor pro amore, *mutuum beneficium*, cum pro beneficio beneficium redditur: qui vero mutuum aliquid dant, idcirco mutuo dare recte dicuntur, quod mutuanis paris quantitatibus restitutionem efflagitant, in quo gratuita mutui ratio cognoscitur.

12. Hæc vero si quem moveant, quaeso, consideret non negare nos mutui vim non aliud per se se, nisi paris

Solvitur.

(1) Hinc *usuras pretii*, non autem *usuras rei vendita* appellavit Ulpianus L. 15. D. *De us. emt.* §. 20.

paris quantitatis restitutionem exigere, quæ una si exigatur, mutuum gratuitum est. At si præter ejus quantitatis restitutionem aliquid quæratur, id quidem non ad mutui naturam, ac notionem, sed ad fœnus pertinet: ita ut non simplex mutuum, sed & mutuum, & fœnus simul contrahatur. Quatenus enim tantundem restituendum convenitur, mutuum est: quatenus vero aliquid præterea exigitur, fœnus, & usura mutuo additur, quæ addendo aliquid supra mutuum, mutuum non destruit, cum non impediatur, quin par pari mutuo reddendum sit, quod primævæ, & propriæ mutui significationis a Salmasio censetur. In hanc distinctionem mutui, & fœnoris notionem, objectus Plauti locus, ne contradicatur, huic ferè sententiæ acquiævalere: *Si merum mutuum, quo par tantum accepto referendum sit, invenire non potero, sumam mutuum cum fœnore*. Quæ sententia necessariam mutui rationem, non in gratuito, sed in æqualis quantitatis restitutione ita collocat, ut non impediatur fœnore, sed potius præsumatur: unde laudatus Nonnius eodem in loco, in quo mutuum distinguit a fœnore, fœnus definit *quasi partem mutui summi*: adeo vel is mutuum sine fœnore posse reperiri censuit; fœnus autem, seu usuram sine mutuo non posse. Ceterum si quis ex objectis locis contenderet, se mutuo non dare, cum gratuito non dat; fœnus tamen, & usuram ex his ipsis testimoniis declinare non posset: adeo hæc negati mutui excusatio ad propositum nihil confert. Sed adversus evidentissimum errorem nimis fortasse multa.

## §. I V.

*Alius error circa mutui naturam rejectus.*

13. **I**nter errores circa naturam mutui, alius, etsi paucorum, omitendus non est, qui solum pu-

illis facere, maximumque dicendis circa usuram præjudicium afferre posset. Auctor tractatus *De la pratique des Billets* vindicaturus ab usura lucrum, quod ex rebus consumptibilibus in lucrum, & negotiationis usum traditis percipitur, docet quidem usuram nunquam esse sine mutuo; at mutuum non esse affirmat, nisi res cuiuspiam detur, uti ab ipso physice consumenda: unde si cui vinum tradatur ab ipso bibendum, mutuum esse ait; si vero idem vinum illi dederis, qui ipsum vendere, & lucrari inde velit, negat hoc esse mutuum, sed contractum commercii appellat. Simile commentum arripuit etiam Auctor operis inscripti: *Discurso responsionis ad difficultates quasdam propositas in materia de usuris*, qui propterea pag. 3. scribit: *Duplex est usus rei mutuo tradita, unus consumptionis, quæ absumitur, nec quicquam fructus parit, ut si vinum, frumentum, pecunia mutuo dentur ad vivendum; alter, incrementi, ut si hæc tradantur ad tempus, ut vendi possint, & lucrum parere*. Quibus connivens Auctor operis Gallica lingua editi cum titulo: *Suite de la defense des contractis des rentes de deux coes* pag. 29. & 26., duplicem item rerum consumptibilium usum distinguens, eum incrementi ita definit: *Un usage, qui laisse subsister l'argent en sa valeur, ex quo scilicet pecunia in suo valore consistit, uti quum pecunia merces negotiandi causa emuntur, in quibus, inquit, mercibus pecuniæ æquivalentibus ipsa subsistit pecunia, unde non omnino, nec absolute consumpta dici potest*. Hinc porro Auctor discussionis, ab illo contractu, quo res non in consumptionem, sed in negotiationem traduntur, mutui propriæ dicti naturam ablegat, inquit: *Mutuum propriè est traditio rei ad usum consumptionis, ac propterea sterile est & mutuantis, & mutuatario*. Contra si res detur ad usum incrementi, est contractus quidam com-

*mercii, ex quo lucrum captare nefas non est.*

14. De lucro hic non agimus, sed de solo mutuo: cupis naturam quicunque ex dictis intellexerit, novam, & inanem hanc distinctionem mirabimur. Sive enim ad meræ consumptionis, sive ad incrementi usum detur pecunia, semper ad consumptionis usum datur; unde qui lucratuus, merces ex pecunia mutuo tradita emit, pecuniam ipsam diltrahendo consumit. Quod autem valor ejus in re, quæ per pecuniam emittitur, subsistat, vel non; hoc ad naturam mutui nihil pertinet; secus quando pecunia ad ipsum victum a paupere quaeritur, ut ex ea panis ematur, in quo valor pecuniæ perseverat, mutuum non fieret, nisi postquam panis consumtus est; contra verò si quo casu perirent merces, quæ contractu commercii, ut ab adversariis dicitur, emittæ fuerunt ad lucrum, non subsistente amplius valore pecuniæ, commercii contractus hoc casu desineret, & in mutuum evaderet; quæ absurdissima quisque intelligit. Mutuum scilicet ex eo dicitur, quod res consumptibilis in consumptionis usum ita detur, ut eadem specie mutuo reddenda sit; quæ si concurrant, mutuum habetur, nec quicquam refert, utrum res in æquivalenti perseveret, an consumatur prorsus, immo etiam an non consumatur, dum in consumptionis usum data fuerit, cum obligatione restituendi; unde si quis acceptam mutuo pecuniam, quam volebat insumere, murata postea voluntate, non consumserit, non minus mutuum contraxisse dicitur. Toti certe antiquitati, cum profanæ, tum sacræ, hæc distinctio repugnat. Mutuum enim omnes appellarunt, quoties quid ad consumptionem traditur, ut tantundem deinceps restitatur, quidquid sit, arum in aliquid æquivalens commutetur, an non; unde & de pecunia in lucrum, atque negotiationem tradita æque

mutuum dixerunt, ac de ea, quæ sine lucro in consumptionis usum tradita fuit. Lucrum sane ex utroque quaesitum (id quod & re nostra maxime est) usuram habere, uti de usura agentes videbimus. Plura non expedit addere.

### CAP. III.

*De domini translatione in mutuo.*

1. **D**E mutui proprietatibus dicturus, illa præcipua, ceterarumque radix imprimis statuenda est, quæ translationem domini, ac veram alienationem mutuo tribuit. Ex hoc enim principio maxime pendet, quæ & ad resellendum errorem circa usuram gravissimum, & ad naturale jus asserendum lib. V. dicturi sumus. Transferri quidem in mutuo dominium palam insinuat Justinianus lib. 3. Institut. tit. 15., cum ita res mutui tradit ait, ut accipientium fiant, hoc est, ut in eorum dominium transferant. Quod apertius docuit Paulus J. C. L. 2. D. de rebus creditis, ubi mutui dationem ab eo appellatam testatur, quod de meo tuum fiat. Hinc etiam Ulpianus L. 32. D. Locati, duplicem contractum speciem distinguens, in quibus idem, ut in locato &c. vel tantundem, ut in mutuo reddendum est: Si alium est, inquit, ut res reddatur ex prioris causa, rem Domini manere, ut in locato, ex posteriore in creditum ire, ut in mutuo, in quo rem Domini non manere, ac proinde dominium translatum palam præsumit.

2. Enim vero si res mutuo tradita accipientis non fieret, vero ac pleno dominio, ea is non posset pro libito uti, nec eam consumere, nec dominium ejus in alium traducere, & alienare: Nemo enim plus juris ad alium transferre potest, quam ipse habeat, L. 54. D. de Reg. Juris.

Suadetque  
Romanule-  
gibus.

Ratione



*juris.* Cum autem hac mutuarius facere possit, & suo quidem nomine, ac jure, non ex mutantis mandato (neque enim mutuarius, cum de re mutuo tradita disponit, mutantis ministrum se gerit; unde si illam ex. gr. alteri mutuum det, accipiens uni ipsi obligatur) palam sit, rem mutuo traditam in plenum ejus dominium transisse. Id ex vi ipsius mutui fluit, nec non ex natura earum rerum, quæ in mutuum cadunt. Cum enim res mutuo traditæ consumptibiles sint; vi autem mutui non ad pompam, ut in locato, sed ad consumptionis usum cum pleno jure tradantur; hoc jus consumendi usu tradi non potest, nisi jus alienandi, ac destruendi item debeat, quod proprietatis, ac domini jure est. *Jus utendi separatim a proprietate, seu dominio in rebus, quæ usu consumuntur, nequit constitui.* Nihil hac regula certius, quæ inserta est in Extravaganti *Ad conditorem, de verborum significatione.* Neque obstat, quod de Religiosis traditur, eis usum rerum, etiam consumptibilium, sine dominio competere: id enim in eis idcirco evenit, quod *simplex usus facti*, non autem *juris*, paupertatis voto impediens, eisdem concessus est, ut Bullæ Pontificum explicant. Ita Nicolaus III. in Decretali *Exiit, de verb. signific.* in lexico c. 3., Fratribus Minoribus tribuit *usum facti simplicem, absque omni jure utendi.* ... *Qui usus, non juris, sed facti tantummodo nomen habens, quod facti est tantum, in utendo præbet utentibus nihil juris.* Usus autem meri *facti* simplex facultas est utendi rebus necessariis, sine ullo præstis jure, quod paupertatis voto adversatur. Licet autem hoc quoque usu res consumantur, & dominium earum pereat; id tamen ab iisdem Religiosis nullo ipsorum jure sit, & eatenus hic meri *facti* usus omni utendi jure, ac dominio carer. At ubi usus earundem rerum cum jure utendi conceditur, tum usus ju-

ris, qui idem est ac jus consumendi, vel alienandi, a proprietate, & dominio separari non potest, ut in recitata Extravaganti regula traditur. Hic ergo usus intrinsecus cum tribuatur in mutuo, proprietatem, & dominium in mutuo transferri evidentiissimum est.

3. Id quidem illi pariter fatentur hæretici usurarum patroni, qui ut usuræ patrociniū præstent, alienationem in mutuo nequaquam fieri contendunt. Molinæus in tractatu de usuris num. 440. sortem in mutuo redditam alienatam quidem esse ait, quoad corpora numerata, seu ad eorum proprietatem. Salinas in Praefatione operis *De modo usurarum: Ex jure constat dominium transire rei mutuo data ac mutuatario . . . . quia non potest aliter usus concedi verum, quæ usu consumuntur, aut deteriores fiunt, quam si earum dominium transferatur: & similiter* C. 14. pag. 613. *Dominium rei mutuo data ad accipientem transit, quod quidem idem sit in rebus ponderis, numeri, & mensura, quia aliter usus earum concedi non potest, utpote qui in abusu consistat.* Idipsum repetit in *Diatriba de mutuo*, quam sub nomine Alexii a Messalia Lugduni edidit ann. 1640. pag. 82. 232. & 135., nec non in *Confutatione Diatribæ de mutuo* editæ, an. 1685. pluribus in locis, & in opusculo contra Joannem Othonem Tabor: idque adeo per se notum, ac certum habuit, ut Molinæo succensuerit, quod domini translationem mutui essentialem in ipsa definitione ratus, rem ex reliquis mutui essentialibus in definitione expressis satis patentem, & omnino superfluum expresserit: *Nec opus est addi, ut Molinæus censuit, ut pecunia, vel aliud, quod mutuo datur, fiat accipientis. Quod enim utendum ex his rebus datur, cum aliter usus earum non procedat, nisi accipientis fiat, ideo adjicere superfluum.* Sic ille de Usuris cap. 3.

ipsi adversari latenter.

pag. 94. Alii similiter Salmasii affecta, inter quos recensendus Gerardus Noodt. lib. 1. De fœnore, & usuris cap. 8., eandem domini translationem, invidiis rationibus ducti, ingenuè fateri debuerunt.

## §. II.

*Num in mutuo fiat alienatio. Salmasii sententia alienationem negans, translationem domini confirmat.*

4. **A**lienationem porro non minus, quam translationem domini fieri in mutuo, & alienationem quidem veram, atque perpetuam ejus corporis, quod in consumptionem mutuatario traditur, ea tamen conditione, atque onere, ut tantundem post certum tempus reddatur, negari non potest. Hoc quidem in capite magnam controversiam excitavit Claudius Salmasius, qui alienationem in mutuo nequaquam fieri pluribus libellis propugnavit; ut in Præfatione monuimus. Gravia etiam videri possunt tanti viri argumenta, vi quorum non pauci ex iis ipsis, qui antiquo sensu ei sententiæ primo adversabantur, rationibus ejusdem diligentius expensis, ad assentiendum attracti fuerunt, ut inter ceteros celebri Talæo accidisse in Salmasii vita traditur. Rationum autem ejus summa hæc est. Primo quod si mutuum alienatio est, inter donationem, & mutuum nihil intercedit; non major enim in dono alienatio foret, quam in mutuo. At cum per mutuum nummi recipiendi aliquando sint, qui dono traditi non recipiuntur unquam; sequitur in donatione alienationem fieri, in mutuo nullam. Deinde Romanas leges appellat, in quibus nullus est locus, ubi inter modos acquirendi domini mutuum recenseatur. Si autem mutuum alienatio est, debet etiam esse acquisitio;

quod enim unus alienat, alteri acquiritur. Tum plures etiam vulgares formulas ingerit, in quibus in mutuo *as alienum* dicitur, quod in mutuatarii manus transit, *suum* autem creditoris appellatur: quæ alienationi repugnant. Hic autem multos multorum textus agglomerat & Latinos, & Græcos, in quibus præterea *commodari, vel locari* pecunia mutua dicitur; quæ in res alienatas nequaquam cadunt.

5. His tamen, & aliis id genus argumentis, quæ aliquot in libellis suis proponuntur, nihil contra nos posse concludi, non ex iis ostendamus, qui hanc Salmasii sententiam impugnarunt, sed ex ipso Salmasio, & ejus affectis, quos veram, & perpetuam rei mutuo datæ alienationem apertissime confitentes habeo. Cum enim rei, quæ mutui contractui *in consumptionem* traditur, dominium translato fateri debuerunt, ut ex testimoniis num. 3. recitatis liquet; tum vero dominium in perpetuum etiam transferri in mutuo, inficiari non potuerunt. Quis enim id nisi stultus inficietur? Hoc probe intelligens Salmasius, corpus rei mutuo traditæ a quantitate distinguendum censuit, & solus quantitatis, quæ reddenda est, alienationem non fieri defendens, rei mutuo traditæ corpus alienari ultro concessit. Ita porro motam de alienatione controversiam ad punctum adduxit, quod rem præsentem nihil lædit, immo potius confirmat. Contendit nimirum mutui contractum haud statuendum in mera traditione rei, seu corporis consumptibilis, quod in mutuatarii dominium perpetua alienatione transferretur, sed præsertim in obligatione, qua mutuatarius pro corpore accepto *tantundem* reddere debet; unde mutuum definit: *Est obligatio re contracta ad idem in genere reddendum*. Quia in sententia res mutuo tradita, causa est obligationis mutui propriæ, non ipsa obligatio; in obligatione autem

Vita præmissa Epistolæ Salmasii. pag. LVIII. edit. Lugdun. Bat. 1656.

Confut. disput. diatriba de mutuo. p. 7. ad thes. j.

autem omnis contractus ponitur. Itaque cum alienatio eorum sit, quæ a nobis abdicamus, non vero eorum, quæ recipere intendimus; illud tantum, quod vi obligationis in contractum mutui reddere mutuatarius debet, alienatum dici non posse ait, licet res corpore tradita, ut accipientis fiat, nec in se numero sit restituenda, alienata vere sit, ac dici debeat. Audiantur ipsa Salmasii verba in confutatione diatribæ de mutuo disput. 2. ad Thesim octavam pag. 115. *Res mutuo data, idest corpora ipsa nummorum, alienantur. Quid tum? An hæc datio rei in mutuo, quæ alienatio est, mutui contractum perficit, & consummat? immo inchoat tantum. Hinc initium contrahæ: hæc origo obligationis, & causa efficiens. Nisi alienaretur illa pecunia, quæ datur a creditore debitori, non constaret obligatio mutui, nec contrahi posset. Non tamen ex ipso corpore rei alienata nascitur obligatio. Nulla alienatio potest obligationem parere. Quod perit apud aliquem, & usu consumitur, apud datum ad hoc sit, non repetitur. Sed duo sunt, quæ in mutuo dantur, pecunia, & numerus, sive pecunia numerata, aurum, & pondus, sive aurum ponderatum: fruges, & mensura, sive fruges mensurata. Pecunia igitur cum datur numerata, ipsius corpore pecunia alienatur: nummus, idest quantitas, non alienatur, sed Domini manet. Nummi ipsi apud eum, qui accepit, idest nummorum corpora pereunt, nunquam reditura ad illum, qui dedit. Decem in dominio dantis remanent, nec transeunt in accipientem, quia totidem debet reddere, & ad eandem quantitatem obligatur, non ad illos ipsos nummos restituendos, quos utendos accepit, & abusus est. Vides ergo ipsum adversarium in neganda alienatione, domini translationem, & alienationem corporis mutuo traditi sateri.*

## §. I I I.

*Quid sentiendum sit de sententia alienationem negante. Magis magisque confirmatur translatio domini, & vera alienatio eorum in mutuo. De distinctione inter corpora, & quantitatem, cui Salmasius innititur.*

6. **S**ed ut in hanc ipsam sententiam, quæ alienationem mutui negat, nonnihil advertamus, quod & hæcenus dictis, & postea dicendis perutile futurum erit, de mutui definitione, quæ mutuum, uti contractus, in una mutuatarii obligatione ponitur tantundem reddendi, quantum acceptum fuit, haud observabo, obligationem, quæ ex contractu nascitur, minus recte poni pro ipso contractu, qui consensu partium definitur solent: ac propterea obligationem, quæ quandoque pro contractu ipso accipi potest, non unam, sed duplicem esse in mutuo, uti duplex in omni contractu stricte accepto reperitur, quod capite primo in fine explicatum invenies. Neque immorabor circa distinctionem illam corporis, quod mutuum traditur, & quantitatis, quæ reddenda est, ut quæ alienatio in corpore conceditur, in quantitate negetur. Sufficit enim (quod & re præsentem est) ipsum Salmasium, sive auctorem, sive præcipuum patronum ejus sententiæ, quæ alienationem a mutuo ablegare conatur, corporis mutuo traditi alienationem consentem audivisse, & alienationem sane perfectissimam; unde Num. 12. pag. 141. memoratæ confutationis ait: *Respectu corporum, quæ mutuo dantur, quæque accipientis sunt, mutui contractus alienatio censetur. Non quadam est, nec minor, sed maxima, & totalis, ut ita dicam, formalisque alienatio. Nam species illa ita descendit a dominio dantis, ut nunquam ad eum redeat, sed usque apud acci-*

accipientem consummatur, haud secus ne tradita ipsi esset ex iusta quacunque causa, & a Domino alienata. Quid apertius scribi potuit? Legatur praeterea, si placet, praefatio Disquisitionis de mutuo, & pag. 157. 153. & 407. Nec tamen praetermittenda quae scribit ad thes. 12. in consutatione disputationis tertiae pag. 172., ubi in alienationem rei traditae mutuo omnia concurrere ostendit, quae alienationi rerum dono traditarum conveniunt: *Non potest alienatio videri, nisi propter eam speciem, qua mutuo datur, & sit accipientis, & de mea tua.* In hanc vero speciem ea omnia fere concurrunt, qua dominus professor de donatione dixit. *Est accipientis; eo animo datur, ut nunquam revertatur ad eum qui dedit; & eo animo datur a Domino, ut nec ullo casu ea ipsa species ad se redire queat.* Consumitur, dissipatur, perditur, alienatur a debitore, quocunque modo videtur.

Quatenus  
mutui alien-  
atio ab a-  
lienatione  
donationis  
disceper.

7. Neque propterea mutuum donatio est: Iustum enim inter utraque discrimen, non in traditi quidem corporis alienatione, quae in utriusque est aequalis, sed in eo situm est, quod in rebus per donationem alienatis tantundem reddere donatarius non obligatur, ut in rebus mutuo traditis obligatur mutuatarius; non quod rerum ejusmodi alienatio temporalis sit (aeque enim perpetuum esse vidimus, ac in rebus donatis, quoad ipsa rerum traditarum corpora) sed quod alienatio id genus eo animo, & obligatione facta est, ut post praestitutum mutuo tempus tantundem reddendum sit, ac in mutuatantis proprietatem asserendum. Qua in sententia late verum est, quod Salmasius in praefatione libri de modo aservatum scriptum reliquit: *Non sit de meo tuum, quoad proprietatis alienationem perpetuam, sed temporariam duntaxat* ( proprius tamen diceretur quoad proprietatis alienatio-

nem simplicem, & absolutam, sed onerosam, & conditionatam duntaxat ) & eatenus quoque mutuum a donatione distinguitur, in qua perpetua, seu potius absoluta, & simplex alienatio, sine ullo restituendi unquam onere contrahitur. Quin cum ea temporaria, uti a Salmasio vocatur, vere autem perpetua, sed conditionata, & onerosa, alienatio non sit absoluta, & simplex, nec ejus generis, quae tantidem recipiendi voluntatem excludat; hae in alienationis significatione verum est non alienari absolute nummos in mutuo, qui conditionate, & cum onere restitutionis alienantur. In hanc sententiam intelligi commodum potest, quod traditur ad Ulpiano L. 55. D. de solutionibus: *Non alienantur nummi, qui sic dantur, ut recipiantur*: Si modo haec verba non de mutuo accipienda sunt, sed potius ( ut alius videtur ) de iis contractibus, quibus nummi ita dantur sine ulla translatione domini, ex. gr. ad pompam, aut alium similem usum, ut iidem corpore restituendi sint. Certe autem in mutuo, si de absoluta alienatione ea verba accipere velis, haud intelligi possunt de corpore pecuniae, quod omnino absolute, & in perpetuum alienatum ex ipso Salmasio accepimus: unde eadem de sola quantitate, quae reddenda mutuo est, intelligenda monuit in *Disquisitione de mutuo* pag. 160. Quod enim ita datur, ut recipiatur, sola quantitas numerorum est, non autem corpora. De hac item quantitate verum est alienum esse, quod mutuatarius debet, huiusque conveniunt reliqua, quae alienationi negandae conferunt: ut nihil tamen, praedicti creetur vera alienationi corporum, quam & adversarii debent facere.

8. In hac igitur controversia, quae multis opusculis, atque disputationibus hinc, atque hinc agitur, tota concertatio, si recte perpendamus,

mus, non rei, quæ nos offendat, sed verborum potius est. Cum enim duo distingui soleant in mutuo, corpus datum, & quantitas, quæ reddenda est; qui alienationem defendunt, de corpore loquuntur, quod consumptioni datum, nunquam quidem recipiendum est, & hoc corpus alienari, ipse Salmasius, alique omnes Salmasii affectu, concedunt: qui autem cum Salmasio alienationem negant, de quantitate, ad quam reddendam debitor obligatur, intelligunt, & hanc alienari nemo dixit. Re itaque cum omnes conveniant, in eo pugna est, num ex ipso potius corpore, an ex reddenda quantitate mutuum definiendum sit, ut de alienatione in mutuo definiatur: alique alterum præferunt. Quum vero & datio corporis mutuo necessaria sit, & reddendæ quantitatis imponatur obligatio; in rei ipsius concordia tantam verborum, aut modi pugnam gerere modicum refert. Certe in rem nostram satis est, si corpus ipsum mutuo datum alienari dicatur, etiamsi quantitatem non alienari sentiamus: undecunque autem mutuum definire placeat, ex corpore, an ex quantitate, an ex utroque, cum nostrum nihil intersit, in hoc non magnopere laborandum est.

9. Illud solum mutuum referre videtur pro iis, quæ lib. V. distulimus, videre, cujusmodi sit ejus quantitatis, quæ in mutuo non alienatur, dominium, quod penes mutuantem superesse Salmasius, ejusque focii contendunt. Si de improprio quodam dominio id accipiat, defendi potest; si autem de reali, ac proprio, neutiquam potest. Quantitas enim, ad quam restituendam mutuatarii obligatio contrahitur, nihil reale est, in quod creditor reale dominium proprietatis retinere queat (quidquid enim reale mutuo datum fuit, ipso corpore alienatum ipsiusmet fatentur: quod autem reale per debitorem restituitur, in cre-

ditoris dominio non erit, nisi postquam redditum fuerit) sed mera est quantitas generica, & ut ita dicam, idealis, in quam recipiendani creditor jus quidem, & actionem, non autem verum, & reale proprietatis dominium habet. Rerum dominia proprie in ipsis præsentibus rerum corporibus, non in quantitatibus corporum abstractis, atque recipiendis, vel obligatis exeruntur. Quod si quantitas a corpore quanto realiter non distinguitur; re ipsa, traducto corporum dominio in debitorem, in ipsum pariter realis quantitatis dominium traductum fuit: in eo autem, qui pecuniam a debitore suo tempore possidentem nunc actu possidet, reale quantitatis dominium esse convincitur.

10. Dominium tantummodo improprie dictum in realem quantitatem statim tempore restituendam creditor habere dici potest, quatenus ad eam recipiendam jus, & actio ipsi est: quemadmodum fictione quadam juris, & vulgari etiam locutione, *nostra* appellantur, quæ alii nobis debent, non tam mutui causa, sed aliis quoque actionibus; etiamsi nihil unquam dederimus nostrum: & similiter *alienum* ac vocari potest, ac solet, quidquid debitor cuiquam debet, quocumque nomine debeat; unde trita illa duo juris effata. L. 223. D. de verb. signif. *Æs alienum est, quod nos aliis debemus: æs suum est, quod nobis alii debent.* Fictione autem juris id fieri patet ex L. 243. ejusdem tituli: *Nam id apud se quis habere videtur, de quo habet actionem; habetur enim quod peti potest: & L. 49. Æque bonis adnumerabitur etiam, si quid est in actionibus, petitionibus, persecutionibus: nam hæc omnia in bonis esse videntur. In bonis esse videntur, inquit, nam revera non sunt in bonis, quæ petenda, & exigenda sunt: unde Ulpianus in L. 209. D. de regul. juris: *Minus esse, ait, actionem habere, quam rem; in quam legem ve-**

tus interpres: *Qui enim actionem habet, rem habere videtur; verumtamen non habet*. Eandem vero juris fictionem, quæ non nisi improprium dominium adstruit, locum habere pariter in pecunia mutui reddenda colligere licet ex L. 15. D. de regul. juris: *Qui actionem habet ad rem recuperandam, ipsam rem habere videtur*; ubi verbum *videtur* fictionem juris significat: ex quo perbelle Grotius in cap. 6. Luc. v. 35. *Jus illud ad recipiendum idem genere est, vice domini*. Quidquid autem domini vicem gerit, non proprium, sed improprium dominium est, quod ex quadam similitudine domini nomine appellatur, licet verum dominium non sit. Id aliis quoque rebus paris juris fictione tributum deprehenditur, ut alieno nomine, quod vere, & proprie ipsi non convenit, ob quandam similitudinem compelluntur. Sic nomen *usufructus*, quod proprie non cadit nisi in res, quibus uti possumus salva earum substantia, Senatusconsulto dictum fuit etiam de iis, quæ in abusu continentur L. 5. D. de usufructu &c. & paulo absumiliter actio quasi Serviana simpliciter *Serviana* appellatur L. 18. D. de pignoris. Neque id ab usu ipso vulgi alienum observat Seneca l. 5. de beneficiis cap. 18. *Quidam inquit, etiam si vera non sint, propter similitudinem eodem vocabulo comprehensa sunt*, & aliquot deinde popularium locutionum exempla subiicit. Nihil ergo mirum si de pecunia mutua quædam domini fortuna hæ ab antiquis usurperetur, quæ vetæ non sunt; & si quis ex his verum dominium veluti colligere, improprie locutionibus convincetur deceptus, & a Romanorum mente, ac jure, cui seie inniti credit, alienissimus erit. Quod enim illi dominium hisce formulis asseruerunt, mera fictione juris usi, improprium dominium est; unde alijs in locis proprie loquentes, dominium verum, & proprium, citra contradi-

ctionem, creditoribus denegare, & debitoribus vindicare non dubitarunt. Sic Ulpianus L. 55. D. de rebus creditis eos ipsos, nummos, quos debitor creditoris mandato ciupiam solverat, creditoris non fuisse affirmavit: *Si tibi debitorem meum jussu tuo dare pecuniam obligaris mihi, quamvis meos nummos non acceperis*; debitor autem ejusmodi mutuatarius esse potest. Similiter Boetius in Topicis: *Pecunia, quæ est in nominibus creditorum, non est nostra*. E contrario laudatus Ulpianus debitoribus dominium asseruit L. 1. D. de Liberat. legat., inquit: *Omnibus debitoribus ea, quæ debent, restituantur, licet domini eorum sint*. Donatus autem expresse de mutuo illud Terentii Andriæ 5. 1. 30. *Ego deo-vum &c. mutuum est*, inquit, *quod habemus ad tempus, nec postmodum nostrum futurum est*; cum scilicet restitueretur; ubi fatetur illud esse interit nostrum, id est debitoris. His ergo, aliisque, quæ afferri possent, veterum testimonio ne contradicant, quæ dominium mutui creditoribus videntur adjudicare, hæc de dominio improprio, quod sola juris fictione inductum est intelligenda sunt. Atqui, inquit nonnulli, propria domini vis in eo sita est, si quis aliquid vendere, legare, ludo exponere, vel alia ratione alienare queat: nemo enim hæc prætereā posset nisi de suo. Hæc porro omnia fieri queunt de ea quantitate pecuniæ, quæ mutuo tradita est. Proprium itaque in ea dominium agnoscitur. Id quam infimum sit facile intelliges, si animadvertas, hæc eadem cadere in quolibet credita: nam & vendi, & legari, & ludo exponi, & alia quavis ratione alienari queunt. Quis autem idcirco proprium in credita dominium adstruit? Quidam nuperrime institutus heres cujusdam usufructus ex prædio (quod fideicommissio ligabatur) percipiendi post certum annorum numerum, potuit hunc usumfructum, an-

te-

requam suis fieret, vendere, & alienare, ut nullum tamen proprium dominium in eo haberet, nec utile, nec directum. Non directum, quippe quod in fideicommissis ad heredes non pertinet, nec item utile, quippe quod ante præstitutum auctiorem tempus ipsius non erat, sed illorum, quibus eo intermedio tempore legatum fuerat. Solum itaque jus consequendi statim tempore antedictum usufructum, etsi omni dominio interim nudatum, illud fuit, quod vendi, & alienari potuit. Quicunque ex aliquo opere jus habent in mercedem, nullum adeo proprium dominium in eadem obtinent. Quis nescit quorundam statutorum jure medicos, & pharmacopolas in mariti infirmitate speciale jus acquirere, ut ex ipsa uxoris dote, si aliud non suppetat, ipsis solvatur? Num proinde dominium aliquod proprietatis acquirunt in dote, in quam nec maritus, dum viveret, dominium habebat? Omne dominium jus est, non autem contra. Nota est distinctio inter *jus ad rem*, & *jus in re*. Qui hoc alterum in re aliqua obtinet, verum in ea dominium habet: non vero cui primum tantummodo jus est; nam ex eo quidem res debet aliquando in ejus dominium transire; & interim eo caret, & carebit, quoad illa ipsi tradatur. Similiter ergo ex mutuo jus est ad tantundem recipiendum, ut quoad non recipitur, nullum est jus in re, dominium item nullum, sed merum creditum; unde hic contractus a Romanis inter eos censetur, quibus in creditum itur; & idcirco qui mutuum dedit, ex domino nummorum fit creditor, sicut qui mutuum accepit, licet accipiendo dominium acquirat, debitor efficitur. Hæc si rite perpendantur, nulla amplius

difficultas, quæ indecens vulgum, movere solet, reliqua erit. Solo igitur improprio quantitatis dominio ditione juris creditoribus, qui mutuum dederunt, tributo, verum actuale pecuniæ, aut aliarum rerum ejusdem generis dominium, in mutuatarios transferri dubitandum non est. Vide (1) plura, si placet, apud Fabrotium in insigni opere inscripto: *Replicatio adversus Claudii Salmasti refutationem. Parisiis 1647.* ubi translationem domini, & alienationem in mutuo uberrime statuit. Mihi enim satis, superque est pauca indicasse, cum alias ipsi adversarii id, vel jinviti, agnoscere, ac fateri debuerint.

## §. IV.

## Alia proprietates mutui.

EX his porro, corollariè consequens est, illud colligere licet, quod cum rei mutuo traditæ corpus in mutuatarii gratiam vere alienetur, ut non idem numero, sed aliud ejusdem speciei pro illo reddatur, commutationis quædam species in mutuo intervenit, unius scilicet corporis cum alio, etsi ea non fiat, quæ res unius speciei cum aliis alterius commutari communiore acceptione intelliguntur. Id non inficiatur, immo concedit, ac probat Salmastius de Usuris c. 1. pag. 11. & c. 7. pag. 174. Hinc in tract. de *Emore trapeziticis* lib. 2. pag. 362. edit. Lugd. Batav. 1640. affirmat mutuum respondentum esse inter contractus commutativos. Vel inde nomen habere ostendimus a mutando. Idipsum a simili ex quadam lege probatur in disquisitione de mutuo pag. 24., & additur: Pro centum aureis, quos mutuos accepit debitor, centum alios

Species  
commuta-  
tionis est  
mutuum.

C 2

an-

(1) Confer etiam Jo. Jacobi Wissenbach vindicias contra Salmasti Diatribam, & Disquisitionem de mutuo. Franckere 1660.

*mutuo reddit creditum*; quod commutationem proprie significat, a qua *mutuum* appellatum auctor confirmat. Neque vero hic de appellatione *mutui* volo contendere, num a *mutando* proprie dictum sit *mutuum*, quo casu *mutuum* non ante dicendum esset, quam res a creditore recepta sit, & ita *mutuum* nomen inde acciperet, unde ejus obligatio definit; de hac, inquam, appellatione nolo contendere: etsi enim *mutuum* proprie ante omnem restitutionem subsistat; quin tamen in *mutuo* commutationis species interveniat, negari non potest.

Periculum vi mor-  
tui transit in  
debitorum.

11. Tandem ex translatio in *mutuatarium* dominio rei *mutuo* traditur periculum ad eundem pertinet. Quæ proprietas ex dominio proxime fluens (res enim si perit, nisi per accidens de averso periculo caveatur, domino perit, ut om-

nes norunt) adeo proxime sequitur ex *mutuo*, ut *mutuo* inito inferre liceat: Ergo transit periculum ad eum, qui *mutuum* rogavit, quemadmodum scribitur L. 9. D. de rebus creditis. Hinc cum in deposito proprie dicto non transferatur dominium, sicut nec in commodato; rei depositæ, vel commodatæ periculum non spectat ad accipientem, sicut ad accipientem spectat in *mutuo*: quæ alia *mutuum*, inter, & depositum, & commodatum differentia asserri solet; eaque in rebus usu consumptilibus adeo essentialis habita, ut si pecuniæ ex. gr. depositæ usus cum periculo alicui committatur, dominium inde colligatur traditum, & depositum Romanis quoque legibus conversum judicetur in *mutuum*, uti ostendam lib. V. cap. 3.





## LIBER SECUNDUS.

*De usura, quoad jus divinum in genere.*

## CAP. I.

*Ratio tractandi de divinis iura, ac de  
separandis qua ad jus divinum,  
& dogma non pertinent.*



**H**uiusmodi usura omni & naturali, & divino, & humano, sive canonico, sive civili jure vetita probari possit; cum tamen de dogmate catholico agitur, de solo divino jure, circa quod divina fides, & dogmata Ecclesiae versantur, cognoscendum est. Humanum enim jus, si mere canonicum sit, non fidei, sed disciplinae est, quae a dogmate differt; idemque multo magis sensendum de mere civili, quod a divino, vel naturali jure non profluit. Jus autem naturale, cum non omnia praecipit, aut vetat, quae divino positivo jure potuerit vetari, vel praecipere; tum vero ejus cognitio, nisi quatenus fidei, & divini juris principiis suadeatur, ad dogma catholicum nequaquam pertinet: unde accidere potest, ut extra dogmatis, ac fidei periculum, negetur naturale jus in nonnullis, quae divino jure praeepta, vel vetita eroduntur, si ea naturali jure vetita esse fides aperte non prodatur. Adde quod propria naturalis juris cognitio, ac scientia, non auctoritate, sed ratione comparatur, quae ad catholicum dogma divini juris adstruendum necessaria non est. In re itaque praesenti unum primo catholicum de usuris dogma monstraturus, non ratione, sed auctoritate sacra, quae omne dogma continetur, utendum mihi esse intelligo; ex qua si praetermissio interim naturali jure, cujus di-

sputationem in libros quintum, ac sextum remitteamus, jus divinum circa usuram exploratis documentis patebit; propositum, de quo mihi nunc ex catholico dogmate statuendum summi, ex sententia conficiam. Quanquam enim veteris Testamenti mandata, quae in novo confirmata fuerunt, jure quoque naturali illicita esse satis certum videatur, ut lib. V. ostendam; dum tamen usuram divino saltem jure illicitam credamus, quod ex sacra auctoritate, idest ex Scriptura, ac ex perpetua Ecclesiae doctrina credendum demonstrabo, factum restum erit catholicum dogma, quicquid a ratione de naturali jure judicetur.

2. Haec autem ab his attentius animadverbi velim, qui dum divinum de usuris jus ex catholico dogmate sibi opponi audiunt, rationes quaslibet suo ingenio vehementissimas reponunt. Haec enim cum in quaestione de jure naturali recte objicerentur, ineptissimae plane sunt in illa, quae unum jus divinum, & dogma catholicum versat, ac si vel divino jure aliquid revelante in jure naturali cedere non debeat omnis humana ratiocinatio, si quae difficultatem faciat; vel divino etiam jure vetari non potuerit, quod naturali jure illicitum non sit. Quando igitur hoc, & duobus sequentibus in libris de divino jure ex catholico dogmate disputaturi sumus, non autem de naturali; Scripturam, ac traditionem, quae ad idem divinum jus demonstrandum afferemus, expendant, quaeque adversarii, quicunque illi sunt, & ad severiorem etiam censuram omnia, & singula exigentes, videant, num propositum ea evincant, nec  
ne,

ne, & num paucæ quædam, quæ eædem sacra auctoritate opponi solent, apte explicaturi sumus. Hoc autem si ex sententia fiet, jam constabit divinum jus, & catholicum simul dogma constabit. Quidquid porro difficultatum ex ratione occurrat, quibus usura naturali jure non præcepta quidem, nec omnino necessaria, sed ad summum commoda, & licita videri possent; divino manifesto juri, & catholico dogmati cedat. Reserventur hæc, & remittantur in eam controversiam de jure naturali, in quo expendendo singula ad calculos revocabimus lib. V. & VI., ita tamen ut, si minus persuadeant, quæ ibidem responsuri sumus, nihil ea præjudicii afferre divino juri, vel catholico certissimo dogmati possint, uti pluribus statuam cap. 1. lib. V. Age modo singula catholici dogmatis capita statuamus.

## CAP. II.

*De perpetua, atque constanti usura  
notione in Scriptura, ac traditione,  
unde jus divinum circa  
usuram statuendum est.*

## §. I.

*Est notio, qua omne lucrum ex mutuo,  
sive magnum, sive minimum, usura  
nomine complectitur, quam neces-  
sario statuenda, ut non minus  
hæreticorum error solum lu-  
cri excessum damnantium,  
quam vulgare quorundam  
præjudicium  
revincatur.*

*Usura notio.* 1. Cum res consumptibilis ad  
consumtionis usum ita tra-  
ditur, ut post aliquod tem-  
pus tantundem reddatur, quod  
mutuum reale est, ut superiori li-  
bro explicavimus; si quid exinde  
supra rei traditæ æstimationem,  
vel quantitatem percipiat, usu-

ra dicitur. Hanc porro simplicem  
usuræ notionem, quatenus à divi-  
na prohibitione præscindit, adver-  
sus sectarios usurarum patronos ex  
catholico dogmate statuere, minus  
necessarium fortassis videbitur, qui-  
ppe quod illi in eo conveniant, om-  
nem hujusmodi accessiorem supra-  
sortem usuram esse, uti omnes qui-  
dem & Græci, & Romani eadem  
notione usuram appellarunt. So-  
lum pro quibusdam ex indocto vul-  
go id utile creditur, qui usuram  
in uno lucri excessu constitutam pu-  
tant. Ad hos quidem de vera usu-  
ræ notione ex catholico dogmate  
docendos, hanc disputationem præ-  
cipue dirigo, ut videant, quid  
damnet catholicum dogma, cum  
usuram damnat. Si vero ex hac usu-  
ræ notione palam fiet, omne vel  
minimum lucrum ex catholico do-  
gmate usuram esse; id ad ea, quæ  
de divino jure usuram prohibente  
adversus ipsos patronos usurarum  
deinceps statuemus, plurimum con-  
feret. Cum enim divino jure usu-  
ram universim reprobari monstra-  
bitur & Scriptura, & Patribus, ac  
totius Ecclesiæ traditione, ac fide;  
& ideo quidem reprobari, quia ab  
ipso Deo, seu divino jure prohi-  
betur; usuræ nomen ea utrique no-  
tione, ac significatione accipien-  
dum patebit, qua illam ex eodem  
dogmate, ac traditione perpetuo  
acceptam hac disputatione ostend-  
dam, ita ut omne vel minimum  
lucrum ex mutuo, divino jure re-  
probatum, intelligatur. Num enim,  
cum usuram illi damnaverunt, aut  
divino jure damnatam prodidere,  
aliam usuræ notionem habere po-  
tuerunt, nisi illam, quam omnibus  
in locis, ubi usuræ nomen expli-  
candum, vel definiendum fuit, unam  
semper, & eandem constantissime  
declararunt?

2. Enimvero observare quisque  
poterit definitionem usuræ, quam  
ex Scriptura, ac traditione allatu-  
ri sumus, iis fere ex locis esse ex-  
cer-

Quæ de causâ  
hæc notio  
trahenda.

construam, in quibus usura damnatur: adeo nihil dubii esse potest, quin ea loca, quæ usuram in quavis supra sortem autione, etiam minima, sitam definiunt, usuram uti illicitam designant. Ex his porro tam expressis testimoniis, quæ in unam, eandemque usuræ definitionem concurrunt, ut ne unum, quod: diversam, asserat, allegari queat; cetera quoque ubi usura sine definitione reprobatur, in eandem notionem accipienda: manifeste colliguntur. Hinc omnia Scripturæ, Patrum, Conciliorum, Pontificum, & eorumque scriptorum loca, quæ hoc in tractatu ad jus divinum statuendum, ac explicandum: contra usuram afferimus, non de immoderato (nisi peculiari aliqua de causa, expresse nominetur) sed de quocunque lucro intelligenda erunt; ita ut, si propositum exequar, quocunque usurarium lucrum, divino jure, damnatum: ex catholico, dogmate manifestissimum futurum sit. Id autem adversus usurarum patronos aperte eriam, concludet, qui etsi omne ejusmodi lucrum usuram esse fatentur, solam, tamen usuram immodicam, quæ præstitos limites excedit, nedum divino, sed & naturali jure, universim, reprobari, contendunt.

3. Illud autem ad præcludendam sophisticam quandam objectionem: præmonendum, est, quod si præcisam illam usuræ definitionem, quæ a Scholasticis ingeritur, *lucrum ex mutuo*, neque in Scriptura, neque in Patribus inveniat; ea non idcirco contemnenda est, nec a Scriptura, & Patrum mente credi, debet aliena. Satis nimirum esse debebit, si rem ipsam ab iisdem eodem sensu explicatam inveniamus. Usuram nimirum, quæ non vocis, sed rei, peccatum est, non ex voce *mutui* nascitur, sed ex certis rebus eo contractu traditis, qui *mutuum* a Latinis dici solet. Sicut autem Scriptura, & Patres satis explicarunt *mutui*

contractum, in quem usura cadit, cum illum versari docuerunt circa res usu consumibiles, quæ ad consumptionis usum traduntur, cum obligatione reddendi tantundem, ut superior libro explicavimus c. 1. n. 6. ita satis explicarunt usuram, cum eam collocarunt in lucro, quod ex eo contractu, seu ex iisdem rebus perinde traditis percipitur, id quod Scholastici brevius dixerunt *lucrum ex mutuo, aut perceptum vi mutui*. Res enim variis licet vocibus expressa, eodem recidit. Ubi autem de rebus, non de vocibus agitur, & res quæ definitur, est eadem, inepta prorsus verborum quæritio ingeretur. Cum itaque Scriptura, & Patres de rebus usu consumibilibus semper loquantur, quoties usuram damnant; & illud lucrum, quod ex iisdem rebus mutuo traditis percipitur, usuram appellent; nunc jam videndum, est, num omne id genus lucrum, vel accessionem, usuræ nomine comprehendant, & condemnarent, an excessivum, & immodicum tantum.

## §. I I.

*Ex usura notio: ex veteri, & novo Testamento ostenditur.*

4. **U**suræ nomen in veteri Testamento de omni, vel minimo augmento, quod ad sortem mutuo traditam accederet, non autem de solo, excessu, sumptum patet ex illis, Levitici c. 25. v. 35. *Ne usuras accipias, ab eo, nec amplius, quam dedisti*, ubi, tò, *amplius, quam dedisti*, usuræ naturam optime explicans, quancunque, sive magnam, sive modicam, pecuniæ mutuo datæ accessionem significat. Neque vero quicquam ex vulgata interpretatione, scrupulum moveat, quæ hoc loco non verbum, verbo reddidit; sed paraphrasim potius exhibens, Hebraicam vocem, *Tharibh*, quæ proprie aug-

*Ex veteri Testamento*

mentum

mentum, seu multiplicationem innuit, Græcis autem *πλεονασμός*; red-  
ditur, explicavit verbis *amplius quam dedisti*. Nonne ipsa vox *Tharbitb*, sive augmentum, cuius supra sortem incrementum convenit? Nonne omnis vel modica usura accessio, quæ supra datum exigitur, *πλεονασμός* est, (τυ δ. δομένον πλεον explicavit S. Joannes Chrysostomus hom. 36., al. 37., in Matthæum n. 6.) & cursu temporis accedens ad sortem, eam auget in dies, atque multiplicat? Eandem itaque sententiam, aliis licet verbis, vulgatus explicavit interpres; quam ea vox vere significat: cumque hanc interpretationem susceperit, ac probavit Ecclesia; eam utique sententiam susceperit, atque probavit, quæ usura nomine, omne, non tam magnum, quam modicum sortis augmentum, complectitur. Enimvero usura in Hebræo textu non *Tharbitb* solum vocatur, sed etiam *Nesheeb*, idest morsus, qui de quavis, etiam minima, quantitate, quæ dentibus decerpitur, verissime dicitur. Repugnare quidem aliquantulum videntur hæ voces, quarum altera accessionem, detracti-  
onem altera indicat: sed nihil repugnat, immo eodem redeunt utraq; diverſo scilicet creditoris, ac debitoris respectu. Nam *Tharbitb*, inquit Salmasius, *usum est, quantum ad creditorem, quia ad sortem ei accedit, & oper ejus amplificat: Nesheeb vero, quantum attinet ad debitorem, decessio est, non accessio: & ita dista est ex parte debitoris, quia veluti quodam morsu deterat, & obli-  
met ejus facultates. Quod itaque relate ad debitorem Nesheeb, idest morsus est, Tharbitb, idest accessio est quoad creditorem. Hinc utraq; voces simul junguntur, tum hic in Levitico, tum etiam alibi, propterea quod diverso respectu idem significant. Scio nonnullis placere *Tharbitb* proprie accipiendum de usura legatum, *Nesheeb* autem de usura*

pecuniæ, ut Rabbi Levi Ben Gerzon apud Salmasium notavit. At cum *Nesheeb* Deut. 23. v. 19. didum reperitur de usura cibi, quæ ad segetes pertinet; tum vero *Tharbitb* æque dici potuit de usura pecuniæ, quam quidem Chaldæi, & Arabes, ipsique etiam Rabbinæ Hebræicæ linguæ peritissimi eo appellant nomine, quod ab eadem radice descendit ac *Tharbitb*, ut apud eundem Salmasium videre licet. Sed quidquid hac de re opinari libet, utraq; sane voces quoad usuræ notionem eodem pertinent, ut omne augmentum, & morsus omnis, idest omnis supra sortem accessio, sive magna, sive modica, usura nomine intelligatur, unde usura sit *amplius quam dedisti accipere*, quemadmodum a vulgato interprete explicatum fuit. Non repugnant ipsi usurarum patroni, inter quos laudatus Salmasius de usuris c. 10. pag. 611. nonnullis succensens, qui solas graves usuras, *Nesheeb* morsum appellatas, non autem leviores, lenioresque, non æque mordaces, *Tharbitb* Hebræice, Græcis autem *πλεονασμόν*, Latinis vero *superabundantiam* nuncupatas, Hebræis prohibitas putabant. *Nesheeb*, inquit, *qua ratione nulli id opinentur, nec video cur nomen Tharbitb de minore usura debeat accipi, & Nesheeb de majore. Immo πλεονασμόν de graviore favore magis sumi dicerem. Nam omnis usura, qua augeat quocunque incremento summam sortis, ea πλεονασμός est, nec de levi augmento potius, quam de magno, si absolute ponatur, dici conveniat. Adde quod utrunque pariter vetitum legitur, tam Tharbitb, quam Nesheeb &c. concluditur post pauca pag. 612. omnem omnino usuram cuiuscunque rei, qua favori datur, adversus fratrem exercere, esse prohibitum; qui similia adversus cuiusdam protestantis sententiam fuisse inculcat l. 2. de scen. trapezit. pag. 338.*

De modo  
sus p. 11, &  
de usu, p.  
181, 182.

De Usur. c.  
8. p. 181.

7. Neque aliam usuræ notionem in novo quoque Testamento Christum habuisse, ex illis ejusdem Christi verbis liquet: *Mutuum date, nihil inde sperantes*, in quibus quidquid sit, utrum antiquæ legis præceptum in lege Evangelica confirmetur, nec ne, de quo in sequenti capite agemus; certe vox *nihil*, ad acceptionem rei mutuo traditæ relata (uti sane aliquatenus referendam ostendimus eodem capite sequenti) non solum excessum, sed omne vel minimum incrementum excludit: ita ut in mutuo non recipiantur nisi *tà oia aequalia*, quemadmodum ex lege veteri omnem usuram excludente ipsum vulgum agere solitum idem Christus ibidem monuit.

## §. III.

*Eadem notio ex traditione statuitur.*

6. **Q**uod si usuræ notionem ex traditione quaeramus, nihil dubii est, quin eandem omnes Patres, Concilia omnia, omnes Pontifices, veræ traditionis custodes, testes, vel in casibus dubiis iudices, semper tenuerint, quæ & in veteri, & in novo Testamento; immo, & apud omnes etiam prophetas, ethnicosque scriptores una semper obtinuit. Solum dubium esse posset, num usuram damnantes (quocunque illam jure damnaverint, de quo deinceps erit sermo) in ea lata significatione omne vel minimum augmentum usuræ nomine intellexerint, an solum excessum. Id autem exploratum non alia meliori ratione fieri potest, nisi ex iis locis, in quibus adversus usuram scribentes, usuræ definitionem produxere. Multas vero multorum definitiones, seu explicationes, nactus, omnes in hanc unam conspirare inveni, quæ usuram ab isdem damnaram pro omni mutui incrementum exhibet, nec unam reperire licuit, quæ moderatum incrementum ab immoderato discernens, solum immoderatum usuræ nomine condemnandum subindiceret.

7. Tertullianus l. 4. contra Marcionem c. 17. *Favoris redundantiam, quod est usura*, ubi cum *favoris* nomen pro *forte* ipsa accipit (uti apud plures quidem scriptores frequenter sumtum pluribus veterum testimoniiis probat Salmastius de usuris c. 2.) tum vero *redundantiam* ex Ezechiele accipiens, omnem fortis acceptionem indicavit.

8. Lactantius l. 6. Institut. c. 18. usuram definit: *plus accipere, quam dederit*, quod cum Levitici testimonio convenit.

9. Sanctus Gregorius Nyssenus in oratione contra usurarios, contra ususarii formulam his verbis exprimit: *Reddam cum lucro fortem*.

10. S. Ambrosius de Tobia c. 14., postquam statuisse usuram, id est amplius non esse exigendum, contra nonnullos, qui varia nomina appellantes, usuræ nomen fugiebant, sic usuram explicat: *Quodeunque sorti accedit, usura est, quod velis ei nomen imponas, usura est. Quodeunque iniquus, & magnum, & minimum complexus est; unde sequenti capite omne fortis augmentum usuram interdiciam agnoscit.*

11. S. Hieronymus in c. 18. Ezechielis, usuræ deputans etiam *munuscula*, quæ modicum lucrum afferunt, palam declarat *usuram appellari. & superabundantiam, quidquid illud est, si ab eo quod dederint, plus acceperint*. Et paulo post dans ad usuram is definitur, *qui repetit ab his, quibus tribuit, amplius quam dederat*: ille autem solus ab usura alienus est, *qui omnis rei auferri superabundantiam, aut plus non recipit, quam dedit*.

12. Auditor Breviarii in psalms, quod S. Hieronymo tributum fuit, in ps. 14. *Usura est plus accipere, quam dare*.

13. S. Augustinus serm. 3. in ps. 36. num. 6. *Si sanctaveris homini, id est*

Tom. 7. Append. editio veronensis.

*id est mutuum pecuniam tuam dederis, a quo aliquid plus, quam dedisti, expectes accipere, non pecuniam solum, sed aliquid plus, quam dedisti, sive illud triticum sit, sive vinum, sive oleum, sive quodlibet aliud, si plus, quam dedisti, expectes accipere, funeratore ei; & subdit funeratore cum esse, qui minus vult dare, & plus accipere: unde & serm. 239. n. 9. Quid est funerare? minus dare, & plus accipere: ac propterea ad vitandum scœnus, Tantum accipe, inquit, quantum dedisti. His similia habentur in Appendice serm. 86. n. 3.*

14. Simili locutione usuram peculiari mandato clericis interdictum totius Africæ Concilium. Hyppone coactum an. 397. can. 24. usuram expresse, *amplius accipere, quam dedit*: & in Carthaginensi III. an. 397. *amplius accipere, quam cuiquam commodaveris*: quæ item leguntur relata in eodidem, ut 2. Quesnello inscribitur, Ecclesiæ Romanæ, nec non in alias fere omnes antiquas canonum collectiones: indeque nascitur usuræ nomine omne ejusmodi incrementum ita vetitum fuisse, ut ne quis *amplius, sed tantum, quantum dederit, accipiat*, quod commentarius quoque Zonare, Aristeni, & Balsamonis in hunc canonem confirmari posset: adeo certa, & constans hæc usuræ notio fuit.

15. S. Joannes Chrysostomus hom. 56. al 57. in Matthæum, usuram explicans, quam *πλεονασµόν* Græci vocant, in eo illam collocat, quidquid plus quam datum fuit exigitur. Sic enim usurarium alloquitur: *Τὴν ὅτι πλεον, quam dedisti exigit* ( *τὴν διδοµένῃ πλεόν ὀφειλῇ* ) & quod non dedisti, uti debitum cogis numerare eum, qui non accepit: quæ omni vel minimæ super datam sortem accessioni congruunt. Ea vero præsertim verba *τὴν διδοµένῃ πλεόν*, quæ *πλεονασµόν* declarant, Græcogum Patrum mentem exhibent, cum

usuram *πλεονασµόν* appellaverunt, simulque vindicant Latinos quosdam interpretes, cum eam Græcam vocem Latine reddiderint, *aliquid supra sortem, vel amplius, quam dedisti nonnunquam transulere*.

16. S. Cyrillus Alexandrinus lib. 8. de adoratione, & cultu in spiritu, & veritate, agens de charitate in fratres, usuras a Deo vetitas superabundantiam & sortis incrementum vocat. Nec abimiliter Theodoretus in c. 18. Ezechielis ad usuram dare explicat, *id quod amplius est accipere*.

17. Sequenti seculo Concilium Provinciale Tarracense an. 519. c. 3. *usuram vetans, augmentum prohibet*: seu ut Aurelianense III. ex diversis Galliæ partibus coactum an. 538. loquitur c. 27. *Ne quidquam amplius, quam datur, speretur*: quæ duo canones, etsi ad solos clericos dirigantur, uniformem tamen usuræ notionem exhibent. Cassiodorus in ps. 24. usuram interpretatur *exigere, quod te nescias commodasse*.

18. S. Gregorius Papa, qui initio obiit seculi septimi, hom. 9. in Evangelia, *In usura*, inquit, *pecunia etiam non data recipitur*: cum enim hoc redditur, quod acceptum fuerat, illud etiam superimpenditur, quod acceptum non est; quæ sane omne, sive magnum, sive minimum, quod superimpenditur, usuræ accensent. Sub idem tempus Antiochus Monachus Palæstinus e Laura S. Sabæ hom. 12. usuram definit *accessorium, quod præter sortem contingit*.

19. Seculo octavo Beda in eundem psalmum, cum dare ad usuram affirmat, *qui ut plus inde acciperet, accommodavit pecuniam*, neque contentus fuit, ut non nisi quantum dedit, exigeret. Similia habet in ps. 36.

20. Clarius in Capitulari Noviomageni an. 866. in Baluzii Miscellaneis t. 2. p. 414. c. 12. *Usura est, ubi amplius requiritur, quam datur. Verbi gratia si dederis solida*

des

*det decem, & amplius requiseris, vel si dederis modium unum frumenti, & iterum super aliud, vel (ut alii nunc nominandi exscripserunt) aliquid exegeris:* quæ usuræ definitio omne lucrum complectens, totidem verbis refertur & a Walterio, sive a Gualtero Aurelianensi in Diocesana ejusdem seculi Synodo, apud Labbeum tom. 8. pag. 411. c. 10., & ab Ansgerio Capitularium lib. 1. c. 119., & a Reginone l. 1. c. 186., & a Burchardo l. 1. c. 116., & ab Ivone Carnotensi part. 6. c. 109., ac tandem a Gratiano 14. qu. 3. c. 3., qui Burchardum secutus, hunc canonem Agathensi Concilio attribuit. Ex eodem fonte Rodolphus Archiepiscopus Bituricensis c. 3., Miscellaneorum Baluzii lib. 6., usuram a Domino interdictam professus, eandem usuræ definitionem subjicit, usurarium eum appellans, qui præter rem datam mutuo, super aliquid, quancunque occasione, vel quocunque modo, exegerit. E contrario vero eum usuram vitare ait, qui amplius non requirit, nisi quantum præstat; quæ postrema verba ex Capitularibus pariter excepta sunt, & apud Reginonem leguntur lib. 1. c. 186.

11. Sub finem seculi XI. Sanctus Bruno Carthusianus in ps. 54. *usurarium designat eum, qui plus pecunia a debitore exigit, quam commodaverit.*

12. Petrus Blesensis XII. seculi scriptor ep. 17. usuram esse ait minus proximo suo dare, & plus ab eo accipere. Vener. Gerhohus a. P. Bernardo Pez editus in ps. 54. *Usura pecunia, qua quisque commodante, vult amplius recipere.* S. Bruno Astensis Sigmienhus Episcopus in ps. 71. In usura, non solum id quod datur, sed etiam id quod non datum est, persolvitur. Matthæus Paris in Histria ad ann. 1235. *Quidquid accersitis sorti usura est, quocunque nomine censeatur.* Et ne plura sequorum temporum recitem,

concludam legē 13. S. Ludovici adversus usuras Christianorum edita an. 1254., quæ anno sequenti lecta, & confirmata fuit in Concilio Biterrrensi, ubi post prohibitionem usuræ, *Usuram intelligimus, inquit, quidquid est ultra sortem.*

13. Neque tamen omittam, Græci Schismatici Auditoris Nicolai Cabasilæ Thessalonicensis Archiepiscopi testimonium, ut ex Græcorum etiam Schismaticorum, qui in multis se se Latinis objecerunt, consensu liqueat, eandem a majoribus traditam usuræ notionem ad hæc usque tempora perductam, Latinis, & Græcis communem fuisse. In præclara ergo adversus usurarios oratione a Pontano Latine redita, & tom. 16. Bibl. P. P. inserta, usuram, quam legibus interdictam fuisse probat, in quovis supra sortem auctuario collocat. *Hoc enim est, inquit, contra leges venire, pecuniam cum auctuario recipere.* Ante hunc Balsamon, item Schismaticus, sic usuram definierat in notatione ad canonicam epistolam Sancti Gregorii Nysseni ad Letojum: *Fumus ergo est, quod Græce plenosmus dicitur, ut quando quis dat vinum, vel frumentum, vel oleum, vel aliquid aliud, ut in eodem genere plus, quam dederit, accipiat.*

## §. I V.

*De Theologis, & Canonistis. Posteriorum Pontificum Romanorum decreta. Horum vindicta. Concluditur de catholico dogmate circa notionem usura, qua non in sola excessu, sed in omni accessione supra sortem collocanda est.*

14. **A**D hæc usque tempora, quibus Theologi, & Canonistæ cœperunt florescere, constantem usuræ notionem, ac explicationem perduxisse sufficiat: neque enim de Theologis, vel Canonistis ambigi-

tur, quin hi, cum usuram vetitam pronunciant, omnem vel minimam sortis accessionem usuræ nomine acceperint. De solis antiquis cum dubitari possit, num usuram prohibentes, vel prohibitam affirmantes, eadem notione usi sint, istorum tantum definitiones præcipuis cujusque seculi monumentis proponendæ fuerunt, ut ex his tam apertis, atque coherentibus, de aliorum locorum, ubi nihil definiunt, intellectu dubitare non liceat, eosque, qui dubitationem velint ingerere, contra parentissimam veritatem conari, solum facere manifestissimum sit. Hinc etiam Theologos, & Canonistas in communi usuræ vetitæ notione, quam constanter exhibent, nihil protulisse novi, sed quod a Patribus, & Conciliis antiquis acceperunt fideliter enunciasse liquet: & cum Romani posteriores Pontifices cum omnibus Episcopis, atque Conciliis usuræ damnarunt, seu potius jure (quodcumque illud sit), damnatum definiunt (1) *aliquid ultra sortem accipere*, hac in illicitæ notione, atque definitione usuræ, non novum Scholasticorum, atque Canonistarum præjudicium, sed veterum Patrum, ac

antiquissimam traditionem sequuti cognoscuntur.

15. Videant igitur quid moliantur, & audeant, qui solum immodicum lucrum damnautes, moderatum ita a vitio purgare non ventur, ut eos, qui secus tradunt, Scholasticis sequiorum temporum, quasi præjudiciis impeditos, erroris accusent, si non ipsi potius, vulgari præjudicio occupati, insigni impediuntur antiquæ traditionis ignorantia; adversus apertam, & perpetuam Ecclesiæ traditionem nituntur; cumque hæc in eandem usuræ notionem cum sacro quoque Testamento conspiret, adversus etiam utriusque Testamenti auctoritatem aperte pugnant. Hujusmodi veronism si mens catholica refugit, hoc ergo inter cetera Ecclesiæ veluti dogmata recensatur, *usura nomine, quæ sive in Scriptura, sive in traditione prohibetur*, ( quocumque tandem jure prohibeatur, ) nec modicum solum, sed quodlibet supra sortem lucrum, ex mutuo esse accipiendum. Nunc ad jus ipsum, quo id lucrum universim interdicitur, cognoscendum accedamus.

## CAP.

- (1) Vide inter cetera Gregorii IX. decretalem *Naviganti*, De usuris, propositionem. 41. damnatam ab Alexandro. VII. necnon 41. & 42. proscriptas ab Innocentio XI. ubi non *nimum*, sed *aliquid ultra sortem* usuræ damnatur. In propositione autem 42. cum legatur *Usura non est, dum ultra sortem aliquid exigatur tanquam ex benevolentia, & gratitudine debitum, sed solum si exigatur tanquam ex justitia debitum*, eadem usuræ notio *aliquid ultra sortem* exhibentis & propositionis auctoribus, & Pontifici fuit; & solum illi in eo, quodcumque sortem excederet, usuram collocabant, si exigetur ex justitia, non autem si ex mera gratitudine, aut benevolentia exigetur, is vero hanc propositionem damnans, ut rollet modo *aliquid* exigatur supra sortem, usuram esse definiit; addo hæc una, & constans usuræ notio est. Urbanus II. in can. *Consultuit*, De usuris, *plus sorte* pro *aliquid supra sortem* scripsit, & similiter alii: inter Concilia legantur Auxitanum. an. 1308. c. 3., Brevisense an. 1310. c. 31., & aliud ejusdem anni c. 140. &c.



## CAP. III.

*De usura prohibitionem ex veteri Testamento.*

## §. I.

*Proponuntur testimonia ex Pentateuco.*

1. **C**onstituitur hoc libro divinum jus usuram prohibens adversus eos adversarios, qui idem jus ex veteri Testamento concedentes, ejus confirmationem tantum in novo Testamento inficiantur, de veteri Testamento jure, quod ab iisdem in controversiam non adducitur, dicendum non esset. Omnem nimirum vel minimam usuram Hebræis ex veteri lege, saltem cum Hebræis fratribus, esse interdictam, apud eosdem adversarios indubium est; quippe qui solum contendunt illud unum, fuisse ex legalibus præceptis, quæ ante Evangelium omnes Hebræos obligabant, per ipsum autem Evangelium sublata fuerunt, ut ex eorum testimonio in præfatione indicatis liquet. Nunis aperta sunt illa Moysis legislatoris verba, Exodi. 22. v. 25. *Si pecuniam mutuam dederis populo meo pauperi, qui habitat tecum, non urgebis eum, quasi exactor, nec usuris opprimes.* & illa Levitici. 25. v. 35. *Si attenuatus fuerit frater tuus, & infirmus manu, & susceperis eum quasi advenam, & peregrinum, & vixerit tecum, ne accipias usuras ab eo, nec amplius, quam dedisti.* Pecuniam tuam non dabis ei ad usuram, & frugum superabundantiam non exiges; ac præsertim illa ex Deuteronomio 6. 23. v. 10. *Non funerabis pecuniam fratri tuo ad usuram, nec fruges, nec quamlibet aliam rem, sed alieno.* In duobus primis testimonio, ubi pauperis, & attenuati fratris expressa hic mentio, divites saltem fratres non excludi, qui tertio Deuteronomii testimonio comprehenduntur, probabitur lib. IV. Nunc enim eos habemus ad-

versarios, qui de omni fratre Hebræo ab alienigenis distincto hanc legem accipiendam fateantur.

2. Potius de distinctione inter fratrem, & alienum, in Deuteronomio expressam, nonnihil dicendum. Hinc enim Sædarii usurarum patroni vocem *alieno* arripiunt, & obtrudunt, ut divinum jus usuram inter solos Hebræos verans, cum *alienis* autem permittens, seu potius, ut ipsi volunt, concedens, non naturale, sed mere positivum, & legale jus fuisse suadeant, quod in novo Testamento confirmatum nequit præsumi, nisi probetur. Probabimus id sane, & evidenter, quodcumque sit divinum illud jus. Interim vero non vindicaturi quidem jus naturale circa usuram, de quo agemus lib. V. sed explicaturi ipsum divinum jus in veteri Testamento Hebræis præstitutum (quod utile aliquando futurum est, etsi necessarium in præsternarium non sit) quid *alieni* nomine in Deuteronomio innuatur, declarare debemus.

## §. II.

*Quid vox alieni in Deuteronomio significet. Si omnes alienos comprehendit, non approbativa illa est, sed permissiva.*

3. **S**i vox *alieni* late sumenda. credatur, ut omnes non Hebræos toto orbe diffusos generatim comprehendat, cum a Moysæ proveniat, qui non tam conscientiae, quam civilis reipublicæ rector, & legislator fuit, haud necessario accipiendi est uti usuram cum alienis jure naturali licitam approbans, quin pro permissione, ac tolerantia simplici accipi possit. Immo ne approbationem veram adstruamus, illud videtur convincere, quod propositio illa Moysis sit generalis, quæ nihil distinguens, omnes alienos, etiam pauperes, & egestate oppressos, complectitur, ex quibus tam-

Vide supra  
in præst. n.  
19.

Lib. 1. de  
honore tra-  
gæd. p. 109.

usuram petere ipso naturali jure omnibus vetitum adversarii quoque proficitur. Alia id genus a Moyse, ut legislatore, ad majus malum vitandum permilla, non autem probata ipse Salmasius agnoscere, & fateri coactus fuit. Quidni inter hæc Deuteronomii locum recenscamus ex ea parte, quæ de usura cum alienis contrahenda agens, si alienos universim comprehendat, eos pariter egentes comprehendit, a quibus usuram exigere, vel etiam accipere, ipsis adversariis fatentibus, jus naturale interdictum?

4. Neque vero ad approbationem adstruendam asseratur illud Deut. 25. v. 6. ubi in præmium pietatis Deus Israelitico populo spondet: *Funerabis gentibus multas, & ipse a nullo accipies mutuum*; sicut e contrario in iniquitatum poenam minatur c. 28. n. 44. *Ipse funerabis tibi, & tu non funerabis ei*. Mirum maxime est viros. ceteroqui doctos, pro usuræ defensione arripere ex Latina interpretatione vocem *funerare*, quæ tamen simplex mutuum significat, ipso Salmasio fusius probante de usuris c. 2. pag. 23., & non considerare potius Hebraicam vocem *mutuum*, quæ *mutuum dare*, vel *dare mutuum* sub pignore ex ipsis Hebraicis Lexicis tantum significat. Vide inter cetera Lexicon Buxtorffii. Hinc non tam interpretationes antiquæ Græca, Arabica, Chaldaica, Syriaca, Samaritana, Persica, quam recentiores etiam ab Hæreticis lubricatæ, voces usurpant, quæ metamutationem expriment, ut videre licet in versione Joannis Clerici, & aliis quampluribus. Immo Matthæus Polus in synopsi criticorum ex variis hanc memorato Deuteronomii versiculo 6. adnotationem affonit: *Judæi bine colligunt usuram sibi cum gentibus permissam. Sed vox significat tantum mutuum, ut patet ex antitbesi*: A nullo accipies mutuum. *Usura licet iis cum gentibus permissa* Deut. 23. 20.)

non permitteretur pro præmio pietatis erga pauperes. Promittitur tantum facultatum copia, ut non suis tantum, sed etiam gentibus mutuari possint. Cum itaque originalis Hebraica vox dubia non sit, quid in aliquot privatis interpretationibus quæ dabit ad usuram, perperam reddiderunt, adversus inanem, & pusillum tractatoris conatum pluribus laboremus? Nihil ergo usurarium approbantibus his Deuteronomii locis, quibus de simplici mutatione, non de usura sermo est, tota jam redit argumenti superioris instituti vis, quomeraam usuræ tolerantiam cap. 23. n. 19. asserendam monstravimus. siquidem alieni vox de omnibus alienis accipienda credatur.

Tract. Brevis.  
vis. p. 76.

### §. I I I.

*Verius solos Chananæos vocer alieni indolentes ex peculiaribus Moysæ astatibus circumstantiis monstratur.*

5. **E**Go vero & rerum, & personarum, & alias ejus temporis rationes considerans, alieni nomine solos Chananæos intelligendos existimo, quorum omnia bonacum a Deo Hebræis tradita fuerint, hi suum, non alienum per usuras exigerent. Enim vero mutui, vel usuræ occasio vel apud nos inter solos incolæ, quibus cum versamur fere suppetit. Raro cum exteris hocce contractu agendum nisi causa aliqua negotiationis, arque commercii. Hebræis autem, præterquam quod ea tempestate bellum, non negotiatio curanda, erat, cautumque aliquandiu fuit, ut sui secundissimi soli redditibus luculenter provisi, arque contenti, negotiationem cum ceteris non facile inirent, ne perversis illorum moribus, ac superstitionibus inficerentur ( unde in ipsa terra Hebræis permilla litorales negotiosi portus traditi ipsis non fuerunt ) præter hoc, inquam, ipsa

Josephus in  
Appon. l. 1. 1.

cx-

externæ eorum temporum negotiationis ratio, cum non nisi per mutuas rerum commutationes præsertim fieret, uti nunc pariter apud plerasque orientales nationes ex antiqua negotiandi ratione fieri solet, mutui inter exieros ineundi necessitatem, vel occasionem non afferbat. Itaque non alia ipsis mutui, & usuræ cum alienis occasio, nisi cum Chananæis indigenis esse poterat: ac propterea Deuteronomii locus usuram cum alienis permittens, de solis septem Chanaan populis accipi potest, ac debet, uti eum quidem de iis intelligendum jure contendit non solum S. Ambrosius in libro de Tobia c. 15., sed etiam Munsterus inter hæreticos, & inter Rabinos celebris Leo Murinensis in opere de Cæremoniis Judæorum part. 2. c. 5.

6. Confirmari id ipsum alia observatione ne pigeat ex ipsa Hebraica voce אֲדָמָי, seu *alienigena*, quæ in hoc versiculo Deuteronomii usurpara, alienigenas inter Israelitas viventes, idest Chananæos, peculiari quadam ratione significasse videtur. Id subolevit Grotius, qui propterea in c. 15. Deut. v. 3. ea voce notari ait *incircumcisum*, qui inter Israelitas vivebat. Enim vero Exodi 12., ubi alienigenæ omnes a paschalis agni esu prohibentur, tum qui inter Israelitas in ipsa terra Chanaan viverent, tum qui ex aliis terris in terram Chanaan advenirent, primi tantum voce אֲדָמָי appellantur versus 43., ceteri autem, veluti a prio-

ribus distincti, v. 45. indicantur voce אֲדָמָי אֲדָמָי, quam de *advena* non quocunque, etiam Hebræo, vel proselyto circumciso, cui paschalis agnus vetitus non fuisset ex v. 48., sed de *gentili*, & *incircumciso* tantum, ipsi Hebræi apud Matthæum Polum interpretantur. Igitur si hi quantumvis veri alienigenæ non comprehensiverunt voce אֲדָמָי, hæc de solis alienigenis Chanaan eo tempore usitata quadam locutione videtur accepta, ut ne ad omnes extraneos protenderetur. Forte sicut vox אֶרֶץ *terra*, licet per se communis toti terræ, in libris tamen Moysis præsertim proprio veluti vocabulo, terram Chanaan Hebræis traditam significat (ea fere ratione, quæ vox Latina *Urbs* Romanam significare solet) ita etiam vox אֲדָמָי *alienigena* ejusdem terræ Chanaan homines, peculiari quadam significatione, indicare potuit, quod Hebræi eo tempore probe intelligerent, præsertim in v. 19. c. 23., ubi de mutuo agitur, quod proximum tantum, inter quos viverent, alienigenis credere potuerunt, remotis autem aliarum regionum gentilibus non poterant, nisi forte *advena* ad ipsos accederent, quos alia voce אֲדָמָי appellatos vidimus, & cum quibus sane, ut in mutui officio (si quis casus coningeret) pari, ac cum fratribus ratione, idest sine ullo fœnore, ageretur, præceptum fuisse Lev. 25. v. 35. ex hebraico textu Joannes Clericus, & alii Interpretes, etiam Heterodoxi, fatentur. Est igitur quod (1) *fratrum* nomine, qui-

- (1) Idumæi tamen ab Israelitis alieni *fratres* vocantur Deut. 23. 7. Immo 3. Reg. 9. v. 13. Hiram Rex Tyri, & Sidonis, quocum Salomon amicitiam iunxerat, hunc *fratrem* appellat. Præcepta quædam adversus Chananæos data, ad primæ ætatis Chananæos, non autem ad omnes eorum posteris pertinuisse Grotius observavit in c. 5. Matth. v. 43. Hinc amicitia illa Salomonis cum Chananæo Rege, quæ olim non licuisset Exod. 34. 11. Hinc forte spectat etiam Deuteronomii locus de fœnore cum Chananæis permissio; unde David, & Ezechiel sensus suos quo nulla exceptione vetitum prodidere, ut deinceps patebit.

quibus gratuitum mutuum dandum, præcipitur Deut. c. 23. v. 19., nullæ extræ nationes censeantur, sed soli Hebræi; *alienigena* tamen Hebræica vox, a quibus usuram exigi Moyses permisit, ex peculiari, ac vulgata ejus temporis significatione, vel saltem ex circumstantiis, atque occasionibus mutui, de solis Chanaan populis accipienda convincitur, ita ut per errorem posteriorum temporum, cum vetus illa ejus Hebræicæ vocis significatio exolevit, de universis populis non Israelitis accepta fuerit.

7. Cum porro in universa Chananæorum bona, non minus quam in vitam, jus Hebræis datum ab ipso Deo fuerit; sicut eos occidere, ita & spoliare pro suo jure poterant; & eatenus usura cum iisdem tantum permessa a rapinæ vitio purgari posse (1) Ambrosio visa est. *Quis erat tunc Alienigena, nisi Amalech, nisi Amorrhæus, nisi hostis? ibi, inquit, usuram exige, cui merito nocere desideras. Cui jure inferuntur arma, huic legitima indicuntur usura. Quem bello non potes facile vincere, de hoc cito potes centesima vindicare te. Ab hoc usuram exige, quem non sis erimen occidere. Sine ferro dimicat, qui usuram flagitat. Sine gladio, & hoste ulciscitur, qui fuerit usurarius. & exactor inimici. Ergo ubi jus belli, ibi etiam jus usura.*

Noodt ob-  
jecto.

8. Neque Noodt objecta moveant, iniquitatis l.b. 1. de fœnore

cap. 10. *Qua de fœnore, & usuris sunt conventiones, non belli, sed pacis, & commerciorum jure celebrantur. Igitur si ad expilationem spectant, & a gentium jure abhorrent, ut videtur Ambrosio, ne cum hostibus quidem fieri possunt; quia ibi, cum inter se contrahunt, non ut hostes agunt, sed ut homines, qui utilitatis permutatione invicem sibi consulunt, id est jure gentium utuntur.* Hæc probant, si cum Chananæis merum bellum, non autem jus in omnia omnium, & singulorum bona Hebræis datum fuisset. Esi vero usuræ stipulatio contractus sit; ab iis tamen, qui non nisi nostra possident, aliquid quocunque etiam nomine exigere, non aliena, sed nostra exigere est; unde ab eo, qui feudum, vel alienum fundum, vi occupat, usuras etiam graviores, alias illicitas, dominum redimendi, ac refarciendi damni causâ extorquere, non solum ab adversariis, sed etiam a \* Canonibus non improbat. Sic etiam cum Hebræi, Deo (2) jubente, abstulerunt Ægyptiis commodati nomine vasa; licet commodatum contractus privatus sit, tamen Noodt consensiente eodem capite pag. 107. non furtum, sed magis pignus fuit, in quam Deus jus dedit ad compensandam longam, & injustam servitutem, quam Regibus sine mercede præstiterunt. Ita ergo cum Chananæi nihil in Palestina haberent, quod Hebræorum

Resolvitur.

\* Vide Concilium ultimum, an. 1161 sub Alex. III. cap. 10.

non

(1) Hæc Ambrosii interpretatio Carolo Molinæo usurarum patrono arrisit, unde h. c. Deuteronomii loco usuram non probari collegit. Sic enim in Tract. de Usuris n. 9. *Quod autem dicit alienum mordebis, mihi nec præcipere, nec permittere videtur; sed hoc innuere. & significare, quod si quem usuris opprimas, jam non trahas ut fratrem, nec officium proximo impendis, sed pro extraneo habes, vel pro hoste, ut innuit D. Ambrosius, qui ibi jus usura, ubi jus belli esse scripsit.*

(2) Adde, quod quædam, alias jure naturali illicita, Deo jus dante, ac præcipiente, licita fieri possunt. Sic Abraham innocenii filio potuit necem intentare, quod sine Dei mandato fuisset requissimum. Jus in ipsa Chananæorum bona Hebræis non fuisset ullum, nisi Deus illis dedisset.

non esset, fuisse hi quovis modo illud exigere poterant, sicque licebat etiam usuris eos opprimere, ut hoc minori certe dispendio, quam morte, compulsi, traditam Hebræis terram liberam sinerent.

## §. IV.

*Ha Deuteronomii lex usuram cum alienis permittens sandiu valuit, quandiu Chananai hostes fuerunt Hebræorum. Hinc in sacris posterioribus libris nulla inter alienum, ac fratrem distinctio; Usura universim vetita.*

9. **H**æcquidem pro eo antiquo tempore, quo Chananæi veluti hostes, terram Hebræis a Deo supremo Domino traditam injuste occupabant. Cum vero successu temporis aliis Chananæorum occisis, expulsi, & fugatis aliis, reliquis vero in servitutem coactis, totaque Chanaan regione in Hebræorum dominium traducta, jus belli in Chananæos, & in eorum bona desit: pacatisque jam rebus, commercium etiam aliquod, de quo plura lib. IV. dicuntur, cum exteris patuit; tum nec auditur amplius illa inter fratres, & alienos distinctio, nec de usura cum quopiam licite contrahenda, mentio uspiam facta invenitur. Immo quotquot divini libri post id tempus editi, inveniunt usuræ, nec fratrem, nec alienum nuncupantes, ut in Deuteronomio factum fuerat, eam universim illicitam prodidere, & inter illa quidem vitia prodidere illicitam, quæ non minus cum Hebræis, quam cum alienigenis illicita sunt, ut ea non minus cum exteris, quam cum Hebræis illicita insinuetur.

10. Regius Psaltes Psalmo 14. justum hominem universim describens, qui in Dei tabernaculo habi-

Tom. I.

*tabit, & in monte sancto requiescet communia, & necessaria omnibus erga omnes officia recenset, ac inter hæc refert illud, ne pecuniam suam ad usuram dederit. Qui ingreditur sine macula, & operatur iustitiam; qui loquitur veritatem in corde suo, & non egit dolum in lingua sua, nec fecit proximo suo malum, & approbrium non accepit adversus proximos.... Qui jurat proximo suo, & non decipit; qui pecuniam suam non dedit ad usuram, & munera super innocentem non accepit: ac tandem æque necessarias has omnes conditiones requirens, concludit: Qui facit hæc, non movebitur in æternum. Expendantur quæso singula; & si quidem cetera omnia adeo necessaria inveniantur, atque communia, ut Hebræis ad salutem non satis fuerit ea inter fratres præstari, nisi etiam cum alienigenis præstarentur; quis unam usuram ab hac necessitate pure possit excipere? Matthæus quidem Polum, et si usurarum & ipse patronus, ut colligere licet ex iis, quæ in c. 6. Lucæ v. 35. ex Grotio latius deputat; hunc tamen Psalmi locum, absque ulla restrictione, sic explicare coactus fuit: Nota hic generalitatem officii: Non dat, nempe cuivis (non dicit fratri) pro honore. Ita tollis discrimen gentium, & personarum. Da, aut commoda simpliciter cuivis. Sed quid Matthæum Polum appello? Ipse auctor libri Mæthoc, qui apud Hebræos est authenticus, in hæc Psalmi verba: Qui pecuniam suam non dedit ad usuram, hanc glossam apponit: etiam gentili; ut videre est apud Drusium, qui quantumvis Heterodoxus, hanc sententiam maxime probans, palam facetur: Sane David ait, de viro pio loquens: non dedit pecuniam suam ad usuram, ubi neminem excipit.*

11. Hinc porro inane, ridiculumque Theologi Brabantini commentum agnoscitur, cum in Examine pacifico pag. 31. n. 6. contendit Psalmi illi specialiter agi de iis, quæ

Testimonium ex c. 11. 14.

Interpretatio patroni usurarii, lib. 1. Rabbi-  
nni.

In c. 5. Mart.  
v. 22. tom. 4.  
Cænic. fact.

Non de peccatione, sed de præcepto in hoc psalmo agitur.

que ad perfectionem requiruntur. Si de perfectione hominis iusti ad salutem necessaria intelligeret, non male: at cum de præcipua quadam perfectione consilii intelligat, quæ ideo solis clericis ad maiorem perfectionem vocatis iuste imposita a canonibus fuit; pessime. Num enim maioris perfectionis tantum fuerit ingredi sine macula, & operari iustitiam, loqui veritatem sicut est in corde, dolum non agere, non facere proximo nostro malum, opprobrium eadem injectum libenter non accipere, non decipere perjurio, & munera ad innocentem opprimendum non acceptare? Cum his ergo, non inter fratres solum ejusdem Religionis, sed cum omnibus omnino exercendis, divinus Psalter conjungens usuræ fugam, non ut in Sanctuarium cum Summo Pontifice, sed ut in Cælum ingredi liceat, hoc, uti & cetera, ad necessariam, & communem iustitiæ perfectionem referendum est.

De Psal. 54. 12. Enimvero idem Psalmista, qui inter communia iustitiæ officia usuræ vitiationem hoc Psalmo recensuit, in alio Psalmo 54. inter communis iustitiæ vitia usuram memoravit: perversa enim Jerosolymorum crimina, quæ in quibuslibet certa crimina sunt, describens; usuram iis inter se, nimirum, uti Theodoretus observat, cum iniquitate, & iustitia, & dolo copulat, nec unum peccatum ibidem innotuit, quod inter solos Hebræos peccatum sit, cum alienis non sit: *Vidi iniquitatem, & contradictionem in civitate. Dic, ac nolle circumdabit super muros ejus iniquitas, & laborum media ejus, & iniustitia: & non defecit de plateis ejus usura, & dolus.* Et similiter Psalmo 71. *Ex usuris, & iniquitate redimet animas eorum.* Usuram non peculiaribus Hebræorum inter Hebræos, sed communibus inter omnes criminibus utroque in Psalmo accensit, quis non commune crimen agnoscat?

Objectioni occurrat.

13. Neque dissimulabo Auctorem

Tractatus brevis pag. 12. testimonium Psalmi 54. conari nobis eripere, dum observat in Hebræo textu non haberi vocem *Nesheeb*, quæ *usuram* significat, sed vocem *Torb*, quam Sanctus Hieronymus *damnum* reddit. At cum *τόκος*, idest usuram hoc loco præferat antiquissima omnium versio LXX. interpretum; unde quæ vocem *Torb*, quæ non unam significationem suscipit, hanc usuræ interpretationem non posse suscipere quispiam probet? Quod usura *Nesheeb* appelleretur, nihil nocet. Apud Hebræos una appellatio alias non excludit, unde usura etiam *Tharbit*, & *Marbit* Hebraice dicitur, & unico nonnunquam loco peculiaris unius vocis est significatio, quam etiam ex Hebræorum librorum paucitate alibi reperire non liceat; nemo tamen eam repudiare hoc uno nomine debeat. Porro vox *Torb* proprie significat *medium*, & sicut translate *damnum*, vel *fraudem*, quidni & *usuram*, quæ damni, & fraudis species est, significare possit? Septuaginta interpretes, qui fraudis significationem non ignorarunt, uti patet ex interpretatione Psalmi secundum Hebræos 10. v. 7., si *τόκος*, seu usuram hoc loco reddiderunt, non ejus significationis ignoratio, sed ratione aliqua reddidisse credendi sunt, quæ vox *Torb*, usura quoque interpretationem hujus loci propriam suscipere, convincatur. Fullerus Anglicanus presbyter, adversarius minime suspectus, Miscellaneorum facrorum lib. 2. c. 10., postquam conjecit Septuaginta *τόκος*, idest usuram, sapienter transulisse pro *Torb*, & quæsi *τόκος* Græcum a *Torb* Hebræo originem ducat, interpretationem quidem re ipsa probabilem fatetur his verbis: *Et sane consimilis admedium est vox utraque, resque ipsa pulchre convenit. Nemo quippe nescit fænerationem perniciosissimam, & innumeris dolis, fran-*

*fraudibusque esse refertam.* Thomassinus Hebraicæ linguæ peritissimus hac septuaginta interpretum auctoritate potissimum motus, in tractatu de Usura part. 2. c. 1. n. 6., Hebraicas voces, quæ usuram significant, omnes quidem metaphoricas, recensens, cum *Nesheeb* & *Tbarbitz*, *Torb* etiam collocandum putavit. Hanc saltem interpretationem cum universa susceperit & Orientalis, & Occidentalis Ecclesia, jam inde ab Apostolorum temporibus, quæ Græcam, vel Latinam Psalmorum versionem cum eadem usuræ voce perpetuo decantavit; si hoc crimen inter cetera omnibus, & inter omnes vitanda relatum legens, nihil unquam offensa est; ex ea constanti doctrina accidit, qua aliunde sciebat, credebaturque ita usuram omnem, cum quocunque contrahatur, Hebraicis fuisse prohibitam, ut cum quovis prohibita sunt cetera, quæ in eodem Psalmo recensentur. Hinc si quis interpretationis error hoc loci esset; vocis minus appositæ reddita; & meri facti, ut ita dicam, error esset, non juris: quod quidem jus, si non ex hoc textu, ex aliis certe veteris Testamenti manifestissimum sit: quod in rem meam satis fuerit, ut propositum argumentum hac peculiaris textus difficultate nihilum nutet.

14. Enimvero præter Psalmum 24. superius expositum, qui de usura certissime loquitur, afferri potest locus Proverbiorum c. 28. v. 8., ubi Salomon usurarium universum sumum liberali opponens, ejus culpam simul, ac pœnam declarat his verbis: *Qui concupiscit divitias usuris, & fanore* (in Hebræo *Nesheeb, & Tbarbitz*) *liberals in pauperes congregat eas.* Quod nimirum sicut ex eisdem Proverbis c. 13. n. 22. inter iniquorum pœnas ea censetur: *Custodit iustus substantiam peccatoris;* ita Deus usurarios divitibus spoliat, quibus justos, & liberales uberrime cumulat. Sic etiam Grotius in hunc

locum: *leges improbe partas, puta fœnore, aufert rex tuis, qui sic eas peperere, datque eas beneficiis.*

15. Sed præ omnibus maxime insigne est, quod apud Ezechielem legitur. Hic enim virum justum, & injustum, graphice, & generalibus notis describens cap. 18., usuram inter cetera ter numerat, a qua cavere debet, qui justus est; qui autem non cavet, justus esse non possit. Sic in primis de justo v. 5. *Vir si fuerit justus, & fecerit judicium, & iustitiam, in montibus non comederit, & oculos non levaverit ad idola domus Israel, & uxorem proximi sui non violaverit, & ad mulierem menstruatum non accesserit, & hominem non contristaverit; pignus debitori reddiderit, per vim nihil rapuerit; panem suum esurienti dederit, & nudum operuerit vestimento, ad usuram non commodaverit, & amplius non acceperit; ab iniquitate avertit manum suam, & iudicium verum fecerit inter virum, & virum; in præceptis meis ambulaverit, & iudicia mea custodierit, ut faciat veritatem. Hic justus est, vita vivet; dicit Dominus.* Tum injustum, seu iniusti filium delineans v. 10. *Quod si ait, genuerit filium latronem, effundentem sanguinem, & fecerit unum de istis; & hæc quidem omnia non facientem, sed in montibus comedentem, & uxorem proximi sui polluentem; & egenum, & pauperem contristantem, rapientem rapinas, pignus non reddentem, & ad idola levantem oculos suos, abominationem facientem, ad usuram dantem, & amplius accipientem, nunquid vivet? Cum universa hæc detestanda fecerit, morte morietur, sanguis ejus in ipso erit. Tandem iniustum iniusti patris filium considerans, subjicit: *Quod si genuerit filium, qui videns omnia peccata patris sui, quæ fecit, timuit, & non fecerit simile eis, super montes non comederit, & oculos suos non levaverit ad idola domus Israel, & uxorem proximi sui non violaverit, & virum**

Ezechiel  
telum cala

Ex Prover-  
biis.

*non contristaverit; pignus non retinuerit; & rapinam non rapuerit; panem suum esurienti dederit; & nudum operuerit vestimento, a pauperis injuria averterit manum suam; usuram, & superabundantiam non accepit; judicia mea fecerit; in preceptis meis ambulaverit; hic non morietur in iniquitate patris sui, sed vita vivet.* Addendum etiam, quod de vitiis, ac iniquitatibus, quibus Jerusalem Dei indignationem accendit, iramque promeruit, traditur Co. 22. v. 2. *Et tu, fili hominis, nomen judicis civitatem sanguinum? & ostendete omnes abominationes suas, & dices: Hac dicit Dominus Deus: Civitas effundens sanguinem in medio sui... & qua fecit idola... Patrem, & matrem contumeliis affecerit in te, advenam calumniasti in medio tui, pupillum, & viduam contristaverunt apud te &c. munera acceperunt apud te ad effundendum sanguinem. USURAM, & SUPERABUNDANTIAM accepisti, & avare proximos tuos calumniabaris, meique oblita es..... Et dispergam te in nationes &c. Hebræus textus *Neshech, & Tharib* usuræ nomina ubique habet: palamque est Prophetam, seu Deum potius, qui Prophetam alloquitur, omnem usuram non semel, sed quater condemnare cum ceteris, ut qui fecerit unum de istis injustus, & morte sit dignus: a qua proinde ita ex divino jure Hebræus, cum quolibet, fuerat abstinendum, uti abstinere debebant a reliquis, quæ cum quibuscunque pariter, crimina sunt. Nullam in usura exceptionem assignat sacer Textus, sicut nec in reliquis admitti potest: ut valde audax ille sit, qui distinctionem inter alienigenas, & fratres hic audeat obtru-*

dere, ubi nihil distinguitur, excipitur nihil.

16. Itaque, ut ad propositum revertens, concludam, ex tam apertis Psalmistar, Salomonis, & Ezechielis testimoniis illud confirmari mirifice arbitror, legem illam Deuteronomii de usura cum alienigenis contrahenda, si non mera permissio, sed approbatio fuit, de solis Chananæis, in quos jus omne fuerat a Deo Hebræis traditum, esse accipiendam, non autem de ceteris alienigenis, quorum in bonis jus illis nullum datum fuerat. Nihil ergo est, quod ab Audore Tractatus brevis opponitur, legem Dei per Moysem quondam latam, hac nostra in sententia per Prophetas mutatam, aut extensam fuisse, quod decies, & amplius repetens, sibi velut triumphum hac in objectione pollicetur. Nihil, inquam, id est; per hos enim lex Moyfis nec mutata, nec extensa, sed explicata tantum fuit, ut eorum erat (†) officium; cumque Moyfes legem de alienis ferens, solos Chananæos peculiari jure intellexisset, quod ex ejus temporis conditione omnibus quoque Hebræis notum erat; subtilis deinde peculiaribus ejus temporis circumstantiis, Hebræi per Davidem, & Prophetas monendi clarius, & universim fuerant, ne veteri illa fratrum, & alienorum distinctione amplius uterentur. Id pariter multo magis, si usuram naturali jure illicitam poneremus, quod fusius probabitur libro V. Nunc ad propositum satis sit divinum illud jus, quod ex Davide, & Prophetis Mosaicam legem explicantibus exploratissime demonstratum videtur.

Pag. 9. 19.  
&c.  
Objectionem  
prola.

Origo

(†) Neque enim ad futura tantum præsumenda, sed ad legem etiam promovendam, & in obscuris explicandam dati fuerunt; unde illos Christus in Evangelio conjungens cum lege Moyfis, ubi testatur est, se non venisse legem, & prophetas salvare, prophetas ubi legis interpretes appellavit, ut expolitores omnes observarent.



## §. V.

*Origo, & ratio Rabbinica interpretanda vocis alieni de omnibus alienigenis exponitur. Confirmatur exinde nostra interpretatio, nec non aliorum Rabbinorum testimonio.*

17. **Q**ui nihilominus illam Deuteronomii legem explicare velit, ac si ad usuram erga omnes alienigenas universim exercendam extendatur, (si id non permisso, ut & alia quædam in ipsa lege Moysis, dicitur, quemadmodum sane id permittit tantum cum alienigenis indigentibus fateri vel adversarii debent) cum hæc explicatio ex una parte non sit ex aperta saltem Moysis mente, qui omnia prorsus etiam in alienigenas

putantes, Deuteronomii locum de alienis latissime interpretati sunt.

18. Hanc quidem illi suæ interpretationis, & praxeos rationem sæpe allegant; & Mahumetani, qui etiam multa ex Hebræis derivaverunt, simili ratione usi inveniuntur, cum usuram, quam inter suos pariter damnant, cum ceteris alienis sibi licere contendunt. In regulis enim Mahumetani juris, in quibus fœnus cum inimicis conceditur, inimicique vocantur homines, qui Mahumetis sectam non sequuntur, hæc concessit usuræ ratio subjicitur, quia facultates eorum patent veluti ad prædæ, & direptionum licita est quocunque via. Quod a Rabbinis Hebræorum sumtum nihil dubito. En itaque genuinum, & pessimum Rabbinicæ interpretationis principium, seu potius præjudicium. Hæc quidem ratio per se verissima est, & ex innotita apud Hebræos traditione Moysis, ut videtur, derivata, Deuteronomii legem explicat, ita ut iis in populis valeat, ubi hæc ratio vere est, non autem in ceteris, ubi ea locum vere non habet. At pro solis Chananæis, in quibus tantum vera erat, a Moysæ accepta, cum legem istam Deuteronomii ferens, alienigenas memoravit, ad omnes alios a Judæis alienos, in quibus nullum jus hostile erat, traducta perperam fuit a Rabbinis, & ad hos prout omnes perperam etiam lex illa Deuteronomii traducta.

19. Accidit hæc in re; quod de fœdere cum alienigenis non iungendo alia Moysis lege cautum fuerat. Id ex præcipuo Dei mandato solos Chananæos respiciente manavit, adeo ut 10 ceteros alienigenas non nisi perperam Hebræi eam legem transfulerint, uti Grotius in memoratum Matthæi locum observavit. Cum vero Hebræi populos omnes haberent tanquam hostes, quos expiare iure possent, nihil mirum, si ad omnes ita prohibe-

(1) Exod. 22  
21. Deuter.  
17. 19.  
(2) Deuter.  
23. 7. Idem  
ab 16.  
raelitis alieni  
fratru vocantur.

Levit. 19. 18  
Matth. 5. 42. Odio habebis inimicum tuum, adeo ut omnes non Hebræos spoliare, persequi, necare, si possent, religioni duserent, ut fatetur, & defendit Josephus Albo in disputatione adversus Christianos, unde & Tacitus esse Judæis adversus omnes alios hostile odium, prodidit; Ita alienigenas omnes, tanquam hostes, qui propria sibi a Deo tradita inique occuparent, per usuram (si alia ratione non possent) exspoliare, & opprimere sibi licitum

Matth. L. 5.

tionem fœderis, uti usuræ permissionem produxere. Verum, ni fallam Rabbiorum interpretationem sequerentur, *proximum*, idest *non alienum*, censere debebant quemcumque alienigenam, uti Christus in parabola Samaritani, Judæo vulnerato succurrentis, innuit; ac propterea usura cum solis alienis permixta, quorum in bona, ac vitam peculiare jus erat, ad ceteros alienigenas, qui veri erant *proximi*, idest *non alieni*, nonnisi Rabbini ce traduci (1) potuit. Rabbinos hosce carnales imitantur, atque sequuntur, qui eisdem errorem, ac interpretationem propugnant. Qui legis spiritum, non litera ducuntur, secus intelligant, & doceant, necesse est: adversariisque, qui legis spiritum, Christo Duce, sequi profitemur, rubori esse debent, inter Hebræos ipsos, præter Leonem Mutinensem, & auctorem libro Machoc superius memoratos, Rabbi Salomonem id probe affectum (2) docuisse in c. 22. Exodi, quod illi assequi, & docere reculant.

## §. VI.

*Quamcumque alieni interpretationem adversarii sequantur, propositum nostrum nihil laedit, sublata per Evangelium omni distinctione inter alienos, & fratres.*

20. **S**ed ne nimium hac in re laboremus, usuram omnem, saltem inter Hebræos, divino jure

vetitam agnoscere (quod ipsi adversarii dant) ad ea, quæ statuti sumus, in præfentiarum sufficit. Nunc videndum superest, num hoc divinum jus in novo Testamento confirmatum fuerit, nec ne; in eo, inquam, Testamento, in quo cum omnes vel inimici pro proximis, & fratribus, nemo autem in quibusque, sive justitiæ, sive charitatis, officiis pro alienigena habendus sit, ut ex ejusdem Testamenti spiritu liquet; si divinum usuræ vetitæ jus confirmatum probetur, id non inter Christianos solum, sed inter omnes obligare, ut usura omnino inter omnes prohibita sit, manifestissimum fiat. In quo quicumque ex adversariis aliter sentiunt, non Rabbinos solum imitantur, sed Rabbini ipsi deteriores se produnt, quippe qui, quod inter ejusdem saltem Religionis homines illicitum Rabbini in lege veteri defendunt, hoc in Evangelio inter ipsos Christianos, ac fratres licitum faciunt, ac si Evangelium, & Christus deleverit, quod ad justitiam necessarium prophetæ testati sunt, & quod hi deputarunt injustitiæ, liberum fecerit. Pudeat hæc de Evangelica lege sentire, & cogitare. Christum, & regnum ejus Evangelicum David spiritu prævidens, atque prænantians Psalmo 71., illud inter cetera præclara ejus facinora recensuit, quod *ex usuris, & iniquitate pauperum suorum animas redimet*. Christum vero, qui ex alio Psalmo

*Israel*

(1) Hinc Hebræi etiam ad fidem accedentes ad usurarum omnium, non tam a Christianis, quam ab alienis, extortarum restitutionem ab Ecclesia impelluntur.

(2) Quin & Sixtus Medices, in libro de scœnore Judæorum, narrat Philip-po Archinto Romæ Vicario Judæos jurcjurando declarasse, *vetita sibi sanctorum alienigenas perinde ac in fratres*. Hujus doctrinæ indicium etiam deprehenditur in Hebraico Pœnitentiali, quod Morinus in fine operis de Pœnitentia ex Hebraico libro excerptum edidit. Ibi enim, scœnos cum alienigenis si non prohibetur omnino, contra plurimorum præjudicium, saltem dissuadetur. Ille, sic, ibidem scribitur, *qui sanctorum accepit, si potest sanctorum non exigere etiam ab alienigenis, optimum erit.*

*Israel redemit ab omnibus iniquitatibus suis, non corpus, sed animas ab usuris redemisse haud alia potiori ratione quispiam intelligat, quam quod Rabbinicam de usuris doctrinam corrigens, usuramque universim illicitam docens, effecit, ne quis e suis usuram amplius sive exerceat, sive defenderet. Enimvero si hac in re quid Christus Ecclesiam docuerit consulamus, liquido apparebit eum confirmasse, seu perfecisse potius veterem de usura legem; nihil autem in ea abrogasse, nisi forte distinctionem illam inter alienigenas, & fratres, quæ Hebræis non bene intellecta occasio erroris fuit. Iussu enim ejusdem Christi, cui in nova lege non fuit distinctio Judæi, & Græci, idest alienigenæ, omnes uti fratres fratrum officio prosequendi sunt, ut ipsi (\*) adversarii fatentur. Unde autem doctrinam hanc Christi demonstramus? Aliquod expressum Evangelii, aut novi Testamenti testimonium Heretodoxi usurarum patroni efflagitant. Legatur inter ceteros Salmasius de usuris c. 20. p. 618., & c. 22. p. 731. & 737. At hoc est hominum, qui solas Scripturas pro Dei verbo habent, traditionem autem repudiant. Cum vero non minus verbum scriptum, quam traditum, sit, & haberi debeat verbum Dei, ut interim præsumo ex iis, quæ adversus hæreticos pro traditione vindicanda Controversistæ afferunt; non tam Evangelio, quam traditioni credere necesse est. Utrumque igitur in re præsentem expendamus, & Evangelium imprimis, ita tamen ut si hoc non videatur rem plane demonstrare, examinetur etiam traditio, quæ cum evidens perpetua, & constans agnoscenda, sit, repudiari quidem cum Heretodoxis poterit ab iis, qui certissimo dogmati acquiescere nolint; explicari autem honeste non poterit.*

(\*) Vide infra c. 1. §. 1.

## C A P. I V.

*De confirmata per Christum usura prohibitionem in illo Evangelico: Mutuum date, nihil inde sperantes.*

## §. I.

*Comatus adversariorum in eripiendis, ac distrabendo hoc Evangelico testimonio.*

1. **E**X Evangelio ut initium ducamus, locus ille apud Lucam 6. v. 32. *Mutuum date, nihil inde sperantes*, uti satis exploratus, & a Pontificibus, & a Canonistis, & a Theologis allegatur. At magnas hic turbas adversus Pontifices ipsos patroni usurarum excitare non verentur, & multiplici quidem ex capite, ac si testimonium hoc aliorum pertinens præsentis controversiæ ineptissime asseratur. Primo enim ajunt illa, *nihil inde sperantes* ad capitale referri ex contextu, unde male ad lucrum, & usuram traducuntur, in quibus si quod Evangelicum præceptum inesse credatur, id non tam de usura, quam de capitali ipso nequaquam sperando, ac repetendo accipiendum esset, quod tamen nemo dixerit. Dein etsi in præcedenti ejusdem Evangelii textu loqui Christum de mutuo gratuito non sufficiatur, & ita quidem loqui, ut mutuum aliud non prober; reponunt tamen id actum eo tempore, quo lex vetus, usuram interdicens, adhuc vigeat: vel certe cum Apostolis, tanquam Ecclesiasticis vitæ perfectioris, actum, qui ex peculiari clericali ordinis perfectione, ab usura, & avaritia erant submovendi, ut ne peculiaris hæc clericorum disciplina ad laicorum præceptum transferatur. Addunt tandem veram Christi institutionem in summa Ecclesiæ doctrinam ex parabolis quaerendam esse; inter has autem cum celebrem

de

de pecunia nummulariis tradenda, in mensam, & cum usuris exigenda parabolam invenire liceat, apertum hic probatur usurae testimonium a Christo positum contendunt.

## §. II.

*Interpretationes Evangelici textus  
duas proponuntur maxime literales.*

1. **I**n hæc divagantur homines, qui in sacris Scripturis interpretandis, non traditionem Ecclesiæ, quam contemnunt, sed proprium ingenium, ac spiritum privatum sequuntur. Allegarunt quidem Barbeyrachi, & le Placete, utrique Heretici, Catholicum Theologum P. Banesium, qui in tractatu de iustitia, & iure, quæst. 78. a. 1. dub. 1. conclusione tertia, affirmavit, certum non esse usuram prohibitam fuisse in novo Testamento expressis verbis, propterea quod ille locus: *Mutuum date, &c.* alias habet explanationes SS. Patrum. At hic Theologus, qui in prima conclusione posuerat, secundum fidem catholicam, asserendum, usuram esse illicitam, statim post objectionem textum monuit, non placere sibi, neque tutum esse ab ea Pontificum, & Conciliorum explanatione discedere, qua usuram ibi vetitam exposuere; neque enim, inquit, mirum, vel novum est, quod unus sensus sacra Scriptura plures habeat sensus literales.

3. Quod quam æquissime dictum fuerit, ut quisque non iniquus lector intelligat, observandum est, primo ea apud Lucam verba pertinere ad sermonem Domini in monte habitum, qui partim Matth. c. 5., partim Lucæ c. 6. exhibetur, ut ipsi etiam adversarii fatentur, qui hunc proinde locum de mutuo cum alio simili apud Matthæum capite 5. v. 41. conferendum, & alterum ex altero explicandum existimant. Porro hoc in sermone Christum non cum turbis, sed cum solis Apostolis, at-

que discipulis separatim in monte, differentem, cum iisdem, non tanquam clericis, ut eos in consilio- rum perfectione instrueret, neque, tanquam Hebræis veteri lege adhuc obligatis, quemadmodum adversarii vellent, sed tanquam Ecclesiæ capitibus, ac Evangelicæ legis prædicatōribus, ad instituendum in ipsis universam Ecclesiam, & ad veteris legis præceptiones perficiendas, tota concione egisse, si quis eam ex utroque Evangelista collectam attente legerit, manifeste cognoscat. Loquitur enim ibi Christus de lege veteri, quam se non soluturum, sed impleturum in lege Evangelica affirmat, & in qua se velle ait, ut Christianorum iustitia supra iustitiam Hebræorum abundet. Tum plura ejus legis capita innuens, & explicans, quædam a Moyse olim obduritiem cordis permixta abrogat, nonnulla male superinducta Phariseorum præjudicia corrigit, multa perfectiora addit, ac præcipit: quæ quidem ad Evangelicam legem omnibus Christianis propositam pertinere indubium est. Nunquid enim præceptum ex. gr. de inimicis diligendis, de non aspicienda muliere aliena, ne concupiscatur, de non referiendo percussore, de repudio extra fornicationis causam non faciendo, & alia ejusmodi, solos Apostolos, & non omnes potius Christianos ligant? Quod exploratissimum videmus Matthæus Polus, adversarii minime suspectus, ex Hammondo Anglicano confiteri debuit in Matth. c. 5. v. 1. *Hæc concio non Apostolos* Synops. Cri-  
tic. tom. 4.  
p. 106.  
*..... sed Christianos omnes spectat.*  
Cum ergo omnia hujus concionis capita omnes Christianos spectent, omnes etiam spectare debet quod de mutuo traditur.

4. Ut autem sententia Christi probe cognoscatur, integer textus describendus est. Sic ergo apud Lucam c. 6. v. 34. *Si mutuum dederitis iis, a quibus speratis accipere, quia gratia est vobis? Nam & peccatores*

Vide Salma-  
stium de Ufu-  
ris cap. 20.  
pag. 620. &  
Wood. l. 1.  
de Usuris c.  
91.

per peccatoribus funerantur, ut recipiant aqualia. Et vers. 35. Verumtamen diligite inimicos vestros, benefacite, & mutuum date, nihil insperantes, & erit merces multa, & eritis filii Altissimi, quia ipse benignus est super ingratos, & malos. Duplicem huius loci sensum ab interpretibus afferri scimus, qui tamen  
Tomo. I.

uterque usurae prohibitionem non excludit, sed potius includit. Primus sensus illorum est, quo Christus in primo versiculo loquutus traditur de iis, qui mutuum non dant nisi illis, a quibus parem beneficii vicem se recepturos sperant. Peccatores enim, idest (1) vulgus hominum, illis tantum credere solent, a quibus aqualia,

Prima interpretatio.

(2) Plerique nimirum vulgo (stulti, & imperiti a Stoicis appellati) mali sunt; unde vulgatum illud Biantis apud Aufonium in libro septem Sapientum in Thalete p. 171. edit. Tollii.

*Bias Prieneus dixit: Οἱ Πλειστοὶ κακοί*, quod est latinum: Plures homines mali sed imperitos scito, quos dixit malos. Forte etiam Christus vulgari usus est Phariseorum locutione, qui cum se sanctos, & iustos praeferebant, tum vero ceteros e vulgo peccatores putabant, ut liquet ex illis cuiusdam Pharisei apud Luc. c. 18. v. 11. Non sum sicut ceteri hominum, raptores, iniusti, adulteri. Similis locutio apud Matth. c. 5. v. 56. effertur per vocem Publicani, qui a Phariseis peccatores habebantur, & vocabantur, ut patet ex illis Lucæ c. 10. v. 7. Quod ad hominem peccatorem divertisset, ubi peccatoris nomine Zachæum publicanum Pharisei appellaverunt. Confer Marc. x. v. 16., ac Luc. 5. v. 30., ubi publicani cum peccatoribus ex Phariseorum lingua accensentur. Justinus Apologia 2., hunc Evangelicum locum ex Luca 6. 34. recitans, Publicanos pro peccatoribus scripsit. Si namque mutui dabitis hiis, a quibus vos recipituris speratis, quid novi facitis? Faciunt hoc & Publicani. Erunt forte, qui peccatores hoc Lucæ versu nominatos, Ethnicos intelligendos existiment, quod ii vel Publicani fuerint, vel jungantur cum Publicanis, qui sere Ethnici fuere; unde apud Matthæum c. 5. v. 47. Ethnici dicuntur, qui alio Lucæ versu Publicani appellantur. At probabilius crediderim de Hebræorum vulgo eam vocem accipiendam, tum quod Hebræorum, non Gentium iustitiam suis discipulis propositam a Christo ex contextu liquet; tum quod de Gentibus, apud quas mutuum sine usura perrarum erat, accipi nequit versiculus, qui ejusmodi mutuum satis vulgatum, ac notum omnibus exhibet. Publicanos autem id genus, quibus peccatores junguntur, fuisse non Ethnicos, sed Hebræos, patet ex Evangelio Lucæ c. 18. v. 11., ubi Publicanus in templo humiliter orans describitur, qui ad Gentes pertinere non poterat. Adde quod Christus cum peccatoribus, & Publicanis familiariter agebat, ut eos ad poenitentiam adduceret, quod de Gentibus dici nequit, ut colligitur ex illo ejus responso, quo mulieri Ethnicæ se faciliem præbens, Non sum missus, inquit, nisi ad oves, quæ perierant domus Israel. Porro originalis Græcus Matthæi versus, ubi Ethnici in vulgata legitur, τῶν ἔθνων, idest Publicani, habet, ut & in antecedenti versu reperire licet: & plures item Latini codices ibidem præferunt Publicani, non Ethnici, ut Lucas Brugenensis notavit. Quamvis autem ad Gentes pertinere possit, quod de salutandis fratribus vulgata interpretatio memorati apud Matthæum versiculi profert; id tamen

*lia*, idest par aliquod beneficium sibi rependendum confidunt: unde nulla ab his *gratia* fit, qui non alieno, sed (1) sup commodo mutuū credunt. Id videtur antecedentibus congruere, in quibus peccatores, idest vulgus, similiter non amare dicuntur nisi eos, a quibus se pari amore redamandos sperant, nec benefacere nisi illis, a quibus beneficia sibi conferuntur. Vers. 32. *Si diligitis eos, qui vos diligunt, quæ vobis est gratia? nam & peccatores diligentes se diligunt.* Vers. 33. *Et si benefeceritis his, qui vobis benefaciunt, quæ vobis est gratia? Siquidem & peccatores hac faciunt.* Tum sequuntur illa v. 34. *Si mutuū dederitis &c.* Omnia autem tria hæc capita Christus complectens v. 35., discipulos suos ita peccatoribus, & vulgo Judæorum præstare jubet, ut & dilectionem, & beneficia, & mutuū iis etiam præstent, a quibus *nihil*, idest nec amorem pro amore, nec beneficium pro beneficio, nec parem vicem mutui retribuendam sperent, sicque Deum imitentur, qui *benignus est super ingratos, & malos*, illamque solam mercedem prospiciant, quam in Cælo magnam, & multam pollicetur. Hæc prima literalissima interpretatio est, quæ integram sententiam tribus præcedentibus versiculis optime respondentem exhibet.

5. Non multum vero dissimilis, certe autem nihil repugnans est altera, qua Christus vers. 34. de commutuo loqui traditur, in quo tantum *æqualia*, idest restitutio æqualis quantitatis, seu fortis vulgo speratur: sic enim peccatores, seu Hebræorum vulgus, ex lege Moysis mutuū dabant, ut sine usura parem summam reciperent. Christus autem affirmans, discipulos suos non magnum præstuturos, si nihil amplius præ Hebræis vulgaribus in ipso mutuuo præstarent: vult, ut non solum iis mutuū dent, a quibus paris fortis restitutionem sperent; sed iis etiam, a quibus ob inopiam nihil sperare contingat. Cum enim charitas, quam suis discipulis maxime commendatam voluit, non iis tantum opitulari velit, qui bonis mobilibus, vel immobilibus satis provisi, restitutionis spem afferunt, sed iis maxime, qui per summam rerum omnium inopiam restitutionis impotentiam, & desperationem asserentes, majori misericordia digni sunt: Christus ita suos discipulos hac charitate eminere iussit, ut ne miserrimos quidem homines, nullam restitutionis spem asserentes, a mutuo repellerent. Hæc interpretatio mire concinit cum illis Matthæi verbis huc quidem pertinentibus, quibus hanc eandem Christi sententiam sic brevius exhibit

---

men, quod de mutuo gratuito apud Lucam traditur, non potest, ut vel ipse Salmasius notavit de Usuris p. 622. Notabis interim Dominum, ut inter Judæos loquentem, non de alio mutuo intelligere, quam de gratuito, ubi recipiuntur τὰ ἴσα.

(1) Non enim negotium alterius, idest mutuatarii, gessit, sed magis suum, diceret Papinianus a Marciano laudatus L. 12. D. Qui potiores in pigore §. 6. Vide Phædrum lib. 2. fab. 22., & Senecam de Benefic. lib. 6. c. 7., qui illud beneficium verum non habent, quod licet in alienum bonum cedat, tamen non ejus, sed sui potius causa exhibetur ab iis, quorum privata servit utilitas sibi.

Et meritum inane jactant imprudentibus, uti Phædrus loquitur, & Cicero l. 2. de Finibus: Nec enim si tuam ob causam cuiquam commodes, beneficium hoc habendum est, sed funeratio.

bet c. 9. v. 42. *Qui petit a te, da ei, & volens a te mutuari, ne avertaris*: quicumque scilicet ille sit, qui mutuum petit, ne confideres, utrum possit reddere, nec ne, neminemque velut minus idoneum despiciens, ab eo ne avertaris: quod idem est ac mutuum suadere, etiam si spes fortis recipiendæ non sit, quæ est expressa Lucæ sententia.

6. Nihil ergo mirum, si hæc eadem explicatio non paucis item. Patribus arriserit. Tertullianus l. 4. adversus Marcionem c. 17. legem veterem, quæ usuram vetabat, eatenus Evangelio inservisse ait, quatenus *assuescit hominem ipsi saniori, id est capitali, perdendo, cujus fructum didicisset per legem amittere.* Lactantius l. 6. Institut. c. 18. *Id iuste, id pie, id humane sit, quod sine spe recipiendi feceris.* S. Basilus in Pl. 14. *Quod autem Domini consilium sit? Date mutuo vis, a quibus accipere minime speratis. Et quale, inquis, hoc mutuum, cui non reddendi spes conjuncta est?* S. Ambrosius de Tobia c. 2. n. 8. *Da pecuniam si habes. . . . quæ si non recepturus.* S. Hieronymus in c. 18. Ezechielis: *In Evangelio virtutis augmentum est, præcipiente Domino: Foveramini, id est mutuum date his, a quibus non speratis recipere.* S. Joannes Chrysostomus hom. 36. al. 37. in Matthæum: *Deus vetat id accipere, quod datur. Date, inquit, illis, a quibus accipere non speratis.* Mitto alios, qui similiter interpretantes asserri possent. Hæc eadem interpretatio Salmasio, item & aliis adversariis usurarum patronis magis aridet, qui properea id mutui genus a Christo suis discipulis hoc loco commendatum arbitrantur, quod *ἐπ' αὐτῷ* nomine in Apis speciem Græci amicis indigentibus præstabant, ut id redderent, si possent, & quando possent, sin minus, quoad fortuna adversaretur, retinerent.

## §. III.

*Utraque interpretatio veterem usuræ prohibitionem a Christo confirmatam evidenter profert.*

7. **U** Tramlibet interpretationem præferendam credamus, quatenus in utraque omnis usuræ prohibitio contineatur, nunc demonstro. Quæcunque interpretatio placeat, certum est hoc loco Christum de mutui officio loquentem, quale apud Hebræos ex veteri lege fuit, & quale apud nos in nova lege futurum instituit; certum est, inquam, eum a suis velle, ut eo in officio Hebræis præstent, & eatenus Christianorum iustitia supra iustitiam Hebræorum abundet, ut ex ipso integri sermonis contextu docendum sibi proposuit. Porro Hebræorum, non tam perfectiorum, uti Pharisei sese præferebant, sed vulgariorem etiam, quos peccatores Christus appellavit, iustitia in mutui officio fuit, mutuum fratribus sine usura credere, & de hoc quidem gratuiti mutui officio loqui Christum fatetur Salmasius: *Hæc enim fœneratio, inquit, quæ recipis tantum τὰ ἴσα, prorsus est sine usura, qualis quidem Hebræis recepta fuerat.* Erga alienos vero, qui fratres non essent, non præcipiebatur ejusmodi officium, sed potius mittebatur sœnus exigere; & sive id permetteretur ab ipsa Moysi lege, sive ex latiori Hebræorum interpretatione crederetur licere; certe non aliter hoc licitum habebatur, quam quod alieni omnes tanquam hostes haberentur. Iustitia vero Christianorum, quam Christus præstantiorem, perfectioremque esse hoc loco iussit, duo efficit.

8. Primo enim distinctionem illam inter alienos, & fratres de medio tollens, omnes pro fratribus habendos indixit; ac proinde Chris-

F 2

fius

Hæc eadem  
Patribus  
probata.

Aus æquale, sicut amoris, & beneficentia, ita & mutui officium erga inimicos ipsos præstari iussit; ut Christiani se Dei filios exhibeant, qui super ingratos, & malos benignus est. *Uiligite inimicos vestros, benefacite, & mutuum date*; quæ singula commata vel ad inimicos primo commate appellatos diriguntur. Et hoc, quod ad fratrum, & alienorum, seu inimicorum distinctionem de medio (1) tollendam spectat, certum Evangelicum præceptum est, quemadmodum ipsa inimicorum dilectio est in præcepto, ut neminem in amore, & in amoris officio distinguamus: *In hoc cognoscent omnes, quia discipuli mei estis, si dilectionem habueritis ad invicem, neminem distinguentes, neque alienum, & inimicum, quem diligendum toties præcepit.*

9. Alterum vero, in quo Christianos Hebræorum iustitiæ antecellere voluit, est in ipso mutuo, cuius iustitia apud ipsum Hebræorum, vulgum erat, ut nihil usurae, sed aequalia tantum recipere. Illud autem, quod præstatius a suis discipulis Christus exigit in occasionibus mutui, sive sit ne quid puri beneficii sperent, uti prima interpretatio exhibet, sive sit, ne sperent capitale ipsum, ut altera interpretatione præfertur; profecto mutuum sine usura a Christianis sumendum, præsumit: usuram enim nolit oportet,

qui nihil neque beneficii, neque capitalis speret. Usurae igitur prohibitio, Moysis lege intacta, præsumitur hoc loco a Christo, qui illa sola nequaquam contentus, adiiciendum præterea aliquid perfectius in Evangelio iudicavit. Nemo enim adicere aliquid intelligitur, qui id, cui adiciendum est, destruit vellet. Qui ergo Mosaiicæ gratuiti mutui legi perfectionem in Evangelio addidit, ipsam Mosaicam legem destruere certissime noluit; sed integram potius retinens perfectionem, quæ illi decrat, adiecit.

10. Hic autem considerare libet eum Salmasii locum, ubi fatetur, gratuiti mutui legem recte Judæis datam fuisse, ut mutua inter ipsos charitas æquissime foretur. Sicut enim vel inter ipsas gentes, Græcos scilicet, atque Romanos, id ipsum obtinuit, ut amicis, & consanguineis pecunia sine fœnore credenda putaretur; id multo magis valere debebat inter Judæos, quos iussit Deus non aliter inter se vivere, quam si fratres essent ex eodem patre. Et revera omnes ab una origine; unde infert: *Ad charitatem proximi, quod mutuum sine usura detur, peculiari jure Judæis præscriptum.* His autem nihil impedientibus, cum hanc legem a Christo deletam putet Salmasius, mirum maxime accidet, ac si minorem Christus charitatem postulet nunc

JOH. 13. v.  
31.

De Usuris  
cap. 10. pag.  
674

(1) Patrum testimonia hic quoque subijciam, quæ ipse Salmasius assert, & approbat de usuris c. 11. p. 663. Tertullianus in Apologet. ad nationes: *Frater etiam vestri sumus, jure natura matris unus, estis vos parum homines, quia multi fratres.* Sed clarius Arnobius l. 4. adversus eandem gentes de conventiculis Christianorum: *In quibus, inquit, auditur, nisi quod humanos faciat, nisi quod mites, verecundos, pudicos, castos, familiares, communicatores rei, & cum omnibus, quos sol videt, germanitatis necessitudine copulatos.* Ita legendum esse hunc locum, ex vestigiis antiquæ scripturæ in editionibus vulgo corruptissimum, notæ nostræ docebunt. Discipulus ejus l. 5. c. 20. de Christianis: *Nimirum apud eos, qui bella nesciunt, qui concordiam cum omnibus servant, qui amici sunt inimicis, qui omnes pro fratribus diligunt.* Hactenus Salmasius.



nunc a Christianis, a quibus perfectiorem multo in hoc ipso mutui officio requisivit. Immo si hæc charitas apud gentes, jure quodam naturali, mutuum gratuitum inter amicos, cives, & fratres præscripsit, nū minoris charitatis esse debuerunt Christiani, quos Christus in ea virtute ceteris iussit præcellere? Et si non alio iustitiæ naturalis jure usura vetanda fuisset, nonne ex hac charitate vetanda fuit, ne in hoc officio, nedum Judæis, sed Gentibus etiam Christiani cederent, quos in charitate præstare omnibus voluit?

Demonstratio prædictorum.

11. Sed ne de hac antiquæ legis circa usuram, & mutuum confirmatione quæpiam addubitet, ipsa Evangelii verba expendantur, quibus Christus in eadem concione calumniam a Phariseis, & Scribis obiectam disiecturus, se non venisse legem solvere, sed implere, id est perficere, professus est. Id autem ut exemplis probaret, aliquot veteris legis capita inductione quadam, subijciens, quid in singulis perficiendum mandaret, exponit, ut nihil in ullo solveret, nisi quædam, quæ vel a Moyse per tolerantiam mere fuerant permessa, ut in libello repudii, vel a Phariseis per errorem intellecta legi ipsi, vel perfectioni repugnarent, ut in odio inimicorum evenit. Examinentur quæso singula; & cum omnia bona confirmata, & perfecta, nihil destructum, invenire licebit (nihil quidem, quod destruitur perfici potest.) tum si quis id ipsum de lege mutui gratuiti interserere sentire, & fateri nolit, is nupari, comminisci, & contra apertissimam veritatem conari fucum facere convincetur. Si hæc mutui gratuiti lex inter illas non, paucas veteris Testamenti leges esset, quas etsi confirmavit Christus, atque perfecit, earum tamen distincta mentio hac in concione facta non fuit; dubitari alicatenus posset, num ea inter confirmatas, ac perfectas, an potius inter abrogatas ac-

cessenda sit. Et si quidem aliunde confirmata non probaretur, negari fortassis etiam posset. At quando specialis hujus legis mentio hac in concione facta fuit, specialisque etiam perfectio eidem addenda ipsis Christi verbis notatur, ac inter ea præsertim veterum legum exempla invenitur inserta, quibus ille probaret, se non venisse, ut legem solveret, sed ut perficeret; jam si quis de hac una lege confirmata adhuc dubitet, vel illam neget, is, nisi plane desipit, pertinaci certe, & non ferendo errore decipitur.

## §. IV.

*Cur opus non fuerit expressiore usuræ prohibitione. Evangelica perfectio antiqua prohibitioni addita, etsi sapius consilii sit, usuram tamen prohibitionem ad consilium non redegit.*

12. **Q**Uæret hic fortasse quispiam, cur Christus expressum mutui præceptum nequaquam fecerit. Possem dicere cum nonnullis factis expressum fuisse v. 30. Quod enim Græce est: Καὶ ἀπὸ τῶ ἀπορτοῦ τὰ δὲ μὴ ἀπαιτεῖ, sunt qui reddendum putent, ut Matthæus Polus in Synopsi Criticorum notavit, Ab eo, cui bona tua commodas, Lnc c. 6. v. ne usuram exigas: nam ἀπέχεσθαι non 10. est auferre, sed sumere; & ἀπαιτεῖν etiam per se positum valet usuram exigere. & ea voce Hebraeam perasim אָמַרְתָּ לָא אֶפְסָרָא לָא לָקַחְתָּ אִשָּׁרָא septuaginta non semel reddunt in libro Nibemia. Sic & 2. Mac. 4. 27. significat, ut probabile est, usuram recipere. Hæcenus Polus. Ita propolia primum usuræ prohibitionem hoc versu 30. quid perfectius porro agendum Christianis fuit, additum in sequentibus fuit.

13. Sed quærendo de hujus versiculi interpretatione sit, cum sab-

scum

Cur opus  
non fuerit  
expressiore  
usura prohi-  
bitione.

tem ex versibus 34. & 35. pateat, verus mutui gratuiti præceptum non solum fuisse a Christo, sed confirmatum, atque perfectum; quid præterea expressam usuræ prohibitionem inquiramus? Sermo erat apud Hebræos, in quibus omnes antiquam in hoc legem adeo sciebant, atque servabant, ut idcirco nihil usuræ ipse quoque vulgus exigeret, sed tantum τὰ ἴσα, idest restitutionem capitalis. Nihil igitur Christo huiusmodi legem perfecturo opus erat expresse mandare de usura cavenda, quam omnes etiam vulgo vitabant; sed ea tantum perfectio, quæ de erat, exprimensa fuit, in quo ipsam veterem legem confirmatam satis intelligimus. Expressiorem certe præceptionem non requirit Salmasius; nam l. 1. de sœnore Trapezitico p. 98. Theologo adversario concedit non esse semper necessarium in his, quæ merito dicimus a Christo prohibita, ut prohibitio veteris vindicata sit expresse nova, δευτέρωθεν, sed sufficere debere veteris iuris divini moralis Christi testimonio generatim confirmatam auctoritatem; quibus statim subdit Salmasius: Totum hoc concedo, & ajo esse verissimum; & lib. de usuris cap. 20. p. 618. confirmationem quamvis, sive expressam, sive tacitam sufficere fatetur, si nimirum Christus, inquit, in Evangelio præceptum illud de sœnore Judæis datum, expresse, vel tacite confirmasset. Confirmatio vero saltem tacita illa profecto est, quia Mosaicæ legis præcepta se non abroganda, sed perficienda suscepisse testatur, perfectionemque addens nonnullis, inter hæc mutuum gratuitum, quod sine sœnore dandum Moyses præceperat, recensuit.

14. Atque, inquit, perfectio, quæ legi mutui addita fuit a Christo, præceptum non est, sed merum consilium; secus recuperanda sortis spes omni in mutuo abicienda esset, nec de restitutione stipu-

landum, quod sane præceptum nemo dixerit. Etsi, si necessarius casus excipias, in quibus vel (1) Hæretici usurarum patroni restitutionem ex charitatis præcepto non exigendam agnoscunt. Quid porro? Num adiecta meri consilii perfectio veterem quoque de usura vitandâ legem a præcepto ad consilium tra-duxit? O præclara legis perfectio, quæ legem ipsam destruit! At Christus ea perfectionem legi se additum testatus est, ut illam non destrueret, sed adimpleret. An forte consilium addere, præcepto legis destructo, & ad merum consilium redacto, non est vere destrue-re legem, quæ sine præcepto cogente lex vera non est? Certe nihil tale in legibus ceteris, quibus Christus meri consilii perfectionem addidit, assignari potest.

15. Nonnulla quidem in memoria Christi sermone leguntur, quæ in sola præparatione animi præcepta, ut Augustinus notavit, pro solius necessitatis casibus, in reliquis consilii limites non excedunt: nec tamen legem, cui addita fuerunt, ad merum consilium redegere. Hoc enim fuisset, legem, quæ præceptum continet, vere destruire; quod tamen se non facturum ipse Christus pollicitus est, & ut promissum probaret, hæc quidem exempla in confirmationem adduxit. Quid in una lege mutuum gratuitum præcipientem, ac usuram vetantem, quæ ceteris exemplis coopariatur legitur, sine ulla peculiari ratione exceptionem cogitemus? Quæ isthæc, quæso, Evangelicæ legis supra Hebraicam, perfectio fuisset, quæ præcepto consilium supponens, Hebraicæ legi ita perfectius adderet consilium, ut legem tamen ipsam tolleret, subla-taque lege, usuram liberam faceret, non minus quam consilium ipsum; quod in destructionem potius, quam in perfectionem vergere nemo non videt? Consilio enim perfectionis libero a plerisque prætermisso, u-

(1) Vide Sal-mas, de sœnore Trape-zitico, lib. 10. p. 191., & de Usuris c. 10. p. 26.

usuram

furam item liberam citius arripient, & praeferent, sicque Christus perfectiorem iustitiam exacturus a suis prae iustitia Hebræorum, Evangelicę legi male nimium consuluisse, ruborique Christianis esse posset ipse Hebræorum vulgus, qui ex Mosai- ca lege hac in re perfectius aliquid supra Christianos posset ostendere. Sati- us, & utilius fuisset solum præceptum usuram vetans confirmare, quam perfectionem consilii addere, quę præceptum illud destruens, usu- rę violationem ad consilium redegis- set. Hoc itaque cum incredibile, & Evangelico textui adversum ma- xime sit, nihil reprehendendi erunt ab adversariis SS. Patres, qui Chri- stianam perfectionem antiquę legis confirmationi additam ex hoc Evan- gelico testimonio inculcarunt; sed si ex adversariis potius maxime re- prehendendi, qui rem tam aper- tam, crassissimo errore præpediti, vel non vident, vel videre nolunt, ni- hilque ex Evangelio suppetere, quo antiquum jus iuram prohibens a Christo confirmatum statuatur, pron-unciare non ventur. Modica consideratio ad plenissimam persua- sionem satis est, ni enorme aliquid præjudicium, & pertinacia resi- stant.

## CAP. V.

*Confirmatur superior Evangelicę tex- tus interpretatio ex confessione ipsi: Claudii Salmasii. Res- ponsiones ejusdem inani- sima refelluntur.*

## §. I.

*Testimonia, & confessio Salmasii.*

1. **Q**Uam sententiam pro con- firmatione veteris legis usuram interdicens ex Evangelio produximus, ea adeo sine vi, immo potius ex æquili- na, & evidenti ipsius Evan-

gelici textus interpretatione pro- fluxit, ut ejusdem interpretationis testem, vel ducem afferre libeat ip- sum Salmasium, adversarium inter omnes infensissimum: ac explorata, quidem ejusdem testimonia profe- ram ex ipso opere de sennore Tra- pezitico, in quo catholicam doctrin- am impugnât. Libro enim secun- do suse loquens de sermone, quem Christus in monte habuit, disti- nguit inter veteris mandata legis, & Christi præcepta; illaque adeo con- firmata fatetur a Christo, ut non- nisi ad perfectiorem, arctioremque illorum observantiam ista addita, fuerint: *Hac omnia Christi præcepta, inquit pag. 284. ejus generis sunt, ut supra legem videantur esse, sed eo fine, quo melius mandata legis implantur. Tanto quippe facilius proximum diligit, quod lex jussit, qui a se impetaverit nec inimicum odisse, quod lex permittebat. Per ir- ram non occides quemquam, qui nec fratri quidem irasci sustinebit, quod Christus præcepit &c.* Quid spectant omnia illa præcepta ad legis præseri- ptum, quasi ultra mensuram & re- gulam pro cumulo addita, ut ad ob- servandam legem ipsam magis con- stringerentur homines. Et pag. 302. præcepta dominica iterum memorat, quæ veteri legi non derogarent, sed ei potius strictiorem observantiam ad- rogarunt: seu quæ, ut loquitur pag. 304. veterem legem intendunt, & fortiori modo ad eam emulandam con- scientias adstringunt. Ac tandem, expressius confirmationem adiuvans pag. 305. Dominus non tantum suis præceptis præcepta legis confirmat, sed etiam aug. t, exag. rat, int. ndit. Quid præclarior catholici dogmatis vindex potuisset dicere, ut omnium veteris legis præceptorum, quibus Christus in hac concione perfectio- nem adiecit, confirmationem asse- reret? Id autem ab insigni adver- sario sola veritas, & literalis vis Evangelici textus potuit exprime- re, ut nemo de interpretatione

violenta suspicari queat. Inter antiqua autem præcepta, quibus perfectio a Christo addita est, mutuum gratuitum, idest sine usura, invenitur, ut & adversarius fatetur pag. 300. & 306; unde pag. 181. explicans Evangelicum versiculum 34., ubi Christus peccatores Judæos peccatoribus mutuum dare dixit *tā sēta tantum recepturi, hoc est sine usuris*. Nec enim, subdit, aliter per eorum legem licebat Judæum dare Judæo, cum usura inter ipsos a Moyse esset vetita. Hoc ergo præceptum vetus pariter confirmatum manifestissime sequitur.

2. Solum de novis Christi præceptis ad antiquorum perfectionem additis quæstionem movet pag. 302., num ea consilia, an præcepta sint, eorumque opinionem rejiciens, qui consiliis hæc adjiciunt, omnia, & antiqua, & nova, præcepta esse contendit, hoc uno discrimine, quod antiqua omnes vel hodie Christianos obligent, ut olim Judæos omnes ligabant; nova autem, veluti perfectiora, s. tantum data sint, qui ad perfectiorem gradum vocantur, ac præsertim discipulis, & eorum successoribus Clericis. Sic enim ille pag. 307. Non tamen hoc inter mandata legalia, & dominica præcepta discriminis statuendum est. ut illa pro decretis, qua necessario fieri oporteat, hæc pro consiliis accipienda sint, quibus liberum sit ut cuique non obsequi. Respectu personarum, quibus utraque dicta sunt, differentia inter se constituenda est. Lex (idest præcepta veteris legis, quibus Dominus perfectionem addidit) omnibus posita est, quia juri naturali. & morali consentanea est. & proinde omnes obligat, ut Judæos olim, quibus data est. ita & hodie Christianos, quia Christus eam etiam cum *EXITUS* confirmavit. (Nota rursus confirmationem) Sed illa dominica præcepta, quibus legalia mandata Christus ad majorem deduxit observationis rigo-

rem, non omnibus per illum tradita sunt, sed solis discipulis. Confer pag. 344. & 345., ubi de ceteris etiam ad perfectionem vocatis idipsum pronunciat.

3. Non multum hic immorabor in refellenda hac distinctione, qua nova Christi præcepta ad solos perfectos porrigit; quæ enim vere præcepta sunt, & quæ omnibus fuerunt præcepta; quæ autem data non fuerunt omnibus, consilia perfectionis sunt, quæ non ex præcepto, sed ex consilio quis sequatur, sequitur solum ex præcepto, cum alia lege, ex. gr. voti, se se illis addingat, vel cum in necessitatis calibus charitas præcipiat, in quibus casibus ipsa perfectionis consilia in præparatione, animi semper præcepta sunt, ut ex S. Augustino inferius monebimus. Neque item laborabo in refutando eo errore, quo præceptis Christi ad solos perfectos, & Clericos porrectis quædam accenset communia omnibus, ac inter hæc ita refert præceptum de repudio pag. 110. non usurpando, nisi ob causam adulterii, ut solis Clericis post repudium aliam ducere non liceat; nec dubitat ipsis Canonici juris auctoribus, idest Romanis Pontificibus, tribuere, ac succensere, addidisse eos ad Christi mensuram, & omnes adgravasse, quod solis perfectioribus Dominus imposuerat. Vah hæreticum commentum, quod controversiarum scriptores ex traditione late refellunt! Mihi interm fatis est, ea quæ ex lege veteri commemorata fuerunt a Christo, omnia ab eodem confirmata, & omnibus posita, ita ut obligent omnes, ex genuina, ac necessaria Evangelici contextus sententia, quam ipse Salmasius exposuit, didicisse: ita enim quavis inuti datio sine spe recuperandæ fortis, quam Christus ad perfectionem mandavit, non semper omnibus præcepta sit; prohibitio tamen usuræ in omni mutuo. quæ ad legem veterem pertinet, confirmata, & omni.

& omnibus posita, ita ut omnes obliget, negari non possit.

4. Hanc necessariam præmissorum consecutionem, qua totum Salmastii systema prorsus evertitur, ne ille colligeret, unum Christi præceptum mutui sine spe sortis recipiendæ expressum v. 35. ob oculos ponens, molliterque declinans præceptum vetus de usura in initio vitanda, satis expressum v. 34., & a Judæis observatum etiam vulgo, cum *aqualia* tantum recipere, præterivit hoc loco, ubi de confirmatione ejus ex prædictis principiis inferendum erat. Num hoc præteritum inadvertenter, an vero quod evidenti ratiocinationi æqua responsio non suppetet, ignoro. Certe autem quando hoc argumentum, ut ita dicam, Evangelicæ non aequæ solvatur; irrita, & inania erunt, quæcunque aliunde opponentur.

5. Quamquam Salmastius hoc alibi non præterivit, sed ipsa veritate, & evidentiâ compellente, profiteri coactus est, & in eo quidem de *Usuris* opere, ubi contra catholicam doctrinam acerbius dimicat. Sic enim c. 20. p. 624. Certe, ut apud Lucam concepta sunt Dominici præcepti verba, longe etiam magis usurarum latus transverberant. Nam qui de perdenda crediti summa laborare velatur, quis credat ei concedi passionem pro credito usurarias facere? Longe est ab eo, qui nihil speraturus de forte etiam egentissimis credere jubetur, ut ultro paciscatur aliquid superfluum sibi reddi, de qua melius, & præcepto convenientius periclitaretur. Illud equidem certum est, Dominum non de alio mutuo loqui, quam quod Judæis permissum lege fuit Judæis daturis mutuum. Cui præcepto, ad pleniorē disciplinā perfectionem, hoc de suo velut auluarium mensura addidit, ut etiam non reddituris quæ *ἴσα* mutuum credatur, quomodo & aliis symmendis, ut distinctior co-

rum esset observatio, majori ea severitate constrinxit. Etenim qui in dissimilioribus regulam tenet, in faciliioribus rarius excidit. Qui potest libenter mutuo quod dedit, perdere, dum luctu apponit, si id servet; aliquid plus vix sibi sperare permittit, & usuris tanto libentius ut careat, a se impetrat. Nihil luculentius, ut Evangelica perfectio ad Mosaicam mutui legem non destruendam, sed cautius custodiendam addita probeatur; unde hic locus usura latus longe etiam magis transverberat. Quin idipsum non obscure repetens c. 21. p. 663., Evangelicam perfectionem in eo veterem legem correxisse docet, quod scæus olim inter solos fratres, ut ipse putat, vetitum, sublato per Evangelium omni inter fratres, & alienos discrimine, par cum omnibus officium instituit: Fateor, & ipse quoque, inquit, qua officia olim homini Hebræo præstari jussit lex Moysis, & nunc præstanda esse homini civi, omni populorum discrimine per Evangelium sublato, & latius porrecto proximi intellectu, si id possit obtineri. Tum descriptis aliquot antiquorum Patrum testimoniis, quibus ex lege Evangelica omnes omnibus officiis uti fratres habendi sunt, subjicit: Si Christiani tunc omnes homines, quos Sol videret, cujuscunque Religionis essent, suos fratres ducebant, omniaque in eos humanitatis, & benignitatis officia exercere semper parati erant; quid nos sacre oportet Christianos Christianis? An non eos saltem habere pro fratribus, & amore fraterno diligere, si Turcis id præstare non possumus? Facessat ergo jam usura; & Gallus Hispano, Christianus ut pote Christiano, frater fratri non solum mutuum det absque favore id recepturus, sed etiam si id recepturus omnino non sit. Quod potestrem Evangelicam præceptionem respicit.

## §. II.

*Evidens confirmatio, qua clara ex Evangelio traditur, ea sola de causâ parperam eluditur a Salmasio, quia homines ab usuris abstinere nolunt.*

6. **P**ost tam præclara testimonia, quæ veritas evidens etiam ab invito expressit, quis credat fieri potuisse, ut idem Salmasius contrarium simul defensurus, solum Evangelicum consilium perfectius videret, præceptum non videret? Causam autem, quam ad præceptum hoc nihilominus excludendum asserti, si perpendas, insignis præjudicium agnoscas, quod probare nemo queat, omnes improbent. Rationem aliam non asserti, nisi quod id obtineri ab hominibus per summam corruptionem non potest. *Faciamus hoc, subdixit statim, si potest fieri. Si Rex est ullus tam potens, ut ad hoc suorum possit subditos cogere, ut non dicam hosti, sed civi ita se benignos velint præbere; per se licet, lex, quæ id jubent, sanciat, & in æternum mansura figatur: nec is sum, qui meliora tantum videnda, ac probanda, non etiam sequenda censeam. Sed esse oportet, qui legi parcant; aliter frustra quod restum est imperatura. Quis non miretur eruditissimum, ac perspi-*

cacissimum hominem in eludendo Evangelico testimonio, quod per se clarum fatetur, hæc objecisse? Totius ratiocinationis summa sic patet expontur. Lex Christi, quæ veterem usuræ prohibitionem confirmat, & perficit, per se clara est. At cum homines ei parere nolint, est inficianda.

7. Egregium sane argumentum, quod si ad negandas ipsas humanas leges adversus usuras non valet, quibus, ubi edixæ sunt, ut ipse (1) Salmasius concedit, parendum est; multo minus probare potest adversus legem divinam, quæ si Hebræis carnalibus usuram vetandam putavit, quidni veiaret Christianis ad majorem perfectionem vocatis. Num quod Christiani divinæ eiusmodi legi minus obsequi volunt, quam olim Hebræi inter suos obsequium sunt, illi, quantumvis a Christo certe confirmata, ut apud Lucam concepta sunt Dominici præcepti verba, obligare desinet? Quot alia non minus difficilia, & a paucis servata Christi præcepta hæc eadem ratione defendenda essent? Equidem Salmasius eadem ratione a præcepto ad consilii perfectionem, revocasse videtur quædam Christi (2) præcepta de inimicorum dilectione, de non aspicienda aliena muliere, ut concupiscatur &c. quæ ad præceptum certissimum pertinere inter catholicos constat. Et ut pro-

De Usuris c.  
21. p. 554.

(1) Hinc sane ligatos fuisse Hebræos docet lege antiqua, quæ ipsis, tanquam civilis, ac politica lex, usuras vetabat; & lib. de Usuris c. 21. p. 572. statim ad civilium legum normam definiendum tradit simili ex Gerardus Noodt patronus & ipse usurarum l. 1. de Fœnore, & Usuris c. 11. Dicendum est, inquit, his, qui salutarem Christi scilicet amplectuntur, hodie non prohiberi sanus; modo si ipsorum civili lege non improbetur. Ex quibus sequitur idem prohiberi, si illud civiles leges improbant.

(2) Vide l. 1. de fœnore Trapez. pag. 304., confer pag. 284. & seq. Et rationem asserti pag. 306. quia omnia, ut ad veterem legem melius adimplendam pertineant, non tamen admittuntur in virginis civilis disciplina: Et iterum pag. 316. Quoniam nullum constat receptum fuisse in politica regimine Christiana reipublica. Ac si inobservantia plurimorum legis negatæ argumentum sit.

(1) Vide Pro-  
fata p. 70.

Lib. 1. de  
fanor. Tra-  
pez. p. 27.

pag. 6. n. 1.

proferamus etiam exemplum, de quo in hac ipsa usurarum materie cum catholicis convenit, usura pariter vel a pauperibus in necessitate exacta, quam etiam adversarii ipso naturali jure saltem charitati contrariam (1) agnoscunt, hac eadem ratione licere dicenda esset; nam qui pauperibus mutuum dare sine usuris velint, rarissimi sunt. Scio quidem Salmasium hoc concedere eo nomine, ne, si non liceat, pauperes necessario subsidio priventur, cum nemo reperiat inquit, qui velis illos gratis extricare. Ac propterea Calvinisti ipsis obijciuntibus: Pauperi gratuita dari debet pecunia, quajussiveatur, & nulla ab eo exigenda usura, respondet: Nemo est, qui hoc mallet, quam ego: nec tamen est alius, qui id esse non posse melius videat. Ne autem, usura vetita, mutuum in necessitate subtrahatur, quod in his hominum moribus sine usura non invenietur, usuram non esse prohibendam contendit, sicut nec mutuum gratuitum in necessitate præceptum eadem ratione præsumit: Offendam quidem, subdit, viam, qua id obtineri posset, præter quam nulla alia est, qua nos eo, quo volumus, deducat. Sed veretur ne pauci sint, qui velint calcare. Vis usuras tolli, saltem a pauperibus non exigi? Hoc ut fiat, sancimus etiam legem, ut liceat nemini nummos habenti, mutuos eos poscentes pauperi negare. Si id impetamus... tum concedam non esse usuras a pauperibus exigendas, atque etiam, si quis velit, prorsus exterminandas. At ridiculum est priusquam illud evincas, remedium, quod inopia constat esse præsentaneum, pauperibus adimere &c. Similia scripserat l. 1. de fœnore Trapez. p. 9., nec non in præfatione operis de Usuris pag. 17; & c. 11. p. 669, ubi etiam hoc charitatis officium agnoscit: sed pauci, inquit, sciunt id facere quod sibi faciendum esse norunt; & p. 669. Debetis quidem id fieri, verum non

querimus jam quid debeat, sed quid possit, seu melius, ut liquet ex aliis locis quid velit; frustra enim, inquit in præfatione p. 18., quis expellet, ut interditta mercedis pro usura pecunia commodata passione, repellantur, qui ultra eam gratis debent mutuam. Quam desperata, sibi que contradicens hac ratiocinatio est? Charitatis officium, & debitum quidem ex una parte conceditur, cui scilicet homines pecuniosi satisfacere ex charitate deberent: unde similiter lib. 1. de fœnore Trapezit. pag. 13. Fateor, inquit, non tali auxilio adjuvanda hominum miseria (per usuram) opus fore, si charitatem, quam debent, proximo suo præstarent: & rursum lib. 3. p. 775. Si omnes Christiani tales essent, quales esse deberent, usuris non esset locus: & nihilominus ex parte alia, quia homines nolunt huic debita parere, negat simul hoc debitum, dum legem veterem negat. Ergo ex immisericordi quamplurimum animo, qui cum debent præstare, nec in necessitatibus volunt, neganda lex est, quæ immisericordiam in necessitatibus certissime præcipit. Ita certa Evangelica lex, quæ veterem confirmans, non modo usuram omnem interdixit, sed mutuum etiam, præsertim in necessitatibus, præcepit, nam ob immisericordem eorum animum, qui sine usura mutuum ne pauperibus quidem credere volunt, inficienda erit, ita ut mutuum indebitum, & usura licita in ipsa necessitate affirmetur? Ut pauperum egestatibus provideatur quid dicendum sit, pluribus exponam lib. VI. c. 14; ut ne usura dici possit ex iis necessitatibus licere, ex quibus hucrum aucupari, & quærere maxime illicitum est. Piget plura afferre ad hanc inanissimam Salmasii objectionem disjiciendam; quæ si vel per adversarios, usuras ex pauperibus exactas certo charitatis præcepto damnantes, falsissima est; non minus falsa esse

debet in neganda Christi confirmatione veteris legis omnem usuram interdicentis, quæ, ipso Salmasio farente, in Evangelicis verbis satis certe elucescit.

### §. III.

*Distinguendum inter mutui præceptum, & prohibitionem usura. Quid præcepti, quid consilii sit. Salmasius insigni errore ad consilium transfert, quæ in Evangelicis præcepti vim habent. Usura vitatio omni casu præcepta est.*

3. **V**ide porro, ne hoc loco usura prohibitionem cum præcepto mutui confundens, ita reges illam semper urgere, uti hoc præceptum non semper obligat. Notum enim est, quantum distet inter positiva, ac negativa præcepta, ita ut hæc sola quovis casu ligent, illa autem non semper. Hinc satis demirari non possum resolutionem illam Salmasii, quæ ut certam Evangelicam usura prohibitionem eluderet, hanc non distinguens a præcepto mutui, immo etiam conferens cum aliis Christi præceptis eodem sermone in monte propositis, omnia perinde habenda innuavit, ut vel æque ligent, vel æque libera sint. Allegat autem, atque confert præcepta, dandum omni petenti, pereutienti unam maxillam præbendam & alteram, rapienti pallium offerendam & tunicam &c., quibus semper parendum ait, si semper prohibitioni usura parere oportet; & concludit: Hæc omnia certe eodem spectant, quæ si ad solam usura prohibitionem valent, in ceteris irrita sunt; censura veniens corvis dabit, ut merulus aqua nigra vexet. Quid non potest in hominum mentibus præjudicium? Hæc omnes Christi institutiones, quæ beneficentiam, mansuetudinem, liberalitatemque Christianam spectant,

non prohibitioni usura, sed præcepto mutui pares sunt, quatenus mutuum beneficentia species est, quæ non semper est præcepta, sicut nec reliqua ibidem a Christo memorata semper præcepta sunt. In sola præparatione animi omnia semper obligant, ut (1) Augustinus notavit: re autem tum (2) solum obligant, cum sive corporis, sive animæ proximi necessitas exigit. Id ipsum in mutuo evenit, ad quod quoties opus fuerit, præstandum, paratus semper esse Christianus debet, re autem, sola necessitate occurrente, præstandum est ex præcepto, & iis etiam quandoque præstandum, a quibus restrictio sperari non possit. In ceteris autem casibus mutuum dare solius est consilii, quod neminem ligat, sicut & cetera præter necessitatis casum obligant neminem. Evangelica igitur harum Christi institutionum perfectio partim præcepti, partim consilii est.

9. Id autem, quod in præcepto mutui, quatenus est beneficentia species, locum habet, haud transferendum ad prohibitionem usura, cujus vitatio semper præcepta, nunquam libera est. Quoties enim ipse Hebræorum vulgus mutuum daret, sive ex præcepto, sive ex consilio; cum nihil usura ex lege percipere poterat, tum nihil, nisi *ῥὰ ἴσα, æqualia*, id est sine ullo honore, ipso Christo testante, recipiebat. Hoc autem veteris legis præceptum universale, constans, & certum penes Hebræos ipsos, non destruisse quidem, sed confirmasse, & perfecisse Christum in Evangelio, ne deterior, sed præstantior esset Christianorum iustitia supra iustitiam Hebræorum, observationes a nobis prepositæ, & ipsi Salmasio agnitæ evidenter convincunt, ut nihil obstat, si mutui dandi semper præceptum non fuerit. Ut Salmasii argumentatio ex aliis Evan-

(1) Lib. 8. num. 51. de Serm. Dom. in monte. Vide etiam 5. Thomam 2. 2. q. 108. 2. 2. ad 4. (2) Consule 5. Thomam 2. 2. q. 124. 2. 2. ad 1.

De Usuris cap. 20. p. 625. omnia certe eodem spectant, quæ si ad solam usura prohibitionem valent, in ceteris irrita sunt; censura veniens corvis dabit, ut merulus aqua nigra vexet.



gelicis exemplis valeret, aliquid in  
ius præceptum ex lege veteri, de-  
letum in nova, ostendendum fuerat.  
At si nihil tale allatum est, nec  
asserri possit; quid conferre queunt  
illa exempla, ad certum usuræ præ-  
ceptum elidendum, quod, nisi sin-  
gularis exceptio contra evidentissi-  
ma ipsius Evangelii principia fiat,  
confirmatum, perfectumque a Chri-  
sto affirmare debemus?

## §. IV.

*Resolvitur paritas ducta a duobus  
aliis antiquæ legis præceptis, de  
anno remissionis, & Jubilæo. Cur  
hæc confirmata non fuerint a  
Christo, uti prohibitio usury  
confirmata fuit. De anni  
Jubilæi, atque Sabbati-  
ci ratione.*

De Usuris  
præst. & c.  
20. p. 602.

20. **A**T quidni, instat Salmasius,  
confirmata pariter dici de-  
bent duo alia certa veteris legis præ-  
cepta, de anno remissionis, & Jubi-  
læi, quæ sane perfectionem habent  
præcipuam, & ad sublevandos pau-  
peres majoris momenti sunt? Si de  
naturali jure hic ageremus, æpo-  
nerem, quia hæc duo per se se na-  
turalis justitia non præcipit, uti  
usuræ prohibitionem requirit. Sed  
quando de naturali jure nunc no-  
agimus, quem isthæc objectio mo-  
veat, si horum præceptorum ratio-  
nem veteris Testamenti peculiarem  
consideret? Quod Jubilæi anno præ-  
dia ære alieno gravata ad suos do-  
minos reverterentur, adeo mirum  
non est, ut ex præcipua prædiorum,  
atque contractus apud Hebræos ra-  
tione aliter jussu fieri non posset.  
Cum enim terra Chanaan Israeliti-  
is ita data fuisset, ut ipsi meri  
usufructuarii, seu feudatarii, non  
antem Domini ejus essent, ex Lev.  
c. 25. v. 23. 38. 42. & 55., illam  
non poterant alienare, ac vendere,  
ut Diodorus etiam notavit l. 4c.  
Cum itaque pecunia, aut alia re-

De anno Ju-  
bilæi.

quis indigebat, solos vendebat fru-  
ctus, cum pacto redemptionis, idque  
non in perpetuum v. 23., sed juxta  
supputationem, id est assimilationem  
frugum, atque annorum, qui ad Ju-  
bilæum deerant v. 15. & 16., unde  
in redemptione ante Jubilæum tan-  
tum prætii erat reddendum, quan-  
tum respondebat frugibus annorum,  
qui ad Jubilæum superessent v. 51.  
& 52. Hac in hypothesis cum Jubilæi  
anno terminaret omnis emptio, &  
venditio frugum, quæ sola licebat;  
injustum fuisset diutius agros reti-  
nere, justum vero, ac debitum re-  
stituere. Si hæc vendendi, ac emen-  
di ratio præter Hebræos apud qua-  
scunque alias gentes fuisset recepta,  
non aliter fieri jussu potuisset. Hu-  
jus autem politię apud Hebræos in-  
stituendæ peculiare rationes fuerit,  
quarum præcipua est, ne confunde-  
rentur tribus, idque propter Mes-  
siam. Quæ ratio, ad ceremonialem  
quandam legem in Messię funeri  
obsequium instituta, post ipsius ad-  
ventum vigere nec potuit, nec debuit.

21. Quod porro de remissione  
debitorum additur anno septimo, quem  
Sabbaticum vocant; primo  
incertum est, num hæc remissio,  
uti præcipitur Deut. 15. v. 1., ab-  
solutionem cujusvis debiti, an  
meram cessationem, ac suspensio-  
nem ejus anni propriam asserret.  
Idem sane remissionis verbum in  
Exodo c. 23. v. 11. terræ tribui-  
tur, quæ eo tantum anno Sabbati-  
co quiescere debebat, & similiter for-  
te debebant creditores ab exigendis  
debitis cessare, ne tum debitores  
urgerent, cum ex campis quiescen-  
tibus annuus illi redditus capere  
non poterant. Sic non licebat Sab-  
bato debitum exigere ex Isaiâ 58.  
6., quod tamen post Sabbatum li-  
cebat. Nec moveant illa v. 22. *Non  
poteris repetere*, subauditur enim eo  
anno, nam Hebraice est *וְשָׁבַת*, *Ne  
exigito*, vel *non ardebis*, ut pteri-  
que apud Matthæum Polum in-  
ter-

De anni  
Sabbatici  
misiouca.

interpretantur. Sed quidquid id est, ratio hujus legis notanda ex eodem versiculo 1. *Quia annus remissionis est Domini*, idest quia annus sabbaticus est, hunc præcipuum Dei cultum requirens; & quemadmodum repugnabat sabbatismo, ut ita loquar, dierum debitores urgeret, ita & sabbatismo annorum repugnabat. Igitur meri sabbatici cultus hic erat, qui in nova lege sublatius fuit. Nunquid simile in mutui gratuiti præcepto inveniri potest, quod vel Jubilæo, vel sabbatismo conveniat? Nihil hic Judaici cultus est, quod perinde delendum esset in Evangelio, uti duo illa delenda fuere.

12. Sed quid pluribus agendum in re aperta, cum hoc unum mutui gratuiti præceptum in ipso Evangelio confirmatum. & perfectum reperiat; duo cetera non reperiantur? Num quia hæc duo non inveniuntur confirmata, istud quoque confirmatum negandum est, quod in Evangelio clare confirmatum, & perfectum invenitur? Nonne David, & Ezechiel, licet in veteri lege scribentes, cum ea duo præcepta vigerent, hujus tamen unius præcepti, quod usuram prohibet, meminerunt? Hoc unum, tanquam justitiæ præcipuum, ac necessarium, illi accensentes, confirmationem Christi quodammodo prænuñciarunt. Hinc etiam, traditio Ecclesiæ unam usuræ prohibitionem a Christo confirmatam memorat, de Jubilæo autem, & remissione ne verbum quidem. In tam aperto certi divini Juris discrimine, quid conjectiones inanissimæ possunt?

## CAP. VI.

*Tria alia objecta ex novo Testamento dissolvuntur.*

## 6. L.

*Primum ex parabola servi reprehendi, propterea quod pecuniam nummulariis non dedit cum usuris exigendam.*

1. **V**ehementius fortassis videbitur, quod adversarii ex Evangelica illa parabola obtrudunt, ubi servus piger a Domino reprehensus legitur, quod pecuniam trapezitis ad mensam non dederit, unde ipse Dominus usuras exigeret: *Quare non dedisti pecuniam meam ad mensam, ut ego veniens cum usuris utique exigerem illam?* Luc. 19. 13., seu ut apud Matthæum 25. 27. *Oportuit ergo te committere pecuniam meam nummulariis, & veniens ego recepissem utique, quod meum est, cum usura.* Hanc parabolam arripiciens Salmasius in libris de Usuris, & fenore Trapezitico, novæ legis institutionem in ea Apokolis, tanquam Evangelii præconibus communicatam exhibet, ut per legem Evangelicam probaretur usura, quæ antiqua lege in alio sermone habito ad Apostolos, uti Hebræos, interdicta præsumitur: Certe in Evangelio, inquit, cum Christus ad Judæos loquitur, & præceptum iisdat, non alterius mutui mentionem facit, quam gratuiti, quale fuit Judæis inter se usitatum, in quo τὰ ὅσα tantum recipiuntur, ut Luca 6. Alii vero, ubi privatim cum discipulis sermonem habet, quos ad gentes mittebat, quibus usura, jure, quo utebantur, erant permixta, in parabola περὶ τῶν τάλαντων, sub Domini persona servum eum laudat, quod Domini pecuniam fenore exercuerat, & ex quinque talentis de-

De Usuris  
c. 21. p. 611.

*decem confecerat, sorte duplicata. Alterum vero, qui talentum a Domino acceptum dederat, & sterile detulerat, servi nequam nomine increpat.*

*"Εδεῖ ὑν σε λαβεῖν, inquit, τὸ ἀργύριόν μου τῆς τραπεζῆς ταις, καὶ εἰλὼν ἐγὼ ἐκκομίσάμην αὐτὸ τὸ ἐμὸν σὺν τούτῳ. Oportebat te meam pecuniam collocare trapexitis, & ego veniens eam recepissem cum usura. Hactenus Salmasius, cuius tamen conatus omnis inanis, & irritus est.*

2. Nam ut omitam sermonem Domini in monte, ubi mutui gratuiti inter Hebræos usitati præceptum confirmatum, perfectumque a Christo fuit, non ad Judæos, sed ad Apostolos in novæ Ecclesiæ institutione fuisse habitum, ut ex superius demonstratis manifestum fecimus; parabola certe de servo desidiolo, quæ obicitur, quantumvis ad discipulorum institutionem directæ, ad usuræ approbationem nihil pertinet. Num enim id agitur a Christo hac in parabola, ut de usuræ præcepta tradat, quemadmodum in alio Lucæ capite superius consideratio, de perficiendo antiquo mutui gratuiti præcepto usuram vetante ex proposito egit? Nihil minus. Totius parabolæ scopus, totaque lectio, atque institutio hæc est, ut a discipulis arceat pigritiam, eisdemque ad sollicitudinem bonorum operum excitet. In hanc disciplinam facilius insinuandam, ex Hebræorum more parabolam asserti Domini, qui servos pecuniam sibi a Domino creditam ex cuiusque facilitate utiliter negotiarios eximio præmio donavit, servum vero inertem, abhorrentemque ab omni negotiationis, labore & cura, in tenebras exteriores projiciendum præcepit. In ipsa autem descriptione parabolæ illud de usura refertur, quod *pars parabola non est, sed supplementum ad ejus explanationem*, ut ex Maldonato ipse Matthæus Polus observat.

3. Quod autem in parabolis narratur, & ad spiritualia transferatur, hæcquaquam approbatum dici posse ex aliis parabolis liquet, ubi vitiosa quædam aliquando posita invenies, quæ tamen probata nemo dixerit. Quin sicut Dei est ex ipsis malis bonum deducere; ita e malorum hominum gestis, atque exemplis Christianorum animos ad bonum acuire, acriorique veluti stimulo urgere, ut quod prudentes seculi in malo agunt, ipsi lucis filii traducant in bonum, Christi proprium fuit. Sic Lucæ 16. parabola assertur de villico iniquitatis, qui & laudatus ab hero, ita tamen ut ejus non probetur iniquitas, sed ea ad eruditionem discipulorum transferatur: *Laudavit Dominus villicum iniquitatis, quia prudenter fecisset quia filius hujus seculi prudentiores filius lucis in generatione sua sunt.* In quæ notat Matthæus Polus ex Gronio: *In facto, in quo non petit Dominus non probare solertiam dispensatoris; atque in hac solertia sita est vis similitudinis, non in facti improbitate; & post pauca ex Beza & Partes hujus parabola non sunt premeunda ultra Christi scopum, qui etiam cum fure confertur.* Similiter cap. 18. ejusdem Lucæ parabolam Christus proposuit iniqui Judicis, *qui Deum non timens, & homines non reveritus, pauperem viduam, audire nolebat, & non amore justitiæ, sed rædio, & importunitate motus illam tandem admisit.* Simile quiddam non deest cap. 15. His autem parabolis si non probatur malum, quod mere relatum ad usum bonum traducitur, quid in parabola desidioli servi probata dicetur usura?

4. Quamquam si totius parabolæ contextus, & usuræ memorandæ occasio, & ratio consideretur, nūqua non probata, sed potius improbara videri potest. Sermo est de Domino, qui peregre profecturus, pecuniam inter servos distribuit se-

*ta parabolis mala ad bonum transferuntur, non autem probantur.*

*In obiecta parabola improbat ut potius usura.*

Lib. 11. Hist.  
naturalis. 20.  
14.

*enudum propriam cuiusque virtutem, idest facilitatem, peritiamque negotiandi: quæ sane verba præcipuam cuiusque virtutem respicientia, ut major, vel minor pecuniæ summa traderetur, pecuniam ipsam ad negotiationem, non autem ad fœnus exercendum, traditam ostendunt: ad quamlibet enim summam collocandam in fœnore, quod *quassuosam segnitiam* vocat Plinius, quivis satis est, ut ne major *virtus* pro maiore summa requiratur. Id autem contra Salinasium notandum fuit, qui servos pecuniam *fanore* exercuisse ad maiorem usuræ commendationem pronuntiavit. Enimvero alii servi in pecunia tradita naviter *operati ἐργάσασθαι*, negotiationem laboriosam fecere, ex qua multum lucrati, sortem duplicarunt. Solus piger, ac desidiosus servus, ne hunc negotiandi laborem subiret, pecuniam in terra sepelivit, ut, licet sine lucro, integram tamen Domino redderet. De hac pigritia reprehensus, ut se aliquo modo purgaret, culpam in Dominum ipsum rejiciens, duritiam, & iniquitatem ejus accusavit, quia lucrum omni ratione etiam per nefas exigeret: *Domine, scio quia homo durus es, metis ubi non seminasti, & congregas ubi non sparsisti: & timens abii, & abscondi talentum tuum in terra: ecce habes quod tuum est.* Ad hanc calumniam Dominus indignatus, eam non statim refellere, sed in ipsius servi caput primum retorquere voluit. Itaque non probans quidem iniquitatem, quam sibi servus objecit, sed subito respondens juxta aulitiam suam: *De ore tuo te iudico, serve nequam*, inquit, apud Lucam c. 19. v. 12., ubi eadem, vel similis parabola in similem sententiam affertur: *Sciebas, quod ego homo austerus sum, tollens quod non posui, & metens quod non seminavi. Et quare non dedisti pecuniam meam ad mensam, ut ego veniens cum usuris utique exegissem illam?* Quibus con-*

cinunt illa apud Matthæum c. 25. v. 16. *Serve male, & piger, sciebas, quia meto ubi non semino, & colligo ubi non sparsi. Oportuit ergo te committere pecuniam meam nummulariis, & veniens ego accepissem utique quod meum est, cum usuris.* Illa de ore tuo te iudico, nonne innuunt, Dominum, non ex suo quidem sensu, sed ex ipsa servi responsione, qua iniquitatem Domino inposuerat, ad damnationem ejus argumentum ducere? Hæc enim formula proverbialis est, cui similis illa Job. 15. v. 6. *Condemnabit te os tuum, & labia tua respondebunt tibi: nec non illa Matth. 12. v. 37. Ex verbis tuis condemnaberis.* Agebatur porro hæc in hypothesi de duobus, de segnitie, & metu servi, qui ex segnitie quidem negotiationis laborem, ex metu autem perdendæ pecuniæ periculum reficiens, pecuniam abscondendam duxerat: & de iniquitate Domini, qui dum lucraretur, alienum etiam, quod nulla iusta ratione sibi debebatur, colligendum putabat. Utrumque autem servus, si vere Dominum timuisset (ut tota ejus præferebat excusatio) conciliare poterat, si pecuniam tradidisset nummulariis ad mensam. Sic enim lucrum sine ullo labore, & sine periculo rediisset per usuras, quæ etsi lucrum sint inhonestum, ac injustum, dignum tamen, & congruum sunt lucrum ejus iniqui Domini, qui tollit, quod non posuit, & metit, quod non seminavit: quæ quidem usurario lucro conveniunt. Audiatur Joannes Lighthfoot adversarius minime suspectus, hujus loci interpres in Horis Hebraicis in Matth. c. 15. v. 27. *Talenta servis non tradidit Dominus eo fine, ut e mensa fœneratorio lucro, & redditum reciprent, sed ut per mercaturam, & honestam negotiationem quassum facerent. Serpo solum ignaro responsione hanc rependit replicationi sua accomodatam. Tu avarum, rapacem, sordidum me repu-*

tas. Quare ego modo his moribus congruenti, favore scilicet, & usura, non usur ex, si honesta negotiatione uti noller, ut aliquod incrementum pecunia mea ministrarer mihi potius, quam omnino nullum? Quis igitur hac in responsione, ex ipsis servi verbis, & iudicio sumpta, iniquum iniqui Domini lucrum indicatum videns, usurę approbationem, & non reprobationem potius deprehendat? Verum Dominus servi calumniam ipso facto repulsurus, ut se ostenderet non eum, iniquum avarum, qui sibi appetere, & capere aliena, sed liberalem potius, & munificum, qui suum pariter in ipsorum servorum utilitatem converteret; talentum a servo inerti sublatum, ei servo, qui magis laboraverat, dari iussit: Tollite itaque ab eo talentum, & date ei, qui habet decem talenta. Omni autem habenti dabitur, & abundabit; ei autem qui non habet, & quod videtur habere, auferetur ab eo. In hac literali huius parabolę interpretatione, quę ab ipsis literatissimis heterodoxorum probata, adversariis displicere non potest, cum nihil sit, quod usuris profit, sed multum potius, quod noceat; nonne irritus redditur omnis Salmasii conatus, cum exinde peculiam Christi doctrinam in usurę approbationem eliciens, apertam ejusdem Christi institutionem, quę veterem de usura legem apud S. Lucam confirmavit, perfecitque, infringere studuit?

## §. II.

Alterum ex Luca c. 12. versu 58., quem versum Salmasius de solutione usurarum interpretatur.

5. **N**equē vero est, quod multum laborem in illo Luca 12. v. 58., ubi certo debitori, quem creditor ad Iudicem trahit, dicitur: In via da operam liberari ab illo, ne

Tom. I.

forte &c. Salmasius ἐργασίαν Gręce pro usura accipiens, reddit: Da usuram, quo ab illo libereris. Hoc enim iustum, aequumque, inquit, ut quę non potest ad diem debito respondere, saltem usuram ei rependat: idque iustum a Christo affirmatum pręterens illis versiculi antecedentis verbis, quid autem & a vobis ipsis non iudicatis quod iustum est? hoc in approbationem usurę detorquet, inquit: Hac parabola argumento etiam esse potest, Dominum non improbasse usuras. At hoc vers. 57. iustum, Gręce δίκαιον, hic non proprie est, inquit Grotius, quod iustum dicitur, sed quod fieri convenis, quodque rationi est consentaneum, ut Phil. c. 1. v. 7., & alibi. Ἐργασία vero, etsi usuram significaret, illud non usuram per se iustam adstrueret, sed congruum probaret, ut quis a creditore oppressus usuram, citius solveret, quando debito solvendo impotens metueret, ne in carcerem conjiceretur a iudice, donec novissimum minutum reddat ex vers. 59. Sola solutio usurę in casu necessitatis ad summum probaretur, non autem exactio.

6. Verum ἐργασίαν operam, hoc loco significare, quę antequam iudex adeatur, cum ipso adversario omne litigium componendum suadet, liquet ex eadem, vel simili parabola apud Matthæum c. 5. v. 25., ubi iis verbis idipsum exprimitur, quibus non de usura, sed de compositione cum adversario privatim incunda pręcipitur: Ἰσθὶ εὐνοῶν τῷ ἀντιδίκῳ σου, Ego. consentiens, idest fac convenias, compone, transige cum adversario tuo, ne forte tradat te adversarius iudici &c. Sic plerique commentatores etiam heterodoxi interpretantur. Congruum sane tota utrobique sententia. Non enim hic docet Christus homines, quomodo sit in litibus agendum; nam hoc illi optime norunt; sed

Lib. de Eccl.  
nor. trapez.  
pag. 437.

H

sed ex iis, quæ homines in contro-  
versis ejusmodi agere solent, quid  
in salutis negotio agendum sit, in-  
sinuat, ac per imperativum brevis  
docet, ut sensus utriusque loci sit:  
*Cur non vos ipsos imitantes, ean-  
dem prudentiam, quam in humanis  
adhibetis, in divinis non utimini?*  
*Neque enim tam stulti estis, ut in  
judicio contendere velitis cum eo,*  
*qui certam habet actionem, nulla ex-  
ceptione elidendam; sed cum eo pri-  
us componere mavultis, quod mi-  
rioribus conditionibus possit, ac sole-  
at pacisci, atque remittere ei, qui  
agit in tempore: iudex autem summo  
sure, ac sine gratia pronunciare co-  
gatur. Quidni eadem æconomia cum  
Deo agitis, ut prius cum eo compo-  
natis, antequam dies iudicii, quod  
insinat, adveniat? Istam parabolæ  
hujus sententiam Grotius, Castalio,  
Lucas Brugensis, & alii præferunt,  
ut nullus usuræ locus sit.*

## §. I I I.

*Tertium ex Jerosolymitano Apostolo-  
rum Concilio, ubi inter necessaria  
veteris legis præcepta in Evan-  
gelio servanda, usura prohi-  
bitio non recensetur.*

7. **A**liam objectionem non con-  
tinnendam Salmasius toto  
nisu intorquet ex Apostolico Jero-  
solymorum Concilio, ubi cum ea in  
controversia, quæ inter quosdam  
Judæos, & Gentiles ad fidem  
conversos excitata, utrum lex Moysis  
observanda esset Gentibus Christia-  
nam fidem amplectentibus, an abji-  
cienda, sive in toto, sive in parte;  
cum, inquam, in hac controversia  
idem Concilium definisset, nihil ex  
ea lege imponendum, nisi hæc neces-  
saria, ut abstinere omnes ab ido-  
lothyis, a fornicatione, & a suffo-  
cato, ac sanguine; Salmasius his  
negativis præceptis non omnia qui-  
dem crimina, quæ alias omnibus,  
& Judæis, & Gentibus lumine natu-

rali illicita cognoscebantur, sed ea  
tantum vetari interpretatur, quæ  
Judæis quidem erant interdicta,  
& a Gentibus licita censebantur, ut  
sane licitam istos putasse fornicati-  
onem simplicem, non minus quam  
idolothytum, sanguinem, & suffoca-  
tum pluribus statuit. Cum vero u-  
suram Hebræis veritam Gentes pu-  
tarent licitam, nec tamen hujus pro-  
hibitio inter necessaria accensita sit  
eo Jerosolymitano decreto; hanc non  
necessariam in novo Testamento esse  
Salmasius concludit: *Lex illa Mosa-*  
*ica, inquit, de usura inter fratres*  
*non agitata nullo modo Christianos,*  
*quantumvis fraterno nomine se invi-  
cem compellantes, constrinxit. Quan-*  
*doquidem regula illa Apostolica Gen-  
tibus ad Christum venientibus data,*  
*qua omnia necessaria, quibus absti-  
nendum esset, complexa est, nihil de*  
*ea expresse cavet. Magna in speciem*  
*oppositio, sed recipi inanis est.*

8. Hæc enim ratiocinatio si quid  
probaret, probaret etiam ultionem,  
& odium in eos, qui nos injuste  
impetunt, esse permissum: eum hæc  
quidem verita Judæis Levit. 19. v.  
18. Gentiles tamen licita putarent.  
Hinc Aristoteles inter Græcos passim  
ἀμύμνῳ virtutibus accensuit, & Ci-  
cero inter Latinos de Offic. lib. 1.  
*Justitia primum munus est, ut ne-  
cui noceat, nisi læcessitus injuria:*  
*Quibus respiciens S. Ambrosius l.*  
*1. de Offic. c. 27. de Gentium Phi-  
losophis ait: Dicunt illi eam pri-  
mam esse justitia formam, ut nemini*  
*quis noceat, nisi læcessitus injuria.*  
*Quare etiam Themistius orat. 9.*  
*sermonem a multis probatum refert,*  
*amicis bene faciendum, inimicis ve-  
ro male faciendum: cui principio a-*  
*pud vulgum obinente, quidam tan-  
tum e sapientibus, atque Philoso-  
phis resisterunt. Alia nonnulla al-*  
*legari poterunt, quæ apud Hebræos*  
*illicita, etsi a Gentibus licita ha-*  
*bebantur, non tamen in Apostoli-*  
*co decreto interdicuntur. Quidquid*  
*autem ad hæc reponet Salmasius,*  
*aut*

pag. 466. l.  
1. de senor.  
Trapezit.

pag. 467.

Vis argu-  
menti in-  
fringitur a-  
lio exemplo  
rei illicitæ,  
& nihilomi-  
nus omittæ  
in decreto  
Jerosolymi-  
tano.

aut quicumque Salmasii sectator, id objectionem ejus de usura omnino disjiciet. Hinc sane evidens est non omnia illicita, quæ apud Gentes licita vulgo æstimantur, in decreto Apostolico notata fuisse, ac propterea *τὸ πρæter hæc necessaria* non omnia complectitur, quæ vetita haberi debent.

9. Plura in hanc rem conciliandam allegari queunt. Quidam enim, cum Junio in Parallis, tria rerum prohibitarum capita Apostolicis literis interdicti observant, ex quibus primum de idolothytis, seu idolis, ex priori tabula sumum, secundum vero de fornicatione sumum ex tabula secunda, utriusque tabulæ, ac proinde totius legis moralis observationem mandare existimant; tertium autem de sanguine, & suffocato veritum ajunt propter infirmam aliorum conscientiam. Itaque in hac sententia usuræ prohibitio exclusa eo solo nomine dici nequit, quod expressa ejus mentio in Apostolicis literis facta non fuerit. Eadem fere ratione hæc usuræ prohibitio includi potuit in illa generali præceptione: *Qua vobismetipsis fieri non vultis, ceteris nefaciatis*: quæ quidem verba post vocem *a sanguine* nonnulli Græci codices, & antiqui etiam Patres, Irenæus, Cyprianus, alique in Apostolico decreto exhibent. Ludovicus Capellus apud Matthæum solum idolothyta tantum, & fornicationem, idcirco commemorata putat, quod jam tum forte gliscere inciperet in Ecclesia Nicolaitarum error, qui utrumque horum licere dicebant, ut liquet ex Apocal. 2. 14. 15., cetera autem de sanguine, & suffocato, ut daretur aliquid infirmitati Judæorum fidelium, qui ab his vel maxime abhorrebant. nec facile convicerent cum iis, qui istis vescerentur. Alii tandem, & forte probabilius, legales ritus tantum, quos quidam de Hæresi Phariseorum imponere nitebantur ex. v. 5., *oneris* nomine in Aposto-

lico decreto appellatos, credunt, uti *onera gravia, & importabilia* illos etiam appellavit Christus Matth. 23.

4. Enimvero de solis legalibus ritibus mota, & ad Concilium delata fuit quæstio. Cum itaque definitum Concilium *nihil ultra imponendum, præter hæc necessaria*, de solis cæremonialibus, ad quos usura non pertinet, ritibus tota definitio fuit, ita ut ad cæremonialia spectare debeat eorum exceptio, quæ pro ratione scandalī *necessaria* eo tempore judicata sunt. Perspicuum id est de idolothytis, de sanguine, & suffocato; quæ cum per se liceant, sola scandalī ratio eorum prohibitionem tandiu necessariam efficere potuit, quandiu scandalum impenderet. De una fornicatione difficultas est, quum præsertim in Græco originali *πορνεύειν* scribatur, quæ vox non solum fornicationem significat, quam Gentes licitam credebant, sed adulterium etiam, uti apud Matthæum sumitur c. 19. v. 9., & apud Græcos frequenter, immo & omnem immunditiam contra naturam, uti Hammondus putat: quæ sane nec a Gentilibus inter licita censebantur. Itaque ut huic voci iustus sit locus inter legalia *onera*, de quibus tantum quæstio erat, alii cum Daniele Heinio *πορνεύειν* significare hoc loco putant mercedem scortationis, quam sibi offerri Deus vetuit Deut. 23. v. 18., prout vox illa apud Athanasium adversus Gentes accipitur: alii autem cum Joanne Lightfoot in Chronic. pag. 99., & cum Hammond, connubia in gradibus a lege prohibitis contracta intelligunt, quæ eodem vocabulo *πορνεύειν* Paulus nominat, 1. Cor. 5. 1., nec tamen omnia naturalī jure vetita sunt.

10. Sed quæcumque ex his, vel alia, quæ excogitentur, responsa placeant; nihil certe ex eo Apostolico decreto confici poterit, sicut pro vindicanda ultione, & odio ini-

Interpretationes variz  
ejusdem de-  
creti.

micorum, quæ prætermiffa ibidem fuere, ita nec pro infura ex eo purganda, quod inter neceffaria recenfit non fuerit. Quod fi dicas fatiſ de ultione, & odio cautum fuiſſe celebri illo ſermone Domini in monte, quo de diligendis inimicis Chriſtus præcepit: cum fatiſ etiam de uſura cautum fuerit in eodem ſermone, ut ſuperius oſtendimus, par utrobique ratio, ac reſponſio eſt. Enimvero ſi nihil de confirmata prohibitione in novo Teſtamento reperiretur; hæc oppoſitio Salmaſii, eſſi negativa, probaret fortaiſſis aliquod. At adverſus confirmationem Chriſti evidentem ex Lucæ Evangelio, quid probare poteſt merum Apoſtolorum decreti ſilentium, quod tot præterea interpretationibus explicari poteſt?

## 6. IV.

*Concluditur de confirmata prohibitione uſura in teſtimonio Luca, in quo vox nihil, quatenus & ad ſortem, & ad uſuram referri queat, explicatur.*

21. **N**ihil ergo ex ſacris novi Teſtamenti libris obſiſtente, ab ea ipſius Salmaſii conſeſſione non eſt diſcedendum, qua certe, ut apud Lucam concepta ſunt Domini præcepti verba, longe etiam magis uſurarum latuſ transverberatum proſeſſus eſt; quemadmodum ex ipſius verbis initio huius capituli deſcriptis audivimus. Itaque ad nos quoque porrecta veteriſ legiſ prohibitio circa uſuram agnoſcenda eſt, ut eam idem adverſarius eo Lucæ loco certe confirmatam vel invidiſ debuit affirmare; nec niſi inanibus, quæ hæcenus exuſſavimus, nebuliſ tam aperta veritati obiectiſ abſtuliſ eſt. Nemo qui ratione, & non præjudiciſ ducatur, hunc ducem tam maniſte errantem ſequetur.

22. Sed ut obſervationes de E-

vangelico Lucæ teſtimonio conclu-  
dam, quatenus illa Chriſti, *Mutuum date, nihil inde ſperantes*, prohibitionem uſuræ expriment, vel contineant, ex hæſtenuſ dictiſ, ut arbitror, liquet. Eſſi enim *quod nihil* ad capitale referri poſſit, cum tamen hoc loco vetuſ uſuræ prohibitio confirmetur, ad uſuram quoque referendum agnoſceſtur. Itaque *nihil* utrumque complectitur, & lucrum, & capitale, hoc uno diſcrimine, quod quatenus *nihil* lucrum indicat, confirmatio veteriſ legiſ eſt, quæ ſtriſtam uſuræ prohibitionem continet; quatenus vero referri ad capitale, perfectio eſt novi Teſtamenti, quæ in preparatione animi ſemper præcepta, in ſoliſ caſibuſ neceſſitatiſ obligat, in aliſ autem caſibuſ meri Evangelici conſiliſ eſt. Hinc ergo nihil pugnant tradiderunt Patres, cum, pro circumſtantiarum varietate, modo unam, modo alteram huius loci interpretationem protulerent; iſ autem, qui prohibitionem uſuræ inde collegerunt, nihil eſt ſuccenſendum, ac ſi minus propriam, & ab Evangelico textu alienam, falſamve interpretationem depromperint. Immo vero ſi minus evidens quibuſdam videretur Evangelicum teſtimonium, quod aliam interpretationem capitale reſpicientem ſuſcipere poteſt; Patrum, & Eccleſiæ traditio, quæ interpretationem de uſura probavit, omnem dubitationem deberet repellere; ac propterea, ut omnem uſuram in novo Teſtamento, non minus quam in antiquo, vetitam fateantur, ſi non Evangelium ſolum, ipſa ſaltem traditio fatiſ eſſe deberet, quæ ſane conſtans, & aperta eſt, uti celeberrimuſ Meldeniſ Epicoſ Jacobuſ Boſſuetuſ in eum Lucæ verſiculum jure ſcripſerit: *La tradition conſtante des Conciles a commencée par les plus anciens, celle des Papes, des Peres, des Interpretes, & de l'Eglise Romaine eſt d'interpreter ce verſet comme prohibitif du profit,*

Seconde Inſtruit ſur les paſſages particuliers de la version du nouveau Teſtament imprimée a TREVoux l'AN 1702.



qu' on tire du prest inde, c' est a' dire de l' Usure. Latine: *Constat traditio Conciliorum, etiamsi ab antiquissimis exordiamur, illa Pontificum, Patrum, Interpretum, & Ecclesia Romana interpretatur hunc versiculum uti prohibentem lucrum, quod inde, idest ex mutuo percipitur, videlicet usuram.* Verum de traditione ipsa ex proposito agendum, ut qui Evangelio non cedunt, traditioni cedant.

## CAP. VII.

*Traditio id ipsum divinum jus probatur.*

1. **C**um traditio non minus sit verbum Dei, quam Evangelium, atque Scripturæ canonicæ; si quis jus divinum omnem usuram prohibens in novi Testamenti libris non plane videat, traditioni certe, quæ idem jus manifeste, & perpetuo asseruit, manus dabit. Solt Hæretici, qui traditionem negant verbum Dei, Evangelium tantum, & Apostolorum scripta audire volunt: & sicut hæc ratione plura alia Ecclesiæ dogmata traditione palam firmata repudiare non dubitant, ita nihil mirum, si dogma de usura divino jure in novo etiam Testamento verita, quod traditione pariter statuitur, refutare non verentur. Nonnulli quidem, ne hanc traditionis auctoritatem viderentur exuere, faciliusque errorem in animos hominum etiam catholicorum insinuarent, Patrum, ac traditionis testimonia aliorum explere conati sunt. At alii non nisi per summam vim id posse fieri intelligentes (aperta enim nimis Patrum testimonia sunt) hæretico plane sensu Patrum, ac traditionis auctoritatem, veluti jugum non ferendum, eradicere, ac traditam illorum de usura doctrinam, inter traditionis, uti appellant, errores accensere non dubitarunt. Audiat

inter omnes Barbeyrachi, qui postquam in præfatione ad Pufendorfii opus de jure naturali, & Gentium, Patrum errori dedit usuram, veritatem tradere, not. 6. in cap. 7. libri 5. suis etiam Protestantibus, qui usuras damnant. vitio vertit, quod Patrum auctoritate se duci sinerent: *Voilà effectivement le noeud de l' affaire; & ceux qui aujourd' hui osent bien, quoy qu' ils fassent profession d' être Protestans, se decainer en invectives grossières contre les Partisans de l' opinion reçue dans leur Parti, témoignent assez que l' intérêt des Peres leurs tient au coeur. Mais ils ont beau faire. Toutes leurs declamations, & tous leurs emportemens ne servent qu' a faire voir que la lecture des Peres est capable de gêner le coeur, & l' esprit, sur tout lors qu' on se trouve d' un temperament bilieux, et qu' on a pris soin de cultiver sa memoire, plutôt que son jugement. Si ces gens laissent de zèle pour la gloire des Peres, qu' ils ne puissent souffrir qu' on jette d' eux long temp apres leur mort aussi librement que d' un Auteur du siècle passé, ils n' ont qu' a nous prouver par des bonnes raisons, si que les Peres étoient infallibles, ou qu' ils ne sont pas capables des erreurs, qu' on leur impute.*

2. Cui hæc tam impudentia, & temeraria dicta, quibus, una cum Patribus, ipsa traditio, seu ipsum traditum Dei verbum, expungitur, atque contemnitur, horrorem non ingerant? Non est hic locus vindicandæ traditionis, & probandi ipsam esse verbum Dei, quod apud celeberrimos controversitas luculenter demonstratum invenies. Hoc autem fundamento in præsentiarum summo soli pertinaces hæretici aperte SS. Patrum traditioni, quam, de divino circa usuram jure exposituri sumus, resistere poterunt. In hanc vero rem non omnia traditionis testimonia adversus usuram producā, sed illa tantum, quæ divi-

*audiat*

nunquam jus expresse asserunt: ex his enim simul liquerebit, quo jure usuram damnarint tot aliis in locis, in quibus de damnandi jure nihil pronunciarunt: unde vel Salmasius fateri debuit l. 2. de Fœnor. Trapez. p. 237. Certum est porro omnes, qui quodcumque usuras illicitas esse crediderunt, non alio fundamento eorum interdictionem superstruxisse, quam quod putarunt verbo divino esse vetitas, idest divino jure.

## §. I.

*Testimonia ex Patribus Antenicis.*

3. **I**nitium petam a S. Justino Martyre, qui in Apologia 1. ad Antoninum Pium, quæ vulgo secunda nuncupatur, inter non pauca, quæ in commendationem præceptorum Christi, ad Christianam Religionis defensionem, adducit, Evangelicum mutui gratui præceptum, ex Christiana justitia supra vulgarem Publicanorum justitiam, perficiendum refert: *De communicatione facultatum cum egentibus, & quod nihil sit ad gloriam aucupandam faciendum, hæc Christus præcepit: Omni petenti date, & mutuo sumere volentem ne aversemini. Si namque his mutuo datis, a quibus vos recepturos speratis, quid novi facitis? Faciunt hoc & Publicani. Ubi Evangelium peccatores, idest vulgares homines, appellavit, Publicanos Justinus idcirco fortassis supposuit, ut eos indicaret, qui Romano Imperatori, ac Gentibus noti erant. Hi autem inter Gentes mutuum dare non solebant, nisi sub fœnore, a quorum more cum abesse debeant Christiani, ex eo, quod Christus præcepit; hos ex præcepto Christi mutuum dare debere insinuat sine usura, ut nemo (ubi necesse sit) sine spe ipsius fortis recipiendæ.*

Lib. 1. c. 19.

4. Apertior est Tertulliani locus in libris adversus Marcionem. Hic hæreticus duos Deos fingens,

bonum unum, alterum malum, huic legem veterem, illi Evangelium, tribuebat. Hocce commentum ut refelleretur, veteris legis, & Evangelii consensio ostendenda fuit. Itaque Tertullianus, cum in hanc consensionem statuendam moralia quædam utriusque Testamenti præcepta inter se comparat, quæ ita vigent in utroque, ut tamen in Evangelio major perfectio promota fuerit: tum vero ex Lucæ Evangelio, quod unum Marcio admittebat, præceptum Christi de mutuo cum iis, quæ de simili officio in lege præcepta fuerant, conferens, nihil ab illo detractum, sed perfectius aliquid potius adjectum statuit l. 4. c. 17. Primo enim illud Christi mandatum, de mutuo proponit: *Et si foveraveritis a quibus speratis vos recepturos, quæ gratia est vobis? ubi foverare pro mutuum dare, sicuti, & sanus pro mutuo a Tertulliano accipitur. Dein, ut consonam probet veteris Testamenti doctrinam, hæc subjicit: Percurre sequentia Ezechielis de eodem viro, Justus pecuniam, inquit, suam fœnori non dedit, & quod abundaverit, non sumet i fœnoris scilicet redundantiæ, quod est usura. Prius igitur fuit, ut fructum fœnoris eradicaret, quo facilius assuesceret hominem ipsi fœnori, si forte, perdendo, cujus fructum didicisset amittere. Hanc etenim dicimus operam legis fuisse procurantem Evangelio. Quorundam tunc fides paulatim ad perfectum disciplinam Christianam nitorem, primis quibusque præceptis balbutientis adhuc benignitatis informabat. Quæ mutui gratuiti lex in Testamento veteri primum fuit balbutientis adhuc benignitatis præceptum, quod ad perfectum disciplinam Christianam nitorem paulatim informabat, ut prius eradicaret fructum fœnoris, idest mutui, sicque facilius assuesceret hominem ipsi fœnori perdendo, cujus fructum didicisset amittere. Quæ, inquam, veteris Testamenti lex hæc præcepit. con-*

sentiens utique cum Evangelio probatur, ut erat Tertulliani scopus, & ita consentiens, ut perfecta quidem, non autem destructa per Evangelium, Tertulliano teste, fuerit, ne tota ipsius argumenti vis elidatur. Salmastius sane de usuris cap. 20. p. 613. Tertullianum inter eos Patres refert, qui ea Domini verba jugulum usura petere existimarent. Jus ergo divinum legis veteris Christi præcepto confirmatum Tertullianus agnovit.

5. S. Clemens Alexandrinus lib. 1. Pædagog. c. 10., postquam cum Ezechielis locum retulit, ubi inter alia viri justi officia recensetur, quod ad usuram non commodaverit, & amplius non acceperit, hoc veteris legis præceptum ad institutionem vite Christianorum mox porrigens, nonne in Evangelica lege confirmatum præsumit? En ipsa illius verba: Hæ continent descriptionem institutionis vite Christianorum, & convenientem adhortationem ad beatam vitam, & præmium beatitudinis vite æternam.

6. Origenes hom. 3. in Ps. 36., differens de mutuo, & usura, pecuniam humanam, & pecuniam dominicam confert; & hoc inter utrasque discrimen ex fœnore derivans, ut quod fœnus in pecunia dominica licet, in humana non liceat, humanæ pecuniæ fœnus verba Domini prohibitorum affirmat: Licet ergo mihi fœnerare pecuniam Domini, meam autem propriam pecuniam non licet, quia verbum Domini prohibet humanam pecuniam fœnerari. Licet vero ille, ex more suo, allegoricum, & spiritalem sensum his nominibus subiiciens, humanam pecuniam intelligat doctrinam falsam, atque hæreticam; tamen in hoc ipso sensu allegorico, qui literalem sensum non excludit, sed notum, & certum, potius præsumit, ut aliis ejus testimonio probare liceret, respicit procul dubio ad divinam legem, quam in literali sensu etiam Chri-

stianis vetare usuram manifestum judicavit.

7. S. Cyprianus lib. 3. testimoniorum ad Quirinum, ubi excerpisse se ait de Scripturis Sacris quædam capitula ad religiosam SECTÆ NOSTRÆ disciplinam pertinentia, quæ brevitarum præceptorum calcæsum haberi possent, inter hæc Sella nostra, Christianæ utique, præcepta, uti appellat, dominica, & magisteria divina n. 48. ponit Non fœnerandum, & ex testimonio veteris legis probat, quam propterea in nova lege Christianos ligare non dubitabat. Non fœnerandum. In psalmo XIII. Qui pecuniam suam non dedit in fœnore, & munera super innocentem non accepit. Qui ista fecerit, non commovebitur in æternum. Item apud Ezechielem: Homo autem, qui erit justus, hominem non opprimit, & pignus debitoris reddit, & rapinam non faciet, & panem suum esurienti dabit, & nudum operiet, & pecuniam suam in usuram non dabit. Et in Deuteronomio: Non fœnerabis fratri tuo usura pecunia, & usura eorum. Et nota quod in hoc ultimo Deuteronomii testimonio prætermittit illa sed alieno, quod hanc alieni distinctionem in Evangelio sublatam sciret.

## §. I I.

Testimonia ex Conciliis Nicæno generali, & Carthaginiensi I. plenario.

8. **I**nigne præter ceteros est testimonium primæ universalis Nicænæ Synodi, cuius canones S. Leo spiritu Dei conditos jure affirmavit. Hæc autem de usura can. 17. Quoniam multi Clerici avaritia causa turpia lucra sectantes, oblii sunt divini præcepti, quo dictum est, Qui pecuniam suam non dedit ad usuram, fœnerantes centenas exigunt, &c. Sic ex interpretatione Dionysii Exigui, quæ Græco textu magis cou-

Proxm. 1. 3.

Canon Nicænus.

congruit. *Centesima* erat usura tunc legitima, quam Romanę leges per-mittebant. Clerici autem cum in hoc reprehendantur, non quod Ecclesiasticam legem vetantem usuras violarent ( nulla id temporis, saltem generalis, lex Ecclesiastica, quę Clericos omnes complecteretur, allegari forte poterat ) sed quod *divini precepti* dicantur *obliti*; subji-ciatur autem veteris legis præceptum ex Ps. 14. nonne hoc præceptum in Evangelica lege non minus ligare a Nicęnis Patribus creditum fuit?

9. Ne hac de re quispiam dubitet, concordibus Latinorum, & Gręcorum commentationibus prætermisiss, duorum insignium usurę patronorum confessionem producam. Theologus Brabantinus in Examine pacifico n. 63. et sequ., per figuram concessionis ponit, *Patres Synodi Nicęnae revera judicasse omnem omnino usuram lege Divina, & siquidem Psalmo XIV. fuisse prohibitam, suumque illud judicium Canone XVII. protulisse.* Neque est dubitandum, an omnes illi CCCXVIII. Patres hoc uniformiter judicaverint, dum canon ille formandus, & condendus proponebatur; adeo ut nulli dissonum Patrum incidere vel dubium aliquod movere circa illa, qua canone isto definita fuisse hic supponimus; nam, ut ipse Theologus ad hoc dubium eximendum subjicit, *si plures, immo si vel unusquisque illius definitionis certitudinem vocasset in dubium, is sui dubii rationes reliquis Patribus exposuisset, petiissetque quibus argumentis ex verbo Dei scripto, vel tradito illius definitionis certitudinem probarent.* Neque omisissent Patres argumenta petita proferre, fuissentque illius disputationis utrinque allegata inserta Synodi actis; & quamvis illius Synodi acta perierint, vel certe ad nos non pervenerint, vix equidem, immo nullo modo dubitari potest, quin aliquis saltem historicorum illius

temporis dicta disputationis meminisset, cum per diversos illorum temporum historicos hodie noverimus, si non omnia, saltem plurima, qua in Synodo illa gesta, & acta fuerunt. Cum vero nullus notus sit historicus, apud quem reperitur vel verbum, ex quo colligi possit occasione canonis XVII. inter Synodi Patres ejusmodi disputationem ortam fuisse; fundatissime creditur in facta hypotesi, Patres Nicęnos sine ulla dubitatione unanimiter judicasse omnem omnino usuram lege divina esse prohibitam, & injustam, & quidem ut peccatum tam grave, quod solum ejusmodi peccati reos regno calorum excluderet. Ac deinde Patres illos unanimiter quoque judicasse Psalmo XIV. a Deo revelatum fuisse omnem omnino usuram tale peccatum esse, illamque veritatem a Concilio esse definendam, aut potius, ( ut Concilii verba serunt ) obliuiscitibus inculcandam, ac re ipsa Ecclesiam, in dicta Synodo judicium suum super illa re per canonem XVII. protulisse.

10. Huic confessioni accedat illa Claudii Salmasii, qui l. 2. de Fœnor. Trapezit. pag. 237. postquam Nicęnos Patres inter eos comprehendit, qui cum prohibere usuras, certum esse fatetur, non alio fundamentorum interdiccionem superstruxisse, quam quod putarunt verbo divino esse vetitas, hanc præterea observationem subjicit, quia illi usuram omnem inter omnes eodem divino verbo vetitam indicaturi, solum Psalmi testimonium, quod neminem excipit, allegarint: Mirum autem non aliud usura illicita testimonium ex sacra Scriptura Nicęnos illos Patres allegavisse, quam ex Ps. 14. Qui pecuniam suam non dedit ad usuram. Atqui poterant ex aliis locis Exodi, Levitici, & Deuteronomii id firmare. An noluerunt, quia illis locis ita vetatur usura Judæo in judicio exercenda, ut permittatur eidem cum gentibus agitata? Ita sane est... Hac eadem causa adducti,

*Et aliarum Synodorum Patres, qui usuram vetuerunt, illo ipso testimonio Davidis tantum eam interdictum stabiliverunt. Contra evidentem igitur Nicenorum Patrum mentem, quam & adversarii debuerunt sateri, ille dubitabit, qui divinum jus, omnem, & cum omnibus usuram vetans, in Niceno canone declaratum non videat.*

11. Id autem si semel admittatur, quanti ponderis hæc definitio haberi debet? Hoc sane testimonium, uno licet canone editum, tertentorum decem & octo Patrum, antiquissimæ ecumenicæ Synodi, ac totius Ecclesiæ testimonium est, quo quid luculentius in tota antiquitate desiderari possit, non video. Neque refert, quod solas Clericorum usuras illi canonicis pœnis coercuerint. Quando enim divinum veteris legis jus post Evangelium quoque obligare judicarunt, hoc satis est, ut sicut illud non solos ligabat Levitas, ita nunc quoque non solos Clericos ligare credatur, uti sane illa Psalmi, quæ recitantur, non Clericos tantum, sed omnes etiam Laicos, immo etiam omnes non-Christianos respiciunt, ut ex ipsa Nicenæ Synodi mente idem Salmasius monuit.

12. Quærent hic curiosius nonnulli, cur Nicæni Patres, qui usuram divino jure veritam credidere, apud Constantinum in Concilio præsentem non intercesserint, ut revocata lege nuperrime edita circa certum usuræ modum, omnem usuram etiam Laicis vetaret. Importunam hanc quæstionem movit auctor Examinis Pacifici, ac si exinde Nicæni Patres usuram Laicis licere crediderint, quibus peculiari canone non prospexerant. Et quando Patres divinum jus, quod & Laicos complectitur, exploratum, ac certum habuisse, ex ipsa Examinatoris concessione superius descripta, dubitandum non est; quacunque ex causa (de qua an præsentium cognoscere nihil re-

fert) Laicis peculiari canone non prospexerint, usura profecto licita exinde probari non potest. Nulla Laicis usurariis ibidem imposita penitentia, sicut nec ebriosis, incontinentibus, & aliorum criminum, reis; nec interpellatus Constantinus, ut legibus usuram, sicut nec ut hæresim, idololatriam, impudicitiam exterminaret: num hæc idcirco innoxia ipsi Patres judicasse censerì possunt? Similes quæstiones evidenti divini juris testimonio, quod & ab adversariis agnoscendum est, nebulas frustra spargunt.

13. Nicænæ Carthaginensem. De Carthaginenſi 1.  
primam Synodum subjecim, quæ anno circiter 348. habita creditur. In hac autem Abundantius Adrumetinus Episcopus Grato Carthaginensi totius Concilii præfidi proposuerat, num provincialis Synodi decretum circa usuras pro solis Clericis latum, ad universam Africam extendendum videretur. Gratus, qui jam in Concilio Sardiensi sedet, negavit rem hanc Patrum examini, aut voluntati subesse: propterea, quod illa sola, quæ disciplinæ, aut obsecuri juris sunt, Patrum sententiam requirant, non vero ea, quæ divino, & expresso jure statuta, ac certa sunt. Talem autem affirmavit legem, quæ usuram vetat, ut ne deliberandi locus sit, num quæ apertissime ex Scriptura divina in omnibus, etiam Laicis, damnata est, in Clericis præsertim sit vitanda. Cui omnes Episcopi ad unum assentientes, usuram contra Prophetarum, & Evangelia esse judicarunt. Audiantur canonis verba: *Abundantius Episcopus Adrumetinus dixit: In nostro Concilio statutum est, ut non liceat Clericis facerari: quod si & Sanctitati tua, & huic Concilio videatur, præsentis placito designetur. Gratus Episcopus dixit: Novella suggestiones, quæ vel obscura sunt, vel sub genere latent, inspecta a nobis formam accipient. Etenim de quibus apertissime Divina Scriptura sanxit,*

Obiectio de  
mentione  
Clericorum  
tantum ex  
suffragio.

Solvitur alia  
obsectio.

non ferenda sententia est, sed ex-  
quenda. Proinde quod in Laicis re-  
prehendimus, id multo magis in Cle-  
ricis oportet pradamnari. Universi  
dixerunt: Nemo contra Prophetas, ne-  
mo contra Evangelia facit sine peri-  
culo. Qui Prophetas cum Evangelis  
in usura damnationem apertissime  
consentire uno ( universi ) conten-  
tu judicant, ius sancti divinum, con-  
tra quod nemo, sive Clericus, sive  
Laicus, sive Afer, sive cuiusvis re-  
gionis vir, sine periculo animæ faciat,  
in novo quoque Testamento apertis-  
sime vixere definiunt. Hic autem ca-  
non iterum recognoscitur, & appro-  
batus in magna Carthaginensi Syno-  
do ann. 419., cui una cum Sedis Apo-  
stolicæ legatis interfuerunt Episcopi  
217., ab universa deinde, & Græcæ,  
& Latine Ecclesiæ susceptus fuit.  
Nam & Dionysianæ collectioni in-  
venitur insertus, quam & Romana,  
& Occidentalis adhibuit Ecclesiæ, &  
Græcæ etiam redditus cum aliis A-  
fricanis canonibus, ac per Ioan-  
nem Constantinopolitanum in No-  
mōcanonem traductus, non tam O-  
rientalis Ecclesiæ uoribus, & usu,  
quem Concilii Quini-sexti canones  
secundo approbatus fuit. Hoc ita-  
que Carthaginensium Patrum iudi-  
cium, quo divinum ius usuram aper-  
tissime interdicens asseritur, catho-  
licum totius Occidentalis, ac Orien-  
talis Ecclesiæ iudicium habendum est.

## §. III.

Ex SS. Athanasio, Hilario, Basilio,  
Gregorio Nysseno, Ambrosio,  
& Hieronymo.

Expof. in  
Psalm. 14.

14. S. Athanasius Christianorum  
Psalm. 14., ubi quaeritur: Domine,  
quis habitabit in tabernaculo tuo?  
exinde nos doceri ait, quibus mo-  
dis beatorum hunc finem consecuturi si-  
mus; singulaque eo in Psalmo de-  
scripta, Christianis ad salutem ne-  
cessaria ostendens, inter cetera no-

no loco recenset, si non fumeremur,  
ubi procul dubio ad illa ejusdem.  
Psalmi respicit: Qui pecuniam suam  
non debet ad usuram; quæ propte-  
rea eodem jure divino, quo olim  
Hebræos, nunc quoque Christianos  
obligare credidit.

15. Similiter Sanctus Hilarius  
exponens eundem Psalmum 14. n.  
25., admonitionem salubrem, qua om-  
ne vitium Propheta detergens, vi-  
tiosam quoque lucris cupiditatem in  
prohibitione usuræ avertit, ad Chri-  
stianos porrigit.

16. Quid dicam de magno Ba-  
silio? qui de jure divino aucto ex-  
plorare loquitur, ut de eo profite-  
atur Salmasius de usuris c. 10. p.  
624. Basilius porro inter Græcos Do-  
mini sermonem in Matthæo contra  
usuram facere interpretatus est, &  
componit eum cum præcepto Musæico,  
ut doceas tam veteri lege, quam no-  
va usuras prohiberi. Aperta sunt  
hæc ex illius Oratione adversus u-  
surarios: Hoc peccatum in plurimis  
Scripturæ locis vituperatur. Nam  
Ezechiel id in maximis malis recen-  
set, si sanus, & quidquam ultra  
fortem accipiamur. Et post alia ve-  
teris Testamenti loca, ex Evangelio  
subjicit: Dominus enim nobis palam  
præcipit: Ne mutuum avertas ab eo,  
qui ab te mutuum petit. Et in fi-  
ne sermonis cum veteri lege novam  
conjungens: Igitur a volente accipere  
mutuo, ne avertas, nec pecuniam  
tuam dederas ad usuram, ut tam ex  
veteri, quam ex nova lege, qua  
conducibilia sunt, edocui, bona cum  
spe ad Dominum emigres.

17. S. Gregorius Nyssenus 2.  
Basilio fratre distinguendus non  
est. Ille ergo in epist. canonica ad  
Letojum Melitenensem Episcopum.  
c. 6. Apud divinam Scripturam, &  
superabundantia, & usura sunt pro-  
hibita. Et in Oratione contra fæne-  
ratores, de divini mandato, omnem  
omnino viam prohibentem, ubi ser-  
monem futurum hanc in unum, ut  
diti-

divinis mandatis audiendæ operam. omnis, audierimus quomodo Prophetæ perisera fœneris germina, usuras, inquam, succidas, & ex hominum conspectu funditus evellas pecunia ad usuram elevationem. Nostrarum patrum erit morem gerere Prophetæ monitis, ne efficiamus illa pœna, supra quam cum jenen cecidisset, exarsit, autumque prælum prætulit. Deinde agitur: Divina quoque Scriptura, quæ nos ad omnem pietatem informât, ubique usuram prohibet. Et post pauca: Omnes accusant fœneratores, nec malo huic moderi queunt lex, Prophetæ, Evangelistæ. Et rursum: Habuisse legem, Prophetas, Evangelistas præcipientes; quibus sanè præceptum legis veteris, & Prophetarum, in Evangelis divino jure confirmatum insinuat. Tandem in fine cum nonnulli murrur in pauperibus existerent, minantes se deinceps ne illis quidem in necessitate mutuum daturus, si usura non liceat; nihil hinc terribus S. Doctor, divinum mandatum, cui nulla ratione contraire licet, rursum objiciens, concludit: Ego quidem primum dandum, & donandum esse prædico, & annuntio. Deinde ad mutuum quoque hortor; altera enim donationis species est mutuum; sed addo hoc dandum sine fœnore, & exaltatione usuraria, eoque modo, quo id divina oracula præcipiunt.

18. S. Ambrosius, qui in libro de Tobia omnem usuram prohibitam docet, cap. 14. Deuteronomii legem urget, affirmans: Non novum, nec persunctorium hoc malum est, quod veteris, ac divina præscripto legis inhibetur. Tum cap. 15. objicenti illa: Alienigena funerabis, Evangelicæ præceptum imprimis reponit, quod est plenum, quo scilicet omnes uti fratres habendi sunt: Frater tuus omnis, fidei primum, deinde Romani juris est populus. Tum ex Levitico testimonium subjiçiens, Generaliter, inquit, hæc sententia. Des omne sortis excludit augmentum.

Addit & Psalmistæ, & Ezechielis præcepta, quibus nos quoque ligari semper præsumit. Et cap. 16. auctum quidem, non diminutum, multo vero minus abrogatum veteris Testamenti præceptum late demonstrat; & c. 13. antiquum fœnerandi morem objicentibus, ad hoc venisse ait Christum, ut hoc quoque malum inveteratum aboleret. Culpa vetus est .... sed ideo Christus venit, ut inveterata aboleret, nova conderet, & quæ inveteraverat culpa, removeret gratia. Torus liber legatur, & de aperta Ambrosii sententia nemo dubitabit. Neque omittenda epist. 19. ad S. Virgilium Episcopum Tridentinum, ubi idem divinum jus ex Ps. 14. idem S. Archiepiscopus inculcat n. 4. Non dabis pecuniam tuam ad usuram, quoniam scriptum est: Qui pecuniam suam non dedit ad usuram, habitabit in tabernaculo Dei; nam ille supplantatur, qui usurarum captas emolumenta.

19. Ex S. Hieronymo satis erit recitare insignem locum in c. 12. Ezechielis: Et ad usuram non commoveris, sive, ut Septuaginta transferunt, pecuniam suam ad usuram non dederis. In Hebræo cunctarum specierum usura prohibetur; in Septuaginta tantum pecunia. Juxta quod & in quatuordecimo Psalmo scriptum, est: Qui pecuniam suam non dedit ad usuram. Et quomodo dicitur, fratri tuo non funerabis, alieno autem funerabis? Sed vide profeclum. In principio legis, a fratribus tantum sanus tollitur. In Prophetâ ab omnibus usura prohibetur, dicitur & Ezechiel: Pecuniam suam non dedit usuram. Porro in Evangelio virtutis augmentum est, præcipiente Domino: Funeramini his, a quibus non speratis recipere. Et paulo post, inter eos, qui non poterunt vivere, & in sanguine suo morientur, numeratur, inquit, dæne ad usuram pecuniam. .... & repentes ab his, quibus tribuit, amplius, quam dederas. In

his profecto S. Hieronymus divinum. jus per Ezechielem Hebraeis indictum apud Christianos vigere, & a Christo non deletum, sed perfectum prodit. Omnem etiam vel minimam usuram hoc eodem jure interdictam exploratissime pronunciat. Cum vero Patres Concilii Parisiensis ann. 819. lib. 1. c. 53., adversus usuram latissime differentes, insigni Hieronymi testimonium attulerint ex commentario in Psalmos, quod ab eodem certissime scriptum (ut idem ipse testatur in libro de Viris Illustribus, ubi affirmat se scripsisse in Psalmos a decimo usque ad decimum sextum) nullibi hactenus reperiri potuit, ejus verba a nullis observata, quæ propositum mirifice statuunt, hic apponenda sunt. Hæc autem illi Patres recitant ex commentario in Psalmum 14., ad illa: *Qui pecuniam suam non dedit ad usuram. Prima dicendum juxta literam, quod lex indigenis tantum, & civibus prohibuerit sonus imponi, & alienigenis jusserit funerari. David vero Evangelicum describens virum (quæ verba ad Christianos etiam utique spectant) & cum qui habitaturus sit in monte sancto Dei, hoc est in Ecclesia Dei, in cunctis generaliter fieri vituit.*

## §. IV.

Ex SS. Augustino, Paulino, & Joanne Chrysostomo; ex Auctore operis imperfecti in Matthæum, ex S. Leone, ac Theodoro. Canon Concilii Turonensis.

20. **S.** Augustinus. serm. 3. in Ps. 36. n. 6. *Nolo sitis funeratore, & ideo nolo, quia Deus non vult, etiamsi ego vellem, mala sua ageret, qui ageret. Unde apparet Deum hoc velle? Dictum est alio loco: Qui pecuniam suam non dedit ad usuram. Et iterum: Deus noster, qui te prohibet esse funeratorem; & dein omnem accessionem supra sortem usu-*

*re interdicit nomine explicat. In Psal. 128. n. 6. Noli funerare. Tu acceusas Scripturam dicentem: Qui pecuniam suam non dedit ad usuram. Non ego illud scripsi, non de oratione primum exiit; Deum audi. Serm. 38. c. 6. n. 8. Ego, inquit tibi Deus, qui te prohibui funerare, funeratus sum a te. Volebas enim favore crescere, & dabas homini, ut tibi plus redderet, quando accipiebas gaudens, & reddebas plorans. Hoc volebas, & ego prohibebam. Dixi enim: Qui pecuniam suam non dedit ad usuram. Prohibebam te a favore. Et serm. 86. n. 4. Certe si eses funerator, objurareris ab Ecclesia, confutareris verbo Dei. Tandem lib. 4. de Baptis. n. 12. p. inter avaritiæ crimina, quæ ex Cypriano commemorat, ponit: Usuris multiplicantibus funus, idest sortem, augere; idque crimen in Scriptura aperte damnatum, minimeque obcurum affirmat. Hic enim nulla est quasi quævis obscuritas. Aperte Scriptura clamat: Neque avari, neque rapaces regnum Dei possidebunt, & qui pecuniam suam dedit in usuram, subauditur regnum Dei non possidebit.*

21. S. Paulinus epist. 32. ad Servum n. 19. *Quanto amplius est, inquit, Dominum, quam hominem, funerare. Damnatum in lege qui pecuniam suam dederit ad usuram, & munera super innocentem acceperit. Ecce Evangelii gratia ostendit nobis, quomodo eadem crimina ad innocentiam, sanctitatemque mutantur; neque pœna, sed præmiis retributione consequatur, si tantum in præcepta divina salutaris cupiditatis fidei convertantur. Da ad usuram pecuniæ tuas, sed Christo, & salutaris usura est. Palam est hoc loco S. Paulinus ex Psalmum veram usuram referre inter crimina; innocentiam vero, & salutarem illam solum usuram habere, quæ per elemosynas Deo foeneratur.*

22. S. Joannes Chrysostomus in sermone de utilitate lectionis sacræ Scripturæ tom. 3. novæ edit. pag. 81. Christi-



Christi talentorum nobis creditorum fructum, & usuram exigentis economiam ita laudet, ut eundem simul pecuniae usuram nobis prohibentem commendet: O magnam, & ineffabilem Domini benignitatem! Qui hominibus prohibet usuras ne exigant, ipse exigit usuras &c. Rursum hom. 4<sup>a</sup>. in c. 17. Genesios 2. Vide humanitatem Domini. In his sensibilibus pecuniis prohibuit, ne quis usuram acciperet. Et post pauca, indignum habens, si Christianus in hoc Iudae inferior inveniat, confirmatam procul dubio veterem legem in Evangelio certum praesumit: Ab initio olim Deus Judaei. crassioribus tale dedit praeceptum, dicens: Non faveris fratri tuo, & proximo tuo. Qua igitur excusatione digni erunt, qui Judaei sunt inhumaniores, & post gratiam, & tantam a Domino benignitatem, inveniuntur iis, qui sub lege fuerunt, inferiores, immo peiores? In cap. 17. Matthaei hom. 36. al 57. Non audis, quia usurae in veteri etiam Testamento prohibentur? Etiam, inquit, propterea scilicet, quod multo magis prohibenda fuerint in novo. Enimvero insignis in hanc rem est ejusdem homiliae locus, ubi S. Doctor, postquam usuram divina lege vetitam tradidit, ex ipsis humanis legibus argumentans, haec subdit: Et quid legem Dei memora? An non vos ipsi sordes illud esse dicitis? (hoc respicit communem ipsius vulgi sensum, quo scenus inter lucra sordida, & turpia censetur, ut dicemus pluribus la. 5. c. 2. §. 1.) Si autem vos, qui lucrum refertis, ita statuitis, cogita. quam Deus de vobis feret sententiam? Quod si velis externos legislatores audire, audies illos id extrinsecus impudentia esse putare. Certum est, qui dignitates occupant, quique Senatorum magnam constituant, non licet huiusmodi lucro abhorreri: sed lex apud illos est, qua id prohibet. Quomodo igitur non horrendum fuerit, si non parum Caesari Civitatis

honorem tribuas, quem legislatores Romanorum Senatui tribuunt. Notat Gothofredus hanc homiliam recitaram fuisse ante an. 405., in quo Arcadius semissem usuram Senatoribus permisit. Ante hunc vero annum omnis usura iisdem erat interdicta, ipsis Romanis legibus, ut in hac homilia traditur. Hinc quidem debitorum usuras recusabant solvere vel illis, qui aetate minores erant, quia Senatoria eos dignitate praeditos esse testabantur, uti ab eodem Imperatore scriptum fuerat in alia lege anni 397. Si ergo Chrysostomus censuit Christianis non minorem legem a Deo positam, quam quae ab humanis legislatoribus Senatui data erat: sicut nulla nec minima usura Senatoribus eo tempore erat permissa per humanam legem, ita nulla quoque vel minima usuram Christianis a Deo permissam, ac proinde usuram omnem divina lege iisdem vetitam credidit. Hinc hom. 15. in eundem Matthaeum n. 18. alienum a praeceptis Christi ostendit, qui usuras capere: Non audisti quilia, & quanta Christus iusserit? Quando ergo poteris vel unum ejus implere praeceptum, cum, missis omnibus, circumeas usuras colligens &c.

23. A. S. Joanne Chrysostomo non separandus antiquus Auditor operis imperfecti in Matthaeum, quod eidem Chrysostomo tributum fuit. Is autem hom. 12. in c. 5. Matthaei, generalem Chr. sti legem, quae usuras vetat, his verbis proponit: Ergo jubet Christus mutuum dare pecuniam, non tamen sub usuris.

24. S. Leo Magnus ferm. 16. al. 6. de jejunio dec. mensis c. 2., usuras, & usurarios damnans, quo jure damnet, exponit c. 3. Quid enim de huiusmodi hominibus sentias Deus, sacratissimus Prophetas David manifestat. Qui cum diceret: Domine, quis habitabit in tabernaculo tuo, aut quis requiescet in monte sancto tuo? responso divinae vocis insistentur, & cum ad eternam requiem per-

partimere augmēsit, qui inter alias pēg conversionis regulae pecuniam suam non dedit ad usuram; & a tabernaculo Dei offenditur alienus, & a sancto monte ejus extraneus, qui dolosum quēstium de pecuniā suā capiat usuris.

25. Theodoretus in Psal. 34. Notandum est non modo novi Testamenti perfectionem, verum etiam legis statum servus damnare. En in novo Testamento, quod majorem perfectionem impetiat, damnatam facitur usura, quae in legis statu multo inferiori vetita fuit.

26. Concilium Turonense ann. 461. can. 23. etiam de solis Clericis loquatur, legem tamen divinam, & manifestam proponit, quae ad omnes, etiam Laicos, pertinet: *Illud etiam, inquit, secundum Scripturarum auctoritatem, vel Patrum constitutionem addendum credidimus, ut ne quis Clericus, qui negotiandi studium habere voluerit, usuras accipiat, quia scriptum est: Qui pecuniam suam non dedit ad usuram; & alio loco: In plateis ejus usura, & dolus. Manifestum est enim beatitudinis non posse consequi gloriam, qui a praeceptis divinis deviarit.*

## S. V.

*Cassiodori, Martini Episcopi Braccensis, Justiniani Imperatoris, Antiochi Palestini, S. Joannis Damasceni, Firmini Abbatis, Oratoris Ecclesiasticus, Concilii Chalcentis, & duorum Capitularium testimonio.*

27. **E**X seculo sexto Cassiodoriarum profero, qui commentarium scribens in illa Psalmi 34. *Qui pecuniam suam non dedit ad usuram*, ait: Dubius modis in Scripturis sanctis pecunia probatur intelligi. Una est ista metallica, quae ad usuram dari omnino prohibetur, quoniam vitium cupiditatis est exigere,

velle, quod te neficias commodasse; in quibus veterem prohibitionem in Psalmo expressam adhuc obligare censuit.

28. Martinus Braccensis Episcopus, inter capitula ad Hispanicarum Ecclesiarum institutionem collecta post medium seculum sextum, c. 61., ex Nicæno Concilio usuram lege divina interdictam probaturus, memorat Psalmi auctoritatem adducit: *Sed quis oblitus timorem Domini, & Sanctam Scripturam, qua dicit: Pecuniam suam non dedit ad usuram, post hanc cognitionem magni Concilii foverit?* &c.

29. Mirum videbitur, si ex ipso Imperatore Justiniano, cujus Christiani Principis leges de usuris in usurarum patrocinium ab adversariis allegantur, hoc divinum jus confirmare possim. Id patam colligitur ex Novella 71. c. 6. Cum antiquis legibus tantum fuisset, ut tutores, & curatores pupillares pecunias utiliter collocarent in emendis praediis, vel, si horum idonea deesset occasio, in faenore, cujus exactio ad tutoris, vel curatoris periculum pertineret, ille novella constitutione sancivit nullam necessitatem ex legibus esse curatoribus minorum pecunias foverare, sed caute reponere, & reservare. Quid autem Justinianum moverit ad hanc foverandi necessitatem submovendam, ipse his verbis reponit: *Quoniam videmus curatores, quicumque Dei memoriam habent, ad curam diffidentius accedere (nam pluribus volens ea, quae minorum sunt, impie in se vertere, amabilis est res, & appetibilis) videmus autem praecipue difficilem esse curatorum causam propter foverarum necessitatem.* Hæc ergo iterandi necessitas, cum viros probos, ac pios, Dei, seu divinae legis memoriam gerentes a suscipienda cura removeret; Justinianus, ut his, & minoribus simul consuleret, eam foverandi necessitatem exclusit. Nonne hinc claret divina lex, quæ foris humana lege nedum permiscum,

Leg. 24.  
Cod. de ad-  
ministr. tu-  
torum, &  
curator. &c.

fem, sed etiam præceptum damnavit, viros pios a cura retrahebat? Nonne horum pietatem, atque sententiam Imperator iustam probavit, qui nihil in eo cogendum, sed antiquum potius legem abrogandam duxit?

30. Antiochus Palæstinus Morachus ex S. Sathæ Tarsus binitium seculi septimi, apertum divini juris testimonium prodit, hæc de usurariis scribens hom. 12. *Qui usuras exercent, non abs re, cum execrabiles, & strigosi nominatim perstringuntur. Sunt plane coram Deo, & hominibus abominatissimi, cum in genere nulli non Christiano interdictum sit artificie quovis exercentur usura, sicut & de iniqua illa Civitate ait Propheta: Non desecit de plateis ejus usura, & dolus; cum interim iusto hoc elo- gium reddat: A centum suum non dedit ad usuram. Item Ex usura, & iniquitate re imet animas eorum. Paucissimæ quoque: Qui multiplicat divitias suas cum usuri, & abundantius, utique ei congregat, qui miseretur pauperis. Item: Usuram, fecer usuram, & delum super dolum. Lex præscribit dicens: Fratri tuo non dabis ad usuram argentum, aut ei- bus, aut rem quæcunque. Rursus: Argentum tuum non dabis ad usuram. Ut ad superabundantiam non dabis ei- bus tuæ . . . . Auctoritate igitur persuasi, Fratres, Scriptura divina, ab inexplebili illa cupiditate con- gendi divitias avocemus mentem: tan- gissime submovemus nos ab execrabili propterea usurarum excogitatione. Quid est auctoritas divina Scriptura, nisi divinum jus?*

31. S. Joannes Damascenus æ- deo jure divino sanus prohibitum habuit, ut in Parallelis læris he. D. tit. 9. tom. 2. pag. 430., tex- tus Scripturæ sacræ contra fœnerato- res incutit, nonnullaque ex S. Ba- silio, ac Nysseno exceperit restrin- genda, quibus idem divinum jus continetur.

32. Circa idem tempus Pirmi- nus Abbas Gnsfledensis in libello de,

*singulis libris Canoniceis*, quem Ma- billonius in Anecdoris edidit pag. 68. noviss. edit., egregium divini juris testimonium, tum ex veteri, tum ex novo Testamento præbet: *Usuras nullus presumat accipere, quia Dominus ait: Non fœnerabis fratri tuo ad usuram &c. Et iterum: Si attenuatus fuerit &c. Et Dominus in Evangelio: Qui petis a te, dach, & volens mutuas a te, ne aver- taris.*

33. Doctissimus Cardinalis Tho- mas in præclara Psalterii editio- ne singulis Psalmis antiquissimas o- rationes subiecit ex Mss. Vaticanis, quarum Auctorem antiquiorem fuisse seculo saltem VIII. in præfatione af- firmat. In oratione autem Psalmo 14. subiecta, divinum præceptum us- uram verans explorate aliteritur: *Concede nobis, piissime Deus, sine macula ingredi Ecclesiam tuam, & aver- te nos a dolis proximi, & usuris: ut dum hac secundum tuum observa- mus præceptum, non commoveamur ab- gnulis suppliciiis in æternum. Per Do- minum Jesum Christum. Notanda so- cundum tuum observamus præceptum. Quæ oratio, cum in Ecclesiis ex an- tiquo more post Psalmum recitare- tur, hoc testimonium non unius au- ditoris, sed plurium Ecclesiarum te- stimonium est.*

34. Venerabilis Beda, præter il- la, quæ de divino jure profert in- explicatione Psalmi 14., & Psal. 52., hæc expresse in Psal. 36. v. 22. *Non enim vult Dominus te esse fœnerato- rem, qui per Prophetam suum, illum inter milites describit suos, qui pec- uniam suam non dedit ad usuram.*

35. In Concilio Anglicano Chalcutensi habito ann. 737., præ- sidentibus Adriani I. Legatus Gre- gorio Hostersi, & Theophylacto Tardentino Episcopus. idem divinum jus agnatum fuit. Ex Legatorum e- nim relatione de gestis in eodem Concilio, hæc de iuris c. 17. san- cti a traduntur: *Usuras quique præ- hibuimus, dicente Domino ad David,*

*dignum fore habitatorem tabernaculi sui, qui pecuniam suam non dederit ad usuram.*

36. Addendum ex Caroli Magni Capitulari l. Aquisgran habito an. 789. cap. 5. omnibus inscriptum, idest tam Clericis, quam Laicis: *In eodem Concilio Nieano, seu in decretis Papa Leonis, nec non & in canonibus, qui dicuntur Apostolorum, sicut & in lege ipse Dominus praecepit, omnino omnibus interdictum est ad usuram aliquid dare. Nec omittendum Capitulare V. anni incerti, sed anno circiter 813. habitum, in quo c. 2. scriptum est: Usura, a qua & Deus prohibet, & omnis Scriptura divina. Capitularia ejusmodi in Synodali conventu, & generali placito fanciebantur, ubi Episcopi cum Abbatibus, & Duces cum Comitibus conveniebant. Quae autem hic ferebantur decreta, omnium consensu, & subscriptione firmabantur; eaque tanti habitae fuere, ut ex iisdem multa, nemum Canonum collectores in suas collectiones, sed & ipsi Romani Pontifices Innocentius III., & Gregorius IX. in suas constitutiones transtulerint. Maximi igitur memorarum Capitularium testimonia habenda sunt, quibus usura quolibet divino jure reprobata perspicue asseritur.*

#### §. VI.

*Hayta, Synodus Parisiensis, Benedicti Levita Capitularis, Concilium Ticinense, Ulfadus, Rodulphus Bituricensis, & duo Imperatores Graci, Basilus Macedo appellatus, & Leo sapiens, idem divinum jus testantur.*

37. **T**raditionem seculi IX. incipiam ab Haytone Basilensi Episcopo, qui circa ann. 822. in Capitulari c. 17. *pradicari iussit a Sacerdotibus, ut nullus usuras accipiat, hac ratione, quia valde in-*

*delis, & rebellis Dei iussionibus est, qui hoc agit, quod omnibus Christianis interdictum dignoscitur. Nota Dei iussiones.*

38. Concilium Parisiense, ex Provinciis Rhemensis, Senonensis, Turonensis, ac Rothomagensis habitum an. 819. l. 1. c. 33., *multiplices usurarum adventiones, tanquam vitium Deo execrabile, reprobatur, quia eo praeceptis ejus resultatur, & miseria humana praecepta divina transgrediens augmenta damnationis preparatur, & quod scilicet quidam Clericorum, & Laicorum obliiti praeceptionis Dominica, qua dicitur: Pecuniam tuam non dabis ad usuram, & frugum superabundantiam non exiges. Ego Dominus Deus vester; instantam turpissimi lucri rabiem exarserunt &c. Et iterum: Dominus, & in legalibus, & in Prophetiis oraculis usuram fieri minaciter, atque terribiliter inhibet: & praesumptio humana a summo Creatore prohibita perpetrare ad sui discrimen non metuit. Tum recitatis testimoniis ex veteri Testamento, quae nos quoque ligare praeseruntur, concludit: De usuris non faciendis, & de misericordia, fratribus impedienda supersunt copiosa utriusque instrumenti documenta.... qua sectatores usurarum non vidituros, (apud Ezechielem) neque in monte sancto habitaturos (apud Psalmistam) sed potius quae immisericordes extiterunt, cum purpurato, & avaro divite penas affirmant luxuriosos.*

39. In Capitularium compilatione Benedicti Levitae sub hocce tempus lucubrata, quam & Germani, & Galli usu receperunt, ut observavit Baluzius in praefat. Capitular. n. 46. l. 6. c. 5., ex Deuter. 23. haec proponuntur: *Non fenerabis fratribus pecuniam ad usuram, nec fruges, nec quamlibet aliam rem. Et capitulo 204. Quoniam venerandi Canones, & divina prohibet auctoritas usuras accipere.*

40. Concilium Ticinense, vul-

go Regiaticum appellatum, an. 850. coactum, can. 21. hac habet: *Quia* *terribiliter prophetens sermo minatur ad usuram dantem, & amplius accipientem, in aeternum non esse visurum, & non habitaturum in tabernaculo Altissimi, nec requieturum in monte sancto Dei, censemur &c.*

41. Ulfadus Archiepiscopus Bituricensis in pastorali Epistola ad parochos, & parochianos, id est etiam laicos, scripta circa an. 870., & in *Analethi* Mabillonii edita pag. 102. novissimæ editionis: *Abusus etiam*, inquit, *vos obliuiscite*, sciensque hoc non leve peccatum esse, cum dicitur in lege: *Ad usuram non facieritis*.

42. Rodolphus, qui eodem seculo IX. Bituricensem pariter regibat Ecclesiam, in Capitulari c. 33. Nec ad usuram aliquid dent, quoniam ab ipso Domino in lege interdictum est ad usuram aliquid dare.

43. Duorum quoque Imperatorum, Basilii patris, & filii ejus Leonis sapientes, insignia sunt testimonia, quippe quæ usuram ita divino jure interdictam produunt, ut ex sola tolerantia, ob creditorum durtiem, leges usuram taxantes editæ fuerint. Verba Basilianæ legis, apud Harmenopolim lib. 3. tit. 7., hæc sunt, licet omnes libri Leoni illa, perperam adscribant, ut Salmasius notavit: *Et si majorum nostrorum plevisque visum est tolerandam esse usurarum prastationem, forte propter creditorum durtiem, & inhumanitatem; nos tamen ut nostra Christianorum Republica indignam, & aversandam censuimus, tanquam divino jure interdictam. Ideoque nostra vetat Serenitas, ne cuiquam omnino in ullo negotio liceat usuras accipere, ut ne, dum juri servando studiosius additi sumus, legem Dei violemus. Nihil præclarius.*

44. Etsi vero Leo sapiens ejus filius, ex eadem durtie hominum, qua antiqui Imperatores fœnus toleraverunt, adductus fuerit ad paternam legem cassandam, divinum

tamen jus a patre agnitione confessus fuit. Sic enim ille Novel. 83. *Si a spiritus lugubis ita se mortale genus regi faceret, ut humanis præceptis nihil indigeret, id vero & decorum, & salutare esset. At quoniam se ad spiritus sublimitatem elevare, divinaque leges vocem complere non cussusque est; ac vero quos hæc virtus deuat, numero valde pauci sunt; bene adhuc se res haberet, si saltem, secundum leges humanas viveretur. Qua vocantur pecunia credita usura, ubique a spiritus decretis condemnantur. Id sciens Pater noster, æterna memoria Princeps, usurarum solutionem sanctione sua prohibendam putavit. Atque propter paupertatem rer illa, non in melius (quem tamen suam legislator sibi proposuerat) sed contra in pejus vergit. Qui enim antea usurarum spe ad mutuandam pecuniam prompti fuerant; post latam legem, quod nihil lucri ex mutuo percipere possint, in eos qui pecuniis indigent diffisiles, atque immites sunt. Quin etiam ad facile jurandum, quodque id fere consequitur, ad iurjurandum abnegandum id occasionem præbuit. Brevis propter redundantem in humana vita necessitatem, non modo non profuit legis virtus, verum obfuit. Quamquam igitur ex se legem culpæ (quod quidem etiam absque) nequimus; propiores tamen quod humana natura (quomodo diximus) ad illius sublimitatem non perveniat, egrégium illud præscriptum abrogamus. Salmasius divinum jus, ac divinam legem hæc Leonis Novella confirmari vidit, errorique Imperatori tribuit, si de novi Testamenti lege intellexit. At sive de Mosaicâ, sive de Evangelicâ lege intellexerit; certe divinam legem, quæ in novo quoque Testamento etiam Christianos obliget, uterique Imperatores testantur; errorique potius Salmasio vertendum est, qui, si non Evangelium, saltem tam apertam, & constantem omnium seculorum traditionem audire, & intelligere noluit.*

Post præfat.  
lib. de Ulu-  
ria.

In nota post  
præfat. I. de  
Usuris huic  
legi subjecta

## §. V I I.

Theophylactus, S. Bruno Carthusianus,  
Zonaras, & Balsamon. S. Bruno  
Assensu, dua Concilia Lateranensis,  
Alexander III., Urbanus III., & Innocentius III.

45. **S**I ex decimo seculo nullum. Testem proferimus, scriptum ejus ævi raritas in causa est. Solus enim Rotherius Episcopus noster usuræ meminit, quam etiam ex traditione priorum temporum damnat, non tamen expressum divini juris testimonium ponit, ut præfens disputatio postulare. Ex scriptoribus autem seculi XI. primus prodeat Theophylactus Archiepiscopus Acridensis, qui in c. 5. Matth., ad illa verba: *Petenti abs te da, & volenti a te mutuum accipere, ne averferis*, ut probe Christum perfectiora præcepisse, quam quæ in veteri lege præscripta fuerant, primo observat in lege veteri *absque usura mutuum datum*, idemque esse in lege Evangelica, in qua Christus *mutuum non cum funere dedit*. Deinde perfectionem Evangelii in eo sitam animadvertit, quod nemini mutuum negandum est, sive amicus, sive inimicus, sive etiam infidelis, in quo Hebræorum præjudicium emendatum a Christo fuit, ut nihil tamen in divina lege focus vetante immutatum sit. En ipsam Theophylacti in ea Christi verba notationem: *Sive amicus, sive inimicus, sive infidelis, sive pecunias petat, sive auxilium aliud. Mutuum autem non cum funere dedit, sed simpliciter usum. Nam & in lege absque usura mutuum dabatur*.

46. S. Bruno Carthusianorum. Infitutor, sub finem ejusdem seculi XI. explicans Psal. 14., ut adversus usuras ejusdem Psalmi auctoritate disserit, ut idem divinum Psalmi jus adhuc vigere, & ad innocentiam per-

tinere non dubitet: *Ille habitabit, & requiescet in tabernaculo Dei, qui pecuniam suam non dedit ad usuram, quod ad innocentiam pertinet*.

47. Seculi XII. traditionem a Græcis, quamvis Schismaticis, exordiar, ut appareat eos hac in re eandem cum Latinis doctrinam tenuisse. Zonaras, qui ineunte seculo sub Joanne Comneno summus honores obtinuit, in Canonem Nicænum adversus usuras latum, hæc notat: *Fenus veteri quoque lege vetitum universe fuit. Dicit enim: Pecuniam fratri tuo non funerabis. Quod scilicet illam perfectæ lex sancit, multo magis nostra, qua perfectior est, & spiritalior. Ecce enim aliquid templi amplius est hic. Et in can. 5. Africanus codicis observat, Africanos Patres, dum usuras interdixere, respexisse præsertim ad librorum sacrorum præcepta, quale illud est, inquit, non dabis fratri tuo pecuniam ad usuram, & quacunq; aliusmodi reperiuntur. Et post pauca: Ad hac Synodus neminem adversus Prophetas, neminem adversus Evangelia sine periculo fessis pronuntiavit: quod quidem ita accipiendum est: Quoniam, inquit, & veteri Testamento (id namque per Prophetas indicare) & novo (quod per Evangelium intelligi volunt) funerari ne liceat, interdiktum sit; neminem, qui contra ea quidquam admisit, a periculo immunem esse, verum de dignitate in periculum venire, hoc est, depositione multari placet.*

48. A Zonara non disjungendus Balsamon, item Schismaticus, qui sub ejusdem seculi finem in canonem Epistolæ canonicæ S. Gregorii Nysseni ad Letojum hanc annotationem posuit: *In divina Scriptura, & fenus, & usura, & perpetuitas alicujus aliena sua venire possessor prohibita sunt. Nicolai Cæsariensis testimonium suo loco inferius recitabimus. Ad Catholicos redeamus.*

49. Petrus Blesensis ejusdem deo-  
decimi seculi auctor, in Epistola, seu  
potius Opusculo de Poenitentia pari-  
3. nonnullos reprehendens, qui con-  
tra praeceptum legis infirmo commodant  
ad usuram, divinum utique praecep-  
tum legis intelligit; unde etiam  
Epist. 91. ad Rodolphum Lexovien-  
sem usurarium, uti appellat, publi-  
cum, hunc detestari a fœnore, quod  
gravissime detestatur, qui omnia,  
qua habes, tibi commodavit, & nunc  
in pauperibus suis sibi postulat com-  
modari; ubi Deum adversantem, &  
prohibentem usuras aperissime in-  
dicat.

50. S. Bruno Astenfis, & Signi-  
entium Episcopus seculo XII., cisi  
Scripturam sacram ita fere exponat,  
ut sensum aliquem spiritalem in  
omnibus etiam moralibus sapissime  
quaeras; tamen exponens Ps. 14., hanc  
methodum, de usura agens, non an-  
te aggreditur, quam illam juxta  
litteram, idest eodem divino jure,  
magnum peccatum esse affirmet. Sic  
enim loquitur: *Qui pecuniam suam  
non dedit ad usum.* Hoc enim &  
juxta litteram magnum peccatum est.  
Aperius autem in illa Deuteronom.  
Extri tuo absque usura &c., utro-  
que Testamento usuras damnatas pro-  
fitetur: Non minus in novo quam in ve-  
teri Testamento generatores damnantur.

51. Concilium Lateranense II.,  
quod generale passim agnoscitur,  
sub Innocentio II. coactum ann. 1130.  
c. 13., usurariam pravitate[m] divinis,  
& humanis legibus per Scripturam  
in veteri, & in novo Testamento ab-  
dicatam declarat.

52. Similiter in generali La-  
teranensi III. a tercentis & decem  
Episcopis habito ann. 1170., Alexan-  
dro III. praesidente. c. 35. usuras ut-  
riusque Testamenti pagina condemnari  
definitum fuit: non quod ullus  
contrarium doceret, sed quod sum-  
ma ignorantia, vel negligentia hu-  
jus certissimae doctrinae oblivienem,  
vel inconsiderantiam induxerat. *Quia in omnibus fere locis crimina-*

*usurarum ita inolevit, ut multis u-  
litis negotiis praececessit, quasi licite  
usuras exerceant, & qualiter utri-  
usque Testamenti pagina condemnem-  
tur, nequaquam attendant, ideo &c.*

53. Porro idem Alexander III.  
in rescriptis, quorum Capitula lau-  
dato Concilio apud Labeum subje-  
cta reperies, eandem divinam legem  
saepius appellat. *Usurarum cri-  
men detestabile plurimum, & horrendum,  
Deo & hominibus abominandum,  
& utriusque Testamenti pagina  
condemnatum prodit cap. 1. 7. &  
40., & in Epistola ad Panormitanum  
Archiepiscopum, quae l. 3. decreta-  
tium cap. Super, de Usuris, infer-  
ta est: Cum usurarum crimen utri-  
usque Testamenti pagina detestetur.*

54. Urbanus III., cum a quo-  
dam Brixien[s]i presbytero circa ann.  
1186. de nonnullis casibus usurae sus-  
picionem afferentibus interrogatus  
fuisset, can. Consultuisti, de Usuris  
respondens, jus divinum & ex E-  
vangelio, & ex veteri lege tollit:  
*Verum quia quid in his casibus  
tenendum sit, ex Evangelio Luca ma-  
nifeste cognoscitur, in quo dicitur:  
Date mutuum, nihil inde sperantes;  
hujusmodi homines, pro intentione lu-  
cri, quam habent (cum omnis usura,  
& superabundantia prohibetur in  
lege) judicandi sunt male agere &c.*

55. Innocentius III., electus  
ann. 1198., de divino jure sic scribit  
Epist. 399. lib. 1. ad Archiepiscopos. &  
Episcopos, aliosque Praelatos Galliae  
Quanto peccitiosum sit vitium usura-  
rum, discretione vestram non  
credimus ignorare, cum praeter confi-  
rimationes canonicas, qua in eorum o-  
dium emanarunt, per Prophetam de-  
que intelligi, eos, qui suam dant  
pecuniam ad usuram, a tabernaculo  
Domini repellendos; & tam in no-  
vo, quam in veteri Testamento pro-  
hibita sunt usura, cum Veritas ipsa  
praecipiat: *Mutuum date, nihil inde  
sperantes; & per Prophetam dicatur  
Usuram, & omnem superabundan-  
tiam non accipias.*

## S. VIII.

## Monumenta XIII. &amp; XIV. seculi.

36. **I**n neunte seculo XIII. habitum fuit Avenionense Concilium, Hugone, & Theodosio Apostolice Sedis Legatis presidentibus, & can. 3. divinum jus sic asseritur: *Licet ad extirpandum usurarum vitium utriusque conveniat pagina Testamenti &c;* quibus similia leguntur in Albienſi Concilio ann. 1154. cap. 62.

37. In Narbonensi Synodo ann. 1127. c. 1. *Cum a Domino generaliter prohibeantur usura.*

38. Senonenſe Concilium ann. 1169. can. 7. *Usura, quam utriusque Testamenti pagina detestatur.*

39. Pictaviense an. 1180. *Usuras utriusque Testamenti pagina detestatur.*

60. Herbipolense ann. 1187., praesente Rodolpho Imperatore, ac multis Principibus celebratum, c. 23. *Usurarius alius, & divinus, & humana lege fuit novimus exprobratus.*

61. In jure provinciali Alemnico, quod seculo tertio decimo compactum creditur, cap. 331. divinum jus explorare asseritur: *Deus, & Imperator Carolus, & Papa Leo prohibent, ne quis Christianorum usuras accipiat.*

62. Patarchi, qui, ut in praefatione meminimus, omnium primi usuram divina lege veritam non agnoscentes, docere pertinaciter coeperunt, *usuram non esse peccatum*; etsi superiori seculo devicti fuerint, eum tamen errores suos caute occultarent, serius tantum (hoc scilicet seculo) hic ipsorum error innotuit, quem statim notarunt, & confutarunt coevi certissimi auctores, quorum in eadem praefatione mentionem fecimus. Adversus hos autem haereticos, ut arbitror, edita fuit Viennensis oecumenici Concilii definitio an. 1311., in qua cum *asserentes pertinaciter, exercere usuras non esse peccatum, velut haereticos*

*eticos esse puniendos* praecipitur, haereticis, idest catholico dogmati contrarius hic error judicatus fuit; ac proinde usuram damnari divino verbo, cui haereticis opponatur necesse est, ejusdem Concilii Patres credidere, uti sane in antecedentibus ejusdem Concilii verbis, usuram, contra jura divina esse, expresse declaratum legitur: *Ex gravi ad nos insinuatione pervenit, quod quorundam communitates locorum, in offensam Dei, & proximi, ac contra jura divina pariter, & humana, usurariam approbantes quodammodo pravitate*

63. Hinc sane Philippus IV. Francorum Rex, qui eidem Viennensi Concilio interfuit, non solum eodem ann. 1311. in edicto apud Montem Argivum dato Mense Januario, *usuras a Deo prohibitae asfirmavit*, sed iterum in Statuto Pificensi edito die 8. Decembris anni sequentis scriptum voluit: *Reprobamus, & prohibemus quolibet genus usurarum, quantalucunque sint, sicut lege divina, secundum doctrinam Sanctorum Patrum, prohibita sunt.*

64. Concilium Ravennatenſis provinciae Bononiae coadum an. 1317. c. 15. *Usurarum voraginem utriusque Testamenti pagina reprobatae pronunciat.*

65. Circa medium hoc seculum Nicolaus Cabasilas Thessalonica Archiepiscopus, licet adversus Latinos, & potissimum contra S. Thomam, male animatus, non aliter tamen de usura vetandae jure prodidit, quam quod Graeci aequae, ac Latini per traditionem susceperant. Id apparet manifeste ex praefata, ejus contra seneratores oratione, in qua eos quidem confutat, qui nullam usuram exigere perfectionis, atque consilii esse vulgari errore putabant, non autem praeepti. Hoc autem praeeptum adhuc vigeat ex veteri Testamento primum statuit; tum vero hoc idem divinum



nom jus in novo Testamento multo magis valere his verbis ostendit: *Si seniori dare Hebraei crimini fuit, quibus multa nobis vitia indulgebantur; quia pama ab istiusmodi lucrum Christianos manebunt, quibus & consistere in vetustis culpa est, & scriptam legem iustitia non superare est regno colorum excedere...* Et adhuc audebis quis usuram a crimine immunitatem statuere? Nonne hæc contra Novatores ex proposito scripta videntur? Mitto reliqua, quibus semper ex divina lege, cui parendum est, omnes objectiones rejecit. Hæc satis ex seculo XIV. Superfluum porro est plura ex sequentibus seculis congerere, cum usuram utroque Testamento prohiberi, simileve locutiones, veluti quædam receptæ formulæ, in Ecclesiasticis posterioribus monumentis passim occurrant.

## §. IX.

*De Scholasticis, & Canonistis, ac de posteriori Ecclesia fide. Non novitas hic postrema temporibus Catholicis, sed ab adversariis usurarum patronis inventa circa doctrinam de usura.*

66. **M** Iratus fortassis eris, quod superiori paragrapho, in qua ab ætate Patrum, ad Scholasticorum, & Canonistarum ævum perveni, neminem istorum, qui tamen in traditionis testimonio ferendo Patribus succedere, testem adduxerim. Volebam initio recitare aliquos; at dubius, quem eligerem, nec recitare omnes possem, nisi essem infinitus, hoc consilium abjeci, cum præsertim id necesse non sit; hos enim omnes idipsum docere vel adversarii norunt, atque concedunt: Illi omnem omnino usuram Christiano interdixit volunt, quia jure divina vetitam omnes putant. Sic de Catholicis juris Pontificii interpre-

tibus affirmat Salmasius, quod præterque de Theologis, ceterisque Catholicis, & antiquis, & recentioribus dicendum ipse pariter monet: *Certum est porro omnes, qui quandocumque usuras esse illicitas crediderunt, non alio fundamento sapum interdictionem superstruxisse, quam quod putarunt verbo divino, id est divino jure, esse vetitas.*

67. Unum vero est, quod omitendum hoc loco non videtur. Quidam usurarum patroni, ut se a novitate alienos præferant, novitatis vitium in Scholasticis invexerunt; ac si isti subtilibus Scholasticis argumentationibus theologicas questiones definire aggressi, eas circa usuram rationes excogitarint, quæ ex ejus ætatis ingenio plausibiles, antiquum de usuris dogma mutarint. Tum vero rationes ab ipsis allatas adversus usuras expendentes, cum eas discrepantes inter ipsos Scholasticos, nec omnino efficaces, vel etiam inanes prebere contendunt; tum vero non dogmaticam, sed mere scholasticam exinde sententiam, quæ non satis tuto fundamento nititur, colligentes, mutati, vel corrupti antiqui dogmatis suspensionem magis probabilem efficiunt. Hæc autem calumnia Scholasticis impatiens satis exsufflatur ex dictis. Si præcedentium seculorum testimonia, atque traditio propoita non fuisset, vuda hæc adversariorum obiectio dubitationem aliquam fortassis posset ingerere. At cum propositi totius antiquitatis testes, de divino jure usuram prohibente, perpetua & constanti traditione, fidem faciant; Scholasticos, qui non aliam, sed eandem doctrinam prodidere, nihil inexistisse novum, mutasse nihil, manifestissimum est; sed quod intemerat in Ecclesia, tenuisse; quod didicerunt, docuisse; quod a Patribus acceptum, hoc tradidisse, ut de nonnullis antiquis Patribus testatus est Augustinus l. 2. in Iulianum c. 9.

68. Neque refert, quod de infom-  
rum

rum rationibus adversarii ob-  
iungunt. Neque enim ex rationibus illi-  
ducti fuerunt in eam antiquorum  
sententiam, sed in hanc inducti ex  
Scriptura, ac traditione, quam in  
Ecclesia invenerunt; rationes autem  
mere in subsidium excogitarunt, ut  
rationi quoque adversum probarent,  
quod a Scriptura, traditione, &  
Ecclesia, catholico scilicet dogmate  
condemnatur. Itaque quod ad ratio-  
nes pertinet, novum Scholasticorum  
inventum esse non potest, quoniam  
novum inventum dici queat ipsa do-  
ctrina, quam rationibus quidem mu-  
niri coacti, non tamen a ratione,  
sed a Scriptura, ac traditione, ex  
ipsius Ecclesie fide susceperunt. Esto  
igitur, quod Scholasticorum ratio-  
nes, quibus ipsi inter se discrepant,  
non omnino efficaces sint: cum hæc  
ad naturale jus, non autem ad di-  
vinum pertineant; satis erit ad hæ-  
rentem Scripturæ, & traditioni, ex  
quibus illi divinum jus haurientes,  
licet a ratione diversi diversa sen-  
serint, omnes tamen in idem dogma  
convenire, ut statuit S. Thomas in  
3. semestrium dist. 37. 2. 6. *Ab  
omnibus dicitur communiter, quod dare  
ad usuram peccatum mortale est, sed di-  
versi diversas rationes assignant.* Hæc  
quidem discrepans, & diversa ratio-  
num inventio, communi, & concordi  
doctrinæ adeo nihil præiudicii creat,  
ut cerum potius, & evidens catholi-  
cum dogma confirmet, quod in tanta  
ratiocinandi libertate, atque discrimi-  
nine, constans, & idem in omnibus  
invenitur. Sola enim traditi dog-  
matis evidentia eos continere in  
eodem sensu potuit.

66. Itaque ad catholicam do-  
ctrinam quod pertinet, non respec-  
tiendæ rationes, quibus illi in sub-  
sidium usi, inter se nonnihil dis-  
crepant; sed catholica fides, ex qua  
unum & idem omnes docuerunt,  
potius est innenda: & in hoc ipsum  
consensu, qui non ex rationibus dis-  
crepanantibus, sed ex Catholica Ec-  
clesie certa doctrina profluxit, tra-

ditionis & ipsi testes sunt, quos ne-  
mo possit reprehendere, nisi qui an-  
tiquorum traditionem, a qua illi  
profecerunt, quamque post Patres  
prodixere usque ad nos, reprehen-  
dere audeat. Præclare Arnaldus,  
qui Scholasticorum sane auctoritati  
nimium non tribuit: *Le consentement  
unanime de tous les Theologiens  
me paroît aussi fort considerable dans  
cette matiere: car il est certain qu'  
ils ont crû dans l'Eglise ce qu'  
ils ont enseigné, que l'usure étoit  
mauvaise & que tout ce qu'on leur  
peut attribuer, est d'avoir tâché à  
appuyer ce sentiment par des raisons  
naturelles, que l'on pourroit croire  
n'être pas suffisantes pour l'établisse-  
ment de cette opinion, si on n'avoit  
vue cela. Mais comme ce ne sont point des  
preuves, qui les ont fait entrer dans  
ce sentiment; mais que c'est à cau-  
se qu'ils y étoient, qu'ils ont cher-  
ché des preuves pour l'appuyer, quand-  
on ne seroit pas persuadé de leurs  
raisons, on les peut toujours regar-  
der comme témoins de la doctrine de  
l'Eglise dans leurs tems qui avoit  
regu de ses Peres ce qu'elle croyoit  
sur ce point de morale.* Latine: *Con-  
sensus unanimis omnium Theologorum  
hæc in re maxime assiduandus mihi  
videtur. Certum est ipsos reperisse  
in Ecclesia, quod docuerunt, usuram  
scilicet malam, & illicitam esse.  
Quod ipsis successeri aliquatenus po-  
test, hoc unum est, quod hanc sen-  
tentiam nisi sint munire rationibus  
naturalibus, qua minus idonea vi-  
deri possent ad hanc opinionem statu-  
endam, si nihil aliunde suppetret. At  
cum non hæc probationes in causâ suc-  
cuerint, ut illi in eam ingrederentur  
sententiam; sed idcirco potius, quod  
in ea sententia erant, rationes, qui-  
bus eam munirent, excogitarunt; etsi  
ipsorum rationes non suadeant, ad-  
huc tamen habendi sunt velut testes  
doctrinæ Ecclesiæ ejus ævi, qua id a  
Patribus acceptat, quod in hoc mo-  
vum capite ipsa credebatur.*

70. Considerandus quidem in-  
gens

Lettre a M.  
le Camus E-  
vêque de  
Grenoble  
Tom. III.  
Lettre 154.

gens tot Auctorum numerus, tam-  
diversis, diffinitisque provinciis, &  
regnis in idem dogma conspiran-  
tium. Nullum addubitantem inven-  
nies, nullum, qui probabilem tan-  
tum opinionem affirmet. Omnes  
certissimum faveant Ecclesiæ dogma,  
quod Scriptura, traditione, & Ec-  
clesiæ definitio confirmant. Hanc-  
que doctrinam, non ut unius, vel  
alterius Scholæ propriam, sed ut  
communem omnium, ac fidei do-  
ctrinam propugnant. Id non ratio-  
nis, sed traditæ, & catholicæ do-  
ctrinæ est, quod apud tot, tantosque  
reperitur unum, ut dici hoc loco  
jure possit, quod Tertullianus de  
Præscript. c. 28. *Quod apud multos  
unum invenitur, non est erratum,  
sed traditum.*

71. Id autem multo magis di-  
cendum, si ipsos Pontifices, & Con-  
cilia etiam generalia ejusdem tem-  
poris concordēs ejusdem. Sine  
stomacho, & indignatione audiri  
non possunt Sæclarii, qui cum hanc  
evidentem concordiam inficari non  
possint, omnes una scholasticis præ-  
judiciis abreptos non erubescunt ira-  
ducere, ac si traditam a majoribus  
doctrinam omnes circa hæc tempora  
deservierint, atque corruerint.  
Descripta veteris traditionis histo-  
ria totum hunc conatum elidit, &  
infringit, ac deficiat potius tradi-  
tionis reos convincit, qui talia  
commiscentur. Audiatur iterum  
memoratus Arnaldus, quem allegare  
eo magis juvat, quod decretali-  
bus Pontificis nimium favens di-  
ci non possit. Post vindictas igitur  
Theologos in doctrinam de usura,  
hæc de Pontificum literis subji-  
cit: *On doit dire de même des de-  
cretales. Les Papes n'ont fait qu'  
y confirmer ce qu'ils ont trouvé éta-  
bli dans l'Eglise par les Pères, &  
par les Theologiens. Elles ont de-  
plus force de loix, ayant été reçues  
généralement dans toute l'Eglise. &  
On est donc obligé maintenant de re-  
gler sur cela la conduite des Chrê-*

*tians. Latine: Idipsum de decretali-  
bus dicendum est. Pontifices nihil ali-  
ud egerunt, nisi id confirmare, quod  
per Patres, atque Theologos in Eccle-  
sia custoditum invenerunt. Ipsa præte-  
rea vim legis habent, cum in tota  
universum Ecclesia suscepta fuerint.  
Igitur ex his Christianorum mores re-  
gere necesse est.*

72. His autem Pontificibus si  
Episcopos omnium Ecclesiarum adji-  
cias, qui in Episcopalibus decretis,  
in diocesis, in provincialibus,  
ac generalibus synodis non aliam do-  
ctrinam, veluti certissimam, & ad-  
idem pertinentem, ubique docue-  
runt; nonne totam Ecclesiam cum  
Pontificibus idem loquentem, atque  
docentem videbis? Ea, inquam, Ec-  
clesia Catholica, cui Christus se sem-  
per adfuturum recepit, ne erret, &  
quam ex mandato ejus omnes au-  
dire, & sequi debemus. Non igitur  
de scholastica opinione, sed de  
totius Ecclesiæ doctrinā, ac dogma-  
te agitur, quam novitatis, aut er-  
roris accusare nemo potest, nisi qui  
Ecclesiam errare, & innovare posse  
dogmata cum hæreticis judicet.  
Absit hoc a Catholicis, & iis, qui  
Christi pollicitationibus credunt.  
Hoc autem observare ex proposito  
volui, ut æqui judices videant, quo-  
tandem vergat adversariorum, quos  
impugnamus, sententia. Hæc de-  
fendi aliter nequit, nisi toti Ec-  
clesiæ, quæ contrarium docet, novi-  
tas, & error imponatur. Qui ex  
illis veretundiores sunt, ne hæc no-  
ta animos Catholicorum deterreat,  
Ecclesiæ parcunt, & in Scholasticos  
tantum invehuntur. Sed cum eadem  
sit Scholasticorum, & Ecclesiæ, seu  
Pontificum, Conciliorum, & Epis-  
coporum omnium doctrinā, vel una  
omnes rejiciendū sunt, ut Prote-  
stantes cum Salmasio, & Barbeyra-  
chio faciunt; vel si hoc hæreticum  
agnoscitur, de eo catholico dogma-  
te dubitandum non est. Quanto au-  
tem minus est dubitandum, si hoc  
non novum inventum, sed a majo-  
ribus

De præsen-  
tis Ecclesiæ  
fide.

Observatio  
de adversa-  
riorum sen-  
tentia.

De Roma-  
nerum Pon-  
tificum po-  
steriorum  
sententia.

ribus traditum, & cum tota antiquitate conveniens observetur? Clamet igitur nunc quicumque auferit adversus hoc Scholasticorum, uti vocari solet, præjudicium; quod si præjudicium dicendum est, divinum est præjudicium, quod divino verbo scripto, ac tradito jamdiu editum, & a tota Ecclesia simul, & a Scholasticis ipsis susceptum, Novatorum errorem, atque hæresim, etiam antequam nasceretur, prædamnavit.

## CAP. VIII.

*Argumentum e superioribus concluditur. De nota hæreses post definitionem Concilii Viennensis a Theologis & Canonistis impasta sententia, qua aliquam usuram defendit. Hæc adstruit certum apud omnes Catholicos divinum jus, quo omnis usura vetatur. Huic divino juri quantum defendendum sit, etiam si rationes naturalem usura militanti probantes non omnino persuaderent.*

1. **D**ivinum itaque jus in novo Testamento usuras æque prohibens, ac in veteri prohibita fuerunt, in dubium vocari non potest. Si non evidens videatur, quod ex Evangelio produximus; evidens certe est, quod ex perpetua, & constanti omnium seculorum traditione, Evangelii, ubi dubium esset, certissima interprete, hæcenus exposuimus; cum præsertim verbum divinum sit ipsa traditio. eaque satis per se divinum jus constituat, atque demonstret. Habes præterea Pontifices, & Concilia, qui contra verbiarum fidei legitimi indices, idem divinum jus adstruunt, atque definiunt. Quid plura? Ipsius præsentis Ecclesiæ fides, quæ non minus Ecclesia Christi ab omni errore immunis credenda est, quam vetus Ecclesia, huic

doctrinæ, ex antiqua trique Ecclesiæ derivatæ, calculos adjicit. Id ergo uti catholicum certissimum dogma habendum est, quod qui post tantam auctoritatem pertinaciter noluit fateri, jure velut hæretici habendi sunt, uti sancitum fuit in Viennensi Concilio, quod quidem usuras omnes contra jura divina esse declaravit. Et licet hoc semper ætærum de fide fuerit, uti eadem semper fuit traditio, & doctrina Ecclesiæ; tamen post hanc præsertim definitionem Concilii, qui novitium Patenorum errorem repressit, hæresis sicuti est, ita & a Catholicis jure habetur. Ne vero hæc hæresis nota paucorum esse credatur, selectiora id genus insignia Canonistarum, ac Theologorum testimonia proferam, quibus etiam illa interferam æquivalentia, quæ oppositam doctrinam, pro qua dimicamus, de fide esse pronunciant: qui enim aliquam sententiam affirmat esse de fide, is contrariam pro hæresi habeat necesse est.

1. Joannes Andreas, Viennensis Concilio coævus, in glossa ad cap. *Ex gravi, de usuris* ex eodem Concilio Clementinis insertum, hæc scribit: *Pertinaciter asserens exercere usuras non esse peccatum, hæreticus est; & rationem asserit V. Hæreticum, quia non solum est hæreticus male sentiens de articulis fidei, vel sacramentis Ecclesiæ... sed etiam qui perversum habet dogma, vel falsas, aut novas opiniones gignit, aut sequitur... Illud autem est contra doctrinam Ecclesiæ.*

3. Cardinalis Zabarella, in glossa ad idem caput, ait: *Declarat hæreticum esse asserere pertinaciter, exercere usuras non esse peccatum.*

4. Bonifacius Vitalinus Canonista, qui sub finem seculi XIV. floruit, in Commentario super Clementinas tit. *de Usuris*. n. III. & sequ. *Nota vigesimo septimo, quod hic non distinguitur, utrum quantitas sit modica, vel excessiva. Nam quid quid accedit*

accedit forti, usura est . . . . . Et ideo asserens licere sine peccato consensui duo, vel plura, seu unum, vel aliud, quantumcumque sit modicum, pro centenario annuatim, velut hereticus puniatur: & sic est contra eos, qui dicunt, quod licitum est lucrari decem pro centenario in anno. Per hæc tempora decem in centum erat fœnus, quod a quibusdam Civitatum statutis, velut moderatum, ac legitimum, præstinebatur: & nihilominus non hoc solum damnatur, sed etiam duo, & unum in centum, ac omne senebre lucrum, quantumcumque sit modicum. Prosequitur autem Vitalinus his verbis: Nota vigesimo octavo, quod isti sic asserentes, mandantur puniri velut heretici, unde quidam possunt dicere, quod non sunt heretici. Sed certe cum asserat pertinaciter non esse peccatum, quod est peccatum ex antiquo, & novo Testamento, & contra doctrinam Ecclesiæ; . . . . . constat quod non credit unam sanctam Ecclesiam, & sic est vere hereticus: unde istud velut ponitur hic quasi nota, vel signum veritatis expressivum.

5. Antonius de Butrio in lib. V. Decretal. cap. Cum tu, n. 2. Quæro, an peccet asserens usuram non esse peccatum? Dicunt Doctores quod sic, & est hereticus, uti in Clementina Ex gravi, de Usuris.

6. Nicolaus EymERICUS ex Prædicatorum Ordine, Inquisitor seculi XIV., in Directorio Inquisit. part. 2. q. 7. n. 7. Sexta hæresis est, quod exercere usuras non est peccatum.

7. Joannes Gerson Cancellarius Parisiensis, de Contract. 1. quatern. considerat. 13. tom. 3. pag. 172. Veritas ista tenenda est, tanquam ex fide, & Ecclesiastica determinatione, sicut & de mendacio, quod non possit bene fieri contractus usurarius.

8. S. Bernardinus Senensis ex Ordine Fratrum Minorum, serm. 43. ser. 2. post Dominicam Passionis art. 3. tom. 2. pag. 185. Ecclesiæ suavia accipere in sacris canonibus, & decretis usuram persequitur, &

Tom I.

impugnat: & dicentes usuram non esse peccatum, tanquam hereticos esse puniendos decernit. Et sermone habito ser. 3. post dominicam 4. Quadragesimæ art. 3. tom. 2. pag. 231. fute refellit rationes, & argumenta, quæ ad excusandas excusationes in peccatis pro defensione sua usurarii assumere solent, se ipsos miro modo decipientes, & malitias suas, & cupiditates palliantes; & sume fere eadem, quæ hodie ab usurarum patronis adduci solent.

9. S. Antoninus Archiepiscopus Florentinus & Prædicatorum Ordine, in Summa Theologica part. 2. tit. 2. cap. 6. §. 2. pag. 80. edit. Veronen. Semper a Christianis hæc usura habita est pro magno, & enormi scelere, & ad tollendam omnem excusationem hujus maledicti vitii Ecclesiæ statuit, ut si quis pertinaciter hoc assereret, ipsam scilicet non esse peccatum, & grave, hereticus habetur, & contra ipsum us contra alios hereticos procedatur. Neque prætereundum est, S. Antistitem in antecedenti paragrapho sermonem facere de usuris, quas nonnullæ civiles leges permittebant, quæque propterea moderatæ, ac licitæ in novo systemate habentur. Eundem errorem idem Sanctus inter hæreses refert parte 4. tit. 11. c. 7., quod de Erroribus hereticorum inscribitur. Præter cetera autem præcipua animadversione dignum est testimonium part. 2. tit. 3. c. 3. §. 10. p. 450., ubi declarat pertinere ad hæresim, si quis usuram defendat, quæ ex depositis percipitur: ubi depositi nomine intelligit pecuniam mercatori creditam, cum fructu moderato ad discretionem ipsius mercatoris, ut se explicat eadem 2. parte tit. 1. c. 6. §. 2. pag. 80., idque etiam si depositarii multum cum ipsa (pecunia) lucrati fuissent, uti habetur c. 7. §. 34. pag. 110.

10. Franciscus Episcopus Squilacensis, de Fide catholica c. 19. asserens pertinaciter exercere usuras non

L

qfo

esse peccatum, dicitur *hæreticus*, ut patet in *Clement. 1. de Usuris*, cum hoc sit contra doctrinam Ecclesiæ. Et pro eadem sententia alios Doctores allegat. Ita hic Episcopus docet suos diocesanos; hic enim tractatus eisdem directus fuit.

11. Alphonsus de Castro Franciscanus, in opere de *Hæresib. c. ult. V. Usura*, opinionem a nobis impugnatam vocat *apertam hæresim*.

12. Conradus de Sumenbart, de *Contradictibus tract. 2. q. 11. Quæ pertinaciter presumis asserere, quod exercere usuras non sit peccatum, est velut hæreticus puniendus, ut habetur in Clement. Ex gravi, de Usuris. Ergo hac conclusio (mutuatio usuraria est peccatum) pertinet ad fidem.*

13. Bernardus de Como, in *Luterna Inquisit. hæreticæ pravitatis tom. 11. part. 2. Tractat. pag. 338. n. 7. Est etiam hæreticus, qui dicit, vel tenet pertinaciter usuram non esse peccatum mortale.*

14. Conradus Brunus, de *Hæreticis, & Schismaticis lib. 1. cap. 2. sic inscripto: Qui sunt hæretici dicendi, num. 13. Item si quis in illum errorem incidit, ut pertinaciter asserere presumat, exercere usuras non esse peccatum, præ hæretico habendus est.*

15. Ludovicus Carerius, de *Hæreticis n. 9. Hæresis contrahitur asserendo, & tenendo pertinaciter usuras esse permissas, nec eas exercere esse peccatum.*

16. Arnaldus Albertinus Episcopus Pasticensis, & Inquisitor Apostolicus, de agnoscendis assertionibus catholicis, & hæreticis q. 3. n. 9. *Qui in Ecclesia Christi morbidum, aliquid, pravumque sapiunt, si correat ut sanum, rectumque sapiant, resistunt consumaciter, suaque pestifera, & mortifera dogmata emendare nolumus, sed defensare persequuntur, hæretici sunt: & hac pertinacia est etiam in eo, qui in illum incidit errorem, ut pertinaciter asserere presumat, exercere usuram non esse peccatum.*

17. Dominicus Soto e *Prædicatorum Ordine, de Iustitia & Jure lib. 6. q. 1. art. 1. Si jus civile assereret (usuras) licitas esse in foro Dei, hæresis esset in Clementina condemnata.*

18. Martinus Navarrus, in *Commentario de Usuris num. 7. Lucrum usura est illicitum, & ejus appetitus suo genere peccatum mortale, adeo ut contrarium asserere sit hæresis: quæ postrema verba repetit in Manuali cap. 17. n. 207. Porro subjicit n. 11. Commentar. de Usuris: Quare non video quomodo ab hæresi aut ab ejus suspensione excusari possit Carolus Molinaus... qui... ausus fuit affirmare licitas esse usuras moderatas.*

19. Dominicus Bñes e *Prædicatorum Ordine, de Iustitia & Jure quest. 78. art. 1. Secundum fidem catholicam asserendum est usuras esse illicitas, & oppositum est hæresis. Similem sententiam idem tradit 2. 2. qu. 78. art. 1. dub. 1.*

20. Ludovicus Molina e *Societate Jesu, de Just. & Jur. tract. 2. disp. 204. num. 1. Usurum illicitum esse adeo est certum, ut contrarium cum catholica fide, ut videbimus, apertissime pugnet.*

21. Leonardus Lessius ejusdem Societatis Theologus, de *Just. & Jure l. 2. c. 10. dib. 4. n. 23. Suppono usuras esse prohibitæ, immo hæresim esse dicere, usuram non esse peccatum, ut definitum est in Concilio Viennensi.*

22. Cardinalis Toletus Soc. Jesu, *Instruct. Sacerdot. lib. 5. cap. 18. Usura peccatum est mortale, & oppositum asserere est hæreticum.*

23. Joannes Azorius ejusdem Societatis. *part. 3. lib. 5. cap. 2. Solus est Carolus Molinaus hæreseos notatus, qui asseruit, non esse contrarium modicum quid accipere pro mutuo, quod alteri datur.*

24. Gregorius Valentia Soc. Jesu. *tom. 3. disp. 1. q. 21. punct. 1. Ex fide certum est, usum non esse peccatum. Ita enim est definitum in Concilio.*

*Clement. unica de Usuris... Negant id Albanenses... Sed falso, & heretice id isti negant, sicut etiam impie, & heretice Carolus Molinaus... contendit, non omnem huiusmodi usuram esse peccatum, sed tantum eam, qua sit excessiva, bancque solam in Scripturis damnari. Quod dogma plane hereticum est... Itaque adversus hos omnes, tanquam omnino ex fide certum, affirmamus omnem eiusmodi usuram esse peccatum; nam prohibetur, ut consentiunt omnes vere docti, & catholici, triplici jure, divino, naturali, & humano.*

25. Ferdinandus Rebellus Soc. Jesu, de obligat. l. 8. q. 2. sect. 2. n. 1. Si quis pertinaciter asseruerit, usuram esse licitam, tanquam hereticum censendum esse definitum est in Concilio Viennensi.

26. Valerius Reginaldus ejusdem Societatis, Prax. Pœnitent. lib. 23. c. 4. sect. 1. Usuram esse licitam error est in fide; & cap. 5. Molinaci sententiam impugnat.

27. Petrus de Aragonia Augustinianus, de Just. & Jur. q. 78. 2. 1. concl. 1. Secundum fidem catholicam asserendum est usuram esse illicitam.

28. Martinus Bonacina, de Contract. disp. 3. q. 3. punct. 2. n. 12. Usura adeo illicita est, ut qui eam licitam esse pertinaciter asseruerit, censetur hereticus.

29. Michael Salon Augustinianus, de Just. & Jur. q. 78. 2. 1. contr. 1. n. 2. Secundum fidem tenendum est, usuram in quacunque quantitate esse illicitam, & divina lege prohibitam, & oppositum est hereticum.

30. Joannes Salas Soc. Jesu, tract. de Usuris dub. 3. n. 5. Disco tertio, de fide est usuram esse illicitam, & oppositum est hereticum; Castro, Emanuel. Vega, Bannet, Aragon, Salon, Sotus, Lopez, Navarrus, & alii.

31. Augustinus Barbosa Collect.

in Clem. Ex gravi n. 12. Pertinaciter asserens exercere usuram non esse peccatum mortale, est hereticus.

32. Franciscus Silvius 21. q. 78. art. 1. Ad fidem pertinet esse, usuram esse peccatum, & ejus oppositum est heresis declarata per Clementem V. in Concilio Viennensi... unde sequitur non audiendos esse illos, qui vel aliquam usuram dicebant esse secundum charitatem, vel parvas usuras esse licitas, ut Carolus Molinaus auctor damnatur.

33. Joannes Wigers, de Jur. & Just. tract. 5. dub. 3. Omnis usura... est illicita, non tantum excessiva, sed etiam qua dicitur moderata, quam jus civile permisit. Est contra Carolum Molinaum... Sed est communis, & certa doctrina in Concilio Viennensi definita... ubi etiam decernitur tanquam hereticum, esse puniendum, qui pertinaciter assermat contrarium.

34. Joannes Malderus, de Just. & Jur. tract. 3. cap. 3. dub. 3. Fidei est, nullam usuram... esse licitam, ut patet Clementina unica de Usuris, ubi cum Concilio Viennensi id definit Clemens V., & quod pertinaciter asseret contrarium, decernit velut hereticum puniendum. Dico nullam, contra eos, qui moderatas usuras licere volunt. Neque enim magis moderata usura licet, quam moderata furta.

35. Martinus Becanus Soc. Jesu, in Summa Theologiæ Scholasticæ ad quæst. 75. Qui eam (usuram) exercent, peccant mortaliter... Concilium Viennense sub Clemente V. docet hereticos esse, qui docent usuram peccatum non esse.

36. Joannes Ægidius Trullench, Exposit. Decalogi lib. 7. cap. 19. dub. 2. n. 3. Certum est, & de fide, usuram... esse prohibitam, & peccatum. Unde heresis est dicere usuram non esse peccatum, ut definitum est in Concilio Viennensi.

37. Vincentius Filiucci e Soc. Jesu, tract. 34. part. 2. c. 1. n. 10. L 2

Dirp

Dico primo *hæresim* esse dicere *usuras* non esse peccatum. Ita definitum est in *Clem. 1. de Usuris* §. ult.

38. Florentius de Cocq., de Jur. & Justit. tract. 2. cap. 5. sect. 3. *Molinai doctrina, juxta Navarrum, vix potest ab hæresi, aut ejus suspicionem excusari.*

39. Cardinalis de Lugo Societatis Jesu, de Mutuo, & Usura disp. 25. sect. 2. n. 8. *Usuram esse illicitam, est plane de fide.*

40. Ricardus Arsdekin ejusdem Societatis, Theolog. tripart. tom. 2. de Just. & Jure c. 3. *Illicitus esse usuras constat ex fide, contra Judæos, in Concilio Viennensi id desistente.*

41. Laurentius Neessen, de Just. & Jur. tract. 2. quæst. 4. dub. 4. *Certo constat illicitum, & prohibitum exercere usuras, hæreticosque esse illos, qui id pertinaciter negant.*

42. Ægidius Balleus Capuccinus, Theolog. prædic. tom. 2. V. Usura n. 6. *Hæresis est dicere usuram non esse peccatum, ut definitum est in Concilio Viennensi.*

43. Joseph G. balinus Soc. Jesu, tom. 2. de Usuris lib. 1. cap. 7. art. 2. *Jus divinum prohibere usuras, Pontifices, Concilia, & Patres sapienter affirmant. . . Eaque de causa eos, qui licitam esse usuram assererent, hæreticos accenset Clemens V. in Concilio Viennensi; & usura immoderata patronos Molinæum secutos fuisse impugnans, Hanc, inquit, assercionem catholicam confirmemus adversus Molinæi sectarios.*

44. Thomas Tamburinus Soc. Jesu, lib. 9. de Contractib. tract. 2. cap. 2. §. 2. n. 2. *Omnes consentiunt de fide credendum usuram esse illicitam.*

45. Petrus de Onnate ejusdem Societatis Provincialis, de Contractib. tom. 4. disp. 104. n. 23. *De fide est usuram lege Evangelica esse prohibitam, & numero 70. Septimum dubium. & ultimum est, an sit hæresis usuram licere, aut non esse peccatum;*

*sum; & respondendum est affirmative.*

46. Cardinalis Laurentius Brancatus de Laurea, ex Minorum Ordine, in Epitome canonum, V. Usura: *Usuram negans esse peccatum, est hæreticus.*

47. Honoratus Leotardus J. U. D., de Usuris Quæst. 2. num. 29. *A Clemente V. in Concilio Viennensi definitum est, hæreticum esse pertinaciter affirmare usuras licite exerceri; & quæstione tertia sequenti Carolus Molinæum, Hugonem Donellum, & Petrum Heigium laicos I. C. usurarumque moderatarum defensores, rejicit.*

48. Boncas Merbesius, Summ. Christi. tom. 1. part. 2. q. 44. *Ex Clementis Papa V. definitione in Concilio generali pronunciata colligimus hanc propositionem, usura est peccatum, pertinere ad catholicam fidem, quod quidem effectum ad convincendos catholicorum animos sufficere debet; & de Molinæo usure moderata patrono agens, ita scribit eadem quæst. 44. coroll. 2. Ergo Caroli Molinæi opinio hæresim capit, aut proxime ad hæresim accedit.*

49. Hieronymus Nicolius Augustiniæ. Lucubration. lib. 3. tit. 15. n. 10. *Pertinaciter asserens usuras esse licitas, censetur hæreticus Clem. 1. de Usuris; & in Indice, quem idem Auctor lucubravit, ut ex præmissa admonitione liquet, V. Hæresis; Hæreticus, qui dicit usuras esse licitas.*

50. Patres Salmanticenses Carmelitæ Excalceati, Theol. Moral. tom. 3. tract. 14. de Contractu. c. 3. punct. 2. n. 13. *Esse prohibitam, & illicitam usuram et ritum est secundum fidem, ut constat ex Concilio sub Clemente V., & asseritur in Clementina unic. §. ult., de Usuris.*

51. Joannes Cardenas e Societate Jesu, Cris. Theolog. par. 4. dist. 25. cap. 2. n. 0. *Præmissum esse de fide usuram esse illicitam.*

52. Octavius a S. Joseph Augustinianus Excalceatus, Opera. omn. tit.



tit. 102. Interrog. 12. *Qui usuram asserit non esse peccatum, potest ne a quolibet confessorio absolvi?* Resp. Si pertinaciter ita tenet, & asserit, nequaquam potest absolvi, quia est hereticus; & per consequens excommunicatus: nam asserere usuram non esse peccatum, est contra doctrinam universalem Ecclesie.

53. Pater Sporer Franciscanus, tract. 6. in Decalog. c. 4. sect. 4. n. 109. *Omnis usura lucrativa &c. Est catholica, & universalis doctrina contra Judaeos, hereticos Albancenses, & novissime Carolum Molinandum in pestilenti suo tractatu de Commerciorum, & Usura docentem, nullas, nisi excessivas tantum, usuras jure divino esse prohibitas; & num. 110. Illicitum esse, tanquam de fide certum definitur in variis Conciliis.*

54. Joannes Baptista Taberna Soc. Jesu, Syrops. Theolog. Practicæ par. 2. tract. 2. cap. 10. q. 3. *An, & quo jure usura sit illicita?* Respondo 1. Est de fide esse illicitam ex Concilio Viennensi.

55. Ludovicus Engel Benedictinus, lib. 5. tit. 29. n. 4. Coll. univ. jur. Can. *Pro certo habendum est, usuram, etiam juxta moderationem juris civilis, exercere, esse peccatum; ita ut qui contrarium pertinaciter affirmare ausus fuerit, indubitanter tanquam hereticum animadverti debeat.*

56. Natalis Alexander e Prædicatorum Ordine, Theol. Dogm. Moral. lib. 3. cap. 7. art. 3, postquam Calvinus, Molinæus, Salmasius, ac aliorum moderaræ usuræ patronorum sententias exposuit, hæc scribit: *Has sententias hereticas esse, memo catholicus dubitaverit, secundum Concilium Viennensibus sub Clemente V. definitionem.*

57. Franciscus Castracanus Sancti Officii Consultor, adnotat. 2. in tit. 66. Institut. Catholicæ. Episcopi Simanichæ postrenæ editionis Ferrariensis: *Nedum humano jure, sed & divino veteris, & novi Testamenti*

*ut usuram illicitam, & peccatum esse mortale, omnes Theologi, & Canonisti pleno ore fatentur, adeo quod contrarium asserere hereticum est.*

58. Elias Dupinius, in Historia XIV. seculi, de usura loquens, inquit: *Clement V. Non solum in defendenda praxi, sed etiam eos hæresis damnat, qui pertinaciter assererent, eam non esse peccatum.*

59. Petrus Leurenins Soc. Jesu, For. Ecclesiast. tom. 4. lib. 5. tit. 19. qu. 340. n. 1. *Communis, & Catholica est sententia. Quare usuras esse illicitas esse de fide, ex communi absolute pronuntiat de Lugo, & cum eo Pirringb. b. 1. n. 6.*

60. Franciscus Amatus Pouget, Institut. Cathol. part. 2. sect. 3. cap. 8. §. 2. *Concilium Viennense Oecumenicum expresse definit heresim esse, si quis asserat usuram non esse peccatum; & novitum systema ex proposito impugnat.*

61. Alios plures omitto, quos si vel numerare vellem, nimiam molestiam lectoribus parerem. Ex his autem cujusque ætatis, nationis, atque ordinis Canonistis, atque Theologis, quos allegavi, quicunque facile intelliget, quam familiaris sit apud catholicos hæresis censura in eam sententiam, quæ usuram vindicare nititur, & simul illud agnoscat, quod eisi aliqui eadem censuram non mutant, sicut nec semper mutantur in asserendis aliis dogmatibus, non minus tamen certum dogma pronunciant. Hæreses enim nota, quæ apud plures legitur, non opinionis scholasticæ, sed certi apud omnes dogmatis argumentum est: adeo ut si duos, vel tres illos privatos, ac novissimos scriptores excipias, qui hæreticorum sententiam abrepti, apud catholicos male audiunt, neminem quidem vere catho-

tholicum reperies, qui in hoc Ecclesiæ dogmate haudquaquam consentiat. Hic autem consensus omnium, qui in aliis multis dissident, & dimittant inter se, nonne ex certo divino jure, quod constanti, atque explorata Ecclesiæ doctrina traditum acceperunt, originem ducit?

62. Fuere quidem inter ipsos nonnulli, qui de naturali jure disputantes, varia opinati sunt. At iidem divinum jus expendentes, nullum in hoc dubium moveri posse notarunt. Duos præteriti seculi testes, qui sane Scholarum præjudiciis ducti non fuerunt, inter ceteros audire libeat. Antonius Arnaldus in Epist. ad Episcopum Græcianopolitanum Tom. 3. pag. 9. Je n'examine point si les raisons que les Theologiens apportent pour faire voir qu'elle (l'usure) est contraire au droit naturel, sont convaincantes. Je la vois condamner par tous les Pères; par un grand nombre de Conciles; par les Papes qui ont été consultés sur cette matière, & ensuite par tous les Theologiens, qui sont en quelque réputation de piété. & suffisance. Cela me suffit pour la condamner sans écouter les raisons vraisemblables que je vois bien, qu'on peut alléguer pour l'exempter de péché, quand elle ne paroit pas blesser la charité. Latine: Ego non quero, utrum rationes, quas Theologi asserunt, ut usuram jure naturali vitatam probent, plane convincant. Video illam damnari ab omnibus Patribus, a multis Conciliis, a Pontificibus, qui hac de re interrogati fuerunt, & deinde ab omnibus Theologis, qui aliqua pietatis, & doctrina fama celebrantur. Hoc mihi sufficit, ut illam damnem, nequaquam auditis rationibus, quas asserri posse video ad illam vindicandam, quando charitati non adversetur.

63. Similiter Nicolius, in Gallico opere inscripto *Essais de morale* Tom. 6. tract. 8. n. 3. Mais je crois

que ce qui rend cela si certain, n'est pas tant la raison naturelle, que la loi de Dieu expliquée par la Tradition de l'Eglise. Car qui e'arrêteroit à la raison, il seroit bien difficile de persuader, qu'il y eût du mal de tirer cinq pour cent d'un argent, que je prête à un Marchand lorsque ce marchand estime beaucoup d'avantage le gain, qu'il s'attend de faire de mon argent: de sorte qu'il trouveroit que ce lui seroit une condition bien moins avantageuse qu'il eût fait à son gain, en courant le même risque que lui; outre qu'il y a souvent des cas où l'argent ne court aucun risque, comme si mon ami devant mille écus, dont il paie le denier dix d'intérêt, je les lui prête pour le délivrer de cette dette & de cet intérêt, en me contentant de cinq pour cent. Cet argent, qu'il ne fait, que passer entre les mains d'un tiers, ne court aucun danger entre les siennes; & ainsi à ne consulter que la raison, il seroit bien difficile de montrer quelle injustice je fais à mon ami, à qui je fais gagner cinquante écus par an sans aucun risque. Latine: At ego credo id certum effici, non tam ratione naturali, quam divina lege, uti a traditione Ecclesiæ explicatur. Si quis enim in una ratione immoraretur, difficile valde esset eidem suadere, peccatum esse quinos nummos lucrari ex pecunia mercatori tradita, cum is majus ex ea lucrum esse percipiendum confidit; ita ut minus utilem duceret conditionem partiendi lucri, dum idem negotiatoris periculum subeatur. Præterquamquod casus quidam incidunt, in quibus pecunia nulli periculo exponitur, uti si meus amicus debeat mille ducatos, pro quibus solvat decem in centum, ego autem eisdem nummos illi dem pensione quinque ducatorum contentum. Hac pecunia, qua non transit nisi in manus tertiæ, nullum periculum in ejus manibus subit; & ita si solam rationem consulamus, per-

*difficile erit offendere, quamam injuria amico inferatur, cui id praeſto, ut quinque ducatos annuos ſine ullo periculo lucretur. Is proprie non de naturali jure, ſed de rationibus, quæ pro ſtatuendo, vel negando naturah jure, allegantur, vel allegari poſſunt, dubitationem movet. At quidquid id eſt, divino juri certiffimo omnem rationem ſubjiciendam concludit: Mais tous ces raisonnemens ceſſent, quand on s'entient uniquement à la loi de Dieu, qui a pu condamner l'ufure à cauſe des mauvais effets qu'elle a d'ordinaire, encore même qu'en quelques cas elle ne ſit pas injuſte. Latine: At hæc omnes ratiocinationes cadunt, quando unice ſtemus leg. Dei, cui placuit uſuram univerſim damnare, ob malos effectus, quos ſere affert, etiamſi aliquo caſu injuſta non eſſet.*

64. Ita homines, qui de naturali jure, ſeu potius de rationibus pro naturali jure aliaſ ambigebant, de jure divino, quod & ſacra auctoritate apertiffimum eſt, nihilum ambigunt. Quæ eo magis conſideranda ſunt, ne dubitationes a rationibus ſorie excitatas, quæ ad naturale ſolum ſus pertinent, ad divini certiffimi juris, & explorati catholici dogmatis dubitationem, quiſpiam imprudenter traducat. Hæc ſicut nihil probaſſent contra divinum certiffimum jus Hebræis olim indictum; ita nihil quoque pro Chriſtianis probant, quos eodem divino jure teneri demonſtratum eſt. Solus Patavicus, vel Calvinista, aut alius ejusmodi hæreticus, qui hæc in re cum Barbeyrachio Patrum traditionem condemnet, & in Evangelio dogmæ illud non videat, vel videre nolit, quod alia æquiores hæretici viderunt, ac vident, adhuc poſſet hære, catholicus certe non poſſet. Jure igitur catholici hæreſeos notantur novitiam Calvini, & Molinæ ſententiam, & Gallicanus Clerus in frequentiffimis Comitibus an. 1700, in quibus præcipuas par-

tes egit celeberrimus Meldenſis Epiſcopus Boſſuetus, hanc propoſitionem n. 59. jure proſcripſit: *Uſura, etſi eſſet prohibita Judæis, non tamen Chriſtianis, lege veteri in judiciis præceptis abolita per Chriſtum. Cenfura. Hæc propoſitio verbo Dei contraria eſt, nova legis perfectionem, & gentium omnium in Chriſto adunatarum fraternitatem tollit.*

## CAP. IX.

*Corollarium ex diſſis inferitur, quod omnis vel minima uſura divino jure vetita intelligenda eſt, non autem ſolus exceſſus. Nonnulla objectiones ex auctoritate præoccupantur, & diſſoluntur.*

1. **D**emonſtrato jam divino circa uſuram jure, nonnulla veluti corollaria ſubſcienda ſunt. Primum, quod ex hoc jure divino ſequitur, eſt uſuram omnem, etiam minimam, vetitam eſſe. Sicut enim omnis uſura vetita fuit apud Hebræos ex veteri lege, ut ipſos adverſarios conſcientes adivinus cap. 22. omnis quoque interdicia agnoſcenda ex in Evangelio, in quo idem divinum jus non deleſtum, ſed confirmatum, & perfectum potius monſtravimus. Reperantur quæſo hoc loco, quæ ex Scriptura, ac traditione ſuſius diſſerimus cap. 2. ibique uſuræ damnatæ notionem non in ſolo exceſſu, ſed in omni ſupra ſortem acceſſione perpetuo collocaram invenies; & conſer etiam quæ adjiciemus lib. IV. cap. 3. §. 11. unde ex peculiaribus ejus libri argumentis exploratiorem ejus loci confirmationem colligere licebit. Qui ſolum exceſſum vetitum comminiſcuntur, vident illi ſunt, qui divinum antiquæ legis jus in Evangelio confirmatum negant; ac proinde cæci, ac errantes ſunt, quos nemo tute ſequetur. Sicut divinum jus ex Scriptura,

& Patribus, ex Conciliis, & Pontificibus, ex Ecclesiæ totius doctrina ( quicquid illi didicerint ) agnoscere catholici debent; ita ex iisdem aperte docentibus agnoscendum est, usuram omnem veritatem eodem divino jure, quod generaliter omne fortis exclusit augmentum, ut Ambrosius notavit in libro de Tobia. c. 15. n. 52.

2. Non omnia quidem traditionis testimonia, quæ usuræ vetitæ meminerunt, usuram ita definiunt, ut quicquid supra sortem est, damnatum assint. Sed ex pluribus, qui usuram damnatam explicantes, hanc unam definitionem constanter, & expresse prodiderunt, quid de aliis usuram generatim damnantibus, vel damnatam tradentibus intelligendum sit, manifestum est. Ita ex. gr. cum Viennense Concilium hæresim damnavit pertinaciter asserentes, *usuras exercere non esse peccatum*, nemo, quæso, usurarum excessum tantum, quem eo quidem tempore usurarii quidam *Coursini* appellati extorquebant, damnatum intelligat. Num enim aliud *usura* nomine intelligere potuerunt ejus Concilii Patres, quam quod omnes, iis præsertim temporibus, intellexisse indubitatum est? S. Raymundus, S. Thomas, S. Bonaventura, Henricus Gandavensis, Joannes Duns Scotus, & alii, omne lucrum supra sortem usuræ nomine condemnarunt, ut ex minime dubiis ipsorum testimonius liquet. Idem cum his sentiebant, & loquebantur omnes, ut incredibile omnino sit, Viennenses Patres *usurarum* nomen aliter accepisse in Concilio, quam ab ipsis, & aliis omnibus accipiebatur, sive in scholis, sive in Ecclesiis.

3. Quod de *Coursinis* immensas usuras extorquentibus additur, satis existimari fuit in præfatione n. 10., ubi non *Coursinos*, qui usuras exercebant, sed *Patarios*, vel *Patarienos* affectas, qui usuras exercere non esse peccatum *pertina-*

*citer affirmabant*, hoc decreto condemnatos ostendi. Enimvero si quis contendat *Coursinos* tantum, *usuras exercentes*, pro solo usurarum, quas extorquebant, excessu, a Viennensi Concilio Patribus eo loco damnatos fuisse, inaniter laboraverit. Nam eo decreto, quo hærescos nota inuritur, non qui *usuras exercent*, feriuntur, sed qui *exercere usuras non esse peccatum pertinaciter affirmare præsumunt*. Porro *Coursini*, quantumvis usuras exercebant, non tamen falsum de usuris dogma tradebant. Quia cum usuram omnem veritatem scirent, se se usurarios prodere, variis artibus, ac titulis illam palliabant. Mutuum enim gravitum sub pignoris cautione dabant, quod per sese legitimum est, sed *sali tenore adjuncto*, inquit Matthæus Paris in Historia ad ann. 1235., quod si *dicta pecunia prædictis loco, & termino, sicut dictum est, non fuerit persoluta, & reddita; ex tunc in antea semper transacto termino promittimus, & tenemur per eandem stipulationem dare, & reddere prædictis mercatoribus, aut uni eorum, vel eorum certo nuntio, per singulos menses duos, pro singulis decem marcis unam marciam dicta moneta, pro recuperatione damnorum, qua damna, & expensas ipsi Mercatores ex hoc possent incurrere, vel habere; ita quod damus, & expensa, & fors cum effectu pei possint*. Ita qui usuram hac arte tegendam curabant, non, ut profecto erant, qui usuram licitam pertinaciter affirmarent, quosque ex perverso dogmate hærescos damnavit Concilium Viennense.

4. Soli *Patarieni* itaque sunt, vide præfat. quos tantum in hac doctrina errasse, uti alibi probavimus. Hi autem hoc in errore usuram universim licitam defendebant; & defendentes quidem licitam titulo locationis pecuniæ, ita ut perinde licitari liceat ex pecunia, ac ex locatione domus, usuratum pecuniæ lucrum locationibus prædiorum simile defendisse videntur,

tur, quod immoderatum non est. Hos igitur cum damnarint Viennensis Synodi Patres, non immodicum solum, sed moderatum, & quodlibet usurarium lucrum, usurae nomine intellexisse cognoscuntur.

3. Enimvero hoc demonstratur omnino ex praemissis ejusdem Concilii decretis, ubi statuta Communitatum de usuris reprobant. Hæc sane statuta non immoderatam permittebant usuram, sed potius immoderatam usurarum exactionem, ad certum modum coercuerant, ad quem sane & Justinianus, & alii Principes revocarunt, cum usuras permittere. Patet id ex particularibus locorum statutis, quæ supersunt. Hæc quidem statuta idem Concilium in *offensam Dei, & proximi, ac contra jura divina pariter & humana esse*, pronuncians, non solum appellavit divinum jus, quod omnem usuram prohibere vidimus, sed humanam etiam, quo pariter sub ea tempora omnis usura vetita fuerat, præsertim in Gallia, ubi illud Concilium coactum erat. *Usuram intelligimus quicquid est ultra sortem*, dixerat S. Ludovicus in edicto contra usuras edito an. 1254., & Philippus IV. anno 1311., paullo ante Synodum. Viennensem edictum tulerat, quo etiam *graviores* tantum usuras poenae corporis, & bonorum puniendas sanxit, speciem tamen *quamlibet usurarum* prohibuit, easdemque abs se fuisse prohibitas declaravit alio edicto an. 1312. *quantulacunque sint, sicut lege divina secundum doctrinam Sanctorum Patrum prohibita sunt*. Nihil ergo de Concilii mente dubium esse potest, quin hæreseos damnans *perstinaciter asserentes usuras non esse peccatum*, omnem usuram, *quantulacunque sit*, ex communi ejus ætatis sensu intellexerit, quam sane qui defendit, *contra jura divina pertinaciter docens*, jure hæreseos crimine, & poena damnatur.

6. Nemo certe neque per hoc tempus ex tota antiquitate alle-

Tom. 4.

gabitur, qui novitiam hanc moderatæ, & excedentis usurae distinctionem indicarit, & aliam licitam, illicitam aliam tradiderit. Novum inventum, & a solis auctoribus, qui in negando divino jure certissime errant, excogitatum, errori profecto deputandum est, quod iis solis placere potest, qui novitatem, & errorem circa ipsum divinum jus sequi non dubitant. Si enim usura omnis, quæ universim vetita fuit Hebræis, non æque vetita fuisset in Evangelio, sed aliqua moderata, permixta; non eadem lex, non idem divinum jus in Evangelio confirmatum dici posset: quod si contra scriptum, & traditum Dei verbum est, restat ut omnem, etiam moderatam usuram omnino interdictam credamus; uti omnem sane interdictam pluribus testibus cap. 2. recitatis docet ipsa traditio. Id confirmabitur ex iis, quæ sequentis libri capite ultimo dicuntur, ubi usuras quoque legibus permixtas, quæ legitimæ, ac moderatæ habentur, ita divina lege veritas ostendimus, ut adversus divinum jus nullæ ejusmodi leges prævaleant.

7. Scio nonnullos ex adversariis objicere, jure damnatas a Patribus antiquas quantumvis legitimas usuras; *centesima* enim, quæ erat usura legibus præscripta, duodecim annuos in centum reddebat, quod immoderatum nimis lucrum est. At ii primo usuras antiquas cum usuris nostri temporis mitioribus minus æque comparant. Fieri nimirum potest, ut quod uno tempore, vel loco nimium est, alio tempore, vel loco moderatum habeatur. Sic alicubi, ubi tria in centum legitima sunt, nimia, & immodica censentur septem in centum, quæ alicubi judicantur moderata, & legitime ex peculiaribus legibus penduntur. Similiter nonne X. XI., immo XIII. & XIV. in centum, aut plus, aut minus secundum temporum qualitatem, prout ipsi com-

M

486

*trahentes tunc inter se convenerant, velut legitimus, nec immodicus redditus realis Germanici census, probantur in Martini V. literis, quas in Extravagantibus lib. 3. tit. 3. c. 2. insertas leges? Quidni ante Justiniani tempora similis usurae taxatio moderata esse, & haberi poterat, & eatenus a vitio purgari? Adde quod Patres, quamvis eam habuissent immodicam, & castenus etiam damnassent, non eo tamen damnarunt præcipuo nomine, sed propterea quod divino jure vetita est, quo non immodica tantum, sed omnis usura damnatur. Hinc non legitimam solum, sed omnem usuram eos indiscriminatim damnasse, omnemque in Scripturis damnatam, prodidisse audivimus. Et licet a Justiniano usura ad eum fere modum redacta fuerit, qui nunc ab excessu alienus judicatur, nimirum ad sex in centum; tamen Patres, Concilia, Pontifices æque illam, veluti jure divino vetitam, & pro concione, & in Canonibus, & Apostolicis literis prohibere, catholicumque dogma haberi jusserunt, aliquid supra sortem accipere illud esse, quod usurae nomine, Lex, Prophetæ, Evangelium, & omnis traditio constantissime vetuit.*

Objeſſio ex  
S. Simeonis  
Stilitæ præ-  
cepto.

Tom. 1. Bi-  
blioth. Ori-  
entalis, p. 18

8. Forte tamen hoc loco quispianam opponet S. Simeonem Stilitam, quanto seculo celebrem, cujus inter præcepta, quæ reliquit plebi cujusdam pagi in Syria *Pbanis* nuncupati, istud accensetur, (1) *medietatem fœnoris veteris, & novi esse taxandam*, ut liquet ex epistola Cosimæ presbyteri ejusdem pagi, suo, atque totius plebis nomine ad eundem Simeonem scripta, quam tom. 1. Bibliothecæ Orientalis V. Cl. Assemanus edidit. Porro fœnus, quod eo tempore legitimum habebatur, ex

novissima præsertim lege Arcadii, quæ Constantinianam pœnis munitur, erat centesima, idest duodecim in centum, quod cum nimium videretur S. Simeoni, & ideo illicitum, quia nimium; illud non totum auferendum, sed ad medietatem revocandum putavit. Et ne quis de licito ambigat, idem Cosinus, in eadem epistola ad ipsum Simeonem, anathematis speciem intorquens adversus eos, qui majoris cupiditate lucri huic præcepto non parent, hæc subjicit, quæ totum fœnus illicitum, medium autem licitum subindicant: *Qui vero dicit: Non mutuum dabo, cum fœnus exiguum sit, is audiet, quæ dilectio tua protulit, & pro certa habeat, satius esse ipsi medietatem licite tollere, quam totum illicitum habere.* Hec unicuique tota antiquitate testimonium, quamvis a nemine objectum, quod nuperime editum sit, educere, optimoque in lumine collocare libuit, ne quid diligentiae nobis defuisse, aut dissimulando præterisse videremur.

9. Hanc tamen objectionem ut primum vidi, statim de vi vocum *licite*, & *illicitum*, ex originali Syriaca lingua inquirendum putavi. Quid enim, rogo, voces illæ spectant? Certe non humanam legem, ex qua *licite* nedum medietas, sed totum fœnus percipiebatur: neque vero divinam, quæ vel nullum fœnus vetat legibus taxatum, ut adversarii contendunt, vel, ut Scriptura, ac traditio docet, omne fœnus etiam medium *illicitum* prodit; unde etiam post S. Simeonem medietas fœnoris per Justinianum snblata fuerit, Patres tamen, Concilia, & Scriptores omnes Catholici id quoque fœnus jure divino vetitum æque affirmarunt. Adde quod semissis, quæ ad mediam centesimam redit, satis erat apud Ro<sup>2</sup>

(1) Illustrissimus Assemanus interpretationem ad verbum ex Syriaco rogatus, de qua sub finem capituli dicitur, sic per hieras præsentem locum reddidit: *Et de usura, quod medietas taxa nova, & veteris colligatur.*

Romanos vulgata. *Usura multiplicata semisibus, qua civilis, & modica est*, inquit Plinius l. 4. c. 4. Hanc solum exercere Senatoribus licuit lege Severi Alexandri, ut tradit Lampridius in ejus vita c. 14. nec non lege Arcadii anni 405., quæ in codice Theodosiano describitur tit. de Usuris l. 4. Immo in commentario ad hanc legem Gothofredus observat, non aliam fuisse usuram Fisci, & Civitatum: *Fiscalis usura semissalis fuit, ut & Civitatum, ut ostendit L. 1. Cod. Justiniani*. De his quibus ut indigni. L. 17. §. 6. D. de Usuris, & L. 10. D. de Pollicitationibus. Cum tamen Patres, & Concilia omnem usuram indiscriminatim rejecerint, hanc quoque *semissalem*, quæ erat nota, usuque recepta, æque reprobarunt. Immo cum S. Joannes Chrysostomus eo testimonio, quod cap. 7. §. 4. recitavimus, eos ex divinæ legis præceptione voluerit esse Christianos, quales ea intermedia tempestate inter Severum Alexandrum, & Arcadium legem esse debebant Senatores, cum ipsis nullas neque semissales usuras percipere ipso humano jure licebat; palam fit hanc quoque mediam usuram, divina lege, Christianos vetitam credidisse. Num Sanctus Simeon hoc sœnus centesimæ medium, adversus aliorum Patrum sententiam, *divino jure licitum* judicasse censendum est?

Prima responsio.

1.<sup>o</sup>. Si ergo voces illæ *licite*, vel *illicite*, nec humanam, nec divinam legem recipere poterant, num relaxæ fuerunt ad aliquem justum titulum, præsertim lucri cessantis, qui ex circumstantiis paucet, ob quem titulum sex in centum; quæ erat mediæ sœnoris, idcirco sumerentur *licite*, quod haberentur justum lucri cessantis pretium; duodecim autem, seu totum sœnus, *illicite* rediret, quod justam lucri cessantis estimationem excederet? Hic sane titulus probabiliter conjici posse videretur ex ipsâ obsecutione, cui hæc

liciti, & illiciti distinctio a S. Simeone inserta est. Hæc enim distinctio iis obtruditur, qui dicebant: *Mutuum non dabo, cum sanus* (medium a S. Simeone relictum) *exiguum sit*. Agitur ergo de iis, qui hoc exiguo lucro non contenti, majus non expetebant solum, sed sperabant, ac volebant percipere ex alio contractu præter mutuum; nam hi soli recusare poterant mutuum, cum mediæ sœnoris, quod *exiguum sit*, præ illo scilicet lucro, quod aliunde percepissent: secus si nullum, vel minus lucrum alias sperassent, nihil erat quod de modico, & exiguo mutui lucro conquesti, mutuum dare detrectarent. Hi, qui ad mutuum solo lucro moventur, mutuum dare renuunt, ubi nihil lucri acquirant ex mutuo: ubi autem acquirant aliquid, non recusabunt solo exigui lucri nomine, nisi majus lucrum aliunde proveniturum confidant. Itaque si de his actum fuit, qui majus lucrum ex aliis negotiationibus sperabant, ita ut mutuum proinde nollent, quod minus lucri pareret; hi profecto lucri cessantis titulum habebant, ex quo mediæ sœnoris in restitutionem, justam exactæ licitæ proveniret, & his solis S. Simeonem audorem fuisse, ut mediæ sœnoris eo titulo percepta essent contenti, credibile est: unde ad hos tantum ea licitæ sœnoris commemoratio porrigitur. Tantum autem sœnus duodecim in cœtum his erat illicitum, quippe quod lucrum cessans tantæ estimationis non esset, quæ tantam restitutionem postularet. Hinc sane homines cupidini, in lucrum quam maximum inhiantes, nisi totum mutui sœnus permitteretur, quod aliarum negotiationum lucro præstaret, pecuniam, alibi occupare mallebant. Hanc illicitam cupiditatem S. Simeon coercuit, præceptoque satis æquo ad justos limites redegit. Neque difficultatem facias ex eo, quod hæc *mediæ lucri, sanus*, seu *usura dicta*

tur, non autem iustum iusti tituli pretium, quod usura non est, sed compensatio damni. Nam apud antiquos, foenus, seu usura dicebatur promissive omnis accessio supra fortem, etiam si peteretur ex iusto titulo lucri cessantis, seu, ut Romani loquuntur, *ejus quod interest*, ut liquet ex L. 60. D. Pro Socio. Hæc autem, sicut non est usura proprie dicta, ut Labeo ea lege allegatus notavit, ita non est illud, quod usuræ nomine Deus prohibet. Sed quando sic late appellabatur, nihil mirum, si foenus in casu vocetur, quod verius, & proprius damni, seu *ejus, quod interest* restauratio fuit.

Altera ref-  
ponso ve-  
riora.

22. Hæc illæ observationes fuerunt, quæ primum menti obvolvebantur in solam interpretationem Latinam, uti in Orientali Bibliotheca licitum, & illicitum præfert. Minor vero difficultas est ex Originali Syriaco, cujus accuratorem interpretationem ipse Assemanus per literas rogatus, sic ad verbum (ut ait) una cum Syriaco textu nunc remisit e Vaticana Bibliotheca die 5. Maji an. 1743. *Et qui dicit, quoniam usura exigua est, non mutuum do: is audiet hoc, quod tua dilectio dixit; sitque ei certum, satius ipsi esse, ut medietatem accipiat, sitque ei in benedictionem, quam ut totum accipiat, sitque ei in maledictionem.* Quod ergo licite, & illicite priori interpretatione redditum fuerat, hæc altera ad Syriacorum verborum proprietatem exponitur, *sitque ei in benedictionem, & sitque ei in maledictionem*; quæ verba, etsi licitum, vel illicitum, possent aliquatenus innuere, propriæ tamen, ex locutione in Scripturis familiari, Syriacam formulam exhibent, quæ benedictionem, idest laudem, vel præmium, aliquid iis adprecatur, vel pollicetur, qui minus cupidè, medio foenore contenti, a reliquo medio, quod per civiles leges exigere possent, sese cohibent: maledictionem autem, idest vituperationem, pœ-

namve aliquam minatur iis, qui avariores totum foenus esflagitent. Hic porro benedictio primis rogata, præterquamquod laudem, vel præmium solum humanum potuit indicare, ex. gr. ab hominibus, qui medii foenoris remissionem beneficio referentes, maxime commendassent (ita enim & in Scripturis, *Cujus memoria in benedictione est*, & id genus alia hominum benedictionem significant) id, quod alicito medio foenore, quod accipiebatur, apud Deum additum præsciendit: hæc certe benedictio, seu laus, vel præmium, quodcumque intelligatur, cum illis, ex beneficio urique, fuerit adprecanda, non quatenus acciperent medium foenus, quod sane mutuatarios gravabat, non juvabat; sed quatenus a reliquo medio temperarent, quod humanitatis, & virtutis officium, laude, & premio dignum erat; profecto si quid hec in hac benedictione indicatur, non ad illud foenus, quod acceptum, sed ad illud, quod remissum fuit, unice refertur. Vides ergo illud testimonium moderato foenori nihil patrocinari. Cum enim benedictio ad medium foenus sublatum pertineat; medium foenus, quod relictum fuit, si non ex iusto titulo relictum pures, permissioni inere vertendum est, ut laudatus Assemanus in adnotatione per literas communicata apposite observat, alioque ejusdem S. Simeonis factio mirifice confirmat his verbis: *Permisiit S. Simeon medietatem tantum foenoris percipi, quia totum tollere non potuit, ob duritiem illorum populorum. Satius enim est, ut inquit, idest minus malum, ut quis medietatem tollat, sitque ei in benedictionem, quam ut totum tollat, sitque ei in maledictionem. Simile quid suavis legitur idem S. Simeon in ipsius vita apud Bollandum tom. 1. die 5. Januarii pag. 265. & seq. Et hoc dico tibi; ne unquam mentiaris, juvesce per Deum. Simuascere sit tibi, iura*



*jurā per me humilem, sive serio, sive falso. Per suum enim nomen jurandi facultatem fecisse barbaris illis hominibus censendus est ea ratione, qua dicitur minus malum suaderi posse, et, qui omnino alterutrum facturus sit, sive ex obstinata voluntate, sive ex mala consuetudine, quemadmodum, in hunc locum observavit Vincentius Bellouacensis c. 53. lib. 20. Sigibertus Gemblacensis in Chronico ad an. 458., & Hollandus tomo. 6. pagina. citatis. Hactenus Illustrissimus Alsemanus.*

12. Neque vero adversarii, eropro sibi hoc S. Simeonis loco, opponant testimonium S. Leonis ex ferm. 13. de jejunio decimi mensis, ubi immodica augmenta tantum condemnat; vel ex Lateranensi IV. an. 1215. obtrudant canonem septimum, ubi ne immoderatas usuras, ac immoderatam gravamen Judæi Christianis extorqueant, cavetur. Nunquid enim primo immoderatas usuras, quæ per se quidem maxime damnabiles sunt, peculiaribus poenis mulctare, sive prohibere vehementius, est probare moderatas, quas si non hoc, vel illo textu, aliis certe innumeris reprobatis constat? Sic Philippus IV. Francorum Rex, in duplici edicto an. 1312., solas usuras graves poenis compescuit, etiam reprobatæ quolibet genus usurarum, quantulacunque sint, ut paullo ante monuimus. Dein S. Leo, alique, cum immodica augmenta appellarunt, non eas appellarunt usuras, quæ legum modum excederent, sed quasunque, ut earum naturam innuerent, qua illæ, etiam ad legum modum exactæ, sine modo tamen augerentur semper, atque multiplicantur in dies. Hoc enim pecuniæ fœnori traditæ proprium est, infinitas accessiones parere, nullumque parendi finem, aut intermissionem recipere, ut S. Basiliius in Psal. 14., S. Gregorius Nyssenus orat. in usurarios, S. Ambrosius de Tobia, atque Patres notarunt. In hanc qui-

dem sententiam commode intelliguntur illa S. Leonis: *Qui multiplicare opes suas immodicis operas augmentis, nec non illa S. Cypriani in lib. de lapsis: Usuris multiplicantibus, funus, idest sortem, augere.*

13. Alterum porro de Judæis, quibus immoderatæ solum usuræ quibusdam canonibus coercentur, dum usuræ omnes vetantur, aut vetitæ præsumuntur in Christianis, quis in probationem usuræ moderatæ traducere possit? Quanto amplius, inquit Lateranense IV. Canone laudato, *Christiana Religio ab exactione compescitur usurarum, tanto gravius super his Judæorum perfidia inoleseit. Volentes igitur in hac parte, prospicere Christianis, ne a Judæis immaniter aggraventur. Synodali decreto statuimus, ut si de cetero quacunque prætextu Judæi a Christianis graves, & immoderatas usuras extorserint, Christianorum eis participium (idest civilis communicatio) subtrahatur, donec de immoderato gravamine satisfecerint competenter.* Et in eandem sententiam Narbonense Concilium an. 1227. de Judæis primum can. 2. Item quia Judæi usurariis exactionibus plurimum opprimunt Christianos, cum a Domino generaliter prohibeantur usura, Synodali Concilio duximus providendum, ne aliquatenus a Christianis immoderatas usuras accipiant: quod si fecerint, eas restituere ab Ecclesia compellantur, videlicet per excommunicationem in Christianos, qui cum eis in commercio, vel aliis participationem habebunt; tum de Christianis generale interdictum, fœnæ item generali, in manifestos usurarios fertur can. 8. Vides ergo quid inter Christianum, & Judæum, inter Divinam, & Ecclesiasticam legem intercedit. Divina lex generaliter usuras prohibet; quas ideo Christiana religio sine ulla exceptione interdicat. Judæi vero, cum sibi licitum credant fœnus cum alienigenis,

genis, quod lex Deuteronomii tolerat, dum Christiani nullas usuras exercent, solæ immoderate Judæorum usurae hisce Ecclesiasticis canonibus coercentur: unde vel Fridericus Imperator in Constitutione pro Regno Siciliae, quæ describitur lib. 1. Constitutionum ejusdem Regni tit. 6., post interdictam Christianis omnem usuram, Judæos excipit, *in quibus, inquit, non potest argui fasus illicitum, divina lege prohibitum, quos constat non esse sub lege a beatissimis Patribus insista;* solumque usurarum modum, quem transgredi non liceat, eisdem præstituit. Quicumque ex Christianis vellent moderatas usuras sibi permitti, hi se quasi Judæos haberi vellent: nisi etiam Judæis ipsis multo pejores sese præferant, quippe qui usuras quoque inter fratres exigere, sibi permitti velint, quas Judæi sibi vetitas fatentur: unde *pejus judicare solemus*, inquit S. Bernardus Epist. 163. n. 7., *Christianos feneratori, sitamen Christianos, & non magis Judæos baptizatos convenis appellari.* Sed satis jam superque dictum de primo collario.

## CAP. X.

*Corollarium alterum. De usura vitata non solum Clericis, sed etiam laicis, quos aque jus divinum comprehendit. Nonnulla objectiones rejectæ.*

**A**Lterum, quod ex constitutis non minus evidenter sequitur, est, usuram, quæ jure divino interdicta est, non solis Clericis, sed omnibus etiam laicis esse interdictam. Qui ex adversariis solos Clericos usura prohibitionem obligari putant, idcirco putant, quod eam solo Ecclesiastico jure vitatam existiment, eoque solos ligari

Clericos, qui ad majorem perfectionem vocati sunt, æquum existimant. At laicos haud similiter ligari posse, vel debere contendunt, cum ea, quæ ad contractus mere civiles jure divino non illicitos pertinent, Ecclesiasticæ jurisdictioni subesse nolint: secus vero dicendum concedunt, si de divino jure certum sit, quo non minus laicos, quam Clericos adstringi fatentur. Vide Salmasium de Usuris a. 21., & præfationem operis de Fœnore Trapezitico. Itaque tum de jure divino ex dictis constat; jam de jure constat, quod, ipso Salmasio, ac adversariis omnibus consentientibus, nedum Clericos, sed laicos etiam omnes pariter ligat, ut sane omnes Hebræos in veteri Testamento ligasse exploratum est.

2. Neque objicias antiquos canones, qui solis Clericis usuras interdixerunt. Pusillum argumentum, quod quidem pro negando divino jure ex antiquitate adversarii idcirco intorquent, ne se aliqua saltem apparenti antiquorum auctoritate desertos prodant. Antiquitatem vero callentibus, perspicua est veterum Patrum æconomia, cum de peccatis frequentioribus, per civiles præsertim leges quodammodo probatis, ageretur. Etsi enim ea peccata esse indubie crederent, & affirmarent; a sænis tamen Ecclesiasticis, quas fere irrogant Canones, abstinendum duxere, & non solum quoad laicos, sed quandoque etiam quoad Clericos. Hinc Augustinus in Enchiridio c. 88., postquam peccata Gomorrhæorum, & Sodomitarum commemorasset, quæ in consuetudinem venerant, *quin non solum jam apud eos non puniebantur...* verum etiam publice velut lege frequentabantur, de peccatis sui ævi subdit: *Sic nostris temporibus ita multa mala, etsi non talia, in apertam consuetudinem venerunt, ut pro his non solum excommunicare aliquem laicum non audeamus, sed nos* etc.

*clericum degradare*. Idem circa usuram accidit, Romanis legibus permiffam, quatum sane patrociniū nonnulli allegabant. Hinc nec in Clericis aliquandiu punita; dein poenae canonum solis primū Episcopis, Presbyteris, & Diaconis inflictae in canonibus, qui vocantur Apostolici; tum vero a Nicænis Patribus ad omnes Clericos extensa; quæ poenalis canonum œconomia male in approbatione usuræ assumitur pro iis, quibus sicut nulla poena canonica imponenda visa est, ita nec specialis eorum faciendæ fuit iis in canonibus mentio, qui in poenâ ferendas conditi sunt. Quot alia sunt crimina, quæ peculiaribus canonum sanctionibus interdicuntur, & castigantur in solis Clericis; nec tamen laicis esse licita inferri potest? nota sunt quæ de fornicatione, turpi lucro, aliisque similibus adversus Clericos canones statuerunt, ut ne tamen hæc laicis licita exinde credantur, quæ omnibus divino jure veritas alias liquet. Num vero minus licet de divino jure, quod omnibus usuram prohibet, satis superque demonstratur existimo. Immo cum ex ipsis canonibus usura Clericis verita nonnunquam affirmetur, propterea quod divino jure interdicta est; ut ex Nicæno, & aliis canonicis decretis superius consideratis patet; satis hinc laici ipsi moniti fuerunt, ne quod in Clericis damnatum, & punitum viderent, divini juris gratia, id sibi eodem divino jure ligatis licitum arbitrantur.

3. Adde quod, ne qua laicis esset erroris occasio, cautum ab iisdem antiquis Episcopis fuit, ut quod vitium canonibus coercerent in Clericis, quibus canones nominati erant, ab eodem, in sacris concionibus ad populum habebis, universos removerent, quemadmodum S. Gregorius Nyssenus in Epistola canonica ad Letojum expresse af-

firmit. Postquam enim observavit plura crimina, inter quæ usuram accenset, a Nicænis Patribus quoad laicos incastigata fuisse relicta, addit: *Satis habemus, & vitia, in quantum poterit fieri, publica doctrina sermone, & altercatione sanare, tanquam morbos quosdam ex repletionē natos, vitia hujusmodi ex avaritia orta verbo curantes*. In quæ notavit ipse Salmasius lib. 2. de Fœnore Trapezitico pag. 353. *Nec aliam viam tenere patres pristini, Græci, Latiniq; tam Gregorio anteriores, quam inferioris ævi, qui allocutionibus suis ad populum exstirpare ex hominum pectoribus omnes avaritiæ causas conati sunt*. Inde illorum adeo frequentes, quibus in senus acerrime intuchuntur, declarationes. Nonne hæc satis, ut canonum antiquorum, adversus usuram laicorum, silentium, nihil contra constitutum divinum jus probet? Immo ubi nulli præsumantur canones, qui laicorum usuras damnent, si nihilominus Patres in concionibus adversus usuras laicorum acerrime invecti sunt, eas utique laicis, non Ecclesiasticis quidem (quod laicis, nihil tale vetuisse præsumitur) sed solo divino jure veritas, uti a majoribus acceperant, credidisse hinc potissimum confirmatur.

4. Neque tamen omittendum, quod in aliis canonibus usura, licet laicis nondum interdicta Ecclesiastico jure, satis tamen reprobata, & illicita aliis indicis innuitur, cum vel usuraria lucra a (1) sacris oblationibus removeniunt, quod lucrosalium turpi, ac illicite parato accidit; vel usurarii, quamvis laici, a (2) sacris accentur ordinibus, quod de negotiatione licita factum non fuisset. In aliis etiam canonibus, non posterioribus tantum, sed etiam antiquis, omnis usura, omnibus, & nominatim etiam laicis (3) reprobata, ac (4) interdicta invenitur, & iis quidem verbis, quæ non novum Ecclesiasticum jus condere, sed

(1) Constit. Apostolicæ lib. 1. c. 1. Commodianus &c.

(2) Basilii Epist. 23. Anaphil. can. 14. Synod. Carthagin. IV. c. 67.

(3) Carthagineense plenarium ann. 390. circiter can. 18.

(4) Liberitanum can. 22. Cabilon. can. 1. Melitense ann. 815. c. 1. & alia.

ITEM

rem altiori, seu divino jure omnibus vetitam reprehendere, & coercere praeferunt.

5. Ex his porro liquet, quam levissimum sit, quod nonnulli obtrudunt, usuram idcirco per sacros antiquos canones Clericis fuisse prohibitam, quia *omnibus secularibus negotiis abstinere debent*. Nam etsi verissimum sit, quod Clerici debeant a negotiis secularibus alias licitis abstinere; usuram tamen non hoc nomine ipsis interdicta fuit, sed quod *Scriptura*, seu *legis divina oblati*, ut canon Nicænus loquitur, ad divini juris memoriam, atque officium revocandi erant. Id autem divinum jus non tam agnoscendum est iis in canonicis, qui expressam divinæ legis fecere mentionem, sed in illis etiam, qui legis ejusdem non meminerunt, subaudiendum est, ut ipsi Græci Schismatici interpretes monere. Sic enim Balsamon in can. 43. al. 44. inter Apostolicos, qui divinæ legis non meminit, hanc adnotationem posuit: *Lex antiqua dicit: Non dabis fratri tuo pecuniam ad usuram: consequenter præsens canon dicit omnem dependendum Episcopum, Presbyterum, & Diaconum fornicantem, nisi cessaverit*. Et Zonaras: *Hic quidem Canon jubet Episcopos, & Presbyteros, & Diaconos usuras non exigere: nam si veteri lege vetitum fuit hoc dicente: Fornori non dabis argentum tuum fratri tuo, multo magis vetatur illis usuras capere, qui secundum Evangelium vivere jubentur: propterea deponi præcepit ad usuram mutuantes, nisi desinant*. Quod enim divinum jus in Nicæno, aliisque canonicis declaratum, canonicis conficiendi ratio fuit; id in aliis quoque canonicis jure intelligitur, etiam si expressum non sit.

6. Hinc sane usura, cum divino jure sit interdicta, nullo unquam canone Clericis permessa probabitur, sicut alia nonnulla non eodem divi-  
pro jure, sed mere Ecclesiastico in-

terdicta, iisdem Clericis per dispensationem nonnunquam permessa inveniuntur: uti negotiatio quidem, certis cum cautionibus, non tam Clericis inferioribus, quam Diaconis, Presbyteris, & Episcopis permittitur in antiquissima Elberitana Synodo can. 19. Non itaque Clericis usura idcirco vetita fuit (ut quibusdam usurarum patronis placuit) quia negotiationis species est, a qua ne distraherentur a sacris, Clerici alieni esse debent. Hoc enim ex capite permitti illis aliquando potuisset, sicut negotiatio permessa nonnunquam fuit. Immo cum usura desidiosus sit quaestus, seu (uti vocatur a Plinio) *quastuosa segnitia*, quæ nihil, vel minimum occupat, & distrahit; hæc maxime non solum præ negotiatione, sed præ aliis quoque licitis, sed impeditoribus exercitationibus permitti iisdem debuisset, si solam evagationem, occupationemque animi, Patres in eadem spectassent. Sed quia non alia de causa vetita fuit, nisi quia turpis, & illicitus est quaestus; nunquam idcirco Clericis invenitur permessa, quando negotiatio, majorem evagationem animi afferens, at licita tamen, ipsis aliquando concessa legitur. Ita hæc generalis, & constans usura prohibitio, quæ in negotiosam distractionem reduci nequit, ut adversarii vellent, ejusmodi quaestum esse illicitum magis magisque confirmat.

7. Indignum hinc etiam cognoscitur, quod nonnulli obijciunt, usuram perinde cum negotiatione Clericis interdici, ac si par sit utriusque causa, & jus. Quis non videat homines a ratione æqua desertos, quasilibet, tametsi desperatas, argumentationes arripere? In Apostolico Jerosolymitani Concilii decreto, una cum fornicatione, (quidquid hoc nomine intelligatur) venius legitur sanguinis, ac suffocatarum carnum usus: num par utriusque causa, & prohibitio est? Nonne alii sunt canones, qui simul vetant quæ divi-

Salmast. de  
Uicris c. 21.  
p. 410

Lib. II. c. 14.  
notus a. 14

ni, & quæ meri Ecclesiastici juris prohibitionem coercentur? Sed in his levissimis nimium immoramur.

8. Hic vero nonnemo fortassis S. Augustini textum objiciet ex Enarrat. in Psal. 62. n. 23, ubi inter diversas laicorum artes, quæ iisdem licitæ sunt, scænebre recenset: *Alius elegit sibi vitam negotiandi, alius vitam rusticandi, alius vitam fœnerandi, alius vitam militandi, alius illam, alius illam.* Mirum si hoc loco, qui simplicem variarum artium enumerationem exhibet, approbata credatur scænebris ars ab eo Sancto Doctore, qui eam alio sermone in Psalmum 34. n. 24, expresse damnans, *Fonus*, inquit, & *professionem habet: fonus & ars vocatur, corpus dicitur, corpus quasi necessarium civitati, & de professione sua vestigial impendit.* Ne contradictoria in tanto Doctore admittantur, observandum est ejus consilium, quo varias vias querendi artes primo textu recensuit. Si expendatur contextus, palam fiet, mentem ejus fuisse, non referre artes vivendi licitas, sed vitam a Deo promissam iis omnibus præferre, quas sibi homines eligunt, ibique vitas a *perversis* etiam ecclesias complectitur, ut liquet ex illis, quæ statim post recitata verba subjiciuntur eod. n. 12. *Diversa sunt vitæ, sed melior est misericordia tua super vitas nostras. Melius est quod das correctis, quam quod eligunt perverſi. Unam vitam donas, quæ præparatur omnibus nostris, quasunque in mundo eligere poterimus.* Inter omnes vitas, quasunque etiam *perverſi* eligere possunt, non solæ professiones licitæ censentur, sed etiam illicitæ. Quis ergo vitam fœnerandi inter has recensitam ex hoc textu argumentetur licere, cum præsertim eam alibi illicitam expresse tradat?

9. Ex Jure Canonico duo canones Innocentii III. objici solent, nimirum can. *Salubriter* tit. de *Usuris*, & canon. *Per verba* tit. de *Donationibus inter vivos*, in quorum

Tom. I.

altero gener haud compellendus traditur, ut fructus possessionis pro pecunia dotali a sacro obligata computet in sortem; in altero autem pecuniam dotalem, ut tuta simul, atque utilis sit, apud mercatorem posse collocari cum lucro Pontifex approbat. Sed injuriosum nimis est tanto Pontifici, ac plane incredibile, eum, qui tot decretalibus adversus usuram, & usurarios semper dimicavit acerrime, inter quas una ad Philippum Galliarum Regem apud Acherium legitur, usuræ aliquando patrociniū dedisse his duobus in locis, ubi usuram non memorat. Nonne vel hæc una ratio satis convincit, hæc in canonibus non de senore, sed de alio honesto lucro sermonem haberi? Enimvero in can. *Per verba* mentio fit *honesti lucri*, quale profectio Innocentius III. usuram non habuit; & sane non mutuum, ex quo usura nascitur, sed alium legitimum contrahum cum cauto mercatore ineundum, ex quo lucrum honestum percipi queat, & quo etiam pecunia apud eundem mercatorem magis tuta sit, quam apud maritum pauperem, ibidem indicare ostendemus pluribus Opusculo II. n. 41. In canone autem *Salubriter* sermonem esse de marito, qui præsumitur ex privatione pecunie dotalis dampnum percipere, ita ut *recipiat fructus pro interesse*, seu compensatione damni, vel lucris cessantis, & non *pro usura*, in glossa ad eum canonem tradidit Innocentius IV., qui Innocentii III. mentem pernoscere potuit: unde hæc interpretatio veluti sincera communis asserri solet. Ubi autem falsa esset præsumtio, quæ forte in casu Innocentii III. explorare aderat, vis canonis nulla esset: unde alios maritos, hoc præsumto titulo carentes, alii auctores usuræ condemnant, ut videre est apud S. Antonium part. 2. tit. 1. c. 7. §. 27. Ego vero in notationibus ad c. 56. ejusdem partis secundæ §. 1. pag. 79. editionis

N

Vc.

Veronenſis aliam interpretationem adieci, his verbis: Cum non hanc (rationem, quam in priori interpretatione propoſui) in prædiſſo canone allegaverit Pontifex, ſed iſtam: Cum frequenter dotis fructus non ſufficiant ad onera matrimonii ſuſtinenda; ac ſi fructus, ſi matrimonii onera excederent, percipi non poſſent pro ea portione, qua excedunt, quod cum nonnullis diſerte tradit S. Bernardinus Senenſis tom. 2. ſer. 42. c. 2. (Secundum quosdam, ſi fructus ſuperant onera matrimonii, non poſſet maritus recipere, niſi quantum ſe extendit matrimonii onus, quia ceſſante cauſa, ceſſat & effectus) cum hanc, inquam, rationem ab oneribus matrimonii ductam allegaverit Pontifex; conſequenti fortassis poſſet, maritum iſdem pro alenda conjuge, ceterisque uxoris oneribus ſuſtinendis poſſe fructus percipere, quoad dos ſolvatur; quod in matrimonio contrahendo alenda uxoris &c. obligationem jure poſſit nolle ſubire, quoad dos ſibi debita non numeretur, illamque obligationem patri, vel conſanguineis uxoris relinquat, qui in eam remſundit oppignorati fructus remittunt: & hinc Innocentius III. docet, quod poſtquam maritus non debet eam uxorem alere, non debet fructus accipere. Haecenus in ea notatione. Poſtea vero hanc eandem interpretationem approbatam legi a Jacobo de Fieus Epifcopo Tulenſi, in Inſtructione paſtorali de Uſuris, data die 25. Aprilis an. 1679., & confirmata, ac iterum recuſa an. 1703. ab Henrico de Biſſy ejus ſucceſſore, ac demum Cardinali celeberrimo. Hæc autem ibidem leguntur c. 7. La premiere (exception) eſt en faveur d'un gendre qui peut percevoir les intérêts de la dot de ſa femme. Le Pape Innocent III. cap. Salubriter de Uſur. declare qu'un gendre n'eſt pas obligé de tenir compte ſur la dot de ſa femme des fruits qu'il a perçus des biens dont ſon beau-pere lui a donné la jouiſſance, juſques à

ce que la dot ait été entièrement payée. La raiſon eſt que ce profit doit être conſidéré comme une penſion que le pere donne à ſa fille pour l'aider à porter les charges du mariage, & non pas comme une récompense du delay qu'on lui donne pour le paiement de ſa dot. Mais ſi le beau-pere aſſigne ſur un autre le paiement de la dot de ſa fille, ou ſi le gendre, donne l'argent de cette dot à quelqu'un, il ne peut en tirer aucun profit ſous pretexte que cet argent provient d'une conſtitution dotale; parce qu'il n'y a que le pere ou autre qui tienne lieu de pere, qui ſoit obligé à nourrir la fille, & à porter les charges du mariage. Latine autem ſic: Prima exceptio eſt in favorem generi, qui ex dote uxoris poſſet intereſſe percipere. Pontifex Innocentius III. cap. Salubriter de Uſur. declarat generum non obligari ob uxoris dotem ad computandos in ſortem fructus, quos percipit ex prædiſſis, quæ ſocer illi tradidit, ut iſi ſolvatur, quoad dotis ſolutio fiat. Ratio eſt, quia hi fructus accipi debent uti penſio, quam pater filia ſolvit, ut onera matrimonii ſervat, non autem ut prætium pro dilata ſolutione dotis. At ſi ſocer dotis ſolutionem pro filia referat in aliam perſonam, vel generi pecuniam dotalem alteri credat; in nultum poſſet fructum recipere eo nomine, quod ex dotali pecunia provenit: nemo enim eſt niſi ſolus pater, vel patris, locum tenens, qui nutrire filiam, & matrimonii ejus onera ſervare debeat. Utramlibet porro interpretationem eligas, nihil ex hoc pariter canone uſuræ patrocinatur.

10. Neque omittendus hoc loco eſt cap. 1. de Uſuris, ubi Alexander III. fructus poſſeſſionis oppingratæ percipi poſſe ait, ſi Eccleſia beneficium fuerit, quod redimendum ei hoc modo de manu laici vindicatur; nec cap. 8. ejusdem tituli, ubi idem Pontifex concedit fructus item poſſe colligi, ſi terra ipſa de feudo ſit monaſterii vel ſci. Nihil

hinc

hinc quoque usurae faveret: neque enim in huius casibus lucrum pecuniae mutuae exigitur ex pignori fundi fructibus, sed vel redimitur fundus proprius, qui occupabatur a laico, vel recipiuntur fructus praedii feudalis, quod in monasterii dominio erat, idque ipsum recipitur in compensationem servitii, quod vassallus monasterio debebat, ut ex alia decretali c. 1. de *studis* Innocentius IV. explicat.

11. Una nunc obiectio reliqua est, quam ex Florentinae, ac Tridentinae Synodi silentio adversarii eliciunt. Graeci, inquam, & Calvinus usurae faverunt: Graecorum errores Florentina, Calvinus autem Tridentina Synodus correxit; Igitur si error esset, qui usuram divino jure vetitam negat, nec a Florentinis, nec a Tridentinis Patribus dissimulatus fuisset. Quot ex capitibus haec oppositio deficit? Primum enim quam perversum istud argumentum est, quo de Ecclesiae sententia, non ex innumeris, & expressis ejus judiciis, sed ex ejus silentio, quod aliqua occasione servavit, iudicium profertur? Constat omnes Ecclesiae Patres, & ante, & post Florentinam, Tridentinamque Synodum, illud tanquam dogma fidei constanter docuisse, omnem usuram esse peccatum. Eritne probabile, aliam fuisse Florentini, vel Tridentini Concilii fidem, quoniam de hac re non expresse pronunciavit? Dein ad Graecos quod pertinet; falsum hoc praedictum est, quod de Graecorum

Expositio.

errore a nonnullis traditur, in praefatione luculeniter ostendimus. Licet autem non idem sit de Calvino, quem adversariorum sententiae antesignanum agnoscimus; num tamen Synodus Tridentina omnes Calvinus errores sibi damnandos proposuit, ita ut non improbandum dici debeat, quod damnatum expresse non fuit? Quot alios errores Calvinus docuit contra certissima dogmata de visibilitate, & infallibilitate Ec-

clesiae, de Conciliorum Oecumenicorum auctoritate, de descensu Christi ad inferos &c., de quibus tamen idem Concilium expressam definitionem non tulit? Adde quod Calvinus circa usuram error paucorum fuit, contra quem plures ex ipsis Protestantibus aliter sentiebant, ut in praefatione item ostendimus. Concilium vero Tridentinum errorum capita, quae omnium, aut plurium Protestantium fuere, praedicanda sibi proposuit. Nihil itaque ex Tridentini silentio colligere possunt recentiores patroni usurarum, cum neque omnes Calvinus errores Concilium damnaverit, neque error circa usuram tunc late diffusus sit; unde etiam potuit accidere, ut ad Tridentinorum Patrum notitiam nequaquam pervenerit. Ceterum ex eodem Concilio satis implicita divinitus circa usuram juris declaratio derivari potest, ex sessione scilicet quarta, ubi ad coercendam petulantiam ingentia decretum fuit, ut nemo sua prudentia invicem, in rebus fidei, & morum, ad adorationem doctrinae Christianae pertinentium; sacram Scripturam ad sui sensus conterquens, contra eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Scripturarum sanctorum, aut etiam contra unanimem consensum Patrum, ipsam Scripturam sacram interpretari audent. Qui fuerit, ac sit Ecclesiae sensus in interpretandis Scripturis de divina prohibitionem usurae, quam unanimis sit consensus Patrum, ignorare potest nemo; ac propterea quo jure reprobanda sit usura, ex hac ipsa Tridentini Concilii regula confirmatur.

Endemprae  
lat. 111. 15.

## CAP. XI.

Objectiones reliqua solvuntur.

1. **C**um de divino circa usuras jure in praesentiarum egerimus, nihil dicendum de objectionibus a ratione ductis, quae

quæ ad naturale jus pertinentes, ibi proponendæ, ac refellendæ erunt, ubi naturale jus statueretur. Divino juri, quod ex certo dogmate, & auctoritate liqueat, omnino parendum est, five ratione intelligatur, five non: & sicuti rationes, si quæ repugnare videantur, nihil juvant Hebræos, quominus divino juri apud ipsos certo obtemperare cogentur; ita nihil prodesse possunt Christianis, quibus idem jus à Christo confirmatum ex catholico dogmate ostendimus. Confer dicta cap. 1. & 7. Solæ objectiones ex auctoritate sacra ingestæ, quæ ad dogma infirmandum pertinere queunt, omitte de non sunt. At quæ ad jus ipsum spectant, in superioribus capitulis opportuno loco positæ, & explicatè inveniuntur. Reliquæ sunt aliquæ, facti potius, quam juris objectiones, quibus scilicet facta usuraria opponuntur. Cum vero facta juri contraria per se ad jus negandum nihil faciant, necessario consideranda non sunt; errare enim in factis catholici potuerunt semper, etsi in doctrina, & jure nequaquam errarent. At cum facta quædam opponantur, quæ a viris & sanctis, & Ecclesiastica dignitate fulgentibus collecta, juris auctoritatem præferre videntur, ea hoc in postremum caput reservata, ad examen vocemus.

## §. I.

*Ex aliquot Epistolis S. Basilii.*

2. **P**rimo tres ingeruntur S. Basilii Epistolæ 107. 108. & 109. postremæ editionis, ubi is acturus pro Julia Vidua, ut eam ab usurarum solutione liberaret, angustias ejus, & liberalem creditoris promissionem de usuris remittendis unice commendans, ex divinis Scripturis, aut divino jure nihil objicit. Misera argumentatio; ac si ex aliis S. Basilii locis certum non sit, quæ ejus fuerit de

divino jure sententia. Sed adversarii obsurdæ sententia omnibus exploratis ejus testimoniis, hæc Epistolæ jactant, quibus in peculiari casu de divino jure dicere opus non fuit. Agebatur enim de creditore, qui Julitæ, ipso Basilio præsentè, duo liberaliter quidem, & ex pacto scriptis tradito concesserat: primo certum induciarum tempus, quo commodius solveret debitum; dein, si sortem solveret, usurarum remissionem. Postea, pacti immemor, ipsum præstitutum tempus primo coarctare, deinde vero soluta sorte usuras exigere. In hanc rem Basilius à Julia propinqua ejus rogatus auxilium, hanc opus habebat proferre Scripturas, & prohibitionem divinam, parum utiles futuras apud eum, qui certam patris obligationem negligeret; sed ipsam pacti, quæ apud homines vel in foro externo satis valet, fidem inculcandam acquirere duxit. Adde quod Epist. 107. scripta fuit ad ipsam Julitam, cui dum subsidium exhibetur, de divino jure differendum non erat: Epistola autem 108. ad durum exactorem eo tempore scripta fuit, quo non de usurarum exactione, sed de solo tempore coarctato agebatur, ut nihil de usuris esset disputandum: actandem Epist. 109. ad Helladium pro usurarum remissione scripta, cum infidelis exactor præter sortem usuras etiam conabatur exigere, quid opus erat de jure divino agere apud eum, qui non creditor, aut exactor erat, sed adversus creditorem, exactoremque apud Præfectum intercessor rogabatur?

## §. II.

*Ex Sidonio Apollinari.*

3. **A**liud factum opponitur à Sidonio Apollinari Amerinorum Episcopo, descriptum lib. 4. epist. 24. ad Turnum. Hujus pater,



ter, Turpio appellatus, a Maximo quandam pecuniæ summam acceperat sub usuris centesimis, quæ Romanis legibus prænitæ, nec per decennium citius solutæ, sortem æquaverant. Turpio interim gravi morbo corripitur, & auctoritate publica, infcio tamen Maximo, ad solutionem urgebatur. Cum vero is solvendo non esset, Sidonium Tolosam profecturus rogavit, ut ad Maximum quondam amicum suum divertens, aliquas ab eo inducias impetraret. Ille autem Maximum nuper creatum Episcopum reperit, cui cum rem exposuisset, is statim collacrymans, non moram debiti, sed periculum debitoris, *Absit a me*, inquit, *ut hac reposcam clericus ab agro, quod vix petissem miles a seipite*. Tum non inducias solum unius anni concessit, sed remisit etiam usuras, in quo Sidonius, *Egi*, inquit, *gratias Deo maximas, seipiti magnas, quia sic amaret tam suam famam, quam conscientiam*. Quid hic, rogo, est in approbationem usuræ, quam si is, qui remittit, conscientiam suam amare tradiitur, peccatum utique, quo conscientia leditur, in usuris exigendis certissime declaratur?

4. Atqui, inquiunt adversarii, Sidonius in eadem epistola factum describens, moniturus Turnum Turpionis Filium, ut nulla excusatione usus, sortem post annum solvendam curet, his utitur verbis: *At cum habet talis persona contractum, qua velis medium relaxare, cum totum possit exigere; si moram patitur, quidquid per misericordiam concesserit pie, iuste reposcit propter injuriam*. Medium vocat usuras, quæ sorti æquatæ, modum sortis ad duplum adauxerant. Totum autem usuras, ac sortem intelligit. Ergo (colligunt illi) usuram iustam, ac licitam putabat Sidonius, qui eam sola misericordia relaxari, iuste autem totam exigi posse pronunciat. Nisi conscientia offensionem

ex usuris contractam aperte præmisisset, dubitatio fortassis aliqua ex hisce verbis potuisset suboriri. At post sententiam tam manifestam, quis non videat, Sidonium, si nibi in iisdem literis contradicat, non posse intelligere de iustitia, quoad Deum in foro conscientia, sed quoad homines in foro externo, ubi usuras ad duplum redactas, *leges, & iudices reddi iubent*, ut Augustinus notavit? Adde quod iustior in eodem foro esse poterat Maximi causa ex mora, & injuria, si post tantam miserationem deceptus fuisset. Ceterum si hoc testimonium pro usuris probaret etiam in foro conscientia, pro us quoque usuris probaret, quæ ab agro, & impotenti exiguntur, quas ipsi adversarii jure etiam naturali illicitas fatentur. Quis tam absonam sententiam Sidonio Episcopo tribuat?

Epist. 122.  
lib. 25.

## §. III.

Ex S. Gregorio Turonensi: ubi de accipientibus mutuum sub favore.

3. Tertium factum ex S. Gregorio Turonensi profertur, qui l. 3. Hist. Francor. n. 34. narrat, Desideratum Episcopum apud Viridunensem Urbem, ut habitatoribus eius valde pauperibus, atque destitutis provideret, petuisse per legatos a Theudeberto rege pecuniam, quam cum usuris legitimis reddendam pollicitus est. Ille autem septem aureorum millia cum præstitisset, quibus cives illi pauperes negotia exercentes divites evasere. Solutionis tempore ab Episcopo debitam pecuniam offerente recipere noluit, *illud mihi sufficit*, inquit, *si dispensatione tua pauperes, qui opprimebantur inopia, per tuam suggestionem, vel per meam largitatem sunt relevati*. Duplex hinc argumentum adversarii eliciunt. Alii enim usu-

rac.

vas legitimas, & debitas opponunt, ac si hæc verba licitum, & iustum apud Deum immutant, quod sola humanarum legum ratione legitimum, & debitum vulgo dicebatur. Alii vero suntionem muni sub usuris, pro usurarium defensione ingerunt, eademque de causa opponunt alia, facta aliorum Episcoporum, & Ecclesiarum, quæ in necessitatibus, atque angustiis pecuniam sub fœnore accipiebant, ut ex Novel. 7., aliisq. monumentis liquet. Porro Salustius cap. 20. de Usuris pag. 601. illicitum esse contendit petere mutuum sub usuris solvendum, si dare illicitum sit. Itaque si petere licuit, dare illicitum dici non debet.

6. Qui hac objectione nihil discernit inter eum, qui necessitate pressus mutuum petit, etiam sub usuris solvendum, & eum, qui mutuum sub usuris eredit; inter eum, qui injuriam patitur, & eum, qui infert, nihil distinguit oportet. Num inferre licet malum, quod pati licet, aut in rebus externis pati non licet malum, quod non licet inferre? Jesus Christus in Evangelio aliter multo docuit, cum apud Lucam 6. v. 20. dixit: *Qui te percutit in maxillam, præbe & alteram, & ab eo, qui aufert tibi vestimentum, etiam tunicam noli prohibere*; seu ut apud Mattheum exprimitur c. 5. v. 40. *Qui vult tecum in iudicio contendere, & tunicam tuam tollere, dimitte ei & palium*. Et Paulus 1. Cor. 7. v. 7. a litibus removens: *Quare, ait, non magis injuriam accepitis? quare non magis fraudem patimini?* Hac eadem ratione fœneratorem non aliter volentem necessitati succurrere, nisi cum usura, perpeti, & usuras eidem solvere licet. Quarendus est, si fieri potest, qui sine usuris mutuum credat, vel iusto titulo credat lucri cessantis, aut damni compensationem stipulatus: unde Concilium generale Lugdunense primum sub Innocentio IV. c. 13. *debita non usuraria, si fieri possint, quæ scilicet u-*

suram non rependerent, ab Ecclesiis in necessitate etiam contrahi vetuit. At si hominem ejusmodi reperire non liceat, mutuum a fœneratore in necessitate petere, & fœnus exigentem pati licebit: unde Augustinus serm. 230. n. 5. cum depingit, nec damnat, qui impotens gratuito mutuo resistendo, importune cogitur a mutante, *ut querat fœneratorem, atque patiatur*. Sic enim mutuante duriter exigentem alloquitur: *Non es fœnerator, & vis cui præstitisti, ut querat fœneratorem, ut tibi reddat. Si propterea fœnus non exigit, ne te fœneratorem patiatur; quare vis, ut propter te alium fœneratorem patiatur?* Vide S. Thomam 2. 2. qu. 78. art. 4. ubi, etsi ad fœnerandum, inducere nemini liceat, licere tamen docet uti fœneratore, & exemplum profert ex eodem Augustino in epist. 154. ad Publicolam, cui querenti, utrum liceret uti juramento ejus, qui per falsos Deos jurat, uti nonnulli Patres veteris Testamenti fecerunt, respondet S. Doctor, quod *qui utitur fide illius, qui per falsos Deos jurat, non ad malum, sed ad bonum, non peccat illius se sociat, quo per dæmonia juravit, sed passio ejus bono, quo fidem servavit; Si tamen induceret eum ad jurandum per falsos Deos, peccaret*. Ex his autem colligit S. Thomas: Ita etiam in proposito dicendum est, quod nullo modo licet inducere aliquem ad mutuandum sub usuris. Licet tamen ab eo, qui hoc paratus est facere, & usuras extorqueat, mutuum accipere sub usuris, propter aliquod bonum, quod est subventio suæ necessitatis, vel alterius. Sicut etiam licet ei, qui incidit in latrones, manifestare bona, quæ habet, quia latrones preceant diripiendis, ad hoc quod non occidantur, exemplo decem virorum, qui dixerunt ad Hymabel: *Noli occidere nos, quia thesauros habemus in agro, ut dicitur Jeremia 41*. Confer S. Antonium par. 2. tit. 1. c. 9, §. 9. & S.

S. Bernardinum Senonensem tom. 3. serm. 34. part. 1., ubi mutuum sub usura accipientibus, ne fœneratorum culpe participes sint, certas cautiones, & conditiones præscribunt. Nimirum rigorem simul, & inam rationem ille præfert, qui hos condemnat, dum usuram in necessitate patiuntur, & solvunt; ut absolvat fœneratores, dum usuram exigunt. Quod si valeret in ipsis necessitatis casibus, in quibus pati licet fœneratores, ad excusandam quoque usuram ex miseris hominum expressam valeret; quod tamen vel adversarii refugiant.

7. Atqui, inquit, plures non tam usuram patiuntur, quam mutuum ad usuram petunt. Hoc quidem cum sit usuræ causam præbere per se, si advertatur, nulla necessitate, nullo casu licet, ut S. Thomas notavit: sed præterquamquod sanctos viros, & Ecclesiæ hac ratione petisse probari non facile poterit, inadvertentia, & inconsideratio auquan potest excusationem præferre, ut ne hujusmodi facta ad probationem usuræ, quæ accipitur, vel exigitur, traduci queant.

### §. I V.

#### *De Montibus Pietatis.*

3. **R**eligium est factum frequentissimum de Montibus Pietatis, in quibus ipsi pauperes, mutuo accepto, aliquid supra sortemolvere coguntur; & nihilominus hi Montes, qui usuram accipiunt, ab omnibus Catholicis, immo & a Summis Pontificibus, atque Conciliis etiam Generalibus probantur. Mirum est potuisse adversarios de usura suspicari in facto probato, ut vel ipsi præferunt, ab omnibus Catholicis, & Conciliis, & Pontificibus, qui usuram certissime damnant, & in eo quidem facto suspicari de usura, quod ad usuram vitandam factum, & approbatum fuit. Cum enim pau-

peres ante istorum institutionem Montium pecuniam a fœneratoribus cogerentur accipere: viris sanctis ad hoc vitium eliminandum multa pro concione differentibus consultum fuit, ut ex fidelium elemosynis Montes Pietatis erigerentur, ex quibus pecunia indigentibus sub pignore gratis crederetur. Cum vero in hanc rem peragendam, & Domo huic usui conductâ, & Ministris, aliisque sumptibus opus esset, quibus si ex collatis elemosynis per annos singulos satisfaceret, brevi Mons ipse in has impensas exhauriretur, pauperibusque tam opportuno, ac honesto subsidio privatus, usuræ, quæ exclusæ fuerant, iterum revocarentur, quod in ipsorum etiam pauperum damnum rediisset; equissimum consilium captum fuit, ut in eos sumtus, qui in pauperum gratiam fecerint, ipsi pauperes aliquid supra sortemolverent, ex quo tamen nihil in ipsis Montis lucrum, aut augmentum cederet. Ita hæc solutio pro indemnitate ipsorum Montium exacta, mera est stipendiorum, ac impensarum iusta solutio; lucrum autem ex mutuo, aut mutuantis non est, unde nec usura esse potest.

9. Neque opponas, quod quidam Theologi celebres hanc ipsam indemnitate solutionem damnant usuræ, cum ejus causa hosce Montes velut usurarios reprobant. Nam etsi hoc illi iustitiz zelo fecerint, merentes de usura; cum tamen ibi de usura metuerent, ubi usura non est, iuste eorum damnata sententia fuit, cum Montes Pietatis probati fuerunt. Neque enim alia conditione, ac ratione fuerunt approbati, nisi quatenus solum indemnitate pretium exigeretur, quod usuram non esse definitum fuit, ut patet ex Lateranensi Concilio, in quo Leo X., eodem Concilio approbante, *Declaramus, & definimus*, inquit, *Montes Pietatis antedictos, per Respublicas institutos, & auctoritate Sedis Apostolicæ hactenus probatos, & con-*

*fr-*

*firmatos, in quibus, pro eorum impensis, & indemnitate dumtaxat, ultra sortem absque lucro eorumdem Montium accipitur, neque speciem mali præferre... quinimmo meritum esse... & minime usurarium putari.* Non alia mente, nec pretium aliud supra sortem exactam, alii Pontifices, vel Concilia probarunt. Si quid vero alicubi exigitur, quod (1) præter hanc indemnitatem Montium in ipsorum lucrum cedat; id peculiare vitium est, nec approbatum ab Ecclesia, sed potius improbatum.

10. Atqui, inquit, Montes Pietatis, cum pecunia ex eleemosynis collata omnium pauperum necessitatibus nequaquam sufficeret, a ditioribus pecuniam sæpe sub annua pensione acceperunt, idque probatum pariter non tam usu, quam a Pontificibus invenitur. Si distinguatur inter Montes, qui querunt pecuniam, & eos qui pecuniam cum lucro in Montibus collocant, quidque in alterutris probatum sit discernatur, nihil offendet. Montes, dum querunt pecuniam, ut pauperibus provideant, si nihil sibi exinde querant lucrum, merum pauperum gerunt negotium, & ipsas pauperum necessitates, ac personam inducentes, querere possunt quavis ratione subsidium, & legitima primum ratione ab iis, qui gratis, vel cum iusto titulo iustam compensationem exigente, pecuniam tradant; at si minus ii suppetant, necessitate cogente, pati possunt feneratorios, ut ne propterea ipsi feneratorios excusentur, qui sine iusto titulo lucrum velint; quemadmodum in su-

periori casu dictum est. Quis illud in Montibus reprehendat, qui nihil lucrantur? quis hoc in feneratoribus sine iusto titulo ex ipsis pauperibus lucrum aucupantibus non maxime reprehendat? Pontifices illud unum probarunt in Montibus, cum pecunias querendas concessere; istud autem in feneratoribus reprobarunt manifeste, cum eos solos ab usura excusari docuerunt, qui cum iusto titulo lucrum cessantis, aut damni emergentis pecuniam Montibus charitatis gratia traderent, solam iustam indemnitatem postulantes, ut in dissertatione *de Montibus Pietatis* multis Apostolicis documentis fufius ostendi. Quidquid præter hos limites fiat, sine approbatione, seu cum reprehensione Pontificia sit: literæ enim Pauli III., quæ pro Ferrariæ Monte in aliam laxiorem praxim allegantur a nonnullis, spuræ, & suppositæ a nobis eadem dissertatione ostenduntur, in qua plenissime fatistur omnibus, quæcunque hac in materia offendere possint.

11. Quod si quem moveat ea ipsa, seu Montium, seu privatorum indemnitas, quam pauperes resarcire coguntur; is, quæso, consideret, solutionem hanc tam iusto indemnitis titulo a pauperibus exactam, etsi forte contra charitatem esse aliquando possit, contra iustitiam certe non pugnare, quod ad usuram diluendam satis est. Sicut enim non repugnat iustitiæ pensionem domus locatæ exigere a paupere, quia locationis titulus iustus est; ita nec indemnitatem, quæ iustus est titulus, ab eodem petere iustitiæ opponitur. Ubi autem iustitiam

(1) Ita etiam Jo. Cloppenburgius Minister Ecclesiæ Brielenfis, usurarum licet patronus, in Theologica de usuris institutione, ubi institutum Montium pro sola indemnitate approbans, Decretali Leonis X. subscripsit, reprehendit Belgicas mensas & Fisci pecuniis ad Montium similitudinem erectas, in quibus præter indemnitatem, seu expensas, aliquod lucrum in Fiscum ipsum recitat, uti narrat Salmassius l. 3. de Fœnore Trapezit. p. 308.

Num est iustæ indemnitis pretium, hoc pretium, nec mutui lucrum, nec usura est: quod unum Pontifices definire, cum eam indemnitate probarunt. Num vero charitas aliquando lædatur non quidem ab ipso Monte, qui nihil percipit, sed ab iis, qui iusti simili lucri cessantis, aut damni indemnitem petentes, aliquid supra sortem a pauperibus exigendum ab ipso Monte percipiunt, id definire pendet ex circumstantiis pauperum, & eorum, qui pecuniam cum proprio damno tradunt, ex quibus circumstantiis invicem collatis dijudicandum est. num alteri alteris, cum suo quoque damno, succurrere ex charitate debeant, nec ne. Hanc autem controversiam, ex singularibus circumstantiis discernendam, Pontifices in generalibus literis præmittendam duxere.

12. Vides interim quo tandem evaserint omnia facta, quæ adversarij obicere. Infirma admodum, sit oportet eorum causa, quæ tam imbecillibus fundamentis innititur.

Nihil doctrinæ catholicorum hominum pro se habeant necesse est, qui ne a catholicis videantur auctoribus deserti, hæc sola facta inter catholicos probata obicere queunt. Nihil sane allegare possunt ex antiquis ante Scholasticos, nihil ex posterioribus. Solos possunt nominare Patrenos, Calvinistas, vel Janseistas quosdam, qui Batavis Calvinistis, ad quos profugerunt, consulturi, Calvinianæ sententiæ patrocinari cœpere. Hæc magna adversus novitium errorem præscriptio est, quæ ex ipsis adversariorum objectionibus confirmatur. Nunc quid catholicis restat, nisi ut novitate exclusa, antiquitatem, & catholicum Ecclesiæ antiquissimum dogma amplectentes, usuram omnem, quæ Hebræis, saltem inter ipsos, interdicta fuit divino jure, eodem jure per Christum confirmato, nobis quoque fateantur prohibitam, ut hoc libro licentius demonstrasse nobis videamur.



## LIBER TERTIUS.

*De usuræ injustitia divino jure declarata.*

## CAPUT I.

*Probatur ex Scripturis.*

I.



Æc disputatio maximi momenti est, ad integrum circa usuram dogma cognoscendum, necnon ad ea, quæ libro sequenti con-

tra præcipuum erroris caput dicenda erunt. Patroni usurarum eam solam usuram injustitiæ condemnant, quæ præstituta legibus, vel locorum consuetudinibus limites prætergreditur; quæ vero intra hosce limites continetur, justam habent, ita ut, a quocunque exigatur, justa sit, licet quandoque ex debitoris inopia, ac necessitate possit esse im-misericors, quæ scilicet charitati, non autem justitiæ adversetur, ut im-misericors eadem ratione esse potest ipsam sortem, ac debitum a pauperrimo exigere cum ejus ruina, ut ne tamen justitia, sed sola charitas exinde violeetur. De injustitia igitur, non excedentis, sed cujus-cunque usuræ, hoc in libro agendum est, & ex divino quidem jure, quod sive veterit in usura naturalem injustitiam, sive lege quadam irritante illam induxerit (de quo agemus libro V.) perinde est, ut nulla usura cuiquam justa dici possit. De solo autem divino jure hoc libro cognoscam, cum id solum pertineat ad catholicum dogma, quod potissimum explicandum, ac vindicandum adversus usurarum patronos in præsentiarum mihi proposui. Hoc autem divinum jus a Scriptura primum, dein a traditione, ac decretis Ecclesiæ palam fiet.

1. A veteri Testamento exor-

diamur; in quo cum certum est, omnem usuram, saltem inter fratres, fuisse a Deo interdictam, ut libro superiori c. 2. demonstravimus; tum vero omnem ejusmodi usuram fuisse injustam exploratissimum est. Id ex ipsis adversariorum principiis sequitur. Usuram enim, quæ contra civilem legem, aut ejus præscriptionem exigitur, illegitimam, & injustam fatentur. Pro civili autem lege legem divinam Hebræis fuisse, iidem fatentibus, notum est omnibus. Congruit etiam cum naturali jure; ex quo si etiam usuram non esset injusta, vel illicita, ut adversarii consentiunt; cum tamen ea, non *natura ex corpore* pecuniæ mutux, sed ex obligatione civili proveniat, ut ipsæ Romanæ leges ab adversariis approbaræ, & a nobis considerandæ lib. V. c. 3. prodiderunt; si leges resistant, nulla est obligatio, ac proinde injuste exigitur, quod citra legitimam obligationem contra leges exigitur.

3. Enimvero ut e Scriptura id constitutur, nullum certe injustitiæ argumentum manifestus esse potest, quam restitutio, ut omnes norunt. Restitutionem autem omnis usuræ divino jure impositam liquet ex libro 2. Eisdæ c. 5., ubi Nehemias postquam v. 7. *usuras*, velut iniquam exactionem, ex pecunia mutuo fratribus credita graviter increpasset, eandem deinde v. 11. sub nomine *centesima* (usura apud gentes fere minima) restituerdam præcepit, non minus quam alienos agros, vineas, domos, quæ sane ex justitia restituenda erant: *Reddite eis hodie agros. & vineas suas, & oliveas suas; quin totius & centesimam pecuniæ, frumenti, vini, & olei, quam exigere soleatis ab illis. Et di-*

ne-

xerunt: *Reddemus*. Hic autem fortasse quispiam de *centesima* significatione dubitabit, num pro usura accipienda sit, an potius pro centesima reddituum, quæ stipendii loco Provinciæ Reſtoribus debebantur ex verſ. 14., ut Molinæus, & Wolphius interpretantur. Hanc enim centesimam, uti ſtipendium iſdem Præſidis ſolvendam, ditiores a pauperibus videntur exegisse, quibus Nehemias auctor eſt, ut de ſuo potius illud pro iſpis miſeris conſerant. Hanc interpretationem illi ex eo confirmant, quod huic exactioni nullum ex uſitatibus apud Hebræos nominibus tribuitur, ſed ea *oneris* primo, dein *centesima* nomine appellatur; ac præterea Nehemias, ut ostenderet ſe eam exactionem non accepiſſe, dicit ſe annonam ducibus debitam non accepiſſe.

4. Sed hæc quam aliena ſint a genuina ſententia, & contextu, ipſa capitis expoſitio, & ex Hebraico quidem originali perita, palam faciet, in quo ne adverſarius ſuſpectiſſimus, non tam catholicos, quam heterodoxos Hebraicæ lingue peritiſſimos, Vatablum, Grotium, & Joannem Clericum etiam, unum ex uſurarum patronis, ſequemur. Summa totius capitis quinti ex Joanne Clerico hæc eſt. *Pauperes Judæi de uſuris, rapinisque divitum graves querelas apud Nehemiam deferunt, qui iis indignatus, curat reſtitui, qua contra jus, & ſis, erepta eis erant. Tum, qua continentia Præſidis Judæorum duodecim annos fuerit, exponit. Duæ ſunt totius capitis partes, quarum prima deſinit verſu 13., altera a verſu 14. ad finem uſque perducitur. Ex variis autem pauperum querelis, quas hi adverſus divites, ac Magnates ad Nehemiam Præſidium detulerunt, duæ iſdem criminationes apponuntur, quod alii in maxima neceſſitate, & inopia, victus emendi cauſa, coacti fuerint iſpis filios, ac filias in ſervitutem dividere, aut agros pignori dare; alii vero in,*

ſolutionem tributi, quod Perſarum Regi debebatur, mutuum accepiſſene pecuniam, obligatis agris, & vineis, ex quibus interim ditiores fruſtum percipiebant, ideſt uſuram pecuniæ mutuæ. Hinc de duobus illis iterum queruntur verſu 5., & de filiis, ac filiabus ſervituti ſubactis, & de agris, ac vineis pignore traditis. Ad hæc Nehemias indignatus, hæc exactiones divitibus exprobravit v. 7., ac præſertim uſuram; quamvis enim *oneris* nomine appelletur in Hebraico textu, tamen *onus*, hoc eſt oppignoratio ſola, de qua v. 1. 3. & 4., ideſt *uſura*, inquit Matthæus Polus. Tum concionem magnam adverſus illos coegit, ut a toto cultu cogentur ſanus remittere, quod erat lege vetitum. In hac autem concione non de ſolo ſcœnore, ſed & de filiis, ac filiabus in ſervitutem dividendis conqueſtus eſt: ſed nota diſcrimen. Cumliceret Patribus in neceſſitate filios vendere, dum Judæis venderent, ut liquet ex Exod. 21. v. 7. & 8. & Jer. 34. v. 14., hæc emtio charitati adverſa eſſe poterat, vel apud Gentes etiam probroſa, non autem injuſta. Hinc eſti Nehemias illam aliquatenus reprehendit, & ne ab Hebræis emtos Gentibus venderent ſuo exemplo prohibuit; de reſtitutione tamen filiorum, vel fruſtum, quos ex eis emtores percipiſſent, nihil ſubjecit. At in alio capite, quod mutuum, atque oppignorationem prædiorum, & uſuras reſpicit, poſtquam ſui, ac fratrum ſuorum propoſuit exemplum, qui pecuniam gratis commodaverant, non ſolum ceſſandum ab hac exactione ſuaſit, ſed reſtitutionem etiam, non tam agrorum, quos injuſta pignoris nomine occupaverant, quam centesimæ fruſtum, quos uſurarie, ac injuſte perceperunt, omnino præcepit. Sic enim ex Hebræo: *Reddite, quaſo, illis hodie agros eorum, vites, oliveta, domos, & centesimam argenti, frumenti, vini, & olei, quam ab illis fa-*

Critic. 808  
eror in hunc  
locum.

In hunc Ef  
dex locum.

*moris loco cepistis*. Ita Joannes Clericus, Grotius &c. Quod enim, apud vulgatum interpretem legitur: *quis potius, & date pro illis*, desunt in Hebræo, in quo a verbo *Reddite omnia reguntur*, ut observavit etiam P. Joannes Mariana Soc. Jesu, & alii: unde conceit etiam Magnatum responsio expressa per solum verbum: *Reddemus*. Nihil in his de annona Præfectis Regis Persarum debita actum est: quæ si etiam fuisset exacta, cum fuisset debita, ad istius restitutionem cogendi non fuissent. Solum in sequentibus Nehemias continentiam, quam ipse, & ejus frater Zorobabel, & Esdras in Præfectum totius populi per annos duodecim adhibuerant, exponens, de hac annona, seu stipendio Præfectis debito meminit; & cum hanc a se, & fratribus minime exactam commemorat, & solum exactam prodit ante annos duodecim ab iis, qui sibi & fratribus in Præfectura præcefferant; tum de exactiōe agit, quam non Magnatibus Judæorum, sed ipsi Præfectis tribuit, & de qua, uti jamdiu præterita, populares in præsentiarum, conqueri non poterant. Cum igitur nihil hinc ad distrahendam hujus loci sententiam elici possit, usuræ, quamvis sub *oneris*, vel *centesimæ* nomine, restitutio vere præcepta agnoscenda est; eamque Nehemias ut obtineret, simplici pollicitatione *Reddemus* nequaquam contentus, advocatis sacerdotibus, publici, & imprecatoriis jurisjurandi confirmationem quaesivit, & restitutionem ipsam obtinuit, ut ex v. 13. intelligitur. Adeo de injustitiæ, & restitutionis necessitate in materia usuræ ex hoc loco dubitari non potest.

5. Hanc quidem injustitiæ notionem, ex traditione utriusque acceptam, vel bodie resiliantur Hebræi ipsi, cum non alia ratione usuram ex alienigenis exactam purgent, nisi quod omnes ipsorum hostes sint, in

quorum bona, æque ac in vitam, sibi jus a Deo datum est. Idipsum & Mahometanos ab Hebræis suscepisse vidimus, cum omnes non Mahometanos pro hostibus habentes, usuram eum iisdem licitam ea ratione tuerentur, quia *facultates eorum patent veluti ad pradam, & direptio eorum licita est quacunque via*. Error his enormis est, quatenus omnes nationes, ab Hebræa, vel Mahometana superstitione alienas, ex divino jure hostiles existimant, quales Judæis olim fuerant Chananæi, in quorum proinde vitam, & bona jus plenissimum acceperant. At quatenus in sola hac præsumptione usuram sibi licere putant, cum de hostibus ejusmodi agitur; id ab antiqua Moisaica traditione derivatum videtur, quæ usuram adeo injustam tradidit, ut nisi auferatur injustitia ex conditione hostili, usura malitia, uti a Deo verita est, nequaquam tollatur. Sed ne quis de hac injustitia ipsis Judæis nota dubitet, legat Hebraicum Pœnitentiale, quod ex libro inscripto *Initium sapientia Morinus* Hebræice, & Latine edidit in fine ultimi operis *de Pœnitentia*. Ibi enim usura cum furto copulatur, & pari restitutionis obligatione contrahitur his verbis: *Qui furatus fuerit, aut acceperit furtum, reddet, veniamque ab eo deprecabitur* &c. Alios Talmudicorum textus, quibus diserte restitutio usuræ præcipitur, recitat Selderus l. 6. de Jure natur. & gent. c. 9.

6. Hanc eandem injustitiam indicavit fortassis etiam Christus, cum nummulariorum measas ad usuram in templi atriis positas evertens, ac Ecclesiam veluti *latronum speluncam* ab iisdem ecclesiam deplorans, Hebræos antiquæ legi obligatos idcirco cum latronibus comparasse visus est S. Hieronymo, quod usurario inuito quaestui operam, vel favorem præstarent. En sancti, & doctissimi Patris verba ex contra-  
ctio in Matth. c. 23. *Hoc primum sci-*

Vide sup. lib. 2. c. 1.

ita in Regul. Jutis Mahometi,



sciendum, quod juxta mandata legis augustissimo in toto orbe templo Domini, & de cunctis pene regionibus Judaorum illuc populo confluente, innumerales immolabantur hostia, maxime fœtus diebus, taurorum, arietum, bircorum. Pauperibus ne absque sacrificio essent, pulles columbarum, & turtures offerentibus, accidebat plerumque, ut qui de longe venerant, non haberent victimas. Excogitaverunt igitur Sacerdotes, quomodo pradam de populo facerent, & omnia animalia, quibus opus erat ad sacrificia, vendebant, ut & venderent non habentibus, & ipsi rursus emtasusceperent. Hanc stropham eorum crebra venientium inopia dissipabat, qui indigebant sumptibus. & non solum hostias non habebant, sed ne unde emerent quidem aver, & vitula munuscula. Posuerunt itaque & nummularios, qui mutuum sub cautione darent pecuniam; sed quia erat lege præceptum, ut nemo usuras acciperet, & prodesse non poterat pecunia funerata, qua commodi nihil haberet. & interdum sortem perderet; excogitaverunt & aliam technam, ut pro nummulariis Collybias facerent. cujus verbi proprietatem lingua latina non exprimit. Collybia dicuntur apud eos, quæ nos appellamus tragemata, vel alia munuscula, verbi gratia, fricti ciceris, uvarumque passerum, & pomæ diversi generis. Igitur quia usuras accipere non poterant Collybista, qui pecuniam funerati erant, pro usu-uris accipiebant varias species. ut quod in nummo non licebat, in his rebus exigerent, quæ nummo communtur; quasi non hoc ipsum Ezechiel prædicaverit, dicens: Usuram, & superabundantiam non accipietis. Huiusmodi Dominus cernens in domo Patris negotiationem, seu latrocinium, ardore spiritus concitatus, juxta quod scriptum est in Psalmo sexagesimo octavo. Zelus domus tuæ coniecit me, fecit sibi flagellum de funiculis, & tantam hominum multitudinem ejecit de templo, dicens: Scriptum est: Do-

mus mea domus orationis vocabitur, vos autem fecistis illam speluncam latronum. Latro enim est, & templum Dei in latronum convertit specum, qui lucra de religione sedatur, cultusque ejus non tam cultus Dei, quam negotiationis occasio est. Hanc autem negotiationem paulo ante latrocinium vocavit, quod hæc potissimum de causa Dei domus in latronum speluncam mutata fuisse videatur. Neque refert, quod Christus, una cum nummulariis, vendentes, & ementes simul ejecerit, qui latrones non sunt. Neque enim omnes latrones esse debebant, sed aliqui saltem, uti ille certe erat, quos ille ea formula reprehendit, qui sive nummularios agerent, sive nummulariis faverent, æque latrones erant, qui Dei domum in latronum speluncam converterant. Secus nulla latrocinii ratione interveniente in emtione, ac venditione, frustra latrocinii crimen illis imputatum fuisset, si nec in nummulariorum quæstu injustitia fuisset.

7. Apertius est quod in parabola servi pigri, qui pecuniam a Domino acceptam negotiariis non fuerat, legitur. Cum enim is suæ desidia excusationem petiisset ex calumnia, qua veritum se fuisse ait iniustitiam Domini, qui tollit quod non posuit, & metis quod non seminavit, idest quod solum non est, nec sibi ullo jure debetur; Dominus eidem ex ipsius ore, ac sensu respondens modum huic iniquitati congruentem, & a labore simul, quem serius fugiebat, satis tutum illud esse respondit, si pecuniam ad mensam, & usuram dedisset. Hunc locum fufius explicavimus lib. II. cap. 5, ubi Joannis Lightfoot auctoris nihilum, adversarius suspecti interpretationem etiam attulimus, quæ hæc iniustitiam egregie insinuat: Tu avasum, rapasem, sordidum me reputas. Quare ergo modo his moribus convenienti, sanore scilicet, & usura, non usus es, si honesta negotiatione usi

mol.

*mollis*? Hæc itaque parabola, quæ ab adversariis pro uisura vindicanda tantum effertur, non tam usuram damnat, quam accusat rapacis, & iniqui quatuor, qui rapaci, & iniquo Domino congruat, ejusque sit generis, quo tollitur quod non positum est, & metitur quod satum non fuit, ut ne usura quidem injustitia ex ratione disputantes pluribus exponemus lib. V. Quod sane respiciens S. Gregorius Nazianzenus orat. 15. in plagam grandinis, *Alius, inquit, usuris, & sanioribus terram contaminavit, colligens ubi non seminaverat, & metens ubi non sperferat*. Sic usurariæ injustitiæ testimonia etiam ex Evangelio suppetunt. Certe autem cum in lege Evangelica idem divinum antiquæ legis jus circa usuram confirmatum fuerit, ut superiori libro demonstratum existimo; eodem injustitiæ nomine interdicta Christianis dici debet, ac apud Hebræos fuisse vetitam saltem ex loco Esdræ, & Hebræorum confessione manifestissimum est. Ne quid vero dubii pro novo Testamento supersit; si non satis esse videantur, quæ de hac usuræ injustitia ex verbo Dei scripto protulimus, evidentiora ex traditione asseram, quibus refragari nemo poterit, nisi qui cum hereticis traditum Dei verbum repudiet.

## CAP. II.

*Eadem usura injustitia ex Traditione ostenditur.*

**I.** **D**Uæ præcipue sunt notæ, ex quibus peccata injustitiæ proprie dictæ ab aliis distinguimus: altera, cum aliquod crimen, latrociniū furti, rapinæ, aliisque injustitiæ nominibus carpitur, vitiiis accensetur, quæ contra seipsum præceptum committuntur; altera, si restitutionis obligatio ex aliquo crimine oriri prodatur. Utrumque usuræ tributum constantis-

sima Ecclesiæ traditione liquet; & testimonia, quæ in id statuendum, recitaturi sumus, alterutram quidem, vel utramque simul notam præferent. Cum vero tribus primis Ecclesiæ seculis, quibus persecutiones Christianos ad virtutem acuerent, ferventiorque eorumdem spiritus omnem avaritiam, & avaritiæ suspicionem effugiens, ab usura maxime declinaret; inter paucos, qui supersunt, Patres, paucissimi hujusmodi crimen reprehenderint; nihil mirum sit, si vix unum expressum, usurariæ injustitiæ testem proferre per hæc tempora possim. Alia nonnulla pari de causa antiquissimis testimoniis carent, quæ tamen ex superiorum temporum traditione satis certa dogmata habentur; nec enim dubium est, quin ex prioribus Patribus suscepta, a posterioribus Patribus tradita fuerint. Etsi vero plures sequentibus seculis testentur de usuræ malitia, non tamen omnes, sed pauciores, & aliquo etiam seculo nulli, expressum proferunt de ejusdem injustitiæ testimonium, quod hic recitari possit. *Expressum, inquam; nam cum eam divino jure Christianis perinde vetitam affirmant, ac Hebræis olim interdicta fuit; sicut apud istos vetita fuit tanquam injusta, ita & apud nos eodem nomine vetita satis inde colligitur.* Notum hoc Christianis aliunde erat; unde nec oportebat explicare pluribus, quod in ipsa divina prohibitionem contineri satis intellectum, verbo deinde in catechesibus, & confessionibus tradito ignorantibus si binde ingerebatur. Quot alia multa, in pradicis præsertim, dogmatibus invenientur, quæ reprobata quidem identidem leguntur, at nonnullis omissis, quæ etsi necessaria maxime sint, aliunde tamen nota, semper explicanda non fuisse, ut ne propterea ex omissione ejusmodi eorum necessitas negari possit. Quot furtum ex. gr. & adulterium damnant, qui de restitu-

tionem

tionem tamen damni in furto, aut de iniuria, & satisfactione iniuriæ, & damnorum mariti, filiorumque legitimorum nihil loquuntur? Satis hæc colliguntur ex aliis testimoniis, ut ne utique repetenda, & inculcanda fuerint. Hinc S. Paulus ad Ephesios scribens c. 4. v. 25., furtum prohibens, *quis furabatur, jam non furetur*, num idcirco fures a restitutione liberavit? Et S. Joannes Baptista Luc. 3. v. 14., cum excedentes ultra tributorum definitum modum exactiones Publicanis vetare, concussionem autem proximi, & rapinas præter stipendia militibus interdiceret, satis putavit: *Nihil amplius, quam constitutum est vobis, faciatis*..... *Neminem concutias*..... *contenti estote stipendiis vestris*, non propterea restitutionem ipsam liberam, nec necessariam credidit. Hæc fusius commemoranda fuere, quod non nemo ex adversariis eam quaestione proposuerit, cur pluribus in canonibus prohibeantur usuræ, ut ne tamen restitutio præcipiatur; ac si exinde nihil iniuriæ in usuris esse colligi possit, quæ tot aliis, & antiquis, & recentioribus testimoniis asseritur. Hinc ergo nihil dubium est, quin eadem temper doctrina, & Patrum traditio vigeret, per ea quoque tempora, in quibus expressi hujus iniuriæ testes non occurrunt. Id non ex doctrinæ, sed ex librorum, vel occasionum, quæ hoc testimonium postularent, defectu evenit. Ipsa traditionis continuatio, quæ sequentibus seculis eadem invenitur hujusce rei argumentum certissimum esse potest us, qui simile quiddam, eorundem librorum, vel occasionum defectu, aliis quoque exploratis alioquin dogmatibus ac idisse sciunt. quibus tamen statuendis, & antiquiorum, & posteriorum temporum concors traditio sufficit.

## §. I.

*S. Clementis Alexandrini, Lactantii Firmiani, SS. Hilarii, Basilii, Gregorii Nysseni, Ambrosii, & Zenonis Episcopi Veronensis testimonia ex seculo quarto.*

1. **T**raditionem exordiar a seculo secundo, in quo S. Clemens Alexandrinus lib. 2. Stromatum c. 18. usuræ iniustitiam satis subjudicans, eam a Moyse idcirco vetitam testatur, quia iniustum illam iudicavit: *Non aequum, sed iniustum*. (Grecæ ὀδιναιῶν) *ensens, ut ex pecuniis usuras legamus.*

3. Apertior testis erit C. Cæcilius Firmianus Lactantius, qui quarti seculi initio, immo & sub finem tertii floruit. Sic autem ille lib. 6. Institutionum c. 18. viri iusti officia recensens loquitur: *Pecunia, si quam crediderit, non accipiet usuram, ut & beneficium sit incolumne, quod succurrat necessitati, & abstineat prorsus alieno. In hoc enim genere officii debet suo esse contentus, quem oporteat alias ne proprio quidem parcere, ut bonum faciat. Plus autem accipere, quam dederit, iniustum est.* Et in Epitome c. 4. *Non furabatur, nec omnino quidquam concupiscet alienum; non dabit in usura pecuniam; hoc est enim de alienis malis lucra captare; nec tamen negabit, siquidem necessitas cogit mutuari.* In priori testimonio notanda illa *Abstineat se prorsus alieno, & suo debet esse contentus*; quibus suum ad capitale, alienum ad usuram refert, unde usuram iniustitiam notans, subdit: *Plus enim accipere, quam dederit, iniustum est*; unde in secundo testimonio, ad furtum, seu ad alieni concupiscentiam, usuræ perceptionem, ac stipulationem revocat. Qui igitur iustitiam proprie dictam serva-

re velit, is ex Lactantii doctrina in mutui officio discernere debet, quid suum, & quid alienum est; ut suum tantum, idest capitale, quod dedit, recipiat, non autem usuram, quam qui supra capitale datam accipit, alienum accipit, quod injustum est. Hanc doctrinam Lactantio errori Barbeyrachius attribuit, sed ea temeritate attribuit, qua usuram divino jure damnatam dicere, errori pariter aliis Patribus, Pontificibus, atque Conciliis impudentissime, & hæretice dedit. Sequentes Patres, doctrinam Lactantii non peculiararem, sed catholicam, & dogmaticam patefacient.

4. S. Hilarius in Ps. 14. n. 19. exponens illud: *Qui pecuniam suam non dedit ad usuram, prædicatum.* ab usurariis beneficium humanitatem fraudulentam appellat; & dein spoliationem quandam furti, ac fraudis speciem in usura agnoscens: *Si Christianus es*, inquit, *non quæro ut largiaris; saltem debitum sic reposes, ne spolies.* Hic quoque debitum dictum est de forte, quæ vi mutui debetur; *spolies* autem de usura, quæ indebiti, & alieni deprædatio est.

5. S. Basilii in Epistola canonica ad Amphilochoium c. 14. *injustum lucrum usuram vocat*, & eo quidem injustitiæ genere, quod ad restitutionem obligat: *Qui usuras accipit, si injustum lucrum in pauperes consumere volueris, & ab avaritia modo liberari, ad sacerdotium admittendus est.* Quid in pauperes restitutionem præcipiat, dicemus postea cap. 3. in fine.

6. S. Gregorius Nyssenus hom. 4. in Ecclesiasten, verum latrocinium, quo ea, quæ ad nos non pertinent, idest aliena, rapiuntur, sub specie, ac nomine scænoris exerceri testatur: *Improbum*, inquit, *scænoris inventum, quod qui aliud latrocinium, & parri- cidium nominaverit, non procul ab eo quod decet, aberraverit.* Quid enim refert, an clanculum perfissimueris, gradonis more, aliena habeas;

*Et prætereuntis eade te eorum, quæ habeat, dominum constituas; an scænoris necessitate acquiras ea, quæ ad te non pertinent? O malum vocabulum! sanus sit nomen latrocinii.* Tam clara per se sunt verba, ut commentario non egeant. Hinc in epistola canonica ad Letojum Melitenensem Episcopum cap. 6., de imponenda pœnitentia agens, usuram peccatis furti, & usurpationis accenset, eodemque modo cum usurario agendum judicat, ac cum prædatore, qui per præpotentiam alienas possessiones suis adjicit, tametsi hæc sub legitimi contractus specie stipulata sint: *A- pud divinam Scripturam & sanus, & usura sunt prohibita, & per quamdam potentiam ad suam possessionem, aliena traducere, etiamsi sub contractu, ac transactionis specie hoc factum sit.* Clarius in oratione contra fœneratores de usuris agens, *Redde, ait, fratri tuo, quod injuste eripuisti*, ubi injustitiam, & restitutionem ex injustitia debitam inculcat.

7. S. Ambrosius in libro de bono mortis c. 12. n. 57., paucis, sed apertis verbis usuram ad rapinam refert: *Si quis usuram recipit, rapinam facit*; qui locus ab Ecclesia Romana probatus, in Romanum Pœnitentiale traductus fuit. Hinc vero idem S. Ambrosius in libro de Tobia n. 51. eam solam usuram legitimam probavit, quam Judæi a Chananæis, in quorum bona jus a Deo datum illis fuerat, exigere poterant. Cur hanc purgandæ ejus usuræ causam allegavit, nisi quia si hoc peculiari jure usura, vel a Chananæis exacta, injusta fuisset? Neque omittendum irsigne testimonium ex libro de Naborh c. 10. n. 45. *Quid tibi vis cum litro, & charta, & signaculo. & conscriptione, & vinculo juris? Non audes?* „Solve om- nem obligationem injustitiæ, dis- solve obligationes violentarum com- mutationum, dimitte confractos in- „remissionem, & omnem conscriptio- nem iniquam dirumpe. „Tu mihi

*tabulas offert, ego tibi recito Deilegem, tu aramento scribis, ego tibi spiritu Dei inscripta repeto oracula.* Isaia c. 34. v. 6. Indicari hoc loco chirographa usurarum, quæ vinculo juris, ac legibus Romanis solvendæ erant, optimè notarunt Patres Benediclini, uti etiam in eundem Isaia locum docuere S. Hieronymus, & S. Joannes Chrysostomus, quos paulo post allegabimus. Has ergo usuras, non tam Dei lege veritas, quam injustas, & ideo fugiendas, S. Ambrosius indicavit.

8. Concludam hoc seculum cum S. Zenone Episcopo Veronensi; cujus sermones in novissima editione vindicatoris huius seculo attribuimus. Sic autem lib. 1. tractat. 9. n. 4. de tœneratore loquens, ait: *Hinc unus pecuniam suam tanquam bonum proponit, ut facultates ad se trahat alienas, quam peregrinantem ferali supputatione nutrit: non desinit, ut summam quarat, non quam commodato dedit, sed quam ei pepererunt armati numero dies, menses, & digiti. At plerunque cum sua sibi industria fœnerator etiam ipse nudatur, ei cum casu aliquo frangit, inopia, fuga, mors extorserint debitorem: avaritia enim naturale est, ut avariore faciat: plerunque plus tulit avaro, quam præstat: ac sic sæpe contingit, ut merito perdat etiam sua, qui desiderat aliena. Notetur distinctio inter sua, & aliena: illud forti, hoc usurae tribuitur, cum sæpe contingat, ut merito perdat etiam sua, qui desiderat aliena.*

## §. I I.

*Testimonia ex SS. Hieronymo, Augustino, Joanne Chrysostomo, Autore operis imperfecti in Idatbaum, ac S. Leone, Patribus seculi V.*

9. S. Hieronymi textus, quo usuram latrocinium appellare non dubitat, ita ut hac de causâ nummularios tœneratores cum la-

Tom. I.

tronibus Christus contulerit, integer descriptus a nobis fuit cap. 1. n. 5. Apertius in commentario capitis 38. Isaia, ad ea Prophetæ verba: *Dissolve colligationes impietatis, solve fasciculos deprimentes*, quæ a Septuaginta redduntur: *Dissolve obligationes violentarum cautionum, dimitte fascios in remissionem*, & omnia scripturam iniquam rescinde; hæc S. Doctor de tœnebribus chirographis interpretans adnotat: *Significat chartarum fasciculos, in quibus fœneratorum calumnia continentur, & opprimuntur pauperes arte alieno, qua in cunctis urbibus seditionis causa, vel materia est. . . . Non ergo præcipit Prophetæ, ne exigat unusquisque quod debitum est; maxime quod iuste dedit, & iuste repetit: alioquin tribunitia esset seditionis assertor; sed ubi iniqua est cautio, ubi opprimuntur pauperes calumnia, ibi fasciculi cautionum, & omnia iniquitatis vincula rumpenda sunt.* Quod igitur ad repetitionem fortis pertinet, iustum habuit; quod vero spectat ad usuram, iniustum, ut in Ambrosio pariter observavimus.

10. S. Augustinus vero Epist. 153. ad Macedonium, usuras, non immoderatas quidem, sed exactas ad Romanarum legum normam, ita ut ipsarum exactio a legibus, & iudicibus præciperetur, adeo injustas habuit, ut eas tanquam male, seu iniuste, possessas, in foro conscientie restituendas denunciaret, etsi in foro externo a nullo iudice repeti possent: *Quid dicam, inquit n. 15. de usuris, quas etiam ipsa leges & iudices reddi, id est solvi, iubent? Hæc, & ejusmodi male possidentur, & vellem restituerentur; sed non est quo iudice repetantur.* Iterum Sermone 113. explicans illa Christi verba: *Facite vobis amicos de maximo iniquitatis, iniuste acquisita per raptum rerum alienarum in elemosynam non convertenda ostendit, ac nominatim sanus, & usurarius his iniuste acquisitis accenset, ac restitutionem Zachari*

P

chæi

echai exemplo insinuat: *Facite, inquit, vobis amicos de divitiis iniquitatis. Hoc quidam male intelligendo rapiunt res alienas, & aliquid inde pauperibus largiuntur.... Noli velle elemosynas facere de sanore, & usuris.... Sed si jam fecistis, & pecunias tales habetis, & inde sacellos implestis, inde thesaurizabatis; jam de malo est quod habetis, jam nolite malum addere.... Numquid Zacharus de bono habebat?.... Multos presserat, multis abstulerat, multa congenerat.... Ingressus est ad eum Dominus. Repletus ille gaudio, ait: Dimidium verum mearum do pauperibus.... Et ne reus aliunde teneretur: Si cui aliquid tuli, ait, quadruplum reddam. Infixit sibi condemnationem, ne incurreret damnationem. Notandum hoc loco maxime est, alios quoque Patres id ipsum vetare, ne de usuris elemosyna fiat. Confer S. Gregorium Nyssenum homilia adversus sœneratores, & S. Joannem Chrysostomum hom. 36. al. 37. in Matthæum. Hoc non alia de causa veritum fuit, nisi quia injusta est, & ad alienum pertinet: quod enim est ejusmodi, non pauperibus, sed ipsis dominis, si fieri potest, restituere oportet, ut alia Patrum testimonia declarant. Hinc cum quidam textus usuras in pauperes conferendas præscribunt, ne laudatis testimoniis contradicant, de iis usuris intelligenda sunt, quarum restitutio ipsis dominis fieri non potest. Hæc quidem interpretandi ratio apparet ex laudato loco S. Gregorii Nysseni; ubi pauperem, cui hujusmodi elemosyna offertur, cam, si sciret sœnebrem, constanter rejecit pronunciat, ut iis, quibus debetur, restitutio fieret: *Quod si inops sciret, undenam largiatur elemosynam, utique non acceptaret; ac mox hæc illi verba regerentem inducit: Reddo fratri tuo, a quo injuste suscepisti. Injustitiam igitur striti juris, quæ injusti questus non elemosynam, sed restitutionem ef-**

flagitat, in usura Patres noverunt.

11. Hanc eandem usurarum, injustitiam S. Joannes Chrysostomus præclare testatur hom. 36. al. 37. in Matthæum n. 32, ubi exponens illa Isaïæ 58. 6. *Solve omne vinculum iniquitatis, dissolve obligationes violentarum passionum, syngraphas usurarum stipulationes continentes* hîc notari affirmat, ac *injustas* prodit. Vide, inquit, *Propheta sapientiam.... Omnem syngrapham injustam discerne; sanorum, & usurarum scripta sic appellans; & post pauca speciosam rapinam usurarios contractus vocat. Ne quis vero de usuris legum præscriptionem excedentibus Chrysostomum loqui suspicetur, addit paulo post: Ne mibi externas leges objicias, quæ scilicet certam usurarum mensuram probabant; & dein usuram centesimam iisdem legibus prænitam nominat, & simul reprobat. Dein usuræ injustitiam, iterum exagitans: Pecuniam justis partem laboribus, addit, sapere reddis iniquam ob iniquos factus, per usuram scilicet, cui pariendæ pecunia, alias justæ pars mutuo traditur; ubi iniquam, & iniquos cum justis laboribus opponantur, de injustitia proprie dicta accipienda sunt. Tum alios justos contractus pro usurario ineundos suggerens illis verbis: *Non multa sunt justa negotiationes agrorum, gregum, armentorum &c.* profecto usurarium injustum confirmat: ac tandem injustitiam apertius inculcans: *Hoc, inquit, injustitia vinculum est, hæc obligatio violentarum passionum. In hac Isaïæ interpretatione præclare cum Ambrosio, & Hieronymo concinit. Hinc nihil mirum, si quemadmodum usuram speciosam rapinam vocavit, ita etiam usurarium his verbis alloquitur: Tu plusquam dedisti flagitas, & quod nunquam dedisti, illud quasi debitum exigis: quibus usurarium quodvis supra sortem augmentum indebitum, idest injustum designat.**

12. Similes locutiones occurrunt.

runt quoque in Autore operis imperfecti in Matthæum, quod S. Joannis Chrysostomi operibus inferum invenies. Homilia enim 12. in c. 5. Christi præceptum de mutuo ideo usuras excludere ait, quia injustæ sunt, cum alienum tollant: Ergo jubet nos Christus mutuum dare pecuniam, non tamen sub usuris, quia qui sub usuris mutuum dat, prima quidem facie sua videtur dare, revera autem sua non dat, sed alterius. Iterum hom. 38. in c. 21., licet paulo acerbior censura mercatores perstringens, hos, qui res ceteroquin suas, & iuste abs se emtas ex cupiditate carius vendunt, vix posse Deo placere assermet, peiores tamen ob lucri injustitiam, qua aliena tolluntur, usurarios pronunciat: Si enim qui rem comparatam vendit, mercator est, & maledictus; quanto magis maledictus erit qui non comparatam pecuniam, sed a Deo donatam sibi dat ad usuram? Secundo quia mercator dat rem, ut jam illam non repetat; iste autem, postquam suaverit, & sua iterum repetit, & aliena tollit eum suum.

13. S. Leo serm. 16. de jejunio decimi mensis, multis injustitiæ titulis usuram delineat; vocat enim dolosum officium, injustum, & impudentem avaritiam, injustum lucrum, injustum, & triste incrementum, & dolosum quæsum eum alieno damno. Qui pecunias, inquit, amat, & multiplicare oper suas immodeste optat augmentis, hoc potius sanctum, sumus exerceat, & hac usurarum arte difeseat, ut non hominum laborantium capiet necessitates, nec per dolosa officia laqueos incidat insolubiliū debitorum, sed illius sit creditor, illius sanctorum, qui dicit: Date, & dabitur vobis, & qua mensura mensi fueritis, eadem remetietur vobis. Injusta, & impudens avaritia, qua beneficium se dicit præstare, eum decipit, non credit Deo veraciter promittenti, & credit homini trepide paciscenti; dumque cer-

tiora existimat presentia, quam futura, merito in hoc frequenter incurrit, ut ei cupiditas injusti lucri non injusti causa sit damni. Unde quilibet sequatur eventus, mala semper est ratio suaverantis, eul pecuniam. & minuisse, & auxisse peccatum est, ut aut miser sit amittendo quod dedit, aut miserior accipiendo quod non dedit. Evigilanda est prorsus iniquitas fanoris, & lucrum, quod omni caret humanitate, vitandum est. Multiplicatur quidem facultas injustis, & tristibus incrementis, sed mentis substantia contabescit. Et recitato versiculo Psalmi: Domine quia habitabis in tabernaculo tuo, aut quis requiescet in monte sancto tuo? ac divino illo responso: Qui pecuniam suam non dedit ad usuram, eum exinde assermat, a tabernaculo Dei alienum, & a sancto monte ejus extraneum, qui dolosum quæsum de pecunia sua capiat usuris, & dum per aliena cupit damna ditari, æterna dignus est egestatis puniti.

## S. I I I.

Egberti Eboracensis; Halitgarli, Comitiis Tiemensis, Hildelberti, S. Anselmi, Petri Blesensis, & Augustini sermonum inter S. Bernardi opera.

14. **H**ic duorum seculorum testes desunt, non traditionis, sed auctorum, aut potius occasionum defectu: quod traditioni nihil obesse suadent illi, quæ initio hujus capituli præmonuimus. Nunc traditionem profecturus, Egbertum Archiepiscopum Eboracensem octavi seculi testem habeo, qui in Pœnitentiali ex antiquorum Patrum libris excerpto, quem Joannes Morinus edidit, non tam usuram, quam usuræ retentionem longioris temporis consistendam memorans his verbis: Usuras tenni longo tempore; injustitiam, ac restitutionis debitum, cui longo tempore usurarius

culpabiliter defuit, satis indiguit. Non dissimulabo tamen in alio MS. Pœnitentiali, quod e Missali seculi XI. excerpti, hæc, quæ ex Egberti Pœnitentiali sumta videntur, sic explicari: *Ufurarius tui, tenui immunditiam longo tempore. Sed cum in aliis multis hoc MS. Pœnitentiali a Pœnitentiali Egberti differat, hic locus sine ulla additione ex Egberto descriptus dici nequit, ac propterea a superiori lectione apud Morinum edita, quandiu alius Egberti codex aliud non præferat, discedendum non est.*

15. In antiquo Romano Pœnitentiali, quod e scriniis Romanæ Ecclesiæ ab Halitgario Episcopo Cameracensi seculo nono exscriptum ad anteriora secula pertinet, cap. 7. usura inter iniustitiæ crimina recensetur: *Si quis usurarius undecim annos exegerit, tres annos pœniteat, annum in pane, & aqua. Si quis per potestatem, aut quolibet ingenio res alienas malo ordine invaserit, vel suaverit &c.*

16. Eodem nono seculo an. 850. in Concilio Ticinensi expressum reformationis præceptum fornicatoribus imponitur. Canone enim 21. Patres loquentes de usuris, postquam eas divina lege veritas affirmavit, hoc decretum subiiciunt: *Censemur, ut quique (id est quicumque) hoc perpetrasset inveniuntur, si supersunt a quibus usurarius exegerunt, ipsi restituant, quæ superabundantius abstulisse probantur. Si autem decesserint, heredibus eorum saltem medietatem perfundant, aut elemosynis redimant, quod cupiditate deliquerunt.* Cur hi Patres distinguant inter viventes mutuatarios, a quibus usuræ sumptæ fuerant, ac eorum heredes; & illis quidem totam summam, his autem saltem medietatem restituendam præceperint, incertum est. Particula saltem aliquid œconomix indicat, quæ Patres illud præceperint, quod facilius obtineri posse sperarent, ut ne tamen ex divina lege affirmatæ

sufficere, quæ in iustitiæ negotiis eque cum creditorum, ac cum heredium persona agendum præciperet. Non est igitur insistendum in hoc peculiari textu, neque propterea recedendum a traditione, aliis præsertim posterioribus Pontificum, & Conciliorum etiam Generalium decretis constituta, quæ quidquid per usuram acquisitum fuit, totum iis, a quibus sumtum fuit, vel eorum heredibus restituendum decernitur.

17. Deficientibus Scripturibus seculi decimi, qui de iniustitiæ expressum testimonium ponant, ad seculum XI. transeundum est, in quo Venerabilis Hildebertus usuram inter peccata iniustitiæ septimo præcepto interdicta palam refert. Sic enim serm. 15. *de libro vite* exponens præcepta decalogi: *Septimum est, Non furaberis, in quo prohibetur omnis rapina, omne furtum, & omne genus usura. Quis enim magis fur, & raptor debet appellari, quam ille, qui me dormiente, & me vigilante, latenter, non nunc tantum, sed assidue mihi mea subtrahit, & auferit?*

18. S. Anselmus Cantuariensis sub ejusdem seculi finem, ac sub initium duodecimi, hom. 12. in Evangelicam parabolam de villico iniquitatis, quæ apud Lucam describitur, cum Christianos hortatur ad eleemosynam; tum monet, ne eam faciant ex rapinis, usuris, & fraudibus, quas Zachæi exemplo restituendas insinuat: *Quidam rapiunt res alienas, & aliquid inde pauperibus largiuntur, & putant se facere quod præceptum est. Dicunt enim: Rapere res alienas, mammona iniquitatis est. Evagare aliquid inde, maxime egentibus sanctis, hoc est facere amicos de mammona iniquitatis. Intellectus iste corrigendus est. Non ex rapinis, & usuris, vel fraudibus acquirere debemus, unde eleemosynam faciamus; sed si contigerit nos ante conversionem nostram talibus modis opes acquisisse, jam post conversionem*



*rapinas, & fraudes non faciamus, sed tamen ex opibus large tribuamus. Sic enim Zacharus fecisse laudatur, qui princeps erat publicanorum, & divitiis abundabat. Sed recepto in domum suam Christo, medietatem pauperibus dedit, & cuicumque feceras fraudem, ex alia medietate quadruplum reddidit.*

19. Petrus Blesensis seculo duodecimo, in epistola 17. ad clericum negotiatorem, feneratoris alienæ rei fures, & prædones manifestos habuit: *Cum enim, inquit, species usura sit minus proximo suo dare, & plus ab eo accipere, non video clericum ab usurarum crimine, & a nomine criminoso immunem, qui sibi eum alieno dispendio lucrum quarit. Sane, fenerator, dum proximum manifeste spoliat, fure deterior est, & prædone.*

20. Auctor sermonum in Antiphonam *Salve Regina*, qui S. Bernardo tributi fuerunt, serm. 4. n. 6. usuram septimo decalogi præcepto veritatis iniustitiæ peccatis accenset. Explicans enim paucis decalogum, hæc in præceptum septimum scribit: *Deinde adiungitur: Furtum non facies. In furto comprehenditur rapina, usura, pervasio, quicquid denique cum damno alterius possidetur.*

#### §. I V.

*Concilia etiam Generalia, & Pontifices de usura iniustitia statuentes proferuntur ex seculo XII.*

21. **C**um per hæc corruptissima tempora inter plura vitia scæus, non privatum solum, sed publice etiam grassaretur (quidam enim publici feneratores, qui *Courtini* vulgo dicebantur, ubique in tota Europa disseminati, publicas ædes ad scæus veluti negotiationem exercendam conduxerant) publicæ hinc Conciliorum, & Pontificum decreta, ut gliscenti malo vehementius occurrerent, in eos, qui deinceps fenerarentur, gravissimas pœnas tulerunt; adeo vero usurarium, iniustitiam habuerunt exploratam, ac certam, ut restitutionem usurarum omnino præceperint.

22. Anno 1179. habitum fuit ab Alexandro III. Concilium Generale Lateranense III. Episcoporum 310. Canone 15. affirmant primo Patres, quod in omnibus fere locis erimen usurarum ita inoleverit, ut multi aliis negotiis prætermisso, quasi licite usuras exerceant, & qualiter utriusque Testamenti pagina condemnentur, nequaquam attendant. Tum decreverunt ne usurarii manifesti ad communionem altaris, atque sepulturam Ecclesiasticam, aut oblationem offerendam ante admitterentur, quam usuras restituerant. Hæc quidem restitutionis conditio non legitur in Canonibus, qui ex eo Concilio supersunt. At ipse Alexander III. de hoc dubitare non sinit in epistola, quam ad Salernitanum Archiepiscopum dedit. Inde enim iparet statum, vi hujus decreti, usurarios, qui communionem, & sepulturam privari nollent, ad restitutionem ab Episcopo fuisse coactos. Hanc autem conditionem alii alius exceptionibus declinabant; ex quibus illa maxime notanda est, qua dicebatur præcepta restitutio, non eas usuras spectare, quæ ante Concilium interdictum exactæ fuerunt, sed illas, quæ deinceps exigenterent. Æqua videri poterat excusatio, si hæc restitutio in pœnam, non autem ex iustitiæ debito indicta fuisset: & eo magis æqua per eam tempestatem, qua ante decretum Concilii per ignoracionem divinæ legis, in omnibus fere locis usuræ quasi licite exercebantur: quod errori probabili, & bonæ fidei aliquibus tribui poterat. At cum restitutio ejusmodi non pœnæ stricte dictæ, sed iustitiæ sit; Pontifex æque omnes eadem restitutionis lege teneri respondit, ut in casibus furti, rapinæ &c. respondi solet. Pars quidem Pontificæ Episto-

licæ,

læ, quæ ad hanc excusationem pertinet, libro V. Decretalium inserta est; sed integrum textum, qui excusationes omnes complectitur, describimus ex decretis ipsius Alexandri III. apud Labæum subiectis Concilio Lateranensi III. tit. de usuris cap. 5. Cum, sicut tu asseris, scilicet qui in illo decesserunt peccato, communione altaris, & Ecclesiastica juxta decretum novum nuper in Concilio promulgatum præceptis sepultura privandos, donec redderent, quod tam præve receperint; quidam eorum dicunt ad solvendas percipias usuras proprias non sufficere facultates: alii vero promittunt se partes usurarum, quas habent præ manibus, tradituros, sed alias, quas extorserunt usuras, cum de his possessiones comparata sint, & eorum filijs, vel parentibus tradita, se non posse reddere protestantur: alii vero ad excusandas excusationes in peccatis, impudenter affirmant, illas dumtaxat usuras restituendas, quæ sunt post interdictum nostrum receptæ, nec aliquos ad solvendas usuras quas ante interdictum receperant debere compelli. Super his discretioni tuæ respondemus, quod si ve ante, si ve post interdictum nostrum usuras receperint, regendi sunt, sub pena, quam statuimus in Concilio, eas his, a quibus extorserint, vel eorum heredibus restituere, vel his non superstitibus, pauperibus erogare, dummodo in facultatibus habeant, unde ipsas restituere possint; cum juxta verbum B. Augustini, non remittatur peccatum, nisi restituatur ablatum. Illi autem, qui non habent in facultatibus, de quibus usuras valeant restituere, non debent pena illa multari, cum eos nota paupertas excuset. Possessiones vero, quæ de usuris comparata sunt, vendi debent, & ipsa pretia his, a quibus extorta sunt, restitui, ut sic non solum a pena ista, sed etiam a peccato, quod per usurarum extorsiones incurrerunt, possint liberari.

23. Inter plura hujus Concilii

decreta, quæ non extant, Matthæus Paris ad ann. 1179. hoc vigesimum octavum refert, quod si quis ab aliquo ob commodatam pecuniam prædij pignus acceperit, si, deductis expensis, fortem suam receperit ex fructibus, pignus restituat debitori; cui simile quiddam pro clericis in alio anteriori Concilio Turonensi an. 1163. sancitum legitur ab eodem Alexandro III., cum Cardinalibus 17., & Episcopis 127., qui ex Gallijs, Italia, Anglia, Scotia, Hibernia, & ipso Oriente coacti, in eandem doctrinam consenserunt: Plures Clericorum, & (quod mirantes dicimus) eorum quoque, qui præsentem seculum professione, votis, & habitu reliquerunt, dum communes usuras quasi manifestius damnatas exhorrent, commodata pecunia indigentibus, possessiones eorum in pignus accipiunt ultra sortem. Idcirco Generalis Concilii decrevit auctoritas, ut nullus amodo constitutus in clero, vel hoc, vel aliud usura genus exercere præsumat. Et si quis hactenus possessionem alienius, data pecunia, sub hac specie pignus acceperit, si sortem suam, deductis expensis, de fructibus jam recepit, absolute possessionem restituat debitori. Sin autem aliquid minus habet; eo recepto, possessio libera ad dominum revertatur. Quod si post hujusmodi constituta in clero quispiam extiterit, qui detestandis usurarum lucris insistas; ecclesiastici officii periculum patiatur, nisi forte beneficium Ecclesia fuerit, quod redimendum ei hoc modo de manu laica videatur. Hic autem observandum, quam diversa ratione agatur de restitutione, quæ etiam ex præteritis usuris exigitur, ac de pœna Ecclesiastica, quæ solum in usuras post hujusmodi constituta perpetrandas fertur. Id cum Alexandri III. rescripto concinit, quod restitutionem uti justitiæ debitum spectans, omnes usuras, si ve ante, si ve post interdictum quacunque ignorantia acquisitas comprehendit.

24. Id sane ne solis clericis  
pu-

putaretur indictum, Alexander III. ad laicos quoque acque porrigendum rescriptis S. Thomæ Archiepiscopo Cantuariensi, ejusque suffraganeis, qui forsitan ea de re dubitationem nonnullorum injecerant; unde forte etiam evenit, ut in sequenti Lateranensi Concilio idem de omnibus decerneretur. Alexandri verba sunt ex l. 5. decretalium tit. 18. c. 2. *Quoniam non solum viris Ecclesiasticis, sed etiam quibuscumque aliis periculosum est usurarum lucris intendere; auctoritate presentium duximus injungendum, ut eos, qui de possessionibus, vel arboribus, quas tenere in pignore noscuntur, sortem (deductis expensis) receperunt, ad eadem pignora restituenda sine usurarum exactione Ecclesiastica distinctione compellat.*

25. Adeo vero hanc restitutionis obligationem ex justitia manare indicatum fuit, ut, usurariis mortuis, idem restituendi debitum transire ad illorum filios, aut extraneos etiam, ad quos eorum bona pervenirent, idem Pontifex a Placentino Episcopo consultus responderet, c. 9. ejusdem tit. 18. *Tua nos duxit Fraternitas consulendos, quid sit de usurariorum filijs observandum, qui eis in crimine usurarum defunctis succedunt, aut extraneis, ad quos bona usurariorum afferis devoluta? Tua igitur quaestioni literis presentibus respondemus, quod filii ad restituendas usuras ea sunt distinctione cogendi, qua parentes sui, si viverent, cogerentur. Id ipsum etiam contra heredes extraneos credimus exercendum. Alia ejusdem decreta Pontificis lib. 5. decretalium legenda dimitto.*

26. Urbanus III. circa an. 1186. a quodam Brixienfi Episcopo consultus de tribus casibus usure, etiam citra conventionem perceptæ, restitutionem in foro conscientie ex violatione divinæ legis necessariam rescriptis: *Quia quidquid in his casibus timendum sit, ex Evangelio Lu-*

*ca manifeste cognoscitur, in quo dicitur, Date mutuum nihil inde sperantes, hujusmodi homines, pro intentione lucri, quam habent (cum omnis usura, & superabundantia, prohibeatur in lege) judicandi sunt male agere, & ad ea, quæ taliter sunt accepta, restituenda, in animarum judicio efficaciter inducendi.*

27. Sub hæc tempora, cum nondum Lateranensis Concilii canon, aut Pontificiæ decretales in Belgio ignorantiam depulissent, B. Ivetta vidua relicta, metuens tam sibi, inquit Hugo Florentiensis ejus familiaris, quam filiis cavere volens in posterum de voluntate, & consilio patris, consensit in hoc, ut pecunia, quasi bi proveniebat e substantiâ suâ, publicis negotiatoribus accommodaretur, ut supercrecentis lucri negotiantium particeps esset; sicut multi & boni secundum seculum viri idem facere consueverant, licet non absque peccati, sicut nec sine quasi emolumento. Quod tamen peccatum, quamvis modo quam grave, & grande sit, evidenter appareat; tunc tamen temporis, aut omnino veniale aestimabatur, aut nullum. Cum hæc auctor scripsit, Lateranensis decreti promulgatio, & executio per Episcopos ubique procurata, minus observatam antea peccati hujus gravitatem detexerat; at B. Ivetta ante hoc quoque subsidium, Deo ipso inspirante, malum deprehendit, factique poenitens, injusti lucri restitutionem fecit: *Evolutis siquidem, inquit Hugo n. 27., diebus aliquot, intelligens mulier fidelis per adspirantem sibi divinitus gratiam, quod multum, & in multis Deum offenderat in via hac, quæ ambulabat, licet forte in simplicitate minus recta; deservare facinus illico, & abominari cepit hujusmodi commercium; insuper & propterea perpetratis congruenti se ipsam addixit poenitentia, orationibus, jeuniis, & elemosinis exinde vigilantius intenta. Et n. 31. Et quia visum ei bonum esset, & utile inde si-*

bi Deum placare offensum, unde offenderat inoffensum; cepit primo Deo in pauperibus restituere, quod minus iuste metuebat se plerumque ab aliis accepisse, nihil sibi reservare tutum vasa, quod alterius, & non suum existisset. Furtum ergo habuit usurarium lucrum, quod alterius, & non suum esse iudicans, restituendum credidit, ut sane, ipsa adhuc inscia, Lateranensis Synodus, & Alexander III. sanxerant.

## S. V.

## Testimonia seculi XIII.

28. **D**ecretalium lib. 5. tit. de Usuris plura sunt Innocentii III. decreta, quibus usurarum restitutio, nedum a Christianis, sed a Judæis etiam per Iudices exigenda præcipitur, quod usuræ iniustitiam confirmat. De Christianis ad Episcopum Mutinensem: Dudum, inquit, ex parte tua recepimus questionem, quod quidam usurarii tua Diocesis, eos, quibus dant pecuniam ad usuram, præstare faciunt juramentum, quod usuras non repetant, & super his, quas solverunt, nullam moveant questionem. Nos igitur inquisitioni tua taliter respondemus, ut usurarius ipso, monitione præmissa, & per censuram Ecclesiasticam, appellatione remota, compellat, ante usurarum solutionem ab earum exactione desistere, vel restituere ipsas, postquam fuerint persoluta, ne de dolo, & fraude sua contingat eor commodum reportare, qui ad hoc præstari faciunt juramentum, quod super usuris non valeant molestari. Et in casu, quo usurarius nondum restituisset usuras a se perceptas, & solutas a se sibi restitui postulare, decernit ipsum non esse audiendum, nisi prius restituat: Quia, inquit, frustra legis auxilium invocas, qui committit in legem, statumus, ut si quis usurarius a nobis literas impetraverit super restituendis usuris,

vel fructibus computandis in sortem, nisi prius ipsa restituerit usuras, quas ab aliis noscitur recepisse, auctoritate literarum ipsarum nullatenus audiat. Idem Pontifex c. 17. ejusdem tituli 19. de Usuris, Michael laicus, inquit, suam nobis querimoniam descripsit, quod quidam alii Bononienses cives multa extorsissent ab eo, & a patre suo, cujus heres extitit, nomine usurarum... Dissentius provisorius, ne auctoritate nostra in negotio procedat eodem, nisi dictis conquerens restituerit, vel adhuc restituat, si quas aliquando ipse, vel pater usuras extorsit: ubi heredes quoque ad restitutionem usurarum obligantur, quod in iustitia proprie dictæ materiem cadere potest. Porro de Judæis ad Narbonensem Archiepiscopum scribit: Judæos ad remittendas Christianis usuras per principes, & secularem compelli præcipimus potestatem; et donec eis remiserint, ab universis Christianis, tam in mercimoniis, quam in aliis, per excommunicationis sententiam eis jubemus communionem omnimodam denegari. Quod decretum adversus Judæos repetitum, & confirmatum legitur in Concilio Avenionensi paullo post coacto can. 4.

Can. 12. ejusdem tituli

29. Mitius quidem cum Judæis quandoque agendum visum est in Lateranensi IV. sub eodem Innocentio III., ubi immoderate solum usurarum memorantur, quas si illi Christianis exigant, civili cum iisdem, communionem interdicta, ad restitutionem cogendos decernitur: quod item in Narbonensi an. 1227. repetitum legitur. Id autem non in usurarum, quæ modum servant, approbationem pertinet. Idem enim Concilium omnes usuras Christianis prohibuit; & solum prævidens fore, ut sapies pauperes sine usuris ullis mutuum non invenirent, usuras saltem immodicas, quas soli Hebræi a Christianis se posse exigere arbitrantur, compendendas judicavit. Itaque hoc solum ad majoris ma-

mali vitacionem spectat, ne pauperes in necessitatibus vel deferantur, vel opprimantur. Hi canones, non ad Hebræos dirigendos, qui Ecclesiam non audiunt, nec pertinent ad Ecclesiam, sed ad coercendos, christianis iudiciis proposti sunt. Aliqua etiam civilium legum consideratio locum habere potuit, si Hebræis usuræ non omnino interdixit fuissent.

30. Cum Rex Ludovicus an. 1254. adversus omnes Judæorum usuram legem tulisset, quæ est XXIII. & XXVIII., omnem item usuram ab iisdem repetendam sanxit Narbonensis provincie Concilium Montispepsulani habitum an. 1258. præcipiens can. 3. *ut nullus de cetero Judæum aliquem contra Christianum super exactione debitorum audiat, nec ei audaciam aliquam præbeat, nisi prius sacra lege Moisaica coram posita, Judæus ipse, qui iustitiam postulat sibi exhiberi, per suum declaraverit advocatum, quid & quantum de ipso debito, quod exigit, usura, vel forte fuerit, ut ex tunc super sorte solummodo audiat, usurarum petitione penitus submota.* Ubi non ab immoderata solum, de qua ejusdem. Provincie Concilium statuerat an. 1227., sed ab omni usura Judæi ipsi excluduntur; unde apparet omnem quidem usuram semper judicari injustam, sed pro cessionione temporum, sicut civilibus, ita & Ecclesiasticis legibus plus, minusque coerceri. Certe quoad forum conscientie, sicut Christianis omnem usuram illicitam, ac injustam semper habuit Ecclesia; ita & Hebræis, a quibus propterea, cum ad catholicam fidem accederent, usurarum restitutionem semper exflagitavit, nisi forte de incertis remittendum iisdem, tanquam pauperibus videretur, ut ex Paulli III. constitutione *Cupientes* edita an. 1542. intelligere licet. Sed redeamus in viam.

31. Ann. 1274. in Concilio Generali Lugdunensi II., in quo, præ-

dente Gregorio X., Episcopi supra quingenti, innumerique inferiores Prælati, cum Aragonie Rege, ac multorum Principum Oratoribus interfuerunt, insigne de usuris restituendis decretum can. 17. editum. fuit, ubi peculiares cautiones ad restitutionem exigendam appositæ sunt. Similia repetita leguntur in Concilio Bituricensi an. 1286. can. 17., Herbipolensi an. 1287. can. 23., & eodem anno in statutis Ecclesiæ Leodiensis tit. 32., item in statutis synodalibus Ecclesiæ Cadurcensis, Ruthenenfis, & Tutelensis an. 1289. art. 15., & in statutis Ecclesiæ Aduensis an. 1299. art. 9., ubi usura restitutio ita præcipitur, ut omnino injusta convincatur.

32. Alia hujus temporis, sed incerti anni documenta idipsum statuunt. In constitutionibus Coventriensibus, quas ex Angliæ consiliis hoc seculo habitis refert Thomassinus *Traité de l' usure* c. 17. n. 10. *Similiter de usura: Quando aliquis dat mutuo undecim pro duodecim 2 vel vendit, vel emit, ad terminum, oportet, quod totum restituat, nec sic de male acquisitis potest fieri elemosyna.*

33. Inter statuta quædam Ecclesiæ Meldenis per Martene edita, quæ ad finem sæculi XIII. referenda videntur, n. 26. monetur Sacerdos, *ut in furto, rapina, usura, fraude, vel damno sibi caveat, ne alias injungat penitentias, scilicet Missarum, elemosynarum, & hujusmodi, nisi prius reddiderit; non enim dimittitur tale peccatum, nisi restituatur ablatum.*

34. In statutis Ecclesiæ Nannetensis ab eodem Martene editis, nec multo posterioribus Lateranensi IV., n. 78. præcipitur, *ut a penitente quaratur utrum habeat rem alienam injuste, videlicet per furum, fraudem, usuram, rapinam &c.* Tum admonetur, *quod vero domino faciendum est restitutio... nec sufficit sermone habitum solum restitutio, sed bona*

Lib. decretal. tit. de Usuris.

Analect. tom. 4. p. 25. 219.

Eod. tom. 4. p. 277.

digna debet injungi satisfactio pro peccato. Num. 82. Dicendum est filiis feneratorum, & omnium raptorum, quod de hujusmodi archissime debent vivere, & reddere damnatis ( lege damnificatis ) prout possunt, etiam in suas dominiis; & si pinguior eis obvenierit fortuna, debent reddere de proprio quantum possunt, saltem quantum ad eos pervenerit.

ibi p. 467.

35. Idem Martene edidit etiam statuta Aëduensis Ecclesiæ, quæ ex Mss. incuntes seculi XIV. sumta, antiquiora esse creduntur, ibique cum multa contra usurarios decernuntur, tum n. 64. cavetur, ne iis poenitentia imponatur, priusquam, quod poterunt, reddiderint: quia non dimittitur peccatum, nisi restituatur ablatum; & num. 98. 99. 100. ac 101. repetuntur quæ circa restitutionem cautionem sanxit Lugdunense II. can. 17.

36. In Concilio loci incerti, quod si non XII., saltem XIII. seculo celebratum fuit, & ab eodem Martene publici juris factum, art. 11. idem statuitur, ac in Meldensi paullo ante recitavimus, ne ullam usurariis poenitentiam Sacerdotes imponant, nisi ante restituant.

ibid. p. 159.

37. In Concilio Colonienfi circa hujus seculi finem celebrato, can. 12. cavetur, ne quis usurarios ad poenitentiam, & communionem admittat, nisi de usuris satisfecerint.

\* Apud Labbeum.

38. Horum etiam decretorum executio ex nonnullis factis constat. Mabillonius Analectorum pag. 346. novissimæ editionis, monumentum edidit visitationis Ecclesiæ Bituricensis, ex qua constat Simonem de Sulhaco Archiepiscopum an. 1284. & 1285. plures usurarios ad restitutionem coegisse.

39. Insignis etiam est historia ejusdem seculi XIII., quam Martene evulgavit tom. 3. Anecdor. pag. 1285. Ea pertinet ad Venerabilem Wilhelmum II. Abbatem Villariensem Cisterciensis Monasterii præpositum an. 1221., excerpta ex libro

Thomæ Cantipatrensis, cui titulus: De universali bono, ubi hæc habentur: Quid vobis tempore sub quadam religiosissima Abbate in Villariensi Monasterio Brabantia partibus contigit, videamus. Nescio tamen utrum fuerit ille, vel alter. Maxima summa pecunia, librarum fortasse mille, & sexcentarum, mortuo quodam usurario in Namurco, in dicto Monasterio est delata, ex qua cum multa possessiones essent emta, quidam vir arcta conscientia Abbas Monasterii est electus. Quod ubi compertis factum, doluit; & venditis ovibus, atque pecudibus, rebusque mobilibus, pecuniam in Namurco remisit, ut spoliatis singulis redderetur. Nemine autem volente assumere restitutionis negotium, pecunia iterum ad Monasterium est delata. Pius ergo Abbas reportantibus indignatus, iussit iterato eam referri, & in foro coram civibus, & omni populo deponi, dicens: Pecuniam, qui vellet, accipiat, meam esse renuo, quia iniuste acquisitam non dubito. Quod ubi viderunt omnes, adificati non morientes in hoc facto, communis consilio, per manus virorum fidelium pecuniam ipsam injuriatis singulis reddiderunt.

40. In hanc eandem sententiam apud eundem Martene tom. 1. Anecdor. pag. 776. existit epistola sub idem tempus scripta a S. de Namureo ad H. Villariensem, ubi usura inter bona injulte acquisita, de quibus elemosyna fieri non debet, recensetur: Quatuor sunt, de quibus non potest fieri elemosyna, nisi ut fiat restitutio, si scias detentor a quibus habuerit, vel restituere possit. Hæc sunt simonia, sive res simoniacæ acquisita, usura, furtum, rapina. Si ergo usurarius velit dare, clausulalibus, monendus est, ut prius restituat. Sic enim dixit Tobias Anna, quando attulit agnum: Vide ne furtivus sis. Si autem dicat usurarius, vel raptor, quod nescit a quibus habuerit, vel quibus restituere possit, dicatur ei, ut restituat Ecclesiæ,

*eleſa, & tunc de licentia Epifcopi illius loci bene poſſunt accipere.... Sed ſi ita quod uſurarius ex denariis per uſuram habuit emerit quandam terram, vel aliquid huiusmodi, licet ne eam emere clauſtralibus, hoc etiam addito, quod uſurarius meſet, quibus poſſit reſtituere? Ad hoc dicunt quidam, quod recipere poſſent in elemoſynam, ſi dare vellet, non emere: in dando enim reſtituit Ecceleſia, & non in vendendo. Alii dicunt, quod poſſent etiam emere, quod non videtur eſſe verum.*

## §. VI.

*De Scholaſticis. Argumentum ex traditione concluditur.*

41. **T**ESTIMONIA ſequentium ſeculorum ex Pontificibus, Synodis, aliſque Eccleſiæ monumentis ad nos uſque proferri ſuperfluum eſt, cum omnia iſdem veſtigiiſ inſiſtant. Neque tamen prætermittendi ſunt Scholaſtici, qui dum uſuram iniuſtitiz, & furto, aut rapinæ tribuerunt, reſtitionique obligarunt; non novam inveniſſe doctrinam, ſed antiquam cum Pontificibus. Epifcopis, Conciliis, ac tota Eccleſia tenuiſſe ex dictis noſcuntur. Petrus Lombardus Pariſienſis Epifcopus, qui poſt medium ſeculum XII. floruit, Scholaſticis omnibus prævit, ſententiarum libros, non e ſuo ingenio, ſed ex SS. Patrum ſententiis ac traditione complexus, unde *Magiſter ſententiarum* dictus eſt, ex eadem diſciplina uſuram inter peccata adverſus ſeptimum Decalogi præceptum retulit diſt. 37. l. 3., ubi de ſeptimo præcepto agens: *Hic etiam, inquit, uſura prohibetur, qua ſub rapina continetur; unde Hieronymus: Uſuram quærere, vel fraudare, aut rapere, nihil intereſt.* Tantum Magiſtrum, ſeu acceptam potius, ac perpetuo in Eccleſia traditam ſancti Magiſtri doctrinam Theologi omnes ſecuti ſunt: qui ſi ra-

tionibus eidem doctrinæ afferendæ produxere, quæ minus ſortaliſ ethicae nonnullis videantur; nolim id in eorum auctoritatem elevandam, convertatur. Neque enim eos e rationibus conſiderandos propono, ſed uti traditionis teſtes, qui antiquis Patribus in eadem doctrina tradenda ſuccedere, nec in eam rationum vi fuerunt deducti, ſed eam potius majorum auctoritate, ac traditione ſuſceptam, rationibus, ut eorum temporum erat ingenium, munire ſategerunt.

42. Alexander de Ales part. 3. q. 36. memb. 4. n. 2. *Uſura eſt peccatum, & intelligitur prohibita, hoc præcepto, ſcilicet: Non furum facies; & quæſt. 59. memb. 4. 2. 3. ad 2. 4. & 5. uſuram aliena rei uſurpationem, & uſurarios fures vocat.*

43. S. Thomas 2. 2. q. 78. 2. 1. *Accipere uſuram pro pecunia mutuata eſt ſecundum ſe inuſum.* Et poſt pauca: *Et ſicut alia inuſte acquiſita tenetur homo reſtituere, ita pecuniam, quam per uſuram recepit. Vide etiam art. 3.*

44. Auctor opusculi 73. de uſuris, inter S. Thomæ opera, c. 4. *Paret quod uſura... ſit ſpecies quædam, ſive modus de genere rapina, & furti.*

45. S. Bonaventura in 4. ſent. diſt. 37. dub. 7., de ſeptimo præcepto agens: *Prohibetur hic furum ſimplex.... & rapina, qua ſit per violentiam, & etiam uſuram &c.* Et in Centiloquio part. 1. ſect. 31. uſuram iniuſtitiz accenſens, furto, & rapinæ iterum copulatur, eamque ſic definiit: *Uſura eſt ſub ſpecie negotiationis, domino ſciente, aliena rei contrahatio. Et in ſpeculo animæ cap. 2. Tertius fructus principalis iniuſtitia ad proximum, qua ex ramo avaritia procedit, eſt uſura; affirmatque eſſe peccatum mortale, in quantum contra præceptum morale juſtitia eſt.*

46. S. Raymundus lib. 2. tit. 7. Q. 2. de

de Usuris, in proemio: *Usurarium, vel nihil distat a rapina; & de restitutione fusc agit §. II., ubi & notat quod etsi in pluribus canonibus de solis manifestis usurariis sermo sit, unde adversus hos tantum poenae iisdem canonibus praescriptae sunt ferendae, ut ad restitutionem compellantur; omnes tamen in foro penitentiali, inquit, indubitanter tenentur, tam usurarii, quam heredes, ad solidam restitutionem omnium usurarum, quas illicite preceperunt, vel saltem faciant posse suum, & delectant de peccato, & quia non possunt plene restituere; & praepo-  
nant in anima restituere, si pervenerint ad pinguiorem fortunam, & semper pro posse nitantur.*

47. Pluribus non distineat testibus, cum idipsum ceteri & Theologi, & Canonistae, omnes denique, & hujus, & posteriorum etiam seculorum doctores catholici tradant, ac sentiant. Hinc eodem de usura, ac de rapina, & furto restitutionis regulae praescribuntur ab omnibus; adeo aequae omnia adversus justitiam pugnare creduntur. Hic autem Doctorum omnium consensus, non separata expensus, sed cum Ecclesiae praesentis, & antiquae doctrina, nec non cum traditione Patrum consentiens, decretisque praeterea Summorum Pontificum, & Conciliorum etiam Generalium firmatus, non opinionem quidem Scholasticam, sed catholicum certissimum dogma constituit, de quo dubitare non licet. Sane vel Graeci Schismatici, qui professio non a Scholasticis sumserunt, eandem doctrinam postremis quoque temporibus tradidere, ut vel ex uno Nicolao Cabasilis Thessalo-

nicensi Archiepiscopo XIV. seculi liquet, qui in Oratione adversus foeneratores, usuram (1) fraudi, & alienae rei, quae in eleemosynam dari nequeat, plane accenset. Nullum Latinorum praedictum, sed sola vetus Ecclesiae traditio hanc doctrinam in Schismate continere potuit.

48. Usuram ergo non tam peccatum, uti superiore libro ostendimus, quam peccatum injustitiae debemus fateri, quippe quam non soli charitati, sed iustitiae praesertim adversam perpetua, & constans omnium seculorum traditio prodidit, uti hoc capite satis evidenter monstra-  
mus nobis videmus. Si Scripturae sacrae auctoritas hoc in articulo vel deesse, vel quam attulimus capite, primo minus explorata videatur; nonne traditio adeo evidens catholico dogmati statuendo satis superque esse debet? Nunc aliquot objectiones diluendae supersunt.

## C A P. I I I.

*Tres objectiones refelluntur.*

1. **D**UO opponi possunt ex Patribus. Primo quod usura in Nicæno Canone *luceri turpis* nomine, non autem injustitiae damnatur. Hinc certe Auditor examinis pacifici n. 69. usuram non semper per se malam esse contendit; cum non omne lucrum turpe omnibus per se malum sit, ut patet in quibusdam lucris, quae clericis vetita, in laicis non semper damnantur. Ita ergo usuram lucri turpis nomine clericis interdiciam haud semper omnibus per se malam concludit. Alii vero etsi fateantur usura-

(1) Tom. 16. Bibl. P. P. p. 169. *usurarios fraudatores vocat; & pag. 170. Cum fraudasti, ejus rebus manus tuas imple; & paulo post defraudare; ac tandem de eleemosyna ex usuris: Si tu vero usuras omnes in pauperes effundas, primo non tua prodigis; ergo aliena. Quod si minus das, quam accepisti, neque tua das, & adhuc aliena retinere depredaveris.* Hæc in veterum Patrum locutionem.



usuram esse peccatum, quia turpe lucrum est; non tamen injustam exinde affirmabunt, sicut alia plura, quæ injusta non sunt, turpi lucro deputantur.

2. Sed quantum errat Examini pacifici Auctor in purganda usura, quæ solo lucri turpis nomine clericis interdictitur; tantum erraret, quicumque eam idcirco ab injustitia excusaret. Quodcumque lucrum est *per se* turpe, etsi in clericis, qui ab omni negotiatione etiam licita alieni esse debent, gravius peccatum sit, specialique prohibitione, in iisdem damnetur; omnibus tamen, etiam laicis, culpabile est; unde Paulus 1. ad Timoth. c. 3. v. 8., & ad Titum c. 2. v. 7. *turpe lucrum*, quod Diaconis, vel Episcopis prohibet, aliis peccatis accenset, quæ per se omnibus illicita, honestati morum, ac divinæ legi adversantur. Immo S. Petrus epist. 1. c. 5. v. 2. *turpe lucrum* in sacro ministerio alienum esse jubens, hoc nomine lucrum ex sacris ministeriis quæsitum, ac simoniacum spectavit, quod non modo est illicitum, sed & injustum esse potest. Quidquid lucri cum peccato provenit, per se turpe lucrum est, quod sine peccato esse nequit; quandoque autem est etiam injustum, si injustitiæ repugnet. Usuram vero contra divinam legem pugnare, & proinde lucrum esse cum peccato proveniens, inter plura superiori libro producta ex ipso Nicæno canone constat, in quo ea turpis lucri damnatur. Eandem porro adversari justitiæ, si non ex Nicæno Canone, aut aliis Patrum testimoniis colligitur, ubi merum lucrum turpe in usura reprehenditur; cerre ex aliis Ecclesiasticis documentis hoc libro descriptis liquet, ubi ea injusta, & restitutioni obnoxia manifestissime traditur.

3. Atqui nonnulli Patres, inquit, superfluum, quod divites ex rebus legitime partis retinent. *alienum*, idest pauperum appellant, a-

deo ut qui egentibus negant superflua, hos alienum usurpare, & furari quibusdam in locis testentur. Hoc autem, quod uni charitati adversatur (hæc enim sola eleemosyna præcipit) profecto injustitiæ propriæ dicæ non est. Quidni simile quiddam de usura ab iisdem scriptum suspicemur, ut eam justitiæ propriæ dicæ minime adversam credamus?

4. Vehemens hæc objectio illis videbitur, qui ipsa Patrum testimonia de superfluis, & de usura nequaquam conferentes, diversam loquendi rationem non attenderint. Cum de superfluis Patres loquuntur, primo ea acquirere injustitiæ nullibi damnant, uti damnant in usura. Immo cum ea recte, & juste acquisita, ac parva fateantur, solum accusant ea sibi cupidius retinere, vel licentius dissipare, quæ ex quadam justitia pauperibus deberentur. Porro cum justitiam in hoc læsam appellant, non humanam, atque civilem justitiam, qua dominia, ac jura hominum continentur, sed divinam eminentiorem indicant, qua altum, & eminentis Dei dominium in universa hominum bona exeritur, quæque hæc superfluum retentione, vel dissipatione violatur. Memorant enim fere Deum supremum esse bonorum Dominum, a quo divites quæcumque habent, accipere; eaque conditione accipere, non ut ex superfluis avaritiæ, vel luxui, aut aliis cupiditatibus serviant, sed ut indigentibus, quæ opus habent, elargiantur. Hinc eisdem ad hoc Dei dominium revocatos, non veros, & dispocticos superfluum dominos, qui quiddam de iisdem fecerint, jure fecerint; sed œconomos, & dispensatores præferunt, qui si aliter dispenlent, quam sibi ab eodem præstitutum est, alienum, in pauperum opem a supremo Domino traditum, contra ipsius voluntatem usurpent, retineant, vel dissipent, & sic injustitiam quandam

Passoral.  
part. 1. c. 21.  
21.

Tome 3.  
opuscule cat.

dam committant. *Admonendi sunt igitur*, inquit S. Gregorius, *qui iam, qua possident, misericorditer tribuunt, ut a celesti Domino dispensatores se posito subsidiorum temporalium agnoscant, & tanto humiliter præbent, quanto & aliena esse intelligunt quæ dispensant. Illi hanc autem sententiam verum est, quod scribit post pauca: Cum qualibet necessaria indigentibus ministramus, sua illis reddimus, non nostra largimur; iustitia debitum potius solvimus, quam misericordia opus implemus. Quibus similia cum dixisset S. Petrus Damianus, hæc subiicit: Cum ergo pauperibus subvenimus, aliena procul dubio reddimus, non nostra præbamus. Veruntamen apud pium Iudicem misericordes esse decernimur, cum hac ipsa, qua non nostra, sed communia sunt, fideliter dispensamus: & cum iuste, qua aliena sunt, reddimus, apud eum, qui cordis intima conspiciit, misericordia præmio non caremus. At contra, qui nunc pauperibus subvenire contemnunt, in tremenda discussionis examine non tam accusantur avaritia, quam rapina: nec suorum tenaces, sed alienorum potius convincuntur fuisse raptores. Quibus utique, firmus arctiter distans est in iudicio: Discedite a me maledicti in ignem æternum, qui paratus est diabolo, & angelis ejus: Esurivi enim & non dedistis, mihi manducare: sitivi & non dedistis, mihi bibere. Ac si dicat, quia voluistis ea ministrare conversi, qua pro illorum refrigerio percipistis, voracis gebenna vos olla deglutiat, quos per cupiditatis ardorem, aliorum bonorum rapina, condemnat. Aliena autem explicat: Cum alienum nobis sit, quod in hac vita dispensandum suscepimus: quæ cum unicum Dei dominium respiciunt, tum ad dominium privatorum nihil pertinent; unde iidem, sæpe Patres citra contradictionem uno eodemque testimonio, quo superflua ex Dei dominio, atque vo-*

luntate, aliena prædicant, ex dominio privato nostra simul fatentur, ut palam sit, eos injustitiam, ac rapinam stricti juris non intelligere, cum divites superflua pauperibus subtrahentes, injustitiam, ac rapinæ accusant. Egregie admodum S. Joannes Chrysostomus concione 1. de Lazaro: *Siquidem & hoc rapina est, non impartiri de tuis facultatibus. Ac fortassis vobis mirum videtur esse, quod dico; verum ne miremini; testimonium enim vobis & divinis Scripturis præferam, dicens, quod non solum rapere aliena, verum etiam tua non impartire ceteris, & rapina sit, & fraudatio, & spoliatio. Itaque Judæos Dominus accusans per Prophetam, dicit: Produxit terra proventum suum, & non intulisti decimas, sed rapinæ pauperis est in domibus vestris. Quoniam, inquit, oblationes solitas non dedisti; rapuisti ea qua sunt pauperis. Hoc autem dicit, declarans divitibus, quod res pauperum possident, etiamsi paterna hereditate obtulerint, etiamsi aliunde collegerint pecunias. Ac rursum alibi dicit: Ne spolies vitam pauperis; qui vero spoliat, aliena tollit. Nam spoliatio quadam dicitur, cum aliena accepta detinemus. Propter hoc igitur discamus, quod quoties elemosynam non præstiterimus, pari cum his, qui spoliant, supplicio afficiemur. Heriles enim pecunia sunt, undecunque eas collegerimus. Quod si in egenos eas erogaverimus, multa nobis opes, ac facultates obveniant: ideoque tibi plura possidere concessit Deus, non ut in scortationes, temulentiam, ingluviem, in vestes sumptuosas, aliamque molliem consumeres, sed ut ea distribueres egenis. Legatur etiam homilia 10. in epist. 1. ad Cor. Hinc Sanctus Hieronymus ad Eustochium de virginitate servanda, multum discriminis innuit inter veram injustitiam, qua aliena appetuntur, & inter illam latiore, qua nostra, qua sunt aliena, idest pauperum, retinemus;*

*Ava-*

*Avaritia tibi quoque vitandum est malum, non ut aliena non appetas, hoc enim & publica leges puniunt; sed quo tua, quæ sunt aliena, non servet.* Et S. Augustinus serm. 706. n. 2. *Hinc intelligit animus Christianus, quantum remotus esse debet a fraude aliena rei, quando sentis simile esse fraudi, si superflua sua, non tribueris indigenti.* Non fraudem veram, sed fraudi simile ait, cum quis sua, superflua tamen, indigenti non tribuit. Sic etiam in Evangelio Zachæus Publicanorum princeps, & ipse dives, qui & multis affluebat superfluis, & de nonnullis fortassis per fraudem quaesitis metuebat, his solis fraudis proprie dictæ nomine relicto, illa, etsi in pauperes eroganda, in bonis suis recensuit: *Ece dimidium bonorum meorum, Domine, do pauperibus, & si quid aliquem defraudavi, reddo quadruplum.* Quis ergo de Patrum mente ambigere possit circa superflua, cum hæc quidem aliena pronunciant solius ratione domini, & præcepti divini; atque eatenus ea contra Dei mentem retinere aliqua rapina sit: at simul nostra concedant ratione domini civilis, atque humani; & eatenus rapina propria non sit, quam nonnulli accuratius loquentes, rapinæ, vel fraudi similem potius, quam rapinam, vel fraudem appellandam, & a rapina, vel fraude proprie dicta lato discrimine discernendam viderunt? Hinc tandem nemo unus inter omnes invenietur, qui ita superfluatorum, quæ quis pauperibus subduxit, restitutionem imposuerit, ut de fraudibus, rapinis, ac furtis proprie dictis egerunt.

5. Nunc si Patrum locutiones circa usuram consideremus, nihil in his commune cum superfluis reperire erit, sed omnia rapinarum, furtorum, ac injustitiarum strictè acceptæ propria. Nulli eam iuste paritam dicunt, sed potius injuste: nulli subinducant nostram: ubique in-

justitiæ, rapinæ, fraudis crimen eidem impingunt, & ne de injustitia late sumta eos loqui dubium sit, restitutionis onus strictæ injustitiæ proprium frequenter, & vehementer imponunt, ut ex allegatis testimoniis manifestum est. Plura ad objectionem diluendam necessaria non sunt.

6. Quod si quis in hac ipsa ratione opponat, nonnullos restitutionem in pauperes præcepisse, quod in injustitia proprie dictæ agendum non est: primo duobus, vel tribus, qui hoc præcepere, oppono ceteros omnes, qui eam restitutionem ipsi mutuatariis faciendam, nec nisi in incertis pauperes sufficiens sanxerunt. Quid quod illis paucis peculiares esse poterunt causæ id decernendi, quæ nobis ignotæ sunt? Omnium antiquissimus, atque præcipuus S. Basilii, qui laicos usurarios a clero interdixit, nisi *injustum lucrum in pauperes consumerent*. Cum fere pauperes mutuum accipiant, num pauperes intellexit S. Basilii illos ipsos, a quibus usuræ fuerunt extortæ? Certe ejus frater S. Gregorius Nyssenus restitutionem iisdem laicis faciendam præcepit, ut suo loco vidimus, nec credibile est S. Basilium aliam sententiam gessisse, nisi quæ specialis loci, temporis, aut personarum ratio aliud postularet. Forte civilibus legibus fœnus probantibus, ita passim mutuum sub usuris credebat, præsertim inter Gentes, ut difficile esset discernere, ac meminisse, quibus restitutio deberetur; vel si etiam, qui usuram solvissent, adeo erant usuris alias impliciti, ut restitutionem recusarent suscipere, quam ipsi ex usuris acquisitis facere detrectarent. Sed quæcunque hujus rei fuerit causa, hinc certe de restitutionis obligatione satis constat; quam, peculiaribus causis exceptis, in mutuatarios ipsos, qui usuras solverunt, vel in eorum heredes debe-

debere cedere, & Patrum traditio, & Pontificum, atque Conciliorum, etiam Generalium auctoritas probat, nec non exploratum divinarum quoque Scripturarum testimonium, quod hac in re ex Eisdem libris suppetit: quæ sane duobus, vel tribus obscuris aliquorum Patrum testimoniis præferenda sunt.

## CAP. IV.

*Obiectio ducta a vi humanarum legum, qua in publicum bonum transferre dominia possunt, & justum facere, quod alias esset injustum. Nihil tale posse fieri in usura ostenditur.*

**S**I naturalem usuræ injustitiam hoc libro demonstrandam suscepissem, nonnullæ objectiones, quibus a ratione æquitas quædam in usura videtur ostendi, exponendæ, & dissolvendæ essent. Sed his ad disputationem de jure naturali remissis, satis hoc loco sit observare, quod ubi certum est divinum jus, quo usuræ injustitia ex certo dogmate, ac traditione statuitur, etiamsi ea ex jure naturali non esset injusta, nihil possent humanæ rationes, ut injustitiam divino jure præstitutam submoverent. Si enim in rebus humanis, ubi Principum leges irritum, & injustum efficiant contractum aliquem, qui alias a ratione injustus non sit, nulla ejusmodi ratione effici justus potest; quanto magis idem dicendum de legibus divinis, ut probari nequeat justum usurarium lucrum, quod illa injustum tam expresse præfinit? Hac eadem de causa nullæ etiam leges humanæ, etsi usuram non permitterent solum, sed præcipiant, ac prohibent, justam tamen illam, & licitam efficere queunt. Si enim inferioris magistratus vis aliquid approbantis, vim superioris irritantem infringere nequit, quanto minus humanæ legis vis vim divinæ poterit elidere, atque destruere?

## §. I.

*Novum systema, qui objectionis loco est, exponitur.*

**A**Tqui nonneminem opposentem audivi, in ipsa naturali lege, quæ simul divina est: proponitur.

1. **A**Tqui nonneminem opposentem audivi, in ipsa naturali lege, quæ simul divina est: proponitur. nonne ea est vis legum civilium, ut publici boni causa justum efficiant, quod per se injustum est? Hæc vis in præscriptionis lege dignoscitur, quia sit, ut exactio præscriptionis tempore, legibus præfinito, non injuste retineatur, quod ex solo naturali jure, atque divino retineatur injuste. Quod si, exigente publico bono, hæc vis legibus humanis tribuitur, ut, cum necesse est, dominia rerum privatarum transferant, unde justum fiat, quod alias esset injustum: exigente pariter bono publico ut ad mutuum promovendum usura liceat, ne mutuo sine usuræ spe intercepto, res privata, & publica maximum detrimentum capiat; quidni eandem legum vim circa usuram admittamus, ut, consentientibus præfertim hominibus, qui usuras libenter pendunt, usuræ dominium transferatur, sicque usura præcipiatur juste, etsi alias naturali, nedum divino, jure injusta haberetur? His addi potest, quod nonnemo usurarum patronus opposuit, ex ipso divino jure obtemperandum esse Principibus; his autem non obtemperare illos, qui usuras ab iisdem approbatas uti legitimas, & justas, illicitas, & injustas esse contendunt. Magna hæc apud imperitum vulgum, non autem apud Theologos erunt.

## §. II.

*Hoc systema innititur falsa hypothesisi.*

**E**T primo mirum maxime accidit, ejusmodi sententiam, de qua ne cogitarunt quidem, ut videbimus, antiqui Patres, dum Roma-

Romanæ leges usuram approbare videbantur, inveciam fuisse hoc tempore, quo nullæ catholicorum Principum leges usuram probare, sed omnes potius eam improbare inveniuntur, ut patebit ex dicendis l.VI. c. 1. §. ultimo. Si quæ nimirum leges lucrum annuum taxant, ex ad emtionem prædialium, ad censuum, ad lucri cessantis, aliorumque licitorum hujus generis contractuum legitimum modum præfiniendum pertinent, ut nihil ad usuram referatur. Et nihilominus hæc leges respiciuntur, vel etiam allegantur pro usura, ac si de ea statuerent, ac dominium usuræ transferendum decernerent. Ita quidem auctores hujus sententiæ Germani sunt, ac respiciunt legem Rodulphi II. editam in Comitibus Spirensibus an. 1600, quæ in hac materia postrema Cæsarea lex est, & adhuc in Germania viget: cum tamen ea non loquatur de usura, sed unius interesse, idest solius lucri cessantis, quod a tempore mora præsumitur, compensationem, ac modum constituat. Hæc enim verba legis sunt: *Quantum attinet ad punctum mutui, præsentibus Consiliarii, & Legati Electorum, Principum, & statuum, in memoriam renovarunt quid in depositione Vormatiensi ob hoc punctum habita an. 1586. alium fuerit, & quod tunc nostri ibi præsentibus Commissarii, attendentes sic partes ob punctum liquidationis litigantes a longis processibus forensibus liberari, & tribunalia ab his molestiis alleviari posse, cum illis convenerint, in casu, quod debitor fuerit in mora restituendi pecuniam mutuam, certum quid, loco interesse, a tempore mora statuendum, & debitorem ad interesse solvendum adstringi debere, & præsumtionem, quod creditor a tali tempore suam pecuniam collocare, & licito modo ad minimum quinque pro centum lucrari poterit. Id & nobis placet.* Ordinamus proinde, & volumus, ut creditori interesse a tem-

Tom. I.

pore mora compensetur, & illique quinque pro centum persolvantur. Quod si creditori quinque non placuerint, sed ipse existimet, tam ex lucro cessante, quam ex damno emergente, se plus posse exigere, libebit ipsi totum suum interesse eorum iudice probare, & ejus sententiam expellere. Notentur verba interesse, a tempore mora, ob præsumtionem, compensetur, quæ verum lucrum cessans præsumtum spectant, nullo modo autem usuram, cui hæc conditiones necessariae non sunt; cum præsertim hæc lex nitatur lucri cessantis præsumptione, quæ si ipso facto veritate careat, & vera usura adsit, nihil operatur: leges enim in præsumptione fundatæ, ubi falsa sit præsumptio, nullum effectum sortiuntur. Hanc tamen legem Germani illi auctores ad usuram traducunt, ac si vi ejus usuræ dominium transferatur: & quod mirabilius est, alii quoque non Germani eandem sententiam adoptarunt, in iis quoque locis, ac regnis, ubi omnis usura expressis legibus interdictitur. Nonne hæc inconsiderantia nimium enomis (ne quid dicam amplius) errorem manifestum prodit ejus sententiæ, quæ etiam si per se esset probabilis, falsa tamen hypothesi superstructa, quoad praxim nihil conficeret? Neque forte judiciorum consuetudo afferatur in medium; iudices enim, qui circa singulares casus versantur, non sunt conditores legum, sed executores, adeo ut contra legum præscriptionem, nihil valeant. Ubi ergo leges usuram vetant, vel solum lucrum cessans ex præsumptione approbant, iudices nec usuræ approbare, nec dominii in ea transferendi facultatem habent. Tota ipsorum vis ex vi legum derivanda est; nec alio sensu eorum judicia, atque consuetudo interpretari potest. Quod si qui ex illis alio sensu intelligant, ac iudicia pronuncient, nemo errori iudicium contrario legibus dominii transfe-

R

rendi

rendi, ac novæ legis condendæ vim attribuet. Neque silentium Principum obijciatur. Ubi enim de subtrahendo a suis dominis, & transferendo remin dominio agitur, non agitur de abolenda mera lege civili, sed de subtrahendo, ac immutando naturali quodammodo dominiorum ordine, ac jure; cui rei exequendæ, ubi exequi potest, merum silentium, ac dissimulatio non sufficit: sicut nec satis est consuetudo, sed alta, ac suprema Principum vis, expressa, ac extraordinaria constitutione exeratur oportet, ut ad inducendam præscriptionem, & usucapionem opus fuit.

## §. III.

## Consuetudine ratione.

4. Quid porro si leges, quantumvis usuram probarent, transferre dominium non possent? Ne autem laboremus in controversia verborum, cum translationem dominii in usura hoc loco nominamus, non illam dominii translationem intelligimus injustam, & onerosam, cum obligatione restituendi conjunctam, de qua inter ipsos Scholasticos catholicos quæritio est, utrum nullo etiam legum præsidio in usura fiat (hoc enim adversariis nihil suffragatur) sed illam, quæ iusta, & absoluta dominii translatio est, nullumque præsertim restitutionis debitum imponit. In hanc sententiam, quæ ab omni scholastica controversia præscindit, quæque hujus disputationis propria est, dominii translationem in sequentibus appellabimus. Quæcunque igitur vis humanis legibus insit in transferendum rerum dominium, eâ proprie contra jus naturale, aut divinum nihil potest, ut id licitum faciat, quod per se iisdem juribus vetatur (quævis enim humanæ vires adversus divinam voluntatem, nihil possunt) sed ex ipso natura-

li, ac divino jure Principibus tributo sese exerens, materiam nunc alienam, & divini, vel naturalis juris prohibitioni subiectam, exigente bono publico, certisque conditionibus servatis, quæ iniquitati non faveant, translato dominio, ex aliena propriam efficit, ut eidem prohibitioni amplius non subdit. Hæc itaque legum, ac Principum vis in præscriptione non illud efficit, ut liceat retinere alienum, quod divina, & naturalis lex prohibet; sed id tantum, ut quod ante præscriptionem erat alienum, & furti prohibitionem retineri non poterat, post legitimam præscriptionem in possessoris dominium vi legum transeat, ejusque contrectatio furtum amplius non sit. Secus vero esset dicendum, si leges humanæ, in ipsam naturalem, vel divinam legem quidpiam audentes, re, & materie legum immutata, id licitum, & justum dicerent, quod lex naturalis, vel divina illicitum, ac injustum decernit. Ita nulla vi humana fieri potest, ut quovis publico bono proposito, licitum, & justum fiat, quod Deus directe interdicit: & si quidem divina aliqua lex præscriptionem, vetuisset, nullus boni publici nomine, nullo civium, & Principum consensu, ac potestate effici posset, ut præscriptione dominia transferrentur. Tum enim esset non solum mutare, ac subtrahere legi divinæ materiem, sed esset ipsam tollere legem divinam, quod nulla humana vi obtineri potest. In re autem præsentem ex certo catholico dogmate, quod luculenter hæcenus demonstravimus, explorata est divina lex, quæ vetat usuram, ac uti injustam etiam vetat. Si quæ humanæ leges hanc a Deo perinde veritatem probare, & licitam, ac justam facere nitantur; non divinæ hujusmodi legis materiam aliquo casu mutare, ac divinæ prohibitioni subtrahere, sed ipsam omnino legem irritam, ac inanem vere conantur reddere, ut nihil

Quatenus  
dominium  
transferre  
possit.

vel non pos-  
sit.

Diffinitio  
premittenda.

Nulla legum vis contra jus naturale, ac divinum potest.

In usura non  
potest, & cur

nihil translati domini nomen suffragetur, quod obtineri nequit, quin ipsa divina lex destruat, & irrita fiat. Quis ergo hanc eisdem legibus vim in divinæ destructionem tribuat?

5. Neque vero excipias, translato usuræ dominio, usuram ex injusta iustam fieri, ut ne in divinæ legis, usuram uti injustam vetantis, prohibitionem peccetur. Primo enim si hac vi legum usura amplius in legem divinam non est, frustra jam usuram vetaret divina lex, & ita divina lex per eam vim humanarum legum destruita, seu irrita esset. Dein, ne quid effugii super-

uti jam plerique in præscriptione defendunt, ne idem jus in usura, locum habere exploratum fiat, observandum est primo, non quodvis etiam magnum bonum publicum satis esse, ut transferre liceat privatorum dominium, sed præterea requiri ita in bonum publicum hanc translationem domini tendere, ut ne malitiæ, & injustis hominum cupiditatibus faveatur. Quod enim esset publicum bonum, cui leges faverent, si malitiæ, & iniquitati favor, & sones præberetur? Hinc etsi in præscriptione leges spectent bonum maxime necessarium, ne incerta semper sint rerum dominia, ac ut litium aliquis sit aliquando finis: id tamen ita spectatur, ut solis bonæ fidei possessoribus, ex titulo aliquo colorato, ut vocant, rem alienam possidentibus faveatur, non autem ceteris, qui vel ex culpa, vel sine bona fide alienum possident. His enim si faverent leges, ne incerta essent dominia, ob finem bonum malo prærocinarentur. Ita in casu subvenire publicis necessitatibus mutuo publicum est bonum, cui favendum quidem est humanis quibusque viis; at non ita ut faveatur malitiæ, & avaritiæ fœneratorum, qui citra usuram, quantumvis divina lege interdictam, in idem bonum conferre nolunt.

6. Deinde in præscriptione legitima, ne quis malitiæ, ac fraudi adversus bonum publicum favor præstetur, exigitur præcessisse (1) titulum alias per se legitimum, atque iustum, qui bonam fidem pepererit, nec non perseverare bonam (2) fidem,

R 2

Conditiones  
transferendi  
dominii, quæ  
in usura de-  
sunt.

Nulla legum vis ad usuræ dominium transferendum.

Ad legem 1. digesti de usu cap.

Nulla legum vis ad usuræ dominium transferendum est. Neque in hanc rem eo utar argumento, quod de ipso præscriptionis jure, non in externo solum foro, an etiam in interno valeat, nonnulli dubitarunt, nedum antiqui Canonistæ, atque Theologi, ut apud S. Raymundum videre licet, sed Jurisconsulti etiam peritissimi, inter quos Cuiacius illam ex se juri gentium, & æquitati naturali contrariam existimavit, nec non heterodoxi quidam, etiam usurarum patroni, uti est Le Placette, qui tract. de Restitutione l. 5. c. 6. pag. 360. & 361. præscriptionem comparat cum injusta sententia, quæ a restitutione non liberat. Hoc, inquam, argumento, quod nullum ejusmodi jus in transferendum privatorum bonorum dominium humanis legibus præscriptionem approbantis tribuit, nequaquam utar; sed dato Principibus jure ejusmodi,

- (1) Nullo iusto titulo præcedente possidentis, ratio juris quarere dominium prohibuit. Ideo cum etiam usucapio esset, intentio domini nunquam admittitur. L. 24. C. De rei vindic. & L. 4. D. De præscript. long. temp. Distincta possessio tantum jure successionis sine iusto titulo obtema, prodesse ad præscriptionem hæc sola ratione non potest. Vide lib. 2. Inst. tit. 6. initio.
- (2) Vide L. 4. C. De usucapione transf., ubi exigitur, ut in omnibus iusto titulo possessionis antecessoris iusta detentio . . . non interrumpatur ex posteriore forsitan aliena rei scientia, licet ex titulo lucrativo ea cepta est.

dem, ita ut cum primum error post præscriptionem detegitur, inveniantur res non jam aliena, sed sua, unde restitutioni obnoxia non sit. Hoc enim casu in publicum bonum præscribere est bonæ fidei, non autem iniquitati favere, quod alia via in boni publici damnum rediret. At in usura, ut vi legum dominium transferatur, nullus prærequiritur legitimus, & iustus per se titulus, sed usurarius, qui per se iniquus, & divina lege vetitus est: nec postulat bonæ fides: neque enim de his tantummodo agitur, qui bona fide usuram percipere, sed de his etiam, qui a Deo vetitam scientes usuram, sine illa mutuum dare nollent; cumque de transferendo pro his quoque, ne a mutuo retrahantur, usuræ dominio agitur, id agitur, ut dominium pro his transferatur, quibus bona fides non est. Immo cum hac vi legum purgandus credatur ipse senebris contractus, ut licitum sit lucrum stipulari, quod nondum in mutantis dominium transit; jam eadem vi legum non transferendum est solum usuræ jam bona fide perceptæ dominium, sed dominio ejus nondum translato, scientibus, & volentibus senerari dandum est jus exigendi, quod nondum mutantibus traditum, adhuc alienum est; quæ sane non est veri domini traductio in bonæ fidei possessores, sed vera alieni exigendi, seu rapiendi licentia in eorum gratiam, qui alienum possidere, suumque facere, auctoritate, ac vi legum percuperent: quod quantum a præscriptionis jure disceperet, nemo non videt.

7. Neque dicas vim legum hoc casu iustum dare mutantibus titulum, ut ne alienum, sed suum ex iusto titulo debitum exigere possint. Nam cum iustum dare titulum exigendi quidpiam, non sit dominium ejus transferre, etsi bonum publicum flagitare possit, ut certis in casibus transferantur dominia in-

possessorum bonæ fidei gratiam; nunquam tamen requirere poterit, ut iustus titulus alieni exigendi detur iis, qui sine ullo per se iusto titulo, ac sine bona fide, vellet quod per se alienum est, & divina lege vetatur. Ubi nullus reipsa titulus adeit iustus, titulus quicumque detur sine re, fictus, non realis est titulus, qui divinæ legi usuram vetanti fraudem faceret. Sane dare titulum sine re, ac sine translatione domini, nihil est aliud, quam licitam vel exactionem ejus liciti, quod Deus illicitum dicit, ac vetat: quo aperta divinæ legis circumscriptione, non materia legi subducitur translato dominio, ut in præscriptione accidit; sed ipsa lex consilio titulo prorsus evertitur.

8. Sed ut ad translationem domini, quæ objecta sunt, redeam, observandum tandem propono, quod vis legum in transferendis privatorum dominiis in solum publicum bonum ab Auctoribus asserta, nihil potest, nisi quantum eidem publico bono necessarium est. Publico autem bono expedit videre, ne qui mutuo indigent, mutuum non inveniant. His autem ut provideatur, satis est usuram illis permittere, qui sine usura mutuum non darent, hoc enim uno illorum necessitati, ac publicæ rei satis consulitur. Usuram autem probare, ac licitam, & iustam efficere, ejusque transferre dominium, quod non mutuatariis, sed solis mutantibus expedit, nullius publici boni ratio postulat: neque enim bonum mutuantium est bonum illud publicum, cui providere oporteat, sed potius contra bonum publicum id est, nisi quis fortassis, non in mutuo, quo juvantur homines, sed in usura, quæ ex iisdem exigitur, bonum publicum collocaet. Certe usuram, etiam per se non esset mala, publicæ tamen rei non bonam, sed malam esse libi V. c. 6. ostendimus; adeo ut jure vel ex hoc vetanda

Nulla vi legum potest iustus dari titulus alieni exigendi contra divinam legem.

Ipsum bonum publicum hoc dominium translationem in usura non exigit.



tanda maxime sit, nunquam certe boni publici nomine probari legibus possit. Itaque si nemo usuram affirmare possit necessariam bono publico, uti necessarium est mutui; nec legibus transferendum est dominium, nisi ubi bono publico necessarium sit: nemo domini in usura transferendi potestatem vindicare legibus possit.

9. Neque reponas id necesse, ut indigentibus mutuum demur, quod negarent homines, si usura non liceret. Nam apud Hebræos, & apud alias etiam nationes, de quibus lib. V. c. 3. & lib. VI. c. 2. dicemus, usura non licebat; nec tamen tanta publici necessitas fuit, propterea quod alii ex charitate mutuum gratuitum darent, alii vero, lege contenta, mutuum sub usuris crederent. Ubi autem quidam humanarum legum metu, ac poenis a mutuo abducerentur, satis est habitum poenas, & prohibitionem civilem tollere, ut ne vi legum transferendum esset in ipsorum gratiam usuræ dominium, quia aliter publico bono prospicere nollent. Hic profecto tantus hominum usuræ inhiantium favor bono publico nec utilis, nec necessarius est. Nulla quidem inajor esset necessitas publica, quam si rebelles, ac seditiosi adversus patriam impetum facientes, ubique cades, ac vastitatem certissimam minarentur, nisi certa pecunia summa alias indebita sibi solveretur. Ad tantum malum avertendum liceret quidem Principi hanc solutionem permittere, quæ publicæ rei necessaria est: dominium autem ejus pecuniæ in seditiosos traducere, cum bono publico necessarium non sit, solique

malitiæ faveat, nequaquam liceret. Quidni idem dicamus in mutuo, in quo si ex necessitate dominium usuræ transferendum sit, ibi maxime esset transferendum, ubi maxima mutui necessitas est, mirum in mutuo (1) pauperibus, ac miseris tradito; ita ut ex his usuram exigere, vi legum usuræ dominium transferentium deberet maxime licere: quod tamen vel ipsi usurarum patroni uno ore condemnant. Commentitia igitur, & nulla est hæc legum humanarum vis, quæ in dominium usuræ transferendum ex bono publico colligitur.

#### 6. IV.

*Consultatur auctoritate sacra.*

10. **S**ed quid ratiocinando inanissimam objectionem pluribus exagito, ubi de jure divino dogmatice mihi agendum sumi? Certe Patrum traditio hanc humanarum legum vim in usuræ materie plane ignoravit, seu potius rejecit, cum humanas leges usuram probantes nihili faciens, usuras legibus præscriptas ex divina utique lege condemnavit. Nicæni Patres in celebri canone *centesimam*, & *hemioliam* usuras, quas Conitanti lex præfixerat, voverunt divinæ legis causa, cujus *oblitos* ipsos Clericos dolent: divinæ enim legis memoriam humanæ leges excluderant. S. Augustinus epist. 153. n. 25. de usuris utique, *etiam quas ipsa leges, & judices reddi jubent*, loquitur, & nihilominus eas non excusat, sed damnat. Eodem spectant aliorum Patrum testimonia, qui *centesimatores*, aut *centesimam* reprobant. *Centesimorum men-*

*Traditio Patrum, & Romana ecclesia hæc vim humanarum legum reprobat.*

(1) Leo sapiens, propter paupertatem, id est propter pauperum necessitates, in quos forneratores, lucri spe lege patris sublata, diffidit, atque immixtos erant, usuras permittit Nov. 83; quæ si usuræ dominium transtulisset, ut quidam putant, usura e pauperibus expressa vi utarum legum probata fuisset.

mentionem fecit S. Basilii in Psal. 14., quibus si (1) *decimatores* adiecit, eos Græca locutione, & computatione *centefimatoribus* respondere nihil dubito. S. Ambrosius in libro de Tobia centesimam pluries exprimit, dum usuram, quæ solvebatur,

reprehendit; unde inter cetera n. 42. *Veniunt calenda; parit sors centesimam*. Similiter S. Joannes Chrysostomus serm. 1. in Genesim n. 4. *Si homini faveris, centesimam accipis*; & S. Petrus Chrysologus serm. 25. de terrenorum cura despicienda: *Usura*

(1) *Δεκατηλόγος* Græce dicti videntur ab usura, quæ a Græcis dicitur *ἐπιδύκατος τόκος*. Huius fit mentio in duobus locis Aristotelis, Rethor. l. 3. c. 10., & *Oeconomic.* l. 2., quæ accurate illustravit Salmasius de *Modo usur.* p. 20. & 41. Cumque hæc usura ab eo Philosopho opponatur usuræ maximæ, cognoscitur fuisse minima usurarum Græcarum; quæ in mensem quidem soluta, dicebatur *ἐπὶ δραχμῇ τόκος*, idest unum drachma in minam, seu in drachmas centum, & respondebat Latinorum *centesima*: at in annum computata, licet redderet drachmas duodecim, pro decima tamen totius sortis, seu unius minge parte largius sumpta, *ἐπιδύκατος τόκος* nuncupabatur. Quam in rem, sciendum est, tres usuras apud antiquos Græcos celebriores fuisse, quæ aliter appellabantur computatæ in menses singulos, aliter in annum integrum computatæ. Licet vero usuræ annuæ reipsa constarent ex omnibus mensibus collective sumtis; menstruæ tamen videbantur aliquantulum excedere, eo quod usuræ annuæ appellatio, non stricte ex ipsa solutione menstrua, sed large a tertia, sexta, vel decima totius sortis, seu minæ parte duceretur. Prima usura annua dicebatur *ἐπί τριτος*, quod tertiam totius sortis partem significat; solvebatur autem tribus drachmis in menses singulos (unde pro hac menstrua solutione alii de hac usura scribebant *ἐπὶ τριτῇ δραχμῇ*) quæ in annum computatæ, tertiam totius minæ partem aliquantulum superant. Secunda usura pariter annua nominabatur *ἑξεκτος τόκος*, quod significat partem sextam; & solvebatur novem obolis in singulos menses (unde apud multos legitur *ἐπὶ ἑνῇ ὀβολῷ τόκος*) idest uno drachmate cum dimidio, quæ in annum collecta, sextam totius partem aliquid excedunt. Postrema autem, ac minima usura annua, *ἐπιδύκατος* dicta, quod significat partem decimam, solvebatur uno drachmate in mensem, ac proinde aliter appellata *ἐπὶ δραχμῇ τόκος*: quorum drachmarum menstruorum summa decimam totius partem aliquantulo præstabat. At ita late appellare mos erat. Legatur idem Salmasius in memorato opere c. 2. Jam diu vero ante S. Basilium, tum una centesima, per Romanas leges etiam apud Græcos liceret, sola hæc postrema, *ἐπιδύκατος τόκος* appellata, ac Latinorum *centesima* plane respondens, erat in usu; ac proinde *ἐκατοσολόγος*, idest *centesimator* apud Basilium, sic nuncupari in Latinorum locutionem a Latina *centesima*, quæ a Græcis huius temporis dicta fuit *ἐκατοστή*, iidem plane sunt, ac *δεκατηλόγος*, seu *decimatores*, quæ nuncupatio ex antiqua, ac propria Græcorum locutione descendit.

*Usura mundi centum ad unum.* Mitto alia aliorum Patrum testimonio, quæ eandem usuram legitimam expriment, atque condemnant. Hi ergo omnes legales usuras habuerunt illicitas. Idem est censendum de ceteris Patribus, etsi usuras legales expresse non memorent. Cum nimirum infestarentur usuras maxime usitatas, atque frequentes, illas utique infestabantur, quas ad legum normam vulgus exigebat. Qui enim supra legum præscriptionem exigent aliquid, rari admodum erant, eo quod tñlis legibus puniebantur. Sic licet nunc levior sit annuorum reddituum modus, quam olim usurarum; rari tamen prorsus eos imites excedunt, quod legum pœnas metuant. Plerique ut lucrum satis tute percipiant, legitimo contenti sunt. Patrum textus, qui usitatum fœnus designant, centesimam, ut paullo ante audivimus, uti frequentem commemorant. Igitur universorum Patrum traditio usitatas usuras damnans, legales damnavit; ac proinde eam vim legum, quæ usurarium dominium transferret, easdemque licitas faceret, ignoravit. Si autem hanc vim legum ignoravit traditio, quæ Dei verbum est; Deus ipse, qui in traditione loquitur, eandem legum vim ignoravit; quod nulla vere sit, nec esse possit. Inane ergo novissimorum hominum commentum est, quod Patrum traditioni, ac tradito Dei verbo apertissime opponitur. Neque forte centesimum jure reprobata dicat, quod nimia esset, ac duodecim in centum quotannis redderet. Nam præterquamquod & aliæ leviores usuræ eo quoque tempore a nonnullis percipiebantur, & beses, & semisses, & quincunces, & trientales,

de quibus & in antiquis legibus, & penes Auctores sit mentio: nulla autem distinctione omnes a Patribus condemnantur; præter hæc, inquam, si qua vis legum esset in transferendo usurarum dominio, ea in quibusvis usuris exerenda esset, quas ipsæ leges pro conditione temporum approbant. Quod uno loco, vel tempore nimium est, alio loco, vel tempore satis (1) moderatum habetur; uti vel nunc aliis in locis alia atque alia est annorum reddituum taxatio, nec quod hic nimium habetur, & legibus interdictum, habetur pariter nimium in aliis provinciis, ubi pro diversa conditione negotiorum, vel emtionum, leges amplius præfiniunt. Totum autem legibus pendet, harum præfinitionem quod excedit, nimium est; quod autem earum modum servat, legitimum, ac moderatum habetur. In præscriptione cum nullum modum, quantitatem nullam leges definiant, nihil est, quantumvis magnum, quod non præscribatur. Quidquid ergo in usuris leges, pro locorum, vel temporum varietate approbant, moderatum haberi debet: & si quidem ea legum vis sit, ut dominium transferat, nihil efficit quantitas fœnoris, si in eam legum vis exeratur. Si ergo nullam ejusmodi vim in Romanis legibus agnoverunt Patres, hoc non a quantitate usurarum, sed ab ipsa legum impotentia desumendum est: quod nulla ejusmodi vis iisdem competat. Hinc non novo quidem jure, sed ex certa Patrum traditione Vienneſe Concilium usuras damnavit, quæ statutis civitatum probatæ, legitime habebantur; & similiter Concilia, atque Pontifices, inter quos Gregorius XIII. in Apostolicis litteris,

(1) Sic realium censuum redditus, decem, vel duodecim in centum, qui Martini V. constitutione probatus legitur, nimius olim non habebatur, propterea quod juitus ex se, modum eorum locorum, ac temporum nequaquam excederet.

Hoc docu-  
mentum ce-  
detur in fine  
opetis.

teris ad Bavarie Ducei diei 27. Martii. an. 1582. usurarium lucrum, quantum vis in oderatum, de quo fuerat interrogatus, per nullam legem humanam excusari posse definivit. Hac de causa decreto Congregationis S. Officii die 11. Martii an. 1704. damnati duo sequentes libri: *Consuetudines Anglia de concedenda ad usum pecunia Londini 1609.* & *Factum, in propositionis, qui se forment aujourd'hui sur la matiere de l'usage, sur les quelles il est a propos de faire une Consultation &c. jouste la copie imprimee a Ville sur. Illon in 1680.* in quibus tota purgande usure vis legibus humanis populorum consensu firmatis. & in bonum publicum editis tribuitur. Nullam ergo humanis legibus vim ad transferendum usure dominium, abstergerdane ipsius malitiam tribuit Ecclesia; immo nullam inesse sententiam presumpsit, cum ex iisdem legibus nullam usurarum excusationem admittit.

## §. V.

*Consultatur auctoritate ipsorum Principum, nec non testimonio insignium patronorum usura.*

Ipsi Principes hanc vim in suis legibus non videntur.

(1) Vide notae de non anni ipsa tituli legibus dicemus lib. 5. c. 3. §. 1.

11. Quid quod ipsi Principes (1) tantum suis legibus jus non arrogarunt, quantum isti homines tributum vellent? Cum divinę legis usuram vetantis meminerunt, se nihil posse adversus illam cecessi sunt, ullo bono publico; nec nisi ex duritie sibi adhibendam putarunt tolerantiam quandam minoris mali, ad majus malum evitandum. Ita Leo sapiens usuras divina lege vetitas. & a Patre Basilio propterea abrogatas. hac una ratione sibi iterum revocandas, & permittendas dixit Novella 83., ut ne tamen se eas idcirco licitas, ac iustas facere tace crederet. Repetenda hoc loco ejus verba, quę retinavimus lib. II. c. 7. §. 6. n. 43.

Idipsum de superioribus plerisque Imperatoribus testatur etiam Basilus Imperator lege ibidem recitata n. 44. ubi permissionem tantum obdixit hominum in iisdem legibus agnoscat, quas eatenus excusari posse confessus est Augustinus, quatenus in eo populo, quem arguit, minoribus malis, ut majora committerentur, dederunt licentiam. Sed illi homines, addit, qui ex iisdem legibus agunt, lege inculcata, quomodo inculpati queant esse, non video. Et post pauca affirmare non dubitat leges hujusmodi multa cedere, atque impunita relinquere, quę per divinam tamen providentiam vindicantur, & recte. Quibus in disputatione quidem de usura mirum in modum respondens S. Joannes Chrysostomus hom. 36. al. 37. in Matth. n. 5. Nec mihi, inquit, externas leges (id est humanas a divina lege distinctas) obicias. Publicanus enim legem illam exteriori servat, & tamen dat ponas. Justiniani tempore satis vulgata hæc sententia fuit: unde ipsi homines, qui Dei, id est divinę legis, memoriam gerbant, in ejusdem observantiam recusabant tutelam, ne Imperialium vi legum coperentur ad pupillares pecunias (si alia via non suppetere) in fœnore collocandas; oro sane factio Imperiales leges usuram apud Deum nequaquam purgare iudicarunt: nec tamen Imperator hanc vim iisdem legibus tribuere ausus, de errore illos commenuit; sed ipsorum potius gratia eas leges abrogavit uti injustas, quę fœtus divina lege illicitum non permitterent solum volentibus, sed nolentibus etiam prepererent.

12. Non alia unquam fuit catholicorum de usure legibus doctrina: cui & Gręcos ipsos Schismaticos coercentes video, ex quibus Nicolaus Calasilas in oratione adversus usurarios, humanarum legum excusationem vulgo obiectam his verbis proposuit, ac rejectit: *A-*

Lib. 1. de  
Lib. Arbit.  
Co. 1. De 12.

sum. 13.

Sup. lib. 2.  
cap. 7. §. 2.  
du. 29.

Neque Schismatici.

Tom. 16.  
Bibliot. PP.  
pag. 171.

qui lex Imperatoria, occurrit ille, hae via luerum confectari permittit, quod nunquam fecisset, si in eo peccatum inesset. Quomodo non sultum est sic ratiocinari, homines istud permiserunt; & non cogitare potius Deum hoc fugere iussisse? Et non esse vitiosum hoc lueri genus ex humana lege coniecere, & cum Deus hoc ipso, quod prohibuit, vitiosissimum esse testetur, nibilo tamen magis vitiosum arbitrari? Quanto melius iudicares, juxta Dei iudicium. ferens sententiam, quam legibus hominum assentient? Mibi vero & comparare quidquam legi divinae, extrema videtur audacia... Cur certe non pudet, eum seculis Pharisaeis, mandatum Dei solvere propter traditionem hominum? Sola antiquorum Patrum traditio hanc egregiam doctrinam, cum Latinis concinentem, ex Schismatico exprimere potuit.

12. Sed quid appello ad Schismaticos, si vel ipsi praecipui usurarum patroni hac in re non dissentiant? Contendunt quidem illicite nos sequi Principum leges, quae usuras praefiniunt; at ea tantum in hypothesis id contendunt, quod nulla divina lex usuram prohibeat. Si vero haec divina lex certa ponatur, nihil posse humanas leges ultro fatentur. Testem dabo Claudium Salmasium, qui humanarum legum auctoritatem omnium maxime propugnat, & evehit. Is enim cum in opere de Fœnore Trapezitico vindicandas sibi summisset tanquam honestas, & licitas quaslibet usuras, quas magistratus, & civiles leges praescribunt, & taxant, ut nihil contra possint Ecclesiasticae sanctiones, quae omnes usuras prohibent: hoc genus vindicandum valere ait, si modo usura non sit res jure divino vetita, & illicita: quo casu, subdit, non impune debet esse magistratui licentiam alicui dari rei, qua legi divinae contraria est. Et similiter l. 1. p. 98. Quod si constaret ita prohibitas esse a Christo usuras; tum ego

contenderem nulli magistratui, aut Principi Christiano licitum esse, quod Christus ita vetuisset, permittere. Id si intelligeretur de permissione tolerantiae minoris mali ad majus malum praecavendum, illicitum quandoque dici non posset, ut idem Salmasius lib. 2. pag. 215. concedit licere: In rebus, quae in reprehensione sunt, quasque lex moralis non approbat, permittum tamen est magistratui eas permittere ad majora mala evitanda, ut non propterea tamen ex permissione magistratus bona conscientia cuilibet liceat eas usurpare, & profiteri. At de permissione approbationis ea verba Salmasius intelligit, qua scilicet licitum praefertur, quod jure divino non licet: unde idcirco tantum usuras a magistratibus taxatas defendit licitas, quod nullo divino jure vetitas putet. Tum vero, inquit lib. 2. pag. 228., nullum est dubium, si constaret usuras licitas esse jure divino, quin Magistratus non possit eas licitas facere. In hanc tandem sententiam jura esse non negat ipsi potestati Ecclesiasticae usuras etiam humanis legibus permittas prohibere, si divino jure illicitae sint: Si enim, inquit, certo constaret lege divina, expresse esse vetitas, tum nemini etiam dubium esset, quin a Synodis canonibus condissent, usuram exigere vetantes, quibus omnes, qui ad Ecclesiam pertinent, tenerentur. Et in libro de Usuris c. 21. pag. 647. Si prohibitas esse a Christo constaret in novo Testamento, tum sane ad eos spectare deberet earundem prohibitio, qui in foro interno jurisdictionem exercent; quatenus scilicet haec materies de jure divino interdicta, libera civilis jurisdictioni potestati permittas amplius non est, ut tribus allatis testimoniis affirmavit. Cum igitur usuram divino jure illicitam, ac interdictam constet, uti ex constitutis superiore libro manifestissimum fit, sequitur, etiam ipso Salmasio faciente, nullius Principis, ac Magistratus

Quin nec in signa usurarum patroni.

In Praefatione.

In Praefat. de Regor. Trapezit.

tus vi licitam posse fieri: cumque illicita, & interdicta sit ex divino jure tanquam injusta, ut hoc libro ostensum est, nulla itein legum vi jussa effici potest. Qui ergo hanc vii humanis legibus velint tribuere, hi contra omnem rationem, contra Patrum, ac Traditionis, contra Conciliorum, Pontificum, ac totius Ecclesiæ fidem, contra ipsorum Principum Christianorum mentem, contra Schismaticorum, Hæreticorum, ac pertinacissimorum quoque usuræ defensorum sententiam utuntur: adeo absurda res est, quæ nemini intelligenti probari potest.

## C A P. V.

*Exponitur, & rejicitur quadam ob-  
jectio, qua usura, si humanis legi-  
bus approbetur, etsi adhuc  
concedatur illicita, a  
restitutionis tamen  
onere solvi-  
tur.*

**N**ON omitam hoc loco, postquam de humanarum legum vi actum est, proferre in medium objectionem, quæ menti occurrere potest, nimirum, usuram quidem omnem divina lege veniunt, nulla humana facultate posse licitam fieri: at cum Deus humano juri, ac legibus subjecerit jus in bona externa, ita ut jure possideatur, quidquid humanis legibus percipitur, & possideatur: si ubi usuræ, vel usurarii quidam contrarius, legibus, aut judiciis probarentur, ibi hoc lucrum, etsi contra divinam legem illicitè perceptum, possideretur tamen jussè, ita ut restituendum non esset. Id quamquam primo adpectu minus videatur offendere, quippe quod usuram fateatur illicitam: quatenus tamen eam legum, & judiciorum præsidio a restitutione eximit, & auctoritati, & rationi adversatur. Auctoritati quidem, cum usuras, etiam si

humanis legibus approbatas, vel permissas, semper tamen restituendas omnes & Patres, & Pontifices, & Synodi, & Theologi tradiderint: adeo ut ii ipsi, qui eas a restitutione solvere nisi sunt, non aliter id se posse facere crediderint, nisi eas a crimine liberarent. Novum prorsus, & inauditum est, usuras, etiam permissas humanis legibus, culpæ damnare, & a restitutione subtrahere. Ipsa doctrinæ novitas, si a quopiam induceretur, in re præsertim adeo familiari, & frequentè, evidens falsitatis argumentum est.

2. Ratione autem sic argumtor. Usura, quæ divino præcepto vetatur, non tanquam charitati tantum, sed tanquam justitiæ, quæ commutativa appellari solet, contraria, eodem divino jure interdicitur, ut hæcenus demonstratum fuit. Si lex humana usuræ dominium transferret, & hac ratione purgans injustitiam usuræ, materiam hujus vitii a divina lege subduceret, ut ii putant, quos superiori capite impugnavimus, facile intelligeretur, cur ea vi legum perciperetur jussè, & restituenda amplius non esset. At si semel admittendum sit, usuram humanarum legum vi non purgari ab injustitiæ erimine: sicut non subtrahitur a divinæ legis prohibitionem, quæ illam ut injustam vetat, ita nemo poterit intelligere, quomodo quod injustum est, & injustum divina lege interdicitur, humana lege hanc injustitiam nequaquam diluente, restituendum non sit. Restituendum quidem non erit in foro externo, in quo leges ad restitutionem non cogant: at in conscientie foro erit restituendum, ut alia multa, quæ cum sint injusta, debent restitui, licet in foro externo alio, aut probatio non suppetat. Hinc Augustinus in epist. 153. al. 54. ad Macedonium, de usuris scripsit: *Vellem restituerentur* (ut scilicet præceptum divinum jus) *sed non est, quo iudicio repetantur.* Vel ergo purganda est usura:

uturq̃ iniustitia humanarum legum. p̃fidio; vel si hoc non possit, qui iniustitiam divini juris fatetur, etiam restituendi onus eodem jure impositum fateatur oportet.

3. Enimvero contra divinum, immo & naturale jus esse potest, pensionem domus locatę, aut debiti solutionem a pauperrimo durius exigere. Cum tamen hoc verum non sit ut iniustum, sed ut charitati contrarium; si vi legum, ac judiciorum exigatur, crimen erit, non tamen iniustitia; & hae de causa restitutionis onus nequaquam urgebit. At si quę divino, aut naturali jure vetantur ut iniusta, nec ulla humanarum legum vis peccatum, & iniustitiam purget, dominium jure, ac rite transferendo; etsi forte exigantur legum, ac iudicium favore, restituenda nihilominus erunt. Sive leges & iudices faveant per errorem, sive politico consilio, sive alia quacunque ex causa; si iniustitiam, & crimen diluere nequeant, nihil quoad restitutionis exemptionem conficiunt. Secus si ubi furta quaedam ex legibus, & iudiciis patrociniū haberent, restituenda non essent: quod vel cogitare est omnino nefas. Num ubi negatur actio contra deceptionem, citra dimidium iusti pretii, restituendi obligatio non est ei, qui citra dimidium decepit?

4. Opponi primo potest Augustinus, qui in laudata epistola ad Macedonium n. 15, advocatum, qui causam iniustam vicit, ad reddendam quidem mercedem clienti, non autem ad restitutionem laeso faciendam cogit. Sed ibi restitutionem mercedis, tanquam medium restitutionis procurandę, & a cliente faciendę proponitur, ita ut praescindatur a casu, quo cliens mercede accepta restituere nolit. Quis vero iniquum advocatum, vel iudicem, si cliens non restituat, vel restituendo non sit, a restitutione audeat eximere; cum alter

iniquę causę sciens patrociniatus est, alter vero iniquam sententiam tulit? Num (1) legum favor in his comminisci potest? Nonne ipsę leges, quę causam damni pleunt, si fraus detegeretur, advocatum, & iudicem condemnarent? Hisce principiis, non minus naturalis, quam civilis juris instructi S. Thomas, S. Raymundus, S. Antoninus, & ceteri omnes Theologi, etiam benigniores, iniquos id genus advocatos, & iudices restitutioni subjecerunt.

5. Opponi possunt secundo antiquę Imperiorum usurpationes, quę ad furtum, seu rapinam pertinent; nec tamen ad restitutionem coacti inveniuntur a Patribus, qui iniuste occuparunt, nec milites, qui bello iniusto spolia perceperunt, nec illi, qui in praediorum alienorum possessionem jure belli ejus generis iniusti missi fuere. At in primis hoc negativum argumentum tantum esse nequit, ut evidentissimam, quam exposuimus, rationem evertat. Dein auctoritates Patrum, quę iniusta bella semper iniustitię accusarunt, contrarium satis evincunt. Plures etiam antiqui contra occupatores iniusti belli expresse declamarunt: & inter Theologos eominis doctrina est, quę iniustos occupatores restitutioni obnoxios praedicat. Neque opus est, quod in Patribus singuli casus legantur. Quot enim alii casus in ipsis desunt? Satis est, si principia apud eosdem manifesta sint, ex quibus Theologi casus singulares solverunt, quos etiam Sancti Patres suo aro, cum consilium quaereretur, pariter solvisse, ex ipsorum principiis dubitare non licet. Adde quod alia nonnunquam est ratio Principum, quibus belli iniustitia nota esse potest, ac debet, alia militum, ac subditorum, ad quos hoc iudicium non pertinet: & similiter alia identidem ratio est occupantium, alia successorum; nam cursu temporis multa possint incidere in

(1) Vide L. 2. Cod. De Fama iudicis qui male iudicavit.

Vide etiam Hugonem Grotium de jure belli, & pacis l. 1. c. 10. m. 40. & seqq.

regnorum mutatione, & quod primo fuit iniuste occupatum, restitui deinceps non possit, vel etiam non debeat; quæ tamen omnia eum a nostro proposito nimium abñnt, nobis tractanda non sunt.

6. Exempla tandem ( si forte opponantur ) Hæreticorum, vel Schismaticorum, qui etsi in hæresi, vel schismate Ecclesiastica bona iniuste occupassent, non tamen ad restitutionem adacti fuerunt, cum ad fidem, ac unitatem catholicam reverterentur, in re præsentis nihil probant. Cum enim omnia Ecclesiastica bona sint in ipsius Ecclesiæ jure; potuit Ecclesia, fidei, ac unitatis gratia, eadem bona ipsis occupatoribus ad suum gremium redeuntibus liberaliter concedere, ac restitutionem condonare; ita ut iuste illi inciperent possidere, non usurpatione antiqua, quæ in legitimam possessionem legum præsidio transierit, sed veluti donatione nova, qua omnis restitutio Ecclesiæ jure remissa fuit. Nihil ergo hæc, aut alia id genus conferunt, ut legum, ac judiciorum præsidio usuræ a restitutione solvantur, quas & Patres, & Ecclesiam, & omnes Scriptores catholicos restitutioni subjecisse manifestum est, propterea quod eas iniustas certissime noverint.

7. Neque dicas Patres harum restitutionem præcepisse relate ad pauperes, quibus ex naturali jure debetur necessarium. Nam non ex necessitate, qua pauperes opprimuntur, restitutio præcipitur, si iustum sit quod pauperes solvant; sed præcipi debuisset etiam restitutio pensionis locatæ domus, aut debiti importune a pauperibus exactæ, quod tamen nemo apud Patres invenit. Sic nemo etiam imponet restitutionem lucri cessantis, aut damni emergentis, quod a paupere in

mutuo exactum sit a Monte Pietatis &c. Igitur si usuræ restitutio imposita fuit a Patribus, ex iniustitia, tantum ipsius usuræ præcepta fuit; quæ iniustitia cum non minus pauperem, quam divitem respiciat, non minus pauperibus, quam divitibus usura restituenda est, ut pluribus dicemus libro sequenti. Ipsa Ecclesia, quæ veteris quidem traditionis & interpretis, & cultus, sine ulla distinctione ad restitutionem, cogit omnis usuræ, a quocunque perceptæ, id ipsum evincit.

8. Neque reponas Ecclesiastica id genus monumenta ejus esse temporis, quo ipsæ leges civiles omnem usuram generatim condemnant. Nam etsi verum est civiles posterioris avi leges plerumque fœnus omne reprobare, non tamen restitutionis præcipiendæ ratio in has leges rejecta potissimum fuit; unde plura id temporis documenta unum divinum jus allegant. Quid quod Concilium Viennense ( ut alia omittam ) restitutionem etiam præscribit ejus usuræ, quæ nonnullarum civitatum statutis probabantur? Neque moveat, quod in eo Concilii decreto memorentur etiam leges humanæ sœnori contrariæ: hæ enim leges ad alias regiones, vel fortassis ad alia etiam tempora pertinebant, nec ligare certe poterant civitates illas liberas; quæ non alienis, sed propriis statutis regebantur. Vel hoc unum conciliare decretum, si bene consideretur, petemptorium est. Cum igitur nemo iniustitiam usuræ humanis legibus purgare queat, neque poterit ab ejus restitutione vi earundem legum eximere. Satis hæc contra propositam objectionem, & simul de usuræ iniustitia, quam ex divino jure monstravimus, satis dictum est.



## LIBER QUARTUS.

*De usura jure Divino vetita, etiamsi a divitis,  
aut negotiatoribus exacta.*

## CAPUT I.

*Quid hoc libro in quaestionem veniat,  
adversariorumque, qui confutandi  
erunt, systema exponitur.*

1.



Enio jam ad illud erroris caput, quod in hac materia potissimum est, & ab omnibus usurarum patronis majori nisu inculcatur, cum usuram quidem a pauperibus exactam damnantes, eam solam, quae a divitis, praesertim negotiatoribus, ad legum normam percipitur, licitam, ac justam contendunt. Id autem, quod a ratione satis congruum videri potest, si ex certo catholico dogmate falsum probeatur, divinumque in eo jus exploratum statuatur, nullus alius erit uspiam usurae locus, effugium nullum. *Divinum*, inquam, *jus*, & ex *catholico dogmate*: nam quidquid de jure naturali ex ratione sit, de quo duobus sequentibus libris agemus; id ad divinum jus, & catholicum dogma statuendum necessarium non est, ut saepe monuimus.

2. Porro circa hoc divinum jus, adversus illos, qui in nova lege confirmatum negant antiquum mutui gratuiti praecipuum, & prohibitionem usurae, superior disputatio, qua veteris Testamenti legem in hac parte a Christo confirmatam luculenter demonstrasse nobis videmur, ad omnem difficultatem, hoc quoque in articulo abigendam

fatis superque est. Cum enim illi concedant, veterem usurae prohibitionem ad omnes Hebraeos fratres, etiam ditiores, quibus mutuum crederetur, jure divino fuisse productam; ideo autem negent hanc confirmatam in Testamento novo, quia jus illud divites spectans, mere politicum, ac Reipublicae Hebraicae peculiare, a Christo destructum comminiscuntur; jam quae ex superioribus libris, ac praesertim ex secundo, probant idem divinum jus, quod Hebraeos ligabat, a Christo non abolitum, sed confirmatum, atque perfectum fuisse eadem de divitiis, ac mercatoribus confirmatum, atque perfectum probant. Itaque ad hos heterodoxos usurae patronos, qui & plures, & potiores sunt, refellendos, plura non desiderabuntur ab iis, quibus superius dicta, ad confirmationem veteris legis statuendam ex Scripturis, ac traditione, evidenter demonstrata judicentur.

3. Nova tamen, ac peculiari disputatione opus est adversus aliorum heterodoxorum genus, qui cum evidenti Scripturarum, ac traditionis demonstrationi resisti non posse videant, confirmatumque propterea agnoscat in Evangelio, quidquid in veteri lege circa usuram vetitum fuit; usuram a ditioribus exactam idcirco a divina prohibitionem nituntur subtrahere, quod divites, praesertim mercatores, ea prohibitionem nec in veteri, nec in novo Testamento comprehensos dixerint. In hanc rem statuendam, omne utriusque Testamen-

Traité Brevis  
part. 5a

menti testimonium usuram prohibens, de solis pauperibus intelligendum contendunt; ac in eandem sententiam traditionis, & Patrum loca interpretantes, solis Scholasticis vitio dant, quod Aristotelicis ratiocinationibus abrepti, ab antiquorum doctrina declinaverunt, novamque produxerint, quæ jam a sex circiter seculis totam Ecclesiam occupat, ipsosque Pontifices, Episcopos, atque Concilia horum temporum in eandem novitatem abripuerit: *Si ex testimoniis Scripturæ, inquit Auctor tractatus brevis in præfatione num. 30., velimus colligere, quid per leges Dei de usura prohibeatur, videbimus ibi vetari lucrum ex mutuo, quod pauperibus, & indigentibus ex charitate dandum erat, & in eo sita est usura a Deo damnata ..... Veteres Patres eandem usuram ideam nobis imprimunt per scripta sua. Et pag. 150. Prohibuit Deus ex mutuo, quod pauperibus, & indigentibus ex charitate dandum erat, lucrum capere; non prohibuit Deus nobis Christianis ex pecunia mercatori data ad negotiandum, & majora lucra acquirenda, quotannis aliquod in centum exigere. Ergo hoc licitum, illud vero illicitum est. Patent hæc ex distis par. prima.* Porro Auctor in eo laborat per universum opus, ut usuram, quæ a pauperibus, non vero quæ a divitibus exigitur, vetitam probet. Similia habent & ceteri ejusdem generis libri, quos in eandem sententiam a Jansenistis in Hollandia editos in præfatione memoravimus.

4. Neque tamen prætermittendus est Auctor operis Gallice scripti cum titulo: *Traité des Prêts de commerce*, cujus sententia in Bibliotheca Gallica Amstelodami edita, magnis laudibus effertur tom. 27. part. 1. 2. 5., & tom. 28. part. 2. a. 10. Hic autem Auctor quaestionem de usura ratione potissimum decidendam ratus, adeo ut ex ea-

dem ratione Scripturam, & traditionem interpretandas contendat, postquam prima operis parte damnavit omnem usuram a pauperibus exactam, quam & ratione, & Scriptura, & traditione damnatam, probat, usuram a ditioribus, ac mercatoribus commercii mutuo questam, nulla sicut ratione, ita nec Scriptura, nec traditione damnatam defendere studet part. 2., cui hunc præfixit titulum: *De l'usure a l'égard des riches.* Cum vero ex hac disputandi methodo illud Auctori objectum fuisset, quod Scripturam, & traditionem a regulamorum ablegasset, ut rationi locum daret; in literis adversario redditus, de hac criminatione vehementer conquectus, ex disputatis adversus usuram in pauperes statuit, quantum Scripturæ, ac traditioni deferat, quæ cum hanc solam, ut ipse loquitur, usuram condemnerit, si ipse scæus a ditioribus exactum probavit a ratione justum, ac licitum, nihil se contra Scripturam, aut traditionem probasse jactat. Longum in hanc rem earundem literarum testimonium editur ab Auctore Epistolarum Theologicarum adversus tractatum *des Prêts de commerce* epist. 5. n. 8. pag. 36. Dein vero adversarios incitat, ut adversus usuram a divitibus, ac mercatoribus exactam aliquod proferant; & tum sese manus datum in iisdem literis pollicetur, ut idem Auctor refert epist. 8. n. 4. p. 58. *Us' est réduit a demander, ( ipsa sunt literarum ejus verba ) une seule autorité précise de l'Écriture ou de la Tradition, sous promesse, que des qu' on l'aurait produite, son écrit demeurait enseveli pour toujours.* Facietur porro in Scriptura, ac Patribus usura nomine omne lucrum appellari, quod supra sortem mutuo traditum percipitur: at usuram ab usuræ vitio distinguens, solam usuram a pauperibus exactam in ipsis Scripturis,

Traité p. 7a

ac

ac traditione vitio dari contendit.

In fragmen-  
to apud Au-  
gustinum Lan-  
guetum Tuo-  
letum, epist. 1.  
no. 1. p. 16.

L' usure a l' égard des pauvres & de ceux qu'elle tend a appauvrir.... seule, que l' est la Ecriture, les Papes, & toute l' antiquité ayant jamais connue... la loi qui défend l' usure.... n' ayant été faite que pour empêcher la ruine ou l' oppression du prochain. Tum Scholasticos omnis perturbationis, ac novitatis accusans, de quibus qu' omnia plus consulte Aristote, que l' Ecriture & la Tradition, idem vitium in Episcopos, atque Pontifices traducere non veretur hoc Sæclarii specioso nomine, que les Evêques & les Papes..... étoient imbus des principes de l' École, & quod idem in Conciliis per hæc tempora n' ont consulté ni l' Ecriture ni la Tradition. Ita non Scholasticos solum, sed Episcopos, Pontifices, Concilia (1) etiam Generalia a XIII. seculo habita, quæ omnem cum omnibus usuram aperte condemnant, una eademque censura complectitur, quod maximum adversus ejusmodi sententiam præjudicium est, ut cap. 5. pluribus ostendamus.

5. Itaque ad horum hominum errorem dogmatice revincendum, Scriptura, Traditio, ac Patres in primis consulendi erunt, cumque ex his evidenter ostendero, divinam legem, quæ usuram vetat, nulla exceptione prohibere, ne quis usuram ab ullo, sive paupere, sive divite, sive mercatore percipiat; tum Scholasticos, una cum Pontificibus, Episcopis, atque Conciliis posteriorum, temporum a novitatis censura vindicabo, argumentumque exinde invictissimum adversus usurarum patronos retorquæbo.

Argumenta ex veteri Testamento, quibus usuram ab omnibus, etiam divitibus, exactam omnino prohiberi monstratur.

## §. I.

Adversariorum argumentatio ex veteri Testamento proponitur.

1. **U**T solam usuram, quæ a pauperibus exigitur, veteri lege Hebræis fuisse prohibitam Jansenistæ usurarum patroni suadeant, duo Pentateuchi testimonia inculcant, in quibus ita prohibetur usura, ut pauperum tantummodo fiat mentio. Primum Exodus 22. v. 25. Si peruniam mutuam dederis populo meo pauperi, qui habitas tecum, non urgebis eum quasi exactor, nec usuris opprimes: ubi pauper, & oppressio tantum memoratur. Dein Levitici 25. v. 35. Si attenuatus fuerit frater tuus, & infirmus manu, & susceperis eum quasi advenam, & peregrinum, & vixerit tecum, ne accipias usuras ab eo, nec amplius quam dedisti. Time Deum, ut vivere possit frater tuus apud te. Pecuniam tuam non dabis ei ad usuram. & frugum superabundantiam non exiges. Ego Dominus Deus vester, qui eduxi vos de terra Egypti, ut darem vobis terram Chanaan, & essetis vester Deus: ubi attenuatus paupertatem significat. In hanc porro sententiam cetera, & Scripturæ, & traditionis testimonia adversarii explicant, & explicanda contendunt, ne legem a Deo semel statutam vel imperfectionis accu-

Traktat des  
Bischofs de  
Combray p. 122

(1) Hinc sane in eodem tractatu p. 168. Concilia etiam Generalia post VIII. in dubium vocat, propterea quod depuis le VIII. concile general l' Eglise n' en a plus celebré de la même manière, c' est à dire ou tous les eveques ayant pu dire librement leur sentiment, & ou leurs suffrages ayant été munis de leur signature.

accusamus, si explicatione indigerit, vel mutationis, si a pauperibus ad divites producta fuerit. Confirmant ex Deuteronomio c. 23., ubi est v. 19. usura universim prohibeatur erga fratres, tamen id versu 20. de solis fratribus, qui indigent, intelligendum subjicitur illis verbis: *Fratrī autem tuo absque usura, id quo indiget, commodabis*, ut in vulgata ex S. Hieronymi interpretatione legitur. Quæ explicatio, quamvis nonsemper aliis in testimoniis adjicitur, semper tamen subintelligenda est. Addunt, Hebræos in ea Reipublica forma, quam ipsis Moyses præscripsit, ab omni negotiatione, aut emtione prædiorum alienos, non nisi in necessitatibus indiguissē mutuo, ex quo proinde lucrum percipere non licuisset. Vides nihil dissimulare me, nec remissius agere, quin adversariorum argumenta potiori in lumine collocem. Nihil tamen est, quod timendum sit.

## §. II.

*Exodi, & Levitici testimonia cum pauperes memorant, divites non excludunt. David, & Ezechiel omnes comprehendunt.*

2. **P**rimo pauperes memorare. per se non est divites excludere. Si hæc regula figendæ esset, ea quæ in lege aliqua vetante nequaquam exprimiuntur, minime prohiberi, sed licita haberi oportere, quis non videat fornicationem, stuprum, & alia id genus crimina haud illicita fore, cum in sexto Decalogi præcepto solum adulterium expresse vetitum fuerit: *Non machaberis*? Quorū alia Scripturarum præcepta solus pauperis, pupilli, advena, vel viduæ mentionem faciunt? Exodi c. 22. v. 21. *Advenam non contristabis, neque affiger.* Et v. 22.

*Viduam, & pupillo non nocebitis.* Deuteronomi c. 24. v. 14. *Non negabis mercedem indigentis, & pauperis fratris tui, sive advena.* Et v. 17. *Non pervertes judicium advena, & pupilli.* Psalmo 81. v. 3. *Judicate egeno, & pupillo; humilem, & pauperem.* Proverb. capite 33. v. 10. *Ne attingas parvulorum terminos, & agrum pupillorum ne introcas.* Jeremiæ c. 7. v. 6. *Advena, pupillo, & vidua nolite calumniari; ubi calumnior juxta Hæbraicam vim significat usurpare, vel opprimere; & c. 22. v. 3. Advenam, pupillum, & viduam nolite contristare, neque opprimatis inique.* Zachariæ c. 7. v. 10. *Et viduam, & pupillum, & advenam, & pauperem nolite calumniari, id est eorum bona usurpare, eosque opprimere.* Mitto ejusdem generis alia. Si quis autem hocce textus allegans, probare niteretur, hæc leges, quæ solos pauperes, pupillos, advenas, & viduas nominant, ad has tantum personas restringi, quis æquo animo ferret? Nonne palam est, hæc personas præcipue nominari, non ea mente, ut lex restringatur, sed propterea quod ea crimina in id genus homines frequentius exercentur? Quidni similiter de usura dicamus? Forte etiam ideo usura pauperibus imposita potissimum interdicta est, quippe quæ majorem excitat commotionem, ac majorem iniquitatem præfert, ut ne ideo usura a non pauperibus exacta licentia tribuatur. Ita quidem apud Ezechielem, qui inter justis conditiones recensuit neminem generatim opprimere: *Hominem non contristaverit, nimirum* Cap. 18. v. 7. & 16. *non divitem, nec pauperem; in peccatore peculiari modo reprehendit contristare (id est opprimere) egenum, & pauperem, ut in maximam ejus iniquitatem detestaretur.* Similiter in eo Decalogi præcepto: *Non machaberis*, specialis adulterii mentio facta videtur, ut id vitium præcipue coarguatur, quod magis movet

movet animos hominum, & magis est humanæ societati contrarium, ut ne tamen cetera idcirco permittantur. Hinc etiam ipse auctor tractatus *Des prêts de commerce*, qui hoc argumentum maxime urget, agnoscit præceptum Decalogi, quo falsum testimonium prohibetur, solius *falsi testimonii* mentione non excludere simplicia mendacia, quæ nullum proximo damnum creant: *La Loi qui défend la faux témoignage n'est point une restriction de la défense du mensonge à celui qui est préjudiciable au prochain, mais l'application de la défense générale du mensonge à un cas particulier.*

Traité des  
prêts p. 35.

3. Enimvero ut idipsum de usuræ prohibitionem dicamus, ipsa Exodi, & Levitici verba, quæ nobis opponuntur, quasdam tantum mutui gratuiti circumstantias expriment; nec quisquam tamen ad has circumstantias tantum præceptum illud restringens, præter illas usuram liberam fecerit. Exodi 22. v. 25. prohibetur Hebræo, ne usuram exigat a paupere, *qui habitat tecum*, idest populari, seu ejusdem loci, seu urbis; nec tamen hinc quisquam colliget, licuisse Hebræis, ab Hebræo paupere alterius loci, vel urbis usuram exigere. Similiter Levitici 25. v. 35. vetatur usura quatuor memoratis conditionibus, si frater sit, si attenuatus, si infirmus manu, si susceptus quasi advena vivat, habitetque cum mutante; nec tamen eum eo paupere, qui his conditionibus careat, qui sit manu validus, vel alibi habitet, vel alterius gentis, religionisve, sed pauper tamen sit, per ipsos adversarios licet de usura pacisci. Sicut ergo harum circumstantiarum expressa mentio divinum præceptum non restringit, sed exempli gratia explicat, & ad casus applicat frequentiores; ita nec vox *pauperis*, vel *attenuati*, quæ exprimitur, divinæ præceptionis restrictio habenda est, quæ divites non expressos excludat.

Tom. I.

4. Fateor quidem divinum præceptum non esse extendendum ad omnes etiam divites, ex hisce locis, quæ solos pauperes designant. Neque tamen suppetere debent expressa testimonia, quæ divites, & mercatores nominent; satis enim est, si alibi ita universum veteretur usura, ut nulla, vel pauperis mentione, vel exceptione divitis, præceptum omnes comprehendat. Ejusmodi protectio sunt David, atque Ezechielis verba, quæ lib. II. c. 2. fusius consideravimus. Ubi illud præsertim observandum est, quod David Psal. 14. sicut de muneribus agens, expressit quæ impia sunt, *super innocentem*, inquiens, accepta ad eum opprimendum, eo quod hæc, non autem omnia munera mala sint; ita agens de usura, expressisset pauperem, si solam usuram pauperum venient judicasset. Similia in testimonio Ezechielis considerari possunt, qui in aliis restrictione, ubi opus erat, usus, nullam in usura restrictionem adhibuit, sicuti nec adhibuit in ceteris, quæ nulla conditione circumscripta, nullam restrictionem patiuntur. Quid igitur in una usuræ prohibitionem restrictionem ex arbitrio oberudamus? Si pauperis conditio habita fuisset necessaria violationi præcepti, omnia proculdubio non fuisset. Pauperem alicubi exprimere nihil restringit; finis enim ejus mentionis inferenda facile cognoscitur, nimirum ut peccatum gravius, atque frequentius coerceretur, ac major in ipsum exciteretur indignatio: idque eo magis, quod non de sola usura sere sermo est, sed etiam de mutuo, cujus præceptum cum non cadat nisi in eos, qui necessitate premuntur, nimirum in pauperes; horum mentio eatenus necessaria videretur. At aliis in legibus, quæ de sola usura feruntur, cum omne pauperum indicium præterire, nullum finem utilem prospicere queat, eo per se inducit, ut lex generalis credatur,

T

ac

ac proinde sapientissimus legislator non prætermisisset ejusmodi mentionem, si quidem ad solos pauperes voluisset legem restringere. Enimvero si hoc tempore ferenda esset ab adversariis lex, quæ usuram vetet; cum eam putent erga solos pauperes interdicendam, horum mentionem insertam vellent in ipsa lege, ne quis ex omissione aliter crederet. In hac scilicet hypothese, usura, quæ pretium usus pecuniæ definitur, ita per se esset iusta, uti iustum est pretium usus domus, vel equi locati; & solum ex conditione pauperis, qui eo pretio opprimeretur, fieret illicita. Quis autem sine conditione pauperis oppressi apponenda generatim ediceret, cum esse iustum, vel in casum ascensurum, qui domum, vel equum pretio non locet? Cur ergo id Deus in usura generatim edixisse credatur apud Ezechielem, atque Psalmistam, si ea a pauperis conditione esset illicita? Neque vero hanc conditionem satis explicatam dicas in Exodo, & in Levitico, ac exinde ceterorum locorum interpretationem esse petendam. Hoc non male fortassis diceretur, si pauperes nominare perinde esset, ac ad eisdem legem restringere. At cum simplex pauperum mentio, in memoratis libris inserta, restrictio legis non sit, ut hætenus vidimus; si quis exinde interpretanda crederet generalia Davidis, & Ezechielis loca, erunt fortassis qui similiter obijcientes testimonia paullo ante descripta Deuteronomii, vel Exodi, ubi in interdicenda oppressione, noimento, mercedis subtractione &c. pauperes pupilli, advenæ, & viduæ memorantur, contendunt ad hos tantum restringenda pariter esse alia loca, quæ eadem crimina indiscriminatim prohibent. Quamcumque responsonem huic objectioni adversarii proferant, adversus ipsos valebit. Repetendum hoc loco est, usuram in

hac hypothese non esse malam per se, sed ex conditione pauperum totam ejus malitiam pendere. Quandocumque ergo veteris usura, cum verandum sit malum, non autem quod per se malum non est; semper conditio pauperis, cui malitia alligata credatur, exprimenda erit. Neque satis fuerit semel, vel iterum declaratum sit non licere in exigenda pensione domus pauperes angariari, & opprimere, num quis alicubi, hac conditione omissa, legem ferret, qua illicitum pronunciet domus pensionem exigere? Num alicubi in Scripturis traditum reperietur in culpa esse ad uxorem accedere, ut lector hoc referat ad conditionem uxoris menstruæ, quæ in iisdem Scripturis alibi declarata est? Traditio quidem Sanctorum Patrum hanc in usura relationem ignoravit. Argumentum facile, & ex adversariorum praxi ductum proferam. Sicut per hæc tempora, cum Exodi, & Levitici loca ob mentionem pauperum in novitiam sententiam intelliguntur, nemo est adversariorum, qui ea statim non ingerat, & ex his cetera explicanda non contendat: ita pariter olim secessissent antiqui Patres, si in eadem fuissent sententia. At si legantur diligenter quotquot adversus usuram declamarunt, nihil tale usquam deprehenderetur. Plerique enim Scripturæ auctoritatem potissimum allegantes, omisso Exodi, & Levitici testimonio, aliis locis utuntur, in quibus nulla pauperis occurrit mentio. Cyprianus ex gr. in eo opere, ubi præcipua testimonia pro quovis præcepto describit, probaturus generale præceptum: *Non fœnerandum*, tres rexit recitat, ex Exodo autem, vel Levitico ne verbum quidem. Textus frequentius citari ex Psalmista, & Ezechiele petuntur, & his solis plerique etiam canones contenti sunt. Si ex Levitico, & Exodo legis in-

intelligentiam pēdere veteres censuissent, impossibilis fuisset tanta omisso. Cetera potius testimonia praterissent, hæc vero nunquam. Alii porro Patres, qui hosce textus recitaverunt, pauperis mentionem non dubitaverunt omittere: quod evidens argumentum est, eam necessariam haudquaquam putasse. Immo eam forte idcirco pratermiserunt, quod nolent quoniam hinc colligere ad solos pauperes legem esse referendam. S. Ambrosius in libro de Tobia n. 32. Denique etiam in Levitico præscribitur lex usuram a fratre non esse potendam. Sic enim habet: *Et dicit frater tuus tecum, pecuniam tuam non dabis illi in usuram &c.* Ubi legitur *frater tuus*, omissa sunt verba *si attenuatus fuerit*, quæ tamen conditio essentialis in novo systemate creditur. Alii tandem pauci, qui vel hunc, vel alium Exodi textum recitarent integrum, nunquam in voce *pauperis*, vel *attenuati* vim, aut restrictionem ullam fecere, quod tamen saltem alicubi factum legeretur, si in novitio sensu ea testimonia accepissent. Novus est igitur novitiorum hominum aïsus, qui nemini, cui displiceat novitas, probari poterit.

## §. III.

*Deuteronomii testimonium omnes etiam divites, ac negotiatores, complectitur. Evidens hinc argumentum contra adversarios intorquetur.*

5. Neque opponas: Si David, atque Ezechiel Mosaicam legem interpretati sunt, uti intelligi debet; sequitur eandem legem ad eorum ætatem usque ignoratam fuisse. Etsi enim accidere in aliis potuit, David, & Prophetas explicasse clarius legem, quæ minus exacte, aut minus recte caperetur; sicut Christus aliqua explicavit in

Evangelio, quæ mala antiquorum interpretatione exposita fuerant; id tamen in ea quæstionis materia, de qua nunc agimus, nequaquam contigit, cum ipse Moyses alio ipsius Pentateuchi loco sese explicans, generalem legem tulerit, quæ omnes etiam divites certissime comprehendit. Hoc potissimum, & evidens argumentum erit, cui nemo æquam solutionem reperiet. Deuter. 23. v. 19. scribitur: *Non foverabis fratri tuo ... sed alieno*; qui locus ab adversariis maxime ingeritur, ut ex distinctione *fratris*, cum quo socius prohibetur, & *alieni*, cum quo permittitur, socius non semper, nec per se illicitum colligant. Genuinam hujus loci interpretationem, quæ rationem *alieni* ad Chananæos hostes restringit, vel senoris tolerantiam, non approbationem exhibet, lib. II. c. 2. dedimus. At nunc omittamus, quod adversarii volunt. *Alieni* appellatione omnes significentur alienigenæ, & cum his licuerit Hebræis socius exercere, quod cum solis Hebræis *fratribus* exerceri vetatur. Hæc quoque in sententia aliqua procul dubio distinctio ea Deuteronomii lege inter *fratres*, & *alienos* constituitur, ut non idem prorsus cum utrisque veteretur, vel permittatur. Porro si cum solis *fratribus* pauperibus socius fuisset prohibitum, quod æque cum alienigenis omnibus, si pauperes sint, ex ipso naturali iure veterum iidem adversarii fatentur; ita vero permittum fuisset socius cum alienigenis non pauperibus, uti cum *fratribus* Hebræis non pauperibus permittum, id, quos nunc impugnamus, præferant: nulla certe superesset inter utrosque distinctio; ac propterea ea legis verba apertam distinctionem asserentia: *Non foverabis fratri tuo, sed alieno*, in eam adversariorum sententiam sic essent explicanda: *Idem de fratre, ac de alieno erit. Si pauperes sunt, neutri foverabis; si autem divites, utriusque*

*trigue*; quod propositæ distinctioni repugnat. Idipsum est, si eum locum brevius, & æquius explicandum putes: *Non funerabis fratri tuo pauperi, sed alieno divitiis funerabis*; quo nihil inanius, ac magis ridiculum notavit ipse Salmasius adversus quendam suæ sectæ Theologum usurarum patronum lib. 3. de Fœnore Trapezitico p. 688., ubi eandem, quam refellimus sententiam, ab eodem Theologo defensam hoc Deuteronomii testimonio veluti jugulo perimit.

6. Neque vero ad hujus evidentiissimi argumenti vim infirmendam opponatur *fratris* appellationem in ipso Deuteronomio restringi ex verbis *id quo indiget*, quæ subjunguntur versu sequenti: *Fratri autem tuo absque usura, id quo indiget, commodabis*. Nam præterquam quod verba *id quo indiget*, desunt in Hebræo textu, immo & in versione Græca, Syriaca, Arabica, Samaritana, Persica, ac ceteris omnibus præter vulgatam, ac eas, quæ ex vulgata profectæ sunt, de quo apud criticos plura legere licet; si ea verba non accipiantur in aliam satis obviam, & commodam sententiam, in qua immorari opus non est, sed in eam, quam adversarii volunt, eadem redit argumenti vis; tum enim versiculus decimus nonus æquivaleret huic: *Non funerabis fratri tuo ad usuram id quo indiget, sed alieno, id quo non indiget*, quod absonum, & inanissimum dictum, omnem distinctionem inter fratrem, & alienum, quam ipse locus præfert, destrueret. Ipsi adversarii, qui usuram cum Israelitis pauperibus vetitam, cum divi-

tibus autem licitam putant, si sibi metipsis non contradicant, repugnare non possunt. Cum, enim usuram ex pauperibus etiam alienis exactam naturali jure vetitam (1) ipsi pariter approbent; Deuteronomii autem lege, ne illusoria sit, permixtum (2) dignoscant fœnus aliquod cum alienis, quod cum fratribus interdicitur: non aliud inter utrosque discrimen ex eorum sententia assignari potest, nisi quod cum fratribus, sive pauperibus, sive divitibus, usura univèrsum vetita fuerit, quæ cum alienis non pauperibus permittebatur.

7. Hinc ergo dux Exodi, ac Levitici leges cum solos pauperes memorant, ipso Moyse interpretante, ac univèrsalem saltem inter Hebræos omnes usuræ prohibitionem indidente, divites non excludunt, uti Grotius, usurarum licet patronus, notavit in Exodi cap. 22. v. 25. *Von pauperis hic non restringit, sed exempti causa posita est, quia plerumque accidit, ut illi magis egeant opibus alienis*. Et similiter Salmasius de Usuris c. 10. pag. 611., postquam observavit legem in Deuteronomio latam restrictionem non recipere, ut ad solos pauperes referenda sit, addit: *Quod enim in Exodo, & Levitico expressa sit pauperis mentio, eam ideo fieri censendum est, quod ut plurimum pauperes sunt, qui mutuari coguntur a distoribus*. Et lib. 3. de Fœnore Trapezitico pag. 673., respondens Theologo Calvinistæ, qui legem Deuteronomii contendebat restringendum esse ex locis Exodi, & Levitici ad Judæos pauperes, quia, inquebat, in hoc Deuteronomii loco indefinitè dicitur, & nihil

(1) Auctor operis inscripti *Traité des prêts de commerce* pag. 66. usuram ab alienigenis pauperibus nequaquam permissam ea ratione probat, quia *est un violement manifeste de la loi naturelle*.

(2) Idem Auctor pag. 61. rursum ex eo Deuteronomii loco affirmat: *Dieu permet aux Israélites de faire à l'étranger ce qu'il leur défend à l'égard de leurs frères*.



*nihil esse in jure vulgatius addebat, e contrario potius reponit Salmasius ex Deuteronomii loco explicandam Exodi, & Levitici legem, ut ne ad solos pauperes restringi queat: Sane & illud in jure vulgatissimum, inquit, ut si leges duæ super aliquo themate lata fuerint inter se contraria, ut posterior deroget priori. Non hic quidem hujusmodi datur casus. Nam Deuteronomii præcepta non sunt contraria præceptis Exodi, sed eadem. Verum cum prior lex obscurior est, posterior autem clarior, per posteriorem explicandam esse priorem planissime liquet. .... Quid igitur manifestius, quam legem Exodi de funere exponendam esse ex verbis Deuteronomii, qua generaliter concepta sunt? (adde) & quæ ex distinctione inter fratres, & alienos constituta, si ad solos pauperes restringenda sit, inutilem, ut vidimus, & inanissimam distinctionem præferret, quod dicendum non est.*

## §. IV.

*Refellit objectionem. De æconomia legum Pentateuchi circa prohibitionem usura. Valet & de Hebræis extra Palæstinam habitantibus, etiam divitibus, ac negotiatoribus.*

3. **L** Evis porro ex dictis obiectio est, quam opponit Auctor Consultationis præmissæ operi *Traité des prêts de commerce* pag. XIII. Si Moyses, inquit, usuram indistincte vetitam credidisset, sine ratione peculiarem pauperum prohibitionem tulisset. Quot alia Sacræ Scripturæ præcepta hac methodo expungerentur? Si Moyses ex. gr. generatim interdicitum putasset nocere proximis, sine ratione præcepisset Exodi 22. v. 22. ne quis pupillo, & vidua noceret. Quis hujus ratiocinationis exilitatem non videat? In casu autem usura, præterquamquod

ea vetari peculiari ratione solent quæ sæpius contingunt: casus autem pauperum, qui mutuo egent, frequentiores sunt, ut Grotius, & Salmasius paullo ante allegati observarunt; ipsum legis Exodi, ac Levitici tempus æquissimam rationem, videtur suggerere. Data enim hæc lex Hebræis in deserto, cum nemo altero ditior, aut pauperior fuit, & quamvis data fuerit pro isdem regendis eo tempore, quo terram sanctam tenuissent; cum tamen equalibus inter se portionibus pro numero capitum eam dividendam præcepisset, illis initiis nulla familia altera pauperior esse poterat. At lapsu temporis ex multis casibus, qui inopinatè accidunt, in tam numerosa genitè fieri nequibat, quin aliqui mutuo indigerent, hisque Moyses ut subveniret, legem Exodi dedit, qua mutuum sine usura dari jussit, ac si frater a fratre mutuum sumeret. Cum porro, crescentibus subinde familiis, in ea prima equali portione omnes manere non possent, illud in Levitico cavet, ut qui facultatibus subdivisis, ac imminutis, attenuatis, seu in paupertatem prolapsi mutuo egerent, sine usuris item sublevarentur. Hinc ergo pro his casibus, qui debebant cerne contingere, soli pauperes in Exodo, ac Levitico nominati videntur. At ne quis forte casus in his non comprehensus, etsi ab ea prima ætate remotior, exclusus crederetur; legem Deuteronomii generalissimam sanxit, qua, nulla inopia, aut imminutæ facultatis mentione, vetuit, ne quis frater a fratre, idest Hebræus ab Hebræo, usuram exigeret: quam si qui vellent quærere, a solis alienigenis, non autem ab Hebræis quærerent. Hæc æquissima harum legum æconomia, atque sententia.

4. Hinc porro erroris convincitur interpretatio Correptorii in Tractatu *De la pratique des billets* pag. 141, ubi hanc legem valuisse ait

ait primis Hebræorum temporibus, quando in terra promissa, uni agriculturæ, ac pecuariæ rei vacantes, nulli negotiationi studentes, ex infortunio, ac paupertate mutuum peterent; non autem cum extra Judæam commercii causa divertentes, ipsius negotiationis causa mutuum flagitassent. Ex Deuteronomio enim constat, illam legem, quæ solius fraternitatis, ac peregrinitatis distinctionem attulit, non paupertatis, aut terræ promissæ conditionem spectasse, sed solam fratris rationem, ne frater a fratre exigeret, quod cum solo peregrino, & alienigena permixtum, aut toleratum traditur. Hinc non paupertatis, sed fraternitatis solius rationem. Nehemias objicit, eum c. 5. v. 7. lib. 2. Elidræ usuras exactas reprehendit: *Usurasne singuli a fratribus vestris exigitis?* Hæc autem fraternitatis ratio, eum æque in Palestina, ac extra Palestinam, æque inter pauperes, ac inter negotiatores, & divites, Hebræos tamen, vigeat; æqualem ubique, ac inter omnes, usuræ prohibitionem præstituit. Sic Tobias in regione Medorum ingentem pecuniæ vim, decem talenta argenti, jam inde ab infantia Gabelo sine usuris eredit; quam etsi ei tum

Tob. 1. v. 17.

agens eredit, cum tamen (1) ante mortem eam ad nutum receperit,

non a paupere, sed a divite recepisse cognoscitur. In quo tamen, mutuo, ab usura semper alieno, justitiæ a lege præscriptæ officium agnovit S. Ambrosius in libro de Tobia cap. 2. *Quod igitur commodavit pecuniam, & non sanavit, justis servavit officium.*

10. Quod si consideres tribus Zabulon peculiari fuisse maritimum commercium, quod illi prædictum fuit a Jacob Genesios 40. v. 13., ut Riverus, & Malvenda observant; ac præterea cogites negotiationem apud Hebræos quoque floruisse, præsertim sub regibus, ut latius probavit Prideaux in Judæarum historia part. 1. l. 1. ad annum ante Christum natum 740., eum non solum agriculturam, ac pecuariam Hebræos exereuisse cognoscas, tum vero usuram inter ipsos universim vitatam, etiam eum negotiatoribus Hebræis vitatam ex eadem Deuteronomii lege exploratum fiet. Vigeat enimvero apud Judæos commercium Davidis tempore, quando Psal. 14. usuram universis vitatam indicit; & Ezechiel c. 17. v. 17. & 33. negotiationis meminit, ac nundinarum, cum usuras generatim crimini attribuens, excidium regni Juda inde profecturum prædixit. Quid quod (2) innumeri, ac prope modum infiniti Hebræi, extra Judæam

(1) Anni viginti numerantur in versione antiqua Latina, quam ex ms. Regio Vaticano edidit Joseph Blanchinius Vindic. Canonie. Scriptur. tom. 1. p. ccciv. Anni autem sex supra viginti ex ms. San Germanensi apud P. Calmet.

(2) Philo, in libello contra Flaccum, non minus quam decies centena millia Judæorum habitasse ait Alexandriæ, ac in tota illa regione, quæ a Carabathmo Lybiæ ad Æthiopiam terminos patet, testaturque eam gentem propagatam præsertim in maritimis negotiosis plagis, hanc præterea rationem addens; Judæos enim una regio non capit propter hominum multitudinem; quamobrem plurimas, ac fortunatissimas urbes in Europa, Asiaque provinciis, ac insulis incolunt. Quibus similia prodidit in Legatione ad Cajum; Petronium enim cogitasse ait, quam populosa esset hæc natio, non ut alia comprehensa unius regionis spatium, sed totum pene orbem incolens. Diffusa enim per continentis provincias omnes, atque insulas,

dæam dispersi, ad quos aliquot canonica Epistolæ mixtæ fuerunt, in Ponto, Cappadocia, Galatia, Bythinia, Antiochiæ, Romæ, Alexandriæ, aliisque negotiosissimis urbibus frequentissimi sedes fixerant, in quibus non pauci (ut vel hodie ab iisdem fit) negotiationi, ac mercaturæ operam dabant, nec tamen usuram inter sese ullo casu, saltem cum mercatoribus, licitam iudicaverunt? Testem locupletem habeo Philonem Hebræorum Alexandrinum, qui in libro de Charitate, Hebræos omnes Alexandriæ quoque degentes, ne negotiatoribus quidem exceptis, divina lege comprehensos scripsit: *Vetat igitur fratri funerari: fratrem appellare non solum iisdem parentibus natum, sed etiam quemcumque civem, aut tributum.* In quæ notavit Salmasius: *Absolute, ut cernis, de fratre, hoc est de cive, usuras capere Judæum non vult; nec discernit, utrum civis ille, ac tributis pauper, an dives esset.* Iterum autem Philo: *Necessario igitur præcipit omnibus, qui reipublica ab ipso instituta pars esse voluerit, nimirum Hebræos, hoc genere quæstus abstinere.* Idem testatur etiam Josephus, non solum lib. 4. Antiquitatum c. 6., ubi ait: *Funerari Hebræorum nemini liceat; sed etiam l. 2. in Appionem, ubi describens præcipua, & communia omnium Hebræorum præcepta, hæc inter cetera recenset: Quod quis non deposuit, ne tollat. Aliena nemo contredet. Qui mutuum dedit, usuras ne accipiat. His, & similibus præceptis societas nostrorum hominum inter se continetur.* In quæ opportune item

Salmasius: *Vides eum non facere discrimen pauperis, & divitis in usuris inter Judæos prohibendis, sed simpliciter dicere δανείστας τάους ἢ δόλῳ φερας: dare mutuum, usuras non accipiat. Quod in Antiquitatibus dixit: δανείζειν Ἐβραίων ἐξέστι μὴ δέει. Quo clarius significavit, nemini Hebræo nato dare sub usuris Hebraum.* Idem omnino posteriorum etiam Rabbiorum est sensus, seu potius consensus, qui sane in hac parte maximi faciendus est; credibilis enim multo est, eos dilatare potius Mosaicam legem, ut nationis ingenio in quantum propensissimo faverent, quam restringere. Hinc Mahumedani, qui a Judæis usuræ prohibitionem derivarunt, eandem sententiam tenent. Id originem profecto ducit a Deuteronomii evidentissimo loco, qui ex observatis paulo ante omnino colligitur.

11. Jure itaque Salmasius usurarum a mercatoribus exaltarum exceptionem rejiciens, *Nam est igitur, inquit, quod quis usuras nobis mercatorias obiciat, quasi non vetita fuerint illa lege Mosaisca.... Nisi ab omnibus pariter usuram accipere Judæis Judæum natum prohibuisset, distinxisset inter pauperem, & divitem, aut mercatorem, & agricolam, quemadmodum inter extraneum, & fratrem in Deuteronomio distinxit, dicendo: Extranea funerabis, fratri tuo non funerabis. Ita ergo dixisset Mercatori, aut diviti fratri tuo funerabis, non item pauperi. Sola inter fratrem, & alienum distinctio in*

Deut.

las, adeo ut non multo pauciores sint indigenis. Videndus Josephus lib. 7. de bello c. 21., & l. 11. c. 5., ubi Hebræorum, qui post Eldram in avitas sedes reverii noluerunt, propagationem per totum orbem indicat, affirmatque infinita esse hominum millia, quæ vix est numero comprehendente. Hebræorum quidem colonias jam olim toto Romano orbe deductas, & in præcipuis urbibus nominat Agrippa Rex in Epistola ad Cæsum; & Strabo lib. 17. Vide plura apud Benedictum Bacchonium de Eccles. Hierarch. Origin. part. 1. c. 2.

Deuteronomio omnem Hebræum, complectitur. Sive enim usura ab alieno exigendæ approbationem eo loco velis, sive meram permissionem, ac tolerantiam; certe id ibidem prohibetur in quemlibet fratrem, quod cum alieno approbatur, vel permittitur. Ergo sive pauper, sive dives, aut mercator fuisset, dum Hebræus, & frater esset, usuras ex eo exigere non licebat. Hinc igitur jure doctissimi quique, & antiqui, & recentiores, usurarum patroni, legem veterem de omnibus fratribus accipiendam docuere (1) Calvinus, Grotius, Salmasius, Puffendorius, Noodt, Barbeyrachius, & (2) alii, ita ut ejus legis abrogationem citius adstruendam, censuerint pro Christianis, quibus usuram licere defenderent; peculiaris autem, ac irrationabilis proflus est eorum hujus fere ætatis auctorum opinio, qui usuram defensori, ad solos pauperes eam legem restringendam putant. Quam insententiam si sese receperunt, propterea quod eam legem abrogatam dicere nequeunt (adeo traditionis, & Ecclesiæ aperta doctrina est) abicientes sententiam, quæ veritati hæcenus demonstratæ repugnat, fateantur jam ea lege, quam per Christum confirmatam credunt, æque teneri Christianos erga omnes, qui

ex Christi institutione fratres censendi sunt, ut nec pauperes, nec divites, nec mercatores excipiantur.

## CAP. III.

*Observationes ex novo Testamento, in quædam ac in Testamento veteri usura, etiam a divitibus, & mercatoribus exacta, probatur interdicta. Invidium argumentum ductum ab usura injustitia, qua non ad solos pauperes, sed ad divites etiam pertinet.*

1. **Q**Uæ superiori capite disputavimus, si propositum ex sententia demonstrarent, ad perorandam, ac persuadendam causam, quam defendendam hoc libro suscepimus, omnino sufficient. Si enim ex ibidem constitutis persuasum sit, veterem legem usuras omnes, saltem inter Hebræos, nulla sive divitum, vel mercatorum exceptione universim vetuisse; nihil præterea opus est illis, qui idem omnino jus in Evangelio confirmatum, atque perfectum agnoscunt, uti sane agnoscunt omnes, quos hoc in libro impugnare necesse fuit. Pro illis enim,

(1) Calvinus in exposit. in octavum præceptum Decalogi id clare patenter scripsit.

Grotii locum ex commentario in Deut. paulo ante descripsimus. Legatur quæ fusius in hanc rem scripsit l. 2. de jure belli, ac pacis c. 12. §. 20. Aliquot Salmasii testimonia jam produximus, quibus eam rem exploratam prodit. Confer lib. 1. de Fœnor. Trapezit. pag. 102.

Puffendorius lib. 5. de Jure naturali, ac Gentium c. 7. §. 8.

Gerardus Noodt l. 1. de Fœnore, & usuris c. 10.

Barbeyrachius not. 2. in laudatum Puffendorii locum.

(2) Idipsum, Deuteronomii loco victus, fateri debuit novissimus usurarum defensor in opere *Traité des prêts de commerce*, ubi pag. 66. col. 2. omnem usuram inter Hebræos omnes vetitam ex loco Deuteronomii satis proficitur, etsi negotiationem ea ratione nitatur subtrahere, quia Judæi inter se negotiationem, & commercium exercere non poterant, quod tamen falsissimum ostendi.

Enim, qui eam Evangelii confirmationem negant, at aliunde omnes nulla exceptione veteri lege comprehensos fatentur, hæc disputatio necessaria non est: sed ad hos revincendos (1) satis esse debent, quæ lib. II. a nobis fuisse disputata, idem vetus jus, quod omnes, etiam divites, & negotiatores, idem fatentibus, spectabat, in novo quoque Testamento confirmatum, perfectumque ex Evangelio, traditione, omnique Ecclesiastica certissima auctoritate demonstrasse videntur. Quin hæc ipsa adversariorum pugna, qua idem inter se, vel circa generalem antiquæ legis comprehensionem, vel circa ejusdem confirmationem, dissentiunt, vergit mirifice in ampliore demonstrationem ejus dogmatis, quod utrique inficiantur. Alii enim cum ea de causâ negent usuram a divitibus expressam vetari, quia confirmatam in Evangelio nolint veterem legem, quam in antiquo Testamento generalem fatentur; refelluntur ab aliis, qui ex evidentissima Scripturarum, traditionis, atque Ecclesiæ auctoritate confirmationem ejus legis negari non posse testantur. Hi vero, cum propterea divites, ac mercatores comprehensos negent, quia veterem legem, quam confirmatam agnoscunt, fuisse universalem nequaquam existimant; revincuntur a primis illis, qui eam legem generalem monstrarunt. Ita, ipsi hostes Catholicæ dogmatis, vel inviti, defensores ejus, ac vindices

Tom. I.

sunt. Quoniam vero hæc satis essent, ut tamen utrique hostes simul in eo, in quo contra Ecclesiam sentiunt, magis, magisque resellantur, nonnullas observationes ex novo Testamento, ac ex traditione afferemus, quibus omnem universum usuram, a divitibus quoque, ac negotiatoribus exactam, adhuc divina prohibitionem esse interdictam liquerit.

1. Et primum ex Evangelio repetenda illa, quæ observavimus I. II. cap. 3., ubi Christus in sermone, quem in Monte habuit, ut apud Lucam describitur c. 6. v. 35., veterem legem circa usuram non destruxisse, sed confirmasse, & ad majorem etiam perfectionem perduxisse monstravimus. Neque hic audienda illorum exceptio, qui de solis pauperibus cum locum accipiendum obijciunt, cum de solis pauperibus intelligi debeat præceptum, ut sine spe ipsius sortis recipiendæ mutuum demus: quam quidem interpretationem eidem loco probabilis subjiciam, ex multis Patribus ibidem ostendi. Nam si præceptum mutui a prohibitione usuræ secernatur, nihil difficile erit. Quod mutuum detur vel iis, a quibus ob impotentiam nec restitutum speretur, ad præceptum pertinet mutui, quod solis indigentibus prospexit, non autem iis, qui citra egestatem in negotiationem, & lucrum mutuum petant. At ne lucrum speretur ex mutuo, quæ est usuræ prohibitio, cum ex veteri lege deri-

Trad. Brev.  
Pag. 200.

V

ver,

(1) Satis esse debent, inquam, ut ex ipsius Salmasii confessione liquet; qui l. 3. de Fœdor. Trapez. p. 672., relata eorum sententia, qui putant, quod Judæi inter se observandum circa usuras lege Moysæ præscribitur, Christianos hodie, quo jure utuntur, tenere, hanc egregiam concessionem subjicit: Si hoc esset (scilicet ex explorata confirmatione Christi, quam lib. II. demonstravimus) omnis usura prohibita inter Christianos senseri deberet jure divino, etiam minima, etiam ea, quæ a divitibus exigitur. Certissimum quippe est, Judæis ea lege Moysi omnem usuram, interdixit, quæ a Judæo exigenda esset, tam divite, quam paupere; & ex Deuteronomio deinde fufius probat.

vet, quam Christus certissime confirmavit, nullam inter pauperem, & divitem distinctionem suscipit, exceptionem nullam; sicut nullam distinctionem, exceptionem nullam ipsa lex vetus, a Christo confirmata, ferebat. Si quis divitibus, nulla egebat, sed solius lucri causa mutuum petentibus, nolit mutuari; is adversus Christi præceptum, quo solis indigentibus consultum voluit, nequaquam peccabit. At si semel dare velit mutuum divitibus, quando præceptum non est; ne usuram exinde quarat, ea divina lege teneatur, quæ sicut olim in pari casu ligabat Hebræos, cum mutuum inter fratres darent, ita nunc Christianos ligat, quos non arctiori, sed ampliori multo fratrum significatione obligari ex confirmatione Christi certissimum est.

3. Ex his autem postremis verbis novum pro repellenda divitum exceptione argumentum suggeritur. Vetus usura prohibitio, est, in pauperem subsidium maxime vergeret, non tamen paupertatis, sed fraternitatis rationem spectavit inter Hebræos, ut ex ipso Salmasio cap. superiori observavimus. Quod enim vel inter Gentes amici amicis, civis civibus mutui gratuiti officium præstare solebant, id. ut Hebræi Hebræis tanquam fratres fratribus præstarent. Deus veteri Testamento præcepit. Hinc cum omnes, sive pauperes, sive divites, aut mercatores, essent Hebræi, ac fratres, omnes eadem mutui gratuiti lege obligatos vidimus ex Deuteronomii celebri loco, uti idcirco nulla inter Hebræos fratres, ac sola inter fratres, & alienos distinctio elucefcit. Hinc Salmasius l. 3. de Fœnoro. Trapezit. p. 682., nullum, etsi negotiatorem, aut divitem, ac fratrem, & Hebræum tamen, excipiendum. contendit, *nam sine ulla exceptione, & distinctione nisi peregrinitatis ita lex generaliter formata sit.* Finem. autem fraternæ charitatis, quem

diximus, non autem paupertatis Deum prospexisse, cum sœnus Hebræis interdixit, idem Salmasius prodit in libro de Usuris cap. 20. p. 610. ubi postquam constituere nifus est naturalem æquitatem usuræ, quæ non a pauperibus, sed a divitibus percipitur; hujus æquitatis rationem a Deo nihili habitam colligit, cum omnem Hebræis usuram, etiam a di-tioribus exactam prohibuit; & subdit: *Unde colligere licet non in gratiam tantum pauperum, etsi majorem partem ita sit; sed & ob eam, quam diximus, causam funus illis interd-ctum.* Causam autem hanc in fraternitatis, & charitatis officium rejecerat pag. 605. Omnes, inquit, propinqui, & consanguinei, & prope fratres. ha re voluisse videtur Deus, cum leges illis daret, societatem ex consanguinitate, qua inter eos intercedebat, non solum enst, dire, sed arctiori etiam vinculo constringere, charitatis inter se officia mutua agitari præcipiendo. Ut enim sine ulla lege, solo aut familiaritatis, aut necessitudinis respectu, in aliis gentibus mutuum inter parentes, & amicos gratuitum exerceret, sancte ad extraneos solas reservatur; ita in Hebræa natione, quia omnes erant cognatione juncti, lege sancit Deus, ut Hebræus Hebræo, tanquam propinquus propinquo, non aliter mutuum daret, nisi gratis. Similia leguntur pag. 617. Confer etiam Pullendorhium lib. 3. de jure naturali, & gentium c. 7. §. 9.

4. Si vero ex hoc charitatis, ac fraternitatis officio, apud Hebræos neminem, vel divitem, vel negotiatorem, divina lex exceptum voluit, eaque nullo plurimum seculorum cursu, divisus jam, ac remotis a prima illa fraternitatis origine familiaris, abolita fuit; num Christum, qui in Evangelio charitatem maxime perfecit, eam legem sustulisse, credibile est? Num inferioris charitatis, & officii esse voluit Christianos, quam Judæos, ut ab illis

in sua lege excipiendi sint divites, quos a Judæis excipi vetuit? Unde, quæso, hæc statuatur exceptio? Quod si ad charitatis perfectionem in Evangelio constitutam *fratris* nomen adeo productum fuit, ut sublata omni etiam alienigenarum, ac ipsorum inimicorum distinctione, omnes homines pro fratribus habendi sint; quis veterem usurarum inter fratres prohibitionem, quam Christus charitatem perfecturus ad alienigenas, & inimicos quoque porrigi voluit, ad quos veteri illo jure haudquaquam extensa creditur; quis, inquam, suberhat a divitibus, & mercatoribus, quos vetus illud jus certissime complectebatur? Nonne hi quoque *fratres* sunt? Lex ergo non in paupertatis, sed in fraternitatis, & charitatis gratiam edita, & confirmata, hos quoque comprehendat, necesse est? De confirmatione constat ex constitutis lib. II. Igitur de divitum, & mercatorum complexu quis dubitet?

5. Mirum porro discrimen, quod Salmasium non prout proferre in medium l. 2. de Fœnore Trapez. p. 435. *Fraternitas Christiana*, inquit, *alterius generis, quam Judæa: illa quippe carnalis, illa spiritualis, ejusdem religionis confectantes, ejusdem Dei cultores, Christianorum fraternitatem conciliat, ac componit: Judæi autem fratres, id est ὁμοφύλοι, quia omnes ab uno generis, atque originis auctore, ejusdem hereditatis, ac terra a Deo omnibus promissa, ac data consortes. Vah ineptissimam distinctionem!* Christiana enim fraternitas non idcirco spiritualis est, quod corporalia charitatis opera excludat, quæ tam inculcata fuerunt a Christo; sed quod sola corporis charitate nequaquam contenta, spirituale potissimum præcipit, ipsiusque corporalis charitatis opera nobilior, atque perfectius exequitur, non ex carnali amore, qui terrena tantum spectet, sed ex spiritali, qui in superna, atque divina eriga-

tur. Neque refert, quod Christiani non ita proximo juncti sunt sanguine, ut Hebræi fuerunt. Spiritualis enim illa charitas, atque fraternitas, quam Christus commendavit, in iis præsertim exeritur, qui nullo carnali vinculo nobis junguntur. Hinc inimicos pro fratribus haberi, & diligi jussit, in quibus non alia, nisi spiritualis fraternitas locum habet. Quando igitur certum est confirmatam, & perfectam a Christo veterem usurarum prohibitionem ex disputatis lib. II., eademque in fraternitatis officium lata apud Hebræos, neminem, sive pauperem, sive divitem, qui frater esset, excipiebat, ut ipso Salmasio fœtente probavimus; eodem quoque jure sine distinctione ulla tenentur multo magis Christiani, qui æquiori, & perfectiori fraternitate ligati, sicut omnes (ne alienigenis, vel hostibus quidem exceptis) tanquam fratres prosequi debent. Hinc Tertullianus l. 4. adversus Marcionem c. 17., veterem legem in usurarum prohibitionem *benignitatis*, seu charitatis opus præcepisse agnovit, quo ad eandem legem in Evangelio perficiendam homines informarentur: Hanc etenim dicimus operam legis fuisse procurantis Evangelio. Quorundam tunc fidem paulatim ad perfectum disciplinam Christianam nitore primis quibusque præceptis balbutientis adhuc benignitatis, informabat. Et similiter S. Hieronymus l. 6. in Ezechielem cap. 18., eandem legem in hoc charitatis officio tertis gradibus Evangelicæ confirmationi, ac perfectioni præluxisse testatur: *Vide perfectum. In principio legis a fratribus tantum sanus tollitur. In propheta ab omnibus usura prohibetur ... Porro in Evangelio virtutis augmentum est.* Hoc fraternæ charitatis officium inter Hebræos præcipuum Philo posierat in libro de *Civitate*; hoc idem S. Clemens Alexandrinus proponens Christianis, quibus confirmatum, & perfectum alibi prodidit, Stromatum lib. 2.

tamquam humanitatis officium, quod scilicet charitati omnium hominum deberetur, explicuit: *De elargitione, & communicatione cum multis*. *sint* (Græce enim est *πρὸς πάντων*, idest præcepta) *sufficit hoc dicere, quod lex prohibet fœnerari*. Et post pauca: *An non hoc tibi videtur esse præceptum humanitatis?* *Φιλανθρωπίας*, idest amoris erga quoscunque, qui homines sunt. Qui de confirmatione hujus legis in Evangelio non dubitat, neque de restringendo ad solos pauperes hoc humanitatis præcepto, quod æque pauperibus, ac divitibus apud Hebræos debebatur, ambigere potest.

6. Quid porro si præter charitatem, iustitia in Evangelica confirmatione legis usuram vetantis spectetur? Hoc contra adversarios, qui eam confirmationem non negant, invictissimum argumentum est. Si usura prohibita tantum fuisset, uti charitati opponitur, suspicari fortassis posset solum vetitam in pauperes, quibus cum ex charitate succurrendum est, interdictum iure fuerit omnibus, ne pro subsidio usuris eos opprimerent. At usuram non tam charitati, quam iustitiæ contrariam divino iure vetari ex Scriptura, traditione, Pontificibus, Conciliis, totiusque Ecclesiæ constantissima fide offendimus toto libro tertio. Ubi autem iustitiæ lex est, nec pauperis, nec divitis personam respiciendam, divina, & naturalis lex docet. Quis ergo in fœnore ex iustitia interdicto inter pauperem, & divitem discernat? Quod iustitiæ adversatur, ad furtum, vel rapinam septimo præcepto vetita refertur, quæ si admittantur in divitem, non exinde excusantur, & ad iniustitiam quod attinet, æqualis sunt criminis, ac si adversus paupe-

rem perpetrata fuissent. Hinc etiam Salmasius lib. 1. de Fœnore Trapez. p. 104. *Furtum non tantumne pauperi fiat, interdictum, sed etiam ne divitiis*. Solum sicut furta, & rapinæ, ita & usuræ a pauperibus extortæ id gravius addunt, quod charitati gravius opponuntur. Hæc iniustitia indicata videtur in Evangelica illa parabola, qua Dominus servi impudentiam repulsurus, usurarium lucrum congruum innuit ejus iniusti domini, qui tollis, quod non posuisti, & metis, quod non seminavisti; & de lucro quidem, quod non a paupere, sed a nummulario negotiatore exigeretur, sermo erat. Lightfoot, hominis, qui adversariis suspicionem asserere nequit, interpretationem in hanc rem opportunam dedimus lib. II. c. 6. §. 1. n. 4. Si hanc usuræ iniustitiam adversarii negare non possunt, unde Anonymus Auctor (1) epistolæ ad Maupassium datæ die 19. Septembris an. 1739. pag. 2. agnovit que l' *usure est une branche du non furtif* facies, fateantur aliquando eam universum interdictam esse, sive pauperes, sive divites sint, a quibus exigitur: indubium enim est, quod ipse Auctor tractatus *Des prêts de commerce* parte 2. cap. 3. pag. 65. de re iniusta affirmavit: *L' iniustice qui l'accompagne nécessairement, la fait également proscrire à l'égard de tous, & dans toutes les occasions. Iniustitia, qua illi necessario inhaeret, eam æque erga omnes, & in omnibus occasionibus interdict*. Id ex catholico dogmate de usurarum iniustitia, quam in novo Testamento explorare confirmatam, & assertam, memorato tertio libro constituitur, manifestissime sequitur.

## CAP. IV.

(1) Vide epist. 3. Supplementi ad litteras Theologicas contra tractatum *Des Prêts de commerce* p. 12.



## CAP. IV.

*Argumenta ex Patrum traditione. Considerantur textus generales, complementet, & interdiceret etiam usuram, qua a divitibus, vel mercatoribus exigitur.*

## §. I.

*Præcluditur obiectio ex Patribus.*

1. **A**dversarii, qui traditionem Patrum venerantur, ut eam sibi favere suadeant, loca Patrum describunt, ubi in usuras a pauperibus expressas fuisse disseritur. Ex his autem cetera ipsorum testimonia, & canones explicandos contendunt, ubi nulla pauperum mentio est. Et si hoc argumentum primo aspectu satis probabile videri potest, nihil tamen infirmius, & imbecillum magis. Cum enim Patres de pauperibus meminere, ita meminerunt, uti Scriptura vetus, quam ex mentione pauperum divites nequaquam excludere capite primo evidenter monstratum est. Enimvero hæc pauperum mentio fere occurrit in solis concionibus, quas Patres ad populum habebant. Porro concionum, & oratorum proprium est ea crimina insectari, quæ frequentius contingunt (frequentius autem usuræ exigi solent & pauperibus, qui multo frequentius indigunt) & in iis insectandis, ad odium, & execrationem commovendam facilius, perniciosiores eorum effectus accuratius solent depingi, qui ad excitandos, sedendosque auditorum animos efficacius conferunt. Legantur Patrum Homiliæ, ubi adversus graviora, & frequentiora quædam crimina, ebrietatem, idololatricam, avaritiam pro concione disserunt & eiusmodi criminum finitiores casus graphice ingenti reperientur, quibus animi percellerentur vehementius,

ut ne tamen divinam legem ad eos casus tantum, qui eos effectus parent, restringendam Patres crederent. Quidni idipsum de usura dicatur, cum iidem adversus usuram, concione agentes, oppressionem pauperum, & alia usurarum mala ad auditores concutiendos summa orationis conventionem exposuerunt? Usuram a pauperibus exactam criminiosorem esse quis ambigit? Quid itaque mirum, si Patres in eam sollicitius, & vehementius perorarent? Si potiora adversarii non afferant, quibus in condemnatione usuræ divites a Patribus alicubi excepti probentur, hoc mere negativum argumentum nihilum juverit. Nihil tamen illi expressam, vel, ut ajunt, positivum habent. Nos vero & generales Patrum textus allegare possumus, qui nulla exceptione aliunde constituta, æque pauperes, ac divites complectuntur, nec peculiaribus testimoniis carcenas, quibus divites, & negotiatores exprimuntur. De generalibus testimoniis in primis loquamur.

## §. II.

*De Patrum mente, omnem omnino usuram, a quocunque, etiam divite, aut mercatore exigatur, palam damnantium. Duplex argumentum ductum ex eorundem Patrum traditione, nimirum de concione firmato per Christum veteris legis præcepto adversus usuram, & de usura injuriositate.*

2. **P**rimo testimonia Patrum, quæ libro secundo c. 7. descripsi-  
mus, ubi veterem legem in novo Testamento confirmatam æque nos obligare prodiderunt, ac olim obligabat Hebræos, totidem argumenta sunt, quæ divites etiam eadem lege comprehensos probant. Si enim ea lex ita Hebræos olim liga-  
bat,

bat, ut divites etiam complecteretur, quod cap. 1. demonstratum est; nonne Patres eandem legem in novo Testamento nulla restrictione, aut exceptione confirmatam, sed perfectam potius tradentes, eosdem divites aequè comprehensos tradidere? Indignum quidem Christiano nomine illi putarunt, si sub Evangelio, quod perfectiora praecepit, Christiani *inveniantur iis, qui sub lege fuerunt, inferiores*, ut hoc in argumento de usura prodidit S. Joannes Chrysostomus Hom. 41. in Genesim n. 2., id, quod sane eveniret, si saltem inter Christianos fratres a pauperibus divites distingueret, fœnufque cum his, etsi fratribus, licere putemus, quod Hebraeis non licuit. Unde Petrus Blesensis epist. 17. Christianum usurarium proferit *longe deteriorem Judaeis, dum illi tantum alieno, tu vero, inquit, & alieno, & proximo fœnavoris*. Neminem ergo vel divitem illi excipiendum crediderunt, qui ex confirmatione Christi perfectionem asserentis id necessario consequi observarunt, ne Christianus Judæo inferior esse possit.

3. Id ipsum multo luculentius probant eorundem Patrum testimonia lib. III. c. 2. recitata, quibus usurae iniustitiam apertissime testantur: quod enim injustum est, non cum solis pauperibus, sed cum divitibus etiam est injustum, & vetitum, ut iidem Patres alibi proficiunt. Si igitur usuram crediderunt injustam, eam, a divitibus licet exactam, injustam credidere. Repetantur hoc loco ea Patrum testimonia, ubi usurarium lucrum *injustum, alienum, ac restituendum* traditur. Num de pensione domus pauperi locatae, si vel cum oppressione ejusdem exigeretur, hæc dicta inveniuntur? Quod jure locati accipitur, cum per se justum sit, etiam si exigatur a paupere, justum est, ac proinde nec *injustum*, nec *alienum*, nec (si solum fuerit)

*restituendum* dici potest. Inhumanitas quidem charitati adversa exerceri quandoque potest in pauperes, si cum oppressione immisericorditer ab iis exigatur, quod iuste debent; iniustitia autem non potest. Cum ergo usuram SS. Patres notarint iniustitiam, ea inialitia non verunt insectam, quæ a sola pauperum conditione non pendet; ac propterea non minus condemnanda est, si exigatur a paupere, quam si exigatur a divite, cum quo iniustitiam exercere non licet.

### 6. I I I.

*Tertium argumentum ex testimoniis Patrum generatim expressis.*

4. **D**Ein si quædam Patrum testimonia pauperes obtrudunt, alia absque ulla pauperum mentione ita universim damnant usuram, ut hæc ad solos pauperes restringere nemo possit, nisi qui aliunde divites exclusos probare, queat. Protestantes, qui Patrum traditionem nihili faciunt, uti faciunt Jansenistæ usurarum patroni, quos impugnamus, has generales Patrum locutiones de universis etiam divitibus accipiendas fatentur. Nisi obstitaret apud adversarios memoratos reverentia in Patres, idem faterentur & ipsi, uti fateri profecto debent, si recte ratiocinari velint. Cum enim quod generale est, omnes, nisi qui aliunde excipiantur, comprehendat, generalia Patrum testimonia complendantur oportet etiam divites, si ex nullo expresso textu excipiendi probentur: textus autem, qui pauperes incutant, quique soli ab adversariis allegari queunt, divites per sese nequaquam excludere satis ex dictis manifestum est. Porro generales ejusmodi textus, præterquamquod in ipsis sermonibus identidem inveniuntur, sexcenti sane ex canonibus suppetunt. Canones autem

autem cum appello, Ecclesie leges appello, quæ cum maiorem ligandi vim afferant, quam conciones, explicationes, & ab æquivocationibus alienæ esse solent, ne quem generali formula alligent, qui alligandus non sit, & ne innocentes una cum reis eadem condemnatione involvantur, quod a cura, & diligentia Patrum, qui canones condidere, alienissimum fuit. In casibus quidem raris, qui præter opinionem aliquando contingunt, evenire potest, ut casus non excipiantur alias excipiendi, quod prævisi non fuerint; at in frequentioribus, & notis, si casus nullus excipiat, argumentum est omnes includi. Porro inter canones, qui usuram reprobaverunt, vix unus, aut alter (1) peculiaribus fere de causis pauperes memorat; cum ceteri centeni, & centeni ita universim, sine ulla divitum, aut mercatorum exceptione, eandem damnarint, uti alia damnarunt criminali, furis, adulteris &c., quæ omnes nulla exceptione complectuntur; immo & nonnunquam una cum his usuram damnarunt, ut æque generali prohibitione omnia interdicti significarent. Num ex uno, vel altero canone, qui pauperes exprimit, sexcentis explicandi? an potius ex sexcentis explicandus canon unus, aut alter? Generalis lex tot locis sancita, quæ per se neminem excipit, haud restringenda ex iis locis, quæ dum illam peculiaribus casibus accomodant, ceteros non excludunt. Id ut fiat, expressa loca, quæ casum aliquem excipiant, afferenda sunt, non autem illa, quæ unum casum sine exceptione alterius producant in medium. Cum

adversarii a nobis petant expressa Patrum testimonia, quæ divites designent, dabimus illa quidem capite sequenti; at interim si etiam nihil tale possemus afferre, quod nobis generali lege munitis opus non sit, nos æquius ab iisdem expressos requirimus textus, qui ab ea generali lege divites excludant. Quod si ne uno quidem testimonio efficere possunt; de divitibus, ea lege, quæ omnes includit, excipiendis, frustra laborabunt. Enimvero si Patribus ea mens fuisset, usuram non esse nisi ex pauperum conditione interdictam; cum legem tulerunt: *Non fœnerandum*, nonne addidissent *cum paupere*? Quis adversariorum hoc omitteret? Cum in horum sententia fœnus per se ita liceat, ac domus locatæ pensio, quæ ex sola pauperum oppressione illicita reddi potest; indubium quidem est Patres, si prohibere voluissent speciali textu importunam exactionem pensionis domorum cum pauperum oppressione conjunctam, nunquam generatim sanxissent: *Non exigendam pensionem domorum*, sed addidissent conditionem, a qua tota penderet ejus exactionis malitia, *cum non sine oppressione pauperis exigi queat*. Cur eadem cautione usi non sunt in usura vetanda, nisi quod illam non perinde a pauperum oppressione illicitam existimarent? Videant ergo quam perperam adversarii distinguant inter usuram, & usuræ vitium; & cum illam per se licitam prædicant, tum vero hoc, quod unum malum, & vitium putant, a pauperum oppressione derivant. Patres si in hac fuissent sententia, non usuram, sed usuræ vitium, id est pauperum oppressione,

pro-

(1) Ita Concilium Parisiense IV. an. 818. lib. 1. c. 31. in describendis usurarii abusibus idcirco immoratur, quia non ferebat legem, quæ paucis ferri solet, sed ea abusu descriptionem legem ab Imperatore oblinere nitebatur. Aliæ Synodis casibus locorum peculiaribus in pauperum subsidium providere voluere.

prohibuissent; uti sane hoc unum expresse vetarent adversarii, si legem circa usuram ferrent. Nunquid enim in lege vetante exprimendum est quod licet; quod autem illicitum efficit, reticendum? Cum ergo Patres de hac conditione exprimenda non fuerint solliciti; usura vitium non in ea conditione, sed in usura ipsa eos collocasse manifestum est, unde illam generatim prohibere non dubitarunt, quod generatim cum omnibus, siue pauperibus, siue non pauperibus, vetita sit.

## 6. I V.

*Argumentum quartum e canonibus, qui usuram aequae in Clericis, ac Laicis damnant; cum tamen Clericis certo vetitum sit, ne a ditioribus quidem usuram percipiant.*

5. **E** Nim vero sunt leges, & canones de usura Clericis vetita, ubi aequae generalibus verbis Patres utuntur, ac cum de usura Laicorum decernunt. Porro usura Clericorum, non solum cum pauperibus, sed etiam cum divitibus vetita iisdem canonibus intelligitur, ut ipsi adversarii fatentur. Quis igitur Laicorum usura aequae generalibus verbis interdicta aliter sensisse eosdem Patres eredit? Si hoc non esse communis arbitrio, quid unquam erit? Accedit quod iisdem canonibus ea Scripturarum testimonia fere allegantur, quae pauperes non memorant; quaeque sicut in Clericis non restringuntur ad casus pauperum, ita nec in Laicis restringenda sunt. Cum adversarii contendunt Patrum textus explicandos ex iis, in quibus pauperum fit mentio, videant, rogo, quid niantur? Num ad hactenus circumstantias legem datam Clericis coercendam affirmare audent? Si hoc non possunt, quia interdictum in Clericis generale est; cur illud contringent in Laicis, qui

una eademque lege pariter obligantur?

## 6. V.

*Quintum argumentum ab illo testimonio Patrum, ubi in aliis legibus, quae exceptionem ferunt, exceptiones non omiserunt, nunquam autem in usura exceperunt.*

6. **I** Ncredibile profecto est potuisse Patres credere usuram cum divitibus licitam, nec tamen inter multa loca, ubi de usura loquuntur, huius exceptionis usipiam meminisse. Video exceptum fuisse aliis in rebus, quae licitae per se, ex solo abusu illicitae sunt. Et quando adversarii perinde de foreratione loquuntur, ac de commercio, quod suapte natura licitum, & legitimum est, ex solo autem abusu, & vitii intermixtis illicitum; notum proculdubio est, quantum Patres in negotiationem, & negotiatores declamarint; quantoque nisu fraudes, avaritiam, mendacia, ceteraque vitia eidem fere adjecta inseclari sint. At cum ipsa negotiatio per se sit honesta, & licita, ea autem negotiatorum, non negotiationis vitia sint, quae moderatione christiana separari ab ipsa negotiatione queunt; iidem Sancti Patres solis vitii damnatis, nonnunquam negotiationem ipsam laudasse, & approbasse inveniuntur; ut patet inter ceteros ex S. Augustino Enarrat. in Ps. 70. v. 17, ubi postquam in ea vitia dixerunt, hanc monitionem posuit: *Ista hominum, non rerum peccata sunt: isti mali sunt, non ars, quam proficiuntur.* Si usuram aequae per se licitam, & honestam putassent, ita ut ex sola pauperum conditione, atque oppressione illicita sit, qui fieri potuisset, ut usuram, & usurarios semper damnarent, nunquam autem hoc, aut alio quovis usurae vitio condemnato, ipsam usuram a ditioribus (quod non ita raro contingebat)

ad

ad legum civitium limites exactam exciperent, atque probarent? Frustra quæret, quicunque velit, unum testimonium. Quod, in testimonio tam innumeris, quæ de usura ex proposito loquuntur, nec inadvertentiæ, nec rigidiori locutioni Patrum veri potest, sed in eam solam causam referendum est, quod scirent quidem negotiationem, ceterasque artes, certis conditionibus licitas esse, usuram autem nullo casu, exceptione, vel conditione, licitam scirent. Hinc Augustinus, quem in discernenda quidem negotiatione per se licita a negotiorum vitii sollicitum vidimus, quia *ipsi mali sunt, non arti quam profitentur*, nihil tale inter generationem, & sœneratorum vitia distinguens, hanc ipsam per se artebus nequitia accensuit Enar. in Ps. 128. n. 6., & rationem affert Enar. in Ps. 34., quia *mala est, nimirum ipsa per se: Usura, & dolus non absconduntur saltem, quia mala sunt* queriturque eam vocari (1) artem, ac si ejus honesta professio esse possit, quæ per se mala, seu, ut alibi sæpissime probat, a Deo interdicta universum est. Qua quidem de causa ipse Mahumedes usuram in Alcorano interdicturus, obstreptentibus nonnullis, qui dicebant, non eam magis esse vetandam, quam mercaturam, respondit, *Deum permisisse mercaturam, at usuram vetuisse*, ut in Surata Corani secunda. Neque Mahumedis hac in sententiam quispiam irrideat, quippe quæ a divina veteri lege in Mahumedanos traducta est. Nihil ergo mirum, si eandem ab eodem fonte susceperunt Sancti Patres, qui cum eam legem in Evangelio confirmatam crederent, usuram omnem nulla exceptione vetitam, & malam, debebant judicare.

Tom. II.

7. Hæc autem ipsorum mens patebit multo luculentius, si quis consideret eisdem Patres, de prohibitione usuræ simul ac de aliis præceptis nonnunquam locutos, excepisse in aliis, in quibus excipi poterat, in usura autem non excepisse. Sulpicius Severus l. 1. Historiarum, paucis indicans antiquæ legis præceptiones, viduæ, orphanæ, pauperis meminat in lege de non urgendo debitore, de pignore &c., non autem in lege de usura, quam unam sine ulla ejusmodi restrictione non posuisset, si hanc æque ad casus pauperum restringendam putasset. Sic autem ille: *Viduam, & Orphanum non premendas. Pauperem debitorem non perurgendum. Nec usuram poscendam. Vestimentum pauperis pro pignore non accipiendum*. Quia prohibitio usuræ neminem excipit, absque ullo discrimine usuram non poscendam affirmavit Sulpicius, qui alia præcepta erga solos pauperes exerenda cum quadam restrictione proposuit. Tertullianus l. 4. adversus Marcionem c. 17., & S. Hieronymus in Ezechiel. cap. 18., differentes de usura, quam non recipere jubemur, nec non de pignore, quod jubemur reddere, distinguunt in pignore, in usura autem non distinguunt: *Es pignus reddit, si non sit solvendo, id est pauperi*, inquit Tertullianus; Hieronymus autem pignora divitibus haud reddenda ex præcepto monuit, cum tamen ab omnibus usuram prohiberi testetur. Eusebius Cæsariensis, S. Hilarius, & alii commentantes Psalmum 14., ubi de usura, & muneribus agitur, excipiunt in muneribus, iudicantes quæ licite, & quæ illicite percipiuntur; qui tamen in usura nihil excipiunt. In illa enim verba: *Qui pecuniam suam non dedit ad usuram, & mu-*

X

NOTA

(1) *Fanus & professionem habet & fanus & ars vocatur, corpus dicitur, &c. &c. & de professione sua vestigal impendit usque adeo in platea est, quod saltem abscondendum erat.*

nera super innocentem non accepit, quibus ipse Psalmita usuram nulla exceptione damnat, munera autem non sine restrictione coarguit, hanc inter munera distinctionem ponit Eusebius: *Is fortasse munus admisit, dum nihil molestia, detrimenti nihil offerentibus importat; sin casu eveniat, ut in alterius detrimentum vergat, tunc si munera accipiat, omnia, qua supra dicta sunt, prorsus evertit;* & S. Hilarius n. 16. *Est quadam, inquit, munerum consuetudo, qua bonorem afferant largienti, ita ut maximi doloris sit oblata contemni, quam domini donasse, qua sumta sunt. Igitur ea munera, qua in alterius operarentur injuriam, inhibuit. Nam si usum munerum omnino abstulisset, satis fuerat dixisse: Et munera non accepit. Sed quia simplex donorum usus, aut ex hominis, aut etiam ex Dei reverentia venit, ea vetuit munera, qua integritatem iudicii corrumpere, qua innocentis injuriam emercent, qua nullum in se charitatis officium continerent. Nihil tale, vel Eusebius, vel Hilarius, vel alius quivis de usura, dum de muneribus tam aperta distinctio: cujus distinctionis non alia ratio est, nisi quia non omne munus, a quocunque accipitur, illicitum; omnem vero usuram, a quocunque, etiam divite, proveniat, illicitam, & injustam sciebant. In quo ipsum Prophetam duce secuti sunt, qui si, Hilario observante, usum munerum omnino abstulisset, satis fuerat dixisse: Et munera non accepit; omnem utique usuram ablaturus (uti sane etiam cum divitibus vetita erat Hebraeis) nulla exceptione dixit: Qui pecuniam suam non dedit ad usuram. Parem autem Christianis, ac Hebraeis legem manere cum scirent Sancti Patres, nullum pariter casum in usura, sicut in muneribus aliquem excusandum judicaverunt.*

*Sextum argumentum ex auditorum querelis adversus Patres contra usuram perorantes, quibus nemo ausus fuisset obmurmurare, si solam pauperum oppressionem iidem reprehendissent. Ad hos tumultus sedandos non monere de licito cum mercatoribus, ac divitibus favore, sed omnem omnino usuram damnarunt. Citius alias vias boni lucri invenirent pro usura sufficiens, nunquam autem usuram cum divitioribus.*

§. **H**anc eandem Patrum mentem satis certam, & exploratam etiam arque confirmant illae auditorum querelae, quae nonnunquam adversus eosdem Patres contra usuram perorantes in ipsis Ecclesiis palam excitatae fuerunt. Meminit illarum S. Gregorius Nyssenus sub finem orationis contra foeneratores: *Novi & ego vestrum murmur, dentiumque fremitum, etsi vos ex hoc loco superiore saepius in recta sententia firmare coner.* Et S. Ambrosius de murmure ante biduum exorto lib. de Tobia c. 23. n. 88. *Nec fallit dixisse aliquos, cum ante hos biduum tractatus nosser eorum compunctis affectum. Quid sibi voluit Episcopopus contra foeneratores tractare? Foeneratorum autem fuisse istiusmodi querelas indicat & S. Ambrosius, cum eos conquerentes inducit, quorum affectus ex ipsa concione fuerat compunctus. & S. Gregorius Nyssenus, cum eorundem minationem subiicit: Ergo a musuo dando supersedebimus. Nunc, quaeso, si Sancti Patres,*

tres, dum fœneratores pro concione arguebant, solas usuras, quæ pauperes opprimunt, reprehendissent; quis fœnerator tam impudens, in ipsa Ecclesia, coram fidei populo, adversus Sanctos Episcopos obmurmurare ausus fuisset? Nonne, timendum ipsis, ac verendum maxime, ne, si quid obstreperent, reprimerentur ab auditoribus ipsis, atque condemnarentur? Quis enim istorum crudelitatem, a qua ipsa humana natura in pauperum subsidium inclinata maxime refugit, æquo animo tulisset? Si ex bona fide adversarii respondere velint, affirmabunt conciones Patrum, adversus usuram potuisse tantas turbas commovere, si solum cum pauperibus fœnus condemnassent? Quis, nedum Catholicus, sed & Calvinista usurarum patronus vel hodie auderet conqueri de eo Oratore Sacro, qui in tantam inhumanitatem solummodo declamaret? Itaque non solum pauperum oppressionem Patres reprehendisse, cum fœnus, & fœneratores damnarunt, sed, ut eorum sanferunt verba, \* *generaliter* perstrinxisse eos omnem usuram, etiam sine ulla oppressione a ditioribus, vel mercatoribus exactam, populus ipse intellexit, cum de hujus tantum excusabilis, ut vulgo videtur, usuræ condemnatione excitari murmur potuerit.

9. Ad hocce quidem motus saltem compescendos, si aliud Patribus visum fuisset, quam verba ipsorum in antecedentibus concionibus prævalerant, non tam facile, quam necessarium erat remedium, distinguere inter usuram, ac monere se damnare unam usuram, quæ pauperes gravat, non autem illam, quæ a ditioribus, vel mercatoribus exigitur. Monitrato, atque concesso hoc fœnore, quod cum divitibus multo tutius est, quam cum pauperibus, quis fœnerator turbas, & clamores excitasset? Si hodie post concionem adversus fœneratores a-

put usurarum patronos simile murmur exoriretur, ii proculdubio reponerent *Si jure reprehendi non vultis, defini: pauperes usuris opprimere, iisque, dum egent, ex præcepto domini, eo mutuum date, nihil inde sperantes. Quod si lucrari cupitis ad alendam familiam, ad publicam, & privatam onera ferenda, ad conditionem tuendam, vel alia quavis de causa, est usura moderata genus licitum, quod nulla, nec divina, nec humana lex prohibet, quo nemo opprimitur, floret commercium &c. mutuum scilicet sub legitimis usuris traditum divitibus, ac negotiatoribus, seu iis, quibus mutuum lucrari occasio est. Quidni Sancti Patres simile quiddam dixissent, si in eadem de usuris fuissent sententia?*

10. Quod si hæc Patres monenda non duxerunt, ad fœneratorum rumores cohibendos, qui hac una monitione facillime conquiescent; prætermittenda certe non erant, ipso animarum zelo impellente, sive ut proposita hac licita fœnerandi ratione, ab illicitis Christianos avocarent, sive ne fidelibus piis, ac vere Christianis divinam legem diligentibus laquos injicerent, eosdemque generali usuræ condemnatione ab usuris etiam licitis, si quæ sunt ejusmodi, vana religione, & inanibus scrupulis deterrent. Cur non monuerunt populum: *Pro pauperibus opprimendis lucræ causa, date pecuniam ad usuram divitibus. Ita fore vobis erit tutior, & lucrum honestum. Deus vobis hanc usuram permittit, nec quisquam eam reprehendere potest. Cessent murmura, scrupuli abeant, conscientia tutior esto?* Quid ab his Patres prohibuit, si quod fœnus honestum putassent?

11. Immo hac in hypothesi omittere monitionem tot capitibus necessariam, a charitate, & consuetudine eorundem Patrum aberat. Dum enim adversus usuram disputarunt, nonne in eosdem fines ali-

(\*) 9. Ambrosius, de Tobia c. 15. n. 32.

as (1) nonnunquam vias indicarunt, quibus legitimum lucrum quærere-  
 tur? *An non multa sunt iuxta nego-*  
*tiationes, agrorum, gregum, armen-*  
*torum &c.* inquiebat S. Joannes  
 Chrysostomus Hom. 36. al 37. in  
 Matthæum, ubi usuram late perfe-  
 quitur. Cur ergo non aque hanc,  
 aliqui saltem, alicubi proposuissent  
 fœnoris cum divitibus, & mercato-  
 ribus stipulandi rationem, quæ mul-  
 to facilior, & paratior erat, si hanc  
 aque licitam, & justam credidis-  
 sent? Cur hoc inter ceteros non  
 proposuit Augustinus, ut iis satis-  
 faceret, qui vivendi necessitatem  
 objiciebant: *Non habes aliud unde*  
*vivam?* Inaudirum plane hoc ante  
 Patenorum, seu Calvini tempo-  
 ra.

22. Adeo vero ab hujusmodi  
 re proponenda Sancti Patres fue-  
 runt alieni, ut potius nullum fœ-  
 nus licitum, omne autem illicitum,  
 ac omnino evellendum constanter

denunciarent; nec fœneratorum,  
 querelis, aut minationibus terri-  
 ti, tanto sibi gravius perorandum du-  
 centes, quanto illi vehementius  
 conquerebantur, divinam illam legem  
 inculcabant, quæ dum *genera-*  
*liter*, ut Ambrosius agebat, *omne*  
*fortis exclusit augmentum*, distin-  
 ctione nulla, omne, non solum cum  
 pauperibus, sed & cum divitibus,  
 atque negotiatoribus, augmentum  
 exclusit. Hinc etiam Augustinus  
 objicientibus *Non habeo aliud unde*  
*vivam*, omne fœnus ita fugiendum  
 indixit, uti furtum, lenocinium,  
 veneficium omne, quæ generatim,  
 nulla exceptione illicita sunt. Hoc  
 argumentum, si recte intelligatur,  
 evidens est. Si enim Patres, ne in  
 his quidem ætissimis circumstan-  
 tiis publicarum querelarum, ac  
 turbarum, in quibus non tam mur-  
 mur omne sedandum erat, sed &  
 scrupuli, & peccandi periculum  
 erant avertenda, quod totum eam  
 sola

De Tobia c.  
 13. v. 20

In Psal. 122.  
 v. 6.

In Psal. 122.  
 v. 6.

(1) Sanctus Hilarius in Ps. 24. n. 16. sese valde sollicitum præbens, ne  
 Christiani nimium meticulosi crederent, sub *usurarum nomine* omne  
 lucrum prohiberi, hunc scrupulum exemitur, non usuram aliquam  
 cum divitibus, aut mercatoribus licitam indicavit, restringens hac ra-  
 tione, quæ adversus usuram universim disseruerat; sed solum monuit  
 usurarum nomine solam usuram damnari, non vero omnem aliam ac-  
 quirendi viam, dum honesta, & moderata sit, quemadmodum de nu-  
 meribus Psalter subjecit: *Sed ne durus sermo admonitionis istius crede-*  
*retur, tanquam si penitus sub usurarum nomine habendi curam remo-*  
*visent, non igitur acquirendi sollicitudinem abstulit; quin etiam mode-*  
*stiam accipiendi muneris temporavit, dicens ad id, quod dixerat: Qui*  
*pecuniam suam non dedit ad usuram, & munera super innocentem non*  
*accepit.* Neque opponas Hilarium adversus usuras disserentem n. 15.  
 invehi in usuras, quæ pauperes gravant. Observandam nimirum est  
 Hilarium initio expositionis monere, hoc in Psalmo contineri *admoni-*  
*tionem celestem, qua usque ad perfectam consummationem tendit.* Quæ por-  
 ro esset hæc *perfecta consummatio ex admonitione celesti* in usura vitanda,  
 ut eo Psalmo præcipitur, si in id solum spectare credidisset, ne pau-  
 peres opprimerentur? Nonne etiam ethnici, & publicani viri probi,  
 ac liberales, ipsa naturali lege, ac humanitate impellente, hoc faciunt?  
 Absit, ne de piissimo, ac doctissimo Patre tam angustam *perfecta con-*  
*summationis*, ac justitiæ notionem suspicemur. Pauperum igitur oppres-  
 sionem cum potissimum detestatus est, non restrictionem voluit inno-  
 cere *celestis admonitionis, qua perfectam consummationem prospicit*, sed vi-  
 tium frequentius reprehendere, ut superius explicavimus.



sola distinctione inter licitum, & illicitum sœnus percommode factum fuisset; si, inquam, Patres ad hos justissimos fines nulla ejusmodi distinctione usi, alias potius aliorum contractuum vias monstrarunt, nihil autem aliquando subindicarunt de hac, quæ tamen & facilior, & ex ipso argumento satis obvia erat; et non solum non indicarunt licitum sœnus ullum, sed omne generatim tanquam illicitum, iisdem quoque in circumstantiis, omnino reprobandum prodidere, evidens profecto est, eos necesse prorsus hanc distinctionem, omnemque proinde usuram, etiam cum divitibus, ac mercatoribus initam, eos illicitam credidisse manifestissime sequitur.

## §. VII.

*Septimum argumentum ex definitione usura a Patribus tradita, quæ cuique usura, etiam a divitibus exalta, congruit. Expungitur novitia adversariorum dissidio inter usuram, & usura vitium.*

23. **S**ed eja age confirmemus hæc omnia peculiaribus testimoniis Patrum, quæ ita omnem inter omnes usuram damnant, ut nemo divites, aut negotiatores subducere possit. Et primo quidem considerandum est, quid usuræ nomine Patres intellexerint, cum usuram damnarunt. Lib. II. cap. 2. plura Patrum loca protulimus, unde exploratum fit, eos usuræ nomine omne supra fortem augmentum appellare; eumque id expresse definiant iis ipsis in locis, ubi usuram damnant, idem penes ipsos esse damnare usuram, ac omne ejusmodi augmentum damnare, ibidem statuerimus. Hinc quidem usuræ culpam in eo sitam constanter dicunt, quod quis augmentum, aut plus, quam dederit, accipiat. Quod si pauperum oppressionem, aliaque

id genus mala identidem describunt, in quibus peculiare quoddam vitium est, nullibi tamen in his usuræ per se notionem, aut malitiam collocarunt, quam in eo augmento, quodcumque sit, constanter posuere. Si cuncta Patrum opera diligenter, ac bona fide pervolvantur, & loca singula notentur, ubi de notione, ac malitia usuræ agitur, nihil aliud occurrit.

24. Soti adversarii, quos hæc in disputatione potissimum impugnamus, usuræ naturam ab usuræ vitio distinguentes, eam quidem in omni accessione sitam concedunt, solam autem oppressionem pauperum ipsi vitio dant. Sic enim Anonymus usurarum patronus in Epistola ad Petit-pied diei 3. Nov. an. 1739. *Autre est la nature de l'usure, autre le vice de l'usure: la nature est de tirer quelque chose au de là du prêt, le vice de le tirer d'un pauvre.* De usuræ itaque natura non dissentit; unde oppositum, *L'oppression des pauvres n'est point ce qui fait l'usure*, respondet, *J'en conviens avec vous: diserte enim docuerat auctor tractatus des prêts du commerce pag. 7., quod in Sacra Scriptura tous les textes disent que c'est un surajoute au fort principal. Les Peres s'expriment de la même manière. L'usure selon Tertullien c'est la surabondance du prêt. Selon S. Ambroise c'est tout ce qui est ajouté au fort principal. C'est selon S. Augustin espérer de recevoir plus, qu'on n'a donné. C'est là selon l'Écriture, & la Tradition la nature de l'usure.* Sola dissensio est de usuræ vitio, quod non a natura usuræ, sed ab oppressione pauperum repetendum adversarii existimant; unde ejusdem Tractatus Auctor post recitata verba statim subjicit: *Mais son vice consiste à prendre cet excédant sur la substance & le bien du pauvre.* Et pag. 8. ait: *L'usure pour en donner une définition exacte, qui comprenne sa nature & son vice, est*

Supplément  
aux lettres  
Théologi-  
ques Ep. 90  
No. 6. pag. 120

seus

*Tout ce qui s'exige du pauvre au delà de ce qui lui a été prêté pour le soulager dans son besoin.*

15. Cum de Sanctorum Patrum sententia hoc loco agamus, si quod adversarii obtrudunt, testimoniis Patrum probarent, quibus eos solam pauperum oppressionem, non autem ipsam naturam in usura damnasse liqueret, nihil esset repugnandum. At unde, quæso, id probant, vel probare contendunt? Testimonia, quibus illi in pauperum oppressionem declamant, etsi ad vitium, quod usuræ accidens maxime damnabile est, proponendum pertineant; non tamen ex eorundem Patrum mente spectant ad explicandam naturam simul, & malitiam ipsius usuræ, in qua illi cum constanter ipsam quamlibet sortis accessionem per se universam damnant, ipsam per se damnant usuræ naturam, uti apud Lactantium l. 6. Infit. c. 18. *Plus accipere, quam dederit, injustum est.* Et apud Augustinum serm. 3. in Ps. 36. n. 6. *Si plus, quam dedisti, expectes accipere, fenerator es.* Confer testimonia capite allegato recitata, ac Patrum ipsorum contextum consule, nec dubito quin adversariorum novitatem, atque audaciam demiraberis, cum eam vitii fœneratitii notionem, quam ipsi sibi confixerunt, Patribus tribuunt. Si ergo ex Patrum sententia usuræ natura,

simul ac vitium, in ipsa accessione supra fortem sita sunt; a quocunque hæc accessio exigatur, sive pauper, sive dives, aut mercator sit, ab eo exigatur usura, ac usuræ vitium, quod Patres damnant, admittitur.

#### S. VIII.

*Argumentum octavum ex ratione a Patribus adversus usuram allegata, qua aque usuram omnem a quocunque perceptam damnat.*

16. **I**psum confirmat ratio, quam adversus usuram, ex pecunia fœtus gignendi impotente, iidem Patres allegant. S. Gregorius Nyssenus in oratione contra fœneratores: *Tu vero aris, & auri, rerum, quæ non pariunt, ne quare futuræ.* Similia ab aliis Patribus identidem dicuntur, quæ deinceps a Theologis uno consensu accepta, in ipso Lateranensi Concilio sub Leone X. ad Evangelicam usuræ proscriptionem a ratione statuendam allegata fuerunt Sess. 10. Cum Dominus noster, Luca Evangelista testante, aperto nos præcepto obstrinxerit, ne ex dato mutuo quidquam ultra fortem sperare debeamus. Ea enim est propria usurarum interpretatio, quando videlicet ex usu rei, qua non germinat, nullo labore, nullo sumptu, nullato periculo, lucrum, fatiscue conquiri (1) studetur. Hæc autem

ra-

(1) Observatio quædam in præsentem materiam non inutiles prætermittenda hoc loco non est. Agebatur in hoc Concilio de Montibus pietatis, quos quidam usurarios putabant; ac proinde agebatur de usura, quam a pauperibus iidem Montes exigebant. Duo autem ad usuræ malitiam demonstrandam allata fuere, alterum a divino jure, quod ex Evangelio petitum fuit, a ratione alterum, ut ex ipsa ratione, mala probaretur usura divino jure interdicta. Hæc autem malitia usuræ, non ex oppressione peculiari pauperum, quæ ibidem allegari potuisset, sed ex ea porius generali ratione, quæ usuram, sive a pauperibus, sive a divitibus exactam, in se malam probat, petenda visa est. Concilium, etsi Montes probavit, quos hi auctores improbant, non tamen alia ratione probavit, nisi quia ibi usura non est, ut l. II. c. 10. pluribus offendi. Ceterum hæc in ratione, ubi de usura agitur, nemo discrepavit: unde usuram hac ratione proscriptam, a quocunque, etiam divite, aut negotiatore exigeretur, malam, & illicitam omnes senserunt.

ratio utrum legitima sit, nec ne, in præsentiarum nihil refert. Eam cerie Patres cum allegarunt, credidit legitimum: quod mihi nunc satis est, ut cum hac ratio non propria usura pauperum sit, sed æque cadat in usuram, quæ a pecunia divitibus, ac mercatoribus mutuo tradita exigitur, Patres hanc rationem inculcant, æque usuram pauperum, ac divitum condemnasse noscantur. Hæc porro ratio, etsi falsa ab adversariis præferatur, quod expendimus libro sequenti; cum tamen Patres non hac ratione, sed Scriptura, ac traditione ducti damnant usuram, eamque divini juris damnationem crediderint ea ratione confirmandam, quæ omnes, & pauperes, & divites, complectatur; proculdubio omnes, & pauperes, & divites, eodem jure comprehensos credidisse ex ea ratione colligitur.

## f. I X.

*Peculiaria testimonia Patrum, quæ neminem excipiendum, & omnes comprehendendos denuntiant.*

17. **S**ed quis hac super re ambigere queat, si generalem consideret aliquorum locorum locutionem, quæ *neminem* excipiendum, aut *omnes* comprehendendos expresse monet? Tertullianus l. 4. adversus Marcionem, probaturus legis cum Evangelio consensum, comparationem peculiarem instituit eorum, quæ de donandi, ac mutuandi officio, lex, & Christus præscripsit. Et primo quidem c. 16., de dono affert illa Christi: *Omni petenti te dato*. Subdit autem Tertullianus hanc adorationem: *Utique indigenti, vel tanto magis indigenti, si etiam abundanti*. Hic *abundantis* nomen divitem indicat, cui, si interdu egeat, & petat, ex Christi institutione dandum esse ait, sed *indigenti* multo magis. Idem porro

de indigentibus præceptum in veteri lege ita probat ex Deuteronomio, ut dandi officium conjungat cum officio mutuandi, de quo plura se dicturum pollicetur, uti sane dicit cap. 17. Tandem utriusque legis consensum in hisce officiis demonstrans, hoc unum discrimen subiicit, quo lex Evangelica idem donationis, ac mutationis multo magis officium, ex lege veteri solis fratribus debitum, ad omnes nulla exceptione extendat: *Non aliud Christus in omnes præcipit, quod Creator in fratres....* *Quandiu intra Israelum erat Sacramentum, merito in solos fratres misericordiam mandabat. At ubi Christo dedit gentes hereditatem.....* *exinde Christus in omnes legem paternam benignitatis extendit, neminem excipiens in miseratione, sicut in vocatione.* Ubi nemo excipiendus, si ve in dono, si ve in mutuo, quod minus officium est; ne *abundans* quidem, seu dives, vel negotiator excipitur. Porro mutuandi officium a lege Evangelica præceptum omnem usuram excludere, ut excluderet in lege veteri, Tertullianus probat c. 17. Hoc ergo officium ad majorem perfectionem in Evangelio processum, ut idem contendit, si nulla exceptione *fratribus* impendendum erat ex ipsa veteri lege, nulla multo magis exceptione *omnibus* in Evangelio impendendum est, in quo Christus *neminem* excipit *in miseratione, sicut in vocatione*. Itaque sicut in vocatione nemo, si ve pauper, si ve dives, si ve indigens, si ve abundans, exceptus est; ita nemo ab isdem officiis excipiendus. Principium igitur inter Patres erat exploratum, & constans, nec Judæum ex lege veteri potuisse cupiam fratri, si ve pauperi, si ve diviti, ad usuram dare. nec id posse Christianum erga quemvis hominem. quippe cui omnes, nemine excepto, in vocatione, & miseratione fratres sunt.

18. S. Ambrosius de Tobia. l. 15. n. 52. *In Levitico præscribit lex, usuram a fratre non esse poscendam. Sic enim habet: Et vivet frater tuus tecum; pecuniam tuam non dabis illi in usuram, & in amplius recipiendum non dabis illi escas tuas. Generaliter hac sententia Dei omne sortis excludit augmentum. Qui omnis augmentum, & generaliter quidem excludit, non solum augmentum a pauperibus, sed a divitibus etiam excludit. Enimvero ne quis, eam Levitici legem de solis pauperibus accipiens, fœnus cum divitibus licitum putaret, S. Ambrosius in Levitici testimonio pauperis mentionem subtrahit, quæ in ipsi Scripturis legitur. Alia familia apud alios observare licebit; quemadmodum hac eadem ratione S. Cyprianus l. 3. Testimon. n. 49. probaturus universalem illam propositionem *Non funerandum*, quæ ad omnes, etiam divites, ac mercatores, extenditur, Exodi, & Levitici testimonia prætermisit, quæ pauperes memorant, & sola Deuteronomii, Davidis, & Ezechielis loca descripsit, quæ generalem legem ferunt. Sicuti vero ex ipso Deuteronomii testimonio decerpens illa *sed alieno*, insinuare voluit, ex Christi lege neminem *alienum* esse, cui mutuum sub usuris dare liceat; ita pauperum testimonia præteriens, non soli pauperi, sed nemini, vel diviti, mutuum sub usuris credendum videtur innuissse. Et sane (ut ad Ambrosium redeam) is c. 14. n. 48. explicaturus quis sit frater ille, cui mutuum ad usuram credere vetitum est, nihil inter fratrem pauperem, aut divitem distinguens, uti alia in sententia debuisse, fratrem potius iis caracteribus designat, qui æque pauperes, ac divites complectuntur; & indiscriminatim cum omnibus id genus fratribus usuram verat: *Frater tuus consors natura, & coheres gratia: noli ab eo exigere amplius.**

19. Notanda etiam illa S. Hieronymi l. 6. in cap. 18. Ezechielis: *In principio legis a fratribus tantum fœnus tollitur, in Propheta ab omnibus usura prohibetur, dicente Ezechiele: Pecuniam suam non dedit ad usuram. Porro in Evangelio virtutis augmentum est, &c.* Quod ait ab omnibus, alienigenas comprehendit, quibus in Deuteronomio exclusis, usura cum solis fratribus prohibita credebatur. Si vero *omnium* notio tam late patet, ut ad alienos etiam a lege exceptos extendatur, & ad hos extendenda etiam sint generalia Propheta Ezechielis verba, quæ alienos non excipiunt; videant, quæso, adversarii fati æqui, num ex Hieronymi sententia ab ea generali lege possint excipi divites, aut negotiatores, certissimi sæpe fratres, qui ne ex lege quidem alienos excludente, ab Hebræis ipsis excipi poterant. Num hoc præclarum *virtutis augmentum* est, quod Hieronymus Evangelio tribuit? Cum ergo ab omnibus usura prohibetur, non tam omnibus quam ab omnibus, ne quis a quopiam, sive fratre, sive alieno, sive paupere, sive divite usuram capiat, prohibetur.

20. Ne autem pluribus antiquis distinear, duobus, hisque brevioribus, mediæ, ac inferioris Patrum ætatis, testimoniis contentus ero. Antiochus Monachus Palæstinus, dum initio septimi seculi Hom. 12. scripsit, *in genere nulli non Christiano interdictum esse artificio quovis exercenda usura*, nullum utique usuræ genus, saltem cum divitibus, aut mercatoribus, licitum putavit. Halitgarius Auctor seculi noni, in Pœnitentiali apud Morinum c. 7. *Si quis usuras undecunque exegerit, tres annos paniteat, unum in pane, & aqua.* Particula *undecunque*, usuram, etiam a mercatoribus, ac divitibus exactam, respicit. Hoc autem Pœnitentiale, cum de scrip-  
tuo Romanæ Ecclesiæ sumum idem  
Halit.

Haliegarius in præfatione testetur; Romana utique Ecclesia omnem etiam ejusmodi usuram reprobavit. Ex his testibus ceterorum omnium Patrum mens, & sententia cognoscitur.

## §. X.

*Quadam alia argumenta exponuntur.*

12. **D**UO, vel tria alia argumenta hac paragrapho completar. Primum erit ipsa quorundam veterum usurariorum veluti confessio; qui eisi usuram exercerent opere, usuræ tamen nomen maxime refugiebant. Tres Patres testes habeo. S. Ambrosius de Tobia c. 14. n. 49. *Si licitum est, cur vocabulum refugis, cur velamen obtendis?* S. Gregorius Nyssenus Hom. in usurarios: *Seculus pulchris obvelant nominibus, humanum consuevit, seu quæstum appellant, Etimicorum instar, qui Deum quædam odio in cunctis inflammant, hominumque interfectrices, nominant Eumenides.* S. Maximus Episcopus Taurinensis Homil. contra avaritiam: *Erubescit usura nomen, & incertum non erubescit usura.* Quid in ipsis usurariis tantus ejus nominis horror, nisi quia omnem usuram malam esse, Patrum, & Episcoporum traditione acceperant? Si qua usura a locupletibus exacta, habita fuisset honesta, nihil erat quod nomen vitaretur, præsertim si malitia, & vitium, non ex ipso scenore, sed ex circumstantia oppressionis pauperum penderet. Quot alios in contractus idem oppressionis vitium cadere potest, nec tamen horri est nomen, quod aliis casibus ab oppressionem remotis sine crimine convenit? Si ergo usuræ nomen in odium, & reprehensionem hominum generatim incurrerebat; id ea de causa accidit, quod nulla usura ex Patrum, & Episcoporum doctrina, vulgo haberetur licita, ac proinde ne illa quidem, quæ ad legum nor-

mam a divitibus, vel mercatoribus perciperetur. Addam & aliud ex S. Hieronymi commentario in c. 18. Ezechielis Prophetæ. Quidam ex indochiori plebecula, ut secum liberalius agerent, distinguentes, non inter pauperem, & divitem, sed inter usuram pecuniæ, & aliarum specierum, usuram credebant tantum esse in pecunia, eo quod lucrum aliis speciebus exactum *doni* nomine, ab usura abesse putarent. Si quod scenus perceptum a divitibus habitum fuisset licitum, qui fieri potuisset, ut omnis usura in pecunia, illicita crederetur? Nonne fere divites, ac mercatores in pecunia scenus solvunt? Quid solum *doni* rationem in aliis speciebus usuram purgare posse quidam sceneratores judicassent, si quæ cum locupletibus usuræ stipulatio licuisset? Utramque autem cum Patres reprehenderent, tum quæ ex pecunia, tum quæ ex speciebus aliis, eementi *doni* nomine, usura rediret; nonne illorum doctrina omnem usuram damnans evidenter agnoscitur?

13. Aliud argumentum suggerit S. Joannes Chryostomus Homil. 56. al. 57. in Matthæum, ubi divinam legem circa scenus omnibus Christianis positam non inferiorem testatur lege humana, quæ ea ætate ligabat Senatores, quibus omnis usura interdicta erat. Integrum textum recitavimus lib. II. c. 7. §. 4. Qui aliquam cum divitibus usuram Christianis licere existimant, num aliquam id genus usuram Senatoribus ex humana lege permissam ostendere poterunt?

14. Tertium efficacissimum argumentum sumi potest ex Legibus Imperatorum Basilii, & Leonis sapientis. Primus omnem legem, quæ permittebat usuram *jure divino interdictam*, abrogavit, ne dum *juri servando studius additi sumus, legem Dei violamus*. Plus hoc testimonium contra usuram probat, quam ceteræ omnes leges, quibus

usura permittebatur. Harum enim consilium ex politia civili profecti potuit, ut publicæ rei consulere-  
tur, cui citra usuram plerique succurrere nolunt; & ita hæc leges nihil licitum adducentes apud Deum, in simplicem permissionem, aut tolerantiam recidunt, quam quidem solam propter creditorum duritiam idem Basilus adstruit. At hujus legis prohibitio originem ducere non potuit, nisi a Sanctorum Patrum, & Ecclesiæ traditione, ac fide, qua omne fœnus jure divino illicitum certissime crederetur, ut laudatis quidem verbis expresse traditur. Enimvero si hæc doctrina omnino constans, & certa non fuisset, & solam usuram a pauperibus exactam Ecclesiæ Patres tradidissent illicitam; quando Imperator voluisset legem terre, quæ juri divino servando prospiceret, satis fuisset prohibere usuram, quæ exigeretur a paupere. Ex quo autem generale interdictum Imperator tulit, quo nullum, nec a paupere, nec a divite fœnus percipere liceat, palam sit eam fuisse Ecclesiæ doctrinam, divina lege usuram veritate neminem excipere. Si Ecclesiæ Patres hoc tempore docuissent, licitum esse cum divitibus fœnus exercere, qui fieri poterat, ut sapiens Imperator tantam novitatem induceret, quæ non listeret in solo intellectu, sed totam praxim, ac politiam antiquis legibus firmata turbaret, atque perverteret? Id sane fieri non poterat, nisi communis catholicorum fides, & Episcoporum doctrina in omni fœnore damnando conveniret. Nemo quidem contra ipsam doctrinam, qua divinum jus in ipsa lege asserbatur, reclamavit. Quod si Leo Basilii filius patris legem abrogavit, non ea de causa abrogavit, quod fœnus licitum cum illicito sustulisset, sed quod homines in lucrum propensi, sublato fœnore, indigentes necessario mutui subsidio privarent: *Qui enim inquit, antea usurarum spe ad mutuandam pec-*

*cuniam prompti fuerant, post latam legem, quod nihil lucri ex mutuo percipere possint, in eos qui pecuniis indigent, difficles, atque immites sunt.* Et paulo post: *Breviter redundantem in humana vita perversitatem, non modo non profuit legis virtus, verum etiam obviat.* Hæc vera abrogandi causa. Quoad doctrinam vero adeo hic Imperator divinum jus a patre allertum approbavit, ut initio legis declaravit: *Si a spiritus legibus ita se mortale genus regi soneret, ut humanis præceptis nihil indigeret; id vero & decorum, & salutis esset.* At quoniam se ad spiritus sublimitatem elevare, divina quoque legis vocem amplecti non cuiusque est; ac vero quas virtus ducat, numero valde pauci sunt: bene sese adhuc res haberet, si saltem secundum leges humanas viveretur. Quæ vocantur pecunia credita usura, ubique a spiritus decreto condemnantur. Si hoc non tradidissent omnes id tempus Doctores, hæc Imperator proculdubio in abroganda patris sui lege his verbis usus non fuisset. Hæc ergo pariter Leonis lex constantem omnium Patrum ejus temporis doctrinam confirmat.

25. Neque præcipuam Græcorum sententiam arbitris: consensisse enim: etiam Latinos; demonstrant Caroli Magni, & successorum leges, quæ eandem ejusdem usuræ prohibitionem omnibus præceperunt, ut ex Capitularibus manifestum est. Inter cetera in Capitulari Aquigranensi an. 789. hæc de divino jure edicuntur C. S. *Sicut & in lege ipse Dominus præcepit; omnino omnibus interdictum est ad usuram, aliquid dare.* Hæc profecto lex cum fœnus omnino omnibus vetuit, non tam laicos, & clericos, quam pauperes, & divites complexa est, ita ut fœnus exercere nemini liceret cum nemine. Notandum vero est, quod alibi animadvertimus, omnes Capitularium leges editas fuisse consilio, & hortatu celeberrimi Episcopi.

Episcoporum, ac plerumque in generalibus comitiis, ubi & Episcopi, & Abbates, & alii Principes conveniant. Qui ergo tam generalis fides in omnes potuisset irrepere, nisi fuisset antiqua, & a maioribus tradita? Haud fieri potest, ut & Latini, & Græci Principes, ac Episcopi concordarent in doctrina, quæ moribus præsertim hominum valde repugnaret, nisi majorum traditio indubia haberetur. Ex his ergo legibus magis, magisque demonstratur Græcorum, ac Latinorum Patrum sententia, adeo ut sicut iisdem legibus quævis usura, & cum pauperibus, & cum divitibus, prohibita fuit, ita etiam ab omnibus & Latinis, & Græcis Patribus haberetur jure divino interdicta.

## §. X I.

*Ultimum demonstrativum argumentum petitum a distinctione apud Patres frequentiter inter usuram divinam, seu a Deo, & humanam, seu ab hominibus questam. Dum Patres illam solam divinam licere profitentur, omnem autem humanam damnant; nullam neque ex divitibus saltem questam licitam judicant.*

26. **C**onfirmabo tandem hanc eandem sententiam Patrum evidentiissimo, ut mihi quidem videtur, argumento, ducto ex quamplurimis ipsorum testimoniis, in quibus distinguunt inter fœnus humanum, & divinum, omne fœnus humanum illicitum, solum autem divinum licitum esse, prodidere. Origenes. Hom. 3. in Psal. 35. *Licet ergo mihi, inquit, fœnerari pecuniam Domini, meam autem propriam pecuniam non licet, quia verbum Domini prohibet huma-*

*nam pecuniam fœnerari.* S. Ambrosius de Tob. cap. 1. n. 7. *Malum est fœnus, quo quaruntur usura, sed non illud fœnus malum, de quo scriptum est: Fœnora proximo tuo in die necessitatis illius. Nam & David ait, iustus miseretur, & cœdet: quorum primum ad fœnus cum hominibus, alterum ad fœnus cum Deo initum pertinet: & dein postquam pecuniariam, ac humanam usuram ut illicitam infœclatus est pluribus, hæc tandem de divino, ac uno licito fœnore subiicit c. 16. Sed fœneratorum vos delectat, & usurarum vocabulum. Id quoque non invidio. Doceto quo modo boni fœneratores esse possitis, quomodo bonas quaratis usuras. Dicit Salomon, Fœnerat Domino, qui miseretur pauperi: secundum datum ejus retribuet. Ecce bonum fœnus de malo factum est: ecce irreprehensibilis fœnerator: ecce usura laudabilis. Similiter S. Joannes Chrysostomus Hom. 41. in cap. 17. Geneseos: Vide humanitatem Domini. In his sensibilibus pecuniis prohibuit, ne quis pecuniam acciperet... in spiritualibus se repetiturum promittit usuras Græ. & Hom. 5. in cap. 1. Matth. utrumque fœnus pariter distinguens, sensibile, seu humanum, & spiritale, seu divinum, Hæc fœnora regnum, inquit, illa gehennam faciunt. Insigne in hanc rem S. Paulini testimonium ex Epist. 32. ad Severum n. 19. dedimus l. II. c. 7. §. 4., quod hoc loco relegepdm est. S. Augustinus cum sapiens eandem distinctionem ingerit, tum Sermon. 357. n. 5. *Fœneratorem te vult Dominus, sed suum, non proximi tui. Quibus concinens Beda in Psal. 36. ad illa verba: Mutuabitur peccator, & non solvet, hæc præclare commentatur: Non vult Dominus te esse fœneratorem, qui per Prophetam suum, illum inter milites describit suos, qui pecuniam suam non dedit ad usuram; & tamen idem Dominus jubet te esse fœneratorem, quia**

*dicis in Evangelio : Si feneraveris, spem non habebis ; & item : Nisi feneraveris, spem non habebis. Prohibet enim esse feneratorum, & vult esse feneratorum. Prohibet quidem, ne feneres homines unumquodque, aut aliquid, ut plus accipias dando ; quia si hoc feceris, fenerator eris, non laudandus, sed improbandus. Jubet ergo, ut feneres Deum, scilicet ut des terrena, & accipias celestia ; des pauca, & accipias multa ; des terram, & accipias Cælum. Et si hoc feceris, fenerator eris non vituperandus, sed laudandus. Cetera, quæ ex aliis Patribus asserri fufius possent, prætermitto : hæc enim satis indicio sunt.*

27. Si ergo Patres solum cum Deo fœnus prodiderunt licitum, nullum autem cum hominibus ; profecto nullum cum divitibus, aut negotiatoribus fœnus licite exerceri posse docuere. Solvat hoc argumentum si quis potest, dum æqua ratione solvat. Hæc porro generales observationes a testimoniis generalibus ductæ, etsi quæque per se efficaces sint, omnium tamen complexus efficacissimus est ; ita ut si peculiare, & expressi textus desissent, quibus divites, ac negotiatores nominatim excludantur a fœnore, nihil ad rem demonstrandam desideraretur. Complectatur quivis uno intuitu omnes ; & maximam earum vim, cui resisti nequit, ex omnium coitione, atque conjunctione cognoscat.

## §. XII.

*Corollarium ex constitutis elicitur pro confirmanda condemnatione omnis vel minimæ usuræ, adversus eos, qui solam immoderatam interdiciunt.*

28. **N**unc antequam ad peculiariora Patrum de negotiatoribus, ac divitibus testimonia transeam, animadversionem quandam

ex generalibus testimoniis, quæ hæcenus expendimus, subicere liceat. Quæ nimirum probant, generaliter judicasse Patres omnem usuram cum quibuscunque, etiam divitibus, contractam esse peccatam, ea fere omnia confirmant, quæ libro II. cap. 8. statuimus, eisdem simul credidisse, non solam immodicam, sed omnem vel minimam usuram esse interdiciam. Quinque, vel sex potissimum argumenta recolenda. Primo observandum est argumentum §. 4. propositum et sacris Canonibus, quibus Patres æque usuram in clericis, ac laicis damnaverunt ; cum tamen clericis omnem vel minimam usuram vetitam esse nemo ignoret. Dein si quam moderatam usuram Patres habuissent licitam, incredibile plane est, quod hujus exceptionis nullibi meminerint, cum tamen aliarum exceptionum meminerint in aliis contractibus, in quibus excipi poterat : quod argumentum §. 5. fufius digestissimum. Querelæ etiam auditorum adversus Patres contra usuram perorantes excitatæ, de quibus §. 6. actum est, omnem usuram a Patribus damnatam confirmant : quis enim de condemnatione solius immodicæ usuræ conquestus esset ? Saltem ad hos tumultus sedandos auditores monendi fuissent a Patribus de contrahendis solis usuris moderatis, atque legitimis ; quod tamen non solum isti nunquam suggessere, sed alias citius indicarunt vias honesti lucri percipiendi, ut ne ad usuram vel minimam recurratur. Horror ipsius vulgi, quo usuræ nomen vitabatur, & illorum etiam sensus, qui nullam usuram agnoscebant licere in pecunia, ceteraque ex lege Senatoribus aliquando præscripta, nec non ex legibus Imperatorum Basilii, Leonis, atque Capitularium, quæ sane omnem vel modicam usuram vetarunt, aut jure divino declararunt interdiciam, ut §. 1. fufius explicavimus, constantem Patrum omnem usuram damnant.

mmmm



mnantium doctrinam declarant. Divinctio tandem inter usuram divinam, & humanam, de qua §. xi. pluribus Patrum testimoniis egimus, dum omnem humanam usuram rejicit, & solam cum Deo usuram approbat, nonne nullam moderatam, vel minimam inter homines usuram ex eorundem Patrum sententia licitam probat? Adde his, quæ cap. x. hujus libri ex Deuteronomii testimonio argumentati sumus. Etenim cum evidenter probant, veritatem fuisse inter fratres etiam divites usuram, quæ (ut interim omittamus) cum solis alienigenis permittebatur, simul probant, omnem usuram, etiam moderatam, inter eosdem fratres, quantumvis divites, fuisse interdictam; immodicam enim usuram, etiam cum alienigenis, ipso naturali jure veritatem adversarii fatentur, sicut omnem moderatam cum iisdem alienigenis pauperibus eodem naturali jure prohibitam docent. Aliquid autem præcipuum inter fratres eo Deuteronomii loco interdictum, quod cum alienigenis permittebatur, eo capite fufius demonstratum est. Si porro eadem lex circa usuram nobis Christianis erga omnes manet, quæ Hebræis inter fratres lata fuit; omnis utique, etiam moderata, usura nobis interdicta dicenda est, uti loco memorato pluribus ostendi. His autem ad confirmationem luculentiorē obiter additis, nunc ad peculiaria Patrum testimonia in rem præsentem accedamus.

*Testimonia Patrum de divitibus, & mercatoribus peculiariter considerantur. Vindicatur Patrum traditio, atque doctrina circa Usuram a nonnullis excessibus, quos eisdem quispiam opposuit.*

1. **E**cclésiasticæ, vel civiles etiam leges his postremis temporibus adversus usuras latæ, etsi divites, ac mercatores æque ac pauperes excludant, ut vel adversarii fatentur; non tamen illos distincte commemorant, sed generatim expressæ, omnes completi intelliguntur, satisque est, si aliquæ alicubi expressam faciant illorum mentionem. Quidni idem censemus de Patribus, quos generalibus testimoniis, ac legibus comprehendisse omnes superiori capite ostendimus? Nemo igitur plura ab iis expressa de divitibus, ac mercatoribus testimonia requirit; aliqua indicasse sufficiat. Tertulliani locum, quo usuræ crimine damnat non solum eos, qui *egenti*, sed illos etiam, qui *abundanti*, idest diviti, pecuniam sub senore tradunt, satis superiori capite animadvertum est n. x8.

2. Origenes Hom. 3. in Psal. 36., ubi usuram omnem ab hominibus exactam damnat, quia verbum Domini prohibet pecuniam humanam *funerari*, solam autem a Deo quaesitam probat, usuram utique a divitibus, vel mercatoribus exactam indicat, cum ait: *Multi etenim peccatores mutuo accipiunt pecuniam, & reddunt cum senore, ita ut & ipsi interdum lucrum ex pecunia, quam sumserunt, ceperint.* Si ergo omnis humana usura per Origenem illicita, & a Deo prohibita est, prohibita quoque, & illicita censuit usuram ab iis etiam exactam, qui interdum *lucrum ex pecunia*,

nia, quam sumserunt, egerint, uti sunt mercatores, vel ii, qui ex mutuo aliquod lucri genus quarunt.

3. S. Basilii in Psal. 14. universim damnans usuras, eas quidem, quæ a pauperibus extorquentur, vehementius infestatur; at eas quoque, quæ a divitibus percipiuntur, non prætermittit. Neque eos tantum memorabo, quos divites vocat, quibus vasa arca, vestes, jumenta, diversi generis suppellectilem tribuit, mutuumque sumunt non ex paupertate, aut necessitate ulla (*Cum* (1) pauperes, inquit, minime fidem inveniant) sed in convivia lautiora, in servos, in sumptuosas vestes, & alia, quæ sane divitum, non pauperum sunt. Ea potius testimonia observare libet, in quibus pecuniam mercatoribus, vel iis, qui ex mutuo lucrantur, traditam memorat. Ejusmodi sunt illi, de quibus ait: *Fenerator, quæ in adibus habes, diligentius perscrutatur; tua commercia, negotiaque curiosius vestigat. Nota commercia.* Et de lucrantibus ex mutuo aperta sunt illa, quibus multos eos agnoscit, licet plures sœnore oppressos testetur: *Multi, inquit, etiam sœnore facti sunt divites; at vero plures arbitror pervererunt ad laqueos. Tu porro ditates quidem respicis, strangulatos vero non numeras.* Nihil tamen distinguens inter usuram ab illis, vel ab his exactam, quasi hæc sola illicita, illa autem licita sit (ut locus postulabat, si hæc Patrum fuisset sententia) usuras etiam ab his, qui non opprimuntur, sed lucrantur, vetat: *Inutile tibi argumentum da, non gravans illud acerborius; & bene utrique consultum fuerit. Tibi enim certo servabitur; ei vero, qui acceperis lucrum ex usura accedet.* Hic cerre nulla pauperis oppressio est, tibi ei, qui mutuum ac-

cepit, *lucrum ex pecunia usu accedit;* & nihilominus huic utura Basilii non parcens, nullam nec moderatam accessionem permittit.

4. Similiter S. Gregorius Nyssenus in oratione adversus sœnatores, usuram ab iis stipulatam cum divitibus, atque mercatoribus præclare depingit, & damnat his verbis: *Christose, & anxie inquiris fenerator in omnes debitoris actiones, in peregrinationes, in egressum, in mercaturam, & si fama oriatur infamior, quod scilicet quidam in latronem incideris, vel eventu aliquo inops ex opulento evaseris, sedet jundis manibus, assidue gemit; sapius plorat, voluit chiographum, lumentatur in literis aurum. .... Si autem mutuum fuerit nauticum, litoribus affidet &c.* Hic sane non de mutuo pauperibus ad consummationis usum dato S. Gregorius loquitur, sed de illo, quod in mercaturam, negotiatori opulento traditur: unde in peregrinationes, actionesque ejus inquirens fenerator, id unum meruit, ne ille ex opulento inops evadat. Idem est de nautico sœnore, quod ex mutuo in maritima, & lucrosiora commercia tradita percipitur. At hoc pariter sœnus sceleris attribuens S. Doctor: *Cur te, inquit, haud sine scelere curis conficis?* Totius quidem orationis contextus omnem usuram nulla exceptione condemnat. In Epistola quoque Canonica ad Letoium idem Gregorius Nyssenus, apud divinam Scripturam & sonus, & usuram prohibitam tradit, etiam sub negotiationis *πραγματείας* specie hoc fortasse factum sit; quod ad usuram cum mercatoribus negotiationis nomine contractam referri potest.

5. S. Ambrosius de Tobia c. 14. n. 49. agit de quibuscumque fœ-

nera-

(1) Hac etiam de causa, quam ex Plutarco confirmat Salmastius, solos fœre opulentos mutuantes invenire is observavit, de Usuris c. 21.

meratoribus, qui legis divinæ obsequio, non pauperibus, sed mercatoribus pecuniam credunt, & lucrum aliquod ex iisdem, non utilitatis, sed numeris nomine percipiunt: Et quia plerique refugientes præcepta legis, cum dederint pecuniam negotiatoribus, non in pecunia usuras exigunt, sed de mercibus eorum tanquam usurarum emolumenta percipiunt, ideo audiant quid lex dicat. Neque usuram, inquit, escarum accipies, neque omnium rerum quasqueunque fœnerationes fratri tuo. *Fraus enim ista, & circumscriptio legis est, non custodienda.* Et putas te pie facere, quia a negotiatore velut munus suscipis? Et sequitur multa addens, quibus hanc quoque moderationem usuram, quantumvis a negotiatoribus perceptam, peccatum probat divina lege interdictum, quæ omne fortis exclusit augmentum. Agit autem inter cetera de fœnore a numeris specie exacto a mercatore vinorum, qui quasi cautionariam artem exercens, pretiosa vina absynthiaca, Picena, Tyriaca innoti pretio mercatus, & e remotis regionibus advehenda curat, ut majori pretio magno cum lucro distrahatur: *Si quis nistaurandum convivium parat, ad negotiatorem mittit, ut absynthiaci cupellam sibi gratis deferat, ac cautionem dirigit, ut Picenum vinum, aut Tyriacum requiratur.* &c. Hæc munuscula usuræ loco erant. Integrum textum ipsi Decreto insertum legere sit 2. part. caus. 14. q. 3. c. 3. Inane porro est, quod quidam reponunt, agi hic de mercatoribus minoribus, non de maioribus: lucrum enim quoque minimum est, & cum æque utrique suo modo ex negotiatione propria lucrarentur, vel licet ex utrisque parrem lucri exigere, vel ex neutris licet. S. Ambrosius nihil distinguens, omne lucrum æque in omnibus damnat. Legendum etiam capit. 6., & 7. ejusdem operis, ubi sanctus Doctor fœneratorem

exagitat, qui pecuniam in utilem fundi emtionem offert: *Aucupantur heredes novos, adolescentulor divites explerant . . . .* Ajunt, nobile prædium esse venale, amplum domum. Accumulant proventus fructuum, annuos redditus exaggerant; hortantur ut coeant . . . . Negant se habere pecuniam, ingerunt suam, dicentes: Utare ut tua, de fructibus omnia possessionis pretium multiplicabis, debitum reddes. Dices fortassis hæc magnifica promissa, quibus hi adolescentuli divites ad sumendam pecuniam cum fœnore inducebantur, non ob ipsorum, sed ob fœneratoris utilitatem fuisse damnabilia. At memoria repetendum est, ad commotionem excitandam vitiolosa facta fuisse exprimenda. Non tamen omnia fuisse ejusmodi indubium est. Quot aliis tradita fuerit pecunia, qui sponte euentes aliquod prædium, numerorum pars aliqua defuerit? Numvero n. 22. adique harum circumventionum mentione numeri dati feruntur locupletibus, a quibus paterni patrimonii hypotheca querebatur: *Petunt obligari avitum prædium, paternum sepulcrum; ac propterea his dicebant fœneratores: Tu possides tua prædia, nos nostram pecuniam non habemus. . . .* Tibi fructuum emolumen præcedunt, nihil nobis accrescit pecunia. Neque dicas, quod pecunia his credebatur, ut eorum prædia fœnoris nomine acquirerentur, ut sæpe accidebat; & ideo turpe erat id fœnus, quippe quod divites in paupertatem adduceret; neque enim minus criminandum est pauperem gravare, quam divitem in pauperem redigere. At si usura per se esset iusta, ac licita, cur non liceret capium in solum recipere? Num illicitum est in solutionem iusti crediti fundum acceptare, eo quod id in divitis imminutionem cedat? Hæc non alia de causa generatim reprehenduntur in fœnore, nisi quod fœnus per se iniquum

quum, & criminofum eft. En igitur Ambrofum damnare univerfum ufuram, & negociatoribus, & a divitibus percipitur.

6. Ab Ambrofio non disjungam S. Auguftinum, qui Serm. 239. explorare docet, veros Chriftianos pecuniam gratis credidiffe iis, qui domos, & prædia habebant: *Habet domum, habet poffeffionem, & ea de cauffa gratis dabant mutuum, ne ipsi fœneratores effent, & ne illi ad fœneratorem confugerent.* Iisdem autem S. Doctior perfuadere ftudet, ut fi debitor promte reftituere nequeat, differant aliquandiu, nec importune reftitutionem efflagitent, ne in folutionem fœneratorem adire cogantur: *Noli facere anguftias ei, cujus anguftias relaxaſti. Ecce in dediſti, & exiſtis: ſed non habet unde reddat; cum habuerit, reddet tibi. Noli clamare & dicere: Numquid ſanus quaro? Tantum peto, quantum dedi.* Quod dedi, hoc accipiam. Bene facis, ſed mundum habet. Non es fœnerator, & vis, cui praſtitiffi, ut quaras fœneratorem, ut tibi reddat? Si propterea ſanus non exiſtis, ne te fœneratorem patiatnr; quare vis ut propter te alium fœneratorem patiatnr? Si milis ſententia legitur in Appendice Serm. 86. n. 4., ubi additur debitorem præter domos, & campos habuiſſe etiam familiam, ideſt ſervos, quos poterat vendere, ut debitum ſolveret: *Familiam habet, vendat; quod divitibus convenit.* Et nihilominus pronunciat, fœnus ab his exigere criminofum iudice Deo futurum: *Propterea ſanus non exiſtis, ne te fœneratorem iudices Deus.* Ex his ergo manifeſte, cognoviſimus fœnus etiam cum divitibus habitum fuiſſe illicitum.

7. Argumentum, quo adverſarii ufuram a mercatoribus exactam maxime purgant, illud eſt, quod ſicut hi lucrantur ex pecunia, quam acceperunt mutuam, ita æquum eſt, lucri partem illis reſpondeant,

qui pecuniam dederunt. Hoc idem argumentum, quod veteres quidam Chriftiani non habuerunt ſatis idoneum in pecunia mutua, unde nullam pecuniæ ufuram probabant, ut eſt apud Hieronymum in c. 18. Ezechielis, juſtius multo obiciebatur in mutuo ſegetum, quæ in ſationem crediæ, naturalem quandam fecunditatem ſecum afferunt, ex qua lucri partem æquius multo merentur, ut Goſhofredus obſervavit in Theod. Cod. L. 1. tit. de Uſuris. Hinc uſuræ ſegetum ex ipsis Romanis legibus fuerunt gravioreſ, quam pecuniæ; quod ne mirum videatur, non media ſortis pars, quæ mutantibus ſolvebatur, intuentia eſt, ſed lucrum, quod decies ſortem ipſam multiplicabat, attendendum (ex unico enim modio tritici in ſationem dato decem modia naſcuntur) apparebitque multo æquius fuiſſe, ex lucro decem ex. gr. modiorum tritici, quæ mutuario ex unico modio ſumto redibant, medium tantummodo modium ſolvere, quam ex lucro ducatorum, quindecim circiter, qui ex 100. ducatis mutuo ſumtis redeant, quinque perſolvere. Hanc objectionem graphice expreſſit Hieronymus loco laudato, nec tamen ab uſuræ vitio fœneratores ejuſmodi vindicans, totum adverſarium fundamentum, proculdubio evertit. Audiantur ejus verba: *Putant quidam nſuram* (ideſt uſuræ crimen, quod Scriptura prohibet) *tantum eſſe in pecunia...* Solent in agris frumenti, & milii, vini, & olei, ceterarumque ſpecierum nſura exigi, ſive, ut appellat Sermo Divinus, abundantix. V. G., ut hyemis tempore demus decem modios, & in meſſe recipiamus quindecim, ideſt amplius partem mediam. Qui juſtiſſimum ſe putaverit, quantam plus accipiet portionem. Et ſolent argumentari, ac dicere: Dedit unum modium, qui ſatur fecit decem modios. Nonne juſtum eſt, ut medium modium de neo plus accipiam, cum

eum ille mea liberalitate novem, & semis de meo habeat. Hoc foeneratorum argumentum perbelle explicavit Salmastius de modo usurar. c. 8. p. 337. *Iustum, inquit, est, ut qui ex modio a me mutuo sumto, quo agrum concessit, decem modios retulit, ut meum quidem ante omnia mihi modium reddat, deinde ex illis decem, quod ex mei modii ratione in suo agro collegit, dimidium, saltem modium usura nomine praestet, cura apud ipsum novem, & semis remaneant, qui bene labores ejus, & sumtus possunt compensare, & quos non percepisset, nisi modium illum a me mutuo accepisset.* In hac certe mutui, & usurae specie, nulla pauperis oppressio, immo lucrum magnum ex ejusmodi mutuo, in quo si e novem lucri modiis, is, qui mutuum dedit, mediam, vel quartam modii partem lucrabatur; qui accepit mutuum, octo modios cum dimidio, vel triplici quarta parte percipiebat; ac proinde de mutuo apitur, in quo utrinque lucrum, nullibi oppressio est. Si autem Hieronymus hoc argumentum in segetibus, quae in tantum rationis lucrum mutuae dentur, contemnit; contempsisset multo magis in pecunia, quae in minus negotiationis lucrum credita sit. Neque enim de eo sepe: *per lucro queritur, quod modium modii legibus praefinitum, vel quarta modii pars a moderatioribus exacta nimium lucrum fuerit; sed quod hoc lucrum, quantumcunque sit, divina lege prohibitum, omnino auferendum est: Scriptura divina, inquit, omnis rei aufert superabundantiam, ut plus non recipias, quam dedisti, id est nihil lucri recipias.* Haec autem auctoritas, non minus pecuniae, quam segetum usuram prohibet, ita ut vel utrobique damnanda sit usura, etiamsi ab eo percipiatur, qui majus ex lucro mutuum cepit; vel utrobique excludenda. Certe in Propheta ab omnibus, etiam diviti-

Tom. I.

bus, ac mercatoribus, usuram prohiberi Hieronymus ibidem observat, ac propterea nihil referre ait, utrum quis habenti diviti, seu mercatori mutuum dederit, an non habenti, nisi quod habenti nulla erat necessitas, quae mutuum flagitaret, non autem excusatio, quae dilueret vitium usurae, sine quo si mutuum dare quis nollet, mutuum utique dare non debebat, ne illicitum ab eo foenus exigeret. In hanc sententiam intelligenda haec, quae Hieronymus subjicit: *Respondet enim nobis breviter foenerator misericors, utrum habenti dederit, an non habenti? Si habenti, utique dare non debuerat: sed dedit quasi non habenti. Ergo quare plus exigit, quasi ab habente?* Puto ex his satis aperte Hieronymum omnem usuram, etiam a divitibus ex ea lucrantibus perceptam, condemnare.

8. Neque plures Patres allegabo, qui usuram perstringunt ex mutuo iis tradito, qui cum praedia haberent, quibus de mutuo cavebant, divites utique fuerunt; quando enim in emtionem praedii mutuum sumtum non sit, ut inde lucrum proveniat, quod antea non proveniret, tum ex ejusmodi mutuo non licere lucrum capere adversarii respondent. Nonnullis tamen idem videtur praedium emere ex mutuo, ac praedium, quod sine mutui opera vendendum fuerat ad pecuniam quaerendam, mutui causa conservatum fuisse: utrobique enim lucrum mutuatario redit ex mutuo; parum autem refert, utrum lucrum praedii sit, quod fervetur, an quod ematur; mutuamque dare pecuniam, ne praedium vendatur, perinde esse videtur, ac si praedium jam divendito necessitate cogente, cum venditio ex charitate impedienda non erat, in novam ejus emtionem pecunia credatur. Hinc etiam Salmastius l. 3. de Fœnore Trapezit. pag. 621. damni vitiationem lucro omni quaestuosorem demonstrat.

Z

Vide

Vide etiam lib. 1. pag. 115.

9. At quando cum adversarius agimus, qui solam usuram defendunt ejus mutui, quod mutuatariis in lucrum cedit, ea testimonia, quæ de hoc mutuo loquerentur, alleganda fuerunt. Quod si hæc plura non sunt, nihil minus valent. Satis enim antiquis fuit usuram omnem generalibus verbis damnare, ex quibus usuram, a negotiatoribus quoque exactam, illicitam esse constabat. Peculiaris alicujus criminis mentio, ejus prohibitionem generali lege contineri notum est, fieri non solet, nisi quando specialis occasio id exigat. Hinc memorati Patres, qui usuram omnem, etiam a mercatoribus exactam, in generali usuræ prohibitione interdiciam, omnibus exploratum sciebant; generali illa prohibitionem contenti, ejus specialis usuræ tum solum meminerunt, cum præcipuum quandam vel excusationem retundere, vel fraudem, detegere necesse fuit. Si plures ejusmodi occasiones incidissent, idipsum tradidissent & ceteri, pluraque ejusdem generis testimonia suppetere, quæ si occasionibus deficientibus præfæ non sunt, occasionum defectus ejusdem doctrinæ defectui verti non debet.

10. Enimvero eandem ceterorum cujusque ævi doctrinam, ac traditionem fuisse indicio sint S. Johannes Damascenus mediæ ævi scriptor, & quidam Græci posteriores ætatis. Ille in sacris Parallelis excerptis fere ex S. Basilio, quæ contra usuram fuisse diserit lit. D. tit. 9., mutuum sine usura iis quoque dandum, quibus *lucrum ex usu pecunie accedit*, totidem Basilii verbis præcipit: adeo non ex suo sensu, sed ex majorum traditione hanc doctrinam acceperat.

11. Ex Græcis autem posterioribus Zonaras in Nicænum Canonem hanc quoque usuram a Nicæno damnatam prodit, quam quidam ex mercatoribus ementito societatis no-

mine capitali salvo exigunt: *Feneratoris enim nominis infamiam aliqui declinantes, pecuniam ita dant mutuum, ut sibi lucri partem ex ea paciscantur, nec se feneratores, sed socios dicunt, ac emolumentorum tantummodo participes, nullum interea iustura periculum subeunt.* Et similiter Balsamon Antiochenus Patriarchæ: *Quidam Sacerdotes, inquit, canonem intelligentes, & ipsum circumferibentes, verba quidem servant, mentem autem negligunt: dant enim nonnullis pecuniam, & tantam ex lucro partem se capturos paciscuntur; periculum autem agnitos, qui eam accipiunt: & cum sint revera feneratores, verbo tamen societatem prætexunt.* Qui lucri partem exigunt, pecuniam utique iis, qui ex eadem lucrantur, accommodant; ac propterea sermo est de mutuo, quod non pauperibus in consumptionis, sed mercatoribus in lucrando usum traditur. Quam Balsamonis interpretationem ex Nicænorum Patrum mente approbat Salmalius de modo usurarum c. 8. p. 326. Recitatis enim Balsamonis verbis hæc subiicit: *Dant alicui pecuniam ad merces emendas, ea conditione, ut lucrum inde venturum participant, eum periculi pars nulla ad ipsos sit perventura. Non exigunt quidem usuras data sortis mutuo pecunia, quoniam verbis Synodi, id ne faciant, caveatur, sed quia partem lucri paciscuntur ex pecunia mutua sine suo periculo, contra Synodi mentem veniunt, licet socii velint dici mercatorum, non feneratores.*

12. Non solum igitur Græci illi posteriores, sed & Nicæni Patres, ipso Salmasio fatente, usuram, quæ ex mutuo, etiam mercatoribus ad lucrum tradito, exigitur, illicitam crediderunt, atque ex ea divina lege illicitam, cujus plerisque obliuæ ad memoriam, & officium revocandos duxere. Immo illi ipsi, qui ut hanc exploratam legem, pœnasque a Nicæno canone

In eundem  
Can. Nicæno.

Communis  
feneratorum etiam  
sensu pro-  
positum co-  
hæret.

Cur plura  
testimonia  
non suppetant.

Tom. 2. P.  
134. 6.

illatas declinarent, societatem pro mutuo cum negotiatoribus præferre studebant, eandem usuram, & divinam lege, & Nicæno canone vetitam sciebant; neque enim opus fuisset ad eam simulatam societatem confugere, ut usuram tegerent, si usuram id genus licere judicatum fuisset. Ita etiam communem, atque omnibus notam hanc doctrinam, fuisse liquet, quæ usuram, etiam a mercatoribus exactam, condemnat.

13. Præclare etiam Nicolaus Cabasilas in oratione contra usurarios: *Quid labis habet, inquit, usurarius, si a paupere nihil, a divite autem sanus exigamus? Multum profecto: hoc enim est contra leges venire, pecuniam commodatam cum aulario recipere: pauperem vero elidere, premere, vestibus spoliare, hoc jam non sanus, sed gravior quoddam scelus est... verum leviora crimina propter graviora punis non carebunt..... Sicut ergo lex, Non occides, non patricidam, nec fratricidam, aut quemcumque verum interfectorum, sed simpliciter homicidam persequitur; ita quoque & furem, & adulterum, & maleficum quemque; eodem modo illud, Non fœneraberis fratri tuo, non est usuram dividendi, & unam vetantis, alteram statuentis, sed omnem usuram exterminantis. Quibus etsi expressam mercatoris mentionem non facit, nullam tamen usuram divina lege licitam discrete affirmat, etiam si non a paupere, sed a divite exacta sit, quod ad mercatores ipsos ex mutuo discentes extenditur. Immo paullo ante, mercatorem, aut alium quempiam e mutuo lucrantem, idem auctor memorat his verbis: *Ille mutuo bene collato rem suam amplificavit, paupertatemque domo sua eiecit; & nihilominus usuram ab hoc quoque exactam reprobat.**

14. Quod si consideres Zonaram, Balsamonem, & Cabasilam, non tam Græcos, quam Schismatici-

cos fuisse, qui a Scholasticis maxime dissentiebant, sicut a tota Ecclesia Latina; profecto cum iisdem consilia communicasse dici nequeunt, ut novitum dogma inveherent; adeo evidens est ex sola majorum traditione eam sententiam, tam Græcos, quam Latinos suscepisse, cujus originem adversarii usurarum patroni Scholasticis perperam tribuunt. Ea quidem traditio non solum ex generalibus, sed ex peculiaribus etiam testimoniis hoc capite observatis manifesta est, cui ne unicum testimonium, nec generale, nec peculiare, ex tota antiquitate opponi potest; quod sane esset impossibile, si, ut adversarii præsumunt, alia apud Patres sententia obtinuisse. Num quis forte adversariis ne unum testimonium, assertantibus citius credit, quam nobis, qui & generalia invisa documenta, & aliquot etiam specialia ex Patribus protulimus? Hanc autem Patrum auctoritatem repudiare nemo auserit, nisi qui traditionem cum sectariis repudiet.

15. Verum auctoritatem ejusmodi omni vel minimæ usuræ, etiam divitibus impositæ, apertissime insensam cum nonnemo inficiari non posset, alia ratione declinare nifus est. Itaque nonnullos excessus hac in materia Patribus impingere non dubitavit, in quibus si deferendæ, vel mollius interpretandæ sint eorum sententiæ, idipsum in doctrina omnem usuram damnanter faciendum pariter distabat. Hæc obijciendi ratio, quæ Patribus errores, vel excessus tribuit, quondam eorum tantum hæreticorum propria erat, qui traditionem contemnunt. Nunc autem dicendum est, facilis doctrinæ studium, atque indolentia plurimum posse, ut eadem via ab illis quoque ineatur, qui traditionem alias tuerentur. Hanc autem objectionem gravissimam refellere oportet, tum quod præsentī causæ necessarium est, tum etiam ut Patrum

trum auctoritas, quæ traditionis catholica est fundamentum, vindicetur. Tres autem excessus Adversarius in præsentis causa Patribus amixit. Primo quod illi in damnamda omni usura comprehenderint, aut non exceperint compensatoriam, quæ hodie a nemine condemnatur. Secundo quod non usuram solum, sed pignus etiam reprobarint inmutuo; cum tamen pignora innoxia omnes fateantur. Tandem quod nec sortem, aut restitutionem exigi sinant. Nihil vehementius objici poterat, si quod objiceret, probaretur. At vereor, ne qui hæc objicit ita præjudicio impediatur, ut vel non legerit Patres, quibus hæc imponit; vel si legit, eorum verba, & consilium non intellexerit. Expandamus singula.

16. Quoad usuram compensatoriam, primo testimonii Patrum usuram generatim damnantium eam comprehendi falsissimum est: compensatoria enim, quæ ex posterioris ætatis locutione *usura* dicitur, proprie usura non est, sed *indemnitas*, seu (quod Latini veteres vocabant) *id quod interest*. Qui ergo usuræ nomine eam volunt comprehensam a Patribus, docere deberent eos usuræ nomine intellexisse quod proprie usura non est, nec usura eo tempore vulgo appellari solebat. Nonne vel hisce temporibus, cum usuræ compensatoriæ nomen in scholis obtinet, sacri Oratores, qui hanc licitam habent, usuram generatim damnant, ut ne tamen compensatoriam ea voce comprehendere intelligant? Addam & alterum, quod Patres usuram damnantes adeo non damnarunt *id quod interest*, ut aliquot testimoniiis palam professi sint, se usuram damnare, quæ *ex pecunia otiosa*, & sine *ullo damno* credita percipitur, quorum alterum, lucri cessantis, alterum damni emergentis titulum excludens, satis indicio est, eos usuræ nomine *id quod interest* non condemnasse. Hæc testi-

monia recitabimus lib. VI. c. 1., ubi de eo *quod interest* ex proposito agetur. Quod si nullibi hunc titulum expresse approbant, id ea de causa evenisse videtur, quod cum ex eorum conditione temporum usura ascendere ad duodecim in centum, haud facile erat tantundem peti posse titulo lucri cessantis. Prædialia sex in centum circiter reddebant; ac idcirco usurarii præmallebant nummos collocare in fœnore, quod majus lucrum afferret. Eadem de causa haud inductum fuit reales census emere, qui si fuissent in usu, prædiorum redditus non excessissent. Hinc pariter pecuniosi viri, inercaturæ sollicitudinem, ac periculum aufugientes, hoc usurario lucro contenti, nullam aliam negotiationem volebant exercere. Vides ergo usurariam plane mentem, & sine iusto titulo lucri cessantis, cujus compensatio peteretur. Ita etiam in nautico fœnore, etsi ab iis, qui pecuniam credebant, alsumeretio maris periculum, quod pretio æstimabile est, ut in cautionibus nauticis, usuram tamen id genus vituperarunt Patres, ut in S. Gregorio Nysseno observavimus; non quia hunc iustissimum assumpti periculi titulum fortis appositum nihil facerent, sed quod usura nautica haud taxata erat pro iusta ætimatione periculi, eamque multo excedebat; unde quod supra ætimationem hujus tituli exigebatur, merum erat fœnus, quod corrumpebat totum lucrum; totum enim usuraria pariter mente, (videlicet uti usura) nihil autem uti periculi pretium in contractum cadebat.

17. Quoad pignora, nihil dubii est, quin specialia quædam pignora a pauperibus exigere culpabile foret; uti esset vestimentum pauperis induendo necessarium, aut artis instrumenta, quæ ad victum querendum ipsius opus sunt. Hæc proinde pignora retineri vetatur expresse Exodi c. 22. v. 16., Deut. c. 24. v. 6. &



pag. 17.

6. & 10., Job. c. 24. v. 3., immo & ipsis Romanis legibus interdicitur, uti constet ex L. 1. Cod. Theod. *De pignori*. Sicut de hisce pignori-  
bus Ezechielis locus est interpretandus; ita de his testimoniis Patrum, cum pignora vetant, accipienda sunt. Hinc Sulpicius Severus in *Historia Sacra* l. 1. c. 18., Mosaicam legem compendio exponens, scripsit: *Vestimentum pauperis pro pignore non accipiendum*. Et S. Ambrosius in libro de Tobia num.

pag. 619.

84. *Ne vidua pignus recipiat*. *Gravo & utrumque secundum litteram, ut usum, instrumentumque vivendi egeno auferat, aut vidua pignus detrahatur*. Hinc S. Hieronymus in Ezechielem expresse monuit, præceptum restituendi pignoris non omnes debitores comprehendere: *Non omni debitori*, inquit ( *pignus reddendum* ) *alioquin multis occusis recipiendum pignorum fiet divitiarum materia; sed ei debitori, de quo in lege scribitur, quod pauper sit, & proprium opposuerit vestimentum, & ante solis occasum operimentum recipere debeat*. Id ipsum in aliis Patribus observare licebit. En igitur de quibus pignoribus, atque debitoribus loquuntur. Quod si S. Ambrosius, cui Adversarius præcipue insilliebat, libro memorato n. 57. & 70., objicienti non omnia pignora, sed specialia quædam in Scripturis tantum prohiberi, ita respondet, ut credere videatur, idem prorsus in omni pignore locum habere; id primo intelligendum est in persona pauperis, cuius meminit n. 57.; dein in exhortationis potius, quam præcepti rationem loqui videtur, ut indicant verba: *Generaliter omne pignus suadet esse reddendum*; unde pignoribus accomodat Evangelicum textum: *Mutuum date, nihil inde sperantes*; qui sicut quoad negligendam restitutionem fortis, ita & quoad pignus reddendum non semper in præcepto est. Præterea pignus reperiendit non per se, sed ob u-

suram, quæ eidem adjici solebat; id quod erat focus exgere valde turpius, ab iis scilicet, qui tradidere nobis suum; cumque amplioris pretii pignora esse soleant, non tantumdem solum, sed amplius quam acceperunt, tradidere. Hinc scripsit n. 13. *Accepistis aurum, argentumque pro pignore; & adhuc illum debitorem dicitis, qui vobis plus credidit, quam accepit a vobis? Vos creditores adseritis, qui amplius debetis; vos, inquam, dicitis creditores, qui non homini, sed pignori credidistis?* Forte etiam usus alicubi videbatur, ut pignora in commissum caderent, seu in dominium creditorum transirent, si debitores statim tempore non solverent & capitale, & usuram; quæ res in magnam pauperum perniciem vergebat. Adde quod n. 70. sermo est de pignoribus fructiferis, uti erant prædia Hebræis obligata Efræ tempore, ubi fructus usuræ vices gerebant. Quis hæc scænebria pignora non condemnabit? Quod si nihilominus idem S. Antistes nonnulla durius alquanto credatur locutus, nihil præiudicio erat ceteris, qui similiter locuti non sunt; & multo minus doctrinæ circa usuram, in qua ille consentit cum omnibus, & nulla, neque apud ipsum, neque apud ceteros exceptio est, uti in pignoribus reperitur.

pag. 191.

18. Tandem quoad restitutionem capitalis, quis Sanctorum Patrum generatim uspiam affirmavit, eam peti, & exigi non posse? Nonnumquam id quidem præcipitur, cum de pauperrimis agitur, qui ob impotentiam solvendo non sunt, aut de iis, qui ab importuna exactione nimium opprimerentur; quo tamen casu, non iustitia, sed charitas flagitat, ne qui potest, proximo indigenti, & afflicto laqueum iniiciat, & in majores angustias adducat. Ad omnino impotentes quod pertinet, hoc præsertim casu præceptum illud Evangelicum: *Mutuum date nihil*

habet

In Ezech.  
tom. 1. pag.  
207.

Serm. 339.  
No. 5.

*hil inde sperantes*, ad ipsam sortem remittendam porrigitur; & in hanc tantum sententiam in præceptum aliquot Patres interpretati sunt. Quod vero attinet ad exactionem nimis importunam, atque molestantem eorum, qui sine maximis angustiis, ac gravi damno statim restituere non possent. *Premis*, suffragas, inquit Augustinus: *etsi tantum exigit, quantum dedisti, suffocando tamen, & angustias faciendo, non beneficium dedisti, sed potius majores angustias intulisti*. Ceterum si ab hisce circumstantiis præscinditur, Patrum sententia fuit, licere sortis restitutionem querere, dum tamen nihil supra sortem usuræ nomine exigatur. Lactantius c. 18. Institut., postquam usuram tanquam alienæ rei rapinam inhibuit, *Abstineas te prorsus alieno; de restitutione sortis subdicit: In hoc genere officii debet suo esse contentus*. Similiter Sanctus Basilius Homil. in Psal. 14. n. 7. de ipso mutuo pauperibus credito loquens, reprehendit divitem, si sorte contentus non sit; quibus verbis ipsam sortis restitutionem a pauperibus exactam generatim non damnat. S. Hilarius in eundem Psalmum n. 15. *Si Christianus es, non quero ut largiaris; saltem debitum sic reposses, ne spolies*. Verba ne spolies ad usuram referuntur. Antiquus Auctor *Synagmatis Doctrinae ad Monachos* in Appendice Sancti Athanasii n. 3. *Si quis mutuum a te petierit, dato: & ab eo accipe sortem, eum habueris, absque favore*. S. Ambrosius Ep. 19. ad Vigilium: *Vir Christianus, si habet, dat pecuniam quasi non recepturus, aut certe sortem, quam dedit, recepturus*. Restitutionem igitur sortis, ab iis, qui possunt reddere, Christiana lege prohibitam nequaquam credidit. Hinc etiam in libro de Tobia c. 11. eos coarguit, qui cum possent restituere, negligerent: *Quam deforme est, ut pro beneficio ei, qui te adiuvit, rependas molestiam?*

*Cum istum fraudaveris, cui debes, postea in tempore necessitatis tua non invenies creditorem*. Aperte etiam S. Hieronymus in eum Isaia locum, ubi usuraria chyrographa dilacerari jubet, hæc adnotat: *Non ergo præcipit Propheta, ne exigit unusquisque quod debitum est, maxime quod iuste dedit, & iuste repetit, (idest sortem) alioquin tributaria esset seditionis assertor; sed ubi iniqua est cautio, (idest quoad usuram) ubi opprimuntur pauperes calumniæ, ibi fasciculi cautionum, & omnia iniquitatis vincula rumpenda sunt*. Tandem, ut alios omittam, Auctor Breviarii in Psalmos, quod Hieronymi operibus subiectum legitur: *Non peccat quis eo, quod quantum dedit, tantum recipit*. Hinc clerico etiam concedunt sacri canones, ut si commodaverit pecuniam, pecuniam recipiat, si speciem, eandem speciem, quantum dederit, accipiat. Verba quantum dederit meram sortem significant. Nemo ergo Patres rigoris, atque excessus accuset: & multo minus hoc nomine emolliendam, aut restringendam putet eorum doctrinam, qua omnes uno consensu omnem usuram nulla exceptione condemnant.

## CAP. VI.

*Argumentum ex Scholasticis, & præsentis Ecclesiæ fide.*

## §. I.

*Scholasticorum consensus in usura, quavis, etiam a divitibus, ac mercatoribus exacta, vendemanda, quanta auctoritatis sit. Eos nihil innovasse demonstratur. Non ratione, sed traditione in eam sententiam descenderunt.*

I. **T**heologos, & Canonistas omnes, jam inde a Seculo duodecimo, & deinceps, communi sententia veluti certum do-

docuisse, usuram omnem a quocunque, etiam divite, ac negotiatore, exactam divina lege esse prohibitam, non soli prodiderunt Calvinistæ, quos lib. II. impugnavimus, sed & Janenistæ usurarum patрони, quos nunc refutamus, consentiunt. Nimis aperta, & expressa sunt testimonia Petri Lombardi, S. Thomæ, S. Bonaventuræ, S. Raymundi, Gerfonis, S. Antonini, & ceterorum: et cum eorum rationes ab injustitia ductæ æque percellunt usuram omnem, etiam a divitibus sumtam, qui lucrum majus ex mutuo capiunt; tum vero casus identidem afferunt mutui mercatoribus traditi, & lucrum inde perceptum usuræ condemnant. Testimonia singulorum asserrem, nisi vel adversarii hanc rem darent.

3. Hic porro Scholasticorum consensus quantam vim in rebus dogmaticis habeat, omnes Catholici norunt. Soli Hæretici, qui traditionem Ecclesiæ negant, eorum auctoritatem contemnere possunt. Qui enim omnes Scholasticos in aliqua doctrina consentientes accusat, eos accusat, qui Patribus in traditione suscipienda, ac ad posteros transmittenda succedere; ac proinde ipsam traditionem per eosdem veluti traduces, ac testes transmissam repudiet necesse est. Si pauci ex illis aliquid doceant, vel alii aliis contraria ingerant, licebit resistere. At ubi omnes conspirent, cum in eos post Sanctos Patres devolutum traditionis depositum, ex ipsorum consensione colligatur; haud licet illis repugnare, sicut repugnare traditioni non licet.

3. Atqui Scholasticos Patrum traditionem deseruisse, novamque in hac re invexisse doctrinam adversarii contendunt. Sic Auctor *Tractatus brevis* part. 5., ubi sibi inquirendum proponit, quænam fuerit origo, & series quorundam circa usuram errorum, ejus sententiæ auctores Scholasticos traducit:

& similiter Auctor *tractatus des prêts de commerce*, ejusdem sententiæ, quæ omnes secum Theologos rapuit, epocham a seculo XIII. derivat. Ita ne se innovationis auctores prodant, novitatem in Scholasticos referre conantur, quorum, deinde auctoritate ceteri omnes per inconsiderantiam abrepti sint. Hujus autem innovationis vitium, ei causæ vertunt, quod iidem Scholastici, Aristotelicis, potius ratiocinationibus, quam majorum auctoritate ducti, de quampulvibus desinierint, ac præferunt de usura, in qua ratiocinationes omnes inbecillissimas vocant.

4. Hæc illi quidem disitant, & inanibus etiam suspicionibus fovere, non tamen idoneis argumentis probare queunt. Similia a quibusve Novatoribus in aliis certissimis dogmatibus prætendi possunt, quæ si semel valeant, quis hæreticus damnari amplius poterit? Antiquam Patrum doctrinam se tradere profitebitur, a qua soli Scholastici recesserint. Verum quemadmodum hi satis resellentur, si novitatem, quam Scholasticis impingunt, probare nequeant; ita & nos, dum evidentia ab adversariis argumenta flagitamus, quibus eam novitatem a Scholasticis inductam probent; nihil firmum, ac legitimum audientes, sed omnia levia, futilia, vel calumniosa, eorum clamores nihil metuimus.

5. Quid porro, si Scholasticos nihil innovasse invictis argumentis liqueat? Quæ ex antiquis Patribus cap. 3. & 4. attulimus, cum demonstrant non aliam fuisse eorundem Patrum sententiam, tum novitatis calumniam Scholasticis impectam, resellunt. Enimvero, qui hanc novitatem a Scholasticis in Ecclesiam inductam volunt, rem omnino incredibilem, ac plane impossibilem persuadere nituntur. Si enim demus, quod adversarii volunt, impossibile plane est hanc

no-

Demonstratur Scholasticos nullum innovasse, sed traditionem antiquorum suscepisse in *Uoluna de Uinra*.

novitatem maximas in Ecclesia turbas non statim excitasse. Si quis nunc adversus contractum aliquem ubique frequentem infurget, eundemque uti usurarium traducere incipiat, qui vulgo licitus habetur; quot clamores, & querelæ commoveantur? Tumultus recentissimi, quos non solum in Belgio, sed & in aliquot Italiae civitatibus in paribus casibus excitatos audivimus, aut vidimus, satis indicio sunt. Porro usura non solum e pauperibus, sed præsertim a divitibus, ac mercatoribus, qui cautiore sunt, exacta omni ævo viguit. Fingamus hanc ex Patrum doctrina ante Scholasticos licitam fuisse ab omnibus habitam: illos autem seculo XII., vel XIII. contrarium cõpisse docere, & hujusmodi lucrum ut injustum, omnino restituendum definire. Ad hanc novam, & molestissimam doctrinam, qui tumultus, quod scandalum, quæ perturbatio & privata, & publica ubique exoriri debuit? Cur tamen huic Scholasticorum doctrinæ nemo priorum seculorum, ac Patrum traditionem opposuit, si ei contraria fuisset? Cur nullæ civitates, nulli Principes, nullus Episcopus, nullus Presbyter reclamavit? Cur nemo ex Theologis, & Canonistis ipsis resistit, qui in aliis permultis acriter digladiantur inter se, atque dissentiunt? Nullo certo fato tam subita, & unanimis omnium mutatio, & conspiratio, in re præsertim, quæ cupiditati adversatur, nemine resistente, ac repugnante, contingere potuit. Hoc argumentum is, qui vim ejus intelligit, demonstratio erit, quæ Scholasticos nihil innovasse, sed id tantum, quod traditione susceptum, docuisse convincitur. Sola enim traditio, quæ eandem doctrinam absque dubitatione certam transmisit, omnes in officio continuit, præbuitque, ne quis contra Scholasticos posset, aut auderet reclamare.

6. Hinc ergo nihil est, quod ejus doctrinæ causa Scholasticis ratiocinationibus tribuatur. Traditio enim majorum, non autem ratiocinatio, Theologos, & Canonistas in eam sententiam deduxit. Rationes solum in subsidium illis adscitæ, ut in aliis rebus facere solent, quæ cum non æque sint exploratæ, variorum apud varios afferuntur, ut S. Thomas observavit in 3. sent. dist. 35. art. 6. Una, & concors omnium sententia circa doctrinam de usura, fundamento tam ancipiti, ac vario inniti non potuit. Nisi suscepta, ac certa majorum traditio omnes ex universis locis, & ex academiis, ac scholis sæpe dissentibus coegisset in unum, & continuisset in eodem sensu, rationum imbecillitate, ac varietate disiecti, ac distracti fuissent, ut in aliis controversiis capitibus accidit: & eo facilius in materia præsentis, in qua naturalis ratio non convincere nonnullis visa est, ut monimus lib. II. c. 6. §. 8. Quot quæstiones a ratione agitantur circa contractus de usura vehementer accusatos, ab iis ipsis excitatæ, qui usuram illicitam credunt, idque cum credant de fide certissimum, in alio ratiocinio iis in contractibus defendendis uti arguuntur? Quid itaque evenisset de ipso usuræ principio, si ex fide, ac traditione nequaquam susceptum, ratiocinationi permissum fuisset? Incredibile sane est potuisse propter subtilitates ratiocinationum arctari legem divinam, traditione relicta, cum ipsi adversarii rationum præsertim vi se a communi sententia in usurarum defensionem abducos fateantur. Idem profecto & aliquibus accidisset antiquorum, si nulla traditione, ac dogmate nullo cogente, suum cuique ingenium consulere licuisset. Quod si nemini accidit, non propterea non accidit, quia traditione majorum neglecta, Scholasticis ratiocinationibus omnes indulserunt, sed potius quia, ne iis indul-

Non ob rationem, sed ex traditione in usura condemnationem omnes concessunt.

indulgerent, explorata majorum traditio impedit.

## §. I I.

*Tota Ecclesia idem cum Scholasticis docuit, ac docet in doctrina de usuris. Usura, etiam a negotiatoribus, ac divitibus exacta, damnatur.*

7. Quid porro si addatur, Summis Pontificibus, Episcopis, Conciliis, etiam Generalibus, ac proinde toti Ecclesie, eandem cum Scholasticis fuisse sententiam? Nisi quis Ecclesiam novum dogma aliquando suscipere, & a fide, ac traditione deficere posse credat; de novitate, ac errore in ea doctrina, quam iam inde a Scholasticorum ætate ad hæc usque tempora semper probavit Ecclesia, suspicari non poterit. Immo invidum hinc argumentum contra adversarios elicitor, cui cedere debent quicumque Romanorum Pontificum, Episcoporum, Conciliorumque omnium, id est totius præsentis non minus, quam antiquæ Ecclesie, auctoritati deferunt. Non minus enim Ecclesia præsens, quam antiqua, est Ecclesia Christi; nec illi minus, quam isti promissiones Christi, ne deficiat, præsto sunt. Porro præsentis Scholasticæ, ut ita dicam, ætatis Pontifices, Episcopos, Concilia, totamque Ecclesiam, in eandem convenisse sententiam, quam Scholastici uno consensu tradidere, illud argumentum est, quod alias insurgenti Scholasticorum novitati obviam ivissent. Quomodo enim potuissent evenire, ut nemo illi sese objiceret, nisi novitatis auctores uno impetu Pontifices, & Episcopos omnes in suam sententiam pertraxissent? Hoc autem cum per se est impossibile, tum præsertim in Ecclesia, quæ in novitatem, & errorem induci nequit. Si vero plures in contraria.

*Item. I.*

(ut præsumitur) perstiterunt sententia, ne unum saltem inter tantos, qui a novitate dissentirent, inventum fuisse, qui resisteret, impossibile est, cum de iis præsertim agatur, qui ex pastoralis officio insurgentibus erroribus non solum resistere debent, sed etiam resistunt. Exploratum enim est, quæ nova dogmata sub idem tempus invenire studuerint Albigenes, Patareni, Valdenses, Abailardus, & alii; nec in iis detegendis, ac reprimendis, licet quidam elanculo errores suos spargerent, segnes Episcopi, ac Pontifices fuisse. Si ergo ne unus quidem insurrexit adversus patientiorem Scholasticorum doctrinam, dum usuram omnem, etiam a divitibus exactam, condemnarunt; id non aliam potest habere causam, nisi quia una eademque erat omnium Episcoporum, Pontificumque Romanorum sententia.

8. Id autem multo magis liquet, si illos non solum non resistisse eidem doctrinæ, sed contrario potius errori illis ipsis in initiis, in quibus emerferunt Scholastici, naviter resistisse consideres. Ex abusu nimirum plurimorum, & ignorantia divinæ legis, opinio erat satis vulgata paulo ante Seculum XIII., cui Scholasticorum, & novitatis initia tribuuntur, usuram non esse peccatum; unde in omnibus fere locis usuræ quasi licite exercebantur a multis, uti traditur in Lateranensi Generali Concilio an. 1179. Hunc autem errorem quamplurimum praxi adhærentem præcipue versatum circa usuram, quæ a negotiatoribus percipitur, Hugo Florentinus convexus Auctor vitæ B. Iveræ sub idem tempus testatur. Sic enim de illa, & aliis permultis scribit c. 9. B. 16. Metuens tam sibi, quam suis cavere velens impotenter, & voluntate, & consilio patris consenti in hoc, ut pecunia, qua sibi perveniebat & substantiola, sua publicis negotiatoribus accommodaretur, ut su-

Ex reprehensione errorum circa usuram.

Error præsentis ætatis de usura a negotiatoribus exacta.

In Vit. c. 9, no. 16. apud Bollandum die 11. Januarii.

A a

pr-

Ecclesie consentiens cum scholasticorum doctrina ex sententia probatus.

pervenientis lucri negotiantium particeps esset; sicut multi, & honesti secundum seculum viri idem facere consueverunt. . . . . Quod tamen peccatum, quamvis modum grave, & grande sit, evidenter appareat; tunc tamen temporis, aut omnino veniale estimabatur, aut nullum. Cum ergo laudatum Concilium usuram damnans, practico plurimorum errori obviam ierit, in generali illa condemnatione hunc quoque errorem, qui & practicus, & plurimorum erat, condemnasse cognoscitur; unde ex hac quidem ejusdem Concilii damnatione factum fuit, ut (quod Hugo scribit) peccatum illud de usura, ex negotiatoribus quoque percepta, quod antea leve, vel nullum habebatur, modo quam grave, & grande peccatum sit, evidenter appareat: quod sane apparere non potuit, nisi de ejus quoque usurae condemnatione idem Conciliatæ decreta vulgo acceptum fuisset. Ita ergo & cetera sequentium Conciliorum, ac Pontificum decreta, quæ generatim adversus usuram edita fuerunt, hanc quoque usuram similiter damnavisse intelligenda sunt. Enimvero universam usuram damnantes, iis seculis, quibus ex omnium Magistrorum, Scholarum, Academicarum, librorumque sententia, usura intelligebatur omne lucrum ex mutuo, sive a divite, sive a paupere proveniret; si hoc non tam late intellexissent Conciliorum Patres, ne eorum decreta perperam, & cum animarum periculo acciperentur, explicare, & restringere ad pauperes usurae notionem debuissent.

9. Sed ne dubium sit, quin illi cum Scholasticis senserint, aliquot peculiaria monumenta, quæ ad usuram a negotiatoribus exactam pertinent, proferamus. Pontificia in primis considerare juvat. Gregorius IX. an. 1236. in celebri Canone *Naviganti* de Usuris, hoc decretum tulit: *Naviganti, vel cuncti aut nundinas certam montans pecu-*

*nia quantitatem, eo quod suscepit in se periculum, recepturus aliquid ultra sortem, usurarius est censendus.* Hic profecto sermo est de mutuo apud negotiatorem, qui vel maritimæ negotiationi dat operam, vel ad nundinas proficiscitur. Dubium quidem est, num pro usurarius est censendus, legendum sit *usurarius non est censendus*; de quo late Prosper Fagnanus, & alii Canonistæ. Atque cumque lectio præferatur, usurae damnari patet lucrum, quod ex hujusmodi mutuo perciperetur eo saltem casu, quo periculum in se mutuante susceptum non sit, id est quo merus initus sit contractus mutui: ac propterea lucrum ex pecunia, etiam mercatoribusmero mutuo credita, perceptum, vi hujus Canonis, in quacunque lectione, aut interpretatione, usurarium definitur.

10. Pius V. in Bulla, quæ incipit *In cam, quæ nostro an. 1572.*, cambia sicca, & deposita, quæ fere apud mercatores fieri solent, usurae damnans, lucrum ex mutuo sub nomine cambii, aut depositi a mercatoribus exactum, pro illicito habuit, & habendum decrevit. Quin idipsum ibidem sanciens de ipsis cambiis realibus, in quibus lucrum ex producto solutionis termino exigitur, de usura a mercatoribus reali cambio ad nundinas exacta aperitione sanxit: *Primum igitur damnantur, inquit, ea omnia cambia, quæ sicca nominantur, & ita consinguntur, ut contrahentes ad certas nundinas, seu ad alia loca cambia celebrato simulent: ad qua loca ii, qui pecuniam recipiunt, literas quidem suas cambii tradunt, sed non mittuntur, vel ita mittuntur, ut, transacto tempore, unde processerant, inanes referantur; aut etiam, nullius ejusmodi literis traditis, pecunia ibi denique cum interesse reposcitur, ubi contractus fuerat celebratus: nam inter dantes, & recipientes usque a principio ita convenerat, vel certa talia intentio erat; neque quisquam*

Ex documentis Romanorum Pontificum.

*est, qui in mundanis, aut locis supradictis, huiusmodi literis receptis, solutionem faciat. Cui malo simile, etiam illud est, cum pecunia, sive depositi, sive alio nomine filii cambii traduntur, ut postea eodem in loco, vel alibi cum lucro restituantur. Sed & in ipsis cambiis, qua realia appellantur, interdum, ut ad nos praefertur, campores praestitum solutionis terminum, lucro ex tacta, vel expressa conventionem recepto, seu etiam tantummodo promisso, differunt. Qua omnia nos usuraria esse declaramus, & ne fiant, dissiduius prohibemus.*

11. Quid dicam de Bulla Sixti V., cuius initium *Detestabilis* an. 1586. edita adversus societates non tam animalium, quam pecuniae, cum duplici capitalis, & lucri cautione; quae sane societates in pecunia non nisi cum mercatoribus, & negotiatoribus sub initium quidem Bullae memoratae ineuntur? Si Summus ille Pontifex hos contractus damnavit ob usurariam, quam sapiunt, pravitatem; profecto usuram, quae a mercatoribus, ac negotiatoribus exigitur, non tam damnavit, quam certissimo dogmate damnatam praesumpsit.

12. Neque omittam Gregorii XIII. definitionem, qua a Duce Bavariae rogatus, usurae damnavit contractum, in quo pecunia promiscue omnibus, etiam negotiatoribus, credebatur, unde *frustrare* quandoque illa mutuario in casu proposito traditur; & nihilominus hac circumstantia nequaquam excepta, illicitum Pontifex definivit lucrum illud, hac generali ratione, quia contractus id genus est mutuuum, & lucrum inde perceptum est lucrum ex mutuo: *Contractus, modo, & forma praedictis celebratus, usurarius est, neque enim ad aliam speciem, quam mutui, cum conventionem lucri ex eodem mutuo percepti reduci potest: idque lucrum a Deo prohibitum subicit: quae ratio, atque prohibitio aequae in omne usurarium lucrum, a*

negotiatoribus etiam exactum, ex mente Pontificis cadit. Simili ratione in omne id genus lucrum cadunt pleraque propositiones damnatae circa usuram, quas cum Apostolica Sedes proscripsit, lucrum usurarium, iisdem palliis, ac titulis, etiam a mercatoribus exactum, proscripsit.

13. Infinitus porro esset, si Episcopalia documenta proferre vellem. Quae enim, praesertim post memorata Pontificum decreta, usurae illicitae damnatae lucrativa apud mercatores deposita, cambia sicca, vel realia, sed vitia, quae item societates cum duplici memorata cautione condemnant in Edictis Episcopalibus, in Dioecesanis, vel Provincialibus etiam Conciliis, innuenera sunt ex Belgis, Gallis, Hispanis, Germanis, Italis, ac toto Catholico Orbe. In magna Conciliorum collectione, quam Labeus procuravit, sola Provincialium Conciliorum decreta fere edita sunt: immensi enim operis fuisset omnes Synodales Constitutiones, ac decreta singulorum Episcopatum peculiariter colligere. In his tamen, quae non minoris auctoritatis sunt, totiusque praesentis Ecclesiae consensum exhibent, frequentia occurrunt contra memoratas usuras, & mercatoribus quoque perceptas, decreta, qualia in Provincialibus Conciliis apud Labeum legere licet.

14. Sane si Episcopi, una & Pontifices Romani, non credidissent usuram, etiam a mercatoribus exactam, illicitam esse, haud opus fuisset doctoribus, ut lucrum a mercatoribus perceptum excusarent, contractus quosdam cambiorum, quae sicca appellantur, aut societates cum duplici cautione excogitare ad usuram tegendam: ipsam enim usuram moderatam ex mutuo mercatorum palam defendere potuissent, ut ne de condemnatione, ac censuris Episcoporum, vel Pontificum extimerent: quod tamen factum non fuit,

Ex Episcopalis documentis, & Synodus.

Ineditum hoc monumentum edetur in fine operis.

fuit, quia Episcoporum, & Pontificum eadem erat contra quaslibet usuris sententia.

15. Sed quid plura referre opus est in hifce documentis, vel rationibus allegandis, si Episcopos, & Pontifices omnes in eandem cum Scholasticis sententiam jam inde Seculo XIII. convenire ipsi adversarii fatentur? Immo ut hanc tantam auctoritatem eludant, eosdem Scholasticorum principiis imbutos,

Ex adversariorum contradictione.

Criminatio eorundem adversariorum Pontificum, & Episcoporum impia diluitur.

Novitas ab adversariis inducitur.

atque abreptos, neque Scripturam, neque Traditionem consuluisse, ac propterea defecisse eos a traditione majorum criminari non dubitant, ut ex ipsorum testimoniis e. r. indicari audivimus. Maximum hinc adversus ipsos præjudicium elicitur. Quo enim impudentius novitatem, & errorem omnibus horum Seculorum Episcopis, ac Pontificibus, idest ipsi præfenti Ecclesiæ nituntur impingere, eo se vehementius ejus novitatis, & erroris accusant. Ecclesiæ enim auctoritatem, & indefectibilitatem scientibus, ut aliquorum auctorum error, ac novitas detegatur, haud opus est inquire quid vetus Ecclesiæ primis decem, aut duodecim seculis tradiderit. Si exploratum sit, quid a XII. vel XIII. seculo posterior Ecclesiæ credidit, vel sola præfens credat Ecclesiæ, quæ a recta, & antiqua fide ex certis Christi pollicitationibus deficere nequit; simul scitur quidquid vetus Ecclesiæ prioribus seculis tradidit; ac propterea quidquid præfentis Ecclesiæ doctrinæ invenitur adversum, novum, & erroneum esse convincitur. Si quos antiquos novæ sententiæ testes adversarii proferrent, excusabilior eorum nifus videri fortassis posset. At adeo omni antiquitate deserti, nullum testem allegare queunt ante Calvinum, Molinæum, Salmasium, quos duces, & auctores suos vel nominare pudet, ut ad auctoritatem antiquorum provocari, solas

(\*) vide dicenda lib. 5. cap. 10.

\* rationationes obtrudant, usque

totam præfentem controversiam dijudicandam, ipsaque exinde antiquorum testimonia, quæ sibi obfunt, interpretanda contendant. Quis ergo adversariorum audeam simul & novitatem non videat?

16. Notanda etiam contradictio. Dum enim de Scholasticis agitur, indulgisse eos nimium rationibus, ac rationum Scholasticarum, causâ a Traditione defecisse criminantur. Dum vero hujus criminatiois probationes ex Traditione ab illis quaruntur, seu dum Traditionis opponuntur testimonia, quibus Scholasticorum sententia confirmetur luculenter, solas rationes e suo ingenio proferre, & ex his omnia explicare, ac interpretari nituntur. Ecce mentita est iniquitas sibi, telumque, quod adversus Scholasticos intorserunt, in ipsorum caput recidit. Jam satis detecta novitas est. Neque enim Scholasticos, qui non solum Episcopos, Pontifices, & totam Ecclesiæ secum sentientes habent, sed antiquitatem, Traditionem, & Scripturas ipsas, ut superioribus capitibus probavimus; sed illos solos innovasse liquet, qui post tantam Seculorum omnium consensum, nullis idoneis testibus, & solis ratiocinationibus, novas Scripturarum, ac Traditionis interpretationes novitio plane dogmate ingerere student. Ita sacra Scriptura, Traditio, Pontificum, Episcoporum, Conciliorum, Scholasticorum omnium, uno verbo totius Ecclesiæ fides in unum conspirat. Sola opponitur novitas, quæ Calvinum, & Molinæum duces, & paucos Janfenistas ab Ecclesiâ rebelles habet patronos.

Eorum contradictio.

17. Peculiare pro usura a di-

ne objectionibus a ratione.

tioribus exacta, de qua nunc agimus, objectiones ab auctoritate nullæ sunt, quibus responderi opus sit; quæ autem a ratione, seu ab æquitate quadam, ut videtur, naturalibus adversariis in hanc rem, maxime inculcantur, cum ad solum

na-



naturale jus, non autem ad divinum pertineant; in librum sextum remittit, ubi de naturali jure agitur, nec in præsentiarum refellendæ, ubi de solo jure divino sermo est, certo divino juri, & catholico dogmati cedere debent, ut sapius ante diximus, & licentius etiam statuemus. Desinat itaque novitas vetustati lacescere, & nemo, nisi Novator esse velit, proprio ingenio, aut Calvinistis, vel Jansenistis illis prædens, exploratam, constantem, ac perpetuo traditam Ecclesiæ doctrinam abjiciat.

## §. III.

## Epilogus.

18. **H**actenus de divino jure disserentes totum circa usuram dogma constituisse nobis videtur. Usuræ nomine non immoderatum solummodo, sed quodcumque lucrum ex mutuo perceptum, & in Scripturis, & in Ecclesia semper acceptum fuisse, omneque id genus lucri prohibitum, nec uti contrarium charitati tantum, sed etiam justitiæ, nec ex solis pauperibus, sed ex omnibus quantumvis locupletibus, ac mercatoribus, exactum prohibitum esse divino illo jure, cui Scriptura, Traditio, Pontifices, Episcopi, Concilia, tota denique Ecclesiæ calculos dant, adeo evidenter demonstratum credimus, ut nulum fortassis dogma sit, quod certior, & constantior documenta præferre possit. Ipsi adversarii, qui dum catholicæ dogmati omnes repugnant, alii alius aliqua ex parte contradicunt, ejusdem rei testes aliquatenus sunt. Calvinus enim, Salmasius, & alii eorum assecræ, divinum jus in veteri Testamento omnem usuram, æque a pauperibus, ac a divitibus exactam, interdixisse prædicant. Jansenistæ autem usurarum patroni, idem divinum jus in veteri, ac in novo Testamento confir-

matum ex Traditione consentitum. Quæ duo si simul jungantur, integrum catholicum dogma, quod hæcenus probavimus, ex ipsorum adversariorum principiis resultat, cui quæ ex parte alii, atque alii resistunt, refelluntur, ac revincuntur ab aliis, sive ex Scriptura, sive ex Traditione, & ita inimici nostri sunt judicet; omnes autem simul ex Scriptura, ac ex Traditione confutantur ab ipsa Ecclesia Catholica, cui omnes Catholici parent, soli autem refractarii, ac pertinaces resistunt.

19. Quod si duobus sequentibus libris de naturali jure acturi, non æquali fortassis demonstratione uti videbimur, ac de divino jure hæcenus usi sumus; sicut non idcirco incertum fiet divinum jus, quod tam luculenter constitutum est, ita nec catholicum dogma mutabit. Recolenda in hanc rem egregia illa Hugonis Grotii verba, quæ, licet heterodoxus, scripsit l. 2. De jure belli, & pacis. c. 12. §. 20, ubi postquam de naturali jure a ratione disseruisset, etsi nihil exinde efficax pro usura vetada reperiri posse credidit, cum tamen rem hanc per se bonellam videret, solum divinum jus nobis satis esse oportere his verbis confessus est: *Sed quidquid de hac re (idest de naturali jure) nescire nobis libeat, sufficere nobis lex a Deo Hebræis data, quæ testatur Hebræos Hebræis pecuniam dare funori.* Est enim hujus legis materia, si non necessaria, certe honesta, moraliter, una & aliis maximè moralibus adnumeratur Psalmi, qui apud Hebræos est decimus quintus, apud Latinos decimus quartus; & apud Ezechielem cap. 18. Quæ autem hujus generis sunt, Christianos quoque obligant, quippe vocatos ad majora virtutum specimina; & quæ tunc homini Hebræo, aut circumciso ..... præstari solentur, ea nunc præstanda sunt homini cuivis, omni populorum discrimine per Evangelium sublato, latiusque extenso præ-

*proximi intellectu.* O verissimam, heterodoxi sententiam, quæ Janse-  
nistis adversariis, qui se Catholi-  
cos præferunt, pudori sit! Deseru-  
it quidem illam deinde Grotius,  
cum Salmasii Calvinistæ libris dis-  
tractus in Calvinianum errorem,  
certissimæ Traditioni valedicens,  
certum divinum jus, non apud He-  
bræos quidem, sed apud nos tan-  
tummodo cepit vocare in dubium.  
Sed qui idem jus & nobis, & He-  
bræis manere certum fatentur, ut  
fateri quidem debent omnes (1)  
Catholici, qui Traditioni, & Eccle-  
siæ credunt, nec ratiocinationes ina-  
nissimas auctoritati præferendas pu-  
tant, ii repudiare profecto neque-  
unt Grotianum idem effatum, de-  
bere nobis hoc divinum jus suffice-  
re, cujus quidem materia, etsi for-  
te a ratione non videatur neces-  
saria, licita tamen, & honesta est.  
Hoc quidem unum divinum jus Pa-

tres, Concilia, Pontifices satis ef-  
se putarunt, cum Christianis de  
usura vitanda præcipientes, Moy-  
sen, Prophetas, Evangelium, seu  
divinam legem tantum proposue-  
re. Idem nobis si pro regula sit,  
nihil præterea a ratione, nihil a  
naturali jure quærendum arbitra-  
mur; vel si quid inquirere place-  
at, eo tantum consilio quæretur,  
ut ( quod majores nostri fecerunt )  
ratio divino juri subserviat, non  
vero eo, ut si ratio non convin-  
cat, divinum certum jus deferen-  
dum, aut extorquendum credatur.  
Impiorum, vel hæreticorum id pro-  
prium est, a quorum moribus Ca-  
tholici longissime absunt. At de  
hoc plura mox initio libri sequen-  
tis, ubi ad jus naturale expenden-  
dum accedentes, cautionem in eo  
adhibendam proponemus. Hæcenus  
de Catholico circa usuram dog-  
mate.



## LIBER

(1) Adde quod idem fatentur & adversarii, quos nunc impugnamus: hi enim solum divinum jus Hebræis datum ad pauperes restringunt. At hos hoc in capite ipse Calvinus, Molinæus, Salmasius, alique plures resel-  
lunt, quod æque divites, ac pauperes complectitur.

## LIBER QUINTUS,

*De jure naturali circa usuram:*

## CAPUT I.

*Qua cautione agendum sit de naturali jure circa usuram.*

## §. I.

*Systema eorum, qui usura quaestio- nem a ratione decidendam con- tendunt, ita ut inde divi- num jus adstruatur, vel negetur.*

1.



Off constitutum divi- num jus circa usuram ex divina revelatione, & Ca- tholicæ Ecclesiæ do-ctrina, quid de ju- re naturali a ra-

tione sentiendum sit, exquirendum superest. Primo enim statuumdum erat, quod ex Christiano dogmate certum est; dein quid præter dogma ex ratione elici possit, ea cau- tione videndum, ut ratio dogmati quidem famuletur, non autem dogma ex ratione detrimentum capiat. Id æquissimum, & justum ipsa ra- tio docet; neque de hac cautione agendum esset pluribus, nisi quidam usurarum patroni in hoc principio subvertendo novissime laborassent. Auctor enim tractatus *Des Presses de commerce* part. 2. art. 1., nec non Auctor Bibliothecæ Gallicæ tom. 27. part. 1. art. 5., ubi ejus tractatus specimen exhibet, ac tandem Auctor fufiori, Epistolæ de eodem ar- gumento, quæ tom. 28. ejusdem Bi- bliothecæ part. 2. art. 20. inserta est, omnia morum præcepta a Chri- sto vetita, adeo rationi, ac natura- li juri niti oportere contendunt, ut quod ratione veritum probari ne- queat, neque divino jure vetitum.

dici possit. Hinc porro quaestionem de usura, sicut & alias morum, non ab auctoritate, sed a ratione, in primis, dijudicari volunt, ita ut ex iis, quæ ratio prædocet, Scri- pturæ, & Traditionis testimonia ex- plicanda sint, non autem contra. Cum porro a ratione usura demon- strari haud facile possit injusta, ut plures fatentur; cum divitibus autem, ac mercatoribus justa porius, & æ- qua satis a ratione ab iisdem præ- feratur; hanc jure divino vetitam dici non posse, causamque totam finitam esse concludunt. In hanc ab- surdissimam sententiam, quæ non solum dicenda, sed constituta etiam everteret, nonnulla differenda sunt, antequam de naturali jure, ac ratio- ne disputationem aggrediamur.

## §. II.

*Impugnatur, tum quia divina lex præcipere, aut vetare potuit, quæ naturali jure præcepta, ac veti- ta non sunt, tum quia in iis ipsi, quæ naturali jure con- tinentur, divina revela- tio rationi præferenda est, non autem contra. Er- ror cujusdam adver- sarii impugnandus proponitur.*

2. **E**T primo, etsi quæcunque natu- ralis sunt juris, confirma- ta consistit a Christo in lege Evan- gelica; num tamen nihil præter ea, quæ naturali jure præcepta, vel ve- tita sunt, ille confirmaverit, non ita certum, & exploratum est, ut adversarii contendunt. Certe ma- trimonii jam consummati dissolutio non omni casu interdicta est natu-

rali jure, cum dissolvi possit matrimonium ejus, qui altero conjugē infideli repugnantē, ad fidem convertitur: & nihilominus hanc dissolutionem inter fideles a Christo veritatem Catholicum dogma tradit. Similiter polygamia simultanea ex Christi lege illicita est, quæ tamen est in antiquis Patribus damnari non possit, dubium exoritur, num Dei dispensatione, an ex naturali jure licita sit. Ita ergo etiam usura, etsi naturali jure non esset interdicta, ubi sane interdictam certissime credo; divino tamen non minus vetaris, quam novæ legis jure vetari potuisset. Res enim per se satis honesta est, etsi naturali jure necessaria non præsumatur, usuram vetare, & gratuitum mutuum præcipere; quod cum ex divino certissimo jure factum constet, non idcirco negandum est, siquidem ex ratione, ac naturali jure nihil præceptum, aut interdictum præsumatur.

3. Sed hac hypothesi interim prætermittenda, præsumtoque veluti certo eo S. Thomæ, ac plurium Scholasticorum principio, nihil ex veteri lege confirmatum a Christo in præceptis moralibus, nisi quod naturali jure præceptum, aut vetitum est; non idcirco naturalis ratio ad hanc naturalem legem adstruendam ita necessaria haberi debet, ut Deus nihil præcepisse, aut verasse dicendum sit, quod in naturali lege evidenter (a ratione) non continentur. Les préceptes de Morale, que Dieu a donnés, ne commandent & ne défendent rien qui ne soit évidemment contenu dans la loi naturelle. Hoc enim qui statuunt, non tam rationem naturalem in naturali jure requirunt, sed eam solam audire, & sequi volunt, ita ut ex ea ipsam divinam legem adstruant, vel negent. Ita, in naturalibus præceptis nulla Scripturæ, nulla Traditionis, aut Ecclesiasticæ auctoritatis ratio habenda esset, nisi quatenus rationi con-

sentanea judicetur: & divina lex ad mores pertinens, non a revelatione, sed a ratione esset repetenda, atque dijudicanda, & a ratione etiam, quæ cuique singulatim suadeatur, ut Auctor Epistolæ contendit: *Chacun doit trouver dans son propre fond les principes pour décider sur ce qui est permis ou défendu*. Id autem cum in prævatum spiritum divini verbi iudicem, & interpretem ex hæreticorum sententiâ statuendum recidit, tum vero divinam revelationem, ac legem rationi ita subiecit, ut ex ratione, quæ cuique videatur, divina lex, ac revelatio adstruenda, vel neganda sit; si modo divinæ revelationi locus relinquatur, ubi ex sola ratione totum negotium definiendum præfertur. Hinc ejusdem Epistolæ Auctor præsentem controversiam de usura, sicut & ceteras ad naturale jus pertinentes, nec divinæ revelationi subiecit, nec ad dogma spectare posse contendit: *C'est que ce que la loi naturelle décide, ne peut jamais devenir un objet de foi*. In hæc absurda incurrant oportet, qui, ut usuræ patrocinentur, certissimum de usuris dogma humanis ratiocinationibus eludere nituntur. Pauca quædam ad consultationem sufficient.

## 6. I I I.

*Quanti facienda sit auctoritas sacra, & revelatio, in decidendis ipsius morum controversiis, præ ratione naturali: & quam necessaria.*

4. Catholicam fidem non solum speculativa, sed practica etiam dogmata complecti adeo certum est, uti certum est ad fidem pertinere quæcunque in sacris libris continentur, quorum pleraque præcepta cum ad regendos mores dirigantur, seu (ut inquit S. Paulus 2. Timoth. 3. v. 16.) *ad docendum, ad arguendum, ad corripiendum, ad erudiendum in iustitia*; si hæc

Tom. 18.  
Bibliothèque  
Françoise  
Part. 1. art.  
10. p. 278.

Traité des  
crets de co-  
meses P. 10.

hæc ab objecto fidei deberent excludi, porior Scripturarum pars a Catholica fide præcédenda esset. Catholica Ecclesia ab hoc principio alienissima semper fuit; & cum ex Scriptura, tum ex Traditione doctrinam morum semper exquisivit, cum ex iisdem didicavit morales controversias, dogmataque certa exinde proposuit, quibus qui adversaretur, hæreticus esset, non minus quam ille, qui speculativis dogmatibus obviam iret. Hinc jure Gallicanus Clerus in celebri decreto an. 1700. hoc principio usus est: *Religionem Christianam fide, & moribus constare, dogmatum autem tum fidei, tum morum eundem esse fontem, ac bene vivendi regulam ad ipsam fidei caput pertinere, Ecclesia Catholica semper intellexit.* Qui rationem privatam in morum controversiis præferunt, quod in controversiis fidei non audent; ii animadvertant, rogo, Tridentinum Concilium sess. 4. ubi aquali freno coercendam putavit eorum temeritatem, qui, in rebus fidei, & morum Scripturas ex proprio sensu potius, quam ex Patrum, ac Traditionis doctrina interpretari ausierint. Si ea perfecta ratione uteremur, quæ errori non esset obnoxia, porior semper locus divinæ auctoritati dandus esset. Cum autem ea nobis in hoc seculo ratio sit, quæ & magnis ignorantia, & majoribus etiam cupiditatum tenebris impedita, atque obvoluta, in morum negotiis maxime cæcitur, quis hunc ducem satis tutum credat, ut divinam auctoritatem negligendam putet? Immo quis e contrario rationi, seu potius ignorantia propriæ non maxime diffidens, divinam auctoritatem consulendam non judicat, ut non minus fidem, quam legem perdiscat? Ita sane David in Psalmis, ac præsertim Psal. 118., legem ex Dei verbo exquirendam, doctrinamque ejus ab ipso Deo enixe petendam frequenter inculcat: filiusque ejus Salomon

Tom. I.

Sap. 9. v. 3. & seq., legis, ac præceptorum scientiam postulat a Deo, de ratione tunc vehementer, propterea *quod corpus, quod corrumpitur, aggravat animam, & terrena inhabitatio deprimit sensum* &c. Ita Isaias c. 8. v. 10., Michæas c. 6. v. 8., alique Prophetæ missi fuerunt ad instituendos in morum doctrinam illos, qui a ratione veram doctrinam ignorabant: & Christus de præceptis morum interrogatus, nunquam ad rationem, semper ad legem divinam, aut doctores legis remisit: *In lege quid scriptum est? quomodo legis?* Luc. 20. 28. 29. *Super cathedram Moysis sedent Scribæ, & Pharisei* &c. Matth. 23. 2. 3. Cum vero hi legis doctores ex propriis ratiocinationibus male, vel imperfecte legem explicarent, idem Christus adeo rationi in hoc negotio nihil permisit, ut monitione illa premissa, se unum esse Magistrum, cui obaudire omnes discipuli debent, singulis mandatis legis veteris, quibus ex Phariseorum doctrina aliquid deerat, ipse suo verbo, cui omnes nulla alia ratione quaesita obsequerentur, veram, & perfectam intelligentiam subjecit: *Disum est antiquis* &c. *Ego autem dico vobis* &c. inter quæ mandatum de usura vitanda recensetur.

5. Enimvero si hunc divinum datum deferamus, nonne timendum est, ne cæci, ratione cæcitate ducti, in perniciosissimos errores labamur? Exempla insignium errorum, quibus apud Gentes sola ratione ductas licita putabantur multa, quæ ipso naturali jure nobis certissime illicita sunt, ejus veritatis invidium argumentum præbent. S. Paulus ad Ephesios scribens c. 4. v. 17. monet Gentes ambulasse in *vanitate sensus, sui tenebris obscuratum habentes intellectum, alienatos a vita Dei per ignorantiam, qua est in illis, propter cecitatem cordis ipsorum.* Sed quid Gentes appello? Nonne Christianis etiam Theologis quampluri-

B b

mis

mis contigit, ut vel damnatos ante errores excitarent, vel novos in medium producerent, propter summam luxuriantium ingeniorum licentiam, qua ab Evangelicæ doctrinæ simplicitate, Sanctorumque Patrum Traditione declinantes, ratiocinationibus auscultare maluerunt, ut Alexander VII. observavit in Decreto diei 24. Septemb. an. 1665. In hac naturæ lapsæ corruptela nihil magis, quam de sola ratione metuendum est; non quod si vere ratio sit, contra naturalem legem pugnet; sed quod error, rationis, & veritatis imaginem sepiissime præfert, irreperitque facillime, ita ut bonum dicatur malum, & malum bonum: quod in ipsis exploratoribus præceptis accider, si cupiditate præfertim impellente, ad examen singula revocemus, ut ipse Tacitus observavit l. 2. Hist. Si ubi jubeatur, querere singulis licet, percurrite obsequio, etiam imperium intercidit.

6. Hæc itaque errorum pericula ut evitentur, simulque ut brevior, omnibusque patens sit ad veritatem via, divinæ revelationis, & auctoritatis inquisitio, & cognitio præferenda est: in quam rem egregie admodum S. Thomas 1. part. quæst. 1. 2. 1. Ad ea etiam, quæ de Deo ratione humana investigari possunt, necessarium fuit hominem instrui revelatione divina: quia veritas de Deo per rationem investigata, a paucis, & per longum tempus, & cum admixtione multorum errorum homini proveniret. Stet igitur, in ipso naturali jure dignoscendo auctoritatis sacræ, ubi inveniri possit, primas partes esse oportere, rationis autem secundas: ita ut ubi ex sacra auctoritate certum sit aliquid esse licitum, vel interdictum, ratio consulatur, si placeat, ut confirmetur, quod ex dogmate constat, non autem ut ipsum dogma in dubitationem adducatur, vel ut (quod eodem recidit, & adversarii in-

præsentiarum contendunt, ne certum dogma videantur repellere,) aliorum explicanda, seu potius distrahenda dicantur, quæ certum dogma demonstrant.

## §. I V.

*Hærenus constituta ad questionem de usura applicantur, indeque cautio adhibenda statuitur.*

7. Ita fiet, ut cum de scenore, quæritur, quod a divitibus, ac mercatoribus exigitur, certa præferatur Scripturarum, ac Traditionis auctoritas, quæ illud a Deo prohibitum proditur, ut superiori libro demonstratum est; nec rationes illæ, quæcumque secus videantur probare, quæpiam movebunt. Hoc sane principium auctori *Tractatus de mutuo commercii* certissimum habitum est in prima tractatus parie, ubi de lucro a pauperibus exacto Theologum agens aliquanto rigidior, Scholasticos in invidiam vocare voluit, quod rationem potius, quam auctoritatem consulentes, exceptiones admiserint, quas nec Scriptura, nec Traditio suggerit; & inter cetera hæc quoddam loco scribit: *S' ils eussent plus consulté la règle de la foi, que le raisonnement humain, ils auroient été facilement convaincus, que dans les prêts, dont Dieu parle dans sa loi, & qu' il commande dans l' Évangile, tout le péril du sort principal doit tomber sur le prêteur.* Et alibi: *La doctrine de l' Écriture, & des Pères est de la plus grande simplicité... & ce n' est point de ces sources pures, que les Scholastiques ont tiré les exceptions qu' ils admettent.* Ita adversarius de lucro a pauperibus exacto, cum Theologum agit adversus Scholasticos, qui nonnullas ejus lucri ab usura quandoque vindicandi exceptiones afferunt. Jure, ne, an injuria hæc de Scholasticis scripta sint, alterius loci erit cognoscere.

Tracté pag. 1. 10. 25. 29. 31.

pag. 11.

gnoscere. Interim jure, ut opinor, velim, ut idem auctor non alia methodo uteretur, dum de usura & divitiis, ac mercatoribus exacta agitur. Si enim Scholastici iustissimam reprehensionem mererentur in ea controversia, in qua rationes potius, quam Scripturam, ac Traditionem consulissent; quidni eandem reprehensionem ipse, & ceteri ejus defensores subierint, qui in presenti disputatione ita rationem auctoritati præferunt, ut evidentissima Scripturarum, ac Traditionis documenta, ex ratiocinationibus, quæ ipsis gravissimè videntur, vel dissimulare, & contemnere, vel per summam vim, quam illa non ferunt, interpretari nituntur?

8. Num Scripturæ, ac Traditionis testimonia, & argumenta, quæ superioribus libris in statuum Catholicum dogma digessimus, explorata, ac certa per se sint, quivis æquus lector judicabit. Adversariis autem videndum etiam, atque etiam erit, ne ratiocinationibus præpediti, atque impediti, ea aliorum, ac sensus obviis possulat, intelligere, aut restringere velint: id enim esset non rationem auctoritati subservire, quod unice faciendum est, sed auctoritatem subservire rationi; nec primas auctoritati partes, sed rationi dare, quod ex hæcenus dictis perversum est, & ab ipsis adversariis reprehenditur. Si porro omnem usuram nulla exceptione a Deo veritam ex Scriptura, ac Traditione liqueat; hocce Catholicum dogma immortale stare debet, quæcumque a ratiocinatione objiciantur: hocque principio præsumto, ad naturalis juris questionem sine periculo accedere licet, ut si a ratione naturalis jus confirmari possit, bene verat; sin autem non possit, nihil a Catholico dogmate possit dimovere. Hæc est ea cautio, quam ad coercendam adversariorum temeritatem hoc capite prædocere opus fuit.

## CAP. II.

*Duplici via de naturali jure circa usuram agi potest, ab auctoritate sacra, & a ratione.*

*Quid sacra auctoritas doceat, in primis statuitur.*

**D**E naturali jure in rebus moralibus duplici via cognoscere licet. Primum a revelatione divina, vel auctoritate Ecclesiæ, quatenus revelatum, vel auctoritate Ecclesiæ definitum sit, aliquid jure naturali veritum, vel præceptum esse; deinde a ratione, quatenus ipsa naturalis ratio aliquid veritum, vel præceptum dicet. Nonnulla utraque via constant, alia autem alterutra. Ratio quidem naturalis, cum ex ipso prodeat naturali jure, quod in ipsa recta ratione continetur, ubi quid ex se præceptum, vel interdictum probet, id juris naturalis esse certum est. At cum hominum ratio in hac corruptione naturæ multis tenebris involuta sit, fieri aliquando potest, ut in ipso naturali jure, quod ratio non definit, sacra definiat auctoritas; hæcque ad naturale jus certissime cognoscendum satis est: ut patet ex nonnullis, quæ a ratione in controversiam adducta, solius Ecclesiæ auctoritate (ex gr. in propositionum quarundam condemnatione) naturali jure illicita nihilominus credenda omnibus sunt. De naturali porro jure circa usuram ut plene cognoscamus, utramque viam experiri juvat. Et primum ab auctoritate sacra, quam in divina revelatione, idest in Scripturis, & Traditione, nec non in doctrina Ecclesiæ positam diximus.

1. Exordiamur a veteri Testamento, in quo vel per adversarios certum est, ad naturale jus pertinere, quod de mutuo citra usuram pauperibus tradendo, in Exodo, ac Levitico præcipitur. Solum oppo-

Argumenta  
naturalis juris  
ex veteri  
Testamento

B b 1

nitur

nitur Deuteronomii locus, ubi usura cum alienis permittitur. At cum alienus ibidem intelligi possit etiam pauper, ut vidimus lib. IV. c. 1., cum id contra naturale jus ex ipsis adversariis pugnet, in usura approbationem, saltem generalem, hic locus asseri non potest. Cum poro varias interpretationes suscipiat, de quibus legendus est lib. II. c. 2.; evidens inde arguuntum elici nequit ad usurae defensionem ex naturali jure, nihilque impedire nos debet, quominus exploratiora aliunde ex ipsa Scriptura inquiramus, ut quid circa naturalis jus censendum sit, efficacius statuatur.

Ex Psalmis.

3. Primus autem sese offert Regius Psalter, qui Psal. 14. edocuitur omnes, quæ ad coelestem patriam consequendam necessaria sunt, ut generalem, quæ omnes homines comprehendat regulam præstituat, nihil proponit, quod naturalis juris omnibus commune non sit; cumque inter cetera usuram interferat, eam perinde prohibens, ac falsum testimonium, perjurium &c., quis hanc unam ad morale jus non pertinere asserit? Certe lex Moysis civilis, qua soli Judæi tenebantur, Gentes ligare non poterat. Naturalis igitur legis omnia esse dicenda sunt, quæ David hoc in Psalmo omnibus tam Hebræis, quam Gentibus necessaria proponit; neque enim ad solos Hebræos, sed ad omnes, hujus Psalmi verba dirigi ex toto contextu manifeste cognoscitur.

Ex Ezechiel.

4. Apertius Ezechiel c. 18., justitiam, & injusti proprietates describens, justitiam, ac injustitiam naturalis juris, seu moralem, non autem ceremonialem, vel legalem aperissime profert. Hinc singula, quæ commemorat mandata, si attentè consideres, omnia naturalis juris esse deprehendes. Neque enim difficultas ingerenda est de accessione ad menstruatam, ac si id legale fuerit, & non naturale, quod frequentissimè, ac gravissima filius, qui eo tem-

pore concipiebantur, damna inferrebat, ut in hunc locum observavit S. Hieronymus: *Disuntur conceptus fetus vitium seminis trahere, ita ut leprosi, & elephantiaci (quid est elephantiaci, pessimo totius corporis cancro, laborantes) ex hac conceptione nasquantur.* Quæ damna si nunc non apparent, neganda idcirco non sunt de temporibus antiquis, in quibus ita morbi quidam grassabantur, qui sensim desier., uti postremis hisce temporibus irrefertur quidam morbi, quos antiqui ignorarunt. De lepra quidem apud veteres, Hebræos præsertim, frequentè, ac maxime odiosa debitare non licet, quemadmodum in singulari dissertatione de lepra Moysæa ostendit Daniel Clericus. Inter has porro naturalis joris, ac justitiæ partes Ezechiel ponit usuram vitare, sicut non vitare inter naturalis injustitiæ crimina collocat. Quis ergo unam usuræ vitatorem inter capita naturalis juris, ac moralis justitiæ relatum, ad legalem justitiam transferre æqua ratione possit?

5. Quod si hæc ex Davide, & Ezechiele non videantur omnino evidentiæ, exploratus eorum, & vehementius quiddam ex novo Testamento proferre licet, in quo veterem usura prohibitionem confirmatam a Christo ex Catholico dogmate insinuari nemo potest. Ex tribus præceptorum generibus, quæ in veteri Testamento distinguuntur, moralibus seu naturalibus, judicialibus, & ceremonialibus, sola moralia, quæ ad naturale jus pertinent, in Testamento novo custodita, confirmata, & ad perfectionis gradum perducta, omnes post S. Thomam notant. Lix enim Ecclesiæ licuit quadam judicialia ad tempus repetere, nonnullas item veteres sacrorum ceremonias ad ritus Ecclesiasticos transferre; hæc tamen non Christi, sed Ecclesiæ præscriptione facta fuerunt, cum omnium & ceremoniarum, & judicialium legum vis subacta, fuerit

Ex novo Testamento.

Vide probationes digestas lib. 2o.

per



per Christum, qui dum *legem*, & *Prophetas usque ad Joannem* viguisse affirmavit Luc. 6., de his præceptis intellexit, non autem de moralibus, seu naturalibus, quorum legem sibi non solvendam, sed perficiendam, ejusque iustitiam apud nos abundare, idest perfici oportere palam testatus est. Hinc quidem Sanctus Irenæus sola *naturalia legis*, quæ scilicet ad naturalem legem pertinent, a Christo confirmata, ac perfecta commemorat l. 4. adversus hæreses c. 27. *Dominus naturalia legis..... non dissolvit, sed extendit, sed & implevit.* Et ad hæc nominatim insequentibus refert, quæ Christus in sermone ad discipulos habito in Monte præcepit, ubi in præcepto mutui, quod ad perfectionem perduxit, usuræ prohibitio confirmata fuit. Neque moveat, quod Christus nonnulla etiam præter naturalem legem prohibuerit, veluti simultaneam polygamiam uxorum, atque divorcium quoad vinculum, quæ apud ipsos Hebræos, saltem aliquo casu, erant permissa. Nam præterquamquod hæc in multorum sententia ad naturale (1) jus aliquo modo pertinent, a quo Hebræi speciali de causa a Deo potuerant dispensari (neque enim omnia naturalis juris mandata æque indispensabilia sunt) si tamen positivo juri hæc tribuenda credantur; aliud est de iis, quæ in veteri lege permissa, Christus novo jure prohibuit, aliud autem de iis, quæ in lege veteri prohibita confirmavit. Plura sunt in novo Testamento, quæ Christus præter veteris Testamenti legem novo jure sanxit, uti patet præsertim in Sacramentis, ac quæcum polygamia, ac divorcium pertineat, potuit in his nova lex con-

di, etiam si nec naturale, nec positivum veteris Testamenti jus illa verale præsumatur. Cum autem dicitur nihil ex veteri lege Christus confirmasse, quod ad naturalem legem non spectet; non de præceptis novo jure latis, sed de confirmatis, atque perfectis intelligitur. Cum itaque Christus veterem usuræ prohibitionem confirmaverit, atque perfecerit; hanc ad naturale jus referendam manifestum est.

6. Addere nonnulla etiam possemus ex Traditione Patrum, qui etiam usuram ex divina lege sapiens damnent; nonnulla tamen afferunt, quibus eam naturali jure damnatam se credidisse aperitissime innuant. Alii enim cum ipsum Moysen in prohibenda usura injustitiam ejus spectasse affirmant ( *ὁ Ἰουδαῖος injustum censens, ut ex pecuniis usuras legamur*, inquit S. Clemens Alexandrinus l. 2. Stromat. c. 28.) usuram utique non ideo malam, & injustam credidere, quia per Moysen legem verita fuit, sed ideo potius veritam, quia per se mala, & injusta erat, hoc est ex ipsa lege naturæ. Hinc etiam alii in damnatione usuræ, injustitiam ejus non a lege divina, sed ab intrinseca inæqualitate derivant, qua minus datur, & magis exigitur: *Plus accipere, quam quis dederit, injustum est*, Lactantius ait l. 6. Institut. c. 28. Huc referuntur illa S. Joannis Chrysostomi Hom. 56. al. 57. in Matth. *Hoc injustitia vinculum est; hac obligatio violentiarum patiturum. De, inquit, non ut accipias, sed ut plura reddas... Tu plus quam dederis, exigis, & quod non dedisti, ut debitum tibi cogis numerare eum, qui non accepit; nec non illa Cal-*

sioco-

(1) Quædam scilicet, etsi per se universim mala non sunt, cum tamen plurimis periculis, & scandalis sine obnoxia, eo naturali jure universim veran ut, quod periculorum, & scandalorum causas vetat. Vide dicenda cap. 6.

fiodorii in Pf. 15. v. 10., ubi fœnus hæc ratione prohibitum iradit, *quia vitium cupiditatis est exigere velle, quod te necesse commodasse.* Paria habent S. Zeno Episcopus Veronensis tract. 9. c. 1. n. 4., S. Ambrosius de Tobia c. 3., S. Augustinus enarra. 3. in Pf. 36. n. 6. & alibi sapius, S. Leo Magnus serm. 16. de jejuniio decimi Mensis, Beda in Pf. 14., & alii plures, quos recitare non vacat. Alii etiam usuræ injustitiam in eam causam referunt, quod hoc lucrum sine ullo iusto titulo perinde colligatur, ac quicquid ipse non seminavit, nec labore ullo excoluit, sibi colligeret. Hoc naturalis injustitiæ argumentum inculcatur a multis, nec ex ingenio eductum, sed ex ipso sumum Evangelio videtur, ubi Christus in parabola servi desidiiosi usuram designat veluti lucrum ei injusto domino congruum, qui tollit quod non posuit, & metis quod non seminavit, de quo plura attulimus l. II. c. 6. n. 4. Hinc ergo usuræ injustitiam reprehensurus S. Gregorius Nazianzenus orat. 15. in plagam grandinis, scribit: *Alius usuris, & sanoribus terram contaminavit, colligens, ubi non seminaverat, & metens, ubi non sparserat.* Et S. Basilus in Pf. 14. usurarium alloquens, ait: *Sine terra plantas, sine satione metis; & Sanctus Gregorius Nyssenus in orat. contra fœneratores: Vult omnia sibi sine satû, & inarata progigni &c.* seu, ut S. Joannes Chrysostomus loquitur Hom. 56. al. 57. in Marthæum, *sine terra, sine pluvia, sine aratro seminare &c.* Alii tandem sterilitatem pecuniæ inculcant, ex qua usuræ parum exigere contra ipsam naturam est. S. Gregorius Nyssenus az, & aurum parere non solita, incredibiles partus per usuram edere notat, at ita naturæ contrarios, ut Hom. 4. in Ecclesiasten exclamet: *O improbam conjunctionem, quam natura quidem non novit!* Et S. Joannes Chrysostomus loco nuper alle-

gato non minus repugnare naturæ affirmat hunc usuræ fœtum, quam repugnet secundum mulieris uterum scorpiones parere: *Quis pecuniam, iustus partum laboribus sæpe reddit iniquam ob iniquos fœtus, ac si quis secundum uterum cecat scorpiones parere.* Legenda sunt, quæ de hoc partu naturæ contrario latius disserunt S. Basilus in Pf. 14., & S. Ambrosius de Tobia c. 12. & 13. Quid quid est de rationum istarum substantia, Patres certe, qui has rationes attulere, profecto crediderunt usuram adversari rationi, atque naturæ.

7. De Scholasticis nihil dicam, quos usuram non minus divino, quam naturali jure vitiam, certa, communique sententia expresse tradere notissimum est. Horum autem auctoritas quanti sit, cum communis est omnium, alibi offendimus: neque tamen succenseri illis potest, ut nonnulli perperam succensent, quasi novam sententiam invexerint; ea enim, quæ Patres tradiderunt, suscepisse, ac docuisse ex dictis liquet.

8. Si autem cum Scholasticis aliquos Concilia, atque Pontifices posteriorum temporum usuram naturali jure vitiam pronunciarunt, id non inconsideranter ex præjudicio scholastico excidisse, sed a Traditione Patrum, & ab ipsius Scripturæ fonte manasse dicendum est. E Pontificibus indicabo Gregorium XIII. in literis ad Baviaræ Ducem die 27. Maji an. 1581., ubi contrarium, quem Dux proposuerat, usurarium definiens, eundem nulla consuetudine, vel humana lege purgari posse ait, *cum sit jure divino, & naturali prohibitus.* E Conciliis autem Synodus Provincialis Beneventana XIII. an. 1656. tit. 58. n. 1. de usura ait: *Judaismus redollet, ac juri naturali, cum pœstivo, seu divino, seu humano adversatur.* Plura si quæras, alibi invenies. Hæc Scripturarum, Traditionis, ac Ecclesiæ.

Ex Scholasticis.

lib. 4. c. 1.

Ex Conciliis, & Romanis Pontificibus.

eleſiæ auctoritas utrum de naturali jure ſatis definiat, Catholicus leſor judicet. Nunc ad alia naturalis juris argumenta tranſeamus.

## CAP. III.

*Jus naturale de uſura inhoneſtate, atque injuſtitia ex nonnullis Gentium indiciis, ac placitis colligitur.*

Objeſti-  
onad-  
vocatiorum  
ex legibus  
Gentium de  
Viſus.

1. **C**um uſura apud omnes ſere nationes legibus induſta fuerit jure quodam Gentium, quod a naturali plures derivant; eam jure naturæ licitam uſurarum patroni probare ſolent. Conſtat, inquit Salmaſius c. 10. de Uſuris pag. 165., a jure Gentium inſtitutam ſœneratitiam mutuati-  
onem, quod ſecundum jus naturale, eſſe diximus, huic juri naturali non poſſe haberi contrariam. Nihil enim introductum jure Gentium, aut alio quolibet .... quod contra illud jus faciat, a quo primum ſuis conſtitutum. At cum leges de uſura, quæ juri Gentium, ac naturali tribuuntur, uſuras certo modo definias, indifcriminatim probarint, ſive a divitibus, ſive a pauperibus exigentur, quod poſtremum contra naturale jus eſſe ipſi adverſari ſaten-  
tur; quam malum hoc argumentum ſit, nemo non videt. Multa alia per ſe mala Gentium leges permiſiſe inveniuntur, ut ne proinde ea naturali jure licita affirmare liceat; poſſeque legiſlatores civiles ex ipſo jure, etiam naturali, minus malum permittere, ad majus evitandum, quod alia via impediti non poſſit, alibi offendimus. Itaque nihil ex hiſce Gentium legibus, & multo

minus ex factis pro uſuræ deſenſione elici poſſeſt. Potius ſi quæ nihilominus contra uſuram apud ipſas Gentes inveniantur argumenta, cum hæc non aliunde, quam a naturali ratione, & jure originem ducant, ad naturale jus ſtatuendum plurimum conferent. Eja igitur videamus, quæ ſœneratitiæ pravitatis indicia apud Gentes extiterint.

## §. I.

*De uſura inhoneſtate Gentibus etiam vulgo cognita.*

Reſoluitur.

2. **P**rimo uſuræ inhoneſtas, de qua egregium teſtimonium ponit (1) M. Caro, adeo per ſe lucet, ut apud ipſum vulgum Gentium cognita fuerit. Hinc enim ſœneratitius quaſtus inter illiberales, inhoneſtos, & ſordidos vulgo habitus, ſœneratores ipſos in odia hominum inducebat. Præclare Cicero ex Latinis lib. 1. de Officiis: *Primum improbantur ii quaſtus, qui in odia hominum incurrunt, ut porſitorum, & ſœneratorum.* Ex Græcis autem Ariſtoteles 1. 1. Politic. c. 7. *Optima ratione omnibus odio eſt ars ſœneratrix, quod ab ipſo mutuo quaſtus fiat.* Quare Senatoribus, aliſque honeſtiſſimis viris hic quaſtus aliquando vetitus fuit, ne eorum dignitas hoc lucro dehoneitaretur: Certe iis, qui dignitates occupant, quique Senatum magnum conſtituunt, non licet hujusmodi lucro dehoneſari. Lex apud illos eſt, qua id prohibet. Verba ſunt S. Joannis Chryſoſtomi Hom. 34. al 37. in Matthæ. Neque alia de cauſa ſœneratores quidam uſuræ noſcen ſuegiebant, pudebatque ſeſe ſœneratores.

(1) Lib. 1. de Re ruſtica, ſœneratitio quaſtu rei familiarem præ mercatura commode poſſe augeri ait, ſi eſſet honeſtus: *Et interdum præſtare mercaturis rem quærere, ni tam periculoſum ſit, & item ſœnerari, ſi tam honeſtum ſit, vel, ut legitur in ms. Vratiſlavienſi, ſi tam inhoneſtum non ſit.* Vide edit. Geſneri.

Ambrosius, de  
1. ubi. c. 14.  
Greg. Nyls.  
Orat. in fu-  
neratores.

res prodere, ut S. Ambrosius, & S. Gregorius Nyssenus iradunt, nisi quia hanc inhonestatis notam, publicanque reprehensionem hominum incurrere displicebat: unde S. Augustinus Serm. 3. in Psal. 36. n. 6. palam edixit: *Quam detestabile sit, quam odiosum, quam execrandum, puto quia & ipsi funeratores noverunt.*

Fateatur &  
adversari.

3. Neque ipsi usurarum patroni hoc potuerunt inficiari. Audien-  
dus inter ceteros Salmastius c. 18. de Usuris pag. 527. *Invisum esse funerationem Aristoteli assentior; inhonestam esse etiam concedo.* Et pag. 530. inter varias artes *invisæ aliæ, inquit, & odio dignæ, ut funeratoria.* Iterum c. 21. pag. 634. *Certe & Gentilium Philosophi usuram ἐπὶ τοῖς δίδου καὶ μιστῶν χρηματισμῶν . . . . esse pronunciarunt invisum, & inhonestum quæsum.* Et in præfatione pag. 45. *Si satis illis (Theologis, & Canonistis) esset funerandi professionem, ut fordidam, & inhonestam vocare, huic non invisus & punctum, quo notaretur, adderem.*

Juris natu-  
ralis inho-  
nestas colli-  
gitur.

4. Mihi vero hæc usura inhonestas ab ipsis Gentilibus agnita, nec ab adversariis negata, primum naturalis malitiæ indicium, & argumentum est. Quid enim sordidus, torpis, & inhonestus hic quæstus est, nisi quia naturali honestati, atque justitiæ aliqua ex parte adversatur?

De usuro p.  
529. Objec-  
tiones.

5. Neque in defensionem alias artes inhonestas, quæ tamen illicitæ non sunt, Salmastius apponat, ex. gr. vespillonum, qui cadavera efferunt, fornicariorum, qui cloacas publicas purgant, veteramentario-

rum, qui veteres calceos resciant, & aliorum ejusmodi, quorum artes ut inhonestas probro esse suis professoribus Aristides in prima Platonica pro Rethorica tradit. Aliud enim est de artibus, quæ ex materie, vel officio viles, aut etiam infames, honestoque homine indignæ habentur; aliud autem de iis, quæ cum materia non habeant inhonestam, solum lucrum per se turpe, ac inhonestum habent. Cum primi generis artes ex sola materie, vel officii vilitate inhonestatem habeant, lucrum inde perceptum per se honestum, ac licitum, est: quæ autem ex ipso lucro inhonestæ sunt, in iis hicrum honestum, & licitum esse non potest. Quid autem in funeratione turpe est, nisi ipsum lucrum?

6. Neque mercaturam obiciat, quam etsi per se, ac ex materie honestam, Honorius tamen, atque Theodosius nobilibus interdixerunt tanquam inhonestam, nec propterea illicita dicitur. Ea enim Honorii, ac Theodosii lege, quam in suum Codicem Justinianus retulit tit. De *Commerciis, & Mercaturis*, non omnis mercatura vetita fuit, sed illud solum mercaturæ genus, suti fatetur Salmastius pag. 536. *quod perniciosum urbis est, nimirum, cocionatorium, quo merces ab aliis mercatoribus emuntur, ut vendantur protinus pretio cariore.* Hoc autem negotiationis genus cum Republicæ *nihil proficiat*, inquit Cicero, immo (1) perniciosum urbis sit (unde quedam (2) benemoratæ civitates cociones olim repulerunt, atque hodie etiam repel-

Refellit  
alia obiectio

lunt)

(1) Similiter in præfat. de Usur. pag. 22. *Non de illa loquor mercatura, quam aversillatores, vel cociones olim Romani disti faciunt, qui ab aliis mercatoribus emunt, quod vendant carius. Nec enim illa utilis civitatibus censenda, nec ulla laude digna, quin potius & perniciofa judicanda est, & pro sordidissima habenda.*

(2) Vide Salmast. ibid. c. 19. pag. 555.

lunt) non tam inter inhonesta, quam inter illicita averendum est, ut ipse Salmastius non obscure subindicat pag. 95. & 336. Sicubi vero nobiles ab omni negotiatione etiam licita exclusi sunt, quod servilis, ac illiberalis haberetur: non tamen inhonesti habita, nec odiosa, nisi quæ inhonestum, ac perniciosum Reipublicæ lucrum quæreretur. Hinc ergo cum sceneratio inhonesti, & odiosa ex solo lucro Gentibus fuerit; sceneratitium lucrum inhonestum, ac perniciosum Reipublicæ, ac proinde illicitum apud ipsas Gentes satis agnitum fuit. Hujus inhonestatis causæ in sequentibus capitulis declarabuntur, ubi ex ratione agemus. Nunc satis est ex ipso communi Gentium etiam vulgarium sensu hujus inhonesti lucri testimonia protulisse.

## §. II.

Sapientum Ethnorum testimonia  
contra usuram.

7. **A**D naturale autem jus illud maxime pertinere videtur, quod sapientissimi Gentium, cum Philosophi, tum Jurisconsulti, sceneratitium lucrum a natura abhorre-  
re dixerunt. Aristoteles l. 1. de Republica c. 10. sceneratitium artem appellans, inquit: Illa autem, qua in permutatione nummi consistit, merito vituperetur (non enim natura consentanea est, sed in ea alter ab altero lucrum aucupatur) optima ratione omnibus in odio est ratio feneratoritrix, quod ab ipso nummo quæsitum fuit, & non ad quam rem paratus est, usurpent. Permutationis enim causa natus est: fœnus autem eum auget, & multiplicat; unde, etiam nomen hoc invenit. Similia enim sunt ea, qua pariuntur, iis, qua gignunt, & procreant. In fœnore autem pecunia pecunia paritur, ac fetus est. Quapropter maxime omnium querenda pecunia rationum  
Tom. I.

Philosophorum.

abhorret hæc a natura. Cur ex nummis, meræ commutationis usus per se interservientibus, usuram, seu pretium usus querere ab ipsa natura nummorum maxime abhorreat, videbimus cap. 5.; nunc enim solam Aristotelis sententiam subducere nobis propositum est. Nec absimiliter Seneca l. 7. de beneficiis c. 10. Quid fœnus, & Kalendarium, & usura, nisi humana cupiditatis extra naturam quæsitæ nomina. . . . Quid sunt ista tabula, quid computationes, & venale tempus, & sanguinolenta censura? Voluntaria mala ex constitutione nostra pendencia, in quibus nihil est, quod subijci oculis, quod teneri manu possit, inanis avaritiæ somnia. Quod ait Seneca usuram, extra naturam esse, eodem recidit ac quod dixit Aristoteles usurarium lucrum ex nummis querere maxime abhorre ab ipsa natura nummorum; unde hoc lucrum non ex ipsis nummis, nec ex usu ipsorum, qui post illorum consumptionem nihil est, ut cap. 3. fusius explicabimus, sed ex mera constitutione nostra, nullo naturali titulo, atque ratione percipi affirmat.

8. Quæ res ipsi sceneratorum vulgo persuasa fuisse videtur. Cum enim ii, Plutarcho teste in opusculo de vitando are alieno, irridebant Physicos, qui ex eo, quod non est, existere quidpiam posse negabant: nam apud ipsos ex eo, quod neque est, neque subsistit, nascitur fœnus; idem fatebantur, quod Seneca fœnus ex eo nasci, quod nihil est, cum nec sit, nec subsistat amplius pecunia, aut pecuniæ usus, ex quo nasci dicitur, ac propterea nasci illud profitebantur ex nihilo: adeo extra, seu potius contra naturam hic fœtus est.

Feneratorum Ethnorum.

9. Hoc idem etiam Jurisconsulti aliquot in locis indicaverunt, cum professi sunt usuram in fructum non esse, nimirum non esse fructum naturalem pecuniæ, quippe quæ nec ex ipso corpore nummorum, neque

Jurisconsultorum.

C c

Natura

*natura nascitur.* Pomponius L. 121. D. de verb. signif. *Usura pecunia, quam percipimus, in fructu non est; quia non ex ipso corpore, sed ex alia causa est, idest nova obligatione.* Et Papinianus L. 62. de revind. *Usura non natura provenit, sed iure, idest ex constitutione Principis persolvitur.* Si neque ex pecunie corpore, quod per se sterile est, neque natura foenus provenit, unde in fructu pecunie non est; profecto contra naturam pecunie exigitur. Hinc etiam Justinianus l. 2. Instit. tit. 4. *usumfructum nulla naturali ratione cadere affirmavit in res, quae ipso usu consumuntur, uti sunt illae, quae mutuo dantur; usumfructum autem non recipere idem est, ac in fructu non esse.*

Obiectio refellitur.

aut constitutionem Principis obicias, ex quibus usurae parantur, ut laudati Jurisconsulti dixerunt; sicut & usumfructum pecunie Senatusconsultum constituit. Nam cum naturalis fructus, aut ususfructus pecunie nullus sit; quidquid vel obligatio, vel constitutio, seu Principis, seu Senatus, ad fructum eliciendum conetur, contra naturam ipsam pecunie profecto erit, ita ut si nihil aliunde iustum accedat, hunc fructum exigere contra rationem naturalem maxime sit. Enimvero Senatus cum rerum consumptibilium ususfructum invenit, non fecit quidem earum rerum ususfructum, inquit Justinianus loco allegato, nec enim poterat: quod explicans Gerardus Noodt l. 2. de usufructu c. 20. *Non enim, inquit, potest Senatus pecunia naturam mutare; uti in hanc quidem rem aperte traditur a Gajo L. 2. D. de Usufructu earum rerum &c. dum scribit: Senatusconsulto non id effectum est, ut pecunie ususfructus proprie esset; nec enim naturalis ratio auctoritate Senatus commutari potest.* Solum per cautionem, addit Justinianus, quasi ususfructum constituit Senatus. Et Gajus;

*Remedio introducto caput quasi ususfructus haberi.* Porro quasi ususfructus, qui nec verus, nec proprius ususfructus est, fictitium ususfructum significat fictione legis inductum, qui scilicet in pecunie jam consumptae quantitate fictione juris ficto item dominio praesumptam cadit, ut explicabimus c. 5. §. 3. Sicut autem Senatus fictitium ususfructum, ita & constitutio Principis, & obligatio, seu stipulatio fictitium tantummodo fructum parit, qui scilicet verus, & naturalis fructus pecunie non est; uterque autem nulla naturali ratione, & contra propriam pecunie naturam, quam nec Senatusconsultum, nec constitutio, nec obligatio ulla immutare potest. Qui autem fructus nulla naturali ratione ex pecunie corpore, neque natura, sed sola fictione, & mera, ut ait Seneca, constitutione nostra, idest nostro arbitrio provenire potest; contra naturam, & rationem proculdubio est, ita ut nisi alio iusto titulo aliunde purgetur, iniquus, & iniustus fructus sit, uti cap. 5. latius probabitur; hic enim solam Jurisperitorum, ac ipsarum Romanarum legum confessionem proponimus, qui aequae ac Philosophi usuram a natura pecunie abhorrentem professi sunt.

### §. III.

*Ex ipsa praxi, & economia legum Romanarum usura pravitas colligitur. De legibus, quae usuram vetuere. Cautiones, & conditiones legum, quae usuram permiserunt, earumque ferendarum consilium. Historico-Chronologica earundem legum Synopsis.*

21. Quid quod ipsa Ethnicarum quoque legum circa usuram praxis, atque consilium, nonnulla hujus rei argumenta, vel

Leges usu-  
ram vetan-  
tes apud ip-  
sas Gentes.

vel indicia suppeditat? Primum u-  
suræ nonnunquam legibus vetitæ. Id  
quidem in bene constituta republica  
lege cavendum Plato monuerat lib.  
3. de legibus: *Nemini mutuum da-  
re ad sanus licito: ei qui secus fa-  
cit, neque sanus, neque fors reddi-  
tor.* Plures bene morati populi hac  
lege non indigebant, quandiu bo-  
nis moribus ipsam rationem, & na-  
turam secuti, fœnus non tam igno-  
rarunt, quam aversati sunt, ut de  
antiquis Germanis Cornelius Tacitus  
prodidit, inter quos *virtute*  
*præcipuos Batavos* recenset, quibus  
est barbaris fœnus agitare, & in-  
usuras extendere ignotum, ideoque  
magis servatur, seu (ut corrigendum  
putat Salmasius) *aversantur, quam*  
*si vetitum esset*; scilicet ut idem Ta-  
citus subdit: *Plus ibi boni mores va-  
lent, quam alibi bona leges.* Idem  
de aliis nationibus proditum est,  
ac nunc etiam obtinet apud quos-  
dam Orientis populos, qui solam  
naturam ducem, ac magistram agno-  
scent. Ubi vero avaritia hoc lucri  
genus edocuit, atque invexit, le-  
ges non ad probandum, sed ad pro-  
hibendum, vel coercendum hoc ma-  
lum latæ fuerunt: ita ut leges istæ  
nihil pro naturali jure usurarum,  
ut nonnulli conieciunt, sed potius  
contra usuras faciant.

11. Equidem ut de legibus ve-  
tantibus in primis dicam, ad usu-  
ræ vetationem pertinet lex illa ve-  
tus Romana, cuius Appianus me-  
minit lib. 1. de Bell. civil. p. 381.  
*Cum lex quadam vetusta vetaret fœ-  
nore dare: siccini reddendum, quod*  
*Græce legitur: Νόμος τινὸς παλαιῦ*  
*προκαγορευόντος μὴ δανείζειν ἐπὶ*  
*τόποις.* Nescio, utrum Appianus  
hoc loco respexerit legem Genucia-  
am A. U. C. 411., de qua Livius  
lib. 7. n. 42. Invenio apud quosdam  
L. Genucium tribunum plebis tulisse  
ad populum, ne fœnerare liceret. Hanc  
cerie Genucii legem appellat Tacitus  
l. 6. Annal. ad an. 786., scri-

bens: *Postremo vetita usura, mul-  
tisque plebiscitis obviatum itum frau-  
dibus*; inter quas insignis illa, quæ  
descripta a Livio lib. 35. n. 7. in  
causâ fuit, ut Genuciæ legis inter-  
dictum an. U. C. 360. lege Sem-  
pronîa ad focios Latinos extendere-  
tur, ut Gerardus Noodt observat  
lib. 2. de Usuris c. 4. Hic autem  
quæro, qui vetari omnino potuisset  
usura, si per se licita esset? *Usura*  
*pretium usûs* definitur, &  
perinde defenditur licita, ut licet  
pretium usûs ceterarum rerum exi-  
gere. Nihil tale veritum unquam  
fuit in rebus ceteris, quæ verum  
usûs pretium suscipiunt. Cur ve-  
taretur in sola pecunia, nisi quia  
hæc verum, & legitimum usûs pre-  
tium non capiat? Si enim unus  
pretii excessus displicebat, modus  
pretii imponendus, ut in aliis re-  
bus fieri mos est; non autem om-  
nis usura vetanda, si qui pecuniæ  
usûs pretium aliquod meretur.

13. Quod si aliæ subinde leges  
usuram permiserunt, non autem  
abstulerunt prorsus; id in coercionem  
eo tempore factum est, cum  
fœneratorum avaritia aliud reme-  
dium non ferret. Alterutrum enim  
ex illorum malitia periculum im-  
minere solet, vel ne mutuum ne-  
gent indigentibus, si legum usu-  
ram prohibentium observantia exi-  
gatur, vel, si dissimuletur, ne usuras  
etiam gravissimas ex arbitrio extor-  
queant: quod utrumque in maxi-  
mam inopum ruinam vergeret. No-  
ræ etiam sunt turbæ, quas excita-  
runt fœneratores, cum de cohiben-  
dis usuris actum fuit. Vide Appia-  
num de Bell. civil. l. 1. p. 381., &  
Tacitum l. 6. Annal. ad an. 786.  
Inter hæc pericula præstabat cer-  
tum usuris modum imponere, ut  
sic & egentes mutuum invenirent,  
& fœneratorum avaritia freno ali-  
quo coerceretur.

14. Hoc itaque consilio, cum-  
jam ex sola avaritia hominum sen-  
sum irrepressisset libera fœnoris li-  
cẽtia,

De legibus  
usuram per-  
mittentibus,  
& earum  
consilio.

licentia, prima lex pro usuris lata inter duodecim tabulas id solum, severissimis pœnis cavit, ne quid supra unciarium sœnus exigi posset: *Primo duodecim tabulis sanctum, idest sancitum est, inquit Tacitus l. 6. Annal. ad an. 786., ne quis unciario fœnore amplius exerceretur, cum antea ex libidine locupletum, agigaretur.* Lex autem cum pœna, quadrupli his verbis exprimitur Tabula III. *Si quis unciario fœnore, amplius fœneravit, quadruplione luto.* Quam pœnam respiciens Cato l. 1. de Re rustica: *Majores nostri, inquit, sic habuerunt, & legibus posuerunt, fœnem dupli condemnari, fœneratorem quadrupli. Quanto pejorem civem existimaverint fœneratorem, quam fœnem, hinc licet existimare.* De hoc unciario sœnore, quod forte non servabatur, nova rogatio est perlata an. 397., & plebs aliquanto eam cupidius servit, accepitque ex Livio l. 7. c. 16. Esti autem unciario fœnore facta levata, usura esset, inquit idem Livius eodem l. 7. c. 19. ( unciarium sœnus levis usura erat ) anno tamen U. C. 406. *seminunciarium tantum, ex unciario fœnus factum ex eodem Livio n. 27.; ac tandem Lege Genucia omne sœnus vetitum anno, ut diximus, 411. Ita legibus confcripta avaritia est, inquit idem Livius l. 35. n. 7., uti sane meræ coercionis finem omnes textus exhibent; & confcripta quidem non solum illis, quæ usuram vetarint, sed illis etiam, quæ intra certos fines coercuerunt. Idem dicendum de posterioribus legibus, quibus legislatores nunquam probationem, sed coercionem usuræ semper spectarunt, unde ipsam centesimam, quæ pluribus tandem, legibus permixta fuerat, coerceri identidem studuerunt; ita tamen ut quidquid permitterent, non probarent leges, sed eatenus permitterent, quod sine majori publico damno prohibere non possent. Hinc aliquandiu, cum usura vulgo per-*

mittebatur, Senatoribus interdita fuit, nimirum ante an. 405., ut ex S. Joanne Chrysostomo vidimus l. II. c. 7.; & quando eisdem permittenda visa est, non tota vulgaris usura, sed media tantum permixta: quod factum non fuisset, si hæc stipulatio habita fuisset licita. Nunquid enim Senatoribus illicitum esse debet, quod per se justum, & licitum est? Nunquid vetita fuisset ipsis exactio locationis domorum, & media locationis pœnis iisdem præfixita? Paret igitur meram coercionem avaritiæ factam, sive cum usura centesima vulgo, sive cum minor senatoribus fuit aliquando permixta. Hæc autem permissio, quæ solam coercionem mali præfert, nonne reprobatio potius, quam vindictio usuræ est?

15. Quid porro si in hac ipsa permissione notas adhuc illiciti, & non naturalis lucræ ab ipsis legibus præfixas ostendam? Usuram, quam non ex corpore, nec natura prodire noscebant, obligationi permiscere quidem; sed non omnis obligatio universim sufficiebat, nisi in stipulationem deducta fuisset. Hinc Africanus respondit, pecunia credita usuras nisi in stipulationem deductas deberi. Et Severus, atque Antoninus usuras sanctæ pecunie circumvinculum stipulationis peti non posse. Itaque ex nudo, aut simplici pacto, quod stipulatione certis præscriptis verbis addita non muniretur, usuræ non debebantur, nec exigi poterant. Quid ita? Si pactum simplex usurarum justum esset, sicuri in ceteris justis contractibus valet, quidni in usuris valuisset? Si usuræ essent fructus naturalis pecuniæ, quæ mutuo traditur, contractus mutuo, cujus obligatio abique stipulatione, aut etiam verbis, sed re, ut ajunt, contrahitur, statim ipsa re usuræ pariter contractæ fuissent. At ex re, quæ in mutuum cadit, sola restitutio sortis, non autem usuræ contrahuntur. Hinc

Notæ illiciti lucræ in iisdem legibus. Tres restrictiones usuræ.

Usuræ exigi non poterant, nisi in stipulationem deductæ.

L. 24. D. de præscripti. verb.

L. 3. C. de Utilius.

usura



usura nec ex corpore, nec natura nasci dicta est, uti nascitur mutuum; ac propterea Ulpianus L. 21. D. de rebus creditis, Proculi auctoritatem allegans, etiam si quid supra sortem pactum sit, ut in usura accidit, solam tamen sortem condici posse affirmavit: *Si decem dero, ut undecim debeant, putat Proculus, amplius quam decem condici non posse.* Et rationem affert Paulus L. 27. D. de pactis: *Re enim non potest obligatio contrahi, nisi quatenus datum sit & quod ipsum repetitur* L. 9. C. de non numerata pecunia, & alibi. Si autem ex re, seu corpore mutuo usura non debetur, quia, ut diximus, in fructu naturali pecunie non est; cur, quæso, ex stipulatione, non autem ex pacto debeatur? Num stipulatio plus juris per se affert, quam simplex pactum? Certe sicut Senatuf-consultum \* naturam pecunie immutare non potuit, usumfructum dando, quem pecunia non fert; ita nec pactum, nec stipulatio. Quod ergo uni stipulationi permissum, negatum fuit pacto simplici, ad meram usurarum restrictionem pertinet: idque ne pacto negatum dicamus contra usurarum naturale jus (nihil enim pariter restrictum fuit in fructibus, qui in aliis contrahibus jure naturali proveniunt) hæc restrictio usurarum peculiaris, hunc fructum a natura alienum indicat, quia scilicet pecunia, ut leges ipsæ testantur, in fructu non est.

16. Hoc idem confirmant duæ aliæ usurarum conditiones, quibus ipsa quoque usurarum stipulatio iisdem Romanis legibus restricta fuit. Usuras incertas, seu non definitas, etsi in stipulationem deducas, non deberi certum jus est ex L. 51. D. de usuris. *Quod in stipulatione sic adjectum est, & usuras, si qua competerint & nullius esse momenti, si modus non adiciatur.* Et L. 42. eodem titulo, cum quidam in chirographo suo scripisset, se mutuum

redditurum Kalendis proximis, cum suis usuris placitis inter contrahentes; quæreturque, an ex eo instrumento usura peti possent, & quæ, Modestinus respondit: *Si non appareat, de quibus usuris conventio facta sit, peti eas non posse.* Quæ de re & Græci in Basilii lib. 23. tit. 3. tom. 3. pag. 441. in scholio lit. A. scribunt: *Si quis ita stipulatus sit, Spondes te mihi redditurum pecuniam tibi a me creditam, & usuras competentis; inutiliter stipulari videtur, si indefinite eas stipuletur; debuerat enim certum modum eis imponere, & exprimere quadrantes, aut semisses. Quid certæ definiendæ quantitatis defectus, usurarum exactioni, saltem quantitatis infimæ, præjudicaret. si naturale, & justum esset in pecunia mutua usus pretium? Num qui locaret opera, vel domum, sub competentis non definita mercede, omnis saltem infimæ mercedis actione privari posset, nisi injuncte?*

17. Rursus usura, quamvis in stipulationem deducas, cum ad æquandam sortem pervenissent, non amplius currebant. Id apud Ægyptios Bocchoridis lege canum tradit Diodorus lib. 1. pag. 71. *Ultra duplum per usuram augeri sortem vetabas.* Apud Romanos vero notissima res est. Ulpianus L. 26. D. de condictione indebiti & Supra duplum autem usura ..... nec in stipulationem deduci, nec exigi possunt. Aliquando sane usura jam soluta ad dupli computationem non proficiebant, sed tantum solvendæ, ut liquet ex Antonini L. 10. C. de usuris. At idem de solutis, ac de solvendis statuendum Justinianus censuit Novell. 121., & 138., ne melioris conditionis foret debitor propter frustrationem, quam si usuras suo tempore ex fide solvisset. Quid si in duplum sortis cresceret, sive soluta, sive solvenda, locatæ domus, prædii, aut equi pensio, jussu ne interdiceretur unquam, ne amplius curre-

Nec poterant augeri, cum ad duplum sortis pervenissent

(\*) Vid. sup. tit. 10.

Usurae tamen in stipulationem deductæ non poterant exigi, si non erant definitæ.

ret? Sola iniuste, & indebitè usurarum pensionis exactio id interdictum recepit non iniuste, quod in aliis iustis pensionibus iniustum fuisset. Hinc forte Iustinianus Novell. 160., ut ab hac generali usurarum limitatione exciperet contractum quendam Aphrodisiensium, in quo annua pensio fortem equaverat, illum ad fœneratitium contractum non pertinere prætulit, *siquidem*, inquit, *magis annuo redditui, quam usurarum præstationi similis videtur*; quæ exceptionis ratio (vera ne in casu, an falsa fuerit lib. VI. c. 7. dicam) restrictionem illam, quæ in usura valet, in alio contractu non valuisse satis demonstrat.

De usuris, quæ etiam sine stipulatione in bonæ fidei iudiciis exigebantur.

Nihil usuræ prodest, sed obest potius.

Lib. 1. de fœnore & usur., cap. 6. p. 241.

Solius damni refarciendi causa inducitur.

L. 60. D. pro socio.

18. Successu porro temporis inductum fuit, ut quæ olim usuræ sola stipulatione poterant exigī, etiam sine stipulatione in bonæ fidei iudiciis exigerentur: ac tandem constituto Principis accessit, quæ omnino in iudiciis hanc exactio- nem præcipit. Hæc posterior legum præxis ad usuræ approbationem magis conferre videri potest. Ego autem si iudicia bonæ fidei in primis perpendo, nihil video, quod ex primævo ejusmodi legum consilio decedens, usuræ suffragetur. Hæc enim iudicia non alia de causa in- vecta ostendit Gerardus Noodt, u- surarum ceteroquin patronus, nisi ut provideretur iis, qui ex mu- tuo damnum paterentur. Olim nimirum nusquam, inquit ille, apud Ciceronem, neque apud alium au- ctorem, qui libera floruit Republica, ullum vestigium usura officio iudicii præstanda sine stipulatione. Ea vero mutata primus Labeo (sic enim lib. 2. c. 5. jam conieci ex Pomponio) fiducia ingenii, atque eruditionis, qua fuit maxima, & multa inno- vavit veterum decreta, in bona fidei iudiciis usuras sine stipulatione in- troduxit, sed non quasi usuras, sed quasi id, quod interest. Is enim pla- cuit ei color, maxime si mora ex re esset. De initio hujus epochæ mul-

ta deinceps affert, ex quibus plures leges conciliantur; quæ enim usu- ras ex sola obligatione, aut stipula- tione colligunt, ante Labeonis in- ventum scriptæ fuerunt; quæ autem officium etiam iudicis in bonæ fi- dei iudiciis addunt, posteriores in- veniuntur. Porro id, quod interest, ad cuius æstimationem Labeo retu- lit bonæ fidei iudicia, idcirco non proprie usura est, quia ejus æstima- tio, inquit laudatus Noodt, *pro ra- tione cessantis lucri, aut emergentis damni fit; ex utroque enim constat id, quod interest.* L. 13. D. Ratam rem haberi, L. unic. C. de senten- tiis, qua pro eo, quod interest, proferuntur. Hinc in iudiciis id genus non usura proprie dicta approba- tur, sed sola compensatio ejus, quod interest creditoris non caruisse pecunia. Agebatur enim in casu Labeonis de socio, qui cum ex so- cietate pecuniam in communem u- tilitatem debebat negotiari, in- proprium usum converterat, mo- ramque adhibuerat; & hunc usuras præstare debere Labeo ait, inquit Pom- ponius loco citato, *sed non quasi usuras, sed quod socii interest moram eum non adhibuisse.* Itaque in his usuris decernendis compensatio lu- cri cessantis ex mora alterius socii spectata fuit, quæ non est usura proprie dicta: non autem specta- tum fuit lucrum ex usu pecuniæ a socio privatim adhibitæ, quod so- lum usura propria est, & habetur unde usuras ejusmodi ex mora debi- torum inflicta, pro eo scilicet, quod creditoris interest, non in lu- crum petentium infligi Paulus re- spondit L. 17. D. de Usuris, quia scilicet non lucrum proprie ex pecunia sunt, sed restauratio ejus, quod interest. Igitur in bonæ fidei iudiciis sola restauratio ejus, quod interest, approbata fuit, non autem usura. Immo cum probata so- la æstimatione ejus, quod interest, nihil solvendum præsumtum fuerit, ubi nihil interest; usura utique per-  
se

Lib. 2. c. 6. p. 214.

Non usura proprie approbata, sed id, quod inter-

se injusta habita fuit: si enim iusta fuisset habita, etiam præter id, quod interest, in bonæ fidei iudiciis solvenda fuisset.

19. Solum cum æstimatio ejus, quod interest, non *in jure*, sed *in facto* consistat, ut monuit Paullus L.

24. *de Regulis juris*; hæc autem facta pro variis conditionibus variam, & difficilem æstimationem capiant; ne vel creditores paterentur dispendium, si etiam uti aliquid interfit, nihil solveretur, vel debitores nimium graverentur, si a creditoribus æstimatio ejus, quod interest, pro opinione, aut ex libito efferreretur; cautum fuit, ut in iudiciis bonæ fidei ex mora (1) fixum quoddam pretium ad usurarum modum solvendum judicaretur. Præclare in hanc rem Gerardus Noodt L. 2. de Fœnor. c. 6. pag. 215., postquam de difficili taxatione ejus, quod interest, scripsit: *Si creditori fiat jus, aut necessitas taxandi damnum, quod possit ex mora debita pecunia pati, quæro, quis fuerit exitus litium de ea nasciturarum tam frequente pecunia credito, in eoque difficili probatione ejus, quod interest. L. ult. D. de stipulationibus prætorii;* & nonnullis in probationem allatis, concludit tandem: *Difficilis igitur est probatio ejus, quod interest.... Et ideo consequens fuit utilitati expediendarum rerum, quæ maxima est in civili societate, damnum ex pecunia non soluta natum magis usurarum modo finire, quam merito iudicis arbitrio.* Hoc itaque fixum, & certum pretium in iudi-

ciis bonæ fidei solvendum ad modum usurarum, ex legum mente pro aqua æstimatione ejus, quod interest, non autem pro usura habitum noscitur. Hunc constitutio Imperatoris, quæ hunc modum fixit, non aliud, nisi æquam æstimationem ejus, quod interest prospexit. Quod enim Labeo in suam societatem invexerat (neque enim de alio contractu ille, nec ex eo Pomponius loquuntur) Principes susceperunt, & ex eadem æquitate juris ad ceteros casus omnes, in quibus id, quod interest ex mora intervenire potest, & ad omnia bonæ fidei iudicia, in quibus ex mora iudicium fertur, nova constitutione extendendum censuere, ut laudatus Noodt pluribus probat. l. 3. c. 6. pag. 244., ubi et constitutionis auctorem paullo post Labeonis ætatem Imperatorem Antoninum Pium fuisse satis probabiliter conjicit. Eadem igitur constitutionis Principum, ac iudiciorum bonæ fidei ratio, & consilium est, ut non usuram, sed tantum id, quod interest, approbatur. Solum divulgata hac generali lege, ad præcedendas, ut diximus, lites, fraudesque impedendas, ex abusu hominum, qui ex mora semper usuras petebant, etiam si ipsorum nihil interesset, vel non tanti interesset, quanta erat usuræ præscriptio; ex hoc, inquam, practico abusu, non autem ex legum consilio factum est, ut vera, & propria usura passim exigereur, iudiciorum, ac legum præsidio, & sic etiam legibus, & iudiciis proba-

De confirmat  
tione Prin  
cipis in usu  
rarum taxa  
tione, & de  
ejus consi  
lio.

Unde vera  
opinio de  
probatis u  
sulis.

(1) Hinc fixo semel pretio ejus, quod interest, in usurarum modum ad finiendas lites, & fraudes præcavendas provisum fuit, ut nihil supra eum modum exigereur, ne in iis quidem casibus, in quibus majorem æstimationem ejus, quod interest, quipiam præferret, qui sola usurarum taxatione contentus esse debebat. Vide L. 10. D. de periculo, & commodo rei vendita, & L. 70. §. 2. D. de Legatis, secundo.

Id autem quantum a legislatoris mente abfuerit etiam in ufurarium stipulatione.

ta (1) crederetur. Recte autem cogitantibus, a vera legum, ac iudiciorum institutione, & mente id alienissimum est.

20. Cum tandem ex iisdem legibus eadem habeatur iudiciorum bonæ fidei vis, & ratio, ac stipulationis in ipso mutuo appositæ, ut liquet ex L. 7. D. de negotiis gestis; profecto sicut in iudiciis bonæ fidei non fuit ex legum mente probata, nisi sola æstimatione ejus, quod interest, ita nihil aliud in stipulationibus probatum dici debet. Et quemadmodum in illis, ob difficilem æstimationem ejus, quod interest, quæ ex facto, non ex jure pendet, taxatum fuit certum pretium; ita certum stipulationibus pretium præfixum fuit: cum in præxi judicare, quid cuiusque intersit, difficile sit, & pluribus etiam fraudibus obnoxium esse queat. Unde illa Venuleii L. 11. D. de stipulat. prætorii. In ejusmodi stipulationibus, quæ quanti res est, promissionem habent, commodius est certam summam comprehendere, quoniam plerumque difficilis probatio est, quanti cuiusque intersit. Hac, ut reor, una de causis, usura, quæ antiquis temporibus ad frenandam fœneratorum avaritiam, majusque malum impediendum, intra fines coercita fuit, sequiori postea tempore probanda visa est, non pro iis, quorum nihil interesset, & in quibus vera es-

set usura, sed pro illis tantum, quorum interest aliquid, & in quibus non usura propria, sed damni compensatio est. Inter quos, cum discernere haud facile sit; ne repellerentur fortassis, qui iustum titulum habent, satius iudicatum est generali lege certum usuris modum præfixere, quam æstimationis ejus, quod interest, taxam, & arbitrium (2) cuius permittere. Hac generali lege plures male usi, etiam ubi nihil intererat, usuram legum auctoritate probatam opinati sunt; cum tamen ex legum mente sola æstimatione ejus, quod interest, probata dici possit. Certe si per ipas leges præter id, quod interest, in bonæ fidei iudiciis probari nihil potuit; quid probari per easdem leges potuit in stipulationibus, ad quarum normam ipsa iudicia bonæ fidei probata sunt? Hinc sane Moliæus ipse in tractatu de Usuris n. 75. non aliud spectasse affirmat legislatores Romanos in legum omnium serie, nisi ut metam usuris præfigerent, his ipsis usuris duntaxat contraberetur, quod creditoris interest. Putasne Juriconsulti vixisse ita juris civilis in hoc solum laborasse, ut metam præfigerent usuris..... & non potius, immo duntaxat his, quæ in compensationem ejus, quod creditoris interest, vel, quod fort reddatur, interesse poterit, stipulantur? Illud vero cum sensus communis,

(1) Ex hac item opinione, & præxi illud etiam evenit, ut postea usura veluti fructus (L. 34. D. de Usuris) haberi cœperit ejus pecuniæ, quam in fructu non esse L. 121. de verb. signif. majores sanxerunt: aliaque nonnulla inducta fuerunt in ipsum jus posterioris ætatis, quæ a legibus antiquioribus longissime absunt.

(2) Gerardus Noodt l. 1. de Fœnor. & usur. c. 12. observat, ne liceret ex arbitrio æstimationem ejus, quod interest, nimium augere, certos fines a legibus fuisse positos, quibus æstimatio ejus, quod interest, pecunia credita circumscriberetur, laudatque in eandem sententiam Grotium introduct. ad jurisprudentiam Batav. p. 3. c. 10. ad fin. & Jo. a Sande lib. 3. decis. Fris. tit. 14. defin. 3. Consonat Pufendorfius de jure naturali, & Gentium l. 3. c. 7. §. 11., & in eundem Barbeyracchius not. 5.

*his, tum rerum experientia, ipsa quoque legum omnium id genus series clamat. . . . Et generaliter sequitur, quod iureconsulti, & Justinianus nunquam statuerunt, nec approbaverunt veras, & meras usuras, sed moderatas, & aequabilem intersuris, seu promissui interesse compensationem. . . . Ad hoc enim omnes leges collimasse constat. Jam deserto adversarii simul, & Jurisconsulti praestantissimi testimonio nihil addendum est.*

11. Hæc omnia, quæ ex ipsarum civilium legum æconomia latius digestimus, si quis uno intuitu com: rehendat, atque consideret, intelligit Romanis legibus alterutrum aâ; vel nempe coercitam fuisse fœneratorum avaritiam, ne nimium emungeret, ut in antiquis legibus offensum est; vel probatum fuisse id tantum, quod creditoris interest, ut in posterioribus legibus evenit: nec nisi ex abusu, ac errore vulgari factum esse, ut usura ipsa per se probata indicetur, uti liquebit ex subiecta Romanarum legum Chronologica Synopsis, quæ hæcenus dicta brevius complectetur. A. U. C. 302. prima fœcetris lex tabularum XII. fœnus ad unciarium contraxit, cum ante nulla lege pro fœneratorum libidine ageretur, idque rursum sancitum an. 307. An. 406. iterum contritum fœnus ad semunciarium. An. 411. lege Genucia omne fœnus inter Romanos vetitum. Plures huic legi fraudes pluribus plebiscitis repressæ ex Tacito l. 6. Annal. ad an. 786. Celebris autem illa, quam Livius memorat l. 31. c. 7., ut in socios, qui non tenerentur iis legibus, nomina transfererent. Itaque hæc fraus anno U. C. 360. Sempronia lege coercita fuit, sancitumque, ut Genuciæ legis veratio Romanis facta, socios etiam comprehenderet. Liv. ibid. Harum legum præsidio non pauci debitorum, qui contra veritum a fœneratoribus gravati fuerant, usu-

*Tom. I.*

ras in sortem computandam contententes, differebant reddere, vel etiam legum multam sese exacturos minabantur. Hinc litium, inimicitiarumque materies, ac seditio- num origo, quibus sedandis cum. an. 664. Afellio Prator, partes conciliare frustra nissus, permisisset debitoribus, ut legibus agerent, fœneratores agre ferentes renovari mentionem veteris legis, Pratorem tulerunt de medio ex Appiano lib. 1. de Bell. Civil. pag. 382., qui ex his omnibus antiquis legibus, sive restringentibus, sive vetantibus usuram, priscos Romanos non probasse fœnus. sed abhorruisse a fœnore collegit. In tanta vero fœneratorum violentia evenire facile potuit, ut Pratores legum Genuciæ, & Sempronix negligentia caperet, si præsertim debitores in contrahendo fœnore earundem legum beneficio renunciarent, quod creditores nollent eis pecuniam credere, nisi se eis legibus nequaquam usuros promitterent: ut Gerardus Noodt suspicatur l. 1. de Fœnore c. 4. pag. 211. Hinc usura sensim recepta. Ut frenum tamen aliquod fœneratorum libidini imponeretur, usura Pratorum edictis primum ad centesimam redacta fuit, tum Senatusconsulto firmata, ut ex Ciceronis epist. ult. lib. 3. ad Atticum, & ex Plutarcho in Luculli vita idem Auctor colligit. Ne quid vero Pratores, aut Senatus probasse credamus in fœnoris, ac fœneratorum gratiam, necessitate quadam invitos permis- sisse illud insinuat, quod hujus ipsius usuræ, quam permiscere, modum, ut magis magisque coarctaretur, hisce conditionibus restringere. Primo ut exigi non posset, nisi in stipulationem deducta. Secundo ut ea ipsa, quæ in stipulationem veniret, non deberetur, si definita non esset. Tercio ut cum aquasset sortem, non amplius curret: quod postremum de fœnore nondum soluto olim intellectum, etiam ad fo-

*D d*

*lu.*

lutum a Justiniano protrahum meminimus. Sola stipulatio. in usuris diutius obrinuit ad Labeonem usque, qui usuras, etiam in stipulationem non deductas, in peculiari societatis casu ex mora solvendas censuit, *sed non quasi usuras, sed quod socii inter se moram eum* (socium scilicet, qui communem pecuniam in proprios usus convertit, ac restituere distulit) *non adhibuisse* L. 60. D. *Pro socio*. Hoc initium usurarum in judiciis bonæ fidei ex mora, quod non usuram propriam, sed æstimationem ejus, quod interest, prospicit. Imperator Antoninus Pius hoc Labeonis consilium a societatis casu ad omnes moræ casus extendit. Licet vero id consilium solum æstimationem ejus, quod interest, probavit, non autem usuram proprie dictam; cum tamen difficile sit banc æstimationem, quæ ex facto pendet, dijudicare in praxi, atque exacte taxare; ad finiendas lites, ac fraudes etiam impediendas, satius existimatum est, generali lege æstimationem, & pretium ejus, quod interest, ad modum usurarum, idest ad centesimam, revocare; ac proinde constitutio illa manavit, qua cautum fuit, *ut in bona fidei judiciis tantundem possit officium arbitri, quam stipulatio*. L. 24. D. *Depositi*, vel *contra*.

22. Hæc præcipua legum fœnerarii capita: in quibus nihil apparet, nisi vel repressam, atque restrictam fœneratorum avaritiam, vel probatam tantummodo æstimationem ejus, quod interest. Sola praxis fœneratorum, qui hoc legum consilium non attendentes, usuram legibus, ac judiciis exigebant quotidie, alienam ab iisdem legibus opinionem in populum induxit, ita ut fœnus legibus subinde crederetur probatum, quod, alia licet mente, auctoritate legum in ipsis judiciis exigere: quemadmodum non dissimili ratione non-

nulli adhuc existimant ex ipsis Christianorum Principum legibus, qui a probanda usura alieni, solum, quandoque usurarum modum, vel pro cohibenda avaritia, vel pro taxanda æstimatione ejus, quod interest, præsumendum judicantur. Quod si exceptiones earundem legum considerentur, quibus usuram excludere a certis casibus, in quibus, si per feliciter, excludenda non fuisset; multo luculentior usuræ condemnatio ex iisdem legibus patet.

23. Interim quot ex ipsis Genitibus observationes hacenus crutæ a nolis sunt adversus usuram, tot argumenta, aut indicia videntur suppetere naturalis ejus juris, quo solo illæ potuerunt ab usura abhorre, nec non ejus inhonestatem, ac exactiorem a natura alienam, nullaque naturali ratione purgandam cognoscere, ac tandem hujus inhonestatis, & injustitiæ semina in ipsis legibus, ac judicio praxi inspergere. Sed de ratione ipsa jam differendum accuratius.

## C A P. I V.

*Quatenus usura contraria sit charitati. Mutus officium ex charitate debet esse gratuitum, & eatenus usura charitati repugnat.*

## §. I.

*Duo charitatis mandata, alterum de bono proximorum curando, alterum de malo non inferendo.*

1. **C**Um de naturali jure quæritur, de eo jure quæritur, quod charitas, cui totum naturale jus innititur, præscribit. Principia autem, & leges charitatis si consulantur, usuram eisdem adversari inveniemus. Duo autem

autem celebria charitatis principia sunt omnibus nota. Primum: *Quod tibi non vis, alteri ne feceris*; quod Severus Imperator frequenter usurpasse traditur, legiturque aliis verbis in Appii Cæci oratione apud Dionysium Halicarnasæum, nec non Tobæ c. 4. v. 16. Alterum positivum: *Quæcunque vultis faciant vobis homines, & vos facite illis: hæc est enim lex, & Propheta*, uti ipse Christus docuit apud Matthæum c. 7. v. 12., & Luc. 6. v. 31.; quod item naturalis esse juris patet ex simili Ethnicorum præcepto, Mecenatis apud Dionem, Isocratis ad Nicoclem, Aristotelis apud Lærtium, & Simplicii in caput Epicteti trigésimum septimum. Primum illud ad mala proximi interdicens pertinet, hoc vero alterum ad præcipienda bona. Utrumque autem charitas exigit, quæ proximum nos diligere jubet: dilectio autem cum non sit nuda amoris significatio, sed ea sincera cordis affectio, qua bonum alicui volumus, dilectionis officium erga proximum ejusmodi esse debet, primo ne velinus eidem malum, deinde ut bonum velinus. Primum de malo proximis non inferendo evidentiùs est, alterum autem de bono procurando satis liquet. In usura alieni alterutra ex parte peccari nostrum erit demonstrare, ut usura, quantum charitati adversetur, exploratum sit. De bono proximorum procurando in primis agamus.

## §. II.

*Ex charitate gratis proximo præstanda sunt omnia bona, & officia, quibus eget, quaque eidem præstare nostra nihil interest. Ubi autem interest aliquid, nihil supra id, quod nostra interest, exigendum est, nihilque ex eo, quod proximi intererit, exigere licet. Id valet, sive ex præcepto, sive ex consilio, bonum, & officium proximo præstemus.*

1. **C**haritas, quæ proximum amare, idest bonum eidem velle jubet, ne inanem, sed verum amorem jubeat, exigit nos erga proximum ita affectos esse, ut omnia ei officia, ac bona ex charitate, seu gratis præstemus, quæcunque possumus, quando præferimus, egeat, eaque præstare nostra nihil interest. Neque vero ex hoc naturali charitatis præcepto ab omnibus, quibus aliquis humanitatis, atque charitatis sensus inest, ea solum, quæ levioris curæ sunt, officia, ac beneficia gratis præstanda noscuntur, uti sunt erranti viam, ostendere, aquam, & ignem petentibus communicare, monere de periculo, quod in via a grassatoribus imminet, & id genus alia; sed illa pariter, quibus magnum proximo commodum afferimus, si hæc item præstare sine nostro dispendio sit. Non prohibet quidem charitas, ut si quid incurrendum sit damni in alienis bonis procurandis (lucrum etiam cessans ad damnum refertur) id quod nostra interest, damni rescindi nomine, possumus quarere, nisi magna proximi necessitas, & inopia huic quoque juri renunciari velit. At si absque detrimento alios juvare possumus; quantumcunque sit bonum, quod nostra opera proximo procuremus,

D d 2

five

Vide Grotium in hunc  
Matthæi locum.

sive ex præcepto, sive ex consilio procuretur, jubet charitas, id sine ullo quæstu gratis præstari. Ita si quis sua opera pacem conciliet, injustam litem impediatur, negotii utilis suscipiendi auctor sit, officium utile proximo digno obtineat &c., homo honestus pretium non exigit ejus officii, quod alii proficit, sibi autem nihil noceat. Legendi in hanc rem, quæ Pufendorfius, & Barbeyrachi ex juris naturalis principiis afferunt lib. 3. de Jure naturæ, & gentium c. 3. §. 3., inter quæ egregia plane illa Tullii ex Ennio lib. 1. Offic. c. 16. *Una e re satis præcipit, ut quidquid sine detrimento possit commodari, id tribuatur vel ignoto. Ex quo sunt illa communia, non prohibere aqua profluente, pati ab igne ignem capere, si quis velit, consilium fidei deliberanti dare; qua sunt iis utilia, qui accipiunt, danti non molesta. Quare & his utendum est, & semper aliquid ad communem utilitatem afferendum.* Si hæc ex sola humanitate ab ipsius Ethnicis scripta fuerunt, quid ex Christiana charitate a Christianis dicendum? Ex ea charitate, inquam, quæ cum proximum diligat sicut seipsum, proximi bona non ex proprio, sed ex proximi bono quærenda, & curanda præcipit, ac si sua essent: *Non qua sua sunt singuli considerantes, sed ea, qua aliorum;* quod alieni boni procurandi mercedem, si præsertim nihil nobis sit damni, omnino excludit. Non omnia quidem bona ex charitatis præcepto quæ procuranda omnibus sunt; sed aliqua tantum, & certis in casibus. Quoties tamen procurentur, sive ex præcepto, sive ex consilio, aut voluntate procurentur; eatenus procuranda sunt, ut, si nihil nostra intersit, nihil exigamus ex eo charitatis officio: si quid autem intersit, nihil supra id, quod nostra interest, exigamus.

3. Neque vero dicas, hæc va-

lere quidem, ubi bonum proximo ex charitate procuretur: non semper autem ex charitate procurandum; tum autem licere ex proprio commodo procurare, & eatenus aliquid exigere, ita tamen, ut, si non ex eo, quod nostra interest, certe ex eo, quod intersit proximi, lucrum nostrum metiamur. Hæc enim qui dicunt, nondum charitatis jura intelligunt. Eth in bono procurando, cum proximus non eget, charitatis mandatum non suppetat: quoties tamen bonum procuretur, si non semper ex charitate procurandum est, ex ea certe charitatis lege est procurandum, quæ nihil, nisi quatenus nostra interest, jure exigere possit permittit. Neque vero, ubi nostra nihil intersit, ad aliquid pretii exigendum, spectanda est proximi utilitas. Sicut enim pretia rerum in omnibus contractibus æstimationem non ex eo, quod interest accipientis, sed ex eo, quod interest dantis, ut ex ipsis Romanis legibus non solum S. Thomas 2. 2. q. 77. a. 1., sed et Grotius in Luc. c. 6. v. 35., alique omnes de jure Gentium scribentes fatentur: ita procurare bonum proximo pretii æstimationem non meretur ex eo, quod proximi interest, sed ex eo solum, si quid ejus intersit, qui bonum procuret, ita ut si nihil hujus intersit, nihil pretii exigere jure possit.





## §. III.

*Ita in mutui officio exigere licet quantum creditoris interest, id est restitutionem capitalis, lucrum cessans, & damnum emergens, quorum vere creditoris interest: nisi pecuniariz necessitas debitorum hoc quoque remittendum exigat. Ubi autem prater restitutionem capitalis nihil interest creditoris, ex eo solum, quod debitoris interest mutuo uti, nihil supra capitalis affirmationem licet exigere. Hinc mutui officium ex charitate gratuitum est, & usura charitati adversatur. Grotii, Molinai, & Salmasii testimonia in confirmationem afferuntur.*

4. **P**orro ex præstituta charitatis regula, quæ æquissima est, & ex juris naturalis principis satis notis promanat, patet quid statuendum sit de mutuo, quod sane inter charitatis officia censetur. Cum mutui officium proximo præstamus, licet exigere quantum interest mutuantis pecunia non carere, non vero quantum mutuatarij interest eadem uti, cui bonum, si nihil interest, vel supra id, quod interest mutuantis, ex charitate gratis præstandum est, sive ex præcepto, sive ex consilio præstetur: & carenus officium mutui ex charitatis lege debet esse gratuitum. Hæc propositio adeo ex dictis explorete sequitur, ut (quod mirum videatur) a nonnullis usurarius patronis concedenda fuerit. Grotius in ipso commentario in cap. 6. Luc. v. 35, ubi pro usura pugnat, primam partem satis expressit his verbis: *Ut autem feratur quantum recipi æquitas permittat, non est spectandum, ut qui-*

*dam censent, quantum lucrifaciat, quod pecuniam sumsit, sed quantum ei abest, qui pecuniam numeravit: sicut in emtione quoque, & aliis contrahibus, nunquam æstimatio facienda est ex eo, quod interest accipientis, sed ex eo, quod abest danti. Eadem totidem fere verbis repetit Epist. 93. ad Claudium Salmatium, ubi suum illi circa usuræ defensionem calculum addit. Similem Molinæ sententiam recitabimus paulo post. Si ex eo, solum quod abest danti, seu quod dantis interest, ita mutui, sicut & aliorum contrahuum æstimatio facienda est, & ex hac estimatione definiendum, quantum in mutuo recipi æquitas permittat, capitale quidem, quod in omni mutuo mutuantis interest, semper exigendum est; at præter capitale licebit exigere si quid ejusdem mutuantis interest, sive ex lucro cessante, sive ex damno emergente, præterea autem, ex sola mutuatarij utilitate, exigere nihil licebit. Hinc etiam Salmasius, alique patroni usurarum, usuræ honestatem ut suadeant, cum fere titulum afferunt, quod mutuantis semper aliquid interest, ut ex eorum testimonio liquebit recitandis lib. VI. c. 1., ubi etiam hunc titulum ad usuram vindicandam in omnibus mutationibus inaniter conficium ostendimus; id tamen nunc nobis arguendo est, vel ipsos adversarios agnoscere, non alio ex capite licere in mutuo aliquid supra sortem exigere, nisi quatenus aliquid mutuantis interest; unde memoratus Salmasius c. 7. de Usuris p. 175. non alias usuras licere putat, nisi compensativas, qua in compensationem dantur ejus, quod creditoris interest pecunia sua non caruisse. Ubi ergo creditoris nihil interest, nihil exigere licebit præter sortem. Ubi autem interest aliquid, licebit id tantum, quod interest exigere, quod meram compensationem damni spectans, mutui pretium non est; & carenus mutui officium, pro quo nihil*

hil in ntroque casu accipi potest, gratuitum esse debet, ut altera propositionis parte affirmavimus.

5. Hæc quidem propria, & vera mutui notio semper fuit, ut beneficium præstent, quicumque mutuum præstant. In mutuo enim donationis speciem contineri S. Gregorius Nyssenus observavit in orat. contra usurarios: *Altera donationis species est mutuum*; unde apud Græcos mutuatio nomine quodam *dōni* appellatur *δῶνος δῶναιον*, id est, *dare ad tempus, quæ est vera mutui notio*, ut Salmasius notavit l. 2. de Usuris pag. 17. Hinc apud Nonnium honestas mutui ex eo commendatur, quod sub amico affectu fiat *meum tuum, usu temporis necessarii*. Immo Salmasius contendit mutuum Latinis appellatum a *siculo μῦθον*, quod est *χῆρις*, & gratia. Inde mutuum pecunia, usus gratuito commodatur, in quo reddendo nihil ultra accepti summam debetur, quam grati animi testatio, hoc est *χῆρις*. In Hebreo item mutuum exprimitur verbo *לָוָה* *Lava*, quo in Niphil significatur, aliquem sibi in amore arctius conjungere, uti sanctæ per mutui beneficium efficitur. Adeo mutuum gratuitum beneficium est, ut vocibus gratiam, & beneficium significantibus, apud Latinos, Græcos, & Hebræos exprimat. Beneficium autem non est, quod lucri animo sit, unde Cicero l. 2. de Finibus: *Nec enim si tuam ob causam* (id est ob lucrum) *cuiquam commodet, beneficium hoc habendum est, sed foneratio*. Usura ergo, quæ beneficii rationem excludit, mutui naturam pervertit, & inficit; adeo contra mutui naturam pugnat. Hinc iure Patres usuram gratuito, ac liberali mutui officio oppositam observantes, hoc mercaturæ genere reprehenderunt liberalitatem vendi facere, & ea, quæ liberaliter, ac gratis offerenda sunt, esse caupones fa-

nerari, ut inter ceteros S. Joannes Chrysostomus loquitur Hom. 36. al 37. in Matthæum.

6. Nec vero inhonestatem quandam late dictam in hoc lucro collocet, quatenus beneficii rationem tollit, non tamen culpam rationi contrariam, cum contrarium rationi non sit beneficium nolle largiri, quod indebitum est; illud cogita, inhonestatis huius rationem non in negando indebito beneficio sitam esse, sed in exigenda mercede ejus, quod ex sua natura beneficium est, & ex quo, si nostra nihil intersit, mercedem exipere est contra rationem, ipso Salmasio fatente c. 7. de Usuris p. 175. *Nam parum sane officiosa est ista mutui datio, quæ lucrum ex officio facere posulat; & mercedem pro re, quæ gratuita esse debet, reponit*. Hoc autem loco plures fatebuntur usuræ crimen, cum mutuum tanquam beneficium confertur, & nihilominus lucrum quæritur, vel cum mutui beneficium pauperibus conferendum est, ex quorum necessitatibus lucri occasionem aucupari non licet. At si mutuum non beneficii, sed lucri causa detur iis, quibus beneficium ex charitate non debetur; est beneficium, ac officium excludatur, lucrum tamen honestum videri. Ita quidem laudato loco Salmasius usuram vindicat, si mutuum non uti officium, vel beneficium conferatur. At si natura mutui, quo aliis opem præstamus, per se officium, gratia, & beneficium est, quemadmodum non tam ex ratione, quam ex ipso Salmasio paullo ante probavimus; idque adeo ut hæc opes, quantumcumque proximo utilis sit, nihili supra sortem estimetur, si creditoris nihil intersit; nonne huius gratiæ, & opis mercedem exigere contra gratuiti officii naturam esse exposito Salmasti principio concludendum est?

7. Hæc omnia quidem confiteatur Molingus adversariorum Corypheus in ipso de Usuris tractatu, ubi

ubi usuras propugnat. Primum enim n. 25. in eandem Grotii, quam posuimus, sententiam, hanc conclusionem ponit: *Ad hoc ut liceat aliquid exigere, vel stipulari supra sortem in mutuo, unica est causa, dumtaxat ( nota unica, & dumtaxat ) quæ est verum, & iustum interesse ipsius creditoris ( idest quantum mutuantis interest ) non autem ex parte debitoris, nec ex eius necessitate, vel lucro.* Hujus autem rationem ex natura mutui subjiçiens, aliam gratui pariem alierit his verbis: *Quoniam cum mutuum debeat esse gratuitum, & in utilitatem recipientis, non credentis, quantumcumque conjet debitorum superlucratum ex mutuo, vel damnum maximum evasurum, non est justa causa, ut quidquam exigere possit creditor ultra sortem.* Fateor, quod est causa justa, ut debitor obligetur ad antidota .... ( idest gratitudinem ) utque creditor a debitore spontaneæ beneficii remunerante, & liberaliter aliquid offerente, recipere possit. Sed non est justa causa, ut quidquam tacite, vel expresse ultra sortem reddi, pacisci possit; quin esset contra naturam, & substantiam mutui, usurarium, & sorti imputandum. Solam autem indemnitatem sibi servari pacisci potest. Et num. 27. Sed occurrit quaestio, an liceat obligationem illam antidotali pacto deducere in civilem, & sic alio modo quam tacite inhi: & communis est sententia Theologorum, & nostrorum quod non. Hinc patuer dixerat n. 25. *Moribus invaluit, ut mutuum debeat esse, & maneat gratuitum, idque falsum est iustum, & rationale, præsertim attendente natura mutui.*

8. Usura igitur pervertens mutui naturam, quam gratuitam præ-

cipit charitas, contra naturam ipsam, & contra charitatem pugnat. Hinc idem Molinæ n. 441. *In usura omnis ordo, & natura, & artis, vel instituti pervertitur.* Et n. 521. *Sordida sanioris negotiatione liberalem officiositatem mutui fodari, ac obliterari fatetur: ac tandem n. 650., eam remotissimam ita:uens mutui speciem, quando fit sub usuris, rationem hanc a natura mutui sumtam in condemnationem usuræ subdit: Tunc enim omnium maxime degenerat a simplicitate, & substantia veri mutui, qua principaliter in officio, & liberalitate consistit. Immo mutuum proprie nihil aliud est, quam officium, & donatio usus pecunie. Sed si fiat sub usuris, iam venditur officium, & sic desinit esse officium, & transit in negotium, funeratorium, qua est species opposita. Text. L. Interdictum, de Precariis: quod tamen ita ponit, non ut usura naturam tollat mutui, sed ut mutuum viuet, & inuinet: Usura enim non est forma, & puritas, sed labor, & inquinatio mutui.* Hinc porro factum puto, ut funeratoria negotiatio male audierit, nec immerito lapidetur, odioque laboraret, ut ille etiam observavit n. 441., quod naturalis alicujus juris violati ex communi hominum sensu argumentum est: jureque idcirco Patres, cum usuram detestati, mutui beneficium sub sœnore, & pretio pontum reprehenderunt; tum ejus officii gratis, cum nihil interest, præstandi debitum commendantes, *Da pecuniam, si habes, dicebant cum Ambrosio; præstet aliis, qua tibi otiosa est; ubi vox otiosa nihil creditoris interesse significat.* Ita sane mutuum, ubi nihil interest, hinc ullo pretio dandum, ipsa humanitas (1) Gentes etiam scœne-

De Tob. 4.  
2. ubi, 1.

(1) Constat id, tum de Græcis, tum de Latinis, ut variis in locis observavit Salmasius. Quin ipsos Trapezitas, qui scœnus ex professione exercebant, amicis gratis mutuum dedisse constat ex Demosthenis Oratione adversus Timotheum.

foenerantes edocuit, cum de mutuo amicis, vel fratribus, quos quis diligeret, credendo ageretur; a quibus si quid exegissent lucri, contra eam charitatem, qua fratres, vel amici diligendi sunt, se agere existimassent. Si vero eadem omnibus charitas exhibenda est ex naturæ institutione, quam docuit Christiana Religio, cum charitatis præcepta ad omnes extendenda docuit; idem gratuitum profecto officium mutui exhibendum est omnibus, quibus mutuum præstandum creditur: hujus enim institutionis, & officii ratio, non ex peculiari fratrium, aut amicorum conditione pendet, sed ex memorata officiorum natura, quæ omnibus communis in officiis estimandis, non quod accipientium, sed quod dantium interest, prospicit, ut nihil supra id, quod dantis interest, in quovis officio præstando exigendum ipsa naturalis ratio dicet, quam & Gentes, & ipsos usurarum patronos novisse monitavimus.

## 6. I V.

*De malo proximis per usuram illato, quod a charitatis altero præcepto vetatur.*

9. **H**æc quoad primum illud charitatis mandatum, quod bonum proximis procurandum præscribit. Eadem vero satis innuunt, quid censendum sit de altero mandato, vetante ne quid eidem inferamus mali. Mali enim species est id ex mutuo exigere, quod præter estimationem ejus, quod nostra interest, exigendum non fuerat. Id autem non tam contra charitatem, quam contra iustitiam est; unde usura ex ea parte, qua gratuitum mutui officium excludit, soli charitati opponitur; ex ea vero, qua aliquid præter estimationem ejus, quod mutuantis interest, nullo iusto titulo exigit, charitati simul,

& iustitiæ adversatur; quod sequenti capite de iniustitia usuræ dissertatur pluribus statuat.

## CAP. V.

*De usura iniustitia, ex naturali jure.*

1. **S**I in antiquis Patrum, aut Conciliorum sanctionibus, quæ adversus usuram late fuerunt, nullum, vel rarum rationis indicium est; id non ea de causa evenit, quod nullum illi de usuræ iniustitia naturale jus agnoverint, sed quod sola divina lex, & auctoritas iisdem satis fuit. Non ejus ingenii erant eo tempore Christiani, ut divini legis rationem quærerent. Ut parerent dictis, divino jure contenti erant. Id pariter hoc tempore sufficeret, nisi quidam hac in parte curiosius inquirentes, ipsum divinum jus ad rationis normam exigendum, & constringendum putarent. Hæc paucis præmonui, ne quis forte rationes, quas sum allaturus in medium, eo solo nomine despiciat, quod in Patribus non inveniantur. Expendat ergo earum intrinsecam vim; & si æqua ratione solvere non possit, manus det.

## 6. I.

*Iniustitia argumentum ex disputatis superiori capite colligitur. Adversariorum fundamentum pro asserenda usura iniustitia proponitur.*

2. **I**n quocunque contractu pretium aliquod supra justam estimationem exigatur, iustitiam lædi nemo inficiabitur: id enim, quod justam estimationem excedit, iniustum est. Porro in mutuo, præter estimationem fortis, & ejus, quod mutuantis interest, nihil estimabile est, ut superiori capite ostendit.

stendimus; mutationis enim officium gratuitum sua natura esse debet; id autem, quod interest accipientis, ad pretii estimationem non pertinere, ex ipso Grotio, Molingo, aliisque usurarum patronis accepimus. Usura ergo proprie dicta, quæ in eo lucro sita est, quod estimationem sortis, & ejus, quod interest mutuantis, excedit; nulla iusta estimatione, aut titulo proveniens, iniusta cognoscitur.

3. Verum adversarii, ut iustum lucri titulum in mutuo asserant, usum pecuniæ ingerunt, quem cum quis mutuatario concedit, ita iustum usum pretium eum exigere posse ajunt, ut ex domorum, ac prædiorum usu iusta pensio exigatur. Hinc ex usu usura dicta, ut tradit Varro l. 4. de Lingua Latina, *pretium usus* definitur solet. Id autem multo iustius esse contendunt, si pecunia mutuatario fructum pariat, quippe qui eam non in necessitatem aliquam consumat, sed in prædia, vel negotiationem convertat, unde lucrum percipiat. Ita enim pecunia eidem non nudo usui, sed fructuosa est, ut pensionem ex re fructuosa alteri concessa exigere nihil sit honestius, & iustius. Hinc porro eos irrident, qui pecuniæ sterilitatem tribuunt. Sterile enim dici nequit, quod, si cultura exerceatur, ingentes fructus parere potest; pecunia autem, si excolatur, maximos fructus parit. Quod ex fundo bene culto redit, fundi fructus est: quod ex pecunia bene collocata colligitur, fructus ejus censetur. Inter fructus enim pecuniæ usura est, adeo pecuniæ fecunditati tribuenda, ut ea Græcis *τόκος*, idest *partus* appelletur. Tum solum si otiosa domi teneatur, & nihil pariat, sterilis pecunia erit, ut ager, & mulier, quæ nihil parurit. Ubilibet collocatur, iustum pariet fructum, & fecundissima erit. Vide de hoc plura apud Salmasium de

Tom. I.

Usuris c. 8. p. 198. Hæc autem omnia quam inania, & pusilla sint ut quisque intelligat, sigillatim expendenda sunt.

## §. I I.

*Usus pretium, & locatio in mutuo quam iniusta sint.*

4. **P**rimo cum ad præferendam usuræ iustitiam hæc vocatur *merces*, aut *pretium usus pecuniæ*, locationis species inducitur, qua ita iuste pro pecuniæ usu, qui in mutuo traditur, solvatur annua merces, vel pensio, uti pro usu domus, equi, vel prædii in ceteris locationibus solvitur. Hanc eandem pecuniæ locationem ad fœnus defendendum olim pariter ingessisse legimus nescio quis, quem refellit antiquus Auctor commentarii in Matthæum inter Chrysostomi opera. Hom. 38. *Adhuc dicit aliquis: qui agrum locat, ut agrarium recipiat, num est similis ei, qui pecuniam dat ad usuram?* Id ipsum quoque inculcarunt Patres usurarum defensores, ex quibus unus pluries & pluries, & pluribus in locis dixit, quod dare ad usuram non erat peccatum... quia dicebat sic homines posse recipere denarios pro usuris, sicut pensionem pro locatione domus; uti habetur in documento an. 1305, & ex Venerabili Moneta confirmari potest, cujus testimonium in præfatione recitavimus. Hoc idem argumentum Novatores recuderunt vehementius, inter quos Salmasius: *Locator, inquit, pecunia qua funore datur, non alio modo, quo ades, aut ager, aut opera, pro quibus merces exigitur ab iis, qui ea conduxerunt.*

Olim quoque sanctiores locationem pecuniæ tribuerunt in mutuo.

Præfat. n. 2.

De Usuræ, s. pag. 96.

5. Sed locationis naturam, & jura ignoret opus est, qui parem pecuniæ mutuo traditæ, ac domus, vel prædii locati rationem habendam existimat. Locatio, qua usus

Locatio dicitur.

E c

alicu-

alicuius rei sub pretio traditur; definitur potest *usus venditio*, *rei dominio retento*, seu, ut alii loquuntur, *salva ejusdem rei substantia*. Dicitur *usus venditio*; neque enim in locatione res, sed rei usus venditur. Ubi autem solus usus, non autem res venditur, hujus dominium venditori manet; unde subjicitur *rei dominio retento*. Ex his porro ad locationis iustitiam hæc requiruntur. Ex parte usus omnino oportet, ut aliquis verus usus sit, qui vendi, & emi possit; nemo enim, conducit, quod nulli usui est: ac præterea tandiu durare debet usus, quandiu locatio obliget, in qua pro solo usu iusta pensio solvitur: iniquum enim esset pro usu, qui amplius non est, quenquam cogi pensionem solvere. Ex parte autem rei, cuius usus locatur, hæc in dominio locatoris manere debet, non solum ut in rei sui merum usum locet, verum etiam (quod ad iustitiam maxime pertinet) ut pretium usus eadem jure proveniat. *Nemo enim, quemadmodum sateri debuit ipse, Salmasius in Præfat. de modo Usurar., pro suo usuras, nec pensiones præstat, sed pro alieno. Ita pensio exigitur pro domo locata, & pro aliis rebus, quæ domino suo manent, nec alienantur.* Hinc celebre illud Seneca L. 7. de Benefic. c. 4. *Nemo usuras pro pecunia sua pendit.* Ratio est manifesta, & naturali juri maxime consona: unde hoc principium non solum omnibus jurisperitis, sed & ipsi vulgo exploratum affirmavit idem Salmasius in disquisit. de mutuo pag. 324. *Non minus autem jurisperitorum, quam vulgi hæc est regula, quæ dicitur, neminem pro re sua, sed pro alienatarum mercedem solvere.* Et generalem quidem regulam nulli exceptioni obnoxiam ibidem posuerat pag. 320. *Generalis est regula, quæ nullam recipit exceptionem, neminem pro re sua pensionem cuiquam debere posse, aut præ-*

*stare teneri; adeo ut hæc item valeat in mutuo, in quo si (inquit in laudata præfat. De modo usur.) res sua domino, qui dat, alienaretur, & illi acquireretur, qui accipit, usuras pro eo pendi nulla ratio permitteret: nemo enim pro suo usuras, nec pensionem præstat &c.* Unde concludere cum eodem liceat ex disquisit. de mutuo p. 334. *Immutum igitur, si xumque sedeat, ex immutabili juris doctrina, & constante doctorum auctoritate, non pendi æ quoquam usuras, aut pensionem præstari pro re sua.* Sua itaque locatori res maneat oportet, cuius usum locet, ne si in locatarii dominium transeat, is pro re sua iniustam pensionem locationis nomine solvat.

6. Alterutrum porro si in locatione deficiat, live ex parte usus pensio exigatur pro usu, qui non est, live ex parte rei pensio ab illo requiratur, qui rei dominium non habet, ad locationis iustitiam satisfactum est. Quid si utroque ex capite locatio in mutuo laboret? Primo in mutuo, in quo rei mutuo traditæ usus alius non est, quam ipsius rei consumptio, ut libro primo ostendimus; totus usus momento terminatur, uti momento terminatur ipsa consumptio. Si locationi locus non est, nisi quatenus usus, qui locatur, duret; nulla esse potest locatio in mutuo, in quo usus momento delinens, nihil dura. Hinc Ulpianus L. 3. D. Commodati, vel contra. §. 6. *non posse commodari, ait, id, quod usu consumitur; quia quod usu consumitur, diuturniorem usum, qualis ad commodatum requiritur, nullum habet.* Idem autem locati est, quod a commodato sola pensione discrepat. Locari igitur nequit id, quod usu consumitur (sicut nec *ulla naturali ratione recipere potest usufructum, qui locatione traditur*) ac propterea iniqua in mutuo locatio est, vi cuius diuturna, & constans, usus, qui momento fuit, & an-

Non cadit in mutuum.

Prima ratio.

Lib. 3. Instit. tit. 1. §. 4.

amplius (1) non est, pensio exigitur. Huc pertinet iustissima illa Senecę reprehensio adversus usuram L. 7. de Benef. c. 10. *Quid sunt ista tabula? Quid computationes, & venale tempus, & sanguinolenta centesima? voluntaria mala ex constitutione nostra pendencia, ex quibus nihil est, quod subijci oculis, quod tene-ri manu possit, inanis avaritia sum-ma; percipitur enim, ut explicat u-surarum patronus Gerardus Nooodt l. 1. de Fœnore c. 90. pro usu ejus, quod non est, quia percipitur pro usu consumpta pecunia.* Et similiter illa Plutarchi in Opusculo de vitando are alieno: *Ex eo, quod non est, neque subsistit, nascitur sumus, nempe ex usu pecunię, quę non est, nec usum præstare potest.* sumus, pensionis, & loca-tionis nomine exigitur, quo cum nihil inanius, ita iniustius nihil cogitari potest.

Ratio altera

7. Deinde cum in mutuo usus sit ipsa consumptio; usus separari nequit a dominio, sed ut deur usus, dominium item transferatur necesse est, uti pluribus ostensum nobis fuit L. l. c. 3. Ita fit, ut pecunię usus separatim a dominio vendi nequeat, quemadmodum locationi opus esset; & si quidem traducto dominio usus venderetur, usus rei non amplius suę venderetur inique, ac iniqua propterea hæc locatio esset, in qua mutuatarius pro usu rei suę pensio-nem solveret, contra illam certissi-mam regulam, quam ex Seneca, ipsis adversarius sarentibus, paullo ante digessimus.

Lib. V. c. 3.  
§. 1.

8. Hinc pecunię usufructus, quem nullum esse ex ipsis Romanis legibus didicimus, duplici ex capite nullus est, non solum quia res est consumptibilis, quę usum proprium usufructus non recipit, sed etiam quia traducto ejusdem rei dominio,

eum usufructum non capit, qui sine proprietatis dominio distrahi possit; ac idcirco nec verę, ac iustę locationis capax est pecunia, cum locatio vera non sit, nisi qua usus, vel usufructus rei sine dominio ven-ditur, unde iusta etiam pro usu, vel usufructu, pensio domino solvatur. Quicumque iustus pensionis annuę contractus invenitur, solum usum, vel usufructum, reservato dominio, in alium traducit, ut patet in cen-su, emphytheusi, feudo, & simili-bus; & fateatur etiam Salmasius in disquisit, de mutuo pag. 337. Si cum usufructu dominium transferre-tur, iniqua esset quęvis pensio. Quid in solo mutuo secus dicatur, cujus præterea maiories usufructum nul-lum recipit?

9. Minus vero opportunum hoc loco est, illud observandum ingere-re, quod licet de usus pretio post translatum dominium solvendo con-trahatur in mutuo; ante transla-tionem tamen domini hoc pactum iniriū fuit; quam in sententiam Salmasius cap. 8. de Usuris p. 101. ad diluendam injustitiam hujus pen-sionis, quę pro eo solvitur, quod, translato dominio, de meo tuum fa-ctum est, ait: *Non fit tuum, nisi hæc lege, ut pro eo, quod accepisti uten-dum, certam mihi præster mercedem, usura nomine, abique qua frustra-tuum id esse cuperet.* Non igitur ti-bi quod tuum est vendo, sed quod meum est ea conditione ad te tran-sfero, ut pro usu ejus, quando te uti patiar, mihi, quod pactum in-ter nos est, persolvas. Nihil ine-prius, ubi dominium corporis tran-slatum concedendum est, & non de translato domini, sed de usus pre-tio agitur. Cum de pretio domi-nii sermo est, quoties dominium rei suę transfertur, iustum hujus

E c 2

tran-

(1) Hac quidem ratione pecunię usufructum nullum esse Justinianus asser-mat Institur. lib. 2. tit. 4. *namque ipso usu assidua permutatione quo-dammodo extinguitur.* Vide, quę superius innuimus lib. V. c. 3. §. 3.

translationis pretium cum domino paciscitur, nihilque refert, utrum ante, an post translatum dominium solvatur, cum semper solvatur domino pro alienatione rei suæ. At ubi agitur de usus pretio, quod non nisi pro usu rei alienæ solvi julte potest; pactum ante translationem dominii initum nihil juvat, si pro solo usu, qui post translatum dominium erit, idest pro usu rei non amplius suæ, pretium, vel pensio exigatur: unde Salmasius Salmasio opponens, ex disquisit. de mutuo p. 319. hæc percommode regetur: *Nihil refert plane, quando usura promissa sint, quas certum est ex eo tantum tempore deberi, & currere, quo res accipientis facta est, & in dominium ejus transit. Non ex sola promissione pendet earum petitio, vel petendi jus, sed ex rei, qua utenda data est mutuo, translatione, & usu ... Nec respiciendum est tempus, quo sunt promissa, sed illud omne, quo usura currunt.* Nihil itaque refert, pactum initum fuisse eo tempore, quo res mutuantis erat, sed cum usuræ pactæ sint pro usu ejus temporis, quo res mutuatarii effecta est; iniquum illud pactum dici debet, quo is pro suæ rei usu usurarum pensionemolvere cogitur.

10. Neque dicas, quod cum in hisce rebus dominium simul, & usus tradantur, majus quiddam pretium exigi potest, quam si solus usus tradatur, nimirum dominii pretium, & pretium usus; ita ut in mutuo centum e. g. exigantur julte pro pretio pecuniæ, cujus dominium transfertur; annua autem pensio pro usu ejusdem pecuniæ, qui una cum dominio traditus negari nequit. Hoc enim quam iniquum sit, ut recte intelligatur, considerandum in primis est, pensionem annuam injuste exigi pro usu pecuniæ, qui non annuus, sed momentaneus est; pro quo si ea exigi posset julte, tota posset exigi pro ipso unico.

consumtionis momento, non pro ratione annui, aut subsequentiis temporis, quod nullum illius usum recipit, ut ex dictis liquet. Deinde usus hic momentaneus, qui una cum dominio traditur, ut recte estimetur, non separatim a dominio estimandus est. Quæcumque enim estimantur, sive ex dominio, sive ex usu, non aliam estimationem recipiunt, nisi pro usu. Pecunia si nulli usui esset, dominium ejus nihil valeret; uti nihil valent res, quæ nulli sunt usui. Quidquid autem illa valet, ratione usus valet. Sic etiam ceteræ merces, edes, ac prædia pro solo usu estimantur. Quando hæc res venduntur, & venditione istarum dominium transfertur, pretium dominii venditione statuitur, pro ratione usus statuitur, ac pretium quodammodo usus est; cum vero quædam ex his locantur, & locatione earum usus venditur, pretium locationis est item pretium usus. Propter usum nihil in venditione, aut locatione estimabile pretio est. Hinc pactio, vel solutio pretio ex alio contractu, cum istud sit pretium pro usu, alterius contractus pretio locus amplius non est, ne pro usu semel dividendito, novum pretium, alterius contractus nomine, injuste exigatur. Hac de causa res eadem vendi, & locari simul nequit, ne duplex venditionis, & locationis pretium pro eodem usu queratur. Iniquus propterea esset, si quis ex re vendita pretium locationis, & usus, vel e re locata venditionis, & dominii pretium simul flagitaret. Id autem multo apertius valet in pecunia mutuo tradita, cujus usus momentaneus est. Centum enim e. g. quanti estimatur pecuniæ dominium, non pro alia re, nisi pro momentaneo illo consumtionis usu debentur in mutuo, nec nisi per summam iniquitatem aliud ejusdem usus pretium locationis nomine peteretur, annuum præsertim, vel diuturnius pro usu,



usu ; qui momento consumtus, annuam, & diuturnam locationem non recipit.

11. Neque excipias, hæc quidem valere, ubi traducto pecuniæ dominio, utrumque domini, & usus pretium simul exigitur, non autem ubi exigiur solum pretium usus, quandiu domini pretium solum non sit. Inanis prorsus exceptio ad iustitiam pretii usus adstruendam in mutuo, ubi & pecuniæ dominium præsumitur iraductum, & pecuniæ usus momento consumitur. Si de re, atque contradu ageretur, in quo, pacto licet rei pretio, ante solutionem tamen traductum nollemus ejus dominium, ejusque usus alteri interim traditus, per intermedium tempus duraret; is re aliena vere ueretur hoc tempore, iustumque usus pretium domino solveret; non quod pretium rei nondum solum non sit, sed quod usus huius temporis, & rei aliæ usus hanc pensionem, aut mercedem meretur. At in mutuo, ubi & alienata res est, & momentaneus est rei usus, licet nondum solum sit pecuniæ alienatæ pretium, quod ex momentaneo illo usu estimationem habet; pretium tamen separatim usus nullum est, cum ex solutione dilata, nec res sua creditori maneat, nec dilati temporis usum recipiat.

12. Hinc porro explorate etiam cognoscitur imbecillitas ejus objectionis, qua quidam dicere solent. *Ergone nihil erit mutuante sua pecunia tandiu cavere, ut nihil eo spatio exigere pretii possit?* Ex dictis enim patet, solum privationis tempus ( si nihil mutuantis interfir ) ad pecuniæ elocationem, de qua nunc sermo est, nihil conferre, cum & pecunia fuerit alienata, & pecuniæ usum id privationis tempus non ferat. Si quid autem interfir mutuantis non cavere pecunia; id, quod interest, estimabile quidem, ( ut alibi dictum est ) ad compensationem damni, non autem

ad locationis jura pertinet. Stet igitur nihil esse in mutuo, unde locationis, aut quocunque alio nomine quidquam pretii pro pecuniæ usu, qui traditur, iuste exigi possit: id, quod ex ipsorum confessione adversariorum evidentiis fiet paragrapho sequenti, ubi in pecuniæ corpus, quod in mutuo alienatum est, ut consumatur, nondum licet soluto domini pretio, locationem non cadere, ipsos quoque ultro dare nunc jam visuri sumus.

## §. III.

*Evertitur adversariorum effugium, quo corpus pecunia mutuo tradita a quantitate ejusdem restituenda distinguenter, solum dominium corporis in debitorem traditum profissi, quantitatem in mutuantis dominio adstruunt, iustamque busus locationem comminiscuntur.*

13. Cum adversarii probe intelligerent, ad locationis, & pensionis iustitiam omnino opus esse, ut res locata in locatoris dominio maneat, ut illa probant, quæ ex Salmasio superius attulimus; ne æquissimus locationis titulus, quem ad usuræ injustitiam purgandam, maxime aptum, ne dicam unicum, viderunt, sibi eriperetur, alienationem in mutuo aliqua ex parte, non fieri, multis, non tam argumentis, quam \* libris, probare, & convincere conati sunt. Ad huc propositioni obstat primo omnium Jurisconsultorum etiam peritissimorum auctoritas, qui ex ipso Romano jure dominium transferri in mutuo, & alienationem fieri semper docere: dein ipsa etiam mutui natura, ac ratio obstat, in quo cum ad consumptionis usum pecunia tradatur, ut ad priorem dominum redire non possit; alienari protectio debet, & alienatione quidem.

\* Vid. Præfat. num. 17.

dem, ut idem Salmasius confessus est, perfecta, atque totali, quæ ipsius corpus, quod creditor mutuo dat, sibi restitui amplius nolit. Vide Salmasii textus lib. I. c. 3. Quid igitur? Ne hæc, quæ & communia, & evidentiæ sunt, vocarentur in dubium; & simul ut euidam dominio, & locationi locus inveniretur; idem Salmasius ad distinctionem corporis, & quantitatis in mutuo confugiens, corpus quidem pecuniæ, quod consumendum, ac nunquam restituendum datur, alienari concessit; at simul contendit, quantitatem, quæ ex dato corpore vi mutui debetur, ac restituenda est, non alienari, ut libro memorato pluribus vidimus. Ad usuram vero quod attinet, cum hæc, quæ pensio, seu pretium usus est, solo locationis nomine, ac jure provenire jussit possit; locatio autem vera, & iusta non sit, nisi ubi dominium retinetur; corporis quidem mutuo traditi, & alienati locationem nullam, aut injustam fatetur; quantitatem autem, quæ non alienatur, & toto etiam spatio ad restitutionem usque debetur, locari ait, justumque pretium hujus locationis, & usuram idcirco justam præfert. Ita L. 13. D. de actionibus emti. & venditi, ubi de usura sermo est in re vendita, & alienata, cujus pretium velut quantitas debetur, usura non pro ipsa re alienata, quod iniquum esset, sed pro pretio non alienato pensitata, dicitur (1) *usuras pretii pendere*; id, quod aliis legibus Salmasius confirmat Disquisit. de mutuo pag. 340., qui propterea hoc unum pluribus in locis statuit, usuras similiter pendere in mutuo pro sola quantitate, quæ alienata non est. Audiat inter cetera insignis ejusdem Salmasii locus ex opusculo adversus Joannem Orthonem Tabor Lugd. Ba-

Quantitatis, quæ debetur in mutuo locationem adveniens possiduum.

tav. 1644. n. 8. p. 335. *Obligatio, quæ scilicet ex mutui contractu in debitore exurgit, non potest contraria videri ad illam ipsam rem, quam numeravit creditor, & consumpsit debitor. Nam reddi ea ipsa deberet ex obligatione; non potest autem reddi, quæ sic consumpta est. Nec ergo in obligatione est, nec ergo sua creditoris dici potest. Quid ergo est creditoris? Quid illi debet debitor? Propter quid usuram ei præstat? Quid postremo illi solvet, ut liberetur? Quantitatem eandem. Decem dedit creditor, ut decem reciperet. Hæc non alienata est, hæc mansit creditoris, hæc nunquam in potestate fuit debitoris. Propter eam obligatus est, propter eam usuras solvit, non ex corpore ipso numerorum, sed ex obligata quantitate, sive ex obligatione quantitatis, & sic pro re aliena, non pro sua usuras pendit. Itaque ad usuræ injustitiam cognoscendam videndum est, cujusmodi sit hoc quantitatis dominium, atque locatio.*

14. Et primo quantitatis restituendæ dominium, quod mutuantibus tribuitur, improprium admodum, & fictione quadam juris inductum, dominium est, quod non verum dominium, sed meram actionem, & jus in tantundem præstituto tempore recipiendum significat, ut Lib. I. c. 3. pluribus statutum fuit. Hoc autem merum quantitatis dominium, quod meram actionem innuit, non autem rem, quæ actu nostra sit, quis locationi idoneum præferre possit? si meræ actiones jussu locationis pretium suscipiant; quot mercenarii, vel mercatores justum pretium efflagitare possint ex mercedibus, & creditis non solutis, in quæ verum jus, & actionem habent? Et si enim actiones, & jura possint vendi, nemo tamen illa conduxit unquam, atque

Refertur hæc locatio.

(1) Adde L. S. C. de pactis inter emti. & venditi, ubi similiter Gordianus pretii tardius exsoluti usuras pensitari scripsit.

atque conducet. Ratio discriminis est aperta, quia quæ emuntur actiones, & jura, non a præfenti, sed a futuro, quod speratur, dominio assumantur; at nihil serviunt usui, qui in locatione quaesitus, non imaginariam, sed realem quantitatem, ac dominium requirit.

Alia efficacior ratio.

15. Hinc etiam quaecunque hoc quantitatis dominium sit, cum tamen in locatione non dominium per se, sed usus, pro quo pensio solvitur, ad pensionis iustitiam spectetur; quid, quaeso, est, quod debitori in mutuo usui, & commodo sit, pro quo pensio ab eo iuste petatur? Num pecuniæ corpus, quod alienatum conceditur, an quantitas, quæ debetur, nec alienata prædicatur? Corpus quidem pecuniæ, quod in usum, etsi momentaneum, mutuo datur, non autem quantitas non alienata, sed reddenda, quæ debitori nihil proficit, immo illum potius gravat; unde vulgatum illud: *are alieno premitur, aut gravatur*; ubi alienum est pro quantitate non alienata ab ipsis adversariis accipitur. Itaque cum nullæ res locentur, iustamque locationis pensionem flagitent, nisi quæ locatario usum, & commodum asferre queunt; si quid in mutuo locationem, & locationis pensionem suscipere posset, corpus alienatum potius, quam reddenda, quantitas susciperet. Sic etiam in venditione prædii nondum soluto pretio, æquius multo usuræ pendere pro prædio, quod alienatum fructus parit, quam pro pretio, seu quantitate, quæ non alienata nullum commodum asfert. Si vero ex dominio corporis traducto, pensio pro eodem corpore, etsi fructuoso, exigi iuste nequit, cum nemo ex re aliena, seu (quod idem est) alienata pensionem querere possit, ut ex ipsis adversariis videmus; minus iuste poterit exigi pro quantitate, quæ etsi non alienata, nulli tamen usui, aut commodum est, immo est potius incom-

modo. Hinc Gerardus Noodt, etsi usurarum defensor, lib. 1. de Fœnore c. 2. fateri debuit, locationem ejusmodi, quæ quantitatem respicit, ignotam Romanis fuisse, propterea quod sola corpora usui sunt, non autem quantitates, quæ nullum usum recipiunt, locationis leges ferant: *Neque sanus, inquit p. 179., locationi, & conductioni annumerantur, quippe quam intra usum corporum coercuerunt, neque ad quantitates porrexerunt. . . . . At quam post non displiceret usus famoris. . . . . non potuit tamen locatione, aut ejus regulis coerceri, resistente contractus substantia jure civili jam recepta, & privatis passionibus non mutanda. Ita factum fuit, ut corporum merceder, vel pensiones, vel redditus locatione percipi dicerentur: quantitatum vero incrementa sub appellatione famoris, mox etiam usura. . . stipulari deberent; quæ adversarii consensu ad id, quod volumus, confirmandum satis est.*

Confessio  
adversarii: ex  
ipso Romano,  
ac naturali  
iure.

16. Itaque ex hæcenus dictis liquet, nihil esse in mutuo, unde iusta locatio, & pensio defendi possit. Duo nimirum ibidem tantummodo considerari queunt, corpus, quod traditur, & quantitas, quæ restituenda est. Si cogitetur quantitas, iniquum est locari, & locationis pensionem ex eo petere, quod, etsi non alienatum, fictitii tamen domini, ac nullius usus est. Si autem consideretur ipsum corpus, quod solum est utile; cum tamen, usus ejus nullus sit, nisi post traditum dominium, iniqua pariter minus rei jam sit locatio, & pensio a mutuatario exigitur, ubi præferrim usus momentaneus est, qui locationis, ac pensionis durationem, & modum nequaquam patitur.

Ephorus  
de injuria  
naturalis  
usuræ, seu  
pretii pro  
usu  
pecuniæ.

## §. I V.

*Non minus iniusta offenditur merces  
usur pecunia, qua in lucrum mu-  
tua accipitur. Pecunia sterilitas  
demonstratur. Tituli lucrantis in  
negotiatione: industria ex par-  
te eorum, qui operantur, ex  
parte autem capitalis solum  
periculum, ita ut cuius  
sit periculum negotiatio-  
nis, ejus sit totum jus  
in lucrum ex parte  
capitalis. Id statui-  
tur Romanis legi-  
bus.*

17. **D**icent fortassis ad hæc ad-  
versariorum quidam, ex  
hactenus dictis optime probari, lo-  
cum non esse locationi pecuniæ, ubi  
tradatur ad consumptionis usum, qui  
momento finitur; & idcirco inique  
pensio exigitur a pauperibus, vel  
aliis, quicunque in necessitatis sub-  
sidium, non autem in lucrum pec-  
uniam mutam postulent. Ubi au-  
tem hæc non in consumptionem, sed  
ad lucrum petatur, uti si petatur  
in emtionem prædii, vel in nego-  
tium, quorum usus diuturnus, &  
utilis est, commode locationis con-  
tractus locum habet; ac proinde  
iusta usus tam diuturni, & utilis  
pensio ab hujusmodi hominibus, qui  
ex mutuo lucrantur, exigitur. Hæc  
ab illis forte dicentur, qui solam  
usuram a mercatoribus, aliisque di-  
tioribus ex mutuo lucrantibus exa-  
ctam defendunt, eam vero, quæ a  
ceteris, præsertim pauperibus, quæ-  
ritur, universim condemnant. Ita  
sane Auctor *Disquisitionis* pag. 3. ubi  
duos rei mutuo traditæ usus distin-  
guit, quorum alterum consumptio-  
nis, alterum negotiationis, & incre-  
menti usum appellat, usuram repro-  
bat in mutuo ad usum consumptio-  
nis inito, quod propterea, inquit,  
*sterile est, & mutuantis, & mutua-  
torio. Sed contra, si res datur ad  
usum incrementi.... ex quo lucrum  
captari nefas non est.*

18. At primo momentaneum  
consumtionis usum habet pecunia,  
non minus cum a negotiatoribus, ac  
ditioribus in lucrum, quam cum a  
pauperibus in necessitatis subsidium  
quæritur, æque enim momento con-  
sumitur pecunia in emtione prædii,  
vel mercium, aut alio negotio,  
quod momento conficitur, ac in-  
quovis alio pauperis usu; id quod  
luculentius patebit ex dicendis pa-  
ullo post, ubi nullum aliud, etiam  
in emtione prædiorum, ac nego-  
tiationibus, videbimus esse pro-  
prium pecuniæ usum, nisi commu-  
tationis, qui momento perficitur.  
Neque vero in pauperibus illicita  
pecuniæ locatio est, quia pauperes  
sunt; nam si veræ, ac iustæ loca-  
tioni locus esset, uti locus est in  
domibus; præciso peculiari chari-  
tatis præcepto ex peculiari neces-  
sitate pauperis, æque liceret pauperi  
pecuniam, ac domum locare: unde  
non abs re Salmasius lib. 2. de Fœ-  
nore Trapez. pag. 437. non fore li-  
citur innuit locare pretio domum  
pauperi, si pecuniam illi, quia pau-  
per est, locare pretio non liceat.  
Ratio autem vera, cur non ita  
licet pecuniam mutuum, uti do-  
mum locare, præter alienationem  
pecuniæ in mutuo, quæ in domus  
locatione non fit, est, quia usus  
pecuniæ, non diuturnus, ut in do-  
mo, sed momentaneus, locationem  
non suscipit, quod æque in divite,  
ac in paupere valet, cum æque in  
utroque usus ille momentaneus sit.

19. Quod autem dicitur de lu-  
cro, in eum, qui prædia emit, vel  
negotiat, ex pecunia, non autem  
in pauperem redeunte, si hoc lu-  
crum vere ex pecunia gigneretur,  
probabilis videretur objectio. At  
si lucrum ejusmodi non ex pecunia,  
sed alia ex causa sit, quæ non ad  
mutuantem, sed ad mutuatarium  
pertinet; quis non videat, omni-  
no iniuste ratione pecuniæ exigi a  
mutuante lucrum, quod fructus pe-  
cuniæ non est? Hoc ad eam pec-  
vul-

De sterili-  
tate pecu-  
niæ.

vulgatam sententiam spectat, quæ pecunia sterilis dici solet. Ne id autem adversarii, ut solent, tanquam novum Scholasticorum inventum irrideant, haud hoc loco repetam, quæ in hanc rem statuendam, non tam ex Evangelio, & Patribus, quam ex ipsis Gentilium libris superius attulimus. Ratione utar evidentiſſima, cui, si recte intellegatur, nemo jure resistere possit. Rem enim attente considerantibus patebit, pecuniam per se proprie nihil, ne obolum quidem, ullo vel longissimo tempore parere posse; neque enim est animalibus similis, cuius filios gignunt, nutriunt &c., neque terræ, quæ a Deo fecunditatem accepit; nec arboribus, qui fructus suapte natura producunt; nec tandem frugibus, quæ sæpe, eo quovis dormiente, qui seminavit, ut Christus monuit Marc. 4. v. 27., sua pariter vi in terræ sinu germinant, & increscunt. Pecunia scilicet per se mortua, & infœcunda, uti sunt metalla, ex quibus compacta est, nihil sua vi ullo vel longissimo tempore edere

Tome. I.

potest; sed ut aliquid lucri quaeratur, distrahenda, & convertenda, est in (1) aliquid utile, atque fructiferum, quod lucrum reddere possit, e. g. in emtionem prædii, aut in negotiationem.

20. Ne autem fructus, qui hinc redeunt, tribuantur pecuniæ, quæ emtioni prædii, vel negotiationi necessaria est, considerare oportet, pecuniam ad commutationem inventam, ut expeditior esset commutandi via (quemadmodum late probat Salmasius de Usuris c. 12.) nullum alium usum, nisi commutationis habere. Sive enim emanant prædia, sive merces in negotiationem comparentur, aut aliquid aliud, pecunia meræ commutationi servit; prædia enim, vel merces ex æqua singulorum æstimatione pecunia emere, nihil aliud est, quam pecuniam cum prædiis, aut mercibus commutare. In sola autem commutatione, quæ ex æqua æstimatione fieri debet, quatenus tantum solvitur pecuniæ, quanti prædia, vel merces æstimantur, nullum lucrum paritur; cumque pecunia per se

F f

soli

(1) Hac una ratione pecunia fœcunda dici potest, non quia per se fœcunda est, sed quia per ipsam fœcunda quævis comparantur. Ita etiam omnia per pecuniam fiunt, quia omnia comparantur pecunia. Quod si quis hoc loco colligat, fœcundam oportere esse pecuniam, quæ cum campis fœcundis commutatur: secus inæqualis, & injusta esset commutatio, quæ sterile pro fœcundo traderetur; is non animadvertit hoc principio licere tantum commutare campum cum campo, qui fructum pariat, non autem cum gemmis, cum cibo, cum vestibus infœcundis, nec posse in solum tradi pro debito, quod nihil parit. Ob æqualitatem contractuum non id spectatur, num natura, & proprietates rerum commutandarum æquales sint (alias panem, qui comedi potest, non liceret emere obolo, qui comedi nequit) sed id spectatur tantummodo, rum æstimatio earundem rerum sit æqualis. Æstimatio autem, in aliis a fœcunditate, in aliis ab usu, a voluptate, a raritate petitur. In campis tota æstimatio a fœcunditate est, ita ut si nihil parerent, nihil æstimarentur. Pecuniæ vero æstimatio non est a fœcunditate, quæ illi non competit, sed ab usu, quem illi homines præfuerunt. quippe per pecuniam omnia facile inveniuntur, & acquiruntur. Si in emtione campi tanta pecunia solvatur, ut ejus æstimatio ob usum prædictum æqualis sit æstimationi campi fructiferi; ad æqualitatem, & justitiam contractus nihil desiderabitur.

foli comutationi utilis sit, nullum ex proprio pecuniae usu lucrum redit; sed quidquid redit fructus, aliunde est, & quidem ex causa, quæ nullam vim a pecunia, nec a mutante accepit, unde nullum ipsi lucrum provenire debet.

21. Enimvero ut de prædiis, & de negotiatione singillatim agamus, in prædiorum, domorum, aliorumque utilium, ac fructiferarum rerum emtionibus, non pecunia, qua ex res emtæ fuerunt, quæque jam in vendentis dominium transiit, sed prædia ipsa &c., vi sua, & colonorum industria fructum pariunt; ac proinde hic fructus inter colonos, qui industriam ponunt, & inter prædii dominum jure disper-tiendus est; quælibet enim res, quæ fructificat, domino jure fructificat. Neque refert, quod is sine pecunia prædia non emisset; cum enim fructus non pecuniæ vi, sed ex ipsis prædiis, ac industria redierit, non pecuniæ, sed prædiorum, & industriæ fructus est; unde in dijudicando, cui fructus debeat, nihil attenditur, cujus fuerit pecunia, qua emi fuerunt campi, sed cujus ipsi campi, & industria sint. Si pecunia Petro e. g. in emtionem prædii tradita, cavisses, ut ex ea campi tibi emerentur, quoad pecuniam tibi Petrus solvisset; jure fructus, non pecuniæ, sed tui prædii ad te pertinerent. At cum

illi campi ex eadem pecunia mutuo tradita emi fuerint Petro; licet is pecunia a te mutuo accepta emerit; non tu, sed Petrus camporum dominus est, nec nisi inique fructus rei suæ, aut eorum penlionem tibi solvere cogitur; nemo enim pro re sua pensionem solvere, ex certa juris regula sæpius diximus. Neque prætermittenda hoc loco est quædam objectio, qua, ut usura probetur iusta, dici posset, pecuniam, etsi emtionem consumtam, perseverare tamen per quandam æquivalentiam in fundo, vel officio emto; & eatenus in eodem officio, vel fundo quoddam creditoris dominium quæpiam aditruens, iustum eidem lucrum, aut fructum usuræ nomine vindicandum putabit, tanquam e re fructifera, quæ ad creditorem pertineat. Nihil absurdius, & falsum magis. Quis enim fundi, vel officii, aliena licet pecunia comparati, dominum creditori vindicare possit? Nonne reclamant emtionis tabulæ, quæ illud emtori, non autem creditori auctunt? Nonne ille suo, & non creditoris nomine ita vere emit, ut novo instrumento ad rem sibi emtionis jure vindicandam eidem opus non sit, cum pecuniam creditori restituit? Nonne creditori ex tradita pecunia jus est ad tantundem exigendum, non autem ad (1) vindicandum sibi fundum, vel officium, quod est debitori quæsitum?

(1) Gordianus Imperator L. 6. C. *De rei vindicatione* sancit, possessiones aliena pecunia, quæ deposita fuerat, a depositario emtas, a depo-nente citra injuriam peti non posse: *Si ex pecunia, quam deposueras, is, apud quem collocata fuerat, sibi possessiones comparavit, ipsique tradita sunt; tibi vel omnes tradi, vel quasdam ex his, compensationis causa, ab invito eo in te transferri, injuriosum est.* Si hoc valet in pecunia deposita, cujus dominium in depositarium non transfertur, quanto magis valebit in mutuo, ubi pecuniæ dominium in mutuatarium transit? Huc pariter referri potest Lex 1. C. *Si quis aliter*, vel sibi, ubi actio in pecuniam, non autem in fundum aliena pecunia euntum tribuitur: *Si pecunia patris fundus, municipique comparata sunt; tametsi cum emtione matris tua nomine iustas esse proportionas, ignorare non debes,*

tum? Nonne is fundum potest pro arbitrio alienare, ac donare, nisi quid aliunde impediatur, ut nihil creditori juris detrahatur? Quid, si fundus paulo post venditoris mortem, fideicommissio detecto, a venditoris filius nullo soluto pretio repetatur? Quid si officium in filii persona emtum, inopinata huius morte, amittatur a patre? Quid pecuniae aequivalens supererit, in quo creditor dominium retineat, & lucrum quaerat? Nonne hisce casibus nihil creditori peribit, semperque restituentis foris debitum constabit? Hæc omnia manifesta sunt argumenta, nullum jus, ac dominium in officio, vel fundo creditori esse, sed hæc ad debitorem pertinere. Enimvero si quod jus, ac dominium in æquivalens, quod re aliena acquiritur, huius rei domino competere; certe competere in pecuniam, quæ ex re furtiva redacta est. Id tamen falsum deciditur L. 48. D. De furtis n. 7. Cum fur rem furtivam vendidisset, eique nummos pretii dominus rei pro vim extorsit. furtum cum nummorum fecisse recte responsum est. Idem etiam de bonorum raptorum actione tenebitur; quod enim ex re furtiva redigitur, furtivum non esse nemini dubium est. Nummus ergo hic, qui redactus est ex pretio rei furtivæ, non est furtivus, ac proinde ad dominum rei non pertinet. Similiter igitur nec ad creditorem ullo modo pertinet fundus. aut officium, quod eius pecunia emtum fuit (cum præsertim pecunia mutua furtiva, non sit) sed in unius debitoris do-

minio continetur. Inique ergo creditor ex fundo, vel officio non suo lucrum, & pensionem exigit. Quod si ex laudata lege furti reus esset, si ipsum fundum, vel officium loco pecuniae sibi usurparet, etiam si exinde creditum exstingueret: quanto magis reus habendus erit, dum alienæ rei pensionem exigit, de pecuniae credito nihil remittit?

22. Idipsum multo evidentius patet in negotiatione, in qua ex sola pecunia nihil lucri redit. Pecunia enim emuntur merces; sola autem mercium emtio nihil lucri paritur. Ad lucrum parientium mercis ematæ venditione opus est, quæ plus vendatur, quod minoris emtum fuit: neque enim alia ratione in commercio pecunia augeri potest. Ut autem hæc venditio prospere, & cum lucro cedat, non vi pecuniae mutuo acceptæ efficitur, quæ in emtione mercium jam alienata fuit, sed vi industriæ, & fortis; industriæ quidem, cuius est cogitare, ac dignoscere, quæ expeditiorem exitum, & lucrum habitura sunt, eademque commodo pretio emere, caute custodire, & cum honesto lucro vendere, ac bonos emtores invenire; fortis autem, qua fiat, ut industriæ facta respondeant: si enim secus casus ferat, evenire potest, ut quæcumque fuerit industria, pro lucro damnum redeat. Duplex itaque lucri jus in negotio est, alterum iis, qui industriam, alterum iis, qui capitalis sortem, & periculum subeunt. De industria nulla difficultas est. De capitali autem, quod in negotiationem con-

Jus lucrum  
di in nego-  
tiatione ex  
parte capi-  
talis est in-  
ima pericu-  
lum, cui ca-  
pitale expo-  
nuntur.

F f 2

fer-

debet, traditione matrem tuam dominam fuisse constitutam. Plane si pecunia petitionem competere tibi propter numerationem pretii existimas, civiliter contendere. Nec omittenda Lex 8. ejusdem tituli: Qui aliena pecunia comparat, non ei cujus nummi fuerunt, sed sibi tam actionem emti, quam dominium, si ei fuerit tradita possessio, quaerit. Cum itaque de rebus communibus fratrem patruelum tuum quadam comparasse contendas, de tua pecunia bene conveniendo facies consultus. Nam in rem de rebus ab eo comparatis, tibi contra eum petitio non competit.

fertur, si quis difficultatem promoveat, utrum ex mera sorte, & periculis jus lucri afferat, is, quæso, cogitet, capitale, seu pecuniam in capitale collatam, per se soli emtionis mercium proficientem, vi sua nihil lucrari, unde perire negotiando potest; sed quidquid lucri percipitur, præter industriam ex sorte percipi, quæ ad capitale, & capitalissimam nullo alio jure pertinet, nisi quatenus æquum est ei lucrum cedere, qui negotiationis periculis, ac damno pecuniam exposuit. Negotiatorum rationes, & jura lucri scrutetur quicumque velit; nec aliquem alium justum lucri titulum ex parte capitalis inveniet, quam pericula, ex quibus tota sicuti damni, ita & lucri ratio proficiscitur. Hinc jure S. Thomas 2. 2. q. 75. 2. 2. ad 5., lucri rationem in eo, qui committit pecuniam suam vel mercatori, vel artifice per modum societatis, præter dominium pecuniæ in illud potissimum refert, quod cum periculo ipsius mercator de ea negotiatur, vel artifex operatur.

Confirmatur ex Romano jure.

23. Id autem adeo ex naturali jure certum est, ut ipso etiam Romano jure non uno in loco constanter definiatur, idque ita præcise, ut ubi agitur etiam de pecunia aliena negotiationi exposta, Romani juris auctores nihil attendi voluerint, cujus esset pecunia, sed cui periculum pecuniæ immineret: adeo sola periculi ratio, non autem pecunia capitalis nomine justum lucri titulum præbet. Ita lucrum rediens ex aliena pecunia, quam procurator rerum alienarum suo periculo credidit, si proprietarii nihil aliunde interfit, non ad proprietarium, cujus erat pecunia, sed ad procuratorem, cujus periculum fuit, spectare ex Labeonis testimonio colligitur, quod Ulpianus recitat, ac probat L. 10. n. 8. D. Mandati. Si quis item communem, suam scilicet, & socii pecuniam, at suo nomine, idest periculo suo, utiliter collocet, totum lucrum etiam ex

socii pecunia rediens, eidem vindicandum Paulus respondit L. 68. D. Pro socio, hac ratione, quoniam fortis periculum ad eum pertinetur. Locuti illi quidem sint de negotiatione, ac lucro fœneratio; quippe qui ex errore Gentium fœnus negotiationis speciem habebant. At nihil dubium est, quin si de alia quavis negotiatione incidisset dicendi occasio, idem judicium tulissent, cum præsertim maius aliarum negotiationum, quam fœneris periculum sit; majusque proinde jus sit in lucrum, quod majori periculo subest. Idem certe palam fit in aliena pecunia, quam quis custodiendam accepit. Si enim hanc præter depositi fidem negotiatur, quod suo periculo negotiatus fuerit, (et si civiles leges aliter in penam decernant) lucrum ipsi cederet, nec per se ad huius restitutionem quicquam illum coget. Id autem si valet in pecunia certo aliena, quam quis, incipio domino, suo periculo negotiatus sit; multo magis valebit in ea, quæ mutuo accepta, in accipientis dominium transit: sic enim lucrum, quod ex ea negotiationi exposta redit, illi debet attribui, qui pecuniam jam suam suo periculo negotiatus est: nec nisi inique vindicaretur pars aliqua mutuantis, cujus pecunia, nunc iam aliena, a ieno item periculo negotiationis, idest lucro, & damno, exposta fuit. L. 13. D. Commodati, ubi sermo est de animalibus ad experiendum datis, si is, qui ea experienda accepit, sub lucro alteri locet, debere eum non tam animalia, quam lucrum domino præstare hac ratione decernitur, neque enim ante ea res cuiquam quasit esse potest, quam periculo ejus sit, ubi periculum cum dominio conjunctum est. Idem valet in pecunia mutua, ex qua nemini quæritum facere oportet, postquam in mutuatarii dominium, & periculum dilapsa, nec sua mutuantis, nec periculo ejus est.

Con-



## §. V.

*Concluditur ratione, & exemplo evidenti, cui ipsi adversarii suffragari coguntur. Tota de usura injustitia controversia hac ratione, & exemplo definitur omni ex parte potest.*

24. **S**ed ut exemplo, ac ratione plane evidenti, quam ex ipsis etiam adversariis exprimam, totum hoc argumentum concludam, pecuniam mutuo acceptam cum pecunia rapta conferre juvat. Pecunia, quam quis mutuo accepit, non magis fructuosa, & fecunda dici potest, quam pecunia, quæ a fure subrepta fuit. Utraque igitur in negotiationem, vel camporum emtionem collata a mutuario, & fure, æque per se sterilis, vel fecunda haberi debet. Et si quidem ad judicandum fructus percipiendi jus aliqua domini consideratio habenda sit, magis tribuendum est pecuniæ raptae, cujus dominium in furem non transiit, quam pecuniæ mutuo traditæ, quæ in mutuarii dominium abiit. Pote igitur furem ex rapta pecunia prædium emisse, vel negotiatum esse, lucrumque ex prædio, vel negotio fecisse: cui, quæso, lucrum hoc vindicandum? Omnes juris naturalis, ac Gentium expositores, inter quos etiam adversarii usurarum patroni recenseri queunt, de restitutione ex furto agentes, hanc constantem regulam figunt, neminem ex furto pecuniæ teneri, nisi de pecunia rapta, & de damnis: de fructibus enim, quos quis ex ea pecunia quacunque via percipit, non teneri consentiunt.

25. Id Romanis quoque legibus, ac maxime congruit. Duæ quidem legum species inveniuntur, quarum alix in duplum, vel quadruplum actionem furti constituunt, alix vero ad rei sublatæ, ac ejus, quod interest, restitutionem, eandem a-

ctionem porrigunt. Sed priores leges ad injuriæ actionem ex furto, ac ad vindictivam justitiam pertinent; quæ crimini pœnam præstatuit; secundæ autem restitutionem ex commutativa justitia debitam exhibent, quæ quidem præter dupli, vel quadrupli pœnam fartacta servatur L. 54. D. de Furtis §. 3. Igitur ex commutativa justitia, de qua solum hic agimus, fur de sola pecuniæ, quam sustulit, & ejus, si quid domini interfuit, restitutionem obligatur; & si quidem nihil domini interfuit, in solam rapti corporis æstimationem tenetur, ut indicat Lex 80. De Furtis §. 1. Itaque deo, quod ipsius furis interfuit rapta pecunia uti, seu de lucro, quod ex eadem pecunia percipit, nihil obligatur. Ita etiam Theologi, & Confessarii omnes, ne uno quidem excepto, si fur ad pœnitentiam accedat, cogent quidem eum ad restitutionem pecuniæ, & damnorum, etiam si nihil lucratus fuerit: ad restitutionem autem ejus, quod aut ex campis ea pecunia emittis, aut ex negotio lucri cepit, nequaquam cogent.

26. Ratio autem alia non est, nisi quod hi fructus non pecuniæ raptae, etsi alienæ, naturales fructus sunt, qui soli sunt restituendi, uti essent fructus, vel animalium, quæ quis furripuisset, vel camporum, quos quis occupasset; sed alii sunt naturales fructus prædii, quod licet pecunia furtiva enim, furtivum tamen non est, ut ex L. 48. D. de Furtis §. 7. colligere licet; unde iidem naturales prædii fructus ei debent cedere, qui prædii dominus est: alii autem industriae, & periculi fructus sunt, inter eos solos dividendi, qui negotiandæ pecuniæ industriam, & periculum subierunt. Non alia quidem ratio ex medi furem a restitutione horum fructuum assertur a Theologis, nec alia ab ipsis adversariis afferri potest. Hinc probatur omnibus quod statuit Sanctus.

Comparatio pecuniæ mutuo acceptæ, & furto sublatæ.

Lucrum ex pecunia rapta a fure perceptum restitui potest non debet ea ipsorum adversariorum concessione.

Vide "Inferdium" de jure ventum c. 15. §. 11.

\* Confirmatur ex Romanis legibus.

Ex omnibus Theologorum, atque Confessariorum consensu.

Ratione statuitur.

Vid. L. 12. §. 1. D. Commodatus.

Ætus Thomas 1. 2. q. 78. a. 3., ubi acquisita furto, aut rapina habens ea, quæ quis per usuram acquisivit, quaestione proposita, utrum quidquid ex usura quis lucratus fuerit restituendum sit; cum restituendum agnoscit lucrum ex iis rebus, quæ naturalem fructum pariunt, tum pecuniæ, & aliarum ejusdem generis rerum fructus restituendos negat, quia harum rerum naturales fructus non sunt; *Respondeo dicendum, quod, sicut supra dictum est, res quædam sunt, quarum usus est ipsa earum verum consumptio, qua non habent usumfructum secundum iura. Et ideo si talia fuerint per usuram extorta, (puta denarii, triticum, vinum, aut aliquid hujusmodi) non tenetur homo ad restituendum, nisi id, quod accepit; quia id, quod de tali re est acquisitum, non est fructus hujusmodi rei, sed humana industria, nisi forte per detentionem talis rei alter sit damnisatus, amittendo aliquid de bonis suis; tunc enim tenetur ad recompensationem nocuementi. Quædam vero res sunt, quarum usus non est earum consumptio; & talia habent usumfructum; sicut domus, & ager, & alia ejusmodi. Et ideo si quis domum alterius, vel agrum per usuram extorsisset, non solum teneretur restituere domum, vel agrum, sed etiam fructus perceptos; quia sunt fructus rerum, quarum alius est dominus; & ideo ei debentur. Quod S. Thomas, omnibus probantibus, hoc loco tradit de fructibus rei, quæ rapta est per usuram, æque verum est per omnes de fructibus rei, quocunque alio modo, ac nomine rapta sit; ac propterea fructus pecuniæ raptae non alia ratione domino, etiam si illi uti domino maneat, nequaquam debentur, uti deberentur acri rapti fructus, nisi quia fructus pecuniæ fructus naturales non sunt.*

27. Si autem hæc naturalis juris ratio valet in pecunia rapta, quidni in mutuo tradita valeat?

Num fructus, qui pecuniæ naturales <sup>idem valen-</sup> non sunt in pecunia rapta, in mutuo tradita sunt naturales? Si autem nullum hac in parte discrimen <sup>re olicende-  
tur in pecu-  
nia mutuo  
accepta.</sup> est, nec nisi soli naturales fructus domino debentur; cur fructus pecuniæ raptae adjudicantur furi, mutuatario autem pecuniæ mutuae fructus non adjudicantur? mutuatario, inquam, cui illud insuper præ fure accedit, quod cum in mutuo tradidit fructus pecuniæ dominum, non tradidit in furto; multo æquius mutuatario, quam furi fructus non naturales pecuniæ comparantur. Si fur campos aliena pecunia emtos suos facit, jureque fructus eorum acquirit, non minus mutuatarius suos facit campos, quos ex pecunia mutuo accepta sibi acquisivit, jureque eorum sibi fructus vindicat. Et similiter si fur alienam pecuniam negotiatus industria, & periculo suo, lucrum facit suum, quippe quod non alienæ pecuniæ, sed industriae, & periculi proprii fructus est; eodem jure suos facit fructus negotiationis mutuatarius, qui sua quoque industria, suoque periculo mutuum pecuniam negotiationi tradidit. Neque peculiare furis asseras, non teneri eum fructus restituere neque negotiationis, neque camporum, quia concessione, & mandato domini caruit; sic enim invito domino usus pecuniæ, favorem exinde caperet, unde poenam potius, & damnum meretur. Quod si contractum mutuantis cum mutuatario opponas, quo cum fur careat, liberatur, nihil proficiet; ubi enim de iusto, ac naturali fructu, aut solutione per se debita agitur, stipulatio necessaria non est in fure, qui ad omnes naturales fructus, & damna, citra omnem contractum, tenetur ex culpa, ad quæ mutuatarius nisi ex contractu non tenetur. Si ergo fur ad fructus illos reddendos jure naturali non obligatur, illi fructus naturales pecuniæ non sunt; & si in furto non sunt naturales, nec in mutuo erunt;

Objectionem  
culæ scien-  
tæ.

ut nullibi exigi juxta possint. Mandatum vero, stipulatio, contractus, si spectent fructus, qui cum naturales pecuniæ non sint, ad aliorum jus pertinent, palam injusti sunt. Opponent hoc loco quidam: Luerabitur igitur mutuarius ex campis mea pecunia emtis, vel ex mercibus mea pecunia comparatis, ego autem nihil luerabor? Id si valeat, & in fure valebit, qui ex prædiis pecunia aliena emtis, vel ex mercibus similiter comparatis luerum faciat: si vero id in fure non valet, unde ad restitutionem horum fructuum nemo illum coget; nec in mutuario valere potest. Ratio utroque in casu est eadem, quia hi fructus, nec rapti, nec mutuo traditæ pecuniæ naturales fructus sunt, sed alterius causæ, quæ tunc ad pecuniæ dominum non pertinet, ita nec ad eum fructus, & luerum pertinere debet. Plura de hac objectione libro sequenti cap. 6.

Eadem comparatio inter furem & mutuarium instituitur & extenditur.

28. Tandem hæc furis aliena pecunia uentis comparatio, quæcumque ex parte cum mutuario conferatur, ad usuræ injustitiam undequaque detegendam efficacissima est, si quis eam recte instituat, atque intelligat. Ad id enim, quod in usu pecuniæ justum, vel injustum est, illud solum discrimen inter furem, & mutuarium aliena pecunia utentes intercedit, quod fur, ex culpa obligatus, præter sortis restitutionem quævis juxta præstare debet; etiam sine contractu, quæ mutuarius sine contractu præstare non debet, qui non ex culpa, sed ex solo contractu tenetur. Hinc quæcumque juxta sunt in fure, non necessario in mutuario juxta sunt; potest enim in non teneri de jure titulo, si in contractum non venit, de quo fur, etiam absque contractu tenetur. At quæ in fure injusta sunt, ita ut ad ea solvenda non nisi injuste obligetur, juxta esse nequeunt in mutuario, ne deterius ejus sit, quam furis conditio. Hæc

equissima, & aperta ratio est, de qua si quis ambigat, ut usuræ patrocinetur, is fateatur necesse est, hominem, qui pecuniam in negotiationem, & lucrum querat, si eam fuito potius, quam mutuo ab illo querat, cujus nihil interfit pecunia carere, hac via se liberatum a solvenda usus pensionem, quam in adversariorum sententia juxta solvere deberet ex mutuo, & ita ex furto, & crimine beneficium, ac favore caperet, quod sane cap. *Si vir, de cognitione spirituali*, & L. 134. *De regulis juris*, omni juri repugnat. Idem omnino de omni pecuniæ usu, atque omni usura valet. Quemcumque enim in usum fur pecuniam rapiat, ne eam mutuiam sub annua mercede sumere cogatur; si quando ex pecuniæ privatione dominus nihil detrimenti capiat, ille ex furto, nullo, sive locationis, sive alterius tituli, nomine tenetur solvere usus pensionem, quam ex mutuo juxta solvisset in adversariorum hypothesi: sua ipsi culpa, & fraus, contra notissimam juris regulam; beneficium præstaret. Itaque vel æque in fure juxta est hæc usus pensio, si in mutuario juxta habenda sit: vel si in fure non est juxta, ut ad eam solvendam juxta obligari nequeat, neque in mutuario juxta haberi potest. Ex his ergo æque infocunda per se est domino pecunia in manu furis, ac mutuant in mutuarii manu; unde pecuniæ sterilitas, quam Patres, & Philosophi ipsi novērunt, plane demonstratur. Exigere autem ex re per se sterili fructum, iniquitas est; hunc enim qui exigit, non proprium pecuniæ, sed alienum fructum exigit.

29. Ex eo autem, quod diximus, solvendum esse a fure, præter sortem, si quid domino interfuit pecunia carere; si nihil autem interfuit, nihil præter sortem exigi ab eo posse, etiam si aliquid ipsius furis interfuisset aliena pecunia uti; ex hoc, inquam, quod ipso Roma-

De injustitia  
usuræ con-  
cluditur.

no jure confirmante docuimus, reddit misce illud, quod initio hujus capituli ad usurae injustitiam probandam attulimus; nimirum præter æstimationem fortis, & ejus, quod mutuantis interest, nihil æstimabile esse in pecunia mutua, quod mutuanti jure repetendum sit; quidquid enim mutuarius interfit, ad æstimationem, & auctionem pretii non pertinere, ex adversariis ipsis juris naturalis doctoribus, & usurarum patronis vidimus. Ex his itaque omnis usurae purgatione disjecta, injustitia ejus proditur. Cum enim usura sit quidquid præter fortis, vel ejus, si quod mutuantis interfit, æstimationem exigitur; quodcunque lucrum præter justam hanc æstimationem exalium justum esse non potest. Pretium vero usus, quod ad præferendam aliquam justitiae speciem locationis nomine prætextitur, quam sit commentitium, & iniquum in mutuo, sive corpus pecuniae, sive quantitas spectetur, demonstratum arbitror, non solum si usus in consumptionem, & necessitatem, verum etiam si in commutationem, & lucrum allegetur. Fructus enim, si quos mutuarius capiat, quos sine pecunia mutua non percepisset, non proprios, ac naturales alienae pecuniae fructus esse, quorum pars aliqua, tanquam dominica, debeatur mutuantem, quasi pecuniae domino, sed alterius esse causae, quae mutuantem non tangit, & Romanis legibus, & ceteris exemplis, & evidenti ratione, ex ipsis adversariorum de jure naturali differentium principis educta, constans est. Hac omnia, si recte considerentur, ac intelligantur, usuram ex ipso naturali jure repugnare justitiae plane convincunt. Ubi enim nullum usus pretium in pecunia, ac mutuo justum est; iura, quae pretium, seu *merces usus* designant, iusta esse non possunt.

3c. Objectiones aliquot, quae hoc loco a nonnullis forte obtru-

dentur, ad justitiae speciem aliquam præferendam, libro sequenti rejiciuntur.

## CAP. VI.

*Etiam si usura universum non esset mala jure natura, ex ipsis tamen naturalis juris principis potius, ac debuit universum prohiberi.*

x. **Q**uanquam ea, quae de naturali jure, sive ex charitatis, sive ex justitiae principis hactenus discussimus, explorata sint; non deerunt tamen fortassis aliqui, quibus non aequè aperta videbuntur. Plus apud hos vulgaris ratio potest, quam subtilis quævis ratiocinatio, quæ cum longius quæsitæ judicetur, ei rationi vulgo inculcata prævalere non posse creditur, quæ si saltem casus videntur excipiendi, in quibus mutuum sub usura, tam dantibus, quam accipientibus utile, juri naturali, ut inquit, contrarium esse non potest. De hac objectione ab utilitate utriusque partis ducam nunc non agemus ( in \* librum enim \* vid. cap. sequentem objectiones rejecimus ) \* lib. VI. sed in horum hominum gratiam seposita interim generali usurae malitia, atque injustitia, illud demonstrandum suscepimus, quod etiam si usura non esset ita universum mala, & injusta, ut quibusdam in casibus ejus malitiam, ac injustitiam probare non facile sit; non injusta tamen, immo justissima habenda esset divina prohibitio, quæ illa universum nulla exceptione interdicat. Id in abundantiore divini juris defensionem conferet, quo omnem usuram prohibitam vidimus; cumque hac defensio ex ipsis naturalis juris principis constituenda nobis sit, jure huic libro inserta est, ubi de naturali jure disputatio agitur. De divina itaque prohibitionem potissimum locuturus, quæ

ex

Sup. c. 4. n.  
4. & 7. Con-  
fer lib. VI. c.  
6. n. 13.

ex catholico certissimo dogmate superius demonstrato in dubium vocari non potest, ut propositum demonstrarem, iustissimas fuisse causas ostendam, quibus Deus præsertim omnem usuram, tametsi non omni casu esset injusta, universum tamen prohibere non solum potuit, sed quodammodo etiam debuit.

## §. I.

*Ex sola honestate usura vetari a Deo potuit, sicut & alia non necessario mala eadem de causa interdicta fuerunt.*

1. DE potestate si quis contendere, non solum refutetur ex iis, quæ diximus cap. 1. ubi posse Deum vetare quæ vetita jure naturæ non sunt, & nonnulla etiam ejusmodi in novo quoque Testamento vetasse aliquot exemplis ostensum est; sed satis convinci deberet ex illo naturali principio, quod expressit Grotius lib. 2. de jure belli, & pacis c. 1. §. 10. n. 2. *Deus, qui ita auster est natura, ut & supra naturam agas libere, jus habet nobis leges præscribendi, etiam de his rebus, quæ natura sua libera, infinitaque sunt; multoque magis ut debeatur id, quod natura bonum est, etsi non debitum.* Ex hoc principio, quod naturali ratione manifestum est, idem auctor, qui nonnulla circa mores minus recte sensit, etsi cum quibusdam laxioribus Theologis per se a ratione licere putaret honoratiori viro alapam homicidio repellere, si alia via non suppetat; id tamen Christi prohibitionem illicitum faceret, sicut & alia nonnulla, quæ cum honestum certe fuerit vetare, satis id est, ne inficiari, aut interpretari possimus eam divinam legem, quæ in iis edita patet, sufficere hac nos lege teneri, ut ne de naturali jure præterea disputemus. Id ipsum porro dicendum censuit de usura, cujus

Tom. I.

prohibendæ honestatem in dubium vocare non potuit. Postquam enim de naturali jure circa usuram a ratione ambigendum putavit; divinam tamen legem *sufficere nobis debere* hac ratione prodidit lib. 2. c. 10. §. 10. *Est enim hujus loci materia, si non necessaria, certe honestas naturaliter &c.* Honestum certe id maxime habitum inter ipsas Gentes, quæ idcirco usuram inter inhonestas artes censuerunt, ut cap. 3. latius ostendimus. Charitati præterea id congruum est, ex qua amici amicis, & fratres fratribus gratis mutuum dare etiam inter Romanos solebant. Tandem, ut alia honestatis capita omittam, cum avaritiæ, & cupiditati usura deserviat, ut vel ex ipso Plinio liquet l. 33. Hist. natural. n. 14; ita honestum est ab usura abstinere, uti cupiditati, ac avaritiæ obviam ire plurimum honestatis habet. Christus ergo, qui in nova Lege charitatem perficere, cupiditati autem, & avaritiæ omnium malorum radici maxime resistere potissimum instituit, si de usura vetanda cogitavit, nihil sit mirum.

## §. I I.

*Ex in politico regimine prohiberi solent, ac debent, quæ etsi per se mala universim non sunt, plerumque tamen in abusum, scandalum, aut damnum publicum vergunt, si universim non prohibeantur.*

2. Sed potiora erunt, quæ legis hujus non tam honestatem, potestatemque, quam debitum quoddam, ea quoque in hypothese suadebunt, qua scæus, & usura non universim per se mala præsumatur, sed solum ex abusu. Ego ita sit, uti nonnullis placet. Quid porro? Nonne in statu etiam politico, præter ea, quæ mala, & injusta sunt jure

G g

Bath-

naturæ, illa quoque universim prohiberi solent, & debent, quæ etiam non universim sint mala, plerumque tamen mala sunt, & in abusum, scandalum, ac periculum vergunt? Quæ per se non sunt mala, sed potius bona, raros autem abusus suscipiunt, permitti solent, ne rarus eventus malus frequentiore usum bonum impediatur. At quæ per se mala non sunt, ita tamen ut si non prohibeantur universim, frequentiores abusus ferant, prohibenda omnino esse a Legislatore ipsa ratio dicitur. Legislator enim cum bono publico debeat providere; publicum autem, quod universos complectitur, non ex paucioribus, sed ex pluribus metiendum est; in legibus ferendis, non ea, quæ paucioribus, sed ea, quæ plerisque contingunt, spectare debet. Hæc principia adeo naturali lumine nota sunt, ut ex Pomponio, Celso, & Paulo in Digestis inferantur tit. 3. Lib. 1. L. 3. *Jura consueti oportet, ut dicit Theophrastus, in his, quæ ἐπὶ τὸ πλεῖστον, idest ut plurimum accidunt, non quæ ἐκ παραλόγου, idest ex inopinato.* L. 4. *Ex his forte, quæ uno aliquo casu accidere possunt, jura non consueuntur.* L. 5. *Nam ad ea ardua potius aptari jus, quæ & frequenter, & facile, quam ad ea, quæ raro eveniunt.* Et L. 6. *τὸ γὰρ ἀπαξ ἢ δις, idest: quod enim semel, aut bis existit, ut ait Theophrastus, παραβρίνεσθαι οὐ νομιζέται, idest, prateriunt Legislatores.* Plures ex his principiis leges justissimæ, & omnino ferendæ habentur in civili republica, quæ res per se non universim illicitas ex frequentioribus abutibus universim prohibuerunt.

4. Idem & divina lege potius fieri quis neget? Immo non alia ratione generatim vetita a nonnullis creduntur divortium quoad *εὐνομίαν*, & plurium uxoribus simul-

tanea conjunctio, nisi ob frequentiora mala, quæ exinde sequi solent. Fuerunt etiam auctores, qui simplicem fornicationem per se, si citra abusum, & periculum omne caute fieret, jure naturæ malam, non esse putarunt; sicut de homicidio ad impediendam injuriam, vel calumniam alii docuere; at hæc nihilominus, ob pericula abutuum frequentiora, jure universim vetita ultro tradidere. Immo quidam nonnulla, quæ naturali jure vetita credenda sunt, non ex eo vetita putant, quod per se semper mala sint, sed quod in faciles abusus declinent; quod abusus periculum cum practice semper imminet, semper ab eo naturali jure prohibenda fuerunt, quod averti id genus pericula jubet. In hoc genere accensent quidam simplicis fornicationis prohibitionem, quam ex solis practiciis periculis, & scandalo derivant: ita ut quæ speculative, ut ajunt, separatis omnibus scandalo, & periculis, aliquando liceret, practice nunquam liceat, & jure ipso naturæ vetita sit. Si hæc singularia exempla non satisfaciunt, id tamen principium in dubium vocari non potest; nimirum quædam per se non universim illicita jure naturæ, ob scandala, & difficilem exitum, seu frequentiores practicos abusus, vetanda fuisse.

## §. III.

Quos pernicioſa mala nascerentur ex usura, si universim prohibitis non esset. Primo de scandalo in Christianam Religionem.

5. Inter ea porro, quæ plures abusus, & scandala secum afferunt, usuram proculdubio accensendam, quanquam in se mala universim non esset, jamdiu ante docuit Innocentius IV. Cum enim nonnulli dubitationem ingererent de

de naturali jure circa usuram in se, & universum sunt. m. ipse omnem dubitationem tollens de medio, ex practiciis periculis eam exinde jure a Deo universum veritatem prodidit in Rubrica de usuris: *Nam licet inveniri forte posset casus, ubi jure naturali, quod natura hujusmodi inducit, non esset peccatum usura, tamen propter mala, & pericula, quae sequerentur, in omni casu prohibita est.* Ne id gratis dictum credatur, tria sunt potiora mala, quae ex ea doctrina consequerentur, si Christus usuram licitam fecisset; scandalum Religioni perniciosum, frequentissimi abusus contra ipsam legem naturae, & reipublicae damnum.

6. De scandalo in Religionem Christianam, cui maxime consultum voluit Paulus 1. Cor. 10. v. 32., ne quis offensionem esset, sive Gentibus, sive Judaeis, quae, rogo, Hebraeorum fuisset offensio, si Evangelium, quod perfectissime legem praedicabatur, non destruxisset, Moyses legi cedere hae in partem vidisset? Aequa isthaec perfectio, dixissent, ut quod ex Moysse inter fratres vetitum est, & cum solis alienigenis permixtum, ex Evangelio inter ipsos fratres liceat? Illa ne charitas illa fraternitas, quam Evangelium tantopere inculcat, cui ipsa charitas inter Gentes gratuitum mutuum fratrum, & amicis largientes praestaret? Quae tandem isthaec potest esse Christianorum justitia, si Ezechiel usurarium, & injustum pro eodem habet? Hec, & similia quanio scandalo, & impedimento apud Judaeos forent, nemo non videt. Idem de Mahometanis, & nonnullis aliis Gentibus est, quibus assuetis prohibitioni usurae ex Alcorano, vel philosophorum suorum placitis, magno esset scandalo videre Evangelium Alcorano, ac philosophorum institutionibus cedere; incredibileque hoc exemplo foret, si quis cum Augustino persuaderet

niteretur, *non esse honestiorem philosophiam Gentium, quam nostram Christianam, quae est vera philosophia.* Quod si usura inter Christianos non desunt, ex quibus Christianorum nomen blasphematur inter Judaeos, & inter Gentes; deerit ne haec, quae in ceteris criminibus praesto est, Christianae Religionis defensio, usuram quidem admitti a malis, at Evangelium vel per eosdem malos Christianos eam reprobare, & usurarios repellere, quoad, vere poenitentes, aliam praxim Evangelicae doctrinae respondentem amplectantur?

## §. I VI

*Secundo de oppressione pauperum contra legem naturalem.*

7. **S** Ed haec leviora videbuntur praeter abusus, qui contra ipsam naturalem legem frequentissimi sequerentur, si usura universum non vetaretur. Naturalis lex vel per ipsos adversarios (ut in Praefatione ostendimus) usuram damnat, quae a pauperibus exprimitur. Immo plures, praeterim recentiorum, eodem jure interdictam etiam concedunt usuram, quae divites in paupertatem deducit, eum perinde molestum, & charitati inimicum, sit pauperem gravare, ac divitem in paupertatem conjicere; nisi hoc sit multo molestius. Quin & cum quoque casum complectuntur, quo praedia, & alia bona possidens, iis in angustiis positus sit, in quibus, nisi pecuniam mutuam inveniat, grave rerum suarum dispendium subiturus est, vilius alienando res suas &c.; cui damno gratuito mutuo, si nihil mutuantis interfit, occurrendum ex charitatis lege probant. Hinc eam solam usuram licere defendunt, quae ab iis queritur, qui mutuum in negotiationem, & luerum petunt; alia enim quavis exacta ex mutuo, quod in

Lib. 4. in Julian., c. 15. n. 74.

Vide Traité des press de commerce pag. 13. 14. & 176.

G g 2

nece.

necessitatis subsidium, & meram consumptionem quaesitum sit, ad merum gravamen, & pauperiem inducendam pertinere contendunt, vel certe ad damnum grave ipsorum ditiorum vitandum, ac proinde lucrum esse, quod ex necessitatibus hominum, etsi ditiorum, aucupari non licet: cum praesertim divites, si quando egeant, pauperibus aequiparentur, ut ipse notavit Salmasius de Fœnore Trapez. lib. 3. p. 623., & 626. Legatur pars prima operis inscripti: *Traité des Pretz de commerce*.

8. Sed ne quid dubii a quopiam ingeratur, pauperum usura jure naturali certissime interdicta in praesentiarum sufficit. Si enim hæc sola usura praesumatur jure naturali prohibita, nec lex accedat, quæ omnem universum usuram vetet, nihil frequentius accidet, quam ut usura ab ipsis pauperibus exigatur, quod in ipsam naturalem legem recideret. Ratio manifesta est, quia frequentiores sunt casus pauperum, quam divitum, qui mutuo egent, & plerique in necessitatem, pauciores in lucrum mutuum quaerunt. Porro in praxi discernere alterutros non ita facile fuerit, primum ex parte mutuantium, qui sibi in res alienas curiosius inquirendum non putant; vel etiam ut pacatius, & sine scrupulo lucrentur, eam curam, ac sollicitudinem refugiunt: *Non est porro mei muneris*, inquit Salmasius de Usuris c. 8. p. 196., *inquirere scrupulosius, an ille, qui mutuum sibi dari petit, ad causam quaestuosam id exspectat, an ad alium usum necessarium*. Et Lib. 3. de Fœnore Trapezitico p. 605. ab ea inquisitione deterret, num dives, an pauper sit, qui mutuum petit. Deinde etiam ex ipsis petentibus mutuum, qui, ne repellantur, pauperes se nunquam fatebuntur, vel ex honestate status etiam verebuntur. Neque decrunt, qui etsi maxime egeant, ditiores se judicari gau-

debunt, atque studebunt, ne officio hoc solis pauperibus debito indigere videantur, & quasi elemosynam quaerere; ex eo enim, quod mutuum gratuitum, velut elemosyna solis pauperibus debita, a nonnullis tradatur, eo adducti sunt honestioris conditionis homines, ut pudori sibi ducant, gratis mutuum accipere. Adde quod tituli, qui ab usurarum patronis pro vindicanda usura allegantur, communes sunt omni mutuo, quod sive divitibus, sive pauperibus creditur, ut ex libro sequenti parebit: unde si ex iis usura liceat, non minus ex paupere, quam ex divite licebit. Hinc Salmasius fœnus perinde habens, ac pensionem pro locatione domus, ita fœnus exigi posse ait a paupere, ut pensio pro locatione domus ab eodem exigi potest. Idem etiam l. 3. de Fœnore Trapezitico pag. 635. & sequentibus, questione proposita, quis vere habendus sit pauper; ea assertit, ex quibus casus pauperis, cui gratuitum mutuum dandum sit, non tam ad difficile cognitionem, quam ad nihilum redigitur: & tantum abest, si ipsi credamus, quod necessitas usuram illicitam efficiat, ut cum *maius sit ex aliqua necessitate, exurgere, quam lucrari*, ejus minus pretium æstimabilius, & justius subindiget pag. 621. In hæc portenta incurrant oportet, qui rationi propriæ indulgentes, usuram per se licitam volunt. Ex his ergo nullus, vel rarus casus erit, quo usura illicita practice habebitur; & ita in praxi pauperes ipsi passim opprimuntur, & usura, quam naturale, quoque jus prohibet, palam grassabitur. Ut igitur huic naturali juri ex æquo prospiceretur, & frequentes hi rescarentur abusus, non satis fuit usure prohibitionem naturalis juris limitibus, quos homines facillime transgrederentur, permittere; sed ne ex naturali jure graventur pauperes, qui in praxi non facile discernuntur a divitibus, usu-

Lib. 2. de Fœnore Trapez. p. 427.

Vide etiam L. 1. de Fœnore p. 20.



ra universum, nulla exceptione, interdicienda fuit.

9. Neque dicas haud æquum esse vetare usuram quæ liceat, ut tollatur quæ non licet. Id enim ad summum valeret, ubi alteram ab altera distinguere facile sit. Ubi autem in praxi hoc sit difficillimum; satius multo est tollere quod licet, quam quod non licet permittere, si præsertim id, quod non licet, frequentiori periculo expositum sit. Plus enim publico, idest plurimorum, quam privato, idest pauciorum bono a Legislatore prospiciendum est; & malum impedire magis præstat, quam rem non malam liberam sinere. Ita quidem Legitatores se gerunt in ipsa civili republica, cum de prohibendis malis agitur, quæ sine aliquarum rerum etiam non injutarum, nec malarum vetatione impediri non possunt; nec ii, qui se ab actione alias licita prohibitos vident, de Legislatore conqueri jussu queunt: ac propterea ubi arma ob pericula vetantur, nemo, etsi se a periculis tutum credat, posset illa deferre, nec querelas adversus Legislatorem spargere: is enim publicum periculum, & malum privatæ, ut debuit, non malæ facultati antetulit, quæ si libera sineretur, ex plurimorum abusu multa in praxi mala sequerentur. Eadem de causa. Deum recte interdixisse universam polygamiam, & alia quædam, in iis quoque circumstantiis, ubi nihil timendum esset mali, plures tradunt; ut non proinde ii, qui ex peculiaribus sui casus cautionibus nihil periculi metunt, sese ab ea lege dispensatos credere possint. Nisi hæc universalis prohibitio omnes casus excluderet, omnesque ea prohibitione tenerentur, quisque facile sibi suaderet ex peculiaribus sui casus circumstantiis, atque cautionibus, prohibitionem ad se non pertinere. Idem omnino in usura accideret, si universam non vetaretur: pauperem

enim non esse eum, qui petit, quisque fere semper judicaret; & ita, naturalis lex in frequentissimas offensiones caderet. Vetanda igitur universum fuit, ut hisce periculis caveretur; & quando universum vetita est, nemo de lege conqueri, nemo suum casum, ac circumstantias, quæ iis periculis certissime careant, excipere potest.

10. Frustra igitur adversarii casus objiciunt iis circumstantiis definitos, in quibus non solum nihil mali, sed bonum potius, ut præferunt, utrinque sequitur. Etiam si per se hisce in circumstantiis res mala non esset; ex periculis tamen, & abusus plurimorum adversus ipsam naturalem legem, vetari jure omnis casus potuit, nec privatis ab ejusmodi lege hunc, vel illum casum quacunque cautione circumscriptum subducere licet. Non alia de causa post prohibitionem polygamie nulli exceptioni locus est, etiam si peculiaris cautio ab omni periculo tantum præstaret. Neque damnum suum ii, quibus omne etiam per se honestum lucrum intercluditur, huic legi objiciant: in damno enim hinc suo, sed mere temporali, hinc pauperum, & naturalis legis, æquius fuit pauperibus, & naturali legi, quam ditioribus in merum temporale bonum consulere; idque tanto æquius in Christo, quam in alio quovis Legislatore civili, quod is externo civili regimini, non autem conscientie præfatus, in ferendis legibus nonnulla ipsi naturali legi contraria aliquando permittere potest, ob majus malum vitandum; at ille perfecturus totam legem, unde homines ad cœlestem patriam tute dirigerentur, nihil mali ullo casu permittendum, totiusque naturalis legis observantiam cuique temporali bono præferendam ratus, plura ejusmodi impedimenta, ac pericula præcidea judicavit. Quod si nonnulli ex ipsis Legislatoribus civilibus, ex frequentibus permixtis u-

suræ

furę periculis eam nonnunquam interdiciendam putarunt in ipsa societate civili, quę solum publicum bonum reipublicę respicit; (ut de legibus Genucia, & Sempronia dictum est Cap. 3. §. 3. & pluribus dicitur libro seq. c. 1. §. 4.) quanto magis prohibenda fuit a Christo in republica Christiana, quę præter bonum civile, divinę legis bonum potissimum spectat?

11. Salmasius in Lib. de Usuris c. 30. considerans periculum oppressionis pauperum, si usura universim non interdiciatur, ut hæc in pauperem gratiam a Deo Hebręis ex naturalis juris (quemadmodum loquitur) æquitate vetaretur (1) universim, nulla divitum exceptione fuisse interdiciendam fateatur pag. 611. *Ab omnibus sane accipi usuram fuit vetandum, ut tanto magis ab indigente non acciperetur. Si enim a solo indigente eam peti lex prohibuisset, semper ea difficultas occurrisset, quis indigens esset intelligendus? Avaritia funeratorum neminem facile passa esset eo nomine censeri: quo usuras sibi deberi ab omnibus facilius praterderet. Nemo certe indigens visus fuisset ei, qui pecuniam dedisset mutuam, ut usuras liceret exigere. Si eadem naturalis juris æquitas pro pauperibus in Evangelio manet, ex pari periculo par generale interdictum a Christo ferendum, seu verius confirmandum fuit. In hunc eundem finem res non ad solos charitatis, sed ad iustitię etiam terminos redigenda. Quę enim ex necessitate contra charitatem sunt, non solum in divitibus omni necessitate carentibus locum habere non possunt, verum etiam in pauperibus facillime prætermittuntur, ut in multis charitatis præceptis accidit;*

unde etsi Christus Matth. 25. v. 38. grave hospitalitatis præceptum erga pauperes hospites iis verbis urgeat: *Hospes eram, & non collegistis me*, vix tamen est ullus, qui in eo sibi scrupulum ullo casu faciat, pensionemque domus etiam a miserimis, ac impotentibus duriter non exigat, aut gratis sibi haudquaquam locandum arbitretur. Idem accideret in mutuo, si per se iuste cum usura in locationis speciem tradi posse crederetur. Hinc quidem Salmasium opponentem memoravimus, æque pauperi locari posse pecuniam, ac domum. Solius charitatis mandatum, cum ex certis conditionibus pendeat, faciles exceptiones suscipere potest: at ubi ex iustitia aliquid veritum sit, quę eque divitem, ac pauperem respiciens, nullas conditiones ferat; etsi qui Deum, ac divinam legem nihili faciunt, sed cupiditati magis, ac avaritię student, hæc quoque præcepta præterire, & eludere inanibus commentis possint; qui tamen & Deum, & divinam legem cuique cupiditati præferunt, rem ipsam universim veritatem intelligentes, non ita facilibus in praxi deceptionibus obnoxii erunt; & ita hac via divinę naturali legi facilius prospicietur.

12. Quanquam ergo usura contra naturalem legem universim non esset; ex iis tamen frequentissimis abusibus, quibus ea naturali juri permixta, contra ipsam naturalem legem usurpata passim fuisset, jure vetari a Deo universim potuit; & ad iustitię etiam terminos revocari: idque ex naturalis quoque juris æquitate faciendum, cum hac in re ex certo dogmate factum liqueat, nihil est, cur de aliis rebus, in quibus eodem forte jure idem effici

Sup. n. 8.

potest.)

(1) Id ipsum testatur etiam Gerardus Noodt l. 1. de Fœnore c. 10. p. 295. *Etsi pauperum meminit Exodi 22. §. 25., tamen generaliter loquitur Deut. c. 23. §. 19. quia omnibus prohibendum erat, quo non debuerat premi pauperes, tam obscura distinctione pauperis, & divitis.*

poterat, & factum tamen non est, quaestione, aut difficultatem moveas, nisi illud colligere placeat, in sola usura id factum, quia usura reapte non libera, sed per se mala, & injusta est.

## §. V.

*Tertio de malis in ipsam civilem rempublicam.*

13. **S**I usura permissionem, quam periculosam hacenus vidimus, publicæ quoque rei, statuique politico infestant addamus; mirum, & incredibile illis videbitur, qui nihil ea re utilius, ac magis necessarium reipublicæ prædicant. Sed de præsentia usurae necessitate fufius cognitari libro sequenti cap. 1., publicam, ac veramejus perniciem hoc loco facile est aperire. Qui publicum reipublicæ bonum ex usura depradicant, vel in solis fœneratoribus, quibus usura unice prodest, ipsam rempublicam statuunt; vel mutuum ab usura nequaquam distinguentes, usurae tribuunt, quod soli mutuo vertendum est; cum e contrario usurae, qua gravantur homines, non autem juvantur, non nisi malum, & damnum tribui possit. Hinc Nicolaus Cabasilas, quantumvis Schismaticus, objicientibus mutuatariis etiam pauperis utilitatem ex fœnore, respondit: *Certe quatenus commedasti, non quatenus eum fraudasti, profussisti; nec accusasti a*

*nobis, quod das mutuum, neque, quod sortem repetis, sed quod insuper usuram exigit.* Hoc non proficiscatur paupertatem, sed inducit, ne aliquid tuorum in pauperem confert, sed ejus rebus manus tuas implet. Usuram quidem Nefcheeb, idest morsum in veteri Testamento dictam observavit Salmalius ex parte debitoris, quia veluti quoddam morsu deterat, atque oblimet ejus facultates, quod sane damnum est; nec Tarbith, idest, accessio, & incrementum, vel lucrum appellata, nisi quantum ad creditorem, quia ad sortem ei accedit, & opes ejus amplificat. Cum autem plures longæ sint debitores, qui egentes eo morsu deteruntur, quam creditores, qui abundant, & usura augentur; publica autem res e pluribus, non autem e paucioribus nuncupanda sit; usuram publicæ rei morsum, & idcirco damnosam publico agnoscere licet. Sed pecuniaria de singulis, qui usuras solvunt.

14. Et primo quæ de frequentissimis abusibus in pauperes superiori paragrafo diximus, cum eorum oppressione respiciant, qui plures in republica sunt, nonne ad publicum malum pertinent? Gaudent illi quidem initio de mutuo, quo necessitate providetur, & eorum, qui provident, beneficium commendant; & eatenus fœneratores (1) indigentibus utiles affirmari poterunt. Quando vero sortis cum fœnore restituendæ tempus accedit, tum maleficium miseri, & dam-

C. 7. de Usur.  
pag. 181.

Aequivo-  
cacio adver-  
siorum.

De malo in  
pauperes ex  
usura.

Tom. 26.  
Bibl. Patr.  
Pag. 170.

(1) Justinianus Novel. 136. c. 4. hanc publicæ rei utilitatem fœneratoribus tribuit, quod per mutuum omnibus propemodum indigentibus opem ferre parati sunt. Hinc etiam Sextus Cæcilius Jurisconsultus apud A. Gellium l. 20. c. 1. mutuum temporaria inopia subsidium appellavit; & Cloatius Verus l. 4. verborum a Gracis tractorum ex Hypicrate de fœneratoribus ait: *Id genus hominum speciem ostendant humanitatis, & commodi esse videntur inopibus nummos desiderantibus; ut videre est apud eundem Gellium l. 16. c. 12.* Adeo plerique ex iis, qui mutuum petebant, inopes fuere. *Ostendant vero & videri, ait, quia beneficium ex mutuo præfertur, quod ex usura maleficium est.*

damnum agnoscunt, ac desunt; ut SS. Basilii, & Gregorius Nyssenus in Homiliis contra usurarios, aliique Patres observarunt; unde vulgatum proverbium refert Salmasius c. 18. pag. 531. de Usuris, in accipiendo mutuo homines amicos existere, in reddendo inimicos: *invisaque funeratio illis, ut scribit Columella, quibus succurrere videtur.*

De prætensio  
so usurarii  
contractus  
beneficio.

15. Frustra igitur memoratus Salmasius l. 3. de Fœnore Trapezit. pag. 586., utilitatis testimonium ex ipsis pauperibus inculcans, *Credamus, inquit, potius pauperibus de utilitate, quam ex fœnere percipiunt, quam iis, quibus ad eum recurrere..... nunquam necesse sit:* id enim ad mutui beneficium pertinet, non ad usuram, in qua nihil utilitatis, nihil beneficii est, sed merum damnum, ac maleficium. Velim Salmasius revocaret in mentem quod lib. 2. scripserat p. 235., ubi contractum quandam iniquissimæ venditionis, qua quis ex necessitate, vel cupiditate emtoris augendi supra modum pretii occasione sumit, iniquitatis condemnat, licet illi, qui emebant, etiam beneficium se accepisse testarentur, & gratiam haberent. Potior est pauperum ratio, quos potior necessitas ad mutuum sub usura sumendum compellit. Optime S. Joannes Chrysostomus Hom. 56. al 57. in Matth. *Noli mihi dicere, quæso, quia gaudet, & gratiam habet, quod sibi fœnore pecuniam collocat; id enim crudelitate tua coactus fecit. Nam ut Abraham enim uxorem barbaris traderet, ipse modum invenit, quo facilius susceperetur, non libenter autem, sed metu Pharaonis impulsus; sic & pauper, postquam & ea re tu dignum non putas, (nisi usuram solvat) cogitur crudelitatis gratias agere.* Quod si beneficii loco collocandum est, prædonis, ac grassatoris est beneficium, qui viatori non nisi per solutionem pecuniæ vitam concedit. At de pauperibus satis.

De usura  
malo in ho-  
nestiores fa-  
milias.

16. Quid dicam de honestioribus familiis, quæ fortunæ bonis, ac prædiis paratæ, ditiores habentur? Quot ex his in necessitate aliquam pecunia indigentes, ne bona, aut prædium aliquod distraherent, ad mutuum confugerunt; qui postea corrente sensum usura, in hanc simul cum sorte solvendam, duplum, vel triplum distrahere coacti sunt, & viliori sæpe pretio, quam si quid initio alienassent? Adde quod ex facilitate mutui, ex quo, dum petitur, commodum, non autem futurum detrimentum cogitatur, multi in voluptuosos, ac splendidos sumtus alliciuntur, a quibus alias abtinerent; unde postea in rerum suarum perniciem miserrime incidunt. Non alia de causâ prædia quotidie veneunt, partim sub hasta, partim ex contractu; & plures olim honestæ familiæ ad paupertatem dilapsæ sunt. Hujusmodi casus suo quoque ævo frequentes laudati Patres commemorant, & S. Ambrosius in libro de Tobia plura assert, quibus idipsum semper evenisse probatur. Hinc etiam Plutarchi opusculum *De non contrahendo are alieno*, non in pauperum, qui mutuum, & fidem, ut ille notavit, non inveniunt, sed in ditiorum hominum gratiam lucubravit, ut ex frequentissimis usuræ damnis eosdem a mutuo deterreret. Eadem legere est apud S. Basilium, & Damascenum, qui propterea satius esse movent necessitatem pati, vel in necessitatis, si urgeat, subsidium aliquid vendere, quam alienum æs sub fœnore accipere, unde plura deinceps damna redeunt. Non negant quosdam hac via rebus suis consuluisse, at plures maxima passos ad inopiam decidisse testantur. Adeo contra experientiam pugnæ necessesse est, qui usuram ditioribus mutuum in necessitate sumentibus perniciosam inficari audeat.

17. Neque vero ad fœnus purgandum mutuatariorum imprudentiam,

tiam, aut malam sortem cum Salmatio accusas. Quantumcunque enim imprudentia, aut mala fors in hanc ruinam a senore illatam conspiret, potissima tamen huius ruinæ causa senus est, sine quo tanta perniciēs nulla imprudentia, vel fato malo proveniret; unde antiqui omnes id malum senori dederunt. Certe si de alienatione, aut venditione, a qua homines magis abhorrent, actum fuisset; ipsam alienationis, aut venditionis nomen imprudentiam repressisset, quam usura contractu facilius nequaquam cohibet: mala autem fors si ad presentem alienationem, vel venditionem in necessitate compellat, minorem, quæ meræ necessitati medeatur, iacturam afferat, nec usuræ, quæ cetera devoret, aditus pateat, quod majus, & frequentius sepe malum honestis familiis parere solet.

De usura  
malis in ne-  
gociatione  
& commer-  
cium.

18. De solis mercatoribus, qui negotiationis, & lucris causa alienum æs contrahunt. dubitari potest, num his pariter usura, detrimento sit. At primo si usura, & pauperibus, & aliis honestioribus familiis, quæ in necessitate mutuo indigent, perniciēs est; quis ex solis mercatoribus, parte Reipublicæ minima, bonum publicum deriveret? Certe hoc minimum, & rarius, si quod esset, mercatorum bonum, nullus Legislator frequentiori ceterorum quam plurimum malo præferet, ut ex eo publicum malum negandum existimet. Quid porro, si usuram, mercatoribus etiam, & commercio plurimum exitu afferre demonstrarem? Quot negotiatores ære alieno gravari, suum in usuras solvendas consumere? Multi quidem casus in ne-

Tom. I.

gociationem incidere possunt, ex quibus hæc damna proveniant. At frequentius id evenit ex alieno præ, quod cum usura restituendum est. Usura enim cum supra æs alienum mutuo acceptum sit omnino solvenda, si ve negotiorum bene cedat, si ve male: satis est non bene cedere, ut ex proprio ære solvenda, æs proprium cum alieno corrodat. Nihil porro negotiationi, & commercio perniciosius accidere potest, quam decoctiones, & cessiones bonorum. Hoc enim malum non illis solis, qui bonis cedunt, perniciem affert, sed aliis pluribus, qui ejusdem damni participes sunt. Harum autem decoctionum causa frequentior æs alienum est, quod sane qui decoquunt, restituere non possunt. In hanc autem conditionem antequam veniant, iacturam fecisse presumendi sunt æris proprii, quod sepius in usurarum solutionem consumserint. Quod si hæc decoctiones maximum mercaturæ malum sunt; usuram, quæ harum decoctionum frequentior causa, & origo est, maximam mercaturæ perniciem afferre negari non potest. Majus profecto ex ejusmodi decoctionibus, quæ ex usura prodeunt, damnum in negotiationem redit, quam ex lucro, quod aliis nonnullis ex steneratario mutuo paritur; unde in Batavia (1) a celebri viro negotiationis, & commercii peritissimo nuperrime dictum proditur, ad decoctiones magnæ ex parte tollendas, usuram tolli oportere.

19. Dices fortassis, non semper hæc mala extrema ex usura manare. Esto. At ad prohibendum jure aliquid ex malis, quæ inde

H h

pro-

Vide Jacobi  
Savary Le  
paran negoti-  
ation le 1. 6.  
2. & 103. C. 4.  
Tom. I.

(1) Lettre Theolog. 17. contre la Traité des prêts de commerce n. 18. hæc habentur. J' ai appris de feu M. Barchmanes qu' un de premiers hommes de l' état s' entretenant avec lui sur ce qui faisoit des lors le sujet de la contestation, lui dit, qu' on rendroit un grand service à la République, si on prendroit à decouvrir les contrats usuraires; & que si on les abolissoit, on ne verroit point tant de languettes.

proficiscuntur, haud opus est ea semper contingere, sed sufficit, ut identidem eveniant. Quod si aliorum mercatorum lucrum oberudatur, praequamquod hoc lucrum non redit ex usura, quam solvunt, sed ex pecunia mutua, quam sine usura aliis iustis contractibus aequè potuissent negotiari, ut mox dicam: si huius lucri, & damnorum rationes accurate ineantur, & subducantur: haud dubito, quin publicae rei longe maiora sint damna, quam lucra. Cum enim lucra illorum tantum sint, qui praepter usuram solvendam aliquod ex mutuo lucrantur; id sane pauciorum est praeter illis, qui non tantum lucrati, iacturam potius faciunt, sibi quoque lucro deputare solent, non majorem iacturam, ac damnum mutuo opitulante fecisse: quibus autem hoc tantum lucrum contingit, si peculiari ipsorum negotiatorum industriae, ac sorti non sit adjudicandum, quae a mutuo nihil pendet, non sine enormi (1), ac gravi fure mercium pretio id obtinebunt, ut & usuram solvant, & sibi lucrum praeterea superfit; quod in publicum sine carius ementium damnum recidit. Itaque si hoc, vel illud pauciorum lucrum cum plurimorum damnis conferatur, certiora, & plura inveniuntur foeneratiis mutui damna, quam lucra, ita ut mercatoriae, ac publicae rei foeneratiis undinatio perniciofa sit.

20. Neque negotia florentia exaggeres, ubi usura permittitur: nam aequè, vel etiam magis florere posse reponam, si vetetur, certè autem minori cum damno. Si enim pecuniam famore exercere non liceat, qui lucrum appetunt, vel aliis viis iustarum societatum pecuniam in negotiationem conferent, quod negotiatoribus damno non

erit, & pleraque decoctiones impedit; vel ipsi per se negotiatio- ni vacabunt, quod ex collata plurimum alias otiosorum opera, atque industria, maximum publicae rei, & commercio beneficium, atque augmentum praestabit. Sed plura de his dicenda erunt Libro sequenti c. 1. §. 3., ubi obiectis ex usurae necessitate ducta, fusius rejiciuntur.

21. Ex dictis autem satis demonstratum arbitror, quanto ea potius sit damno pauperibus, ditioribus, atque ipsi commercio. Quae damna si simul considerentur, nulla aliquorum utilitas praestare tot damnis poterit: ut usura per se ipsi Reipublicae perniciofa absolute dicenda sit. It ergo, qui gloriosos usure effectus exaggerantes, eandem Reipublicae perutilem praedicant, & sibi, & publico fucum faciunt. Rationes non privatas aliquorum, sed publicas omnium, vel phurum melius ineant; & si nullo praedicio impediuntur, sententiam mutabunt.

22. Quid si cum temporali Reipublicae damno spirituale Religionis, ac naturalis legis damnum copuletur? Si solum consideretur temporale malum, quod usurae veratione impeditur, nonnulla e contrario detrimenta, quae non ex usura quidem vetita, sed ex mutuo, quod, usura vetita, ob foenerantium duritiam negaretur, derivarent, adeo gravia quibusdam videri possunt, us ad haec impedienda usurae malum permittendum iudicent; quae quidem de causa damnandi non sunt civiles Legislatores, qui civili societati, ac civili bono procurando praefecti, usuram nequaquam vetandam putarunt. At si cum temporali spirituale praecipue bonum cogiteretur, cui quidem prospicere divinus Legislator

Epilogus de  
usura malis,  
ex quibus u-  
niversum ve-  
tanum fuit.

Præfatum a  
Deo.

Quanto flo-  
rentior esset  
commercium  
cum sine usura.

(1) S. Ambrosius c. 14. de Tobia n. 40. hanc gravem pretii auctionem. Itai di deputans ait: Inde ille fraudem facit in mercium pretia, unde sibi usuram solvat (adde) & sibi praeterea lucratur.

lator potissimum voluit, usura, etiam si per se non esset universim mala, ex tam multis tamen, & temporalibus, & spiritualibus, quæ inde consequuntur damnis, aliis solis temporalibus damnis neglectis, omnino, ac universim veranda judicari potest, ac debet. Hinc ergo iusta, ac Deo digna lex illa habenda est, quæ omnem usuram interdixit. Hanc improbare possunt soli fœneratores, & qui cupiditati, & avaritiæ fœneratorum favent; vel ii ad summum, qui solum temporale nonnullorum damnum ex fœneratorum duritie proficiens, mente prospiciant. Quod si hæc sola hominum damna ex malitia proficiencia consideranda sint, plures aliæ divinæ leges reprehensioni subjicientur. Ultionem, atque injuriarum vindicationem vetare durum, & iniustum videbitur iis, qui injuriarum detrimenta patiuntur, nec faciem earum restitutionem vident; perversorumque hominum audaciam inde foveri, aditumque aperiri plurimis injuriis, si eas hæc via reprimere non perimittatur, dictirabunt. Idem erit de mendaciis, ac perjuris prohibicione, si, ne ad gravissima quidem mala impedienda, iis uti liceat. Quis tamen vere Christianus, mentem ad Deum, ac spiritualia erigens, hæc non contemnat, divinamque in eo legem non maxime probet? Quidni idipsum in usura sentiamus, & tanto in hac æquius, quod vetatione usuræ non soli spirituali, sed & temporalis bono etiam publico prospectum est? P. Thierry de Vauxiens in ea ipsa fusiori epistola, in qua pro usura maxime dimicat, difficiles usuræ, ut putat, licitæ conditiones falsus. *Je tombe même d'accord*, inquit n. 9., *qu'il est bien difficile de remplir tous ces devoirs essentiels, & que par conséquent ce commerce est bien dangereux pour quantité de particuliers.* Quod si ob hæc pericula usuram universim Clericis ab Ecclesia jure ve-

titam fatetur, num si eadem de causa Deus illam prohibuit omnibus, injuria factum dixerit?

13. Hæc in ea hypothesi, quod usura per se universim mala non sit. Quid si & charitati, & justitiæ inimica ex ipso naturali jure credatur? Illi ergo, qui pro usura vindicanda tantopere desudant, videant, quæso, quid tandem eorum nifus vergant. Deum prohibuisse usuram omnem ex certo dogmate certum demonstratum est. Audax nimirum, petulans, & impudens esset querere, cur illam universim prohibuerit. Satis esse deberet certa ipsius Dei prohibentis voluntas, ut e qua de causa eam veritam credamus. Sed eum non agatur de re mysterii plena, respondemus prohibuisse, quia contra charitatem est, quia justitiæ adversatur, & si hoc non plane persuaderi queat, quia libera ejus permissio obnoxia esset pluribus certissimis damnis contra Religionem, contra ipsam naturale jus, & contra Rempublicam, seu, ut Innocentii VI. verbis ntar, *quia si liceret eam accipere, omnia, vel plura mala inde sequerentur.* Quid igitur restat, nisi ut hanc divinam, justissimam legem veriti, ad sanius consilium adversarii redeant, & ab eo impio labore, quo pro usura hætenus dimicant, tandem aliquando cessantes, ei saltem legi parere populos doceant. Nisi hæc quibuscumque sufficiant, eum his non ampliori disputatione, sed lacrymis opus erit. Ceterum hypothesi, quam hoc capite posuimus, naturali juri, quod superioribus capitibus videmus demonstrasse, apud intelligentes argumentorum vim nihil præjudicii affert. Sed hic forte objectiones aliquot vulgares quempiam adhuc ita movebunt, ut quanquam eas divinæ legi prævalere non posse intelligat, ni tamen expresse dissolvantur, plenam de naturali jure persuasionem impedita sentiat. De his libro sequenti.


Ob fœneratorum duriciem, ac malitiam temporalia exinde proficiencia usura perimittenda non tutum Deo.

## LIBER SEXTUS.

*Objectiones contra naturale jus refelluntur.*

## C A P. I.

*Obiectio ex necessitate privata, ac publica, & de remediis succurrendi necessitati citra usuram.*

2.  Uo objectionum genera pro usura purganda ab adversariis afferuntur. Alia communia sunt omni mutuo, quæ si quid probent, nimis probant; probant enim licere in omni mutuo usuram, etiam a pauperibus, exigere, & quædam insuper probant a pauperibus maxime licere; quod sane iniquissimum est, & naturali quoque jure illicitum ab ipsis adversariis conceditur. Alia vero pecuniaria sunt ejus mutui, quod mutuatatio commodum, & lucrum affert, eaque probabiliora videri queunt. De singulis hoc libro cognoscendum.

## § I.

*Diluitur obiectio invicta ratione, cui ipsi adversarii suffragantur. Agitur præsertim de necessitatibus pauperum.*

- a. **P**rima, quæ a multis, etiam vulgo, maximo nisu inculcatur, necessitas est & privata, &

publica, quæ usuram omnino exigit: nulla autem lege prohibendum quod necessarium est. Vetus hæc obiectio, unde apud Augustinum, in Psal. 34. n. 14. sævus iactabatur corpus necessarium civitati. Quæ obiectio si quidem valeat ad usuræ vitium purgandum, ibi maxime valeret, ubi maxima necessitas est; ac proinde usura a pauperioribus, qui maxima necessitate premuntur, exacta, esset maxime licita: quod horrendum dictum est. Patet autem manifestæ hallucinatio. Necessitati enim, sive privatæ, sive publicæ, non scænus, quod gravat potius, quam adjuvat, sed mutuum subvenit; eique proinde satis est, si mutuum dare liceat, etiamsi usura non liceat.

3. Atqui plures sine usura mutuum non dabunt. Hoc, ut Lib. II. ca. 5. vidimus, totum Salmasii argumentum est, sed indignum plane, quod a Christiano, & docto viro asseratur, uti ibidem pluribus ostendi. Hæc certe ratione cum homines, præsertim pauperibus, sine maxima usura fere mutuum dare nolint; hæc usura præcipue licere dicenda esset; idque eo magis de hac usura dicendum, quod sola pauperum necessitas (1) vera necessitas est, non autem aliæ aliorum necessitates, quæ vel necessitates propriæ dicæ non sunt, vel aliis mediis inferius indicandis opem suscipiunt, ut ne mutuum cum usura necessarium sit. Saltem

(1) Notanda hoc loco Salmasii verba de Fœnore Trapez. p. 508. *Quis mutuatæ indiget pecunia, nisi pauper? Si dives aliquis mutuum expensat, aut ad luxum quærit, ut nepotes; aut ad lucrum, ut mercatores. Hoc superfluum, illud etiam vitiosum. At qui quærit ad necessitatem, sumit, atque ut inopia, qua laborat, medeatur, ut egenus, & inopiam sibi opem petis.*



tem si necessitatis ratio nihil probas in pauperum casibus, qui maximam necessitatem habent, multo minus probabit in casibus ceteris, qui tantam necessitatem non capiunt. Ratio est manifesta, quam non solum SS. Patres pluribus in locis, sed ipsi etiam adversarii ex ipso naturali jure noverunt: *Neque enim*, inquit inter ceteros Hugo Grotius Epist. 953. ad Salmasium agens de usura, *in lucrum arrisere debet alienam necessitatem*. Hinc si quis ex necessitate petentium justum augeat rerum pretium, maximæ iniquitatis damnatur ab omnibus, quippe qui inde lucrum quaerit, unde liberalius optulari oportebat. Quod si ex sola necessitate petentium augere non licet pretium, quod alias justum est; nec licebit ex ea sola lucrum quaerere, quod aliunde non licet. Si ergo usurae lucrum aliunde justum non probetur, ut probatum hactenus non est; ex sola necessitate non justum, sed potius iniquum probabitur: adeo perperam hæc necessitas ad usuram per sese vindicandam objicitur.

4. Cum necessitas hæc, quæcumque sit, mutuum, non usuram requirat; sola hominum cupiditas, atque avaritia usuræ necessitatem inducit. Et si quidem usura ex hac necessitate licita dicenda sit, quia cupidi homines aliter mutuum dare nolunt; ex voluntaria cupidorum, hominum necessitate dicendum esset licere, quod ex pauperum necessitate non licet. Quod si pauperum miseret, qui in maximis necessitatibus sine usura mutuum non inveniunt; perverso nimis ordine, ut prospiciatur pauperibus, pecuniorum avaritiæ, & usuræ favetur. In ejusmodi necessitatibus angustis, pauperes quidem licite posse usuras solvere, ubi mutuum alia conditione non inveniunt, jure defenditur: id enim eorum necessitati sublevari: necessearium est; at pecuniosis, & avaris, qui sine usura succurrere ne-

cessitati nolunt, affirmare licitum, ex necessitate lucrum quaerere, quod uni cupiditatæ, ac malitiæ favens improbandum maxime est, nemo unquam defenderit, nisi ille, qui probare simul auserit, licere gratulatori pecuniam a viatore exigere, si alias vitam concedere nolit.

5. Neque metuendum est, ne, si usura non liceat, homines bene nummati legis observantia pauperes deferant, quod usuram nolint. Utinam pecuniosi vere essent ejusmodi, qui divinam legem sincere venerentur, tunc enim non solum ab usura abstinerent, quod lex prohibet, verum etiam indigentibus gratis darent mutuum, quod eadem lex jubet; & ita nihil esset de pauperibus metuendum. At frustra hæc nobis pallicemur in hoc mundo, qui in maligno positus est. Semper foeneratores fuerunt complures, nec facile inventus est, qui lege usuram verante ob inopiam perierit. Si adversarii magnum beneficium præstare indigentibus volunt, præ abolenda usuræ prohibitione, gratuiti mutui præceptum inculcent. Qui enim prohibitionem usuræ abolere, aut elevare student, etsi pauperes excipiant, pecuniosis tamen hunc suum faciunt, ut in praxi neminem discernentes, usuram etiam a pauperibus exigant, uti pluribus ostendi superiori Libro c. 6. §. 3. Si vero usuram veritam præferentes, mutuum saltem in necessitate præceptum ostenderent, plures saltem pientiores, stimulis conscientiaæ acti, necessitati succurrerent, quod in hac defensione usuræ rarissimum fuerit. Idud unum necessitati remedium adhibuerunt SS. Patres in Orationibus contra usurarios, in quibus perpetuo reprehendentes usuram, quæ præsertim a pauperum necessitate quæsum aucupatur, mutui præceptum, & amplius etiam ejusmodi mutui apud Deum eo locati usuram extulerunt. Quod si quidam nihilominus miserissimos pauperes in

re-

necessitatibus negligent; hi erunt profecto ex malorum hominum numero, qui sicut præceptum mutui nihil facient, ita nec usuræ prohibitionem multum verebuntur. Itaque sive ab his cum usura, sive absque usura ab illis opportunitum mutuum pauperum necessitati præstabitur: ut ne opus sit usuram ex ipsa necessitate defendere, ex qua præferri usuram exprimere illicitum est.

6. Hic interim cogita, quod vergat illa nonnullorum inconsulta pietas, qua miserrimorum hominum necessitatibus commoti, ne hi sine mutuo deferantur, usuram licere prædicant, & qui secus prædicant pietate carere criminantur. Utinam pluribus ejusmodi pietas non placeret; quæ tamen recte cogitantibus cum secundum scientiam non sit, vera pietas non est; immo dum certam legem licrum ex necessitate quaesitum potantem destruere nititur, est potius impietas.

## §. I I.

*De necessitatibus hominum ditiorum. Quatenus iisdem sine usura vel aliis iustis contrahibus succurri possit.*

7. **H**actenus dicta de pauperum necessitatibus vera esse concedentur, quibus ab iis, qui possunt, ex præcepto succurrendum est, sicut elemosyna, ita & gratuito mutuo; quod elemosynæ, seu doni speciem Patres appellarunt. At num de ditioribus, vel mercatoribus, qui identidem egent, & non minima, sed magna sæpe quantitate egent, idem dicendum est? Quenam lex hujusmodi hominibus, qui mutuantibus sæpe divitiis præstant, tantam summam gratis mutuandam præcipit? Si autem nulla id lex jubeat, mutuum nemo his dabit tuta conscientia; & sic ex incidentibus necessitatibus magna damna in fa-

miliis alioquin ditissimas redibunt, magna in mercatores, atque commercium, quod sine hoc mutuantium præsidio florere non poterit, ut in illis urbibus patet, quæ mutuantibus valde pecuniosos non habent. Hæc speciosior necessitatis objectio, quam hodie plures ingerunt, urgent, exaggerant.

8. At primo si hæc ditiorum, ac mercatorum necessitas per se asseratur, ut licitum probetur, quod alias licitum probari nequit, inepta est; quemadmodum major necessitas pauperum ad id probandum est omnino inepta. Neque refert, quod in pauperum necessitatibus mutui præceptum sit; ubi enim vera sit etiam ditiorum, aut mercatorum, necessitas, cui alias nisi per mutuum succurri nequeat; idem mutui præceptum eos, qui possunt, posset obligare ex ea charitate, quæ proximo in necessitate opitulandum, præcipiens, non magis pauperes, quam divites proximi loco haber, nec divitum necessitates a necessitatum numero excludit. Hinc in vera necessitate, quoad mutuum, dives a paupere nihil discrepat, ut notavit etiam Salmasius L. 3. de Fœnore Trapez. p. 626., & pejor quandoque est ejus conditio, cum gravior esse soleat vera plurium egestas in divite, quam pauciorum in paupere, & acerbior dolor commodiorum, qui insuetam jacturam, aut excidium subeant, quam pauperiorum, qui aliquo consueto periculo jactantur. Non desinio, quæ necessitates in ditioribus ejusmodi sint; at ubi sint, præceptum succurrendi mutuo si quis neget, is ab adversariis ipsis reprehendetur. Vide Traité des prêts de Commerce p. 54. & 176. Certe in Levitico c. 25. v. 35. jubemur mutuum dare ei, qui *attenuatus fuerit*, idest (ut ex v. 25. explicare licet) qui ex incidente necessitate aliqua bona divendere, & attenuari opibus cœpit: ac S. Augustinus Serm. 239. n. 5. de mu-

mutuo loquens, quod quispiam, ne possessionem, vel domum divenderet, obtinuerat; a mutuante petit, ne cum eodem damno mutui restitutionem exigat, & præceptum Dei in hoc habere locum præfert; *Quando a te petiit (mutuum) ideo petiit, ne venderet; propter te non faciat, qui subvenisti, ne fieret. Hoc fiat ita circa homines: hoc jubet Deus; hoc vult Deus.* Quam in rem ex Levitico argumentans unus ex usurarum patronis Gerardus Noodt L. 2. de Fœnore c. 10. p. 195. ait: *Lex, quem pauperem dixit Exodus 22. §. 25., cum Leviticus 25. §. 35. appellat attenuatum facultatibus, atque ejus vacillanti manum confirmari jubet; nec eo verbo mendicum intelligit, aut similem, cui perpetua egestate laboranti non mutuum datur (frustra enim credetur pecunia nihil habenti) sed elemosyna datur; verum omnes intelligit, qui ob temporariam inopiam, quæ est communis omnium vita, subsidio credita indigeant pecunia.* Duriora hæc videbuntur iis, qui Christianæ charitatis leges ignorant. Fratri, qui perinde egeret, hanc opem frater, qui posset, impertiendam crederetur; quivis autem homo Christianis pro fratre habendus est. Quid minus præstari proximo potest, quam illum a necessitate, aut bonorum jactura, & damno eripere, si nullo nostro cum detrimento possumus? Nullum autem mutui detrimentum est, si carere aliquandiu pecunia, unde proximo opem feramus, non æri nihil intulerit.

9. Sed quidquid de hoc est, si necessitas vera non sit, vel habeatur, qua ditiore premitur; frustra ex necessitate argumentum ducitur. Si vero necessitas quidem judicetur, & gravis, cujus tamen succurrendæ nullum præceptum sit, illis præferim, qui non mutuum pecuniæ habent: hoc præceptum negari aliaratione non potest, nisi quia illi alius viis succurrere necessitati pos-

sunt. Ubi autem aliæ viæ sunt, nunquid ad usurariam, & illicitam confugiendum est, ac si necessaria sit? Immo quidvis agere satius, & utilius ipsis fuerit, quam fœnus contrahere, uti Plutarchus probavit in Opusculo de non contrahendo aere alieno, multisque multorum exemplis confirmavit S. Basilus Orat. in Ps. 14., nostrorumque temporum praxis docet, quæ plures, ne campum initio venderent, alienum aëre contraxerunt cum usura, eaque sensim duplum, vel triplum devoratum fuit, ut superiori etiam Libro c. 6. §. 3. pluribus indicavimus. Neque cum quibusdam reponas, hoc ex negligentia, ac levi mutuariorum esse, qui solvere annuam usuram negligunt, ut liberalius vivant. Hoc enim illi faciunt, quia mutuum cum sola usuræ sollicitatione invenerunt, in spem erecti fore, ut alio tempore commodius possint solvere, quod nunc libentius in præsens conimodum impendunt. Ita decepti inani spe, in eas angustias tandem incidunt, quæ duplum, vel triplum bonorum corrodit: qui si initio simpliciter vendidissent, cautius impensas metiri, tantum damnum nequaquam subissent. Quod si durum videatur, prædium, aut domum omnino, & absolute alienare, ne gemmarum, aut aliarum rerum mutuum venditionem suggeram, nonne aliæ viæ pecuniæ cum moderato ac licito redditu inveniendæ suppetere queunt? Declamationes illæ, quibus nonnulli reclusum prædicant omnem aditum succurrendi privatis, ac publicis necessitatibus, si usura excludatur, ab iis spargi solent in vulgum, qui hoc argumento persuadere vellent fictum fœnus, quod Deo prohibente non licet. At nullum crimen humanae societati necessarium esse potest. Semper in Ecclesia fœnus habitum est illicitum, etsi semper multis in usum necessitatibus fuerit. Usura necessaria non est, nisi iis, qui hanc lucrandi viam ceteris præ-

ferunt,

ferunt, quod forte expeditiorem, utiliorem, & magis tutam existiment. At qui honestatem, & legis observantiam omnibus anteponit, alias iustas, ac legitimas vias exquiret, quæ & aliorum necessitatibus provideat, & honestum, ac licitum lucrum percipiat. Plures id genus viæ serio quærentibus, & volentibus patebunt. Tota difficultas, quæ variis in locis deprehenditur, ex eo fere dimanat, quod sola usura tanquam licita vigeat; unde cum aliæ viæ obviæ non sint, eas ignorantur a multis, ab aliis autem perdifficiles judicantur. At si semel obtineatur, ut Christiani homines usuram illicitam agnoscant, & eliminent; alii sensim modi, vel contractus liciti inducentur, ut iis in locis inducti sunt, & publicæ, & facile geruntur, ubi usura omnis, aqua, & igni interdicta est.

10. Ut hoc vitium vitetur, vel aliquis iustus titulus requiritur, ex quo aliquid supra sortem iusta compensatione exigatur; vel ubi ejusmodi titulus desit, alii iusti contractus pro usurariis sufficiendi sunt. Quoad titulos iustos ab iis pecunia quærenda erit, qui lucrum cessans, aut damnum emergens ex pecuniæ privatione vere patiuntur, ita ut iustam eorum compensationem exigere possint. Neque hos titulos reperire difficile erit, ubi usura non vigeat. Iis in locis, ubi soli fere contractus, qui usurarii sunt, a pecuniosis exercentur, quod eos licitos, & a sœnore alienos habeant; ceteri legitimi contractus, ob quos mutuo interceptos iustam lucri cessantis compensationem quærere licet, rari admodum inveniuntur. At ubi sœnus exterminatum est, pecuniosi homines, & in lucrum inhiantes, ne rummos otiosos teneant, eisdem vel in negotiatione exerce solent, vel in societatibus legitimis, aut in realibus cambiis, aut in prædiorum emtione, in censibus, in locis montium, aliisque probatis

contractibus collocare. Facile igitur reperire erit pecuniosos, qui ejusmodi contractuum occasionem, & voluntatem efficacem habeant. Ii autem, si mutuum rogati, ut rogati inserviant, aliquem id genus contractum intercipient, cessantis lucri compensationem flagitare poterunt & hac facillima ratione, cum indigentibus pecuniam credere, tum aliquid eo nomine supra sortem exigere licebit. Hac de causâ vulgo dici solet, veros negotiatores, quibus multæ, & promptæ occasiones superunt pecuniæ utiliter collocandæ, pecuniam citra sœnis posse credere, exigentes aliquid supra sortem, si non sœnebri mente lucrum quærant ex pecunia credita, sed meram lucri cessantis compensationem stipulentur, iis conditionibus, quæ Opusculo I. susus explicabuntur. Idipsum accidet etiam iis, qui negotiatores non sunt, si alii contractus utiles inducantur, quibus mutuo impeditis iusta cessantis lucri restauratio quærat. Ejiciatur et civitatibus sœnus, & tum nec tam difficile, nec tam rarum erit eos reperire, qui iusto titulo pecuniam accomodent; uti rari, ac difficile est, ubi usura grassatur. Tota, vel porior hujus difficultatis causâ ex ipsa usura est. Corrigitur hoc vitium, & inducis aliis legitimis contractibus, magnum ex iustis titulis remedium præsto erit, quo privatis, & publicis necessitatibus citra usuram succurratur.

11. Quod si quando indigentes neminem reperiant, qui iusto titulo pecuniam credere possit, aut velit; non deerunt aliqui contractus legitimi, qui pro usurariis inean- tur. Huic quidem casui ut prospiciatur, inductum fuit, & probatum a Pontificibus stipulari legitimum censum; vera etiam emtio alicujus fundi cum pacto retrovenditionis, & locatione subsequenti contrahi poterit, ut multis in urbibus receptum est, dum in hisce stipulationibus

bus eę conditiones serventur, quę a probatis Auditoribus ad pallium usurę vitandum necessarię probantur. Legi in hanc rem poterit opusculum *De Montibus pietatis*, ubi de modis providendi publicis, & privatis pecunia necessitatibus cum lucro annuo citra usuram fufus differvimus. Alii forte contractus iusti, qui pallio quodam in mutuum non recidunt, poterunt inveniri; quos si quis nolit, eo quod usuram malit, is necessitate frustra confingit, solaque voluntate in illicitum feritur. Incommoda quidem aliqua in illis contradicibus objici solent, quibus brevior, & expeditior usurę via caret. At nonne quodvis incommodum subire præstat, quam facere quod non licet? Expeditius, & commodius esset concubinam, quam uxorem alere; quis tamen illud licitum idcirco prætendat? Carnales sint oportet, qui ex facilitate, atque commodo licitum meriuntur. Quanquam si diligenter peritiores considerent, ac publica præferunt, cura in præsidium vocetur, aliquot faciliora remedia invenientur, quę nunc ex mera inconsideratione, ac negligentia non suppetunt.

## §. III.

De commercii, ac mercatorum necessitatibus, earumque remediis.

Objectione de monopoliiis explosa.

Difficilius videbitur commercio, & negotiationi sine usura providere. Hanc præsertim necessitatem plerique urgent; cumque ex commercio publica res positissimum floreat, necessitas commercii ad necessitatem publicam referentes, huic necessitati usuram ita necessariā præferunt, ut usuram tollere idem sit, atque commercium, & publicum bonum tollere. Deum autem, vel naturalem legem obesse, aut destruet commercium, quod publicę

Tom. I.

rei maxime utile, ac necessarium, est, impossibile disclant. Non una, sed plures falsę hypothesis hanc objectionem fulciunt.

13. Primo magnum, & amplum commercium, & opulenta, ac multiplex negotiatio, qualia hodie in præstantissimis urbibus florent, humanę vitę, ac societati necessaria præsumuntur; quod falsissimum esse plures alię urbes testantur, quę sine ejusmodi negotiatione, atque commercio, non ita quidem opulentię sunt, sed rebus ad vitam, ac societatem necessariis non egent. Humanę vitę, atque communitati ea negotiatio sufficit, quę viui, atque vestitui necessaria providet; cum longinquis autem regionibus negotiari, ut præter necessarias res rariora, aut pretiosiora hinc illinc advehantur, uti magno commercio efficitur, non necessitatis, sed luxus sæpe, & deliciarum est: quod cum moderationi, ac temperantię sit inimicum, id mercaturę genus, veluti perniciosum, ab ipsa civili societate eliminandum nonnullę Gentēs putarunt. Audiatur testimonium minime suspectum ipsius Claudii Salmatii in Pręfat. de usuris p. 31. *Multa olim Gentes ... fortitudinis, & temperantia aliquam gloriam adeptę, mercatoribus aditum ad se patere noluerunt. Lycurgus in sua Republica non alia de causa pecunia aurea, argenteave usum abdicavit, solumque ex ferro, eoque inutili ferrarias fabricas vi acciti reddito, retinuit, quam ut mercatores indubigeret, qui solent ad luxuriam, potius facientia invadere, quam ad vitam necessaria. Caesar in secundo de Bellis Gallieis commentario scribit, Nervios, qui Belgicę populi fuere sum fortissimi, nullum aditum ad se voluisse mercatoribus, nihil passos vini, reliquarumque rerum ad luxuriam pertinentium inferri, quod his rebus elanguescere animos, eorumque remitti virtutem existimarent.* De Belgis in genere alio loco dicit,

1 i

dicit,

*dicat, minime ad eos mercatores sa-  
pe commesse, nec ea importasse, qua  
ad effeminandos animos pertinent.  
De Suetis, qui bellicosissimi inter  
Germanos, etiam refert, mercatores  
quidem admisisse, sed magis eo ut  
qua bello ceperant, quibus vende-  
rent, haberent, quam quo ullam rem  
ad se importari desiderarent ....  
Plura possem exempla referre Gentium,  
qua nec ipsa negotia emporica nove-  
runt, nec mercatoribus exteris adi-  
tum ad se praeberunt. Et comode  
tandem in rem nostram concludit :  
Quod tot igitur nationes sine mer-  
catuura vivere, argumento est, singu-  
las sine illa vivere, & respublicas  
flare sine negotiatoribus posse. Quod  
eas a civitatibus suis legum ii condi-  
tores eiecere, qui optimis illas in-  
stitutes fundatas habere voluerunt,  
signum est, non adeo esse commendan-  
dam, quin continentia, temperantia,  
ac fortitudini magis contraria vi-  
deri debeat, non solum quia impor-  
tas qua pertinent ad animos enervan-  
das, sed & quia avaritia causas  
dat. Quae si vera sunt in ipsis Gen-  
tibus, quanto magis inter Christia-  
nos, qui aeternam vitam spectan-  
tes, terrena debent contemnere,  
nihilque magis abhorre, quam  
quod luxui, & avaritiae favet? Hinc  
sancti Christiani antiqui, testante ibi-  
dem Salmasio, mercaturam ut ma-  
ximam avaritia adiutricem, & ad-  
ministratam maxime aversebantur, qua  
omnis virtutis idcirco putanda est bo-  
sita, quatenus omnium vitiorum me-  
rito existimatur mater. & videtur  
Apostolo teste. Hinc etiam haud suc-  
censendum antiquis Patribus, si eo-  
dem spiritu, atque consilio nego-  
tiationis infensi fuerunt. Si porro  
usuram tollere esset hanc negotia-  
tionem tollere, ut adversarii opo-  
nunt; num esset tollere quod pub-  
licae rei necessarium est, an potius  
quod luxui, & avaritiae serviens, ip-  
sarum Gentium, atque Salmasii ju-  
dicio sustollendum esset? Videant  
ergo quid dicant adversarii quidam,*

dum dicant, Christi legem datam  
non fuisse, ut negotiationem, &  
commercium impediret. Si de ne-  
gotiatione per se innocente, ac ne-  
cessaria loquantur, de qua superius  
meminimus; nemo repugnaverit.  
Si vero de illa negotiationis ratio-  
ne intelligant, quae cum luxui, &  
avaritiae fovet, ea vitia fovet,  
contra quae Christiana lex bellum  
indixit; nemini ejusdem legis spi-  
ritum recte intelligenti probabun-  
tur. Hinc Salmasius loco laudato  
Christianae Religionis magis constan-  
taneum falsus est, abhorre ab hoc  
negotiationis genere, quod alienum  
est, inquit, ab ea simplicitate, &  
puritate, quam Christiana professio re-  
quirat.

24. Quae tamen ego non eo  
animo accipi velim, ac si lex Chri-  
sti vere inimica sit negotiationi,  
& commercio, quae per sese, ut  
alibi diximus, vitiosa non sunt; so-  
lis enim negotiationis, seu potius  
negotiatorum vitium opponitur. In-  
ter haec autem vitia cum sit usura,  
quam commercio necessariam homi-  
nes isti praedicant, qui hanc in ne-  
gotiationis gratiam defendunt, non  
negotiationem per sese, nec rem  
honestae negotiationis necessariam,  
sed certum negotiationis, aut nego-  
tiatorum vitium necessitatis nomi-  
ne defendunt. Non humano, pre-  
cor, nec carnali sensu commercium  
considerent, sed christiano; & ali-  
ud prorsus judicium ferent. Persae,  
Appiano teste l. 1. de Bellis civili-  
bus, usuram vitasse traduntur, ut  
non alienam a fraude, & mendacio,  
quod in hoc commercii genere in-  
tercedit. Quid si praeterea eandem  
divina lege veritatem novissent? Pu-  
det minora sentire Christianum, qui  
Evangelio credit, & unam inculca-  
re necessitatem commercii, cui, uti  
honesto, sicut nullum vitium, ita  
nec foeneratio necessaria esse potest.  
Salmasius quidem l. 3. de Foenore  
Trapez. p. 598. etsi pro foenore to-  
tus viribus certet, necessarium ta-

l. 463. sal.

MCC

men negotiationi, quæ in lucrum confert, nedum illud affirmare non potuit, sed nec ipsum mutuum: *Si... aliquis, inquit, mutuum petat..... ad lucrum, ut mercatores; hoc superfluum.* Superflua nimirum ea negotiatio est, quæ mero ampliori lucro inhians, mutuum requirat. Ubi autem hæc negotiatio, ac mutuum superflua sint, ibi fœneratio necessaria esse nequit. Hæc de prima hypothefi. Nunc ad alteram.

15. Est autem, quod negotiatio etiam a longinquis terris in utilitatem, ac lucrum publico aliquatenus necessaria, & idcirco probanda maxime sit, num fœneratio huic necessaria fuerit? illa, inquam, fœneratio, qua nihil commercio perniciosius probavimus. V. c. 6. §. 4. Olim quidem apud Græcos florentissima negotiatio fuit, cum nummus nondum esset inventus, sine quo fœnori locus esse non poterat. Permutatione omnia peragebantur sine pecunia, ut ex Homero, Sophocle, aliisque antiquis docti viri observarunt: idemque nunc quoque fit multis, ac præstantioribus commerciis, quibus merces cum mercibus, vel cum præfenti pecunia commutantur; idque negotii genus quanto publico utilius, ac florentius sit, illi probe intelligunt, qui negotiandi artem, & praxim intelligunt. Ubi porro omnis negotiatio præfenti commutatione geritur, nec mutuo, nec fœnore opus est. Ubi autem negotiari credito cœpit, ibi ære alieno sæpissime opus fuit: hocque negotiationis genus quam infirmum, & periculi plenum sit, quantaque idemdem vulnera commercio afferat, præsertim ex fœnore, quisque peritus noverit. Hic autem negotiandi modus, quo antiqua consuetudo immutata est, non charitate aliqua inductus viderur, ut iis, qui præfens pretium non habent, provideretur, indulgo solvendi tempore, sed cupiditate, ut plura a nonnullis venderentur præter

ceteros, qui nonnisi præfenti commutatione venderent. Ita cum majoris lucris, ac negotii cupiditas alios movit, ut credito venderent, tum hocce solvendi spatium datum illexit alios, ut spe negotiationis majoris merces fere credito supra vires emerent, quas alias non emissent. Hinc porro auditum utrinque pretium mercium, quod publico damno est: hinc quoque in negotiis supra vires mutui necessitas, atque fœnoris, si statim tempore pecunia debita careant; indeque frequentes decoctiones, atque versuræ, quæ tantum damnum negotiationi afferunt. Nonne præstaret Reipublicæ redire ad antiquum negotiandi genus, quam hæc mala quotidie audire, atque intueri? Hæcine publica fœnoris utilitas, atque necessitas est? Sola majoris lucris cupiditas, non autem ipsius negotiationis natura hocce commercii genus efflagitat, quod sine mutuo, & fœnore stare non solet.

16. Neque dicas, quod si nemo supra vires negotiationem exerceat, negotiatio detrimentum patietur. Nunquid enim detrimentum patitur apud eas nationes, apud quas nos quoque præfenti pecunia negotiari cogimur? Hæc obiectio est hominum cupidorum, qui suæ magis, ex inani sæpe spe, quam publicæ utilitati prospiciunt. Si autem omnes ii essent, qui suum tantum, cautiùs negotiantes, mutuum non quaererent, non propterea minueretur, aut interiret commercium, quemadmodum nonnulli inaniter jactitant; tum enim pecuniosi, ne otiosam haberent pecuniam, ipsi per se negotiarentur, quod in majorem negotiationis utilitatem rediret. Ita nimirum plures in commercium animum, & cogitationem intenderent, & suam pecuniam suo periculo cautiùs negotiantes, nullo dispendio fœnoris. sola & rarioribus fortuitis casibus damna, ac rarissimas decoctiones paterentur.

I i 2

17. Quan-

Vide Jacobi Savary *Le parfait négociant* tom. 1. lib. 1. c. 3. & lib. 16. c.

Vide Salmasii *de Usuris* c. 21. p. 676.

17. Quando vero negotiandi modus alicubi inolevit, quo & nonnulli pecuniosiores per sese negotiari nolunt, & mercatores in hac negotiandi methodo identidem temporario subsidio egent, etsi id non ex absoluta necessitate, sed ex voluntate contingat, sœnore tamen non omnino indiget. Qui enim per sese nolunt negotiari, societatem legitimam cum mercatore inire queunt, ut ne mutuum, aut depositum sœneratitium contrahere necesse sit. Qui autem temporario egent pecuniæ subsidio, vel quærant pecuniam ab iis, qui ex iustis titulis iustum compensationem exigant, vel alium iustum contrahendi modum inducant, ut vel a privatis consilia simul coeuntibus alicubi ex cupiditate inductum audiui; aut alias id genus licitas ineant vias, de quibus in singulari disputatione *De pecunia ad negotiationem exposita* fusius dicam, ita ut ab usurarii mutui remedio abstineant, nisi maxima necessitate premantur; quo casu, etsi ipsi forte excusari queant, cum necessitate eocæsi usuram solvent; qui tamen ex necessitate exigent, excusari non possunt, immo potius damnandi sunt, ut in primo paragrafo dictum est.

18. Dixi, nisi maxima necessitate premantur; qui enim temporario egent pecuniæ subsidio in contrahendo aliquam lucri causam ineundum, quem præsentem ipsorum vires non ferunt; eum id non necessitatis, sed cupiditatis sit, excusari non possunt: sola enim necessitas, non autem cupiditas lucri, causa legitima habetur usuræ solvendæ, si aliter succurri necessitati nequeat, ut Lib. II. cap. 10. pluribus diximus; unde S. Bernardinus Senensis Tom. 3. serm. 34. part. 2. pag. 272. affirmat, *illum qui quavis accipere ad usuram, peccare mortaliter, quando accipit non egendo, sed ut magis lucretur, animo distandi, & cumulandi*. Similia habent S. Antoninus,

& ceteri, ac ex regulis de scandalo probari fusius posset. Egregium hac in re Plutarchi effatum, in Opusculo *de vitando are alieno*: *Si contenti esse voluissimus*, inquit, *rebus ad vitam necessariis, tam non esset funerarium genus, quam nec Centaurotorum, nec Gorgonum*. Si mercatores (dicam ego) ea negotiatione, quam vires ferunt, contenti essent, ut esse deberent; nulla esset necessitas sœnoris. Si plura negotiari volunt, societatem pinguio-rem cum pecuniosis ineant, aut pecuniam modis iustis paullo ante indicatis inquirant, si facultas sit; secus, eum lucri causa ad usuram accipere nequaquam liceat, satius erit ab huiusmodi lucro abstinere, quod sine culpa comparari non potest. Hinc nonnihil etiam timendum de iis est, qui ex cupiditate lucri negotiantes supra id, quod vires ferunt, sese in necessitatem aliquam mutui accipiendi sub sœnore volentes, aut imprudenter coniecerunt, quod culpa non vacat: & propterea hac cupidior negotiandi methodus supra vires, si hanc necessitatem inducat, citius immutanda videtur, ne voluntaria necessitas, saltem in causa, vitio tribuatur. Qui spiritualia magis, quam terrena sapiunt, hæc commodè intelligent.

19. Quidquid vero id est, sufficit sœnerationem frustra ex necessitate commercii suffragium quaerre, in quo vel mera lueri cupiditas mutuum requirit, & nulla necessitas urget; vel si qua urget necessitas, solvere usuram licet, exigere non licet. Nihil igitur a necessitate, sive privata, sive publica, suppetit, unde usura purgetur; æ propterea obiectio, quæ tanto strepitu a necessitate ducitur, inanisima est.

20. Aliam hinc objectionem. Obiectio de monopolis  
præterire non possum a Salmasio in-  
gestam c. 10. de Usuris p. 555. & explora.  
sequq., ubi monopolia, etsi alias ini-  
qua, ac perniciofa Reipublicæ, ex  
ac-



necessitate tamen licita fieri aliquando posse observat. Quidni de societate idem sit? Facilis responsio est. Monopolia dicuntur, cum unus, vel pauci certas merces soli emunt, ac vendunt, vel etiam plures in certum rerum emendarum, aut vendendarum pretium conspiciant. Injustitia autem in his locum habet, quatenus venalium rerum pretium, vi, fraude, vel conspiratione privatorum, in privatum ipsorum bonum, supra æquam earundem rerum estimationem minuitur, vel augetur. Si vero absit omnis vis, fraud, & conspiratio privata, uti abesse præsumitur, cum ex publica necessitate in bonum publicum quibusdam hominibus certæ res venales ab ipso Principe conceduntur, pretiumque satis æquum ex iusta estimatione taxatur; tum id pretium, cum iustum earundem rerum pretium sit, nihil iniquitatis, ac injustitiæ continet. Quid simile in honore, quod supra iustam mutui estimationem taxatum, ac per se injustum, nulla auctoritate iustum fieri potest, ex necessitate autem ipsa magis, magisque damnatur.

## §. I V.

*Confirmantur prædicta ex ipsis  
civilibus legibus usuram  
vetantibus.*

UT ea, quæ contra publicam, uti ab adversariis præferuntur, societatis necessitatem hactenus differimus, magis magisque confirmantur, proferre joverit præstantissimorum Legislatorum judicia, qui usuram verantes, hanc publicam usuram necessitatem nequaquam viderunt. Deum in primis appello, qui omnem usuram Hebræorum Reipublicæ, etiam in civili regimine, vetuit, ut ipsi adversarii farentur. Tantum vero abest, quod exinde ulla publica, vel privata ruina timenda fuerit, quin potius ruinam ex

usura Deus ipse minatus sit apud Ezechielem c. 22. v. 22. *Usuram, & superabundantiam accepisti, & avare proximo tuo calumniaberis... Ecce compleri manus meas super avaritiam tuam, quam fecisti... Ego Dominus locutus sum, & faciam. Et disperdam te in nationes &c.* Qui ex prohibitione usuræ Reipublicæ perniciem minitantur, vereor, ne ex illis sint, quibus Dei iussu apud eundem Ezechielem c. 23. v. 8. dictum fuit: *Levisti estis vana, & vidistis mendacium.* Utrum ex tot, ac tam multis malis, quæ nobis identidem insiguntur, quædam ob usuram tam late dominantem immittantur, dubitari potest.

21. Quod si Legislatores Gentium consideremus, apud Romanos, sine ullo ruinæ periculo, ac metu, immo potius ad averterendam publicam perniciem, prohibita fuit usura Legibus Genucia, & Sempronia, ut ex certissimis Scriptoris superioris libro ostendimus c. 3. §. 3. Mittam Germanos, quibus saltem, usque ad Taciti tempora *funus agitare, & usuras extendere ignotum*; nec recordabor Indos, qui, Aliano teste, *pecuniam sancti non locant*; aut antiquos Persas, quibus, Appiano tradente, usura non placuit; quod & apud recentiores Persas adhuc vigere testatur Olearius Itin. Persic. lib. 5. Plures Arabum sectæ, ut Xaphienses, & Malichenses, nunc quoque eandem legem servant, quos tamen nullas, nec publicas, nec privatas necessitates pati accepimus.

23. Quid de Christianis Principibus dicam? Nullus forte florentius regnum, quam sub Carolo Magno, qui exclusis Romanis legibus usuram permittentibus, in Capitularibus omne sævus prohibuit. Quæ quidem Capitularium leges cum edictis in frequentissimis omnium ordinum comitiis, ubi Episcopi, Abbates, Duces, Comitesque conveniant ex universa Gallia, Germania, & Italia; cum, inquam, in hisce comi-

De monb.  
German. c.  
6. a. 1.  
L. 4. Var.  
Hist. c. 1.  
L. 1. de  
Bel. civil.

comitiis editæ, omnium consensu, atque subscriptione firmatæ fuerint, eædemque non in uno, sed pluribus subinde cætib; ab eodem Carolo, ac successoribus adversum usuram constanter fuerint renovatæ: nihil inde contra Reipublicæ, aut negotiationis bonum vergere indicatur, aut, experientia ipsa docente, inventum fuit. Vide Capitulare Aquisgranense an. 789., & Noviomagenſe an. 806. sub Carolo Magno; aliud Aquisgranense an. 816. sub Ludovico Pio, Synodum Parisiensem jussu ejusdem Ludovici, ac Lotharii habitam an. 819; quæ testimonia cum partim recitata notis sint lib. II., partim autem in pluribus libris, & collectionibus occurrant, in iis describendis non immoramur. Hæc autem decretæ, ac placita adeo usu fuerunt recepta, ut non solum regnante Carolo Magni progenie, sed illa etiam extincta vigerint, ac in alias itæ regionæ latius paruerint; unde multa ex iisdem traducta invenimur in posteriores collectiones Reginonis, Eucharði, Ivonis, & Gratiani.

14. Exinde vero cum bene cessisse rem cognitum fuisset, passim in aliis quoque regnis, ac toto fere Christiano Orbe leges adversus usuram latæ, aut renovatæ fuerunt, ut ne de ruina Reipublicæ, aut similis societatis, atque commercii quisquam timeret. In Angliæ S. Rex Eduardus undecimo sæculo Franco-rum exemplo usuram interdixit lege 21. Usurarios quoque defendit Rex Eduardus, ne remaneret aliquis in toto regno suo; & si quis inde convictus esset, quod sanus exigeret, omni substantia propria careret, & postea pro exlege haberetur. Hoc autem asserbat ille Rex se audisse in curia Regis Francorum, dum ibidem moraretur, quod usura summa radix omnium vitiorum esset. Hanc eandem legem confirmavit Guillelmus Normanniæ Dux, qui S. Eduardo successit, & in Inquisitione facta an.

1205. de iuribus Regum Angliæ in Normannia edita a P. Martene tom.

1. Collectionis veterum Scriptorum, pœna hæc usurariis decreta legitur: *Post mortem usurarii, omnes res sua Domini Regis erunt, si probatum fuerit, quod infra annum mutuaverit ad usuram.* pag. 100.

15. In constitutionibus Regni Siciliæ Lib. 1. tit. 6., de usurariis puniendis duæ Guillelmi I., ac subinde Federici II. Constitutiones duodecimo, & decimo tertio sæculo omnem usuram interdicentes leguntur. Satis erit Frederici Imperatoris Constitutionem describere: *Usurariorum nequitiam, qui non tantum utuntur pecuniis, sed, ut loquamur propriè, abutuntur, Sanctorum Patrum testimoniis condemnatam prosequi disponentes, Imperialis celsitudinis motum, quem nos etiam ex arbitrio celesti suscepimus, divina coniungimus ultioni. Huiusmodi nostra constitutionis edicto omnibus regni nostri fidelibus, & quibuslibet aliis in regno morantibus, etiam si extra regnum fuerint oriundi, firmiter inhibemus, ut nullus in posterum pecunias suas per se, vel per alios mutuo sub magnis usuris, vel minimis dari saniori audeat publicæ, vel occulte. Et ut ipsorum audacia, qui sua salutis immemores sunt, & edicti nostri extiterint temerarii contemtores, inulta non mameat, præsentis lege sancimus, ut quicumque amodo fenerator in Regno inventus fuerit, omnium bonorum suorum, tam mobilium, quam stabilium publicatione damnetur. Omnibus etiam regni nostri fidelibus concedimus liberam potestatem, usurariorum nequitiam in publicum deferendi. Nec a delatione propterea aliquis repellatur, quod damnum proprium, vel suorum, vel suam injuriam prosequatur. Crimen illud præsentis lege sit publicum: ita quod omnibus, qui in accusationibus, & criminibus publicis admittuntur, usurarios accusandi licentia tribuatur. A nexu tamen præ-* sis

is constitutionis nostra Judæos tantum excipimus, in quibus non potest argui sanus illicitum divina lege prohibitum, quod constat non esse sub lege a beatissimis Patribus instituta. Quos etiam auctoritate nostra licentia improbum funus nolumus exercere, sed metam ipsæ imponimus, quam eis non licebit transgredi, videlicet ut pro decem uncis per circulum anni integri unam, ipsi tantummodo lucrari liceat pro usuris. Quidquid autem ultra acceperint, in bonum curia nostra componat: ut ex abusu licentia, quam eisdem propter necessitatem hominum concessi relinquimus, commodum ultimalicium non consequantur.

16. In Speculo Svevico, seu Jure provinciali Alemanico, quod saculo XIII. collectum creditur, uti legere est apud Joannem Schiltzerum tom. 2. Thesauri rerum Theutonicarum, lex adversus usuram editur c. 351. cum hoc titulo, Quod nullus Christianorum ab altero usuras capere debeat; In textu autem sic: Deus, & Imperator Carolus, ut & Papa Leo, prohibent, ne quis Christianorum ab altero usuras accipiat &c.; & cap. 153. de restitutione usurarum exigenda: Qui usuras juravit solvere, debet dare, ne sit perjurus: ut potest, & debet denunciare falsum iudicem, qui cogat reddi. Si quis juravit non denunciare; juramentum, ut contrarium ebaritati, & correctioni, non ligat. Si ante solutas usuras iudex vetet, parendum est, nec perjuri reus iri non solvens. Alia contra usurarios manifestos prætermitto.

17. S. Ludovicus Francorum Rex in edicto edito an. 1254, non Christianis solum, sed etiam Judæis omnem usuram vetuit. De Judæis sic: Judæi cessent ab usuris, blasphemias, sortilegiis &c. Judæi, qui hoc servare noluerint, compellantur; & transgressores legitimo puniantur, ut vivant omnes Judæi de laboribus manuum suarum, vel negotiationibus

sine usuris. Tum de Christianis: Prohibemus districte, quod nullas usuras haberi faciant Barones, Senescalli, vel alia quacunque persona. Usuram intelligimus quidquid est ultra sortem. Qua in re observandum maxime est, non defuisse, qui ex necessitate publica præsertim commercii foenus permittendum suaderent, idque si non Christianis, saltem Judæis indulgendum. Cum Tom. 1. Col. in contrarium suaderent ei plures de led. Do. consiliarii suæ, asserentes, quod populus vivere non poterat sine mutuo, 471a nec terra excoli, nec ministeria, vel mercimonia exercere: & melius esse dicebant, ac tolerabilius, quod Judæi, qui iam damnati sunt, hujus damnationis exerceant officium, quam aliqui Christiani, qui ex hac occasione etiam majoribus usuris populum opprimebant. Verum S. Rex inane hunc metum excludens, nequaquam assensus est, sed de Christianis funeratores, inquiebat, & eorum usuris, ad Prælatos Ecclesiæ pertinere videtur. Quantum ad Judæos, dimittant usuras, aiebat, aut exeat de terra mea, ne eorum sordibus amplius inquinetur. Hoc idem statutum contra Judæos iterum renovatum traditur inter statuta Ludovici Regis tom. 2. Thesauri Anecdotorum P. Martene p. 439, quæ per errorem dicuntur edita an. 1154 pro anno 1254. Ad calcem autem horum statutorum Collectionis Auctor notat hanc eandem ordinationem confirmatam fuisse a Ludovico Hutino apud Vincennas anno Domini 1255. Mense Decembri, unde extant in Commentariis Cleri Gallicani patentes huius Regis literæ an. 1315, quibus prohibet, ne Prælati impediantur a jurisdictione, præsertim circa usuras exercenda.

18. Philippus IV. in edicto apud Montem Argivum dato an. 1311. omnem usuram vetuit, sive magnam, sive minimam: pœna autem corporis solas graviore coercuit. En edicti verba: Pro reforma-

zione

tione publica Regni nostri, circa usuras a Deo prohibitae, & a Sanctis Patribus, nec non a progenitoribus nostris damnatae, prohibemus omnibus, & singulis, tam regnicolis nostris, quam aliis in Regno nostro morantibus, quomodolibet contrabere genus, vel speciem quamlibet usurarum. Sed graves usuras, substantias populi gravius devorantes, prosequimur attentius, atque punimus. Penam enim corporis, & bonorum ipso facto incurrit regnicola, vel forensis, qui contra prohibitionem hujus edicti praesumpserit usuras graves hujusmodi frequentare. . . . Quia vero sunt plures, qui mutant pecunias, alterius filii contractus colore quasito, vel contractus alios usurariis mutuis graves frequentant, evidenter in fraudem gravium usurarum, hujusmodi pena praedita eae persequimur, atque ferimus, tales usurarios contractus esse censentes. Cum vero ex poena solis usuris gravioribus inflicta quidam feneratorius usuras leviores minimi facerent, idem Rex anno sequenti 1312. novo edicto Pisciarii edito die 8. Decembris sese apertius explicavit his verbis: *Quandoquidem expresso edicto iam prohibuimus quomodolibet contrabere genus, vel speciem usurarum; nunc sub eo pretextu quod graves usuras distidius persecuti sumus, eo quod ex avaritia, cupiditate, iniquitate, inhumanitate ortum ducant, & substantias populi, ac plebis gravius devorent; nemo sana mentis in animum sibi inducere debuerat, a nobis tolerari quod tam expresse coercuimus, ac prohibuimus. Verum ne quis amplius, vel simplicibus, vel malitiosis hominibus superstiti dubitandi locus, nos declaramus praefato edicto a nobis reprobatum, ac prohibitum fuisse, & iterum reprobamus, ac prohibemus quodlibet genus usurarum, quantumtuncque sint, sicut lege divina. secundum doctrinam Sanctorum Patrum, prohibita sunt. . . . Verum penam corporis, & bonorum supradicti non*

*incurrant, nisi qui graves usuras accipere, exercere, aut frequentare praesumpserint, prout praefato edicto a nobis constitutum est. Sed quia nullatenus minutas, ac leves usuras admittimus; ideo volumus darisimply, ac pleo jure inhibitionem, in gratiam eorum, a quibus ejusmodi usura repetentur, tum ne eas solvere cogantur, tum ut jus habeant, quod jam solutum est, repetendi, quaeunque sit earundem usurarum, vel species, vel quantitas. Insuper volumus nos, ac decernimus, easdem usuras minutas, ac leves, quaequidem supradicta pena corporis, & bonorum non subiacent, coerceri tamen, ac puniri, eosque, qui tales usuras aut acceperint, aut exercuerint, aut frequentaverint, coercendos, ac puniendos esse, prout secundum Deum, secundum iustitiam, secundum publicam subditorum nobis in regno nostro utilitatem, melius videbitur.*

29. Iisdem vestigiis ceteri Galliae Reges ad nos usque infestentes, usuras omnes, etiam simulatas, prohibuere, ac poenis etiam gravissimis persecuti sunt. Legi possunt inter cetera Philippi VI. edictum anno 1349., mandatum Ludovici XII. anno 1510., Francisci I., Caroli IX., & Henrici III. Sanctiones, nec non alia id genus, quae etiam nunc in Gallia obtinent; & in his Carolus IV. in mandato anno 1567. usuram prohiberi testatur in bonum, & utilitatem publicam nostri Regni, subditorumque subsidium, ut sine usurarum oppressione commodius vivere, & negotiari queant: *Pour le bien, & utilité publique de nostre Royaume, & soulagement de nos sujets, à ce qu'ils puissent vivre, & negotier sans estre oppressez des usurs.* Ubi publico bono, & negotiationi expedire indicat, usuram prohiberi.

30. In Republica Veneta usuram item universim fuit vetita a Magno Consilio die 10. Junii anno 1554. Decreti verba haec sunt pag. 217. *Capta fuit pars, quod nullus homo,*  
vel

vel famina Venetiis dare debeat ad usuram, vel dari faciat per se, vel per aliquam aliam personam in Venetiis, nec foris aliquo modo, vel ingenio, sub pena perdendi totum capitale, & prode ( idest usurarium redditum ) & lir. 30. sold. 12., qui sunt Ducat. undec. grossorum quindecim, & parv. 22., quia omnis libra ad grossos valet gross. 9. parv. 5. Et accusator habeat tertium, Officiales de supra usuris tertium, & Commune tertium. Item quod nullus habitator Venetiarum audeat ad usuram dare in Venetiis, nec foris Venetiis, sub pena pradiſta. Item forinsecus, qui dederit in Venetiis ad usuram, perdat quod datum est Veneto. Si autem in secundo crimine eodemque deprehensus fuerit, penam pradiſtam incurrat, & banniat, & expellatur de Venetiis, si forinsecus fuerit. Venetus autem quoties inventus fuerit, penam pradiſtam incurrat, excepto quod de Venetiis non banniat, nec expellatur, sed publice usurarius esse stridetur. Et si aliqua charta eſſet facta, sive securitas occasione dandi ad usuram, nihil valeat, aut teneat. Rursus die 11. Septembris an. 1328., nec non 19. Martii an. 1357. cautum fuit contra cambia, & contractus usurarios, hac ratione adiecta, quod secundum Deum, & bonorem huius nostra civitatis, & patriam omni modo, & forma possibili vigilantum sit, quod obvietur cambis, & usurariis contractibus.

31. Mitto plura Italiae civitatum statuta, quae usuram olim ex Romano iure sub seculum XII. restitutum, ac recepto susceptam, deinde eiecerint. Unum Veronensium Decretum exempli causa recitare satis fuerit. Sic autem illi Lib. 1. Statutorum c. 36. Usurarum licentiam, quam aliquando nostra civitas sub publica utilitatis opinione permisit, nunc pro nostra propensiori religione, & Canonum reverentia, tanquam latentem, pauloque serpentem pſsem, aut demum voracissimam be-

Tom. I.

stiam pro rerum experientia detestantec, propulsareque volentes, statui-mus, quod aliqui funeratores Iudaei, sine quorum, & aliorum favore per plures annos contra plurimorum opinionem, vel in durissimae adversariorum temporum angustiae stetit, optimeque successit, nullo unquam tempore conduci possint, nec debeant ad funerandum in civitate, vel districtu Verona; sed nec permitti, aut tolerari modo aliquo, vel ingenio, vel in aliquo loco Territorii Verona ad mutuandum sub usuris. Idem & magis intelligatur de Christianis, & magis de civibus, aut districtualibus Verona, qui tenerent, seu tenere vellent mensam paratam ad mutuandum omnibus sub usuris. Et quod D. Petrus, & Provisores Commune Verona sacramenti vinculo teneantur obviare, & non permittere, quod aliquid unquam in contrarium directe, vel indirecte proponatur, seu tractetur in consilio aliquo, tanquam propositio, & tractatus mortalis contaminationis, & Christianis auribus execrabilis, & tanquam blasphemia Dei, Domini nostri Iesu Christi, & Ecclesia sua sancta, furorem ejus provocatura, & desolatura possibiliter civitatem, sub pena &c. & nihilominus quodcumque tractaretur, & deliberaretur, sit ipso iure nullum. Et ipsi Iudaei, ac Christiani sic funerantes, cadant in penam perpetui banni de Civitate, & districtu Verona, & perdendi capitale cum usuris, & tantundem pro pena. Vides inanem necessitatis, ac publicae utilitatis opinionem experimento agnitam effecisse, ut tolleretur usura, quae ejus opinionis causa in civitatem admissa fuerat.

32. Addere, ac referre possem quamplures Synodos, quarum decretis contra usurarios cum assensu fuerint Reges, & Principes, & ita assensu, ut totam civilem potestatem eisdem exequendis Ecclesiae, atque Ecclesiasticis iudicibus impenderint; eadem decreta pro civili etiam lege haberi queunt. Sed his, aliisque

K k

non-

nonnullis omiffis, concludam cum noviffimo celeberrimo Codice Victorii Amadei Sardiniae Regis, cui L. 4. tit. 34. c. 14. p. 128. tomifecundi hæc contra ufuras lex ex Amadeo VIII. inferita, & confirmata legitur: Non potrà veruna persona di qualsivoglia ftato, grado, e condizione efcecitare in qualunque forma, pubblica, o occulta, direttamente, o indirettamente, per mezzo de' contratti, tanto efpreffi, che fimulati, o in qualsivoglia altro modo, alcuna fotta d'ufure fotta pena della confifcazione de' beni: la quale avrà anche luogo, ogni qualvolta fi fcepra, e confis dopo la morte di qualche perfona, che la medefima fia ftata folita ad efcefitar ufure come fopra, rifatti però femprie i danni di quelli, che ne avranno patito. Latine autem fic: Nemo cujuscunque conditionis, aut gradus, ullam ufura fpeciem exercere poterit, quavis fivè publica, fivè privata forma, dirette, aut indirette, tam expreffis, quam fimulatis contrahibus, aut quovis alio modo, fub pena proferiptionis bonorum, qua fisco addicentur i eademque pena infifigetur, quoties delegatur, & confifit, etiam poft mortem, quempiam ufuras exerciffie, ut fupra: ita tamen, ut antea femprie laforum damna refarciantur. Deinde Rex Victorius hæc addidit: Il frutto permeffo agli Ebrei ne' loro privilegi per il danaro, che daranno ad imprefitto, folamente s'intenderà per que' Bancbieri Ebrei riconofciuti come tali dal Confolato, a per i foli danari loro proprj, e non per quelli, che riceverfiero da' Criftiani con patto tacito, o efpreffo di negoziarli in comune. Verificandofi, che alcun Criftiano imprefitaffe, o in qualsivoglia modo daffe danari agli Ebrei per aver parte certa, o incerta in quell' utile, che ad effi è permeffo; fi avranno gli uni, e gli altri per ufurari, e fi procederà contro di effi nel modo fopra prefcritto. Latine: Lucrum Hebrais permiffum in ipforum privilegiis, ob pecuniam,

quam mutuam dant, intelligitur per amiffum folis Hebrais Campforibus, qui uti tales a Confolato agniti fuerint, & intelligitur de ipforum pecunia tantum, non autem de illa, quam a Criftianis acciperent cum patto, fivè expreffo, fivè tacito, ut eandem communi lucro collocent. Si quando contingat, aliquem Criftianum mutuam dare, aut quovis modo tradere Hebrais pecuniam, ut certam, vel incertam partem capiant ejus lucri, quod Hebrais permittitur; utrique ufurarii habebuntur, & adverfus ipfos pena fupradicta agetur.

33. Nunc uno intuitu complectamur tot etiam civiles leges tot in regnis, ac provinciis latis, quæ ufuram de medio tollere nifc iunt, ut ne tamen rem. neceffariam tollere, nec perneciem Reipublicæ, aut commercio inferre Legiflatores crediderint. Si quis adhuc fecus exiftimet, is fe tot fapientiffimis Legiflatoribus, ac Deo ipfo, qui omnibus prævit, fapientiore præflet, ac præferat, necesse eft. Quam præfumptionem non ferendam fi nemo adverfariofum fibi arrogat, definant, quæfo, iis maledicere, qui cum ufuram divina, ac naturali lege veritam demonftrant, veram neceffitatem, quæ illam licitam, nec damnamdam probe, nequaquam agnofcunt. Quod fi omnibus ejufmodi legibus præxim opponas, in quæ femprie ufura adhuc contra leges irrepit, lateque propagata eft; id fœneratorum dirite, ac pravitate factum cogita, unde alia quæque vitia certiffime illicita inundant, quæ tamen humanæ focietati, ac Reipublicæ neceffaria neino dixerit. Quidquid enim ex malitia hominum, qui legibus parere nolunt, evenit, voluntarium, non neceffarium eft: & fi quidem publicæ rei nonnunquam inereffe credatur, in aliorum neceffitati aliq uod malum difsimulare, ne quid pejus contingat, ex neceffitate ejufmodi malum effe non definit, quod malum eft.

Id

Argumentum ex dictis concluditur.

Id autem multo magis valet in foenore, quod cum in solis necessitatibus hominum, qui alias mutui opem non inveniunt, necessarium dici possit, in iis profecto necessitatibus licere dicendum esset, ex quibus lucrum quærere vel per ipsos adversarios non licet. Extra has vero necessitates sicuti non vera necessitas est, ita necessitatis obiectio prorsus inanis. Quare ut hanc disputationem paucis concludam, hæc tota adversariorum argumentatio, quam a necessitate publica ducunt, tandem recurrit, ut vel usuram licitam adducant in vera necessitate, in qua ipsi quoque illicitam fatentur: vel necessitatis nomine licitam velint in iis casibus, in quibus vera necessitas non est: quod utrumque est absurdissimum.

## §. V.

*De necessitate nonnullorum, qui sine foenore se lucrari, & vitam alere non posse dicunt.*

Defensor. de Jure nat. & gent. l. 1. c. 7. §. 12. Le Placcette Traité de l'Interet. c. 1.

34. **A**T necessitatem quidam inveniunt nonnullorum, quibus cum numerorum collocandorum nulla via præsto sit, nisi per foenus, hoc sibi ad vitam sustentandam necessarium clamitant. At primo, qui pecuniam habent, frustra necessitatem allegant, quam soli egentes, ac pecunia imparati, causare queunt. Nihil ejusmodi allegasse traditur Genes, quibus usura interdicta, aut ignota fuit. Tot porro viae liciti lucri pecuniosis patent, ut si diligentiam adhibeant, & serio agant, nullam suppetere rarissimum sit. An non multa, inquit S. Joannes Chrysostomus Hom. 36. al. 57. in Matt., sunt negotiationes agrorum, gregum, armentorum &c.; adde societatem, censum, emtionum cum pacio de retrovendendo &c. Vereor, ne usuræ commodum, aliorum contractuum, qui diligentem cu-

ram requirunt, inquirendorum, negligentiam asserat. Si civili lege severissimis poenis vetitæ essent usuræ, nemo tantas aliorum contractuum difficultates ingereret. Diligenter quærentibus, aliquid citius, vel serius suppetet, in quo pecunia utiliter, ac licite collocetur.

35. Quod si adhuc nihil horum vere paratum inveniant, aut satis idoneum, aut aliunde fortassis impediatur, ne contrahant; num idcirco ad usurarium lucrum recurrendum est? Satiùs erit, si egeant pecunia uti in victum, eamque sensim consumere, quam illicito reditu conservare. Deus, si in illo confidunt magis, quam in pecunia, de cetero providebit. Interim verò dum pecuniam quis habet, unde providere sibi in necessariis queat, necessitatem allegare nullo modo potest. Ad summum ex pecuniæ consumptione sequetur necessitas. Hæc ne sequatur, aliqua iusta via quærenda est, non autem iniusta: eaque si non suppetat, lucro per se iniusto, & usurario utendum non est. Num ejusmodi necessitas licitum, ac justum efficere potest, quod per se illicitum, & injustum, divino, ac naturali jure est? Hæc ratione se excusare plures possent; & meretrices, & lenones, & sicarii, cum aliunde vivendi copiam non habent. In quam rem præclare admodum. S. Augustinus Enarr. in Ps. 118. n. 6. *Audent etiam funeratores dicere: Non habeo aliud, unde vivam. Hoc mihi & latro diceret deprehensus in fauce; hoc & effractor diceret deprehensus circa parietem alienum.... Quidquid tale prohibere conaremur, responderent omnes, quia non haberent unde viverent; quia inde se pascere: quasi non hoc ipsum illis maxime puniendum est, quia autem nequitia delegerunt, unde vitam transigant; & inde se volunt pascere, unde offendant eum, a quo pascuntur.* Hinc jure Gregorius XIII. in Apostolicis literis ad Baviaræ K k 2 Du-

Videbis hoc  
documentum  
in fine hujus  
opus.

Ducem an. 1581., postquam contractum in Germania usitatum usurarium esse definivit, ut hanc objectionem præcideret, qua perdifficilis præsertim in Germania traditur alia via pecuniæ aliter collocandæ, & aliunde pecuniæ utiliter collocandæ necessitas inculcatur ad vitam sustentandam quorundam miserabilium, qui lucrari alias nequeunt, hæc maxime notanda subiecit: *Quæ etiam ex causa nemini, sive diviti, sive pauperi, & quantunque miserabili persona hujusmodi contractum celebrare, lucrumque ex illo acquirere, aut retinere licet. Indignum, ergo, & inane est, quod quidam obstrepunt de pupillis, de viduis, de locis piis, quibus alii contractus nisi usurarii non suppetunt. Si ita esset, ut ajunt; paucis respondet Pontifex, non licere. Cetera omnia experiantur, & auctoritatem, si opus sit, publicam, & Principis etiam implorent: si tamen nihil proficiat, ex hac sola necessitate licitum fieri nequit, quod per se alias non licet.*

36. Atque de tutoribus, & curatoribus fortassis oppones, qui alicubi pecunias pupillorum utiliter collocare debent; secus ex proprio damnum refarcire legibus cogentur. Hinc, ubi alia via præsto non sit, in scœnore eas pecunias ab iisdem collocari, legibus quoque exigentibus, necesse est. Id quidem olim ad tutorum, curatorumque negligentiam prohibendam cautum fuerat antiquis Romanis legibus. Sed cum hæc sœnerandi necessitas viros vere Christianos, quicunque Dei memoriam habeant, a suscipienda tutela, vel cura removeret, eam necessitatem Justinianus sustulit Novel. 71. cap. 6. Si tibi vero hæc necessitas adhuc imponatur, nulla suscipiendæ tutelæ, vel curæ necessitas erit, & exemplo eorum, qui Justiniani tempore Dei memoriam habebant, citius declinandum erit ab hoc munere, vel cum Principe, aut iudice ( si

cogat ) agendum, ut hanc necessitatem removeat. Certe usuram in pupillaribus pecuniis quamquam non licere pluries definitum est, & in Canonibus, & in Synodis, & idcirco quidem toties definitum, ne forte ex legibus ad pecuniam pupillarem utiliter collocandam adigentibus id licere crederetur. Idem est de pecuniis in pia opera ad annum redditum ex testamento collocandis. Si omnia diligenter quarantur, & nihil pateat, nisi quod illicitum, & usurarium est; eas non collocare scœnore nulla erit apud Deum culpa, qui illicita in pium opus apti verat. Nullum itaque nullius necessitatis argumentum est, quod usuram purget.

## CAP. II.

*De asimatione ejus, quod interest in contractu mutui.*

## §. I.

*Quam late ad omne mutuum adversarii id, quod interest, extendant, eoque nomine usuram universim licitam probare conentur.*

1. **C**um adversarii videant, ex mera necessitate usuram, haud posse fieri licitam; si alias licita probari nequeat, ad justos titulos confugiunt; inter quos cum id, quod interest omnium consensu iustissimus sit, in omni mutuo interesse aliquid affirmant, ut in omni mutuo aliquid lucrum, seu usuram aliquam licere defendant. Huic quidem titulo plerique ipso- rum insistent, ut usura honestatem, ac justitiam vindicent. Primo Molinæ tract. de Usuris n. 25. hunc titulum unicum affirmat: *Ad hoc ut liceat aliquid exigere, vel stipulari supra sortem in mutuo, unica causa est duntaxat, quia est verum, & justum interesse ipsius creditoris; &*  
num.



num. 75. hoc tantum sensu usuras probatas affirmat, quatenus in compensationem ejus, quod creditoris interest, vel, quod fors datur, interesse poterit, stipulantur. Nota non solum interest, vetum etiam interesse poterit, quod postremum latius intellectum in omni mutuo reperiri potest. Hinc Grotius Comment. in Lucam c. 6. v. 35., ubi, usuram propugnat licitam, hoc defensionis argumentum ex eo, quod interest ponit. Dicitur natura non teneri quenuquam prodesse alteri cum detrimento suo: at it, qui pecunia ad tempus caret in gratiam alterius, poterat eam in agros, aut domos impendere, ac medii temporis percipere fructus; quos si quis dicat incertos, illud ipsum tamen incertum (ut omnis alia) suum habet pretium, ita ut vendi quoque solet. Ubi poterat idem est, ac id, quod interesse poterat. Et paullo post, praestituta regula astringendi ejus, quod interest, non ex eo, quod interfit accipientis, sed ex eo, quod abfit danti, subiicit: Abest autem tantum, quantum quisque pro vita sua genere ex pecunia compendis facere potest, ac solet, puta ex agris, ex domibus, ex mercatura, detracta estimatione peculiculi &c.

2. Similiter Salmasius, qui lib. 2. de Fœnore Trapezitico p. 275. quod utriusque interest, praecipue pecuniam astringi tradit, et in Libro de Usuris pro pecuniae usu usuras iuste solvi contendat; id tamen cap. 8. p. 297. ad illud quod creditoris interest, refert: Sed nec pro usu tantum usura accipiuntur, verum etiam pro eo, quod creditoris interest non carere sua pecunia, qua in gratiam debitoris caret. Quin pag. 298. eam ipsam mercedem pro usu pecuniae, in qua usuram constituit, sed de pretio usus debitoris explicat, sed de pretio ejus, quod creditoris interest pecuniae usu non carere: In mutatione funebri, inquit, res alia pro re restituitur, &

præterea pro usu rei mutuatæ merces quoque, qua proprie usura, quanti interest creditoris, hunc usum non sibi potius reservasse, sed alii concessisse. Similiter c. 7. p. 175. Qui pro ejus usu mercedem, hoc est usuram paciscitur, non pro officio eam exigit, quod nullum est, sed pro eo, quod sua putat interesse, pecunia sua usu non carere. Et pag. 176. exponens illa L. 23. D. De actione emti, & venditi: Aequissimum est, cum usuras pretii solvere: Hoc quidem aequissimum facit, inquit, sed pro compensatione rei, qua fructus emor deberi non tam existimo, quam pro pecunia ipsius usu, ejusque compensatione; & ex sequentibus loqui eum patet de usu pecuniae, quo creditor pecuniam, si ea non caruisset, utiliter collocasset: unde nullam usuram esse lucrativam, sed omnem compensativam contendit, qua id, quod interest, compensatur: Compensativa igitur omnis usura, ut quod interest, pensetur. Hinc omnem usuram in idiotismo Gallica interesse vocamus: & pecuniam dare ad interelle, id est funore. Deinde multa addens de notione ejus, quod interest, in quo lueri cessantis, aut damni emergentis ratio habenda est, lucrum cessans ad lucrum possibile, & omnibus mutationibus commune sensum perducit, ut in omni mutuo usuræ locum inveniat: Pecuniam, inquit p. 178., si non funore occupavero, multis aliis modis quæstuosam mihi facere, & exercere potero, aut agris mercandis fructuosam eam occupando, aut mancipiis emundis, quarum operas diurnas locum plus mihi reddituras, quam quanti est usura pecunia funore locata. Nemo denique tam est locuples, ac pecuniosus, quem dicere possit, nihil omnino ejus interesse pecuniam habere praesentem &c.; ubi potestatem collocandæ pecuniae cum libuerit, id est lucrum cessabile potius, quam cessans fufus inculcat. Huc quoque spectant, illa c. 20. p. 610. Aequissimum

*postulat pensari ei, qui mutuum dedit, quod interest ejus, non posse uti are suo, cum velit.*

3. Similes titulos lucris cessantis, ac damni emergentis allegat Pufendorfus, aliqui usurarum patroni, ut usurae iustitiam praerant: nec desunt, qui se Catholicorum auctoritate muniant, quibus iidem tituli probantur, iisdemque simul etiam succensent, quod usurae nomen refugiant in his titulis, qui ab antiquis usurae attributi fuerant, unde nulla eorumdem apud Patres exceptio, sed omnes usurae damnati, si ve qui cum aliquo titulo, si ve qui sine titulo ullo lucrum ex mutuo perciperent. In his, quae fufus ex adversariis recitanda fuerunt, quod antea dictis utilia sint, ita vera, cum falsis mirifice confunduntur, ut ex nonnullis veris, quae admixta sunt, falsa quoque probabilia videantur. Si tamen separentur singula, quid verum, falsumve sit, facile dignoscetur.

### 3. I I.

*Quod vere interest, est lucrum res-  
sant, & damnum emergens;  
ejusque pretium iusta esti-  
matione definitum restau-  
ratio damni est, non  
autem usura, nisi im-  
proprie. Patres  
hunc verum ti-  
tulum non ta-  
xarunt u-  
sura.*

4. **Q**uod primo tradit Molinaeus, titulum licite exigendi aliquid supra sortem in mutuo unicum duntaxat esse verum, & iustum interesse ipsius creditoris, ultro concesserim. Cum enim de dignoscendis iustis titulis ab iniustis agitur, ea mihi regula maxime placet, omnibusque recte iudicantibus satis aequa, & certa videri debet, quicunque titulus in pe-

cunia mutua iustus, & estimabilis est, eundem esse iustum, & estimabilem in pecunia, quae rapina, vel furto sublata est; qui autem in hac nec iustus, nec estimabilis est; neque in mutua pecunia iustum, & estimabilem esse, simili plane ratione quam Lib. V. c. 5. §. 5. in aliam rem consideravimus. Cum nimirum fur ex crimine nequeat beneficium obtinere, qui exinde potius magis gravandus est; nequit ex furto se liberare a titulo, qui per se iustus, & estimabilis sit. Titulus itaque, qui iustus, & estimabilis est in mutuo, hanc iustam estimationem non amittit ex furto, ne fur cum iustae estimationis iactura commodum referat ex culpa, unde poenam potius, & damnum meretur: eademque ratione titulus, qui in furto iustus, & estimabilis non est, nequit estimari in mutuo, ne melior, quam mutuatarii sit furis conditio, quae deterior esse deberet. Potius cum ex culpa deterior esse debeat conditio furis, quam mutuatarii; & si nemo teneri possit ex iustitia, nisi ad estimationem eorum titulorum, qui iusti sunt; poterit tamen mutuatarius ad illam non semper teneri, quando fur tenetur; quando autem fur non tenetur, ille teneri non poterit. Hinc ubi de iustis titulis sermo est, illud inter mutuatarium, ac furem intercedit, quod mutuatarius de nullo titulo, quamvis iusto, tenetur, nisi convento, & ex conventionis quidem mensura, quae summam estimationem non respicit; fur autem de omni iusto titulo, etiam non convento, & ad summam ejus estimationem tenetur. Si vero agatur de titulo, qui in fure iustus non sit, nec estimabilis pretio, unde ad estimationem ejus non obligetur; hic titulus iustus in mutuatario esse non poterit, nec estimationem iustam ulla conventionem recipere; ac propterea mutuatarius iuste obligari nequit.

Regula generalis de dalceteadis iustis titulis ab iniustis.

quibit ad solvendum pretium ejus tituli, qui nec justus, nec æstimabilis est.

5. Qua regula præmissa, si consideremus titulos omnes in pecunia rapta, nullum inveniemus justum, atque æstimabilem esse, & haberi ab omnibus, nisi id, quod interest creditoris: unde in foro conscientie solam æstimationem lucri cessantis, & damni emergentis fur præter sortem restituere cogitur. Nullus ergo alius titulus in mutuario justus, & æstimabilis reperietur, ex quo supra sortem exigere aliquid in mutuo possit. Qui vim argumenti comprehenderit, evidens erit; simulque cognoscat, plures titulos, quos justos in mutuo nonnulli prædicant, nisi ad id, quod interest pertineant, justos, & æstimabiles non esse, quemadmodum in furto nihil æstimatur. Sola poena ex morali difficultate afferre potest, quæ ab eo, quod interest, maxime discrepat. At hæc, ubi proprie accipitur tanquam criminis poena, quæ æquius in furto locum habet, in mutuo autem non habet, nisi ex culpa certis conditionibus definita, ne fraudi obnoxia sit; hæc, inquam, non commutativa, sed vindictivæ justitiæ est; unde nec ad titulum justum, & æstimabilem commutativæ justitiæ proprium pertinet, de quo nobis in præsentiarum est sermo.

6. Porro, verum, & justum interesse duo complectitur, lucrum cessans, & damnum emergens, uti definitur L. 13. D. *Rem ratam haberi*, & L. unic. C. *De sententiis, quæ pro eo, quod interest, proferuntur*. Hos quidem titulos, si de vero damno emergente, lueroque vete cessante, non autem de possibili accipiamus, æstimabiles pretio nemo negaverit: & sicut in rapina, & furto, ita & in mutuo justam æstimationem recipiunt. Enimvero cum nemo (nisi charitas aliud postulet) mutui beneficium præstare debeat cum suo damno; ad damnum autem

referatur non solum damnum, quod vere redit ex mutuo, quam lucrum, quod mutuo vere intercipitur, (damni enim species est quidquid lucri amittitur L. 2. §. 12. D. *Ne quid in loco publico*) is, cui beneficium præstatur, justè cogi potest, ut damnum ejus causa obveniens compenset, atque resarciat. In qua æstimatione ne quid injuste geratur, nonnullæ cautiones adhibendæ, quibus nihil, præter justam lucri cessantis, aut damni emergentis æstimationem exigatur; id enim, quod supra hanc æstimationem est, nullo justo exactum titulo, injustum, & usurarium esset. Hinc Pontifices monuere potius perendum esse minus, quam plus; & Principes legibus caverunt, ne supra, cerum modum exigere queat, etiamsi forte eorum titulorum æstimatione major judicaretur: quæ tamen æstimatione si modo legibus definito vere sit minor, ipsa legum taxa exigenda non erit, ne quid supra justam æstimationem exactum, injustum sit, & ad usuram pertineat. Alias præterea cautiones Theologi allegant, inter quas illa non omittenda, quam ipse Gerardus Noodt usurarum patronus maxime observandam proponit L. 2. de Fœnore c. 6., ne scilicet alia pecunia otiosa sit, ex qua æque id, quod interest, obtineri possit: quia non videtur, inquit, absque quod auge potuit ex alia pecunia ..... contingere.

7. His autem conditionibus servatis, cum eò tota summa redigatur, ut qui horum titulorum causa aliquid petit supra sortem, meram indemnitatem suam petat, ac intendat, non autem lucrum ex mutuo; palam est hunc non petere, nec intendere usuram proprie dictam, quæ lucrum ex mutuo definitur. Sic quoties fur præter restitutionem foris rependere cogitur quantum damni passus est creditor, usuram solvere non dicitur. Ratio est manifestæ, quia ejusmodi indemnitas non est pro-

Tituli justus & æstimabilis duo tantum sunt in mutuo. Vide infra c. 3. No 12.

Id quod interest est quod vere sit, & quatenus æstimabile.

Id quod vere interest non est utilis.

proprie lucrum, quod ex mutuo proveniat, sed est mera restitutio, ac restauratio ejus, quod ex mutuo detractum, vel impeditum fuit: idque cum alias sine mutuo nobis adfuisse, ita ut mutui lucrum, seu usura dici non posset; tum vero nec mutui lucrum, nec usura dici potest, quod mutuo detractum, vel impeditum, in restitutionem ejus iustam juste rependitur.

Reffellit  
Salmasius ex  
aliis usura-  
rum patro-  
nis.

8. Ex his autem patet, quam perperam Salmasius, & nonnulli alii usuram vere esse contendant, quod horum titulorum nomine ex iusta æstimatione in mutuo convenitur, & penditur. Salmasio Molinæum, oppono, qui ea invicta ratione, quam attulimus, devictus, in Tractat. de Usuris scripsit n. 5. *Usura dicitur minus proprie, pro eo quod ultra sortem accipitur in mutuo, non propter officium mutuandi, sed propter aliam iustam causam, puta propter indemnitatem mutuantis; & hæc..... cessante fraude, vel excessu.... non est vera, & formalis usura, sed ejus, quod interest, legitima, & æquabilis pensatio.* Similiter Gerardus Noodt usurarum & ipse patronus L. 1. de Fœnore c. 3. id confirmat ex celebri lege 6. D. Pro socio, ubi simile genus usurarum ex mora non quasi usuras solvi Labeo respondit, sed quod socii interest moram cum non adhibuisse; in quæ ille verba observat, usuram proprie dictam non posse appellari, quod non lueri, sed indemnitatis causa solvitur: Labeo te ad usuras, inquit, mihi teneri voluit, sed non quasi ad usuras, sed quod mea interest, id est non quasi ad quasum, quem intendam, & quo usura censetur, sed quasi ad restitutionem utilitatis, quam scilicet creditor percipisset. Vide Higonem Grotium L. 2. de Jur. Bell. & pacis c. 12. §. 12., & Guiljelmum Amesium l. 5. de Conscientia c. 44. n. 3., qui ad æstimationem ejus, quod interest, ab usura distinguit, ut usuram proprie

collocet in lucro quæsito *vi ipsius mutui, ad excludendum*, inquit, *lucrum, quod alio titulo accipi potest, ut in compensationem damni emergentis, vel lucra cessantis.* Cujus generis lucrum vocari solet quod interest, & ab usura, & fœnore distingui.

9. Neque refert, quod in Romanis legibus hæc lucra cessantis, aut damni emergentis æstimatio, quando de mutua pecunia agitur, usura appelletur. Id enim, ut Noodt laudato loco observat, idcirco accidit, quia ea æstimatio, cum difficilis, & varia in praxi sit, ac pluribus fraudibus etiam obnoxia, expediendarum litium, & fraudum impediendarum causa ad usurarum modum taxata fuit: unde usura proprie non est, quæ ex solo taxationis modo usuræ nuncupationem accepit: *Usura dicitur, quia volebat Labeo, quod sociis interest censeri modo usurarum, suadente utilitate, expediendarum rerum &c.* & idcirco non quasi usuram, id est non quasi lucrum, aut quasum, sed quasi id, quod interest Labeo appellans, id, quod interest re diversum ab usura hocipso judicavit. Ceterum si usuram ex abusu placeat vocare; hoc usuræ genus, quod compensatorium est, non autem lucrum ex mutuo, licitum concedemus, quin dicamus licitam usuram proprie dictam, quæ lucrum ex mutuo definitur. Hinc nonnulli Catholici usuras compensatorias a lucratoriis distinguentes, has solas illicitas docere non dubitant.

Id quod interest quatenus appellatur usura.

Impropriè nuncupatio.

10. Neque inanem, atque commentitiam hanc ejus, quod vere interest, defensionem traducas ex Patribus, quasi hi omnem pecuniæ accessionem usuram damnarint, nulla ejus, quod interest habita ratione, ut omnia adversariorum obiciunt. Id enim ex ipsis Patribus probare possum omnino falsum. Nam præterea quod damnautes usuram, lucrum quidem ex pecunia, non-

S. S. Patres eandem titulum non damnarunt.

autem restaurationem lucri cessantis, aut emergentis damni perstrinxisse ipsa eorum testimonia produnt: nonnulla etiam ipsorum expressa loca suppetunt, in quibus se de *inutili*, & *otiosa* pecunia loqui testantur, ex quo scilicet cessante nihil damni impenfurum judicatur. *Inutile tibi argentum da non gravans illud accersionibus*, inquit Basilii in Pl. 14. S. Gregorius Nyssenus in Oratione contra foeneratores, hos dolentes inducit, ob *argentum domi depositum, quod otiosum est, & infructuosum*. S. Hilarius in Pl. 14. n. 15. *Quid otiosam pecuniam tuam in reditum componis?* ubi P. Coutancius *otiosam* suppluit ex Vaticano codice; & in Veronensi antiquissimo, ac Auctori fere coevo idem legitur. S. Ambrosius de Tobia c. 2. n. 8. foeneratorem alloquens, *Dapreuniam*, ait, *si habes: profit alii, qua tibi otiosa est*. Laclancius l. 6. Institut. c. 18. *damnum excipiens, Justus*, ait, *nec inquinabit se huiusmodi quaestu, ut sine ullo* (Nota) *suo damno idipsum quod commodat, inter bona opera numeretur*. Similia leguntur apud alios, ex quibus ii reprehensi noscuntur a Patribus, qui ex pecunia alias *otiosa*, & *inutili sine ullo suo damno* usurae lucrum caperent. Non ergo casus lucri cessantis, aut damni emergentis, in quibus *otiosa*, aut *inutilis* non fuisset pecunia, cogitarunt, & multo minus usurae damnarunt. Quod si non exceperunt casus ejusmodi, id factum est, quia ipsis propositi non fuerunt; nec in praxi ita faciles sunt, ut adversariis placeret; nec fere, ubi etiam sunt, ita spectari ex æquo soleant, ut usura vitetur. Facile enim contingit, ut ubi taxatio legibus præscripta æque semper existitur, quod Patrum ætate fiebat; iusta æstimatione ejus, quod vere interest, nequaquam servetur; ac præterea facillime evenit, ut ex hac æquabili praxi ibi etiam, ubi lucrum

cessans, aut damnum emergens intervenit, id, quod supra sortem, petatur, non uti restauratio iusta, petatur, sed ut lucrum pecuniar, idest tanquam usura, ita ut lucri cessantis, aut emergentis damni titulo nihil suffragante, tota usurae malitia animus occupet; tum enim solum usura vitatur, inquit S. Petrus Coelestinus opuscul. 9. part. 20. *cum interesse . . . . . petitur causa damni vitandi, non lucri captandi, seu dummodo*, ut ait Molinæ tract. de Usuris n. 28. *illud interesse non sit pretextus usura, nec ut negotietur, vel locupletetur creditor ex mutuo, sed duntaxat indemnitas servetur*. Quot vel hodie in praxi ex iis etiam, qui iustum titulum habent, hoc nomine vere usurarii sunt, cum re ipsa non restaurationem damni, sed lucrum pecuniar, idest usuram intendant, negotiationis speciem in usura collocantes; veluti ex ea lucrari liceat; quod S. Ambrosius, alique Patres maxime condemnarunt! Ex hac autem condemnatione, qua practici casus fere usurae notati fuerunt a Patribus, agnoscitur quidem non ita facile, nec passim diluendas esse usuras nomines ejus, quod interest; at ubi verus sit, vereque estimetur hic titulus, eos hunc titulum usurae adhuc damnaſſe inferri ex dictis non potest. Certe si iisdem hic casus fuisset propositus, quo quis pecuniam nec inutilem, nec otiosam habens, eamque mutuum credens cum vero emergente damno, vel lucro cessante, sincere meram restaurationem, non autem lucrum postuſſet; baud dubito, quin hunc usurae vitio abſoluissent. Hac de eo, quod interest, quatenus verum lucrum cessans, aut damnum emergens significat.

## §. III.

*Lucrum, & damnum possibile non  
genuitur propria nomine ejus, quod  
interest, ejusque æstimatione nu-  
lla est: unde perperam ab ad-  
versariis obtenditur, ut ju-  
sta defendatur usura, qua  
in omni mutuo per-  
cipitur.*

21. **S**I hisce limitibus continen-  
tur adversarii, cum usuram  
defendant; re convenirent nobis-  
cum, & solo usura nomine impro-  
prie usurpato discrepant. At cum  
extra hos terminos excurrentes,  
ejus, quod interest nomine non so-  
lum lucrum cessans, aut damnum  
emergens, eorumque justam æstima-  
tionem, atque restitutionem intel-  
ligant, sed etiam lucrum, & dam-  
num possibile, quod omni mutuo  
commune est; iisdem non possumus  
assentiri. Cum enim ii tituli nul-  
lam justam æstimationem, & com-  
pensationem recipiant; verum lu-  
crum ex mutuo, ac usuram veram,  
& injustam eo nomine rectam illi  
defendant, quod probari non po-  
test. Enimvero si quis damnum,  
quod potuit pati ex privatione pec-  
uniæ, passus vere non sit; num dam-  
num emergens subiisse dici potest,  
cujus restitutionem mereatur? Si  
quis item lucrum, quod ex pecu-  
nia poterat facere, vere non fecis-  
set, etiam non caruisset pecunia;  
num lucrum cessans allegari potest,  
quod justam æstimationem, ac re-  
stitutionem requirat? In furto qui-  
dem hæc nihili fierent, nec sus co-  
geretur quicquam hoc nomine re-  
pendere; quod ii tituli æstimabiles  
non sint. Solum lucrum, quo quis  
vere alterius causa caruit, & so-  
lum damnum, quod vere passus est,  
reparari debet, non autem quod  
potuit contingere, re autem non  
contigit: nam hoc, quod rerum in-  
ducitur, damnum, hoc reddatur, in-  
quit Justinianus L. unic. De sensum-

*tiis, qua pro eo, quod interest, pro-  
feruntur. Hinc etiam Gerardus No-  
odt l. 2. de Fœnore, & usuris c. 6.  
sufius agens de justa æstimatione e-  
jus, quod creditoris interest, non  
lucrum, quod cessare potuit, sed  
quod vere cessavit, æstimandum mo-  
net. Debet enim creditor petens id,  
quod sua interest ex mora debita pec-  
unia, probare quantum petis, tan-  
ti sua revera interesse.... idest id-  
circo sibi tantum abesse, quia ei da-  
ta non sit pecunia debita. Sic enim  
coartanda res est, quia quæstioni est  
utilitas pecunia non qualiscunque,  
sed ejus, de qua agitur. Illa vero,  
qua est, nisi certa haberi possit, at-  
que ex ea pecunia, qua debetur, adeo  
si quid percipi quidem potuerit;  
(nota) sed ita ut etiam potueris  
non percipi, etsi aliqua, etiam ma-  
gna, fuerit ejus spes, id in æstima-  
tione ejus, quod interest, pro eo,  
quod abest, non habetur: tantum quia  
non probat creditor se habiturum fuis-  
se, quod non habiturus fuerit, incer-  
tum relinquit. Adeo æstimatio ejus,  
quod interest certum lucrum cessans  
requirit, ut æstimatio incerti lucri,  
quod adesse quidem potuit, sed pec-  
tuit etiam non adesse, in foro ex-  
terno non æstimaretur. Sola qui-  
dem probabilitas, quæ moralem  
certitudinem pariat, sufficit, ut pro-  
babilitatis majoris, vel minoris ra-  
tione habita lucrum æstimetur, si-  
cut in iis contractibus efficit solet,  
in quibus futurum negotiationis lu-  
crum, vindemia, aut messis futura  
venditur. At probabilitas sola non  
sufficit, nec quod possibile est sive  
lucrum, sive damnum pro cessanti  
lucro, vel pro danno emergenti  
computari potest, ut adversarii faci-  
unt, qui lucri cessantis nomine  
id, quod lucrari quis posset, &  
damni emergentis id, quod quis  
posset detrimenti capere, in æstima-  
tionem adducunt. Hæc si non æsti-  
marentur in fure, nec in mutua-  
rio æstimari queunt.*

22. Sed probabilia cuipiam fore  
tunc

tasse videbuntur, quæ Salmasius in hanc rem scribit cap. 7. de Usuris p. 176. ubi id, quod interest non solum, inquit, ex præsentis occasione considerandum est, sed etiam ex ea, qua potest accidere, quamdiu mea pecunia caruero. Quo tempore tibi meam pecuniam dedi mutuam, poteram fortasse ea facile carere. Sed ii postea casus possunt emergere, qui facient, ut præstaret meam pecuniam. otiosam jacere, & paratam mihi adesse ad omnia accidentia, sive ad lucri adlucescentis captationem, sive ad damni impendentis evitacionem, sive jam præsentis reparacionem. Ecce enim aut prædii emendi mihi pretio occasio se obtulit, quam inopia præsentis pecunia dimittere sum coactus, cujus prædii fructus major mihi compendium attulissent, quam pecunia credita, & sumere posita usura. Hic lucri cessatio vertitur. Quid autem si interim, dum argentum meum fore occupatum teneatur, ades mea incendio consummata fuerint, aut ruinam ex vetustate minari cuperint, quibus reparandis nisi statim occurrerem, triplo major labes processu temporis futura est. Si as ad manum non sit, quo eas inflarem, & mutuum cogar eo tempore sumere, quo res nummaria erit carior, & proinde tum majoribus usuris inveniençia mihi pecunia, quam quanti mea collocata est, an non hic damni certe emergentis species oborietur? Multa alia fingi possunt. Vere quidem fingi dicuntur, cum casus ex eo, quod possint contingere, licet nulla probabilitas sit, fore ut contingant, adhuc tamen eventuros comminiscimur. Nunquid autem ex imagine, ac fictione incerti lucri cessantis, vel damni emergentis certa ipsorum restauratio peti julte potest? Num in fure ejusmodi casuum possibilem, quos eventuros possumus fingere. ratio, & æstimatio habetur? Atqui licet ficti neque probabiliter præsumi, contingere tamen de facto

poterunt; & si contingant, lucrum erit vere cessans, & verum damnum emergens. Inſto, Quid, si non contingant, ut probabilius quidem est? Tum nullum lucrum cessans, nullum emergens damnum erit: & interim hoc nomine certa restauratio exigetur? Nonne fraus aperta proditur, qua non alio consilio hi casus incerti ingeruntur, nisi ut certa restauratio, seu potius certum lucrum, idest vera usura, hoc nomine semper petatur, sive casus contingant, sive non contingant? Quod postremum cum sit probabilius, probabilius etiam futurum erit, ut restauratio, quæ petitur, non vera restauratio lucri cessantis, aut damni sit, sed verum lucrum ex mutuo, & vera usura. Cum in rebus istiusmodi, quæ ex futuro facto pendent, pretium taxatur, justitia pretii ex probabilitate, non autem ex possibilitate, derivanda est, ita ut eatenus pretii modus julte statuatur, quatenus ratione habita probabilitatis majoris, vel minoris maius, vel minus pretium definitur. Ubi nulla probabilitas est, ibi nullius pretii æstimatio locum habet. Et si præter probabilitatem præsentem casus aliquando accidat, id forti, & accidenti deputandum, quæ nullam prudentem, ac præsentem æstimacionem recipiunt apud eos, qui ut prudenter æstiment, uti hominum est, ex præsentis probabilis judicio, quod plerumque verum erit, non ex rarissimo casu fortassis futuro æstimare debent: secus mille fraudibus humana societas in aliis quoque contrahibus pateret.

13. Sed urget Salmasius. *Pone De usuris p. 177.*  
*nihil tale mihi eventurum, quamdiu pecunia mea penes te manebit. Quia tamen potest evenire, merito id possum timere, & in incertum rei eventum, quo jacturam detrimenti inde mihi occurrari, aut lucri cessaturi dispendium compensatione sarciam, usuras pro usu pecunia, qua in tui*

*gratiam, ut commodis tuis inserviam, sponte careo, jure stipulor. Immo injuria; palam enim non meram, ac justam restitutionem lucris cessantis, aut damni, quæ æstimationi horum justæ respondeat, hoc nomine stipulari vult, sed mercedem, & lucrum ex usu pecunie, quod usurarium, & injustum vidimus. Id, quod interest hoc casu mercis color, & fucus, non autem justus titulus est. Scio quidem leges taxasse certum ejus, quod interest unodum, ne ex una parte fraudarentur, qui hunc titulum habent, ex alia vero ne hujus tituli æstimatione cupiditate, ac fraudibus in infinitum augetur, ut ex Gerardo Noodt superiori libro observavimus cap. 3. At hæc cautio pro externo foro satis æqua nihil suffragatur in foro conscientie, nisi pro vera, ac justa æstimatione ejus, quod interest, mera compensatio quærat. Si quid hoc titulo præter æstimationem præsentem in præsentiarum exigatur, cum id justæ compensationis loco saltem ex præsentis æstimatione non sit, verum lucrum, & usura est, iniquum certe ejus tituli pretium, quod præsentem ejusdem æstimationem excedit. Præclare Grotius in eo ipso Commentario in Lucam c. 6. v. 35. ubi usuram defendit. Cum vetatur omne πλεονέκτημα, Dubium non est, quin exigatur a nobis ἢ ἐν τοῖς σφαλμάμασιν ἰσότης. Quare licet ex hac lege ne vendere quidem rem suam licet, nisi æquo pretio; ita nec pro pecunia usu plus percipi, quam quo detrimentum faciat. Detrimentum, inquam, verum, non fictum, non possibile, ita ut quod petitur, mera indemnitas, & restitutio sit, non lucrum, non usura; unde etiam Molinæus in tract. de Usuris n. 28. ad legitimum ejus, quod interest titulum hanc conditionem exigit: Dummodo illud interesse non sit prætextu usura, nec ut negotietur, vel locupletetur creditor ex*

*mutuo, sed duntaxat indemnis servetur. In incerto eventu res ab ipso Notabile pro eventu definienda ad futurum tempus citius remitti poterit, quam ut quidpiam certum pro incerto in præsentiarum statuatur cum periculo satis probabili fore, ut hac specie, & colore aliquid lucris, & usura, non mera restitutio, & compensatio exigatur. Ad summum cum de lucro cessanti, aut emergenti damno agitur, quod a futuro eventu pendet; dum non solum præsens certum, sed probabile etiam lucrum cessans, aut damnum emergens in æstimationem cadat; ex probabilitate, non ex possibilitate æstimationis facienda est, & ita ex bona fide citra ullam fraudem facienda, ut non aliud petatur, nisi quod meram restitutionem, & nihil amplius obventurum judicetur. Inadversariariorum autem computatione cum semper aliquid eo nomine exigatur, id exigatur, quod restitutionis mensuram, & æstimationem excedit, ac perinde injustum pretium, & non vera restitutio, sed verum lucrum, & usura vera exigatur, quæ ex recta æstimatione ejus, quod interest, non absolvitur, ut illi vellet, sed potius damnatur. Hinc convertere adversus istos libeat reprehensionem, quam Gerardus Noodt l. 2. de Fœnore, & usuris c. 12. Catholicis Theologis perperam impungit. Sub colore ejus, quod interest quid aliud, quam fœnoris, usuraque vis, ac potestas comprehenditur? Quod si de laxioribus quibusdam Theologis intelligat, qui ut in praxi ab usura omnes purgent, lucrum cessans, aut damnum emergens ubique facillime ingerunt, hi non approbantur ab Ecclesia, quæ omnem fraudem semper detectata est. Si autem id reprehensionem mereatur in hisce Theologis, qui lucrum cessans, & damnum emergens vident, ubi non est, ut usuram, quam damnant, amoveant; multo magis in adversariis damnandum.*



dum, qui cum colorem, & fucum, uti judicant, obtrudentes, eosdem titulos ubique comminiscuntur, ut usuram universim exinde vindicent, atque defendant.

## CAP. III.

## De periculi titulo.

## §. I.

*Quatenus ab adversariis obtrudatur.*

*Quod periculum aestimabile pretio sit. Cujus sit periculum in mutuo, & cur creditoris periculum non est aestimabile.*

1. **T**itulo ejus, quod interest, Salmasius in Libro de Usuris c. 7. periculi titulum subjecit, immo ad id, quod interest tanquam damnum his verbis quodammodo refert pag. 178. *Hic accedat periculum, quod frequenter incurrit, qui pecunias suas dant mutuas, ex cessione bonorum debitoris, & decellione. Qui in hoc se periculum demittit, nonne usura, quas exigit, compensativa habenda sunt ejus damni, cui multi quotidie sunt obnoxii, & cujus metu ipse non est vacuus, nisi pignoris, & hypothecis, aut sponsoibus idoneis securitatis sua consulueris? Qua & ipsa, annis interdum fallunt.* Etiam Hugo Grotius Epist. 153. ad Salmasium huic titulo calculum adjecit. *Accedat aliquantulum pro periculo, quod & ipsum aestimari solet in contractu suspecti periculi.*

2. Etiam in hoc periculi titulo, qui si ad usuram purgandam in mutuo valeret, maxime valeret, in pauperrimorum mutatione, ubi maximum periculum est, ut pluribus deinde observabo; in hoc, inquam, titulo aliquid veri, quod falso immisceretur, fucum facit. Si enim in damnorum periculis, quibus mutantes se exponunt, eorum-

dem compensationem consideremus cum Salmasio, nihil justius cogitari potest. Cum autem compensatio idem sit ac restitutio, seu restauratio damni; ut hæc juste exigatur, primo non merum periculum sine damno, sed reale damnum, quod restaurandum sit, requirit: dein ab iis solis exigenda, qui damnum intulerunt, non autem ab omnibus, qui etiam nihil damni peperere: ac tandem id solum ejus causa exigendum, quanti damnum aestimatur, non autem præterea aliquid, quod damni aestimationem excedens, ad restorationem non pertineret. Si hæc omnes condiciones servarentur in taxando periculi pretio, quatenus mera damnorum compensatio haberetur, nihil repugnarem. At cum singulæ desint, nonne patet hoc compensationis, & restorationis nomine lucrum injustum exigi, sive quia exigitur ex solo periculo sine damno, sive quia ab iis etiam exigitur, qui nullum damnum intulere, sive quia non mera restorationis aestimatio, sed ulterius exigitur, ita ut non meræ damnorum reparationis, sed lucri, & usuræ intentio hoc nomine testis satis prodatur?

3. Enimvero si mera reparatio damni in vero periculo sincere spectaretur; cum damnum vel ex mala debitoris fide, vel ex infortuniis, & futura impotentia evenire possit; horum cautio esset quidem idonea sponso, aut pignus, aut hypotheca, non autem obligatio lucri, de qua ex eisdem causis aequale periculum est ac de obligatione capitalis, vel de utraque nullum: lucrum enim frustra speraret, qui de capitalis restitutione vere diffideret, cum præsertim accessio supra sortem tanquam lucrum computari non possit, nisi capitale restituendum præsumatur. Gentiles quidem, cum malis nominibus pecuniam credebant, ut de periculo, ac damnis idonee caverent, non lucrum.

crum, sed fideiussores, hypothecas, vel pignora postulabant, ut idem Salmasius observat. c. 10. de modo usurarum: ratione ipsa distante, in ejusmodi periculis non lucri stipulationem, sed memoratas cautiones damnum præstare. Qui autem nihil de cautione sollicitus, cautionis lucrum supponit, si de capitalis periculo vere metuat, satis ostendit, se nolle cavere de damno, quod timet, sed hoc nomine supra æstimationem damni velle lucrari: nimirum non illud tantum animo præfert, ut hac via meræ restaurationi propiciens, capitale integrum præferat; sed ut hoc titulo supra restaurationem damnorum plus aliquid in dies acquirat per mutuum: quod solo (uti nunc agitur) damnorum, ac restaurationis nomine purgare nequaquam licet.

4. Quod si non meram compensationem damni considerari velis, sed ipsius æstimationem periculi, quod & ipsum, ut Grotius subdit, æstimari solet in contractu suscepti periculi: iniquus esset, qui periculum suscipere in aliis contrahibus æstimatum iustissime, in solo mutuo æstimatione dignum negaret. Hinc in casu cap. *Naviganti de usuris*, quo quidam mutuum negotiatori nautæ dedisse traditur, ut simul navigationis periculum in se susciperet pacto suscepti periculi pretio, nihil injustum est, si fraus omnis abest, ac proinde nisi legendum ibidem sit, *usurarius non est censendus*, ut ex contextu nonnulli conieciunt; ex mera fraudis præsumptione usurarium censeri, idest præsumi, plerique sentiunt, cum per se periculum suscipere iusto pretio æstimabile negari non possit. Enimvero si quis citra fraudem periculum rei, cui alias non obligatur, ita suscipiat, ut si quo casu pereat, ejus refarciendæ debitum assumat, nonne hoc onus pretio æstimabile est? Hoc itaque periculum, quod periculum juris quidam appel-

lant, si in omni mutuo intercederet, iustum esset in omni mutuo suscepti periculi pretium: uti hoc unum periculum in omnibus contrahibus periculi suscepti iuste æstimatur.

5. At si casum *Capitis Naviganti*, aut alium similem excipias, quis, rogo, est, qui in mutuo pecuniæ, aut alterius rei mutuo traditiæ periculum ita suscipiat, ut illam suo periculo præstare, ac restituere in omni casu debeat? Ipsum Salmasium si interrogo, mutuatarius, respondet, qui illam consummendam accepit; non autem mutuantis, qui dedit: unde omnem iacturæ casum, quicumque contingat, ad eundem quoque mutuatarium, non autem ad mutuantem, spectare observat. Sic enim lib. de Usuris c. 8. p. 122. *Periculo igitur eius (debitoris, seu mutuatarii) esse æquum est, qui jam illud velut proprium possidet, non illius, e cuius dominio, & potestate exit...* An debet esse periculo creditoris id, quod dat pendendum, aut consummendum arbitrio debitoris? Et post pauca ad hoc mutuatarii periculum itatuendum allata, de periculis damni hæc subiicit pag. 122. *Si aliquod ipsi damnum fatale contingit, ut vel ruina, vel incendio, vel vi latronum, vel quocunque alio casu rem suam (mutuatarius) amittat, sibi imputet, non ei, ad quem res amplius non pertinet, sed pro qua, quodcumque sit eventurum, aliam ex parte restitutionem obligatus est.* Ecce non solum periculum a mutuatario susceptum, sed & periculi damna ad mutuatarium pertinere vi ipsius mutui palam fatetur. Qui ergo mutuantis jus esse potest, ut iustum pretium exigat suscepti periculi, quod non ipse, sed mutuatarius suscipit? Quod si consideres, vi mutui periculum, quod prius erat mutuantis, in mutuatarium transire, ut idem Salmasius ex ipsis legibus fatetur in disquisitione de mutuo pag. 59. allega-

Non adeo in mutuo ex parte creditoris.

Periculum  
est æstimabile  
hic est.

legata L. 16. D. *Depositi*; ubi habetur. Ergo *transit periculum ad eum, qui mutuum rogavit.* (Vide aliam legem p. 65.) num suscepti periculi pretium in iuste exigere dici poterit, qui non solum non suscipit in se periculum, sed rejicit in alium, & ab eo quidem, in quem rejicit, exigere, ac tandem exigere vi ejus contradius, quo idem periculum a se repellit, & in alium rejicit? Nonne hæc omnia injustissimam ejusmodi exactionem demonstrant?

Periculum facti non est estimabile.

6. Neque periculum urgeas non ita rari pericula aliquando sortis nihilominus atque mutuarius periculum cum obligatione suscepit. Hoc enim periculum, quod *facti periculum* appellatur, præter naturam, & obligationem contingens, infortunio imputandum, ac fortis, quæ cum in ceteris contradiis non æstimetur, quid æstimabitur in mutuo? Profecio cum in praxi mutuum contrahitur, licet sortassis de periculo aliquo generatum timeatur, tamen in singulari quovis contractu, nisi charitatis præceptum moveat, us fere solis mutui creditur, qui solvendo futurum æstimatur; nam, ut notavit Plutarchus in opusculo *de vitando arte alieno*: *hæmopeccuniam nemo credit; & rationem affert* Basilus in Pl. 14. *Rauperes fidem minime inveniunt.* Equitati tribuit Salmasius in disquisitione de mutuo p. 131. si quis aliter pecuniam credat, idque raro, immo certe nunquam evenire testatur. Casus tamen accidunt nonnunquam præter omnem opinionem, & fidem. Nam, ut ideus ait, *nemo potest omnes casus prævidere; & multa eveniunt, quæ faciunt, ut is, qui sumit mutuo, nihil habiturus sit, unde in possessionem restituat, quod debet. Quid si omnia eveniret? Pauci effugerent minam. Quid? Nonne in his, quæ tememus ipsi, & per nosmetipsos possidemus, improvisa multa accidunt, quæ per fortunas evolvant? Incen-*

*dia, clades, ruina, naufragia, hostium invasio, vis latronum, furta &c.* Hi certe casus præter opinionem contingentes, nullam æstimationem merentur in ceteris contradiis e. g. emtionum, in quibus ex præsentis æstimacione, non autem ex inopinacionum casuum periculo pretium definitur. Id autem multo magis valet in mutuo, ubi de æstimacione periculi agatur. Nam cum in mutuo mutuarius periculum omne in se suscipiens, de omni casu, & damno se obliget; iniquum esset pretium periculi ab eo petere, qui de omni periculo caveret.

7. Res manifesta fiet ex contractu trium contractuum, qui ita in mercatoris gratiam ineatur, uti mutuum in mutuarii gratiam contrahitur. Petrus ex. gr. Paulo mercatori ducatos centum tradit in societatem negotiationis, isdem negotiationis periculis, sicuti & spei lucra jure societatis expositos. Hic primus est societatis contractus, ex quo Petro jus competit in lucrum, quod e negotiatione proveniens, huic capitalis portioni contigit. Porro hoc lucrum, quod futurum speratur ex. gr. ducati duodecim annui, sed incerti, eidem Paulo mercatori ab eodem Petro venditur ducatis octo certis; qui aliter contractus dicitur venditio majoris lucri incerti pro minori certo. Tandem ex his octo ducatis certis quatuor ipsi Paulo remittuntur pro cautione, seu affecturatione, ut vocant, capitalis ab omnibus negotiationis periculis, quibus vi societatis expositum est; & hic est tertius ille contractus, in quo ducati quatuor perinde remissi, ab hujus trius contractus defensoribus pretium justum habentur periculi juris, quod ad Petrum pertinet, a Paulo suscipitur. Ita quatuor adhuc ducati certi Petro superesse dicuntur jure societatis jure; quod justum ne vero sit, an non, in aliud (\*) opusculum remittimus. Interim in hoc

\* Vide opusculum de periculis negotiorum

riationem  
danda.

hoc triplici contractu æque sane Paulo obligatio est de periculis omnibus capitalis, ac in mutuo sit: sed hac obligatione nihil suffragante, æque pariter in hoc contractu triplici, ac in mutuo capitale obnoxium est iisdem facti periculis, cum æque possit Plulus sive ex malitia, sive ex infortuniis decoquere & fidem fallere, ac si eos ducatos mutuos accepisset. Si hæc autem facti pericula pretio æstimabilia essent in mutuo; æque æstimabilia pretio essent in trino contractu; ac proinde nihil opitulante cautione, & obligatione Pauli, Petrus ita posset ab eodem pro his facti periculis quatuor ducatos exigere in contractu triplici, uti exigi posse dicunt in mutuo, in quo par cautio, & obligatio est de periculis omnibus: quod enim Petrus exigit jure societatis, ob hæc facti pericula haud exigi tradunt. Sic demum ducati quatuor Paulo remissi pro cautione capitalis, seu pro suscepto periculo juris, repetendi essent, adeo ut inanis Paulo cedat omnis ejusmodi cautio: quod vel per ipsos trium contractuum defensores iniquum diceretur. Quid ita? Quia videlicet mera pericula facti, ubi juris periculum nullum sit, æstimabilia pretio non sunt. Aliam rationem, si vel per annum cogites, haudquaquam invenies. Si autem ea facti pericula in triplici contractu pretio non æstimantur; quid æstimabuntur in mutuo?

### §. I I.

*Evidens ratio affertur, qua paritate periculi in pecunia fur-  
to subrepta confirma-  
tur, & demon-  
stratur.*

2. **H**Ujus autem pretii iniquitas multo evidentius patebit, si rationem consideres, qua pretium periculi suscepti justum est. Ut enim justum sit periculi pretium, o-

portet is, qui pretium exigit, periculum in se suscipiat, ut alium a periculo liberet: nemo enim pretium periculi solvit, nisi ut se eximat a periculo: secus inutiliter solveret: injusteque prorsus quis congeretur ad solvendum pretium ejus periculi, cui æque subesset, ac si nihil solvisset. In omnibus contractibus *de periculo averso*, ut vocant, vel *de suscepto periculo*, non aliud pretium justum habetur, nisi quo periculum suscipitur ab ea parte, cui pretium solvitur, ab alia vero parte, quæ solvit, *avertitur*. Ubi id non fiat, nullum periculi pretium justum est. Quodcumque igitur sit periculum ejus, qui mutuum dat, si exacto periculo pretio mutuatarius non liberet a periculo ullo; iniquum est pretium, quod periculi nomine exigitur. Ita si quis in casu capitis *Naviganti* navigantem non liberaret a periculo, si quando navis periret, & nihilominus periculi pretium nullo suscepto periculo exigeret; iniustum periculi pretium, exigere ab omnibus diceretur, quodcumque alias periculum aliis mutationibus simile ex navigante metueret. In contractu itaque mutui, cum mutuatarius vi ejusdem contractus ad restitutionem obligatus, nullo casu, periculo nullo ab obligatione solvendi liberetur; nullum justum periculi pretium haberi potest.

3. Explicabo id fortasse clarius ex obligatione mutui, qua si non suscipiatur a mutante periculum, mutuatarius ad restitutionem capitalis in omni eventu obligatur. Hac obligatione qui tenetur, sicut hoc ipso de toto capitali restituendo, ita & de omni ejusdem capitalis damno, seu de omni æstimatione damni tenetur: damni enim summa æstimatio circa solum capitale, de quo nunc tantummodo loquimur, supra totius æstimationem capitalis non est. Porro capitalis periculum, quod non est, nisi periculum damni cir-

circa capitale, æstimabilius esse nequit ipso reali capitalis damno; nam certum damnum, ceteris paribus, semper magis, quam solum quodcunque periculum æstimatur. Itaque summa periculi æstimatio supra summam æstimationem totius capitalis esse non potest. Quidquid ergo supra totius capitalis æstimationem exigitur ratione periculi, uti fieret in exactione annui lucri; supra summam periculi æstimationem exigitur, ac proinde injustum esse non potest. Sic nimirum magis exigitur pro capitalis periculo, quam exigeretur pro certo totius capitalis damno, in quo nonnisi ad capitalis restitutionem agi posset.

10. Exemplo res tota patebit. Cum quis mutuos dat ducatos centum cum obligatione restitutionis, periculum perdendi centum nequit magis æstimari, quam ipsum centum ducatorum damnum. Cum porro summa hujus damni æstimatio non sit aliquid supra centum; qui se obligat ad reddendos centum, ad totam æstimationem damni se obligat; nec nisi injuste obligari posset ad solvendum præterea aliquid certi damni nomine. Cum vero periculi summa æstimatio non sit major summæ æstimatione damni; qui se obligat ad reddendos centum, sicut ad damni, ita & ad periculi totam, ac summam æstimationem se obligat: ita ut si periculi nomine obligetur ad solvendos præterea ducatos quatuor annuos supra centum, plus ex periculo, quam ex damno obligatus, supra justam æstimationem periculi graveatur.

11. Hæc vera sunt, posita mutuatarii obligatione ad restituendum capitale, a qua obligatione si ille aliquo saltem casu liberetur, ut in casu Capituli *Naviganti*, tunc pretium supra capitalis æstimationem exactum, cum a casu, & conditione fortuita pendeat, cui mutuatarius non obligatur ( unde si navis periret, nec capitale, nec pretium

periculi ille solvere cogitur ) incerta sit hujus pretii, & capitalis ipsius alea; ac propterea illi iustura obvenit periculi pretium, si bene cedat res, ad quem, si male res cederet, non tam pretii, quam capitalis damnum spectaret, quemadmodum in alex ludis accidit, ut paragrapho sequenti dicemus. At ubi mutuatarii obligatio capitale in omni casu integrum præstat, nec periculum ullum a creditore suscipitur; tunc obligatio capitalis cum simul sit obligatio omnis damni, & periculi omnis; tum etiam est obligatio ad omnem & damni, & periculi obligationem, ita ut quidquid supra eam obligationem imponatur oneris, supra omnem & damni, & periculi obligationem, & æstimationem impositum ad injustitiam, pertineat.

12. Ex his autem luculentius patet, quam inane sit, quod adversarios opposcentes audivimus superiori paragrapho, ex obligatione capitalis nequaquam impediri plura pericula facti, quæ sane æstimationem merentur. Nam præterea quamquod hæc non impediuntur addita obligatione lucri ( difficilior enim sit restitutio cum lucro, quam sine lucro ) cum quaeritur, quanti hæc ipsa pericula æstimentur, ut iusta pro iisdem obligatio debitori imponatur; deprehenditur non magis hæc damni pericula æstimari posse, quam capitalis damnum, æstimatur; ita ut obligatio ad capitale, & omne capitalis damnum æqua obligatio sit pro periculo omni, unde nihil amplius æstimari, aut exigi iuste possit. Nihil igitur æstimabile creditori est capitalis periculum in mutuo, nulloque pretio dignum supra æstimationem ipsius capitalis, ac mutui.

13. Rationem hanc, per se licet manifestam, confirmabo ex paritate furis, ac regula indicta cap. 2. §. 2., quæ totam rem plane evidenter demonstrabit. Pecuniæ periculum

culum, quam fur ignotus furripuit, majus esse periculo pecuniæ, quæ mutuo data est, nemo ignorat. Rarissimi casus restitutionis furum. præ frequentioribus mutuatariorum restitutionibus, illud periculum, quantum præter, luculenter ostendunt. Convenit autem inter omnes Theologos, ipsis etiam adversariis consentientibus, furem ejusmodi, cum ad poenitentiam accedit, ad restitutionem quidem capitalis obligandum, non autem ad solvendum præterea aliquid titulo ejus, quantumvis majoris periculi, in quod pecuniæ dominum ex culpa conjecit. Nec æstimabilem itaque pretio, nec justum hunc periculi titulum, qui periculi pretium mereatur, omnes agnoscunt. Talis autem si est hic titulus in fure, cur in mutuuario æstimabitur, ac justus habeatur? Neque reponas, idcirco non estimari in fure, quia de eo titulo cum fure nulla obligatio contracta fuit, quæ contracta presumitur cum mutuuario, ut obligetur. Ubi enim de iusto titulo sermo est, id unum (ut allegato loco innuimus) inter mutuarium, & furem discrepat, quod ille non tenetur de ullo eisi justissimo titulo, nisi convento, fur autem de omni titulo iusto, etiam non convento, tenetur; uti sane etiam sine conventionem tenetur de lucro cessante, aut damno emergente, si quod incideret, quippe quia damni emergentis, & luctu cessantis tituli per se æstimabiles, ac justii sunt. Si vero agatur de titulo, qui pretio æstimabilis, ac justus non sit; nulla conventio mutuatarium obligare posset, & quæ is quavis conventionem non obligaretur, ac fur sine conventionem non obligatur. Par igitur ratio est mutuarii, ac furis, quoad naturam tituli, siue justus, siue injustus sit: & solum conventio iusto titulo adjicienda in mutuarii favorem, quæ in fure ex crimine necessaria, non est. Itaque si fur non obliga-

tur ad solvendum quidquam pro periculo, uti obligaretur pro lucro cessante, vel damno emergente, id non aliam habet causam, nisi quod periculum ejusmodi per se justus non est titulus, nec æstimabilis pretio, sicut titulus lucri cessantis, aut damni emergentis justus, & æstimabilis est. Si porro periculum pecuniæ raptæ longe majus, æstimabile pretio non est, qui esse poterit æstimabile mutuatricæ pecuniæ periculum minus?

## §. III.

*Idem explicatur, & confirmatur ex Salmasio, ac ex lege Scævola de periculi pretio: item ex lege Rhodia.*

14. **I**n signem dictorum confirmationem suppeditat ipse Salmasius in libro de modo usurarum c. 9. ex lege Scævola Digestis inserta sub titulo *De nautico favore*, in qua periculi pretium ubi, & quatenus justum sit, definitur: *Periculi pretium est, inquit lex, est conditioe quavis penali non existente recepturus sis, quod dederis, & insuper aliquid præter pecuniam, si modo in alea speciem cadat: veluti ea, ex quibus conditiones nasci solent: ut si manumittas, si non illud facias, si non convalesco &c. Nec dubitabis, si piscatori erogatus in apparatus plurimum pecunia dederim, ut si cepisset, redderet, & athleta, unde se exhiberet, exerceretque, ut si vicisset, redderet. In his autem omnibus & pactum, siue stipulationem ad augendam obligationem prodest.* Duo in hanc legem maxime observanda Salmasius considerat. Primo legem hanc sub titulo *De nautico favore* fuisse propositam propter affinitatem periculi, quod in utroque themate ad creditorem pertinet. Ita enim pecuniæ trajecitæ periculum, si navis pereat, a mutuante suscipitur, uti in casibus

bus hac lege recentis suscipitur ab eo, qui pecuniam credidit, si conditiones eventus incerti minus respondeant. Dein pretium periculi, quod in accessione aliqua supra fortem ponitur, his solis periculis, quæ ab incerto eventu pendent, & aleam habent, tribui observat: ubi pro eo, quod in editis corrupte legitur, *si modo in alea speciem non cadat*, deleta particula *non* importune inserta, sic corrigit: *si modo in alea speciem cadat*. Et expuncta Molinæ emendatione in *aliā speciem*, suæ correctionis ad Scevola: mentem accommodata rationem affert satis æquam, quia sine alea non daretur periculi pretium: *Nisi hic contractus in alea speciem quandam eaderet, nullum in eo daretur periculi pretium. Ubi alea non est, nec ulla eventus futuri incertitudo, nullum etiam periculum inde timeri potest. Periculi, inquit, pretium est, etsi conditiones quantumvis penali non exsistente recepturus sis, quod dederis, & insuper aliquid præter pecuniam, si modo in alea speciem cadat. Certe nec periculum esset, nec periculi pretium in passionem deduceretur, si res in alea speciem non eaderet.*

15. En conditio necessaria ad pretium periculi, *si modo contractus in alea speciem cadat*. Alea autem species intelligitur. si (quod in ludis aleæ evenit) periculum utriusque sit, utrinque lucri spes. Ita in calibus lege Scevola: indicatis sub alea, inquit Salmasius, *pecuniam suam credit, qui piscatori eam expendit in apparatus piscationis sumitur fastu, ut si capiat aliquid, eam reddat eum augmento; si nihil capiat, quod dedit amittat creditor. Similiter & qui athleta, unde alat se, & exerceat, eadem lege dat, si vicerit, reddituro; si victus sit, omne retenturo*. Ad justitiam porro ejusmodi contractuum, ut justum periculi pretium recipiant, haud satis est utrinque periculum, & u-

trinque lucri, seu pretii spem suppetere, sed oportet inter periculum, & lucrum, seu pretium, proportionalem servetur æqualitas, ne qua pars præ alia magis gravetur. Ut autem hæc æqualitas servetur, vel æquale debet esse utrinque periculum, & periculi pretium, seu lucrum item æquale; vel si inæquale sit periculum, hinc majus, hinc minus, medium proportionale pretium inveniat oportet, ut quantum ex una parte augetur de periculo, tantum augetur de pretio &c. quæ proportionalis æqualitas a doctissimis Mathematicis demonstrata, est, Christiano Hugenio de *ratiociniis in ludo aleæ*, Remundo de *Montmort in Teutamine Gallico de ludis eventus fortuitis*, Jacobo Bernoulli in opere posthumo *Artis conjectandi*, ac Abraham de Moivre in *doctrina fortis, seu methodo computandi probabilitatem eventuum in ludis*: unde plurium ludorum inæqualitas, ac injustitia detegitur. Hinc ergo ad æqualitatem, ac justitiam servandam inter periculum, & periculi pretium, quod aleæ speciem refert, utraque pars in spe aliqua proportionalis lucri esse debet, sicuti in damni periculo est. Contractus omnes, qui in lege Scevola: periculum, & periculi pretium in aleæ modum utrinque suscipiunt, proportionalem ejusmodi æqualitatem habere debent ad justitiam tenendam, ut Salmasius ibidem fatetur. Et similiter in mutuo nautico, quo periculum a creditore suscipitur, & periculi pretium periculi proportionem habita ita definitur, ut si bene cedat navigatio, pretium obtineat creditor, & navigans pretium perdat; si autem male cedat, creditor fortem amittat, & navigans a restitutione fortis liberatus quodam modo lucretur; ex æqualitate proportionali utrinque servata inter lucrum, & damnum, contractus justus est, & pretium periculi item justum. Si autem hæc æqualitas, & justitia læditur, ubi

M m 2

pe-

periculum damni, & lucri, seu pretii spes utrinque sane sunt, sed æqualia non sunt: quid in iis contractibus accider, ubi una pars semper in periculo, nunquam in spe lucri sit, immo damnum certissimum obire semper cogatur? Id autem in vulgari mutui contractu evenit, vi cuius, periculo a creditore non suscepro, mutuatarius, si periculi pretium cogatur solvere, ex una parte nunquam casu ullo liberatur ab obligatione restitutionis, & ita nunquam potest lucrari; ex parte autem alia semper debeat solvere pretium periculi, id est certum damnum sine ulla lucri spe subire; quo nihil inæqualius, ac iniustius excogitari potest. Quæ isthæc, quæso, alex species est? Quod si ubi non est veræ alex species, nullum esse periculi pretium Salmasius ex Scevola definit; nullum esse potest pretium periculi in vulgari mutuo, in quo alex species nulla est.

16. Neque creditoris periculum opponas; hoc enim, nisi in alex speciem cadat, est periculum aliquod dicendum late sit, cum tamen vi contractus de omni periculo mutuatarius caveat, nec a Scevola, nec a Salmasio, nec in legibus de periculi pretio agentibus periculum habetur, aut certe non tale, quod in alex speciem cadens, iustum mereatur periculi pretium. Hinc sane, observante eodem Salmasio, apud Romanos, & Græcos inter maritimum, & terrestre mutuum illa fuit distinctio, eum alterum aliter opposuerunt, nauticum communi, & terrestri ἀπὸ τοῦ ἔγγυος, quod istud tantum est, ac securum creditori, cum illud contra periculo ipsius eat. Inter multa, quæ id discrimen statuunt, & a Salmasio observantur c. 3. & 5. de modo usurarum, celebris est locus legis Rhodiæ, ubi maritima pecunia in nautico mutuo tuta, & sine periculo futura creditori nominatur, quæquam scribi iubetur; quæ verò in agnis, aut uribus, id est mutuo

terrestri, mutuo dabantur, securæ, inquit lex, & ab omni periculo vacua conscribi, ac repromitti licet: ubi securitas ab obligatione debitoris in omne periculum derivatur. Vide apud eundem Salmasium plura. Huic autem duplici mutuo duplex respondebat fœnus, terrestri, quod pro terrestri, & nauticum, quod pro nautico mutuo solvebatur. Illud autem terrestre fœnus, quod communes usuras pendebat, cum terrestre mutuum spectaret, τὸ ἐγγύον appellatum, p. 170. id est tutum, & sine periculo, creditori non erogabatur pro periculo, quod ex obligatione debitoris non censebatur periculum, nec iusto periculi pretio habebatur dignum; sicut pro periculo solvebatur fœnus nauticum, quod mutuum nauticum creditoris periculo obnoxium respiciebat. Itaque, ipso assensiente Salmasio, Romani, & Græci, eisdem usuræ patroni, communem usuram tanquam periculi pretium solvi non posse putarunt in eo mutuo, in quo debitor creditori obligatur, nec in eo periculum, quod creditori superest, quicquam fecere, quod pretio æstimabile sit. Interim si omnia circumspicias, & conseras, cognosces illud solum periculum in mutuo & a Salmasio, & a Romanis, ac Græcis æstimabile pretio habitum, quod a creditore suscipitur, debito liberato, ut in nautico mutuo accidit; unde etiam hoc mutuum in alex speciem cadit: cum autem creditor periculum non suscipit, nec creditorem liberat; alex sublata, periculum, quod creditori superest, æstimabile habitum non fuit, ut in vulgari mutuo evenit; unde una omnium ratio ad eam, quam superiori paragrapho attulimus, revocatur.



## §. I V.

*Appendix de periculo probabili, & extraordinario, nec non de periculo difficili exactionis, & expensarum in restitutionem proevidendam.*

17. **Q**Uæ hæcenus a ratione, & confessione ipsius Salmafii, ac jure ipso Ethnicarum gentium de periculo disseruimus, ita universim probant nullum periculum facti, de quo scilicet mutuatarius vi mutui obligetur, esse æstimabile pretio, ut nullum, nec

extraordinarium quidem, aut probabile facti, periculum pretio æstimabile sit. Omnia enim æque cuiusvis periculo facti etiam probabili, & extraordinario congruunt, ita ut solum juris periculum, quod scilicet quis in se recipiens, mutuatarium liberet, æstimatione, ac pretio dignum agnoscat.

18. Hæc velim attente considerent quidam, ceteroquin catholici, quibus pericula extraordinaria in mutuo æstimabilia videntur. Nisi rationibus allatis æquam responsionem, & idoneum discrimen extraordinarii (\*) probabilis periculi peculiare afferant, nihil consistit.

Ve-

(\*) Præter documenta, & rationes allatas in textu, quibus periculum facti etiam probabile nullum titulum iustum parem evidentem, ut arbitror, demonstratum est; haud omittendæ videntur pro praxi dux observationes, quas proposuimus Prælectione II. in partem 1. §. Antonini §. 26. n. 4. Primo si casum excipias mutui, quod ego in necessitate ex charitatis præcepto detur cum periculo vere probabili, cuius causa nihil lucri ab eo exprimendum vel ipsa charitas iubet; si hunc casum, inquam, excipias; etsi in ceteris mutuis periculum aliquando præter opinionem verificetur; cum tamen in ipso mutuo singillatim contrahendo non prævideatur; nec credatur futurum (secus mutuum non fuisset contractum, vel de eodem fuisset melius aliunde cautum) possibile solum idem periculum in quovis singulari mutuo stipulando apprehenditur, non autem vere probabile; ut ne certum periculi pretium statuere sub ea opinione liceat, quin vere pro possibili, uti tum in eo particulari contractu creditur, non autem pro probabili periculo, & damno statuatur; quod vel per auctores, quos nunc impugnamus, usurarium debet concedi: solum enim probabile periculum vindicare nituntur, non autem possibile, quod omnibus mutationibus intrinsicum, atque commune, extraordinarium non est, & si valeret, usuram penius vindicaret. Neque refert, quod in hoc, vel illo mutuo periculum re ipsa fuerit probabile, etsi in ineundo contractu non apprehenderetur; nam contractuum stipulatio circa id, quod cognoscatur, tota versatur, adeo ut id, quod non apprehenditur, etsi forte in sit, æstimabile non sit. Secundo accedit, quod si iustum esset pro periculo id genus nonnunquam contingentibus aliquid exigere ad damnum reparandum; id ab iis esset exigendum, qui spem, & opinionem fallunt, ac in causa sunt damni, non autem ab iis, qui obligationem ex fide præstant, integramque sortem restituant: nam, ut S. Antoninus in pari objectionem observavit part. 2. tit. 2. c. 8. §. 2. *Iustus non debet ferre penam iniqui, seu mali creditoris*; unde concludit: *Ab illis ergo, qui in termino non solvent, exigat recompensationem sui damni, non ab aliis*. Injuste igitur hoc periculi nomine cum quibuscvis etiam bonis

Vereor, ne pericula juris a facti periculis non satis distinguant. Certe in Scriptura, ac Patribus probabilia, & extraordinaria quædam pericula facti judicantur, nec tamen æstimatione digna habita sunt, cum lucrum eo adhuc in casu perceptum usuræ damnarunt, nec periculi titulo putarunt excusandum: adeo nulla æqua responsio, discrimen, nullum probabilium periculorum facti peculiare suppetere posse videtur. Fœneratoriam nimirum negotiationem plenam periculi semper fuisse, in qua multi *argentarii* (id est fœneratores publici mensas ad mutuum sub fœnore semper paratas habentes) subinde foro, & bonis cederent, liquet ex illis Plauti in *Perſa*:

*Mirum quin citius jam a foro  
argentarii*

*Abeunt, quam in cursu votu-  
la circumvertitur.*

Hac de causa non pauci, præsertim apud Atticos, insignes fœneratores malebant minori cum lucro alias artes obire, quam fœneratoriam cum lucro majori, ne tot periculis essent obnoxii; & idcirco cum inter filios Passionis Trapezitæ in partienda hereditate paterne Apollodoro natu majori esset

optio, num mensam fœneratoriam, an scutariam eligeret, scutariam, id est fabricandum clypeorum officium, quamvis minus utilem prælegit; & prudenter, inquit Rhetor: *Scutaria enim possessio sine periculo; ac mensa quaestus est, ex quo redditus sum ancipiter, utpote ex pecuniis alienis.* Saltem mali debitores semper fuisse non pauci, & inter hos nonnulli omni ævo extiterunt, de quibus æque ac nunc timeri plurimum poterat, ne vel pravitatem, vel impotentiam, vel alio quocunque casu capitale non restituerent unquam. Horum hominum, meminit Sacra Scriptura Eccli c. 19., & alibi sæpe pauperum meminit, a quibus præsertim extraordinarium, ac probabilissimum periculum imminet: nec tamen hos saltem casus Deus in Scripturis excipiens, lucrum his quoque casibus exactum usuræ damnavit.

19. Eodem recidit celebre testimonium Christi Luc. 6. v. 35. *Mutuum date, nihil inde sperantes, ubi is veterem mutui gratui legem non tam confirmaturus, quam perfecturus, ut in hac quoque parte Christianorum iustitia Pharisæorum iustitiæ præstaret, iustitiam mutuum non iis solum, a quibus,*

bonis debitoribus agitur, qui pro damno capitalis ab aliis corraſi satisfacere cogantur. Jure ergo hunc periculi titulum Scriptura, & Patres, etsi maxime nossent, vel nihil, vel pro usuræ pallio habuerunt; cum quibus S. Bernardinus Senensis tom. 2. serm. 39. art. 1. c. 3. n. 3. eam excusationem non probavit, qua tradebatur, capitale per mutuum multis periculis amittendi exponi; immo illud indubitate affirmavit, *perinde esse ex hoc periculo lucrari, ac ex solo mutui actu.* Sunt qui S. Thomam opponunt, a quo 2. 2. q. 78. 2. 2. ad 5. periculi titulus probatur. At qui hæc opponunt, mire confundunt periculum cum periculo, nec observant periculum, de quo S. Thomas ibidem loquitur, esse periculum ejus, qui negotiationis alex pecuniam exponit. Id autem periculum *juris* est, non *facti*, & illud solum S. Thomas uti justum lucri titulum probavit, sicuti & nos paullo ante illud uti justum recepimus: ut ne tamen exinde argui queat pro periculo *facti*, quod unum cadit in mutuum, quodque omnino æstimabile non esse, & in mutuo nihil licere eo nomine exigere, & sacris testimoniis, & argumentis potius evidentibus demonstrasse nobis videtur.

bus, si non lucrum lege veritum, saltem capitalis restitutionem sperarent, ut Hebræi faciebant, sed illis etiam, a quibus summa inopia laborantibus sperarent omnino nihil, idest nec lucrum, nec restitutionem capitalis sperarent, quemadmodum ex contextu, & Sententiis Patrum lib. II. c. 4. latius exposui. Certe non de mera usuræ prohibitionē Christus hoc loco egit, ubi Hebraicæ iustitiæ perfectionem adiecit: usuram enim virabant etiam Hebræi, qui *תא יסא, aqualia*, idest capitale tantum recipiebant ex versu 34. Illud, quod Christus hoc loco addidit pro perficienda Christianorum iustitia, in hoc situm est, quod cum Hebræorum vulgus tantum daret mutuum, ubi nullum periculum metuens, restitutionem speraret; Christiani mutuum ex institutione Christi negare non debent neque iis, a quibus de restitutione, & de probabilissimo etiam ipsius sortis periculo metuant. Id in pauperiorum gratiam præceptum fuit. Hoc autem Evangelicum testimonium unicum est, unde usura expresse vetita ex novo Testamento probetur. Si ergo vel eo casu Christianos ab usura alienos esse Christus iussit; extraordinarium utique, atque probabile periculi capitalis periculum adeo nihil fecit, ut eo unico loco usuram vetnerit, ubi de obeundo extraordinario periculo præcepta tradidit. Mitto infinita propenodum traditionis testimonia adversus usuram a pauperibus potissimum exactam, quibus uno consensu hæc tanto reprobatæ magis, quanto pauperiores illi sunt, a quibus exigitur: cum tamen in eadem sententia, quæ iustum defendit probabili periculi titulum, usura eo longius abesse, quo magis pauperes majus periculum asserent. Quod enim ex iusto titulo exigitur, a pauperissimo licet exactum, etsi immiseri cordi reprehendi possit; cum tamen non ex mutuo, sed ex iusto

titulo sit, iniustitiæ, & usuræ accusari non potest. Nonne Montes Pietatis, indemnitate, seu damni emergentis titulo, auctarium aliquod etiam a pauperioribus exigunt? Quis hoc usuræ accuset? Si ergo periculi extraordinarii titulus aique iustus esset, ac titulus damni emergentis; aliquod pro eo pretium etiam a pauperibus exigere pariter liceret. Quod si ex Evangelio, & Traditione certo illicitum est; palam sequitur periculum in mutuo per se iustum non esse titulum lucri. Si vero in pauperibus etiam miserrimis, ubi periculum maximum est, hic titulus non est iustus; quis iustum credat in aliis, in quibus minus periculum erit? Cum de usura, & iustis titulis agitur, non de charitate, sed de iustitia agitur; ac propterea quod in paupere non licet, nec in ceteris licet. Hæc distincte monenda fuerunt, ne quis forte hoc in titulo pecuniarum pauperum causam putaret.

20. Ceterum ut hoc magis inagisque eluceat, plura afferre possumus testimonia Patrum, in quibus dum usuram reprehendunt, sub eadem usuræ condemnatione eos quoque casus complexi sunt, qui extra paupertatis conditionem probabilibus periculis erant exposti. Pauca brevitate causa indicabo.

21. Inter pericula, quæ a plebisque extraordinaria, atque probabilia iudicantur, est pecuniarum negotiatoribus præsertim nauticis fidere. Hoc periculum, & foeneratoris ex eo sollicitudinem, atque curas fusc exponit S. Gregorius Nyssenus testimoniis lib. IV. recitatis c. 5., & nihilominus foeneratoris crimen perstringens, lucrum hoc saltem titulo exactum usuræ vitio excusandum non putavit.

22. S. Zeno nover Veronensis Episcopus alia probabilia, & uti vulgo habentur, estimabilia mutuantium pericula memorat l. 1. tract. 9. n. 4. Cum casu aliquo inquit, fraud,

*fraus, inopia, fuga, mors extorserint debitorem; & usurę nihilominus deputat lucrum; adeo ut damnum, quod ex hisce periculis identidem redit, iussu peccati poenę referat: Sic saepe contingit (ubi vox saepe periculum non rarum indicat) ut meritis perdat etiam sua, qui desideras aliena, scilicet per usuram. Quibus similia legere est apud S. Leonem Serm. 16. de jejunio decimi Mensis. Hi certe ne cogitarunt quidem de iustitia tituli ducti a coniugentibus saepe periculis, qui ex ipsis infelicitibus periculi casibus usurę non exculpationem, sed poenam, & condemnationem potius iustissimam collegerunt.*

23. S. Joannes Chrysostomus Hom. 56. al. 57. in Matth. n. 3. soteriationem periculis plenam agnoscit illis verbis: *Quid est difficile, quam funerari, & de usura, & passionibus vehementer sollicitum, quades quare, & modo de pignori-bus, modo de sorte, nunc de syngra-phis, nunc de famoribus, nunc de quibus ipsis formidare?* Et paulo post frequentia indicans horum periculorum damna: *Nescis, ait, quot homines sortem amiserunt famoris expellatione, quot in pericula deciderunt? & multos in ultimam paupertatem hac via devolutos testatur.* Iterum post pauca cum assermet nullam negotiationem tot casibus esse obnoxiam, quot sanus obiectum est, subdit n. 6. *Hic vero multi saepe in ipsa sorte naufragium pertulerunt, & antiquam naufragium patiuntur, continuis curis anguntur.* Totam autem paragrapho hos quoque usurę reos perstringit.

24. Similia leguntur apud Antiochum Monachum Palæstinum, qui seculo VII. in magna Laura S. Sabæ floruit. Lege Hom. 12., ubi aliquot sibi notos commemorat, qui *propter animæ detrimentum sortem elocata pecunia perdiderunt.* Cetera testimonio probabilia præmitto.

25. Huic autem Scripturarum,

ac Patrum auctoritati si rationes adjicias superioribus paragraphis propositas, quæ omne periculum facti eque evertunt; difficile illorum causam agnoscere, qui probabilia, & extraordinaria facti pericula eripere, atque subducere conantur. Paritatem quidem furis, in quo maximum pecuniæ rapæ periculum est, nullo conatu auctores isti poterunt solvere.

26. At movet illos Decretum S. Congregationis de Propaganda Fide pro Regno Sinarum dato Die 12. Septembris an. 1645., a qua cum quæsitum fuisset per Missionarios Sineses tertia quæstione: *In prefato Regno lege stabilitum est, ut in mutuo triginta pro centum accipiantur, absque respectu lucris cessantis, aut damni emergentis. Quæritur utrum Sinesibus sit licitum, pro pecuniarum suarum mutuo, licet non interveniat lucrum cessans, aut damnum emergens, præstare pro centum triginta Regni lege taxatam quantitatem accipere?* Et causæ dubitationis est, quia in recuperanda pecunia est aliquod periculum, scilicet quod qui accipit mutuatum, fugiat, vel quod tardet in solvendo, vel quod necessarium sit eorum iudice repetere, vel propter alia ejusmodi. S. Congregatio, deputatis ad examen Theologis, horum resolutionem probavit his verbis: *Censuerunt ratione mutui immediate, & præcise, nihil esse accipiendum præter sortem principalem: si vero aliquid accipiant ratione periculi probabiliter imminenti, prout in casu, non esse inquietandos, dummodo habeatur ratio qualitatis periculi, & probabilitatis ejusdem, ac servata proportionē inter periculum, & id, quod accipitur.* Hoc potissimum, vel unicuique fundamentum est, quod plures in eam sententiam deduxit, ut probabile periculum facti æstimabile pretio iudicent; in hoc enim decreto probabilia facti pericula pretio æstimantur.

27. At

Decretum Sinesis exposuit.

17. At præpropera hujus Decreti lesione homines abreptos arbitror, dum peremptoriam definitionem hoc loco factam intelligunt, quæ facta non est, saltem in eam sententiam, quam illi sibi imaginantur. Neque ad definitionem excludendam illud afferam, Summum Pontificem eatenus hoc Decretum approbasse pro praxi, donec Sanctissimus, vel Seder Apostolica aliud ordinarerit, ut in ipso Decreto integro legitur; quæ verba Decretum non definitivum, & absolutum, quod mutari non possit, sed provisionale, uti appellant, in quo aliud alias ordinari fortassis poterit, habendum demonstrat. Ipsa potius Decreti hujus verba considerari velim.

De tribus  
periculis eo  
Decreto ex-  
pressis.

Duo non  
pertinent ad  
periculum  
capitalis,

18. Tria periculorum capita in quæstione propoſita recensentur expresse, & duo quidem non ad capitalis, sed ad expensarum, & lucri cessantis periculum pertinent. Quod enim debitor tardet in solvendo, moræ damna, id est lucrum cessans, apud Sineses, uti fertur, commune, atque certissimum; quod autem necessarium sit coram iudice repetere, difficultis exactionis expensas significat, inter quas illa apud Sineses peculiaris, quod iudices illi plerumque iniqui causam non facile expediunt, nec adjudicant, nisi iis, qui majorem pecuniæ summam sibi persolvunt: quod damnum iudicio repeti nequit; ut ex literis P. Eugenii Pilloti Episcopi in partibus Chian Chen hac super re scriptis die 8. Junii an. 1739. accepi. Cum porro hæc duo pericula certo recidunt in lucrum cessans, & damnum emergens: nemo difficultatem moveat ex illis quæstionis propoſitæ verbis, ubi præsumtum est, non intervenire lucrum cessans, aut damnum emergens: hæc enim conciliantur, si dicas hoc acceptum fuisse de lucro cessante, aut damno emergente contractus tempore; duo vero indicata pericula, ad damnum, aut lucrum cessans futuri temporis

Tom. I.

referri, immo ad periculum solum lucri cessantis, ac damni, quæ ipsa valde diversa sunt. Duo igitur pericula in quæstione expressa, ad capitalis periculum nihil pertinent. Solum de fuga debitoris ambigi potest, num hæc saltem ad periculum capitalis referenda sit. Verum hæc ipsa, non capitalis perditionis periculum necessario significat, quod si per fugam pereat, nunquam sane fiet, ut aliquid recipiatur, quod ajunt, ratione periculi; sed ad sumtus referri potest, quatenus fugientem quærere, & invenire, ut ad restitutionem adigatur, expensas sæpe maximas devorat. Saltem ex tribus periculorum capitibus duo certe non pertinent ad periculum capitalis, unum autem utrum pertineat, incertum. Quod deinde additur, & propter alia hujusmodi, plura alia pericula indicare potest, quæ cujusmodi sint, nequaquam exprimitur.

19. Notandum porro in quæstione nullam fieri mentionem periculi probabilis, nec definiri quodnam probabile sit. In responsione autem, quæ ad sola probabilia pericula restringitur, præterquam quod formula non sunt inquirendi, quæ in ceteris decem & sex quæstionibus expresse definitis non adhibetur, earum quæstionum propria est, in quibus nihil directe definire placet, ut ex aliis Congregationum Decretis probare liceret; etsi forte hæc formula periculi probabilis titulum aliquatenus probatum velis, quodnam tamen ex indicatis periculis probabile sit, non definitur. Immo iis conditionibus circumscribitur responsio, ut non omne memoratum periculum, sed aliquod tantum indefinite probatum dici possit. Notentur diligenter verba: Si vero aliquid accipiant ratione periculi probabiliter imminenti prout in casu, non esse inquietandas, dummodo habeatur ratio qualis periculi, & probabilioris ejusdem,

De tercio  
dubium est,  
an ad capi-  
talis pericu-  
lum perti-  
neat, & cu-

Decretum  
de aulico  
periculo  
statuit, sed  
generalem  
regulam  
præ-  
scribit.

N 2

dem,

dem, ac servata proportionē inter periculum, & id, quod accipitur. Primum comina aliquod periculum probabiliter imminens, æstimatione, ac pretio dignum indicat: at conditiones, quæ subjiciuntur, atque reguntur particula dummodo, num omne memoratum ejusmodi sit, nequaquam declarant. Quin cum eadem Congregatio ad id decidendum rationem haberi velit trium conditionum, primo qualitatis periculi, secundo probabilitatis ejusdem, ac tertio proportionis inter periculum, & id, quod accipitur; cumque ad alios hanc rationem habendam remittat, ut casus decidatur; ipsam Congregationem per sese nominatim nihil decidisse, aut voluisse decidere palam est. Immo cum inter ea, quorum rationem haberi voluit, sit periculi qualitas, de qualitate periculi ipsa nihil definit. Qualitas autem periculi, uti a periculi probabilitate secunda consideranda distinguitur, non aliud innuit, nisi quale periculum sit: cumque hæc conditiones subjicere fuerint propositioni periculi probabiliter imminens, cognoscere de qualitate periculi hoc loco est cognoscere de qualitate periculi probabiliter imminens, ut quale ex his æstimabile sit decidatur. Id autem indicium relinquens Congregatio, Confessariorum, atque Theologorum apud Sinenſes curæ dimisit, a quibus Sinenſes in periculis probabiliter imminens eatenus inquietari noluit, dummodo qualitatis bonum periculorum rationem haberent: quæ ratio fuisset superflua, si omnia pericula probabilia approbata fuissent. Hac autem prima consideratione postquam dijudicatum sit, hoc vel illud probabile periculum æstimabile esse, tum de probabilitate, seu quantitate probabili ejusdem, ac tandem de pretii proportionē cum periculi probabilitate decidendum. Congregatio præscripsit. Ita dijudicandi regula potius fuit hoc in-

casu præscripta, quam peculiaris; ac practica definitio. Id ne cui mirum videatur, sciat hunc esse morem Romanarum Congregationum in casibus id genus, qui non unum, sed plures casus involvunt, ac præsertim in casibus ad contractus pertinentibus, qui nulla universali lege comprehendi queunt, sed ex circumstantiis sæpe diversis diversas definitiones efflagitant. Aliarum id genus responſionum, ac praxeos earundem Congregationum peritis id notissimum est. Itaque si Congregatio nihil de hoc, vel de illo periculo definit, quis jure probatum credat potius periculum capitalis perdendi ex debitoris fuga, quam pericula alia, quæ ad expensarum, idest damni probabilis, ac lucri probabiliter cessantis periculum utique æstimabile referuntur? aut etiam ad periculum aliud iis verbis indicatum, & propter alia hujusmodi, quæ periculum aliquod juris continere queunt? Quin cum ipsum periculum ex debitoris fuga ad sumptus æque, ac ad capitalis jacturam redigi queat: quis obstinate contendat, intelligendum periculum capitalis, quod & Scriptura, & Traditione, & ratione evidenti, ipsis etiam Ethnicis, atque Salmatio fatentibus, in mutuo reprobaturum vidimus? Enimvero sicut nemo speret, se aliquid supra sortem accepturum ratione periculi ab eo, quem ipsam sortem fuga subduclurum probabiliter timeat; ita nemo id memorato Decreto probatum prudenter existimet.

30. Quamquam si omne probabile etiam capitalis periculum aliquatenus probatum velis; dum justa, & proportionalis pro qualitate periculi æstimatio statuatur, quæ est tertia Decreti conditio, nihil contendam; pericula enim probabilia pro qualitatis discrimine varias æstimationem recipiunt. Quæ autem justa, ac proportionalis æstimatio sit pro hoc, vel pro illo peri-

si de periculo probabiliter debitorum fuisset, quid probatum dicendum esset.

periculo, cum Congregationis Decretum nec desinat, nec regulas præferibat, aliunde dijudicandum est. Porro illud capitalis periculum, ejus alea a creditore suscipitur, justam, & proportionalem pretii estimationem mereri, ex qua creditor ita lucrandi spei, uti damni periculo expositus sit; illud autem, ejus aleam creditor non subeat, solam capitalis omnino indemnis estimationem, & restitutionis obligationem pro justo proportionali periculi hujus pretio habere ex superius constitutis evidentissimum arbitror. Hæc regula, si periculis propositis applicetur, atque ex ea de singulis rectum feratur judicium, Decretum servabitur: scus Decreto frustra inhære se dicet, qui justam, & proportionalem cujusque periculi estimationem a Decreto requisitam non servet.

De titulo  
difficilis ex-  
actionis, ac  
periculo ex-  
pensarum in  
exigenda  
sol. c.

31. Enimvero id valet etiam in periculis expensarum, ac lucri cessantis, de quibus periculis Decretum maxime intelligendum videtur. In periculo probabili lucri cessantis ex debitore, qui *tardet in solvendo*, cum periculum sit juris, quod aleæ speciem refert; certum pretium, proportionale qualitati periculi, & probabilitati lucri cessantis, quod in restaurationem ejus, non autem in lucrum vergat (ut dictum est de ipso lucro cessante cap. 2.) taxari potest a tempore moræ solvendum, cum lucrum probabiliter cessabit; non vero ante id tempus, cum nulum cessare præsumitur; & ab iis solis solvendum, qui moram afferentes, lucrum interceptant; non vero a ceteris, qui prompte solventes nihil lucri impediunt. Neque enim merum periculum lucri cessantis, quod minoris æstimatur, quam ipsum lucrum cessans, regulas hanc potest ampliores illis, quas ipsi lucro cessanti præfixas vidimus. In expensarum autem, aut alterius damni periculo ex judicii difficili exactione, aut aliis ejusmo-

di, quæ facti pericula sunt, mera ipsorum æstimatio, non autem lucrum taxandum est; mera enim æstimatio, atque restauratio proportionale illorum est pretium; unde hanc solam probatam legi in quadam Instructione Pastoralis pro contractibus, quæ plurimum Italiae Episcoporum calculo firmata, pluribusque idcirco Diocesanas Synodis subiecta fuit. Vide illam, si placeat, post celebrem Synodum Farnensem Caroli Barberini Cardinalis Romæ editam an. 1686. p. 693., & post Lucanam Synodum Cardinalis Julii Spinolæ Lucæ 1681. p. 477., & alibi. Verba ipsa Latine reddita non prætermittam, quæ etsi loquantur proprie de vendendis mercibus credito cum auctione pretii pro expensarum, ac damni periculis, cum tamen id virtuale mutuum contineat, ad ceteras mutationes eadem ratione pertinet: *Si ob pericula, labores, & sumptus, qui in exigendo pretio, vel pendendo capitali possent accidere, vult venditor justo rerum credito venditarum pretio addere tantum, quantum dubitas ne perditurus sit (id, quod ipsarum rerum estimationem superat, est periculi pretium) seire etiam debet, quod si venditor statim tempore solvit sine ullo sumptu, aut labore; totum illud plus remittere debet, & cautionis gratia Chirographum illi exhibere, in quo promittat, se remissurum tantum pretii, quantum supra justum adauxit, si ipse debito tempore solvet. Melius tamen esset, supradictas res non perinde considerare, ut justum pretium exinde augeatur, cum provideri omnibus periculis queat per media magis licita, & justa, uti fideiussionis, aut alterius obligationis in solidum, aut deducendo in passum fore ut emtor, si debito tempore non solvat, de omni damno, & interesse teneatur, sicuti tenetur vere in conscientia, si in particulari ex negligentia, aut malitia non solvit. Hæc*

in omni difficilis exactionis, aut expensarum periculo peræque valent, nec alia horum æstimatio ab Episcopis approbatur. Non lucrum, sed sola indemnitas in taxatione pretii spectanda conceditur, ita ut quidquid indemnitatem excedat, restituendum, aut forti computandum sit. Cum enim hoc ipsum in praxi facile vergat in cupiditatem, ac spem lucri, quæ indemnitis nomine facile subrepat, & in eiusmodi facili periculo citra (1) æquam aleam positus iustum habere locum non potest; alia via a fraudis periculo aliena citius eligenda moneatur, ut quidquid damni, & expensarum incidit, refarciendum caveatur. Id si ad Congregationis de Propaganda Decretum transferas, nihil lucri ibidem probarum credes, nisi ubi de alio periculis generis in aleam incidente intelligendum sit, seu de periculis juris, quæ obligationem creditori aliquam imponant æstimabilem pretio.

Decretum  
Jagunicum.

32. Hactenus dictis lucem afferet aliud Decretum ejusdem S. Congregationis de Propaganda Fide, cui Japonenses Missionarii inter duodecim dubia hoc primum proposuerunt. (1) *Utrum liceat ex Japonis*

*consuetudine mutuum dare pecuniam ad rationem viginti, aut triginta in centum, cum cautione, aut sine cautione (ac proinde cum periculo) capitalis. Responso autem hæc fuit: Nihil ratione mutui precise exigi posse (3) titulo lucri: in damno emergente, lucro cessante, societate negotiationis, aut obligatione pretio assimabili, & vendibili constitui debere quantitatem lucri, communi affirmatione definiendam, minore semper proventus, cum adest securitas, qua & ipsa pretio redimi potest. Super his monendo, & instruendo contrahentes, & publica auctoritate præscribendam formam contractus. Nulla anni notatio apparet, sed Episcopus apud Sinas hoc Decretum Japonicum aliquanto ante Sinenſe editum per literas tradidit; & sane aliquanto ante Sinenſis Decreti tempus Japonicæ Missioni adius interclusus fuit. Nonnulla in primis ad intelligendum textum observanda. Cum in proposita quaestione de mutuo sermo sit, quatenus in eo præter damnum emergens, & lucrum cessans locum habere possit negotiationis societas, fortassis inquiret. At fac quis mutuum det e. g. nautæ negotiatiuro, & negotiorum*

nis

(1) Qui ob difficilem exactionem, quæ timeatur, taxari posse ajunt certam quantitatem quotannis solvendam, & ita taxari, ut creditores libenter rennuerent omni pacto de refarciendo quovis damno ex difficili exactione, etsi forte hanc taxationem ad æquam aleam reducerent, ita ut æque proportionalis esset utrinque lucri, & damni probabilitas, quod in praxi difficillimum est: si tamen hic modus præligatur a creditoribus, propterea quod hinc sperent lucrum potius, quam damnum, ubi alio modo sola restauratio damni sine lucro exigeretur; jam in hoc usuraria intentio proditur, cum præferim debitorum, qui alium modum magis congruum posset eligere, cogere ad hanc taxationem ex spe lucri est ad indebitum cogere vi mutui, quod Auctores usuræ condemnant,

(2) Constitut. Apostolicæ, Brevia &c. pro Missionibus Sinarum &c. part. 1. pag. 39. edit. Paris. 1676.

(3) *Titulus lucri* in allegato libro legitur: at Episcopus apud Sinenſes, qui hoc idem Decretum per literas transmisit, accomodatius ad sententiam transiit *titulo lucri*; & interpolatione, quam adhibuimus, usus est.



nis periculum aliquod in se suscipiat, e. g. navigationis, itinerum, & similia; cum pericula negotiationis, quæ creditor subit, tota sine ratio lucrandi ex parte capitalis, ut vidimus lib. V. c. 3. §. 4., in qua ex parte negotiationis periculum subit, ea ex parte mutuo veluti renunciants, *negotiationis societatem* quandam init. Ita etiam Caro, qui usuras ceteras detestatus, solis maritimis negotiatoribus pecuniam sub lucro credebat, suscepto in se navigationis periculo, *pro parte in eam societatem* negotiatorum, ac negotiationis *admissus* traditur a Plutarcho, quod ea periculi suscepio pars societatis, ac negotiationis sit. Nisi excedatur in modo, vel in lucro, quod periculi æstimationem excedat, nihil vitiosum in hoc est; quippe non ex mutuo, sed veluti ex societate negotiationis lucrum redit. Porro *obligatio pretio æstimabilis, & vendibilis*, quæ quarto loco iustis titulis lucri accensetur, obligationem profecto aliam indicat, quæ in mutuo quidem, sed præter mutui naturam, a creditore suscipiatur, qualis esset, si quis extra casum negotiationis periculum suscipere, quod vi mutui ad debitorem spectat. Porro cum periculum fiat penes debitorem, & ita *adest securitas* creditoris, minus lucrum taxandum ex alio iusto titulo e. g. lucri cessantis, notum est omnibus: lucrum enim futurum incertum minoris æstimatur, quam præsens certum. Hanc autem securitatem ille emit pretio, qui dare pretio periculum, quod ad se pertineret, in alium rejicit. Tandem cum quæstio Congregationi proposita solius cautionis, ac periculi mentione omnem mutui casum complectatur, siue qui

cum cautione, & sine periculo, siue qui sine cautione, & cum periculo sit; in responsione (ne mancam dicamus) data dicenda est generalis regula, quæ omnes comprehendat titulos, qui ab usura excusent, & æstimabiles sint. Quatuor autem tituli tantum allegantur, damnum emergens, lucrum cessans, societas negotiationis, & obligatio æstimabilis pretio: quæ duæ postremæ, cum præter naturam mutui suscipiantur, liquet, in simplici mutuo, cui nulla obligatio, societatis nulla adjiciatur, duos solos lucri cessantis, & damni emergentis titulos habitos fuisse iustos; quod ea confirmat, quæ cap. 2. §. 2. diximus: unde soli etiam probati fuerunt non solum a Facultate Parisiensi in articulis Doctrinæ editis an. 1717. ar. 92., verum etiam ab omnibus, qui Angliæ fuerunt Episcopi, a plurimis Theologiæ Doctoribus, Religiosisque non paucis in Congregatione habita die 1. Junii an. 1688., nec non ab aliis Episcopis (1) Italici, (2) Germanici, & ut Gallos, aliosque præteream, a S. Coelestino V. Opusculo 9. part. 10., ubi solius interesse titulum, id est solum lucrum cessans, ac damnum emergens approbat, hanc monitionem addens: *Et hoc intelliga cum interesse . . . . petitur causa damni vitandi, non lucri captandi* & quæ rationem omnium efficacissimam suggerit. Quidquid enim sine ulla aliunde obligatione, ob meram damni, aut lucri cessantis restitutionem, in mutuo quaeritur, mera restitutio est, ac proinde non est lucrum mutui, nec usura. Si quid autem præter hanc indemnitatem quaeritur, si ex alia obligatione æstimabili, ac mutuo exerit, non quaeratur: ex ipsa mutui obligatione.

Tituli iusti, & approbati qui sunt.

Duo soli sunt iusti in mutuo. Vide sup. c. 2. §. 2. + & c.

(1) Vide Synodum Lucanæ an. 1681. p. 473. in Instruptione Italica pro contradiis &c.

(2) Vide Sacerdotale Brixienſe editum an. 1609. diff. 4. c. 2. §. 16. &c.

gatione quæretur, ac proinde usura erit. Igitur præter obligationem aliquam mutuo extrinsecam, cui societas negotiationi accenseri potest, soli lucri cessantis, ac damni emergentis tituli, aut alii, qui ad damnum referantur, iusti sunt, præterea nulli; adeo ut velut generalis regula figi possit: *In mutuo*

Regula de  
iustitia titulus.

*aliquid supra sortem accipere licet, vel in meram indemnitate lucri cessantis, aut damni emergentis, vel ex alia obligatione creditoris præter naturam mutui suscepta, quæ pretio æstimabilis sit.* Ex his autem illud ad propositum sequitur, quod cum ex memorato Congregationis Decreto, præter indemnitate, sola obligatio a creditore suscepta præter naturam mutui, pretii æstimationem recipiat; ubi obligatio creditoris de periculo nulla est, nihil ex eodem Decreto ratione periculi esse potest æstimabile pretio. Certe etsi forte in responsione non omnes titulos iustos comprehensos velis; cum tamen in quæstione cautionis, & periculi mentio facta fuerit, hic periculi titulus, si iustus habitus fuisset, omittendus non fuerat. Cum autem iustus eo solum casu agnitus sit, quo obligationem periculi creditor suscipiat; hinc in obligatione sola satis expressus fuit. Sine obligatione ergo creditoris, quantumcunque periculum sit, æstimabile ex hoc Decreto Japonico haberi nequit, cui ne aliud Decretum pro Regno Sinarum contradicat, non aliud periculum ibidem probatum dici potest.

33. Si ergo (ut tandem concludam) nihil evidentius Theologi isti afferant, unde periculum facti extraordinarium pretio æstimabile probent, neminem hæcenus dicta intelligentem convincere poterint. Si quid vero fortius (quod tamen non video) unquam producent; pro solis periculis probabilibus peculiare, nihil exinde usurarum patronis proficiet, ut certum aliquod

lucrum in omni mutuo periculi nomine semper jure percipi isti suadeant in defensionem usuræ: ut superioribus paragraphis evidenter demonstrasse nobis videmur.

### COROLLARIUM.

*Lucri titulus ductus a majori æstimatione pecunie præsentis, quam futura, expungitur.*

34. **E**X his porro, quæ hoc, & superiori capite digestimus, patet solutio ejus argumenti, quod pluribus vulgo vehemens videtur, nimirum, quod cum numerata pecunia pretiosior sit numeranda, & nullus sit, qui non pluris faciat pecuniam præsentem, quam futuram, potest creditor aliquid ultra sortem a mutuatario exigere, et eo titulo ab usura excusari: quod a nonnullis laudatioribus Theologis perperam obiectum ad usuram abstergendam, ab usurarum patronis æquius multo opponi potest ad vindicandam usuram. Damnavit hanc propositionem Innocentius XI. in Decreto Generalis Inquisitionis diei 2. Martii an. 1679., & quo jure damnata fuerit, ex dictis cognoscitur. Pecunia enim præsens, & numerata, quæ per se tanti est, quanti futura, & numeranda, propterea quod utriusque pretium est idem, pretiosior solum censi potest, vel quatenus præsens nunc utiliter collocari potest, futura non potest; vel quatenus illa, hæc autem in periculo est. Hæc autem rationes, quarum altera univèrsim ad lucrum possibile, altera ad facti periculum pertinet, quam inanes sint ad tribuendum legitimum, & iustum lucri titulum in mutuo, ex disputatis hoc, & superiori capite liquet.

35. Sicubi autem aliquid vere interit pecunia non carere, aut ejus repetitio impensas requirat, pro

pro æstimatione tantum ejus, quod  
interest, seu expensarum, de qui-  
bus hæcenus diximus, præsentis pec-  
cunia futuræ præstat; & eatenus ve-  
rum est illud L. 104. D. de Regulis  
juris: Minus est ælitionem habere,  
quam rem. Id in creditis, & adio-  
nibus litigiosis accidit, quæ idcirco  
minoris emi possunt, quam pe-  
se valent, dum quod julto pretio  
destrahitur, non sit majus æstima-  
tione expensarum, aut ejus, quod  
interest. Secus si credita sine hisce  
titulis minoris emanent, vel iis cum  
titulis emanent infra æstimationem  
ipsam indennitatis; injustitia, &  
usura manifeste produntur. Sola e-  
nim præsentis pecuniæ solutio at-  
tenditur pro futura, quod omni in-  
dennitate præcisa, iniquum, &  
usurarium est. Audiatur S. Antonius  
2. part. tit. 3. cap. 8. §. 12. Quid  
autem, cum quidam habuit recipere  
ab aliquo centum in certo termino,  
venit tertius emens ipsa jura contra-  
ctus contra debitorem pretio nonaginta,  
que nunc solvit, nunquid em-  
tor committit usuram? Respondo.  
Si ille emit tantum minus, quan-  
tum nunc est interesse suum, aut  
quantum vere æstimandum, sive ti-  
mendum, ne ille debitor solvat, aut  
quantus est futurus labor rehabendi,  
non est usura. Si vero alius vult di-  
minuere pretium, solum propter hoc,  
quod nunc solvit, sed in futura re-  
habebit plus, est manifeste usura.  
Hinc tamen negari profecto nequit,  
quin, si dubium probabile sit, quan-  
tum ex emtione nominum futurum  
sit damnum, nomina ita minori  
pretio emi possint, ut probabile  
lucrum proveniret, & sperari etiam  
queat, dum tamen æque probabile  
damnum possit redire, atque timeri.  
Hac enim in hypothesi cum æqualis  
lucri, & damni probabilitas utrin-  
que sit, ludi, & aleæ species iniret-  
ur, ex qua ita licet lucrum cape-  
re, si bene cedat res, uti damnum  
esset subeundum, si male cederet.  
Iustum horum nominum pretium ex

probabilitate licet, & damni ita ex-  
it definiendum, ut pars neutra me-  
liorem præ alia conditionem exi-  
gat, quemadmodum in ludis aleæ  
ad iustitiam præcipitur. Ita diffi-  
cile nomen, seu creditum ex. gr. da-  
tatorum centum, in quo dubium  
æque sit, num centum integri, an  
octoginta tantum subdactis sumi-  
bus recipiendi sint, emendum erit  
pretio ducatorum nonaginta, ubi  
æque probabiliter decem ducatos lu-  
crari emor poterit, ac decem per-  
dere. Si inæquale autem sit dubium,  
& probabilitas; majus, vel minus  
proportionale pretium pro pericu-  
lo minori, vel majori constituen-  
dum erit, ut æqua sit utriusque par-  
tis alea. Lucrum autem si quod  
redibit, idcirco usura non erit,  
quia non proveniet a pecunia, qua  
eiusmodi nomina emta fuerunt, sed  
ab eventu, & sorte, quæ bene suc-  
cessit. Latum porro discrimen in-  
tercedit inter hunc calum, & inter-  
mutuum. Is enim, qui nominum  
venditione pecuniam accipit, non  
obligatur ad nominum solutionem  
præstandam, & cavendam, uti ad re-  
stitutionem obligatur, qui pecuni-  
am accipit mutuum: ac proinde lu-  
crum in primo casu ex incerta so-  
lutione difficultium nominum pendens,  
sine obligatione contrahentis, vi  
ipsum contractus emtionis aleam ha-  
bet, quam non habet in secundo ca-  
su, vi ipsius contractus mutui, ubi  
debitoris contrahentis obligatio cer-  
ta est. Hæc ut intelligas, confer  
§. 3. & 4. Neque moveat, quod  
ementi nomina æque debitores obli-  
gantur ad solutionem, ac ipsi  
creditori obligabantur; horum au-  
tem obligatio, quæ si solutio fiat,  
lucrum afferet, mutui, & usuræ obli-  
gationi æquiparetur. Perperam.  
Nam debitores ipsi non vi hujus  
emtionis nominum per se obligan-  
tur ementi, sed vi aliorum contra-  
ctuum mutui, quos cum creditore,  
seu venditore nominum aut a inte-  
runt, adeo ut si minus solvant, quam  
de-

debent, non hanc emtionem, sed eos contractus violare dicantur. Itaque cum pecunia hac emtione tradita nullam per se vi ejusdem contractus neque vendenti creditori, neque debitoribus obligationem imponat solvendæ, aut restituendæ pecuniæ, aut aliquid amplius, ut requireretur in mutuo, & scœnore; nec mutuum, nec scœnis in hoc contractu continetur. Sed transeamus ad alia.

## CAP. I V.

*De obligatione non repetendi  
certo tempore capitalis  
in mutuo, & de  
mora titulo.*

1. **U**T adversarii titulum aliquem in mutuo semper inveniant, duos profertur, obligationem creditoris, & debitoris moram. Ex obligatione enim creditoris non repetendi mutui, quam pretio æstimabilem prædicant, pretium justum exigere posse ajunt pro eo tempore, quo mutuum ex pacto conceditur; ex mora autem debitoris, quam omnes justum titulum fatentur, justum item pretium posse exigere dicunt pro reliquo tempore, quo post pactum mutui tempus, creditoris obligatione cessante, atque ipso invito, contra pactum a debitore restitutum producit. Ita semper ex altera parte lucri titulus adest.

## §. I.

*De obligatione non repetendi,  
ac cessione juris in  
mutuo.*

2. **P**rimum titulum ab obligatione ductum Barbeyrachius ex La Placette his fere verbis e Galliço sermone Latine redditus statuit not. 7. in §. 9. cap. 7. lib. 5. Puffendorffii de Jure naturali, ac Gentium: Cum a creditore pendeat dare,

vel non dare mutuum; tum vero si mutuum dare decernat, ab eodem pendeat pecuniam debitori concedere univoco, vel pluribus annis, mense, hebdomada, vel unico die: Qui autem mutuum, quod posset non nisi unico die, vel hebdomada unica concedere, cedens huic juri prorogat in annum, vel biennium, se obligat, ne ante id tempus mutuum repetere possit. Cur ergo hac juris cessio, & obligatio, qua ab ipso pendet, & debitoris satis utilis est, pretio æstimari non poterit? Cum servitutis jus cuiuspiam competis in domum, vel agrum; juris hujus cessio in aliquod tempus, vel in perpetuum, pretio vendi potest. Quidni idem de cessione juris mutui citius repetendi dicamus?

3. Hæc obiectio, quam Alexander VII. præcidit in damnanda propositione 42., præsumit pretium non posse exigere in mutuo minimo unius diei: sed solum si protrahatur, cum repeti posset, hujus juris cessio, & longioris temporis obligationem pretium mereri. Sed unius diei, vel, si etiam velis, unius horæ mutuum, juris cessio, & obligatio hujus temporis, ut lib. I. c. 2. vidimus, adeo omni mutuo aliqua ejusmodi obligatio, & juris cessio est necessaria, ut inutile foret mutuum, quod sine ulla obligatione non statim repetendi nullius temporis usum concederet. Si autem hæc unius horæ, vel diei obligatio, ac juris cessio, quæcumque sit, pretio non æstimatur; quid æstimabitur obligatio, & juris cessio unius hebdomadæ, mensis, vel anni &c., quæ pluribus septem dierum, plurium hebdomadarum, vel mensium æstimationibus æquivalent? Obligatio, & juris cessio in mutuo unius diei ejusdem generis est, ac obligatio, & juris cessio per hebdomadam, annum, vel decennium; æque enim se obligat ad non repetendam sortem, & juri repetendi æque cedit per diem, qui ad diem mutuum dat, ac per annum, vel

vel decennium se obligat, ac cedit juri suo, qui ad annum, vel decennium mutuum prorogat. Non tenetur quidem homo citra necessitatem ad mutuum per annum, vel decennium; at neque tenetur ad mutuum in diem. Quicumque autem mutuum dat, ad quod non tenetur; sive ad diem, sive ad annum, vel decennium det, ita utrobique se obligat, & juri cedit, ut vel utrobique hæc obligatio, & juris cessio pretium increantur, vel nullibi: solum autem durationis discrimen majus, vel minus pretium requirit, non vero in altero casu requirit pretium, in altero nullum. Si ergo obligatio, & cessio juris in diem vel per adversarios pretio non æstimatur, neque obligatio, & cessio longioris temporis æstimanda est.

4. Quod si hoc argumento prefusus affirmes, etiam in mutuo ad diem, vel horam pretium exigí posse, quando in diem, vel horam obligatio, & juris cessio pretio æstimabilis est; unde fœnus diarium apud Romanos obinebat: casum in primis proponam, quo ad rationem, quæ convincat, explicandam via patefiet. Fac igitur quis ad indeterminatum tempus mutuum det, cum jure repetendi quandocunque sibi libuerit. Interim debitor, creditore silente, mutuo per triennium fruatur. Hoc certe casu, quo post minimum tempus semper creditoris jus erat repetendi mutui, nulla fuit per integrum triennium juris cessio, obligatio nulla. Nihil ergo ratione obligationis, aut cessionis juris, quæ non fuerunt, exigí poterat per illud triennium; cui si se initio obligasset creditor, ex cessione juris aliquid in adversarium sententia potuisset exigere. At quid, rogo, ceteris paribus, in hoc mutuo re ipsa læditur creditor ex hac obligatione, & cessione, quid debitori tribuitur amplius, quam in primo casu, ubi sine hac obligatione, & cessione, pecuniæ usus æque per tri-

*Tom. I.*

ennium conceditur? Nihil omnino. Immo cum cessio juris, & obligatio, idem sit, ac facultas utendi mutuo debitori permissa, quæ primo casu tacite, ac veluti per singula momenta toto triennio conceditur, secundo autem casu expresse, & uno actu declaratur; si hæc facultas triennalis tacita nihil valet, nec expressa valet. Ratio est, quia jus repetendi sortem in mutuo eatenus valet, quatenus interest creditoris uti pecunia. Si nihil interest, repetitionem differre nihil refert, ac proinde juri illi cedere eo tempore, quo nihil interest, nihil valet. Ubi vero aliquid interest, tum non ex cessione juris, aut obligatione, sed nomine ejus, quod interest æstimatio facienda est, ac propterea sola juris cessio, ac obligatio per se nihili æstimatur. Sive ergo tacite, & per partes, sive expresse, & uno actu quis huic juri cedat; si quid interest, æstimatio ejus, quod interest exigí potest, si autem nihil interest, nullum est ejus juris, cui ceditur, pretium.

5. Enimvero hoc jus in sortem repetendam, si ab omni lucro cessante, vel damno emergente separaretur, non magis æstimari potest, quam ipsa fors æstimetur; tota enim ejus juris æstimatio ab æstimatone sortis pendet. Porro fors in mutuo per se, si creditoris nihil interest, valet c. g. centum, & non amplius; ita ut, ubi nihil interest, si quid exigatur amplius, injuste exigatur, ex disputatis lib. V. c. 5. Igitur jus in sortem repetendam, si quæ nihil interest, amplius non valet; ac proinde hujus juris cessio, & consequens creditoris obligatio nihil amplius meretur.

6. Neque paritates ex aliis obligationibus ductæ, quæ per se æstimantur pretio, ad casum præsentem quidquam faciunt. Dux enim obligationum species distinguendæ sunt. Aliæ venales, quibus vel unus aliquid servitutis pretio indu-

citur,

O o

citur, vel jus distrahitur: & hæc pro servitutis, vel juris æstimatione pretium suscipiunt. Alij autem gratiæ esse debent, nec pretio æstimabiles sunt. Ad primam speciem pertinent, quæ in objectis paritibus continentur. Secundæ autem speciei est e. g. obligatio donationis, quæ a liberalitate proficiscitur. Obligatio enim ne unquam repeti possit quod donatum fuit, pretio æstimari nequit; unde nemo ex hac obligatione, quæ semper duratura est, pensionem ullam perpetuam a donatario exigere posset. Idem est de obligatione mutui. Mutuum enim, quo usus pecuniæ conceditur, cum per se gratuitum esse debeat, ubi nihil interit; donationis speciem refert ex demonstratis lib. V. c. 4. & 5., ac propterea ejus concessi temporis obligatio temporarij donationi similis pretium non suscipit. Furis comparatio hæc quoque locum habet. Vis enim, quam fur domino infert, dum pecuniam, eodem invito, e. g. per triennium retinet, æstimabilior profecto est quavis obligatione, quæ in mutuo sine ulla vi ex mera gratia suscipitur. Cum autem vis illa furis pretio non æstimetur, ubi nihil interit, adeo ut fur ob eandem vim nihil ex commutativa justitia cogatur rependere (solum ex vindictiva puniri legibus, & a iudicibus potest) quis obligationem in mutuo æstimandam putet? Idem est de cessione juris, cui vis illata a fure multo præstat. Nihil ergo obligatio creditoris, aut juris cessione in mutuo æstimanda est.

## §. I I.

*De mora debitoris.*

7. **C**um quid moræ titulo exigitur, tum, si debitorem respicias, ad coercedam ejus frustrationem pertinet L. 3. §. 4. D. *De Urjris*, & ideo pœna appella-

tur L. 40. D. *De rebus creditis*, & L. 90. D. *De verborum obligationibus*. Si vero creditorem species, pertinet ad reparandum ejus damnum, quod ex mora debitoris ille pati præsumitur, idque magis *id, quod interest*, quam *usuram* esse Labeo, & ex eo Pomponius docuere L. 60. *Pro Socio*. Si hoc secundo nomine mora consideretur, refertur ad titulum *ejus, quod interest*, & eisdem regulis casus decidendus. Quidquid enim ex æqua æstimatione in meram indemnitatem petatur, aut in reparationem lucri ex mora cessantis, iuste petatur, nec usuræ tribuendum. Si quid autem hoc nomine sine ullo damno, aut supra omnem æstimationem damni accipiat, injuttum, & usurarium erit. Judices cum certum aliquid solvendum ex mora tempore judicant; ipsis Noode, & Molinao, ut vidimus, interpretantibus, huic præsumptioni damni nituntur, cui tamen, si veritas non respondeat, creditor iuste recipere definitum lucrum nequibit. Confer dicta cap. 1. hujus libri.

Vide supra lib. V. c. 1. num. 18. & 109.

8. Si autem moræ titulus pœnæ loco accipiat, cum pœna ad vindictivam, non vero ad commutativam justitiam pertineat; justitiæ, de qua nunc agimus, hic titulus nihil suffragatur. In ipsa autem vindictiva justitia etiam negari nequeat pecuniariam pœnam non tam a iudice, quam a contrahentibus imponi posse ei, qui a contractu culpabiliter deficit (contrahentes enim ad firmitatem contractus conventionalem pœnam sibi imponere, & promittere iuste possunt ex can. 4. *de arbitris*, & L. 14. D. *de pactis*) tamen in mutuo, ne quod pœnæ nomine exigitur, lucrum sit potius ex mutuo quantitas, quam vera pœna, tres condiciones servandæ maxime sunt. Prima ut hæc pœna non apponatur in fraudem iuratum, quod tum cognoscitur ex S. Bernardino Senensi Serm. 42. part. 2. art.

art. 3. Cap. 1. quando creditor magis vellet pecuniam sibi solvi in certo praefixo die, quam in crastino eum adjecta poena; & per oppositum, in fraudem usurarum est, quando vult diem illum transire potius, quam pecuniam die illo solvi; & mox addit: Si creditor ea intentione det mutuum, quia credit, aut sperat poenam esse solvendam; tunc non aboletur vitium usura, cum ipse mutuet causa lucri, & cum ipse speret lucrari poenam. Praesumitur etiam fraus, si is terminus debitori praestituitur, intra quem mutuum non posse ab eo reddi, poenaeque idcirco solvenda praenoscitur. Secunda conditio est, ut mora culpabilis vere sit debitori; neque enim poena locum habere potest, ubi culpa non est. Hinc idem S. Bernardinus ibidem ait: Quando debitor sine sua culpa solvus est impotens ad solvendum, vel ad promissa servandum, puniri non debet. Impotentia autem aequiparatur moraliter difficultas, si tanta sit, ut creditor rationabiliter invitus esse non possit. Tertia conditio est, ut poena sit moderata, secundum culpae, & mutui quantitatem; secus inaequalis esset, & iniusta, cui debitor non nisi ex metu consentiret. Quod si pars debiti solvatur, tota poena inique exigetur. Quin si mora notabilis non sit, culpa plerumque aestimari non debet digna, quae poenam, saltem totam, mereatur.

9. Sed hic titulus in usurarum fraudem saepe vergit, ac periculosus maxime est. Quod si hoc poenale pactum, ut pignus sit creditoris, si debitor statim tempore non solvat, adeo fraudibus obnoxium visum fuit ipsis Ethnicis usuram alioquin non condemnantibus, ut illud prohibendum duxerint L. 1. & 3. C. De pign. pignori, quid ob facilem usurae fraudem sentiendum est iis, qui usuram aliunde detendi non posse fateantur? Vide can. 7. De pign. ribus. Ceterum si citra fraudem

mera, & iusta culpae poena pecunia exigatur; lucrum non erit ex mutuo, nec proinde usura, quod ad eripiendam hanc usurae defensionem satis est.

## CAP. V.

De gratitudinis titulo, quo usurae pro mutui beneficio referenda creditur. De mutuatoriorum consensu in usura solutione; ac tandem de ratione doni, quod usura tribuitur.

1. **C**um adversarii in defendenda usura omnia moliantur; nihil mirum, si contraria nonnunquam afferant. Nunc enim contendunt usuram jure naturali deberi, sive tanquam mercedem usus, seu locationis pretium, quod l. v. c. 4. iustus refellimus, sive tanquam gratiam mutuanti ex beneficio referendam, quam cum quidam, vel plerique referre negligerent, lege cogendi fuerant. Nunc vero cum injustum videant, quod coacte extorqueatur; debitorum in solvenda usura assensum, & consensum inculcant, quo sit, ut citra injuriam accipiat, quidquid a sciente, & consentiente accipitur. Addunt etiam rationem doni inesse in usura, quam mutuatarii sponte offerunt, & solvere omnino volunt; ita ut injustum esse nequeat, quod non exigatur a nolentibus, sed a volentibus libere penditur. Haec singula, quae usuram universim probarent licitam etiam in pauperibus contra adversariorum hypothesein, singillatim expendenda.

## §. I.

De titulo gratitudinis ex beneficio mutui.

1. **E**T primo quod de referenda mutuanti gratia pro beneficio mutui multis urget Salmasius

O o 1

c. 10.

c. 10. de Usuris p. 168. & seqq., facile concesserim nihil naturæ humanæ convenientius, quam gratias pro beneficio accepto referre. Hinc quidem jure Theophilus lib. 1. tit. 2. inter exempla juris gentium naturæ maxime congruentis hoc ponit, ut debitor memorem, gratumque se præbeat illi, qui sibi in rebus arduis, ac tempore necessitatis subvenerit. At num gratia, quam homines naturali quodam jure pro mutuo debent mutuanti rependere, aliquid supra sortem esse debeat, & ita esse debeat aliquid tale, ut si homines id negligant, legibus cogendi sint, indeque legum sœnebrum, ac usuræ origo sumserit, ut Salmasius præsumit, hacque presumptione subsus divagatur; hoc est, quod omnino negamus. Quo fine a prædicto prorsus alieno sœnebres leges latæ fuerint, cap. 3. lib. V. explicatum est. Nunc si ipsius gratiæ consideremus, gratiam pro beneficiis rependere, honestatis quidem, non autem justitiæ est, ut & gratiæ nomen indicat, & ipse Salmasius fatetur. Quod autem ex sola honestate, atque gratia debetur, si exigatur, aut solvatur ex justitia, nonne injustum est? Gratia a volente refertur, sine conventionione ulla, inquit Salmasius p. 168. Gratia nemini referenda, cum gratitudinis, non autem justitiæ debitum sit, ex justitia exigi nequit nisi injuste. Justitia ad solam restitutionem mutui pertinet, supra quam quidquid ex justitia exigitur, inique exigitur. Neque referre, quod exigitur ex gratitudine, non autem ex justitia; quod enim ex obligatione, atque contractu quovis exigitur, non gratitudinis, sed justitiæ debitum sit; unde Innocentius XI. damnavit propositionem his verbis expressam: *Usura non est, dum ultra sortem aliquid exigitur tanquam ex benevolen-*

*tia, & gratitudine debitum.* Cujus propositionis falsitatem ipse Molinæus usurarum patronus multo ante præsentiens, in Tract. de Usuris n. 16. scripsit: *Katoor, quod mutuum est causa justa, ut debitor obligetur ad antidora..... (id est ad referendam gratiam) utque creditor a debitore spontaneè beneficium remunerante, & liberaliter aliquid offerente recipere possit. Sed non est justa causa, ut quidquam tacite, vel expresse ultra sortem reddi pacisci possit, quia erit contra naturam, & substantiam mutui.* Et n. 27. expressius contra Salmasium: *Sed occurrat questio, an liceat obligationem illam antidoralem pacto deducere in civilem..... & communis est sententia Theologorum, & Nostrorum (nota, etiam Nostrorum) quod non.* Ratio horum manifestæ; quia vi mutui pari reddendum est ex justitia, ut ipse Salmasius pluribus in locis testatur: gratia autem, quæ pro mutui beneficio ex gratitudine debetur, cum gratuito, ac liberaliter rependenda est, non autem coactè exigenda; tum vero necessario non est munus, aut lucrum aliquod mutuanti reddendum, sed sola grati animi testificatio, quæ aliis, atque aliis modis citra usuræ solutionem rependi, & declarari potest. Ipsum Salmasium libeat audire ex cap. 2. de Usuris pag. 35, ubi *mutuum a Siculo μῦτον, quod est χάρις, & gratia, idcirco dictum prodit, quia in eo reddendo nihil ultra accepti summam debetur, quam grati animi testificatio, hoc est χάρις.* Vis veritatis confessionem vel ab invito expressit. Si ergo non aliunde, quam a gratitudinis debito usuram vindices, nihil profeceris ex ipso Salmatio, qui mutui causa nihil ultra accepti summam debere, nisi grati animi testificationem fatetur.

Notum in  
p. 168. de U-  
suris pag. 41.



## §. II.

*De debitorum usuras solventium  
consensu, ac de principio illo:  
Scienti, & consentienti  
non fit injuria.*

3. **N**ec minus fuci, ac fallaciæ continet, quod Salmasius ducit a mutuatariorum consensu, qui scientes, & volentes usuras solvunt. Hac ille ratione usuram a furto, & injustitia subducere nititur c. 20. de Usuris pag. 600. Furtum, inquit, est aliena res contrafactio invito domino. Furtum itaque committit, qui rem suam volenti, & non sentienti surripit. Nam si sciret, non pateretur. Qui pecuniam, aut aliam rem mutuo dat, ea conditione, ut mercedis nomine aliquid plus recipiat pro pecunia præsita, ut alius pro opera, an ille furtum facere dicit potest? Fur ad ejus ades se confert, quas exilare vult. Numquid & fenerator ad eum contendit, cui pecuniam fenebrem dare destinat? Immo contra, qui ea indiget, sponte ad feneratorem accedit, quasi si scilicet ad furem ultro dominus iret, ut ei sua res surripienda occasionem præberet, immo & volenti tam volens traderet. Id si feret, an furtum foret quod ageretur? Passio intervenit inter utrumque, dantem, & accipientem favore. Convenit inter eos, ut hic mutuum accipiat cum accessione, de qua convenit. Quantacunque sit illa accessio, a volente, & sentiente id, quod agitur, & ideo consentiente datur. Quid simile in furto? & pag. 603. Alienum appetit, qui quacunque arte, invito, aut ignaro domino, id habere cupit, & capiat, ut habeat. .... Fac igitur non per vim, nec ulla arte me a possessore, quod cupio, & quod suum est extorsisse, sed prece impetrasse. Nihil hic me peccare contra legem Decalogi bujusmodi rei aliena appetentia certum est. Multo minus & de favore id di-

cendum est, si alienum caput non ab invito. Immo prece plerumque ambitur, & exoratur fenerator, ut mutuum velis pecuniam dare hac mercede passa. Nulla majori vi hoc argumentum ab eloquentissimo usurarum patrono intendi poterat.

4. Hæc tamen si quid probarent, probarent iustam, & licitam quamlibet etiam excedentem usuram, cui debitor sciens, & volens consentiat; nec non usuram vel cum pauperrimo sciente, & assentiente, conventam approbarent. Utrumque quidem indicat hoc loco Salmasius, primum illis verbis: *Quantacunque sit illa accessio*; deinde vero iis, quæ post recitata subdit pag. 605., ubi usuræ passionem pauperi voluntariam probat, ad quam scilicet, inquit, non eum adigit fenerator, sed sua ipsius inopia. Sed neutrum ab adversariis probabitur. De paupere, et si consentiente, omnes conveniunt, ex ejus inopia lucrum capere ipso naturali jure prohiberi, saltem tanquam charitati inimicum, ut in Præfatione ostensum est. Usuras porro supra modum a legibus humanis præstitutum, etiam a consentientibus, atque scientibus exactas, injustitiæ omnes condemnant, unde ipsæ etiam Salmasius Lib. 1. de Fœnore Trapez. p. 119. *Frans quidem omnis, inquit, dolusve, & vis legibus, ac juri contraria sunt: sed quadam etiam committuntur contra legem, quæ nec vi, nec dolo fiunt, ut qui ampliores legitimis usuras accipiat a debitore fenerator. Non vis ab eo adhibetur, quia a volente eas exigit. & ex passio. (en volentem, seu consentientem) Non fraus, aut dolo ulius in ea passione intervenit, quo circumscribitur debitor, quia intel- ligit quid agatur. (en scientem) Quia tamen modum a lege præscriptum usurarum transcendit fenerator, ideo in legem peccare creditur. Num plus humanæ leges, quam divina, & naturalis possunt, ut contra illas nulla debitoris usuram solventis valeat, scient-*

scientia, nullus consensus; contra istas valeat? Usuræ vetatio omnis hac ratione, si semel admittatur, in irritum cederet: quicunque enim usuram quancunque solvit, sciens, & assentiens solvit.

5. Sed hac in usura dici video, quæ in aliis, ubi similis scientia, & assensus interveniunt, non aequè dicerentur, neque probarentur, uti cum grassatori viator, etiam non rogatus, sciens, ac volens crumennam tradit, ne vitæ periculum subeat; vel cum iudici iustas sententias vendenti quispiam sponte, immo & precibus additis, pecuniam dono tradit, ne iniuste damnetur &c. Non valet ergo universum principium: *Sciendi, & consentienti non fit injuria*. Rationem, ac explicationem ex ipsis usurarum patronis audire juvat. Duos breviter causas allegabo. Guillelmus Amehus L. 5. de conscientia c. 6. in hanc juris regulam inquit: *Hic intelligendus est sciens, & libere, vel sponte consentiens in factum: difficultas alias nulla esset. Quod enim fit vel ex ignorantia, vel ex terrore, & violentia, censetur involuntarium, saltem ex parte; atque adeo ex illa parte injuriam admittit ex omnium consensu*. Similia profert Joannes Barbeyrachius ex principiis hanc in rem pressit ut a Le Placette usurarum insigne patrono in tractatu de Pessurione pag. 74. & seqq. ubi inter ceteras ejus principii exceptiones error, & metus potissimæ sunt, quippe quæ sicut voluntarium impediunt saltem ex parte, ita injuriam, ac injustitiam non tollunt. Sufficere autem dicitur metus etiam indirecte illatus, qualis non incutitur quidem ex proposito, sed re ipsa tamen volitioni causam dedit. Quod autem metu expressum est, etsi coactus non sit; plane tamen liberum, ac voluntarium non est, ut in rebus, quæ per se injusæ sunt, nisi omnino sint liberæ, injustitiam non diluat.

6. His autem positis, patet usuræ injustitiam nullo solvendum consensu exculari. Alii enim usuram ex ignorantia, ac errore solvunt, quod ex vulgari quodam erroneo sensu eam jure debitam, ac licitam putent; qui si scirent indebitam, & illicitam, nullo modo fortassis solverent: & in his profecto error voluntarium tollens, nihil injustitiæ detrahit; ut si quis per errorem credens se debere Petro centum nummos, quos revera non debet, eosdem illi solveret, Petrum a restitutione non liberaret. Certe si scinus non aliunde probetur justum, ex hac solutione per errorem facta justum probari non potest. Alii porro, etsi usuram vetitam, & indebitam sciant, cum tamen in illam non consentiant nisi ex metu, ne mutuo alias priventur; hic metus satis est ad illud voluntarium excludendum, quod ad injustitiam amovendam necessarium est. Ubi enim nullus lucri justus est titulus, sola donatio locum habere potest; quæ propterea inter alienationis modos alio justo titulo carentes una refertur, ita ut id solum cuiuspiam jure proveniat, quod nullo aliunde titulo debitum, vera liberali donatione in ejus dominium transfertur. Si ergo nec titulus, nec donatio sit; quantumvis aliquid cuiuspiam detur, dominium ejus is nunquam acquireret, quod nullo titulo, donatione nulla interveniente, acquiri non potest. Porro cum metus, præsertim majoris mali, aliquid alias indebitum extorquet, vera liberalis donatio admitti nequit: doni enim vere liberalis ratio in eo sita est, ut sine obligatione, vel metu, ex mera voluntate, ac liberalitate, vel benevolentia aliquid detur. Igitur quod metu datur, cum, hæc prærogativa carens, donatio non sit, si alius aliunde justus deest titulus, nullo jure acquisitum injuste percipitur. Vide Lib. 4. D. tit. 2. Ita usura, quam nullo adhuc justo titulo debitam

In Puffendorffum l. 1. c. 7. §. 17. Nota 2.

L. 1. D. de Donatione.

bitam adversarii potuerunt monstrare, metu, quem diximus, pacta, atque soluta, eo juris principio vindicari nequit, quod a scientibus, atque consentientibus exigatur. Qui hoc principium usurae accomodat, non vere voluntati, nec libertati, sed metui vim transferendi domini tribuant oportet: quod omni juri repugnat. Hinc Nicolaus Cabasilas Thessalonicensium Archiepiscopus, quantumvis Schismaticus, in oratione contra usurarios hanc objectionem: Cui injuriam inferimus, si a volentibus accipimus? ex metu solventium refellit: Non enim consilio, ac sponte argentum suum abiciunt, sed eo abs te privari patiuntur, & iacturam iactura faciunt, graviores leviores. Qui enim chirographo eos obligasti, & ne, cum mutuo iterum egeant, abs te repellantur, te ipsorum bona de ascensum perferunt. Et S. Bonaventura in 3. Sentent. Dist. 37. dub. 7. Ad illud vero, quod obijciunt, quod usurarius non contrahat rem alienam invito domino, dicendum, quod est voluntas absoluta, & conditionalis. Et cum dicitur, quod usurarius contrahat res, quas recipit ultra sortem, volente domino, dicendum, quod hoc verum est de voluntate conditionali, sed tamen invito, quantum ad voluntatem absolutam. Magis enim vult pecunia carere, quam beneficium cui perdere, licet voluntate absoluta vellet, quod impenderetur sibi mutui gratia sine mercimonio. Quod si qui generosi, ac nobiles viri, satius esse ducentes carere mutuo, quam mutuum sine usura veluti beneficium, & elemosynam quandam gratis percipere, volunt omnino usuram pendere: id alterutram habet causam, vel errorem, quo usuram pro pecunia usu jure debitam putantes, nolunt sibi hoc debitum in elemosynae speciem remittere; vel metum, ne si usuram, quam indebitam ipsi cognoscunt, minime solvant, veluti pauperes elemosyna indigentes ex vulgi opinione traducantur;

unde etiam sit, ut cum usuram volunt omnino solvere, se non gratuitam remunerationem, sed pensionem mutuo debitam solvere praesentant: quod utrumque cum liberalem, & voluntariam donationem excludit, tum vero nullum justum asserit titulum, ex quo ea solutio, re ipsa alias indebita, saltem donationis nomine proveniat.

## §. III.

*Vera donationis titulus ab usura quantum abjici.*

7. **H**inc porro doni etiam, ac donationis rationem, quam nonnulli in usura comminiscuntur, eversam vides. Donatio enim proprie appellatur, cum dat aliquis ea mente, ut statim velit accipientis fieri, nec ullo casu ad se reverti, & propter nullam aliam causam facit, quam ut liberalitatem, & munificentiam exercent, inquit Julianus L. 1. D. de donatione. Liberalitas, & munificentia in gratitudine plane liberali etiam exercitur. Ubi autem non ex liberalitate, aut munificentia, vel gratitudine, sed ex pacto, aut jure cogente aliquid datur, ut in casu mutui: liberalitate sublata, vera donatio nulla est.

8. Neque Salmasius opponat, dona sine ullo alio titulo aius in casibus facta, nisi ut alliciantur homines ad aliquod beneficium. (quod metum aliquem involvit, ne alias beneficium denegeretur) rata, & vera dona haberi. Quidni idem in mutuo valeat? Quam multi sunt porro, inquit, qui donis, ac muneribus, quos sibi profuturos sperant, delinunt, atque in antecessum devinciunt? Quanto magis tales in eos esse debemus, qui jam aliquid in nos boni contulerunt? Si id sine ulla obligatione iustitiae ex mera liberalitate, ac gratitudine fieret; cum vera donatio esset, tum nihil iniustum reprehendi posset. At ex pacto

L. 29. D. De Duast.

Præfat. de Usuria 185.

46

paclo id præstare, tanquam debitum ex iustitia, quod ex iustitia nequaquam debetur, non gratuita, ac liberalis donatio, sed indebita, ac iniqua exactio est. Quod si ubi etiam nullum pactum explicitum intervenit, solus metus dandi causam præbens, veram liberalitatem, gratitudinem, ac donationem excludens, iniustitiam non purgat (quod enim sine vera donatione, ac sine alio iusto titulo ex metu datur pro obtinenda re, quæ per se gratis tradenda, ut in mutuo accidit, ne sine lucro non tradatur, metuitur; etsi a dante in sui damnum non decur injuste, iuste tamen ab accipiente, si id deprehendat, retineri non potest) quanto minus purgabit pactum adjectum, quod nullum gratitudini, ac liberalitati, nullum donationi locum relinquit? Hinc est, quod quis de usura domini nomine paciscatur, iniqua esse non definit: unde dona, seu munera id genus in usurarum fraudem conventa omnes damnarunt.

9. Non Hebræorum magistri tantum hoc muneris genus, etsi sponte oblatum, usuræ tribuerunt, ut est apud Seldenum l. 6. de jure natur. & Gent. c. 9., sed Romani etiam, dum inter usuræ fraudes *sportularum* nomine munera veterere, uti ex L. 26. C. de Usuris colligit Gerardus Noodt l. 2. de Fœnore & usur. c. 14. Hoc Justinianus damnavit in ea fraude, qua *sportularum*, seu muneris nomine aliquid supra usurarum modum humanis legibus restrictum caperetur. Sed æqualis fraus est in omni exactione munerum, contra divinæ, ac naturalis legis prohibitionem: unde S. Ambrosius in lib. de Tobia c. 14., illos usuræ reprehendens, qui ob mutuum mercatoribus creditum, non usuram, sed munus aliquod etiam incertum rogabant, *Fraus enim ista,*

inquit, & *circumscriptio legis est, non custodia. Et putas te pie facere, quia a negotiatore velut munus suscipis?* Petebatur autem muneris causa esca, vinum aliunde asportatum, aut aliquid ad vestem formandam. At subdit S. Doctor: *Esca usura est, & vestis usura est, & quodcumque sorti accedit, usura est: quod velis ei nomen (etiam muneris) imponas, usura est.* Similiter S. Hieronymus in cap. 18. Ezechielis: *Alii pro pecunia fanerata solent munuscula accipere diversi generis, & non intelligunt usuram appellari, & superabundantiam, quidquid illud est, si ab eo, quod dederint, plus acceperint.* Et in cap. 21. Matthæi similem Hebræorum Sacerdotum fraudem detegens, ait: *Quia erat lege preceptum, ut nemo usuras acciperet, & prodesse non poterat pecunia fanerata, qua commodi nihil haberet, & interdum sortem perderet, excogitaverunt & aliam technam, ut pro nummulariis Collybistas facerent, cujus verbi proprietatem Lingua Latina non exprimit. Collyba dicuntur apud eos, quæ nos appellamus travemata, vel vilia munuscula, verbi gratia, fruxi ciceris, uvarumque passarum, & poma diversi generis. Igitur quia usuras accipere non poterant, Collybiste, qui pecuniam fanerati erant, pro usuris accipiebant varias species, ut quod in nummo non licebat, in his rebus exigere, qua nummo communis; quasi non hoc ipsum Ezechiel prædicaverit, dicens: Usuram, & superabundantiam non accipietis.* Hoc ex ipso naturali jure verum est, quod cum omnes fraudes prohibet, tum vero doni, gratitudinis, aut alio simili nomine lucrum aliquod mutui causa pacisci, expectare, vel quovis modo suscipere, inter usuræ fraudes condemnat.

## CAP. VI.

*Obiectio omnium efficacissima expenditur de commodo, vel lucro, quod ex pecunia mutuataris percipiunt.*

## §. I.

*Proponitur obiectio.*

1. **N**unc objectionem proponam, quæ pluribus efficacissima, & evidens visa est, cui respondere neminem posse jactant. Nihil, inquiunt, in humanis rebus naturali jure prohibetur, nisi quod proximo noxium est: quod autem nulla ex parte obest proximo, sed prodest; cum justitiæ, & charitati maxime congruens, laudandum potius, quam vetandum est; cum naturali certe jure interdictum probari non poterit. Porro fœneratitium mutui contractum, si modum legum servet, proximo maxime utilem addunt, si præsertim, cum iis inearur, qui ex ejusmodi mutuo non exiguum commodum, vel lucrum etiam percipiunt. Hinc beneficium hujus contractus mutuatarii prædicare solent, sibi que bene actum testati, gratias etiam quam maximas creditoribus referunt. Quis ergo adeo utilem contractum naturali jure prohibuit affirmare potest? Commodis hominum invidetur oportet, qui contractum, non tam mutantibus, quam mutuatariis utilem, atque commodum, interdictum velit. Peculiarem porro eorum casum, qui mutuum negotiaturis credunt, ita proponunt, ut soluto adhuc fœnore plus licri mutuatario superfit, quam onod mutuantis solvitur; & impossibile affirmant, illicitum esse contractum, qui mutuatario magis, quam mutuantis prodest. *Nous s'ôtenerons nos contractis liciter, parce qu' ils sont plus profitables, & plus avantageux à l'emprunteur, qu' au prêteur.* Nihil

Tom. I.

certe charitati, aut justitiæ inimicum in hoc videre se ajunt: *Il s' agit de montrer comment on peut condamner comme vicieux des contrats ou l' on ne voit rien qui blesse la charité ou la justice*: Verba sunt Auctoris Epistolæ ad Maupassum scriptæ die 1. Augusti 1739. In communi utriusque bono, & majori mutuatarii, quam mutuantis, nec charitas, nec justitia, offendi potest: immo cum & charitas, & justitia postulent, ut qui ex aliena pecunia lucratur, lucrum participem cum efficiat, qui suam illi pecuniam in lucrum commodavit; abhorreere maxime videtur & a charitate, & a justitia, si quis lucrum ex aliena pecunia caprum sibi retinere totum velit. Vide Gerardum Noodt l. 1. de *Faure, & Usuris* cap. 6.

## §. II.

*Æquivocatio objectionis detegitur.*

2. **H**æc ratione, si quid valeat, justitiæ, & charitati adversaretur quælibet lex, quæ usuram universim prohibeat; sicque Deus ipse accusandus, qui certe, etiam, per adversarios, Hebræis usuram, saltem inter fratres, omnino interdixit. Sed hoc indirecto argumento relicto, ut objectionis æquivocatio palam detegatur, dum adversarii contractus fœneratitii commodum, & utilitatem prædicant, ipso contractus fœneratitii nomine decepti duo in unum confundunt, mutuum, & usuram; & bonum, quod solius mutui est, contractui fœneratitio tribuentes, usuræ communicant. Ita bonam, utilem, & commodam, charitati, ac justitiæ maxime congruam, quæ prohibitionem, saltem naturalem, minime ferat, usuram depingunt. Hoc autem nonne est dicere lucem tenebras, ac tenebras lucem? Indignum plane, & expers humanitate sit,

P p

qui

Epist. ad  
Blondellum  
8. Nov.  
1719.

qui commodis, & utilitatibus hominum invidens, rem humanis rebus commodam, & utilem, quæ nihil charitatis, nihil justitiæ obstat, accuset, vetet, subducatur. At qui ab hoc maxime abhorret, videat simul, ne perperam hæc bona tribuat, cui tribuenda non sunt. In casu autem nostro, quæcunque bona, & utilia in mutuatarios redeunt, ex mutuo, non ex usura dimanant: ex mutuo enim juvantur homines, commodumque, & lucrum capiunt ex mutuo; ex usura autem, qua ipsis decerpitur aliquid, non nisi damnum nascitur, & damnum quidem, cum charitati, tum justitiæ contrarium, ut lib. V. c. 4. & 5. probatum nobis fuit. Neque forte lucrum quoque, & bonum mutuantium esset, ut hac ratione contractus foeneratitius ex mutuo debitoribus, ex usura autem creditoribus utilis, totus utrisque, atque omnibus utilis habendus sit. Hoc enim si quis diceret, confusa utilitate licita, & honesta, quæ negari nequit in mutuo, cum utilitate injusta, & inhonestâ foeneratorum, qui damnum injustum afferunt, aut saltem damnum, quod nondum ab adversariis justum probari potuit, rem inhonestam, & illicitam, communi, & confusa notionem niteretur defendere, quod maximum ratiocinandi vitium est.

3. Eja igitur separentur, quæso, singula. Contractus foeneratitius, quatenus mutuum est, utilis, & commodus, licitus, & honestus, charitati, & justitiæ apprime coherens negari non potest: quidquid in eo hominibus prodest, totum est mutui. Nemo hunc contractum mutui prohibuit unquam, nemo prohibebit. Immo & Deus, & Patres, & ceteri omnes hoc maxime commendaverunt hominibus, & in necessitatibus etiam præcepta tulerunt.

Vide lib. V. Quatenus vero foeneratitius contractus usuræ obligationem imponit, non utilis, nec commodus est, immo damnosus privatis, perniciosus

publico, iniquus, ac injustus demonstratus fuit: certe nondum secus ab adversariis probari potuit, unde ad hoc sophisticum argumentum, quod ipsis superest, confugerunt; quo tamen, si antea usuræ injustitiam ahunde non purgent, nihil proficient. Hæc autem usura nihil utilitatis, plurimum detrimenti afferens, illa una est, quam in contractu foeneratitio Deus, Patres, & boni omnes, non Theologi tantum, sed & Philosophi, & Juris naturalis periti, etiam Ethnici, reprehenderunt, atque reprehendunt. Hanc distinctionem inter usuram, & mutuum, qua tota objectionis, uti fertur, inexpugnabilis vis eliditur, paucis suggestit ipse Schismaticorum Thessalonicensium Archiepiscopus Nicolaus Cabasilas, cum in Oratione adversus usurarios utilitatem mutuatiorum similiter effequentes, *Si etiam istud dederimus*, inquit, *certe quatenus commodasti, non quatenus cum fraudasti, profusisti*. Nunc non accusaveris a nobis, quod das mutuum, sed quod insuper usuram exiges. In mutuo, non in usura beneficium est, quod mutuatarii commendant, ut pluribus diximus lib. V. c. 6. §. 5. n. 15.

4. Atqui si nihil lucri, vel usuræ mutuantibus cederet, mutuum non darent, & ita bonum mutuatiorum, ac publicum nullum esset. Usura ergo quatenus mutui tam utilis est causa, sine qua mutuum non crederetur, utilis ex ipsa censenda est. Vetus hæc cantilena, quam alibi multis rejeci. Nunc dicam tantum, utilitas, & commodum mutuatiorum, quæ profecto non ab usura, sed a mutuo nascuntur, num adimere possunt injustitiam, eo nomine, quod sine hac injustitia illud mutui bonum non nasceretur, & malum potius prodiret? Id si esset, adimeretur fornicationis, & meretricum malitia, quia sine his pejora mala nascerentur. Malum non esset dicendum.

men-

mendacium, atque perjurium, sine quo vita hominis aliquo casu conservari non posset: & similiter sentiendum de aliis. Bene ratiocinanti videndum, nunquid res de qua quaeritur, in se licita, & iusta sit, an secus: & si quidem probetur iniqua, & iniusta; tamen ex malitia hominum, si ea non concedatur, plura bona impedienda, plura mala caussanda sint; non tamen eam licitam, & iustam affirmare hoc uno argumento licebit, quod alias impeditur bonum, aut mahm. prodiret. Confer quæ diximus lib. II. c. 5., & hoc libro sexto c. 1. §. 1, ubi similem objectionem explosimus.

## §. III.

*Commodum, & luerum mutuatarium, nec ad pensionem annuam, nec ad augendam pecuniam estimationem, quidquam confert.*

§. Quid si commodum, & utilitatem, quam ex mutuo debitores percipiunt, iusto pretio dignam putes, indeque usurae iustitiam coneris ostendere; hoc ad pretium usus, seu locationem pecuniae refertur: neque enim alia ratione pecuniae tribui potest commodum, & utilitas, quam ex usu, qui utilis, aut commodus debitoribus, non minus locationis pretium meretur, quam domus, vel campi, ex commodo, vel utilitate, quæ in locatarios redit. Non aliud quidem volunt adversarii, ut videre est apud Salmasium, Noodt, & alios, qui ex pecuniae usu, unde commodum, & utilitatem mutuatarii capiunt, usurae, quam usury pretium definiunt, iustitiam propugnant. Cum vero hanc locationis vim fuisse refellerimus lib. V. c. 5., ubi vel ex hoc usurae iniustitiam demonstrasse nobis videmur, ed lectores remittimus. Quæ si eviden-

tia judicentur, ita ut locationis pretio nullus sit locus, quemadmodum nullus verus est pecuniae usufructus, qui locationem recipiat, ut ex ipsis Romanis legibus vidimus lib. V. c. 3., & nihilominus quispian adhuc mutuatiorum commodum, vel lucrum urgeat, quasi æstimabilia pretio sint; ex ipsis naturalis juris principiis, quæ adversariorum primipili certa viderunt, satis refellebuntur. Cum enim locatione, & usufructu pecuniae sublatis, nullum sit usus pecuniae pretium, distinctum ab æstimatione ejusdem pecuniae, ut memorato capite 5. ostendimus; pacta mutui restitutione, qua tota pecuniae æstimatione penditur, commodum, atque utilitas e mentium quæcunque deinde in mutuatarios redeat, ita ad æstimationem pecuniae augendam nihil confert, ut commodum, atque utilitatem e mentium ad pretia rerum augenda non conferre ex ipso naturali iure Ethnicis, & adversarii ipsi tradiderunt. Molinæ, & Grotii testimonia recitavimus lib. V. c. 4. n. 4. & 7., qui in casu ipso mutui hoc verum esse professi sunt, ut pecuniae mutui pretium non ex eo quod interest accipientis, idest non ex ejus commodo, vel lucro taxari, aut augeri possit. Salmasii testimonium adjiciam ex l. 1. de Fœnore Trapezitico p. 234., ubi charitati, & iustitiæ inimicum reprobet, si quis pretia rerum, *Qua non ex affectu, aut utilitate singulorum, sed communiter funguntur* ex L. 33. De ad legem Aquiliam, supra iustum modum augeat, ex peculiari commodo, quod quis ex re empta percipiet: *Habeo, inquit, angulum prati, qui deformat agrum vicini mei divitis. Ut quadrata ejus centuria exeat, paratus est a me meum accipere. Si cupiditate ejus abuti velim, quod libebit, etiam licebit, ut non aliter a me extorqueas, nisi summam data, qua infinito iustum pretium excedat. Vidi agellos vix viginti aureis*

reis affirmandos pretio ducentorum sic facile venditor. Qui emebant etiam beneficium se accepisse testabantur, & gratiam habebant. Quod majus est, inter bonestos hac frequentari vides. Non tamen hoc probat ebaritas, & pars est injustitia, quamvis ea lege permittatur. Si vero acquisitima hæc sententia est, ubi de agello agitur, ejus æstimatio, ac pretium, eum fixa non sint, non semper pretii auditio supra justum modum excedere definitur potest; quidni valebit in pecunia, ejus pretium, & æstimatio, cum sit fixa, ac certa, si quid augeatur ex solo accipientium commodo, vel lucro, ubi nullus aliunde titulus, aut usus pretium probeatur, ut in simplici mutuo accidit; hæc quæcunque auditio justum ejus pretium, ac æstimationem certissime excedit. Id autem usuræ proprium est, quæ nullo locationis; aut alio justo titulo, qui nondum productus, vel probatus fuit, ex solo mutuatiorum commodo, aut ætimate supra pecuniæ ætimationem, ac legitimum pretium existitur.

#### §. I V.

*De commodato utentium pecunia ad necessitatis subsidium.*

6. **I**D autem agnoscetur multo iniquius ex ipsis mutuatiorum circumstantiis, quibus mutuum fœneratitium utile, aut commodum traditur. Vel enim de iis agitur, qui in necessitatis subsidium mutuum quærun, non ut inde lucrentur, sed ut malum aliquid impendens avertant, ac necessitate succurrant; & magnum quidem hoc esse commodum non inficior, necessitate non opprimi, atque præsidium in angustis rebus invenire. Jure Salmasius hocce commodum omni lucro præponens lib. 1. de Fœnore Trapezitico pag. 90. *An majus*, inquit, *lucrum potest esse, quam onus ex ma-*

*ximo, & inevitabili alias damno opera mutuum dantiis . . . emergitur. Longe adhuc amplius vel omni luero, cum quis vitam ad præsens ex mutuo sustentat, quam absque hoc foret perditurus.* Cum vero ex hoc commodato lucrari, sit ex necessitate lucrari, quod omnia jura excedantur, ex constitutis c. 1. §. 1., quis lucrum ex hoc commodato licite quæri defendat? Adversarii eum usuram a pauperibus exigere posse negant ex ipso jure naturæ, non alia ratione negant, nisi quia lucrandi occasionem aucupari ex necessitate aliena naturale jus prohibet. Non prohiberetur autem hoc lucrum naturali jure, si lucrari ex alienis commodis, quæ in necessitate majora esse, ac omni lucro præstare judicantur, liceret. Hoc principium jure naturali certissimum adversus Salmasium fufus statuitur l. V. c. 6. §. 2.

7. Neque vero is ad probabilitatem prætexendam casum afferat ejus debitoris, qui ut se a graviore fœnore liberet, ab alio creditore mutuum capiat sub minori usura, unde lucrum aliquod percipit ejus gravioris fœnoris, a quo liberatur: ut si solvebat sex ducatos in centum, mutuum autem inveniat cum obligatione solvendi tantum, quatuor, duos ex hoc contractu fœnebris quodammodo lucratur. Idem argumentum urget ex Le Placette Joannes Barbeyracius in Puffendorfi lib. 3. c. 7. §. 9. not. 7. sub finem: ubi tamen hoc initius fœnus, quod in secundum creditorem reddit, cum ad proximi majus damnum impediendum pertineat, etiam injustum dici non posse existimet, quippe quod usuram a justitia alienam non putat, charitati tamen adversum fatetur, quæ cum jubet proximi damna gratis impedire, tum ex hisce necessitatibus non lucra, sed solum ad summum nostrorum damnorum, aut lucri cessantis compensationem requiri posse permit-

*ibidem.*



mittit: Il faut remarquer, que quoi que cette sorte d'intérêt soit aussi peu contraire à la justice, que l'autre, il est d'ordinaire beaucoup plus opposé à la charité. Le besoin de celui qui emprunte, est tel fort souvent, qu'il oblige ou à prêter sans intérêt, ou à se contenter de l'intérêt compensatif, ce qui n'a pas lieu aussi fréquemment dans le prêt, que l'on fait à ceux, qui n'empruntent que pour profiter positivement. Quæ optime de charitate hic usurarum pattonus tradit, Salmasium satis refellunt. Cum vero de iustitia usuræ perperam senserit ex Calviniana præsumptione, quam nos evertimus; idem de iustitia, ac de charitate iudicium ferendum. Certe non minus inimicum charitati, quam iustitiæ est ex necessitate lucrari, ubi nullus est compensativus iustitiæ titulus, ex quo aliquid supra iustam pecuniæ æstimationem quaratur. Et si quidem usuram querere sine alio titulo iustum non est, non idcirco erit iustum quatuor exigere, quod contentus solis quatuor, debitorem liberet a solvendis prætereis duobus, quæ ab alio insuper iniuste exigebantur. Num enim furari licet quatuor, ne alius sex furietur? Quæ isthæc iustitia est, qua ad furtum majus impediendum furtum minus patrat? Ut legitima ratiocinatio sit, iustitia usuræ ante statuenda est: quæ si demonstrari nequeat, frustra ex commodo, aut verius ex vitato majori damno ejus, qui usuram solvit, hæc iustitia probabitur.

## §. V.

*De lucro mutuatiorum. Cup  
ejus partem exigere nequeant  
creditores, qui pecuniam  
dedere, sine qua lucrum  
perceptum non  
fuisset.*

8. Neque minus hoc valet, ubi  
verum, & majus lucrum ex

pecunia a mutuatario percipitur; quem casum Barbeyrachius postremis verbis palam excipiendum putavit. Ad hunc quoque casum suam sententiam plerique adversariorum restringunt, Molingus, Amesius, Grotius, Le Placette, & præsertim Jansenistæ omnes Batavi usurarum patroni, qui proinde ex solis divitiis, ac negotiatoribus ex mutuo lucrantibus licere usuram moderatam exigere defendunt. Rationabilior videtur etiam argumentatio: Lucrantur, inquiunt, illi ex meo, quidni partem lucri ex isdem jure exigam, tanquam percepti ex re mea? Nihil æquius, si utrumque, quod ponitur iis verbis *lucratur ex meo*, verum esset. Si nimirum vere lucrantur debitores, & ex re creditoris lucrantur. Vide num me æquiorum præbere adversarium possum: at simul velim, adversarii mihi æqui sint iudices, dum hæc duo in examen vocas, facti, & juris conditiones expendam.

9. Primo non semper lucrantur debitores ex pecunia negotiationi e. g. exposita, sed quandoque sine lucro negotiatio cedit, quandoque etiam cum damno. Vi autem mutui creditores semper lucrum exigunt, sive debitores lucrantur, sive non, sive etiam damnum subeant: quibus certe casibus verum non est, jure participes esse lucri, quod non provenit. Quod si etiam frequentius lucrum debitores capiunt, cum tamen vi mutui lucrum exigatur etiam eo casu, quo lucrum nullum, vel potius damnum capiat; iniquitas contractus clare proditur. Ut autem servaretur æquitas, opus esset creditorem lucri partem exigere, cum lucrum percipitur, non autem cum nullum lucrum, & multo minus cum damnum ex negotiatione redit. Immo cum æquitas postulet, ut qui particeps est lucri, damni quoque particeps sit (solum enim lucri partem velle, nullam autem damni, contra no-

tam juris regulam est: *Qui sentit commodum, debet & incommodum sentire* ) si quando pro lucro damnum circa culpam debitoris contingat ex casibus fortuitis, creditor damni partem subire deberet pro capitalis rata. Ita si fieret, participem cum esse lucri, quod frequentius percipitur, æquissimum esset: at tunc non mutui, sed societatis veræ contractus legitimus prodiret, ex quo lucrum non fœneratitium, sed legitimum cedit: ac proinde semper stat, vi contractus mutui, quo ea æqualitas non servatur, lucrum vere fœnebre non posse nisi inique provenire.

10. Adde, quod eo casu, quo æquitas illa teneatur, ut non mutuum, sed societas esset, lucrum vere perciperetur e re, & pecunia sua; in societate enim pecunia creditori manet, & a mercatore, tanquam ministro, ac socio industriam conferente, in negotiationis lucrum traducitur. Ita lucrum, quod inde provenit, e re creditoris proveniens, illi jure competit. At in mutuo, pecuniæ dominio in debitorem translato, lucrum, quod inde percipitur, e re debitoris, non autem e re creditoris percipitur, ut pluribus ostendi lib. V. c. 3.; ubi etiam observavi, Lucrum id genus non naturalem pecuniæ fructum esse, sed industriale, qui soli periculo, ac industriæ debetur: unde totus est debitoris, qui solus pecuniæ dominus totam industriam, ac totum periculum subit, ut exemplo furis alienam pecuniam negotiantis demonstravi. Si quam ergo hujus fructus partem creditor velit, alieni fructus partem velle convincitur, quod iniquum est. Id ex natura contractus mutui nascitur, cui malo mederi facile posset, si mutuo societas vera, non palliata supponeretur, qua lucrum exigatur, quoties vere lucrum provenit, non autem ubi sine debitoris culpa nihil lucri. At damni aliquod redit; &

ita in casu damni damnum subeat, sicut in casu lucri lucrum percipitur.

11. Hanc æquitatem nonnulli æquiores ex ipsis advertariis, saltem ex parte, videntur cognovisse. Guillelmus Amelius l. 5. de Conscientia c. 44., ubi usuram Calviniano sensu licitam propugnat, dum non exigatur ab eo, qui in necessitatem aliquam pecunia usurus est, sed in lucrum; hanc conditionem, insuper exigit num. 22. *Ad peccatum vitandum ratio semper habenda est illius, quo eum res est, ut cum ejus commodo, non damno, fructus pecunia redeat ad illum, qui mutuum dedit. Hinc summum jus non potest sape sine summa injuria urgeri. E. G. Si quis absque sua culpa jacturam fecerit in negotiatione, quam fecit ex pecunia mutuo accepta; inhumanum est ab ipso exigere pecunia proventum, id est lucrum percipere ex ejus damno. Hanc æquitatem etiam in locatione, & condictione, naturalis conscientia videtur dicere; ut si vel sterilitas, vel calamitas superveniens tanta sit, ut conditoris damnum notabile patiatur ex re condita, pensio illi sit a locatore remittenda, vel tota, vel ex damni facti proportionem.* Hoc idem antea docuerat usurarum insignis patronus, & antesignans Carolus Molinæus in tractatu ipso de Usuris, in quo naturam vindicare nifus est; & aliam præterea conditionem subinnuit, ne nimirum in damno circa debitoris culpam creditor damnum subeat. Loquens enim de usura, quæ cum negotiatore pecuniam in lucrum occupante contrahitur, hæc servanda præcipit num. 10. *idummodo qui stipulatur a mercatore lucrum, nullam proximo fraudem meditetur, nec usuram inique exigit, immo ne recipias quidem, si jacturam dando facias debitor; sed hoc tantum accipias, & exigas, quod bona fide, & cum æquitate vellet a se accipi, & exigi in eadem periculis existens, vel*  
in

*in simili necessitate deprehensus; quibus postremis verbis videtur subindicare ita capitalis partem in hoc damno remittendam, uti in simili damno sibi remitti quisque cuperet: id quod confirmare possunt illa, quæ deinde subdit num. 530., ubi hunc locum appellans, ait: Adhuc iterum verum est, quod ubi constas, pecuniam casu fortuito omnino perisisse debitori, non decet creditorem usuram exigere, quin etiam nec sortem quandoque, ut supra num. 20., & 70.*

22. Si hoc solum defenderent adversarii, nihil inhonestum, injustum nihil defenderent, nec damnari in ipsis quidquam posset, nisi quod usuram dicerent lucrum non usurarium, & hoc errore usuram defenderent licitam, quæ divino, & naturali jure reprobata, ab Ecclesia etiam damnatur. Vereor, ne sicut usuram perperam esse contendunt, quod iusto lucri cessantis, aut damni emergentis titulo in meram compensationem exactum usura non est, ex dictis cap. 2. §. 2., idque contendunt, ut jure videantur usuram defendere, quam hoc iusto titulo defendunt; ita eodem consilio mutuum, & usuram præferant, quod legitimæ societatis, ac negotiationis naturam, & condiciones exhibet. Ita error non rei, sed verborum esset, at verborum ejusmodi, quæ contra Ecclesiæ doctrinam, & auctoritatem pugnant, ac si hæc usuram damnans, rem damnet maxime honestam, & justam, nec non magnum hominibus parium scandalum, quippe qui usuram licitam exinde audientes, contra Ecclesiam male animantur, periculoque exponuntur, ne usuram in se licitam universam putantes, omnes casus e-

tiam vere usurarios licitos judicent. Interim vides, quo tandem evaserit illa objectio, quæ invidi credebatur. Immo vides, quanta æquitatis evidentiâ ipsi adversarii hac occasione decepti, veræ usuræ injustitiam confitentur, qui in ipsa pecunia negotiatoribus tradita, cui jam usuræ licentia restringitur, iis conditionibus mutui, & usuræ limites egredientibus lucrandi facultatem coercendam videre.

23. Ergo ne, urgebit postremo aliquis, nihili habendum esse lucri commodum pecunia datum, sine qua negotiari, & lucrari nemo potuisset? Non dico hoc nihil esse, quod totum est. At si quæras, quanti hoc commodum sit, dicam tanti, quanti est ipsa pecunia, nihil autem supra. Quidquid enim pecunia valet, non ex se, sed ex commodo, & usu, quem habere potest, tota ejus æstimatio petitur, ita ut nihil penderetur, si nulli commodum, vel usui proficeret, ut pluribus ostendi lib. V. c. 5. §. 2. n. 9. Supra hæc porro æstimationem pecuniæ, quæ legitimum, justum, ac fixum ejus pretium habet, nihil augeri potest ex peculiari fortassis lucro, vel commodum, quo quis ex pecunia lucretur (ubi alius nihil exinde capiens lucrum, in necessitatis commodum eadem utatur) vel quo quis præ alio magis lucretur; rerum enim pretium ex peculiari cujuscumque necessitate, vel lucro augeri justitia prohibet, ut Molinæus, Grotius, & Salmassius paulo antea Lib. V. c. 4. allegati prodidere. Si quis e. g. 20. 4. & 7. acum, vel forcipem &c. carius vendere vellet, ex utilitate magna, quam sine illis sutor non perciperet, (1) injustus diceretur. Quomodo similiter injustum dicamus pecuniosum, qui fixam

(1) Hoc explorare docet S. Thomas 2. 2. q. 77. a. 1. in corp., ubi & rationem afferre ex naturali jure: Si aliquis multum juvetur ex re alterius, quam accipit, venditor non debet eam supervendere; quia utilis est, quæ alteri accipit, non est ex vendente, sed ex conditione ementis.

fixam ducatorum centum æstimationem in mutuo augeat ex lucro, quod inde negotiator percipiet? Hanc æstimationem autem augeat, qui aliquid supra centum ex mero debitorum lucro exigere se posse autumat, ut in præsentis objectione præsumitur; idque eo manifestius iniquum agnoscitur, si hoc lucrum periculi, & industriæ fructum, non autem naturalem pecuniæ sc̃tum cogitemus. Vide quæ contra hanc opinionem, solius diximus memorato lib. V. c. 3. §. 4.

## §. V I.

*Fortius solvitur obiectio, qua contractus funebri utriusque contrahenti utilis, ac eo nomine licitus dicitur.*

24. **E**tsi satis videantur, quæ diximus; cum tamen hoc tempore alii hoc idem argumentum alio quodam prospectu exaggerent, alia quadam methodo, & fortassis efficaciori illud diluere superfluum non erit. Cum contractuum iustitia, inquit, nonnisi a mutua contrahentium utilitate, ac beneficio pendeat, iniustitia autem ab alterius gravamine, ac damno: ille contractus haud potest appellari iniustus, & illicitus, qui utriusque contrahentibus utilis, neutri perniciosus est. Ejusmodi autem prædicatur contractus, quo pecunia aliquibus cum moderata usura creditur. Utilitatem, enim non minus percipit, qui pecuniam cum lucro credidit, quam qui pecuniam accepit; nam is, soluta nihilominus usura, utilitatem, vel commodum percipit, quod sæpe majus est, vel saltem pluris æstimatur, unde ejus causa usuram libentissime solvit. Qui igitur contractus utriusque utilis poterit esse, & haberi iniustus? Hoc argumentum, si verba spectentur, negari nequit, quin speciosum sit. Qui vero in verborum specie non sitit,

sed intimos sinus penetrans, iustitiæ regulas consulit, sub eximia speciei plures fallacias occludi facile intelliget.

25. In primis propositio, quæ contractus usurarius utrique contrahenti utilis traditur, illi soli casui competit, quo is, qui pecuniam accipit, utilitatem ex pecunia consequitur majorem usurario fructu, quem creditori solvit. Id autem tantummodo evenit, cum pecunia creditur, vel in emptionem fundi, vel in negotiationem, & eo solum casu, quo ex hac emtione, vel negotiatione debitori majus lucrum redeat. Quid vero si lucrum non esset majus sœnore? Quid si esset minus? Quid si pro lucro damnum ex negotiatione cederet? Quid si prædium aliena pecunia emtum, fidei commissio detecto, auferatur emptori, nullo restituito pretio? Quid si nec in emtionem fundi, nec in negotiationem quæraturs pecunia, sed ut necessitati haud quæstuosæ succurratur? Nonne hic casus monetæ accipiendæ frequentior est? Qui locus hisce in casibus erit utilitati communi? An non usura est illud lucrum, quod vi contractus quæritur, siue accipienti lucrum proveniat, siue non proveniat, siue etiam damnum illi pro lucro redeat? Si vere liceret moderatum lucrum ab iis exigere, qui magis lucrantur, eo quod hoc casu lucrum commune intercedit, num æque iustum, ac honestum esset ab iis lucrum petere, qui vel minus lucrantur, vel nihil, vel detrimentum incurrerunt, quibus in casibus usuræ solutio damnum evidentissimum afferre? Quod si usurarii contractus natura est exigere universim lucrum a quolibet, qui pecuniam accipit; ac proinde etiam ab iis, qui nihil lucrum capiunt, idest cum evidenti damno ejus saltem usuræ, quæ sine ullo lucro aliunde compensante solvitur; quomodo is contractus iustus credi poterit, si contractuum iustitia a mutua, & communi

imuni utriusque partis utilitate sumenda videatur? Si unica circumstantia, vel unicus casus inæqualis, & iniustus, qui in contractu includatur, ipsum contractum vitiat; quid censendum erit de contractu usurario, qui nullam exceptionem apponens, omnes casus, etiam inæquales, & frequentiores complectitur? Adde quod, si recte perpendamus, quæcunque utilitas mutuatario provenit, non provenit vi ipsius mutui usurarii, quod nihil mutuatario lucrī affert, sed ex alio contractu, qui pecunia mutua posita inest, ex. gr. emptione prædii, negotiatione &c., qui contractus sunt ab usurario mutuo distincti, nec vi ipsius mutui contrahuntur. Igitur si quod etiam mutuatario obveniret lucrum, cum id non ex mutuo scænebris, nec vi ipsius mutui proficiscatur, quomodo communis mutuatarii utilitas, quæ per accidens, & extrinsecus advenit, in contractu usurario confingitur? Huic contractui insitum atque intrinsicum tantummodo est, ut lucrum, seu per obveniat mutuantī, qui vi contractus scænebris de lucro stipulatur sibi per, si debitor lucrum percipiat ex pecunia mutua, siue non percipiat, siue pro lucro damnum subeat. Quod si ad contractuum iustitiam inspicendum est quod ipse insitum, & substantiale est, non vero quod per accidens aliunde accedit; quomodo usurarius contractus in tanto substantiali discrimine utilis per se utriusque contrahentibus habebitur, ita ut hoc nomine iustus per se haberi debeat?

16. Quid porro si principium, quod tantopere urgetur, nimirum iustitiam contractuum a communi contrahentium beneficio, ac lucro pendere, evidentissime falsum sit? Quis audivit unquam, contractus eo tantum ex capite iustos esse, si utraque pars utilitatem, & commodum capiat? Si hoc verum esset, penicillus, qui paucis obolis æstimatur,

vendi posset scuto argenteo piciori, qui eum per accidens emere aliunde non potest, si ex pictura eo penicillo conficienda majus illi lucrum cederet: tum enim magis refert penicillum scuto emere, ac scuta ex. gr. centum pingendo lucrari, quam, ne tanti ematur penicillus, nihil lucri capere. Et ut casum usurarium proferam, duo supra usitatum locorum modum exigipossent in singula centum, si is, qui ea solvere cogitur, plura lucratur: huic enim magis expedit duo illa supra modum solvere, quam, ne hæc solvat, non invenire pecuniam, & omni lucro carere. Mitto alia id genus exempla. Etsi in his contractibus utrinque utilitas proveniat; nemo tamen poterit ipsorum iniustitiam purgare, eo quod altera ex parte pretium aliquid iniustum intervenit, hæcque iniustitia pretii communi beneficio dilui non potest. Negari nequit, quin alter e contrahentibus, qui gravatur, in hoc pretium tamen iniustum consentiat; at consentit invitus, cum alia conditione pingere, aut negotiari non posset. Ita etiam quidam villicus, aut mercenarii operantur aliquando vilissimo pretio, propterea quod vivendi necessitas urgeat. At si pretium sit infra estimationem in finem operum; ab iniustitia eximi nequeunt ii, qui necessitates id genus aucupantur, ne iustum operum pretium solvant. Hi omnes absque dubio sunt contractus iniqui, & iniusti, cum læsio alterius partis evidens sit. Nihilominus hæc quoque pars manifeste læsa suum lucrum consequitur, quod non perciperet, nisi contractus iniretur. Falsissimum itaque est principium, contractus esse iustos, ac licitos, si utriusque partis utilitas adsit.

17. Quid ergo? Ut contractuum iustitia, vel iniustitia prodeat. æqualitas, vel inæqualitas inter datum, ac receptum pensanda est. Ubi æqualitas servatur, iustitia præsto est;

ubi

Tom. I.

ubi autem aliquid inæquale intervenit, injustitia oboritur. Porro æqualitas, vel inæqualitas in contractibus non petitur ab utilitate, & lucro, quod ex rebus in contractum cadentibus mutuo proveniat: nam commutari jussu potest ager fructifer cum gemma, quæ nihil fructus afferat. Potest item contrahi societas inter duos, qui parem pecuniæ summam, & industriam conferant: quorum tamen alteri si minor utilitas, alteri vero si utilitas major sine majori titulo assignaretur, lucrum quidem esset utrinque; at quidquid in pari titulo uni detrahitur, ut alteri vindicetur, injustum esset. Neque deduci potest justitia pretii cujusdam rei ex utilitate, quæ exinde aliquis propria industria colligit; secus idem colores pictori eximio pluris vendi possent, quam pictori triobolari: & eadem ratione pluris vendi posset ferrum artificii peritiori, & artis nobilioris, qui plus lucratur. Immo si quis esset ejus scientiæ, & artis, qui ferrum convertere posset in argentum, vel aurum; ab hoc majus multo pretium exigere pro lucro ejus maximo honestum esset. Quis propositiones adeo novas, & miras aliquando audit? At eas oporteret concedere, siquidem justitia contractuum ex mutuo quocunque lucro sumenda esset.

18. Quod si ad justitiam æqualitas inter datum, ac receptum inspicienda est, quis non statim intelligat datis mutuo scutis centum, quæ per se solis scutis totidem ad æqualitatem æstimantur, plura non posse exigi, & si quid amplius exigatur, abque alio justo, & vero, vel contractu, vel titulo, semper exactum esse aliquid supra æqualem illorum æstimacionem, ac pretium; ac proinde id, quod pluris est, &

usuram constituit, ad inæqualitatem, ac injustitiam manifestissime pertinere? Neque dici potest illud plus jussu solvi pro pecuniæ usu, qui accipienti commodus, atque utilis est: nulla enim alia de causa centum, scuta cuipiam credita valent scutis totidem, nisi pro usu; quippe quæ si nulli essent usui, nihil valerent. Cum ergo scuta centum spondentur in mutuo; quantum illa, & usus illorum valet, spondetur. Sed neque hunc usum, vel locationis pro usu pecuniæ, neque alium quempiam titulum mutuo inesse, ex quo aliquid supra sortem exigi jussu possit, duobus his postremis libris luculenter monstravimus; adeo ut omni justo titulo deficiente, manifesta sit naturalis usuræ inæqualitas, & injustitia, quam & Scriptura, & Patres, & Pontifices, & Concilia testantur. Qui autem hanc injustitiam purgare nequit, haud poterit ex quocunque debitoris commodo, ac lucro contractum scænebrem debitori utilem contendere. Cum enim quod injuste solvitur, verum sit damnum; quidquid debitor ex pecunia proficiat, nihil conferet, ne verum damnum ipsi illatum dicatur, cum usura per se injusta ab eodem exigitur: nam etsi maxime aliunde lucretur, certum tamen capit damnum, quotiesolvere cogitur, quod jussuolvere non deberet. Nisi verum damnum contractus scænebris proprium debitori utile concessatur: proculdubio contractus scænebris debitori utilis dici non poterit. Utilitas, si quam capit debitor, aliunde, sive ex industria, sive ex aliis contractibus provenit, non autem ex contractu scænebris: qui propterea per sese merum injustum damnum affert. Vide ergo quam perperam utrique parti utilis, & eo titulo licitus prædicetur.

## CAP. VII.

*Refellitur adversariorum criminatio de usura aliquot contractuum specie a Catholicis indirecte suscepta, atque defensa.*

## §. I.

*Criminatio adversariorum exponitur.*

1. **O**Mnes rationes, quas pro usura purganda adversarii afferunt, hæcenus refellimus. Nunc reliquum est criminationem nonnullorum considerare, Catholicis Theologis, & Canonistis impactam, cum scilicet aliquot contractus ab his approbatos, atque defensos, in usura fraudem excogitatos accusant, ita ut alio sub nomine usuram admittant, & inducant, quam doctrina prohibent, & damnant. Salmasius Lib. 1. de Fœnore Trapezitico de Canonistis ait pag. 4. *Tales cum satis animose Christianis favore interdixissent, postmodum coacti sunt, necessitate ita urgente, miseræ usuras, quas foribus exeluserant, per fenestram admittere. Sub alieno quippe, & arcessito nomine sanus permiserunt, quod sub propria appellatione vetuerant. Quid enim aliud, quæso, sunt redditus illi annui, quos emtionis, ac venditionis nomine obvelarunt, quam usura, & quidem graviores, quam quas veteres proprie sic vocarunt, & libere exercerunt?* Idem aliis verbis reperit p. 61. & p. 91., ubi hoc idcirco ab illis inventum affirmat, ut sibi persuaderent servari abs se canones, qui usuram vetant, si contractus inirentur, qui, re immutata, usura nomen mutarent. Gerardus Noodt Lib. 1. de Fœnore & usura c. 12., Theologos insequitur probantes emtionem cum pacto de retrovendendo, nec non Pontifices, qui census venditionem, & emtionem.

cum simili pacto approbantur; ac si in his usura horum contractuum nominibus velata delitescat. Alii porro alios contractus obijciunt, qui etsi jure damnentur a non paucis Theologis, ab aliis tamen in praxi re ipsa permittuntur, & vindicantur. Ex his porro usuram haud damnamdam contendunt, quæ vel a Catholicis ipsis alieno nomine testâ suscipitur, atque probatur. Vide Salmasii præfationem in librum de Usuris. Ita Catholicorum etiam, qui usuram reproband, auctoritatem, in usura patrociniū attrahere nituntur.

## §. II.

*Annui redditus, seu realis census ab Ecclesia approbati vindicia. Quantum distet ab usura. Salmasii hallucinatio aliis vere usurarii redditus notionem proferentis. Hunc redditum a vero censu diversum semper usura notavit Ecclesia.*

2. **H**Æc autem indirecta usurarum defensio ut subvertatur, primo contractus census, seu annui redditus, qui ab adversariis nominatim perstringuntur, si ita fiant, uti ab Ecclesia approbantur, perperam usura arguuntur. Verus enim census, ac redditus annuus nihil aliud est, quam certi usufructus, annuique redditus emtio, qui sane sicut ex lib. 2. Instit. tit. 4. a proprietate fundi separari, ita & locari, & vendi separatim potest ex L. 12. §. 2. D. de Usufructu, & Lib. 1. Institut. tit. 5. §. 1. Usufructus nimirum non merus usus est, sed *jus in usum*, uti definitur a Paulo L. 1. D. de Usufructu: unde Cajus L. 1. D. de Rerum divisione scripsit, usufructum in *jure consistere*, atque a fructu distinguere: jus autem, quod quisque habet, in alium transferre potest. Fac quis leget

Verus census ab usura distinetur.

Qq 2

qua-

quatuor tritici modia cuiuspiam annuatim solvenda ex suo prædio; is quendam prædii usufructum legavit. Porro qui legare potuit, potuit & vendere. Fac porro, quod inter venditorem, ac emptorem conveniat de modis numerata pecunia æstimandis, ac ideo ius emptori acquisitum sit in annuos ducatos quatuor; hic ille contractus est, quem censum, vel annuum redditum appellant. Jura decimarum usufructus perpetui species sunt, quæ certam proportionalem quantitatem suscipiunt. Hoc autem contrahendi genus, cum juri est maxime consonum, tum ab usura alienissimum est; sicut indecimarum jure omnes agnoscunt.

3. Usuræ quidem ratio, ac malitia in eo sita est, quod fructus annuus quaratur ex usu pecuniæ, aut alius rei consumptibilis, quæ per se diuturnum usum prærio æstimabilem non capit, & fructum non parit, ut l. v. c. y. videmus. At qui usufructum, censum, aut annuum redditum emit ex prædio, quod per se fructum annuum parit; nonne legitimum jus in verum fructum emit, quod ab usura abest quam longissime? Id unum in praxi refert videre, num vera usufructus ejusmodi emptio, an simulatio fiat. Si cum pecunia cuiuspiam traditur, qui prædia, aut domus annui census idoneas habet, vere non vendatur, nec ematur usufructus annuus, qui vendi, & emi posset; sed fructus quaratur ex pecunia, cui cavendæ prædia, vel domus obligentur; tum non census, sed usura contrahetur. Antiquis Romanorum temporibus, cum hac una ratione creditoribus bonæ obligarentur, vel etiam prædia traderentur, ut eorum fructibus creditor pro usura uteretur, quemadmodum pluribus testimoniis probat Salmasius de Modo Usurarum c. 12. & seqq., nihil mirum si SS. Patres nullos census veros noscentes, omnes ejusmodi contractus usuræ damna-

runt. Vitium usuræ non in vero censu collocarunt, sed quia verus census non emebatur. Si veri autem census fuissent empti, ut posterioribus temporibus inducitur fuit; nihil usuræ illi reprehendissent, sicut nec in censuum, seu usufructuum legatis reprehendere. Pontifices autem, Theologi, & Canonistæ, cum censum, annuumque redditum probarent, veram veri usufructus emptio- nem probarent; nec ideo hi contractus usuræ damnari queunt. Salmasius in disquisitione de muruo p. 337. emphyteusim veterum, qua domino retento fundus cuiuspiam tradebatur, cum usufructu sub annua pensione, vel canone sibi solvendo, exemplar fuisse affirmat reddituum, annuorum, aliorumque similium contractuum, qui postea induciti fuerunt: *Constat ad emphyteusicos exemplar formatam fuisse, & ab emphyteusi originem duxisse omnia illa contractuum genera, quæ barbarico seculo imperii, partim in Ecclesiis introducta sunt, partim in vitam civilem, precariarum, libelliarum, censuum, reddituum.* Non ergo inane, aut sœneratii contractus haberi possunt, qui emphyteusi contractui reali, nec sœneratio similes sunt. Quod si emphyteusim Salmasius non damnaverit sœneris, quid annuos redditus, aut census inde profectos damnarit? Nonne vel hinc apparet hallucinatio? Num ut usura Catholicis impingatur, contractus, qui vel per ipsum ab usura discrepant, usuræ damnandi sunt? Idem est de emptione domus, vel prædii, cum pacto retrovendendi in venditoris gratiam, quam etsi Noodt usuræ palli accenseat lib. 1. de Sœnere c. 12., fatetur tamen vindicari non male quoad juris subtilitatem, si nimirum recte, & sincere vera emptio fiat, quam solam Catholici approbant. Si autem in praxi simuletur, concedam *usurarium fore contractum, qui latet sub colore emptionis, & venditionis*: at id non pro-

Torum confirmatus ex Salmasio.

Cantio pro vero oculis discernendo.

Et ex No. odt.

SS. Patres quid damnaverint.



havit inquam Ecclesia, sed fraudis porius, ac vitii damnavit, & damnat.

4. Verum cum Salmasius redditus annuos usuræ damnavit eos, qui e pecunia alieni data sine ullius veri ususfructus emtione exiguntur, eundem veras usuras, non autem veros census intelligere, palam colligitur ex lib. 3. de Fœnore Trapezitico pag. 77., ubi eorum reddituum formam a Canonistis inductam explicat his verbis: *Reddituum annuorum jam apud veteres aliquem fuit vestigium, cum pecunia summam testamento multi certis corporibus, & collegiis relinquere, ex cujus redditu quotannis natali suo epulam, aut propinationem decurionibus collegiis præberi velent, non rei fructiferæ solum fieri &c.* Sors ejus pecunia manebat semper per eos, quibus erat legata ea conditione. Ad eorum reddituum exemplar (sic enim inscriptiones veteres Latina ubique eos nominant, ut Græci προσόδου) annuorum reddituum forma constituta est. Quorum hac est ratio, ut quandiu sortem retinere velis debitor, dum usuram præstat, non possit eam ab invito repetere creditor, ita ut etiam ad heredes debitoris transeat. Subdit porro exemplum ex Novella 160., in qua hic casus Justiniano propositus fuit. Cum magna auri summa Aphrodisiensium Reipublicæ ex legatis quorundam relicta fuisset, magnates ejus civitatis eam pecuniam, ne periret, apud privatos collocarunt, ea conditione, ut quandiu ipsis liberet, etiam in perpetuum tenerent pecuniam, dum quotannis, quandiu apud ipsos maner, certam pensionem solverent, quam alii fructum, alii redditum, alii usuram appellabant. Quia vero nova Justiniani Constitutione cautum fuerat, ut in usurarum præstatione, ubi ex etiam quotannis solutæ sortem æquassent, non amplius penderentur; quæstio tunc mota est, num hic casus comprehenderetur, ita ut

vel sors exigenda esset ab illis, qui pensionem solverunt, & apud alios collocanda, quod contra pactum videtur fuisse; vel otiosa apud priorem debitorem esset relinquenda, quod cessisset in Reipublicæ damnum. Rescripsit Imperator, hunc, aut similem casum ea Constitutione nequamquam comprehendi, *siquidem hoc magis annuo redditui, quam usura præstationi simile videretur.* Non igitur valere ait legem illam, quæ de usuris propriè dictis, non autem de annuo redditu sanxerat. Ita casum hunc, velut peculiarem, & extrinsecum nomine redditus excipiens, Constitutionem de usuris factam testam adhuc servari Imperator prætulit. At annuus hic redditus, cum non rei fructiferæ, sed pecuniæ redditus esset, qui re ab usura nihilum discrepat, ut liquet ex L. 24. D. de Præscrip. verbor., & L. 30. D. de adimendis legatis; frustra Justinianus peculiarem exceptionem allegavit. Post hæc autem Salmasius pag. 79. *Haber formam, inquit, vestrorum reddituum, plane non illo themate adumbratam lineis tantum, sed expressam omnibus suis coloribus.* Si nostris annuis redditibus nihil usufructuarii juris e rebus fructiferis emeretur, sed merus exigeretur pecunia fructus, qualem veram usuram esse & inscriptiones testantur, & Patres docuere (unde illud S. Hieronimi in Ps. 14. n. 15. *Pecuniam suam in redditum composis*, ubi usuram hoc redditus nomine designat, & damnat,) jure a Salmasio hujusmodi redditus antiquis illis similes usuræ damarentur. At non hoc annuorum reddituum, aut census genus probarunt Pontifices, non Canonistæ, non Theologi, qui eam legitimi census naturam posuerunt, ut e re fructifera certus ususfructus legitimis conditionibus ematur, quod cum ab eo antiquorum vere usurario redditu longissime discrepat, tum vero injuria prorsus usuræ accensetur.

## §. III.

*De aliis contractibus usuram pallio  
tegentibus. Hoc cum Catholicis  
quidam defendunt, adver-  
sariis non favent.*

5. **A**qui, urgebis, alii Theolo-  
logi, vel Canonistæ quas-  
dam annui redditus species invexe-  
re, aut alios contractus, qui a pec-  
cuniarum redditu, atque usura re ipsa  
discrepare non videntur, nimirum  
reales, aut personales census utrin-  
que redimibiles, tres contractus :  
& ne quem casum usuræ expositum  
relinquant, contractum aliquem im-  
plicitum pro conditione ejus, cui  
pecunia traditur, alium, atque al-  
ium, voluntate quadam impli-  
cita, semper iniri contendunt, ut  
ne mutuum, & usura unquam com-  
mittatur, nisi a scientibus, atque  
volentibus. Hinc nulla unquam in  
praxi usura reperitur, nisi ubi mo-  
dus lucri excedatur. Hic autem pul-  
cher fucus est, inquiunt adversarii,  
ne contra veritatem usura recipi cre-  
datur, quæ tamen re ab hisce con-  
tractibus, vel commentitiis, vel in  
mutuum recidentibus, haudquaquam  
separari potest. Id porro augent,  
vel confirmant ex nonnullorum Ec-  
clesiasticorum praxi, qui sub hisce  
coloribus usuram, quam detestantur,  
præfice exercent, adeo ut illud Co-  
mici in hos regerant : *Culpant, &  
comedunt tamen*. Nec desunt, qui  
Ecclesiæ silentium afferant, quæ dum  
hæc jamdum scit, nec damnat, pro-  
bare videtur, ac ita renunciare quo-  
dammodo rigori illi veteri, quo  
nihil usuræ patiebatur. Publum ar-  
gumentum, quod etsi Catholicis qui-  
dem istis Theologis pudori, & coer-  
citioni esse deberet, adversariis  
tamen nihil profit.

6. De meris usurariis factis, si  
quæ vere etiam ab Ecclesiasticis us-  
uram damnantibus patrentur, ni-  
hil laborandum hoc loco est: cum  
in casibus ejusmodi illud Evange-

licum valeat : *Quod dicunt facite :  
secundum opera vero eorum nolite fa-  
cere*. Ex quibus Augustinus Enar-  
in Ps. 118. n. 5. obicientibus, Cle-  
rici non sanerent, respondit : *Fortè  
qui tibi loquitur, non sanerat. Sed  
si sanerat, & facis, quia & ipse  
sanerat, nunquid sanerat, qui per  
ipsum loquitur ? Si facit quod tibi  
dicit, & tu non facis ; tu in ignem,  
ille in regnum. Si non facit, quod  
tibi dicit, & pariter facit mala,  
qua facis, & dicit bona, qua non  
facit, pariter in ignem. Fanum ar-  
debit, verbum autem Domini manet  
in æternum*.

7. Doctrinam porro, qua hæc  
usuraria facta variis controversiis,  
& e mentitis, si placet, contractibus  
ab ulura quidam ex iisdem Theo-  
logis vindicare nituntur, nihil in  
adversariorum errorem conferre li-  
quet. Quotquot enim ex Catholicis  
ejusmodi contractuum praxim de-  
fendunt, omnes tanquam dogma-  
tici consueverunt, usuram quamlibet  
esse peccatum, nec alia de causa  
lucrum ex iisdem contractibus exa-  
ctum opinantur licere, nisi quia  
usuram in illis esse non credunt,  
propterea quod hæc ex solo mutuo  
nascitur, alios autem a mutuo con-  
tractus eos vere esse opinantur. Hal-  
lucinantur quidem hi, ut alii Theo-  
logi ostendunt ; at quando sic hal-  
lucinantur, sicut usuram probare  
dici nequeunt, quam maxime re-  
proband, ita nec ab adversariis in  
suas partes traduci queunt. Duo  
hic distinguenda sunt, principium fi-  
dei, quo de usuræ malitia statui-  
tur, & peculiare præfice contro-  
versæ, quibus quaritur, utrum ca-  
sus aliqui usurarii sint, nec ne. In  
principio fidei omnes Catholicis con-  
venerunt semper, atque conveniunt.  
Solum in casibus præfice discrepant,  
cum alii mutuum, & usuram non  
videant, ubi alii probabilis vident  
utrumque. Nobis hic propositum  
non est hos casus ad calculos revo-  
care, & pallium detegere : solum

culm

enim principium statuendum, & Ecclesię dogma vindicandum sumimus. Conveniamus primum in ipso principio, sine quo frustra de calibus practicis decidetur.

8. Ceterum si eorum Catholicorum, qui usuram in memoratis contractibus negant, placet auctoritas; hæc non in usuram vindicandam, sed in condemnandam confert. Cum enim usuram idcirco negent iis in contractibus, quos licitos putant, quia illam enim Catholicis ceteris malam fatentur; qui fieri potest, ut pro vindicanda usura eorum auctoritas allegetur? Accidit hæc in re, quod in simonia. Qui enim casus quosdam forte etiam simoniacos purgare nolunt, simoniam ab iis ablegare student. Id autem si etiam perperam faciant, num simoniæ asseriores dici queunt? Neque refert, quod illi contractus ab aliis usuræ damnentur. Quando enim alii absolvent illos ab usura, alii autem damnant, omnes in principio conspirantes, usuram profitentur malam: idque commune, & constans suscipiendum est, ut ne quis ulla ex particulari controversia traduci possit ad vindicandum, quod tam diserte condemnatum præsumit. Ex eo principio ab omnibus Catholicis asserto dijudicandi sunt particulares casus practici, & malæ opiniones emendandæ; non autem ex practicis casibus, vel opinionibus ipsum certissimum principium subvertendum, aut in dubium revocandum est.

## §. I V.

*De Ecclesia silentio, quod approbatum tribuitur. Ea satis locuta, contractus ejusmodi reprobasse, aut certe non approbasse ostenditur.*

9. Quid autem de Ecclesię silentio, aut dissimulatione, quę approbatio videri possit, additum

fuit, est vulgaris quidem, at im- peritorum objectio. Nam præterquamquod non semper silentium est approbatum; satis hæc in parte pro temporum occasionibus locuta est Ecclesia, & ita locuta, ut Ecclesię vocem audientibus, ac intelligentibus, satis inde suppetat, unde pallium omne usurę dignoscens, praxim tute dirigere possint. Primum enim jamdiu a Nicęni tempore omnem usurariam *ad inventionem* proscriptum, qua certe fraudes simulatorum contractuum, e. g. societatis sine periculo iniurę, Balsamone, & Zonara interpretantibus, inducitur fuerant. Scipius porro deinceps, ne contractus in *usurarum fraudem* fierent, variis canonibus vetitum fuit. Vide Synodum Pictaviensem an. 1180. c. 6., Avenionensem an. 1181. can. 11., Meduensem an. 1199. art. 9., Concilium Ravennatense quartum, Bononiæ celebratum an. 1317. c. 15. &c. Expresse autem sublati a Summis Pontificibus contractus mohatra, antichrisi, cambia secca, deposita, etiam apud mercatores, cum annuo redditu, tanquam contractus in usurarum fraudem conficti.

10. Legitima annuorum reddituum, ac censuum forma a Pio V. prescripta est, in qua solo reali censu probato, si non omnes præstitutę conditiones ad hujus contractus substantiam necessarię sint, non tamen ita omnes contemnendę, & abjiciendę, ut contractus in mutuum redeat, & usurę fraudi sit. Hinc usura in *emtionibus annuorum censuum, & reddituum*, qui scilicet recidunt in mutuum, damnantur aliquot Synodi, Osnaburgensis an. 1628. part. 1. c. 4., Mendenis an. 1631. part. 2. decreto 3., & alię. Inter cetera autem, cum in censu utrinque redimibili pactum, quo cogi possit debitor ad redimendum censum, & restituendum pecuniam, eod recurat, ut pecunia emtionis nomine, data fuerit cum restitutionis obligatione, quod essentiale mutui est;

cx

ex hoc pacto ab omnibus Pontificibus excluso, qui sola redimendi facultate venditori relicta, censum perpetuum ex parte emtoris requirere, contractum ejusmodi in mutuum recidere, ac in usurarum fraudem initum plures Episcopi declararunt, præsertim Clerus Gallicanus an. 1700. in proscribenda propositione 58., cui jamdiu præve- rat S. Carolus in Concilio Provinciali I. part. 2. tit. de Usuris, usurarias contractibus accensens contractus emtionis, ubi venditor redimere cogatur. Vide, si plura desideras, Opusculum De Montibus pietatis cap. 3.

11. Sixtus V. damnavit veluti usurarias societates cum duplici assecuratione fortis, ac lucri: & in hac condemnatione tres contractus ab eodem Pontifice condemnatos plures Synodi etiam novissime testatæ sunt, Hispanensis an. 1716. part. 1. c. 6. §. 4. n. 3., Umbriaticensis an. 1720. tit. 9. n. 9. &c., unde alii subinde Episcopi & Hispani, & Galli, & Germani, & Itali eundem contractum reprobant. Confer Opusculum de pecunia in negotiationem tradenda.

12. Gregorius XIII. a Bavarix Duce interrogatus de quodam contractu in Germania passim usitato, quem plures alius contractus saltem impliciti nomine vindicare student, eundem damnavit usuræ hac ratione, quia ad aliam speciem, quam mutui redigi nequit: *Contractus, forma, & modo prædictis celebratur, usurarius est; neque enim ad aliam speciem, quam mutui cum conventionis lucri ex eodem mutuo percepti reduci potest.* In quo cujusvis impliciti contractus commentum reprobatur: neque enim solum ait eum contractum, qui traditionem pecuniæ cum obligatione restitutionis præferebat, non aliud esse quam mutuum, sed affirmat præterea, ad aliud reduci non posse; quod idem est ac dicere, nullum aliud con-

tractum implicitum census, societatis &c. posse dici eum, qui substantiam mutui apertissime profert. Casus, quos aliquo implicito contractu auctores quidam defendunt, haud dissimiles sunt: neque enim contractui implicito indigent, nisi qui mutui formam, ac substantiam exhibent. Omnia & deposita, & cambia sicca, & ceteri omnes contractus ab Apostolica Sede, vel Sanctis Patribus damnati, hac impliciti contractus excusatione, quæ æque semper præsto fuit, æque purgari potuissent, uti sane omnes nunc ab istis auctoribus hoc nomine purgantur. Contra hanc igitur novitiam, inventionem omnes Patres, & Apostolica Sedes reclamant. Plura in hanc rem disputata invenies in Opusculo De inani contractuum implicitorum systemate.

13. Pro aliis autem casibus, qui forte ex decretis iam indicatis non videantur omnino definiti, regula generalis de dubiis contractibus vivandis ab Episcopis, & Synodis præfixa satis esse deberet. Hic solum appendam verba celeberrimæ Synodi Farsensis Cardinale Carolo Barberino habetæ an. 1685, ubi c. 14. de usuris, & illicitis contractibus, nullæ negotiationes de usura suspectæ a Confessariis permittendæ traduntur, nisi post exactum studium, & peritorum etiam, si opus fuerit, consilium, eas legitimas, permissasque esse certo constiterit. Similia leguntur in Synodo Sinblacensi tit. 3. pag. 296., & in Senogallensi an. 1737. c. 47. p. 94., & alibi.

14. Hæ autem voces Episcoporum, Synodorum, Summoniorum Pontificum, voces Ecclesiæ sunt, quæ si non satis esse videantur ad omnes controversas inter Catholicos questiones plane finiendas, casusque dirimendos, apertiorque in id, atque expressior declaratio desideretur; satis tamen, superque sunt ad os adversariorum ocludendum, ne Ecclesiæ, scilicet, dissimulare, & quæ a qui-

Hoc documentum est  
ms. edum  
in fine hujus  
opetis lege-  
tur.

beſdam laxius docentur, approbare dicatur, quod ad propoſitam objectionem refellendam ſufficit.

## CONCLUSIO.

**A** Cum jam nobis de naturali jure, ſed ita actum, ut, quod pluries monui, ſiquem non convincant, quæ jus naturale ſtatuunt, non ideo negandum ſit divinum illud jus, quod & Scriptura, & Traditione, & Conciliis, & Pontificibus, uno verbo, Catholica fide docente certum eſt. Satis hoc eſſe Catholico debet, cum & ratio ſæpe in ipſo naturali jure non attingat quæcunque divino jure mala traduntur, & divinum jus prohibere potuerit, quæ naturali jure verita non ſunt. Licet ergo rationes adverſus uſuram a nobis propoſitæ non omnino videantur evidentes, quæ autem pro uſura objectæ animum movent, non omnino ſolventur judicentur; ſicut id nihil juvaſſet ad excuſandos Hebræos, quibus divinum jus uſuras prohibens certum erat; ita nec prodeſſe poteſt Chriſtianis, quibus idem jus certum, & exploratum eſt, ut

ex ipſis Sa'maſii verbis audivimus. Huic ergo divino juri cedendum, ſi naturale jus non ſatis convincat; & ita non præjudicio vulgari, ſed Eccleſiæ, ſed Catholico dogmati, ſed Deo ipſi præcipienti cedetur. Hoc Dei præceptum Patres inculcarunt frequentius, quam rationes ullas; & ea præſertim occaſione inculcarunt expreſſius, cum durum rationi videretur uſuram prohiberi. *Nolo fitis funeratores*, inquit S. Auguſtinus in Pl. 36. n. 16., *& ideo nolo, quia Deus non vult. Nam ſi ego nolo, & Deus vult, agite: ſi autem Deus non vult, etiamſi ego vellem, malo ſuo ageret, qui ageret.* Soli pertinaces hæretici, qui proprio ingenio magis, quam Scripturis, Traditioni, atque Eccleſiæ ſidunt, reſiſtere poterunt; qui autem ſacræ auctoritati deferentes, Dei præceptum agnoſcent, quod ex eadem auctoritate evidentiffime liquet, quidquid difficultatis a ratione fortaiſſis incidet, Deo præcipienti ſubmittent: nam, ut Auguſtinus itidem monuit lib. 16. de Civitate Dei c. 31., *Divino intonante præcepto, obſervandum, non diſputandum.*

Et recipimus  
lib. 11.  
c. 6.

## F I N I S.



# GREGORII XIII.

R E S C R I P T U M

CUM DECRETO IN MATERIE USURARUM  
AD GUILLELMUM BAVARIÆ DUCEM

Ex Mss. S. Caroli in Ambrosiana Mediolanensi  
servatis editum , & cum Vaticano ejusdem  
Pontificis Regesto collatum, & emendatum :  
additis observationibus pro controversiis  
præsentibus circa usuram .







Gregorii XIII. Summi Pontificis Epistolam ad Guillelmum Bavarix Ducem, quæ cum insignem de casu usurario definitionem Apostolicam

contineat, sæpius a nobis allegata fuit, hic e Mss. subiiciendam recepimus. Primam ejus notitiam habuimus ex transmissio ad nos Indice Manuscriptorum S. Caroli Borromæi, quæ in Ambrosiana Mediolanensi Bibliotheca servantur. Nam verbo *Usura* hæc leguntur: *Usura, o risposta del Papa al Duca di Baviera circa al non concedere li contratti coll' interesse del cinque per cento a titolo d' imprestito*, tom. 18. part. 1. Lett. 94. Loco autem his verbis indicato legitur primo: *Capitulum literarum Doctoris Martini Dumii* diei 29. Septembris an. 1581. ad Joannem Franciscum Bonomum Episcopum Vercellensem, qui S. Carolo intimus, per id tempus Apostolicum Nuntium in Germania agebat. Martinus autem Dumius erat Theologus, & a Consiliis memorati Ducis, uti colligitur ex ejusdem Ducis Epistola ad S. Carolum, quæ continetur in iisdem Mss. tom. 19. part. 5. n. 28., ubi hæc habentur: *Loquentur literæ Reverendi Viri nobis in primis dilecti & fideles Theologi & Consilarii nostri Martini Dumii*. Ex laudato auctem literarum hujus Theologi capitulo cognoscitur, Bavarix Ducem, forte ex consilio ejusdem Dumii, Gregorio XIII. proposuisse casum apud Germanos frequentem, qui in usuræ suspicionem vocabatur.

Quantæ autem curæ hoc negotium Guillelmo fuerit, exploratum fit ex aliis literis, quæ in iisdem Mss. leguntur; quarumque authenticum exemplar V. Cl. Nicolai Sormani Bibliothecæ Ambrosianæ Doctoris diligentia ad nos transmissum fuit. P. Gaspar Heyboldus (aliquando Hilvodus dicitur) Soc. Jesu Theologus Anglus, veluti totius negotii procurator, cum ejusdem Ducis literis Romam ad Summum Pontificem missus fuit. Hoc in itinere alias ejusdem Ducis literas Mediolani S. Carolo tradidit, ut is eam in rem facilius expediendam suam quoque operam interponeret. Itaque datæ fuerunt a S. Carolo literæ ad Cæsarem Spetianum, qui ipsius negotia Romæ tum procurabat, ut in ea re apud Pontificem ejusdem S. Archiepiscopi nomine ageret. Primum harum S. Caroli literarum originale (informationem, vulgo *Minuta* appellant; cujusmodi fere sunt, quæ in memoratis Mss. continentur) notatione temporis caret. At cum ex Epistola Ducis Bavarix mox alleganda, & scripta die 8. Februarii an. 1581. liqueat, hanc S. Caroli, & Hilvodi colloctionem *superioribus mensibus* fuisse habitam; excurte saltem an. 1580. S. Carolus ad Spetianum scripsit.

Rei examen doctissimis viris a Pontifice commissum. Nam hac occasione, vel causa habita fuerit *ca. multorum, & doctissimorum Theologorum consultatio*, quam anno quidem 1581. de usurariis contractibus Romæ se præsentem habitam, memorat P. Valentia, ignotum mihi est. Interim non modo examen, sed & definitionem casus Theologis quib.

Tom. 17.  
part. 2. n.  
244.

Tom. 9.  
Disp. 24.  
punct. 2. &  
disp. 25.  
punct. 2.

bussdam commissam a Pontifice, Duci Guillelmo nunciatum fuit. Hæc de causa is ad S. Carolum literas dedit, quarum nuper meminimus, in quibus se non Theologorum, sed ipsius Pontificis iudicium efflagitat: *In hoc enim unice laboramus, ut Summus Ecclesia Pastor de Fratrum Cardinalium consensu, atque sententia authenticè pronuntiis, quid de istius usura genere per universum sentiendum sit; atque nullo animæ discrimine, aut conscientia scrupulo in usu ponendum.* Hanc Guillelmi Epistolam S. Carolus statim ad Speriannum Romam misit his verbis: *Vi mando copia d' una lettera scrittami dal Sig. Duca di Baviera, nella quale vedrete il desiderio suo di quel negozio delle usure, di che già vi scrissi con l' occasione di quel P. Gesuita Inglese mandato così per questo effetto, sia terminato da N. Signore stesso col consiglio de' Cardinali, e non commesso ad altri; onde mi parrebbe, che fosse bene, che sua Beatitudine consolasse in ciò questo Principe, il qual' è di tanta pietà, che merita che S. Beatitudine abbia molto a cuore e questo particolare, nel quale egli preme tanto, e tutti gli altri suoi negozj. Parlatene dunque in mio nome a N. Signore, ed avvisatemi poi quel che avrà risposto, perchè io possa rispondere alle sue lettere.*

Tom. 18.  
part. 2. ep.  
144

Speriannus mandata executus, die 16. Martii an. 1581. ad S. Carolum referipit: *Sua Santità bebbe copia del capitolo della lettera, che scrive a V. S. Illustrissima il Signor Duca di Baviera intorno alle materie delli contratti usurarii, e mi disse, che si era data a studiare a Gesuiti, non perchè essi la desiderassero, & che si era data aneb' ad altri; (en examen doctissimi viris commissum, de quo in rescripto Pontificio mentio fiet;)* Ma S. Santità vuol essa dirbiararla, secondo che sarà di giustizia, e più servizio di Dio. Hæc statim S. Carolus Guillelmo significavit; is autem hæc spe

illectus eidem gratias egit per literas die 5. Maji an. 1581., ex quibus hæc verba referre sufficit: *Quam nobis omnia plane de Dilectionis Vestra in nos animo promittere possumus, cum aliis multis argumentis, tum ex eo quoque abunde licet colligere, quod illa vix dum accepto de usura negotio responso, ad nos illud amantissimis sane verbis præscripsit, de quo Dilectioni Vestra gratias merito summas agimus, expellamusque. quid suo tempore de eo S. Pontifex statuendum proponet, a quo vel latum unguem recedere, quemadmodum per se fieri non esset, ita nunquam certe sumus recessuri.* Ita apud Catholicos Principes Apostolicæ Sedis definitiones, etiam circa honestatem contractuum, supremæ auctoritatis sunt.

Non multo post, nimirum die 27. Maji anni ejusdem, expetita casus definitio ab ipso Pontifice lata, & ad Duem missa fuit; idemque Pontifex Casari Sperianno hoc ipsum significavit; unde is in literis ad S. Carolum die 3. Junii scriptis: *Mi disse Sua Santità, che aveva mandato al Duca di Baviera la risoluzione delli dubbj proposti, a nome suo (id est non Theologorum, ut Duci iam relatum fuerat, sed ipsius Pontificis auctoritate, & nomine) me non in Bolla, o Breve. Hæc postrema verba innuunt, definitionem Apostolicam, non Apostolicis literis fuisse inferram, sed casui proposito subjectam, & separato scriptam folio, ut ex ipso monumento inferius subiiciendo constabit.*

Interim cum ante hujus definitionis tempus P. Gaspar Hilvodus a novo Præposito Generali Anglicanis Missionibus destinatus, re infecta in Bavariam redisset; Guillelmus Dux aliam Epistolam ad S. Carolum scripsit, quæ cum præclaram ejus curam, & sollicitudinem manifestet, tota hoc loco describenda visa est. Extra. Reverendissimo in Christo Patri, & Illustrissimo Dilectissimo Carolo Burmanno S. Romana Ecclesia.

Tom. 18.  
part. 2. ep.  
145

Tom. 11.  
part. 2. c. p.  
73.

clesia Presbytero Cardinali Archiepiscopo Mediolanen. Domino & Amico nostro honoratissimo. Intus vero. Reverendissime in Christo Pater & Illustriss. Domine Amice honoratissime salutem, & gratificandi studium perpetuum. Spem, qua a Reverendiss. & Illustriss. Vestra Dil. facta nobis erat, fore nimirum, ut Sanctissimus D. N. mutui ad quinque pro centum rationes, & conditiones securas præscriberet, certam equidem apud nos fovimus, nihil dubitantes, etiamsi mora aliqua intercederet, ipsum tamen, qui negotium nostro nomine in Urbe proposuerat, Doctorem Heyvandum Anglum Societatis Jesu certam aliquam ejus definitionem secum allaturum. Verum is, jam post longam nostram expectationem, vacuus ad nos rediit, Anglicana professioni a Generali suo Praeposito novo cum aliis quibusdam destinatus, nihil admodum, ferens certi, quid ad rei eventum pertineat. Itaque cum causa illa sit ad nostram conscientiam, populorumque nostrorum salutem, & securitatem maxime spectans, non possumus non hortari amicissimo studio Reverendissimam, & Illustriss. Vestram. Dilectionem, ut ne animum ab ea promovenda, perurgendaque retrahat, aut remittat, sed opportune potius importuneque instando id efficere libenter velit, ut in re a nobis quidem pie & solite quaesita, ab aliis multis neglecta, opem, consolationemque accipiamus primo quoque tempore. Pendunt enim ab ea, qua nostri sunt, suditorumque nostrorum summi momenti. Id quod facile intelliget pro sua pietate Reverendissima & Illustriss. Vestra Dil., cui felicitatem omnem precamur ex animo.

Datum Monachii 12. Junii Anno 1581.

Guillelmus Dei gratia Comes Palatinus Rheni Utriusque, Bavaria Dux &c.

Post scriptum putamus Reverendissime, & Illustriss. in Christo Pater Domine Amice honoratissime ad causam hujus apud S. D. N. tractandæ eventus meliores nonnihil referre, si prospectum haberet, quibus ea verbis Sua Sanctitati fuerit proposita. Itaque rem illam totam scripto comprehensam hic mittimus, iterum atque iterum rogantes peramanter, ut efficere velit, quo ad ista proposita dilucide & aperte respondeatur, & determinetur. Dat. ut in literis.

Hæc Ducis Epistola scripta die 12. Junii, S. Carolo tradita fuit postquam is memoratis Germanici casus definitionem a Pontifice ad eundem Ducem missam ex supra laudatis Spetiani literis acceperat. Quare hæc ad Spetianum scripsit die 12. Julii an. 1581. Vi mando una lettera del Duca di Baviera intorno a quel negotio delle usure, se bene è già spedito, acciò vediate quanto gli premea, che si venisse a questa risoluzione. Hoc novum ipsius S. Caroli testimonium definitionem Apostolicam indubiam facit: cui addendum & alterum insignis ex alia ejusdem Sancti Epistola ad ipsum Bavariæ Ducem Guillelmum his verbis: De usura negotio Summus Pontifex ei, qui meas rationes Roma procurat, superioribus diebus jussit, ut mihi significaret jam ad Celsitudinem Vestram decisionem missam fuisse. Itaque nihil est, cur amplius in hac re operam meam interponam.

Tandem Guillelmo Duci Apostolicæ literæ cum Apostolica sententia redditæ fuerunt. Martinus Dumijs ejusdem Ducis Theologus earum literarum, ac sententiæ excerptum ad Joannem Franeiscum Bononum Vercellensem Episcopum, qui tum erat in Germania Apostolicæ Sedis Nuntius, transmisit. In Epistola autem ad eundem indicæ magnum conatum a nonnullis fuisse adhibitum, ut ipsissimum Principem

a præ-

Tom. 11.  
part. 2. c. p.  
127.

Tom. 11.  
part. 1. c. p.  
10.

Tom. 11.  
part. 1. num.  
24

a præclaris cæptis removerent, indeinque Dumio irascebantur, quod eum tanti moliminis auctorem, ac incenctorem putarent: *Relle & in tempore monuit Reverendissima Vestra, & Illustriss. Dominatio in causa usurarum. Vix enim ea, qua suggerat, cum Domino Duce contuleram, quin statim superveniret ille, cujus mentionem in suis literis fecerat, qui sane omnem movit lapidem, ut pissimi Principis animum a suo proposito deterreret. Sed frustra laboravit. & quis ipse, & alii sui Ordinis homines existimant me in causa esse, nihil de me pacifice loqui possunt. Spero autem futurum, ut viri isti, alioquin religiosi, & optime de Republica Christiana meriti, videant, quam periculosa sit illorum hac in re sententia. Respicit Apostolicam definitionem, quæ illorum opinioni adversabatur; unde subdit: Quid Pontifex de hoc negotio ad Serenissimum Ducem scripserit, ex adjunctis copiis Reverendissima & Vestra Illustriss. Dominatio intelliget.*

Has itaque copias Nuntio transmissit Dumius, ac idcirco his Dumii literis Apostolicæ Epistolæ, & definitionis ad ipsum Bavarie Ducem traditæ exemplar in Manuscripto subijcitur. Tandem sequitur capitulum ipsius Nuntii Epistolæ ad eundem Doctorem Dumium, ex quo discimus, rem secreto Romæ tractatam, ut in Germania haud sciretur, qua vere Patrum fuisset in Congregatione illa communis sententia, aut deliberatio. Hinc autem & Congregationem Patrum Romæ habitam, & communem eorundem fuisse sententiam, etsi de ea forte in Germania dubitaretur, aperte colligimus. Addit porro causam, cur Pontifex Apostolicam sententiam in Bullæ, aut Universalis legis rationem (ut Ducis desiderium erat) expr. mere noluit: Ex rescripti Pontificii, quam misisti, formula, mihi visus sum cognoscere, illius Sanctitatem noluisse de quæsto illo, tanquam satis a-

perito, atque indubitabili legem concedere. Non incerta igitur, nec dubia res habebatur, quæ expressam, & generalem decisionem, ac legem flagitare crederetur. Id autem Apostolici rescripti vim hac in re nihilum minuit, sed potius adauget: ita ut de re evidenti dubitet, si quis de re definita dubitare velit. Neque rescripti forma ad singularem Ducem, quempiam moveat. Aliquid ab Apostolica Sede decretum, aut definitum scire sufficit, quocunque modo, quacunque formula fiat, ut cuilibet Christiano parendum sit: neque enim huic, vel illi verborum formæ Christi Apostolicæ Sedis auctoritatem alligavit, sed dignitati ipsius Sedis, atque Pontificis, qui proinde interrogatus de fidei vel morum doctrina, non ex privato sensu, sed ex officio pascendi, atque ex auctoritate Sedis respondet. Opinio nonnullorum, quæ ad Apostolicam definitionem universalem Bullam requirit, inaudita est antiquis omnibus, qui Apostolicas literas, seu rescripta Innocentii ad Africanos, Leonis ad Flavianum, aut aliorum Pontificum, non ad omnes, sed ad aliquos, prout quæstio exigebat, directæ, pro Sedis Apostolicæ definitione habuere. In præsentī casu sententiam, & decretum, utique Apostolicum, ipse Gregorius Pontifex hoc documentum appellat, a quo nulla ratione discedatur, sic enim salutē providetur: ac si alias certum salutis æternæ periculum sit.

Dumius in memoratis literis Nuntium rogaverat, ut Apostolici rescripti, & decreti exemplum S. Carolo communicaret. Ex literis autem ipsius Nuntii ad Dumium id factum liquet, ita ut & capitulum literarum ejusdem Dumii ad se, nec non responsum suam ad ipsum Dumium Nuntius præterea addiderit, qualia in Ms. Ambrosiano continentur. Charta quidem, ubi hæc ibidem descripta sunt, a quibus signo

notata, peregrina, & Germanica proditur: character item Amanuensis, vel Secretarii, qui scripsit, peregrinus est; unde error aliquis ex originali Vaticano corrigendus, ex scriptoris lapsu, hoc in exemplo deprehenditur. Sic etiam *Dumius* pro eo quod *Dufinus* in inscriptione capitulorum legitur, ex authentica ipsius Bavariae Ducis Epistola, quae *Dumium*, non *Dufinum* aperte praefert, scribendum credidimus.

Hæc tota est documenti huius historia; ex qua patet cur hæ Apostolicæ literæ, & hæc casus Germanici definitio, una cum *Dumii*, & Episcopi Vercellensis Apostolici in Germania Nuntii capitulis, inter Manuscripta S. Caroli inveniantur. Quæ Manuscripta, cum a S. Carolo legata fuissent ipsi Joanni Francisco Bonomo Episcopo Vercellensi, post huius mortem in Ambrosianam Bibliothecam traducta, & in varios libros collecta, auctore, & Bibliothecario *Julio Casare Bonomio* huius notationibus identidem distinguuntur:

pagellæ autem, quæ præsentem Gregorii XIII. Epistolam, ac definitionem continent, duplici ejusdem Bononii notatione signantur. In margine enim Pontificiæ Epistolæ ejus Bononii manuscriptum legitur: *At Signor Duca di Baviera, come si dice abbasso*: & in fine paginæ alia ejusdem manus notatio, quam collatione characterum cum aliis certis ejusdem Bibliothecarii literis Angelus Antonius Bonavia literarum peritus restatus est. Nunc appendam ipsum exemplar Epistolæ, & definitionis Apostolicæ. Epistola quidem Pontificia alicubi corrigitur ex Vaticanis Regestis ejusdem Gregorii XIII., cum quibus collata fuit: unde hoc documentum authenticum esse magis magisque confirmatur. Definitio autem Apostolica, etsi indicata in literis, non tamen iisdem, ut paulo ante monuimus, inserta fuit; sed ipsi casui proposito subjecta, separato folio continebatur. En ipsum Apostolicum documentum.

## Gregorii XIII. literæ ad Guillelmum Ducem Bavariae.

### Gregorius PP. XIII.

**D**ilecte fili, nobilis Vir, salutem & Apostolicam benedictionem. Sæpius ad nos scripsisti, suspectum tibi vehementer esse morem istorum locorum, quinos numos in (1) centenos mutuo datos exigendi; cuperesque ex Nobis cognoscere, jure ne, ac salva conscientia id fieri possit. Optimi Principis officio functus es in suscipienda tuorum salutis cura. Rem omnem diligentissime consideravimus, doctissimosque viros adhibuimus. Sententiam ipsam Nobilitati tuæ (2) cum his literis mittimus. Mandabis igitur, ut hæc ipsa forma servetur, neve ulla ratione

(1) Ms. Ambrosian. habet *centeno*: correximus ex Regesto Vaticano.

(2) Cum pro *in*, quod in Ms. Ambros. legitur, ex eodem Vaticano Regesto emendavimus.

ne ab ea discedatur; sic enim istorum salutem providebitur magna etiam cum tua mercede, & laude. Datum Romæ apud S. Petrum sub Annulo Piscatoris Die XXVII. Maji MD.LXXXI. Pontificatus nostri anno Decimo.

*V. Ant. Buccapadulius.*

### Forma contractus in Germania passim celebrati, de quo ultima resolutio petitur.

**T**ITius in Germania pecuniam habens, eandem Sempronio cujusvis conditionis homini ad nullum certum usum, sed pro arbitrio debitoris distrahendam ea lege tradit, ut Titius ex pacto, & civili obligatione ( aliquando in iisdem literis, interdum in aliis adjicitur ) jus habeat, quamdiu eadem pecunia apud Sempronium relinquitur, accipiendi quotannis ab eodem Sempronio quinque Florenos pro singulis centenariis, & postea totam quoque summam capitalem. De tempore autem, quo restitutio capitalis fieri debeat, licet interdum aliquid certi determinetur, ut plurimum tamen nihil statuitur. Sed tam Titio, quam Sempronio plena potestas relinquitur, ut quando-cunque voluerit ( utilitate interim percepta in partem sortis non computata ) contractum rescindere possit: dummodo is, qui contractum rescindit, alterum sex menses antea præmoneat. Ex vi autem contractus, aut pacti adjecti, Titius annui lucri, aut summæ capitalis perdendæ nullum periculum subit; sed sive Sempronius fructificet, sive non, jus habet ab eo exigendi lucrum quinarium annuum pro omni centenario; & sive vivat Sempronius, sive moriatur, Titius ab illo vivente, vel illo mortuo ab ejus herede summam capitalem recuperat, nihil quod interim accepit restituens.

Decretum  
Apostolicum

*Contractus, modo, & forma prædictis celebratus, usurarius est neque enim ad aliam speciem, quam mutui, cum conventionem lucri ex eodem mutuo accepti, reduci potest; ex quo consequitur, ut per nullam consuetudinem, aut legem humanam excusari, neque ulla contrahentium etiam bona intentione defendi possit, cum sit jure divino, & naturali prohibitus: qua etiam ex causa nemini, sive diviti, sive pauperi, & quantumvis miserabili personæ hujusmodi contractum celebrare, lucrumque ex illo acquirere, aut retinere licet.*

*Si tamen in Germania aliquis est contractus, in quo quinque pro centum accipiuntur, aliis forma, & modo a prædictis celebr-*

*celebratus; non per hæc tamen damnare, aut probare intendimus, donec specialiter fiat de eo expressio, & consideratio, ut quid de eo sit sentiendum decernatur, sicut de propositis decretum est.*

*Observationes in superius Documentum pro controversiis præsentibus circa usuram.*

**C**Asus, qui proponitur, idem omnino est, ac qui nunc quoque apud nostros homines in praxi re ipsa contingit. Porro in Apostolico rescripto contractus *usurarius* esse definitur, ut *illicitus* definatur, adeo ut idem sit ex Apostolicæ Sedis locutione, & sententia *usurarium* dicere, ac *illicitum* dicere. Hinc quidem in subjectis verbis hic casus *jure divino, ac naturali prohibitus* affirmatur, quod *illicitum* significat; & expressius in fine: *Nemini hujusmodi contractum celebrare, luernique ex illo acquirere, aut retinere licet.* Itaque usuram per se illicitam Romana Sedes judicavit: alias enim *usurarium* pro illicito nec dici, nec intelligi posset. Nullam ergo usuram existimavit licitam, etiam si moderata sit, & ad legum, vel consuetudinum normam exacta. Enimvero de usura quinque Florenorum in centum, quæ moderata usura haberi solet, & legibus, consuetudinibusque Germaniæ probatur, contractus propositus agit; & ratio ejus lucri vindicandi ab ipsis præferti legibus, & consuetudine petita cognoscitur; nec tamen Apostolica Sedes harum rerum rationem habendam putavit, sicut nec bonæ contrahentium intentionis, aut necessitatis eorum, qui pecunias collocant: hæc enim causæ, quæ ab ejus lucri patronis fuerunt allatæ, in Apostolico decreto veluti inanissimæ reselluntur. Videant nunc quam inutiliter laborent ii, qui paribus argumentis usuram, aut usurarios contractus defendere student; nec

eos rigoris accusent, qui ejusmodi argumentis nequaquam acquiescunt. Pudeat potius se in his insillere, quæ non a privatis Theologis, non a *communi* solum ejus ætatis Patrum, ut Nuntius testatus est, *sententia*, sed ab ipsa Sede Apostolica repudiata fuere.

*Usurarium* porro contractum, definivit Gregorius hac unica ratione: *Neque enim ad aliam speciem, quam mutui, eum conventione lucri ex eodem mutuo accepti, reduci potest.* Duo in his verbis notanda. Primo contractum non solum declarari *mutuum*, sed *ad aliam speciem, quam mutui reduci non posse.* In contractu proposito nulla mutui mentio facta fuit. Solum pecunia ad lucrum tradita exprimitur, cum restitutionis post aliquod tempus obligatione. Hunc autem contractum esse *mutuum*, nec aliud quam *mutuum*, esse posse, Romana Sedes agnovit, & definivit. Quam igitur perperam illi opinantur, qui vel *mutuum* negant, ubi lucrum intenditur; vel alium pro *mutuo* contractum saltem *implicitum* supponunt, & imaginantur. Hisne magis, quam Apostolicæ Sedi credendum erit? Hinc etiam cognoscitur, quam longe a veritate illi aberrant, qui *mutuum* in pecunia tantum pauperibus credita collocant. De pauperibus sane nihil dicitur in contractu propositio; immo & divites, aut mercatores factis involvuntur, cum pecunia cuivis tradita fertur, ita ut nonnullis etiam fructificet; & nihilominus traditio pecuniæ tam generalis *mutuum usurarium* esse, nec aliud esse posse, generatim nulla exceptione, ac distinctione declaratur. Recentia patronorum usuræ commenta hæc sunt, quæ

quæ nec Romanæ Sedj, nec ulli catholico probabuntur. Secundo maxime observandum in allatis Pontificis verbis illud est, quod in *conventionem lucri ex eodem mutuo accepti* usuram collocat, ut Theologorum definitio est. Hanc ergo mutui definitionem a Theologis allatam *lucrum ex mutuo* qui irrident, videant quid faciant. Non meros Theologos, sed ipsam Apostolicam Sedem irrideant necesse est. Hujus autem definitionis vindicias libro I. c. 1. pluribus expositas invenies. Non vera aliqua ratio, quæ suadeat, sed sola cupiditas, ne verum esset, quod ipsorum sententiæ adversatur, homines ad definitionem exploratissimam irridendam, ac inficiendam adduxit.

Notandum præterea, quod *lucrum* ejusmodi usurarium retineri non posse, ac proinde restituendum deernitur. Hoc de solo injusto lucro verum esse potest. Injustum ergo Apostolica Sedes judicavit usurarium quodlibet lucrum, etiam moderatum, de quo hic unice sermo est, idque etiam si legum, atque consuetudinum probatione firmetur. Quod autem injustum est, non e solis pauperibus, sed e divitibus etiam perceptum est injustum: justitia enim inter divites, & pauperes nequaquam discernit. Igitur Apostolicæ Sedis judicio usurarium quodlibet lucrum, sive e pauperibus, sive e divitibus exigatur, injustum, & illicitum est, nec nisi per summam novitatem usurarum patroni solum moderatum lucrum, exactum a pauperibus damnum dicitur.

Quod si quis in illud damnationis causam referat, quod contractus sine periculo propositus fuit; is, quæso, consideret, sermonem ibidem esse de periculo juris, quod ex *visipsum contractus mutui* semper abest: semper enim in quolibet mutuo, sive fructu fiet ex pecunia debitor, sive non fructificet, aut damnum patia-

tur, & impotens solvendo sit; semper, inquam, *vis contractus* ipsius creditor *jus habet ab eo exigendi* &c. jus autem *exigendi* omni mutuo communè juris periculum adimit, non autem periculum facti, quod in tradenda *cujusvis conditionis hominibus* pecunia, ut casus præfert, saltem alicubi debet insurgere, ut vel hac ratione contractus propositus generatim non potuisset damnari, si facti periculum justus lucrandi titulus a Romana Sede habitus fuisset.

Tandem animadvertenda Summi Pontificis cautio in postremis verbis, quibus cum de proposito contractu certum decretum latum affirmat; tum alios contractus, si qui alia forma, & modo a Germanis celebrentur, hoc decreto nec damnatos, nec probatos declarat, quoad in peculiare examen adducantur. Id ea de causa additum videatur, ne quis forte alios contractus, qui vel in Germaniam inducebantur, vel Romæ etiam eo anno a nonnullis Theologis hac occasione fuere expensi, & vindicati, hoc decreto intactos vident, approbatos putaret.

Nihil interim hoc documento illustrius ad præsentem usurarium controversiam illustrandam afferri potest. Omnia autem coherent (ut pluribus ostendere possem) cum aliis Romanæ Sedis decretis, ac Traditione, a qua ejusdem Sedis Pontifices, pro quorum fide Christus oravit, nequaquam declinare queunt. Quidquid ab hac Apostolica doctrina, ac Traditione discrepat, novitati, & errori deputandum est. Nunc quid restat, nisi ut Pontificium illud præceptum in praxi sequentes: *Mandatis, ut hac ipsa forma servetur, nec ulla ratione ab ea difcedatur; sic enim saluti providebitur*, his qui forte contraria docere non vereantur, obtrudamus illud Augustini: *Inde, rescripta venerunt: causa finita est; utinam error aliquando finiatur*.

I A U S D E O.







5408

XII  
642